



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



61
MARCOS
y
FRANCISCO VINALS
MADRID

H. 25. 2
GVILIELMI HARVEII

OPERA OMNIA:

A COLLEGIO

MEDICORVM LONDINENSI

EDITA:

MDCCLXVI.

COLLEGIVM MEDICORVM LONDINENSE
LECTORI S.

CVM jamdiu, apud eos qui medicinae et rerum naturalium studia persequuntur, indignum quiddam merito habitum sit, GVILIELMI HARVEII libros, quibus cordis usum et sanguinis motum primus ille declaravit, in tanto silentio tam depravatos jacere; ad nos potissimum eam curam pertinere censuimus, ut omnia ejus opera decentiori cultu in manus tuas traderentur. In primis itaque editionem Francofurtensem exercitationis de motu cordis et sanguinis, quae anno MDCXXVIII, Cantabrigiensem autem duarum defensionum contra Riolanum, quae anno MDCXLIX vulgata est, diligenter perlegimus; quippe quae solae HARVEII auctoritatem prae se ferunt: tum eadem cum aliis editionibus praecipuis comparavimus. Qua ratione, ex innumeris, quibus illae principes scatent, erratis typographicis, ipsa auctoris verba eliciuisse visi sumus; levissima, ubi id necessarium erat, facta mutatione, vel sola verborum interpunctione nova. Simul vero priorum editorum immoderatam cognovimus fingendi licentiam: inter quos eminet Joannes Antonides Vanderlinden, vanitate atque audacia prope incredibili. Caeterum quae de generatione animalium scripsit HARVEIVS, et quae Londini anno MDCLI edita sunt, nullius istiusmodi opis indigebant: ea enim accurate sane administraverat Georgius Ent, eleganti eruditione vir, et HARVEII apprime studiosus. In hac igitur parte, nihil aliud a nobis curandum erat, nisi ut editionem illam Londinensem repraesentaremus. Huic proxima accedit, e Joannis Betti de ortu et natura sanguinis libro, Thomae Parri anatomia: quam subsequuntur HARVEII epistolae. Harum una quidem a Joanne Daniele Horstio in epistolarum medicinalium decade, altera
autem

PRAEFATIO.

autem a Georgio Richtero inter epistolas selectiores, olim vulgata est: reliquae vero, quae auctore suo perdignae sunt, nunc primum in publicum prodeunt, ex autographo Georgii Ent expressae. Quod editioni nostrae decus singulare liberali animo impertiit Franciscus Pigott, ex academia Oxoniensi medicinae doctor.

HARVEII autem operibus novam vitae ipsius descriptionem praefiximus: e qua fore speramus ut perspicue intelligas qualis vir ille fuerit, et quantis in genus humanum meritis. Huic vero libri particulae reconditum quoddam nec injucundum ornamentum addere licuit per benevolentiam reverendi viri Osmundi Beavoir, qui scholae regiae Cantuariensi praeest. Ille enim diplomate archetypo nos donavit, quo academia Patavina doctoratus gradum in HARVEIVM aliquando contulit. Ex hoc diplomate, quanta fieri potuit similitudine, effingi curavimus illustrium virorum nomina qui indolis et virtutis testimonium HARVEIO tunc tribuerunt. Indices denique satis copiosos ad editionem nostram accommodavimus. Vale. Ex aedibus nostris: v Cal. Mart. MDCCLXVI.

INDEX

ARGVMENTA CAPITVM.

PRAEFATIO.	Pag.
HARVEII VITA.	i
EXERCITATIO DE MOTV CORDIS ET SANGVINIS.	I
DEDICATIO CAROLO REGI.	3
PRAESIDI ET COLLEGIO MEDICORVM LONDINENSI.	5
PROOEMIUM.	9
CAPVT I. <i>Causae quibus ad scribendum auctor permotus fuerit.</i>	21
II. <i>Ex vivorum dissectione, qualis sit cordis motus.</i>	22
III. <i>Arteriarum motus qualis, ex vivorum dissectione.</i>	25
IV. <i>Motus cordis et auricularum qualis, ex vivorum dissectione.</i>	28
V. <i>Cordis motus, actio, et functio.</i>	33
VI. <i>Quibus viis sanguis, e vena cava in arterias, vel e dextro ventriculo cordis in sinistrum deferatur.</i>	37
VII. <i>Sanguinem de dextro ventriculo cordis per pulmonum parenchyma permeare in arteriam venosam et sinistrum ventriculum.</i>	42
VIII. <i>De copia sanguinis transeuntis per cor e venis in arterias, et de circulari motu sanguinis.</i>	47
IX. <i>Esse sanguinis circuitum, ex primo supposito confirmatum.</i>	50
X. <i>Primum suppositum, de copia pertranseuntis sanguinis e venis in arterias, et esse sanguinis circuitum, ab objectionibus vindicatur; et experimentis ulterius confirmatur.</i>	54
XI. <i>Secundum suppositum confirmatur.</i>	56
XII. <i>Esse sanguinis circuitum, ex secundo supposito confirmato.</i>	62
XIII. <i>Tertium suppositum confirmatur; et esse sanguinis circuitum, ex tertio supposito.</i>	64
XIV. <i>Conclusio demonstrationis de sanguinis circuitu.</i>	69
XV. <i>Sanguinis circuitus rationibus verisimilibus confirmatur.</i>	ibid.
XVI. <i>Sanguinis circuitus ex consequentibus probatur.</i>	72
XVII. <i>Confirmatur sanguinis motus et circuitus, ex apparentibus in corde, et ex iis quae ex dissectione anatomica patent.</i>	77
EXERCITATIONES DVAE ANATOMICAE.	
DE CIRCVLATIONE SANGVINIS:	
AD JOANNEM RIOLANVM FILIVM,	
PARISIENSEM.	
EXERCITATIO PRIMA.	91
EXERCITATIO ALTERA,	
<i>In qua multae contra circuitum sanguinis objectiones refelluntur.</i>	109
EXER-	

ARGVMENTA CAPITVM.

EXERCITATIONES DE GENERATIONE ANIMALIVM:

QVIBVS ACCEDVNT QVAEDAM

DE PARTV, DE MEMBRANIS AC HVMORIBVS VTERI; ET DE CONCEPTIONE.

DEDICATIO.	161
PRAEFATIO.	167
<i>De modo et ordine acquirendae cognitionis.</i>	169
<i>De iisdem ad mentem Aristotelis.</i>	173
<i>De methodo in cognitione generationis adhibenda.</i>	177

DE GENERATIONE ANIMALIVM

EXERCITATIO I.

Ab ovo gallinaceo cur ducatur exordium.

	181
II. <i>De generationis loco.</i>	183
III. <i>De uteri gallinae parte superiore, sive ovario.</i>	184
IV. <i>De infundibulo.</i>	191
V. <i>De gallinae uteri parte exteriori.</i>	192
VI. <i>De gallinae vulva.</i>	202
VII. <i>De gallinae, aliarumque avium ventre.</i>	207
VIII. <i>De reliquarum uteri partium, in gallina, situ, et fabrica.</i>	210
IX. <i>De generatione ovi.</i>	214
X. <i>De ovi incremento, et exitu.</i>	215
XI. <i>De ovi cortice.</i>	217
XII. <i>De reliquis ovi partibus.</i>	225
XIII. <i>De ovorum differentiis.</i>	229
XIV. <i>De generatione foetus ex ovo gallinaceo.</i>	239
XV. <i>Prima ovi inspectio: sive, quid primus incubationis dies in ovo produxerit.</i>	242
XVI. <i>Secunda ovi inspectio.</i>	245
XVII. <i>Tertia ovi inspectio.</i>	248
XVIII. <i>Quarta ovi inspectio.</i>	257
XIX. <i>Quinta ovi inspectio.</i>	266
XX. <i>Inspectio sexta.</i>	270
XXI. <i>Inspectio post diem decimum.</i>	271
XXII. <i>Inspectio post diem decimum quartum.</i>	274
XXIII. <i>De pulli exclusione; sive partu ex ovo.</i>	278
XXIV. <i>De ovis gemellificis.</i>	282

EXERCITATIO XXV.

Porismata quaedam ex praedicta ovi historia desumpta.

XXVI. <i>Quid sit ovum.</i>	284
XXVII. <i>Ovum non esse opus uteri, sed animae.</i>	285
XXVIII. <i>Ovum non fieri absque gallina.</i>	294
XXIX.	299

ARGVMENTA CAPITVLM

XXIX. <i>Quomodo ovum perfectum et foecundum fiat a mare et foemina, secundum Aristotelem.</i>	302
XXX. <i>Disquisitionis bujus, de foecunditate, utilitas.</i>	306
XXXI. <i>Ovum non eo modo a gallo et gallina provenire, quo voluit Aristoteles.</i>	308
XXXII. <i>Neque eo modo, quo medici arbitrantur.</i>	309
XXXIII. <i>Marem, et foeminam, pariter efficientes esse generationis.</i>	310
XXXIV. <i>De ovi materia, contra medicos et Aristotelicos.</i>	313
XXXV. <i>Quatenus gallina sit efficiens in generatione ovi, ex sententia Aristotelis: et cur maris auxilio opus sit.</i>	316
XXXVI. <i>Ovum gallinaceum perfectum est bicolor.</i>	318
XXXVII. <i>Quomodo ovum albumine augeatur.</i>	321
XXXVIII. <i>Quid gallus et gallina generando ovo conferant.</i>	323
XXXIX. <i>De gallo quaedam notatu digna.</i>	325
XL. <i>De gallina.</i>	328
XLI. <i>Quomodo gallina dicatur efficiens primum: deque ejus partu.</i>	334
XLII. <i>Quomodo fiat generatio pulli ex ovo.</i>	339
XLIII. <i>Quot modis pullus ex ovo fieri dicatur.</i>	340
XLIV. <i>Fallitur Fabricius circa materiam generationis pulli in ovo.</i>	343
XLV. <i>Quaenam sit pulli materia, et quomodo fiat in ovo.</i>	349
XLVI. <i>De causa efficiente generationis pulli et foetus.</i>	356
XLVII. <i>Efficiens causa pulli quomodo operatur secundum Aristotelem.</i>	360
XLVIII. <i>Sententia Fabricii, de causa pulli efficiente, refellitur.</i>	366
XLIX. <i>Causa pulli efficiens inquisitu ardua.</i>	370
I. <i>Quae sit animalium causa efficiens, ejusque conditiones.</i>	376
II. <i>De generationis ordine: et primum, de particula genitali prima.</i>	388
LII. <i>De sanguine, prout est pars principalis.</i>	395
LIII. <i>Quaenam colligenda veniant ex ductu venarum umbilicalium in ovo.</i>	409
LIV. <i>De ordine partium in generatione ex ovo, secundum Fabricium.</i>	414
LV. <i>De ordine partium in generatione, ex sententia Aristotelis.</i>	424
LVI. <i>De ordine partium in generatione, ut ex observationibus constat.</i>	432
LVII. <i>Paradoxa quaedam et problemata circa hanc rem pensanda.</i>	445
EXERCITATIO LVIII.	
<i>De nutritione pulli in ovo.</i>	453
LIX. <i>De totius ovi utilitatibus.</i>	461
LX. <i>De vitelli et albuminum utilitatibus.</i>	463
LXI. <i>De caeterarum ovi partium utilitatibus.</i>	473
LXII. <i>Ovum esse primumdum commune omnibus animalibus.</i>	476
EXERCITATIO LXIII.	
<i>De generatione viviparorum.</i>	481
LXIV. <i>Historia generationis cervarum et damarum, ceu reliquorum viviparorum exemplar ponitur: factique ratio redditur.</i>	486
LXV. <i>De cervarum et damarum utero.</i>	487
LXVI. <i>De cervarum et damarum coitu.</i>	494
LXVII.	

ARGVMENTA CAPITVM.

LXVII. <i>De constitutione sive immutatione uteri cervorum et damarum mense Septembri.</i>	496
LXVIII. <i>Quid iis eveniat mense Octobri.</i>	498
LXIX. <i>Quid in utero damarum contingat mense Novembri.</i>	502
LXX. <i>Conceptus cervorum et damarum ut se habeat mense Decembri.</i>	513
LXXI. <i>De calido innato.</i>	523
LXXII. <i>De humido primigenio.</i>	534

EXERCITATIONES ADDITAE.

DE PARTV.	541
DE VTERI MEMBRANIS ET HUMORIBVS.	570
DE HUMORIBVS.	574
DE MEMBRANIS.	579
DE PLACENTA.	582
DE ACETABVLIS.	585
DE VMBILICO.	586
DE CONCEPTIONE.	592

ANATOMIA THOMAE PARRI.

GVILIELMI HARVEII EPISTOLAE.

I. PAVLO MARQVARTO SLEGELIO, HAMBVRGENSI.	613
II. EXCELLENTISSIMO VIRO JOANNI NARDIO: FLORENTIAM.	619
III. RESPONSORIA MORISONO, M.D. PARISIIS.	620
IV. EXCELLENTISSIMO ET ERVDITISSIMO VIRO, D.D. JOANNI NARDIO: FLORENTIAM.	627
V. JOANNI DANIELI HORSTIO, ARCHIATRO HASSIENSI: DARMSTADIVM.	629
VI. CLARISSIMO ATQVE ORNATISSIMO VIRO, D. JOANNI DANIELI HORSTIO, ARCHIATRO HASSIENSI: DARMSTADIVM.	630
VII. VIRTUTE, MORIBVS, ATQVE ERVDITIONE PRAESTANTISSIMO D.D. JOANNI NARDIO: FLORENTIAM.	633
VIII. CLARISSIMO ATQVE ORNATISSIMO VIRO D. JOANNI VLACKVELD, MEDICO EXPERIENTISSIMO: HARLEMVM.	634
IX. CASPARO HOFFMANNO.	635
DIPLOMA PATAVINVM HARVEIO CONCESSVM.	637

HARVEII

GVILIELMI HARVEII VITA.

NATURAE nostrae id quidem conjunctissimum est, ut de genere, ingenio, atque fortunis eorum, qui aut rebus publicis gestis, aut artibus excultis humano generi benefecerunt, minutissima quaeque scire cupiamus; sive quod caritate quadam atque benevolentia devincti iis, qui de nobis bene meruere, eorum nihil a nobis alienum putemus; sive quod in hac re commodum suum quisque respiciat. Cum enim ex clarissimorum virorum vitis discamus, quid naturae, quid fortunae, quid virtuti denique eorum tribuendum sit: ex iisdem etiam discimus, quid nobismet ipsis sperare liceat, quibusque rationibus id quod speremus consequamur.

Vt igitur, quantum par est, huic cupiditati obsequamur, qua eo magis tenetur quis, quo magis ingenio atque benevolentia praestit; et quae ideo forsan animis nostris insita est, ut memoria optimi cujusque quam maxime longa conservetur: nempe, ut hominum excellentium meritis perpetim mentibus nostris repraesentatis, eorumque laudibus aures nostras perfonantibus, virtutis amore percellamur; de HARVEII vita quaecunque memoratu et fide digna ad nos pervenerunt exponere visum est.

Ortus est HARVEIUS majoribus ingenuis in agro Cantiano. Patrem habuit Thomam, qui annum aetatis viceesimum septimum agens uxorem duxit Joannam Halke, ex qua filios septem, filias duas suscepit. Filiorum, GVILIELMVS cujus ἀπομνημονεύματα tradituri sumus, maximus natu fuit. Ex reliquis filiis quinque mercaturam exercuerunt, non tenuem et fordidam, qua nihil proficitur sine vanitate, sed magnam et copiosam: nam multis e regionibus Turcicis importatis, multis vicissim

in terras exteras invec̃tis, et publicis commodis infervierunt, et rem amplam sibi finguli compararunt. De caeterorum liberorum vitis atque fortunis nihil certi accepimus.

At GVILIELMVS non sine numinis sup̃remi in genus humanum insigni benevolentia literarum studiis admotus, grammaticae principia in schola Cantuariensi didicit. Inde in collegium Caio-Gonvillense apud Cantabrigienses concessit, et in numerum pensionariorum (eorum scilicet, qui propriis facultatibus, non fundatoris eleemosyna sustentati, victus pretium collegio pendunt) sub tutela Georgii Estii artium magistri, et ejusdem collegii focii annum agens decimum sextum receptus est. Natus enim HARVEIVS Folkstoniae primo Aprilis die, anno post natum Christum MDLXXVIII, in Caio-Gonvillense collegium die ultimo Maii, anno MDXCIII, admissus est.

Postquam annos sex Cantabrigiae in dialectices et physices studio posuisset, qui enim has artes perceperit aptior et paratior ad medicinam accedit, peregrinatus est, atque Patavium adiit, ut Fabricium ab Aquapendente, de re anatomica, Minadour, de medicina pharmaceutica, Casserium, de chirurgica differentem audiret: ibi academiae auctoritate doctor medicinae factus annos natus quatuor et viginti in patriam revertitur.

Anno aetatis tricesimo in collegium medicorum Londinense cooptatus est: et mox a praefide et curatoribus nosocomii divo Bartholomaeo dedicati Londini decernitur, ut HARVEIVS in loco Wilkinsoni, qui tunc temporis pauperum curationibus, hospitio illius nosocomii exceptorum praeerat, sufficeretur, quamprimum Wilkinsonus fato concessisset; annoque insequente post paucos dies quam Wilkinsonus e vita migraverat provinciam sibi destinatam suscepit.

Quarto Augusti die anno post Christum natum MDCXV. a collegio medicorum munus HARVEIO datum est, ut anatomiam et chirurgicam ex instituto Lumleii atque Caldwelli exponeret.

Hac

Hac occasione amplissima sententiam suam de cordis usu sanguinisque motu primum publice proposuisse HARVEIVM est verisimile. Nam in commentario quodam anatomico sub id tempus ipsius manu scripto theoremata praecipua, quibus ea continetur, habemus expressa. At in primis praelectionibus, quae de hoc argumento persuasa habuit, simpliciter exposuit, sive, ut ipse loquitur, aperuit: eadem postea penitus perspecta, diligentissime agitata et excussa, rationibus munita, experimentis confirmata oculis collegii saepe subiecisse ipsum auctorem habemus. Quae cum collegiarum censurae ita permixta magno doctissimorum consensu approbata vidisset, *Exercitationem anatomicam de cordis et sanguinis motu*, typis Francofurtensibus excudendam commisit, ea fortasse mente atque consilio, ut nundinis Francofurtensibus liber venalis proflaret, atque inde quamprimum per Europam deferretur. De quo libello, sive argumenti dignitatem, sive vim rationum, quibus HARVEIVS sententiam suam tuetur, sive rerum ordinem lucidum, et partium aptam collocationem spectemus, id quidem vere praedicemus, nihil in eorum scriptis, qui naturam animalium exponere aggressi sunt, huic par aut simile prolatum esse.

In operis principio, ut aedificandi artifices periti locum in quo aedificaturi sunt, ante domus fundamenta jacta, si asper et inaequalis sit complanant, si vepribus et dumetis cooperiatur, stirpibus succis et evulsis, purgant atque aperiunt; ita HARVEIVS superiorum commenta de usu cordis et arteriarum certissimis argumentis refellit, et veteres avias ex pulmonibus medicorum revellit, antequam de his rebus ipse quid proponit aut constituit.

Loco praemunito, rem aggreditur. Cordis motus, quos in aperto vivi animalis pectore oculis atque tactu experimur, quales sint exponit. Cor nempe moveri filorum ejus tensione quadam, cujusmodi est musculorum dum contrahuntur, docet: auriculas, quarum motu sanguis in ventriculos impellitur, pri-

ores contrahi; deinde continuo ventriculos; his autem contractis sanguinem in arterias porro promoveri; in auriculas enim regressum situs atque nexus valvularum prohibent.

Cum vero crebris ventriculorum contractionibus, plus sanguinis in arterias singulis horis propellatur quam ab alimento ingesto venis suggeri possit, quod facta supputatione patet, nec aliunde, nisi a venis sanguis in arterias derivari queat; profecto sequitur, aut venas brevi exinanitas, arterias contra in horas magis magisque distentas fore, quod profecto non fit; aut sanguinem per caecos quosdam meatus, five carnis poros, five anastomoses venarum et arteriarum mutuas, ex arteriis in venas redire. Id autem quemadmodum in pulmone fieri possit, et idem re vera fieri ostendit.

Praeterea, cum plus sanguinis arteriarum ductu in singulas partes corporis a corde immittatur quam iisdem alendis sufficiat; quod superest reddi venis, ne scilicet exiniantur, exinde colligit, quod sanguis in venis deficit, si arteria magna vinculo confringatur. Venam cavam contra miris modis distentam continuo conspiciet, quisquis eam, qua parte cum auricula dextra committitur, constrinxerit. Sanguinem denique a venis minimis in truncos earundem promoveri, et in cor earum ductu referri, situm atque nexum valvularum contemplanti patet.

Haec omnia ex effectu atque fine spectatis HARVEIUS confirmat. Motu siquidem sanguinis alimentum in omnes corporis partes digeritur, sanguinis vis vitalis conservatur, et calor in omnes artus diffunditur. Quinetiam hoc principio instructus, quasi Ariadnes filo accepto, obscuros pathologiae et semeiotices locos sine errore peragrat. Expósito siquidem sanguinis circuitu facile intelligere nos posse monet, qua ratione contagium per artus animalium statim eat; qua ratione venenum cuti admotum mox intus in praecordiis saeviat; cur in febris intermittens accessione spirandi difficultas adfit; et pulsu debili et inordi-

nato

HARVEII VITA.

nato arteriae moveantur; frigus praeterea totum corpus oberret calore, febre, motu arteriarum vehemente mox insequentibus; quanam etiam mortis eorum, qui in febris principio moriuntur, proxima causa fit.

Nec laudibus nimis efferri posse putamus ea, quae in operis fine de varia fabrica cordis in vario animalium genere disputat: de causis scilicet, cur in animalibus frigidis, maxime in iis, quae pulmone carent, cor unum tantum habeat ventriculum, in caeteris vero duos; cur in homine adulto auricula dextra fit sinistra debilior, ventriculus autem dexter a sinistro robore vincatur; et cur eandem roboris rationem et analogiam, quae inter ventriculos est, arteria pulmonis et aorta inter se habeant. Haec omnia maximi ad vitam et sanitatem momenti, tanta ingenii perspicacitate inventa, tantis rationum ponderibus stabilita HARVEIO locum inter physicorum principes merito et jure vindicant.

Sed nemo vir magnus unquam fuit, quem nulla aequalium preffert invidia. Queritur HARVEIUS in operis principio, ea, quae de sanguinis motu, atque corde in scholis proposuisset, malevolos in partem sinistram accepisse; seque eo consilio sententiam suam typis mandatam omnium oculis subiecisse, ut quid de hac re opinaretur constaret, quo quisque de eo aequum iudicium ferre posset. Nec tamen quod speraret consequutus est. Ab HARVEII enim familiari quodam habemus^a memoratum se illi adfuisse querenti, quod multo rarius solito ad aegros invendos accersitus esset, postquam librum de motu cordis ediderat. Tantum in maximum ingenium obscura obtrectatorum potuit industria. Id autem satis feliciter HARVEIO cessit, quod statim ex adversariorum libris, in quibus omnia, quae aut veterum dogmata vacillantia, aut sua deliramenta stabilire et con-

^a In libro manuscripto in bibliotheca *county of Wilts, &c. by Mr. John Aubrey,* regiae societatis Londinensis asservato, cui R. S. S. 1685. titulus, *Memoirs of several remarks in the*

firmare,

firmare, omnia quae HARVEII sententiam labefactare et evertere posse videbantur, summa diligentia congeſta et propoſita fuiſſent; conſtabat quam levia et nullius momenti eſſent, quaecunque a doctiſſimis circulationi ſanguinis oppoſiti poſſent.

Anno ſecundo poſt HARVEII librum editum, Primiroſius Galeni ſententiam de cordis et arteriarum motu tuendam ſuſcepit. Fuit autem Primiroſius genere Scotus, natione Gallus, Riolani diſcipulus: ad gradum doctoris medicinae a Monſpelienſibus evectus, et poſtea in coetum doctorum Oxonienſium cooptatus. Libellum, quem contra HARVEIVM edidit, ſe *γυμνασιάρχης*, ingenii ſcilicet exercendi cauſa, ſcripſiſſe profitetur. Pro Galeno et veteribus multa quidem ſatis ſubtiliter dilucideque diſputat: eorumque decreta, quoquomodo poteſt, ad rationem atque cauſam eorum motuum, quibus cor et arteriae agitantur, exponendam accommodat. Vires autem corporum mechanicas, qua lege nimirum corpus a corpore impellatur; qua lege motum intendi, remitti, fiſti neceſſe ſit, prorsus nescire videtur. Qualitates igitur corporis expertes facultatem agendi habere contendit: vires cum Galeno fingit, quibus quaelibet corporis animalis particula ad ſe trahat alimentum, quocunque egeat, etiam ſine instrumentis, aut apparatu apto; naturaeque vitali iudicium tribuit, quo ſibi convenientia a contrariis, non internoscat ſolum, verum etiam ſecernat, atque ſecreta corpori apponat, non quidem instrumento uſa, ſed quaſi nutu voluntatis. Non ideo mirandum eſſe dicit, ſi eodem tempore in eodem vaſe humor alius in aliam partem rapiatur; nimirum ſi ſanguis in venis meſaraei verſus inteſtina, fucus vero alibilis ex inteſtinis, viis iſdem ad hepar trahatur. In HARVEIO impugnando Galeni decretis quaſi permiſſis utitur: praeterea, res ipſas, eas nimirum quae experimentis comprobantur, aut praefraſte negat, aut obtorto collo in ſuas partes rapit. Tela haec levia ab hoſte imbelli coniecta riſit quidem HARVEIVS, nec dignum cui reſponderetur Primiroſium habuit.

Post

Post quatuor annos Aemylius Parisanus, medicus Venetus, exercitationum suarum de subtilitate partem secundam emisit, in qua sententiam HARVEII de sanguinis motu magno molimine refellere conatus est: homo verborum longis ambagibus et loquacitate copiosa odiosus, sententiis in sententias interjectis, et rerum ordine perturbato obscurus, sermone barbarus et luttulentus.

Parisanus quidem in prima parte exercitationum, quam ante multos annos typis mandarat quam HARVEIVS sententiam suam cum eruditis publice communicaverat, lienem sanguini conficiendo, et alimento cordi sufficiendo praeposuerat: scriniis Francisci Vlmi, et Caroli Pisonis compilatis, ita tamen ut adjectis suis deliramentis eorum sententiam depravasse potius quam correxisse videatur. Cum autem haec omnia, circulatione sanguinis comprobata, ruitura praevidisset, quoquomodo potuit, Harveium opprimere aggressus est, non quidem rationum momentis, sed veterum medicorum et philosophorum auctoritatibus, sententiisque saepe pugnantibus et ipsi Parisano adversis.

Talem adversarium Parisanum HARVEIVS habuit, cui responsum dare certe fuit difficile; non quidem quod gravibus rationibus aut sententiam suam tueatur, aut HARVEIVM redarguat, sed quod ob tortuosum atque involutum scribendi genus, mentem ejus vix assequi possimus: discussa vero verborum caligine, qua veluti sepia effuso atramento involvitur, nihil nisi vanum et futile protulisseprehenditur.

Sententiae Harveianae defensionem contra Parisanum suscepit Georgius Entius, collegii medicorum Londinensis socius, et cum Harveio amicitia conjunctissimus. Natus autem est Entius Sabulovici^a in agro Cantiano; patrem habuit Josiam, generosum mercatorem Belgam, unum eorum, qui saeviente in

^a Sandwich.

protestantes Ferdinando duce Albano, quem Philippus Hispaniae rex Belgio praefecerat, relictis patriis sedibus in Angliam confugissent. Entius autem a pueritia literis elegantioribus imbutus, adolescens Cantabrigiam adiit, ibidemque in ordinem magistrorum in artibus receptus, in Italiam proficiscitur, Pataviumque concessit. A nullis enim aut diligentius aut luculentius quam a magistris Patavinis artem medicam tradi tum temporis fama erat. Patavii quinque annos commoratus atque in ordinem doctorum medicinae receptus in Angliam revertitur, et apud Oxonienfes eidem ordini adscriptus est. In collegium medicorum Londinense paulo post admissus ita se gessit, ut omnes homines mores ejus amabiles diligerent, ingenium admirarentur. In censores collegii, penes quos iudicium de medicinam facientibus, atque de medicamentis leges nostrae esse volunt, saepe cooptatus est: quae magna significatio fuit qualem doctrina et moribus collegae Entium experti essent. Regestarii in eodem collegio munere quindecim annos ita functus est, ut nullius diligentia in actis collegii annalium libro inscribendis magis spectata fuerit, omnes antecessores sermonis elegantia facile superaverit. Exponendae anatomiae praefectus de corporis humani fabrica multa cum laude disseruit, adeo ut ejusdem praelectioni cuidam rex Carolus secundus interesse non dedignatus Entium, postquam perorasset, equestri dignitate decoraverit, doctum et eloquentem virum quanti faceret notum esse cupiens. Entio postea, cum omnium electorum suffragiis collegio medicorum Londinensi praefectus esset, singulis annis exeuntibus in alterum annum prorogata est auctoritas, donec tandem post sex annos, senectutem atque valetudinem causatus, ut collegii habenas diutius moderaretur exorari noluit. Post exutam collegii praefecturam in otio jucundissimo annos quatuordecim vixit, studiisque literarum ad extremum vitae tempus senectutem suam oblectavit. Obiit autem mortem die mensis

Octobris decimo tertio, anno salutis nostrae MDCLXXXIX, cum annos fere sex supra octoginta vixisset.

In apologia pro sanguinis circulatione, breviter atque dilucide, multo sale multisque facetiis inspersis, ostendit quantulum virium haberet, quidquid tanto hiato in HARVEIVM Parisanus effudisset. Nihil certe tam dissimile quam Entius Parisano; non igitur mirum, si hominem in physica omnino rudem doctus, si infantem eloquens, si pinguem et tardum acer et subtilis facile vicerit.

Praeter apologiam pro sanguinis circulatione, animadversiones in Thrustoni librum de respirationis usu primario edidit. Cum enim ea, quae de illo argumento disputaverant Entius et Thrustonus, hic omnium eruditorum iudicio subijci voluerat, ei morem Entius libenter gessit, et multa insuper reposuit, quibus Thrustonum sententiae suae confirmandae non satis fuisse convinceret. In illa disputatione quaestionem sine iracundia et pertinacia, ut inter aequos verique inveniendi cupidos, agitam habemus: et licet, quod summam rei spectat, Entium causam pejorem suscepisse confiteamur; id tamen profecto humanae est imbecillitatis, ut aegerrime opiniones, quibus adolescentes imbuti fuerimus, senescentes dediscamus; maxime de iis rebus, de quibus haud absurde in utramque partem disputari possit.

Praeter opera modo memorata, superest anatome ranae piscatricis.

Observationes etiam ponderis testudinis in autumnio terram subeuntis, cum ejusdem ex terra verno tempore exeuntis pondere comparati per plures annos repetitae.

Praelectiones etiam anatomicae manu scriptae, quae Oxonii in museo Ashmoleano asservantur.

Epistolae praeterea et orationes elegantes Entii ipsius manus scriptae penes Franciscum Pigottum medicinae doctorem Oxoniensem.

nienfem. Atque haec paulo quidem uberius quam argumenti nostri ratio postulare forsitan videatur, de Entio, verae physiologiae propugnatore, HARVEIIque amico conjunctissimo, haud ingrata lectori dixisse speramus.

Paucis annis post Entii apologiam editam, Joannes Riolanus filius, anatomicus et medicus celebris Parisiensis, enchiridion suum anatomicum dono dedit HARVEIO: in quo, five, quod prae se ferebat, ut medicinae veteri ruiturae succurreret; five ut inconstantiae crimen quoquomodo vitaret, siquidem HARVEII sententiae discrepantia de motu atque usu cordis in anthropologia sua protulerat; five postremo ut sententia insolenti et paradoxa a medicorum vulgo se fecerneret, mira quaedam de motu sanguinis commenta proposuit. Sanguinem quippe per vasa tantum majora circumduci voluit, aortam scilicet et venam cavam: minime tamen in regione secunda atque tertia ab arteriis in venas traditum in cor redire, at in particularum alimentum cedere. Secundam autem regionem vocat partes corporis internas, quae a propaginibus truncorum venae cavae et arteriae magnae, secundum Riolanum, alimentum habent: tertiam regionem partes musculosas. In caput autem sanguinem ductu arteriarum caroticarum deferri, harum vere propaginibus rete mirabile ad cerebri basin constitui dicit; ex rete autem mirabili arterias exortas in crassam meningem dispergi vult, atque sanguinem in sinum longitudinalem, ut inde ad cor referatur, ducere; sanguinem vero a venis majoribus in minores posse descendere, modo si hae casu quocunque exinanitae fuerint; in mesenterio nullum sanguinis esse circuitum; in vena autem portarum ejusdemque ramis per mesenterium sparsis sanguinem aestu reciproco moveri, et cum vasis coeliacis per anastomoses communicari; sanguinem e vena cava in cor fluentem sensim per septum ventriculorum commune in ventriculum sinistrum transmitti, nec per pulmonem deferri vult, nisi sanguinis

guinis motu violentiore, qualis in febribus ardentibus fit, impulsus.

Ad haec, licet eorum pleraque in libello de motu cordis occupavisset, comiter atque dilucide, ut virum ingenuum atque eruditum decet, respondit HARVEIUS, Riolanique somniis non vana atque ficta ingenii commenta, sed experimenta opponit: atque ex iis, quae ab ipso Riolano conceduntur, sanguinis circulationem in mesenterio fieri comprobat: nec posse sanguinem a venis in arterias per anastomoses regredi, propter impetum sanguinis a corde protrusi, quem reprimere non, nisi multo apparatu et molimine, possumus (id quod in sectis arteriis etiam minoribus patet), maxime cum in venis nulla vis infit, quae sanguinem irruentem repellere possit.

Id vero, quod HARVEIUS de Riolani anatome pathologica monuit, maxime medicorum interest. Non satis esse nimirum in morborum ratione exponenda, si quis vitia cuique corporis particulae propria indicaverit, nisi etiam quid in fabrica, magnitudine, nexu cujusque particulae a morbo mutatum sit, exposuerit, habita ratione partium vicinarum: atque adeo, licet in physiologia condenda, cadavera, quorum partes secundum naturam se habent, omnino secunda sint; in ratione tamen eorum, quae aegroti patimur, invenienda, viscera hominum morbis peremptorum esse inspicienda.

Tanta profecto opinionis cujuscunque qua sibi quis placuerit vis est, ut vanitati et pertinaciae vincendis ipsa veritas raro satis sit. Illis igitur, quae HARVEIUS sententiae suae tam exponendae quam confirmandae causa protulerat, suam rursus sententiam opponit Riolanus; iis scilicet, quae strictim atque breviter in enchiridio suo de sanguinis motu tractaverat, paulo fusius explicatis in epistola ad HARVEIUM data; nullo tamen experimento, nulla ratione ex sensu petita stabilitis: at contra, cum sanguinis a corde in arteriam magnam propulsi nullam partem

ab arteria coeliaca recipi contendat; cumque id sanguinis, quod in vasis mesenterii ex causa quacunque nimium existat, ductu arteriae splenicae in aortam deferri dicat; prorsus nescire videtur quibus legibus atque conditionibus liquores per fistularum angustias propellantur. Cum auriculam cordis sinistram in homine adulto non cavam, sed solidam atque immobilem affirmet; cum sanguinem per septum ventriculorum commune pertransire autumet; etiam in ea physices parte, quam diligenter et satis feliciter se excoluisse videri cupit, rudis et indoctus deprehenditur: ut omittamus ea, quae de arteriis crassae meningis profert, quas a rete mirabili ad basin cerebri contexto dimissas credit, a quibus etiam sanguinem ad cerebrum derivatum putat.

In epistola secunda ad Riolanum, HARVEIUS de natura sanguinis, tam ejus, qui in arteriis continetur a corde receptus, tam illius, qui ab omni parte corporis redux per venas cordi redditur, experimentis factis quaerit; eundemque natura humorem et per illas quaquaversum in corpus immitti, et harum ductu ad cor redire, statuit; nec sanguinem in corde accensum in molem majorem effervescendo distendi, aut rarefactum turgescere posse, demonstrat. Spiritus praeterea, de quibus tot mira, discrepantia, pugnantia protulerant physici et medici, a sanguine non posse separari; nec per spiritus aliam quamcunque rem intelligi, in physiologia, praeter sanguinem actuosum (hoc siquidem partes corporis omnes perfusae fovenitur, aluntur, conservantur): non igitur arterias pulsantes fluctuoso quocunque humore distendi, sed sanguinis, calidi quidem, non spumescantis, mole. Quod autem rei caput est, experimentis aptis confirmat sanguinem ex arteriis mesentericis in venam portarum redire; nec posse sanguinem e venis in arterias per anastomoses remeare.

Haec Riolanus in secunda sua epistola convellere conatur, non quidem rationibus rebus innixis, sed opinionum suarum commentis,

commentis, quae quasi ab HARVEIO concessa assumit. HARVEII vero experimentis dubitando occurrit, satis quidem rustice, cum causam cur his minus fidat nullam aliam habeat, quam quod ipse nondum experimenta illa fecerit. Hisce nihil HARVEIVS reposuit, nam contra pertinaciam frustra disputatur.

Fuerunt etiam alii, quibus HARVEII sententia minus placuit, cum hi vero, sicut illi, quos modo memoravimus, nihil, quo HARVEII experimenta impugnarent, nisi aut veteris scholae dogmata, aut sua insomnia vana, aut naturae quasdam obscuritates haberent; de iis quidquam dicere profecto supervacaneum videtur: non certe ea, quae de motu sanguinis demonstrasset, eam vim habere censuit HARVEIVS, ut iis expositis atque explicatis rationem et causas eorum omnium, quae in animalibus fiunt, continuo intelligi posse crederet: nec homo natura lenissimus cum umbris sibi dimicandum censuit.

Plempium quidem professorem Lovaniensem caeteris aequiorem adversarium habuit. Ille siquidem, experimentis in id factis, ut ostenderet sanguinem in orbem moveri nullo modo posse, seipsum suo iugulavit gladio: nam iisdem experimentis HARVEII sententiam confirmatam ex inopinato vidit, atque in ejusdem partes candidissime concessit.

Duo sunt quidem, ut nequid dissimulemus, quibus in ratione sanguinis circumferendi explicanda HARVEIVM defecisse dolemus. Vim enim arteriarum in humoribus propellendis minime sensit videtur. Arteriarum etiam minutarum cum venis conjunctionem primum pernegavit; eandem postea invitus agnovisse videtur, nec tamen rem penitus intellexisse.

Miramur quidem hominem, qui cordis systolen atque diastolen ita exposuisset, ut de illarum usu nihil vel dilucidius vel explicatius dici posset, et qui arteriarum pulsum nulli facultati a corde in easdem transmissae, sed moli sanguinis impulsu omnino tribuisset, paucissima de earum contractione protulisse; iisque robur

robur et membranarum craffitudinem insignem a natura datam credidisse, non ut momentum sanguini progressuro impertiretur, sed ut arteriae sanguinis a corde projecti violentiae sustinendae essent pares. Nam quod venarum et arteriarum conjunctionem mutuam inficiatus est, ea causa inficiatum esse credimus, quia id decretum habuit nihil in rebus anatomicis opinari, nec quidquam verum habere, nisi quod sensu perciperetur. Verebatur etiam fortasse, ne continuo sanguinis itinere ab arteriis in venas dato, eidem in arterias e venis regressuro porta daretur, quo HARVEII sententiae nihil magis contrarium esse potuit: eaque causa omni contentione nititur, ne sanguinem a minoribus venis in arteriarum minimarum fines retro ferri posse quis credat.

Invaluit indies HARVEII sententia, infirmatis atque fractis iis, quae in partem contrariam disputata essent: nec tamen laus integra auctori data est. At id profecto fato quodam constitutum videtur; ut de gloria eorum, qui de genere humano optime meriti sunt, malevoli aliquid detrahant. Prodierunt nempe obtretractores, qui mira ingenii perspicacitate sanguinem in orbem ferri ex scriptis Hippocraticis satis intellexerunt; quin et idem Aristotelem plane atque aperte docuisse contenderunt; Platonem etiam sanguinem σφόδρα περιφέρεισθαι asserentem produxerunt; quin et idem, obiter licet atque aliud agentem, docuisse voluerunt inter recentiores Servetum medicum Hispanum; remque plenius atque uberius a Columbo atque Caesalpino expositam atque confirmatam dixerunt. Acuti certe, qui id in scriptis Hippocraticis propositum intelligerent, quod Galeni, et omnium post Galenum interpretum diligentiam effugisset: felices certe Platonis interpretes, qui ea omnia, quae oratione poetica et διὰ τροπῶν enunciare voluit, propria vocum notione accipienda esse contenderunt. Aequitatis esset, ut locis iis, in quibus de hac re quid veri veteres subsensisse videbantur, ea quae cum

HARVEII sententia apertissime pugnant, opposuissent. Causam magis vincibilem suscepissent, si a Galeno sanguinis iter HARVEIVM doctum affirmassent; maxime cum ipse HARVEIVS, ut iis, qui nihilo assentiuntur, quod veterum auctoritate confirmatum non sit, sententiam suam comprobet, Galenum laudet afferentem sanguinem e ramis extremis venae arteriosae in principia arteriae venosae, in aëre exspirando, propter thoracis angustiam, exprimi posse. Hoc quidem veterum fautores, qui nihil in natura rerum reconditum esse voluerunt, quod in lucem illi non protraxerint, miramur Galeno non vindicasse: cum omnia libenter veteribus invidi concessere, quod ab HARVEIO detractum cupiverunt. Quid autem recentioribus, Serveto, Columbo, Caealpino in sanguinis itinere indagando et exponendo tribuendum sit, nunc disquiramus.

Michael Servetus, a studio medicinae ad res theologicas tractandas infelicititer conversus, in libro quodam, quem de sacra Trinitate scripsit, nempe in ejusdem parte quinta, ut quaestionem obscuram et perdifficilem illustraret, haec e physiologia habet deprompta. "Vitalis spiritus in sinistro cordis ventriculo suam originem habet, juvantibus maxime pulmonibus ad ipsius generationem. Est spiritus tenuis caloris vi elaboratus, flavo colore, ignea potentia, ut sit quasi ex puriore sanguine lucens vapor, substantiam in se continens aquae, aëris, et ignis: generatur ex facta in pulmonibus mixtione inspirati aëris cum elaborato subtili sanguine, quem dexter ventriculus cordis sinistro communicat. Fit autem communicatio haec non per parietem cordis medium, ut vulgo creditur: sed magno artificio a dextro cordis ventriculo, longo per pulmones ductu, agitur sanguis subtilis, a pulmonibus praeparatur, flavus ejicitur, et a vena arteriosa ad arteriam venosam transfunditur; deinde in ipsa arteria venosa inspirato aëre miscetur, et expiratione a fuligine repur-

gatur,

“gatur, atque ita tandem per diastolen attrahitur, apta supellex
“ut fiat spiritus vitalis”.

Vt vero sanguinem a dextro cordis ventriculo per pulmonem
in finistrum ejusdem ventriculum trajici confirmet, haec pro-
fert. “Quod ita per pulmones fiat communicatio et praepa-
“ratio, docet conjunctio varia et communicatio venae arterio-
“fae cum arteria venosa in pulmonibus. Confirmat hoc mag-
“nitude insignis venae arteriosae: quae nec talis nec tanta facta
“esset, nec tantam a corde ipso vim purissimi sanguinis in pul-
“mones emitteret, ob solum eorum nutrimentum; nec cor pul-
“monibus hac ratione ferviret, cum praesertim antea in embry-
“one solerent pulmones ipsi aliunde nutriri, ob membranulas
“illas seu valvulas usque ad horam nativitatis nondum apertas,
“ut docet Galenus. Ergo ad alium usum effunditur sanguis
“a corde in pulmones hora ipsa nativitatis, et tam copiosus:
“item a pulmonibus ad cor non simplex aër, sed mixtus san-
“guine mittitur per arteriam venosam. Ergo in pulmonibus
“fit mixtio. Flavus ille color a pulmonibus datur sanguini
“spirituoso, non a corde. In sinistro cordis ventriculo non
“est locus capax tantae et tam copiosae mixtionis, nec ad fla-
“vum elaboratio illa sufficiens. Demum, paries ille medius,
“cum sit vasorum et facultatum expers, non est aptus ad com-
“municationem et elaborationem illam, licet aliquid transfundere
“possit.”

Ex his igitur Serveti verbis patet quid ille de spiritus vitalis
generatione opinaretur: huic nempe conficiendo necesse esse, ut
sanguis in venam arteriosam receptus cum aëre, quem spiran-
do ducimus, commisceatur agitatione, atque ut eidem in arte-
riam venosam mox in finistrum cordis ventriculum ingressus
detur. Cum autem Servetus nullam causam proferat, qua
sanguis in arteriam venosam propellatur; cum nihil de vi cordis
musculosa in sanguine propellendo, nihil de valvulis sanguini
regressuro

regressuro oppositis dicat; nec quid habeat cur credat sanguinem a ventriculo cordis dextro per pulmonis vasa ad ventriculum cordis finistrum iter facere, nisi quod persuasum habeat, plus sanguinis venae arteriosae a dextro cordis ventriculo suffici quam quod pulmoni alendo satis sit (nam conjunctionem et communicationem variam venae arteriosae cum arteria venosa in pulmonibus nullo probat experimento), id quidem quod verum est, quasi somnio eum vidisse statuamus, non cognovisse aut monstrasse. Nec re vera longe alia a Galeno Serveti mens est, cum ille sanguinem e vena arteriosa in arteriam venosam compresso pulmone exprimi dicat, et in eo Serveto plenior atque explicatior, quod quibus viis sanguis in cor ingrediatur, quibus exeat, dilucide exponat; quid vero valvulae in cursu sanguinis dirigendo faciant, Galeno nemo melius dixit. Quid quod etiam Servetus ducem Galenum etiam errantem sequatur? nam sanguinem per diastolen attrahi vult, et de spiritibus agens haec habet: "Dicitur in nobis ex trium superiorum elementorum substantia esse spiritus triplex, naturalis, vitalis, animalis: qui vere non sunt tres, sed duo spiritus distincti. Vitalis est spiritus, qui per anastomoses ab arteriis communicatur venis, in quibus dicitur naturalis. Primus ergo est sanguis, cujus sedes in hepate et corporis venis: secundus est spiritus vitalis, cujus sedes est in corde et corporis arteriis: tertius est spiritus animalis, quasi lucis radius, cujus sedes est in cerebro et corporis nervis." Sanguinis ortum igitur ab hepate petit cum Galeno, quo nihil ab HARVEII sententia magis alienum esse potest.

Proximum est ut Columbi sententiam exponamus, ut quid ille de sanguinis atque cordis motu cognitum habuerit videamus. Anno MDLIX libros quindecim de re anatomica Columbus Venetiis edidit. In libro sexto, ubi de jecore et venis agitur, jecur omnium venarum principium esse scribit. Ve-

nae portarum radices per cavam jecinoris partem dispersas, in unum truncum coeuntes exhibet, unde, quasi a fonte communi, rivulos sanguinis venarum plurimarum ductu in ventriculum, lienem, intestina derivatos dicit: harum vero venarum propagines eae, quae ventriculi tunicas perreptant, in has alimentum deferre: ramum autem illum, qui ad lienem dimittitur, sanguinem melancholicum ab hepate deportare. Venarum autem earum, quae intestina petunt, duplicem esse dotem; nam et sanguinem alibilem ad intestina deducunt, et ex intestinis alimentum confectum quasi fugendo hauriunt, atque ad hepar deferunt, ut hujus facultate in sanguinem mutetur: venam autem cavam plurimis principiis a gibba hepatis facie oriri, et sanguinem in venam cavam magnam in omnes particulas corporis ramos suos dispertientem ducere, ut homo alatur: omnia siquidem membra a sanguine venarum ductu importato ali; sanguinem igitur in venis a trunco venae caevae in ramos ejusdem quaquaversum dispersos progredi.

De corde quidem et pulmone veriora profert, cum iis tamen, quae modo memoravimus, pugnantia. Sanguinem enim a vena cava in dextrum cordis ventriculum receptum minime regredi posse docet, obstant siquidem valvulae tricuspides sic positae, ut sanguini in ventriculum illum ingressuro cedant, eidem reversuro opponantur: a dextro ventriculo porro sanguinem in venam arteriosam progredi, nec inde in dextrum ventriculum reverti posse, nam valvulae sigmoïdes in venae illius principio positae obviam se sistunt: sanguinem igitur in pulmone cum aëre agitatam atque mixtum, spiritusque quasi naturam adeptum per arteriam venosam in ventriculum sinistrum derivari, atque inde aorta receptum per ejusdem ramos in corpus universum deferri.

Hicce expofitis patet Columbum sanguinis circuitum prorsus nescivisse: quin et omnia illa, quaecunque de sanguinis itinere

per

per pulmonem dixit, licet verissima sint, imprudentem et quodam casu protulisse^a: maxime cum cordis naturam musculosam neget, nec experimentum ullum proponat, quo certiores sumus de sanguinis progressionem e vena arteriosa in arteriam venosam.

Post annos duodecim quam Columbus libros suos de re anatomica ediderat, Andreas Caesalpinus quaestiones suas peripateticas typis mandavit; in quarum libro quinto multa, quae ad physiologiam animalium pertinent, agitantur. Ex his, quae ad motum sanguinis spectant, strictim atque breviter exposuisse ab instituto nostro haud alienum erit.

Sanguinis genus non unum esse vult Caesalpinus; sed Aristotelem sequutus, aliud genus corporis augmento inservire, aliud ejusdem alimento. Sanguinem vero, qui corpori augendo impenditur, quem alimentum auctivum vocat, ab hepate in venam cavam derivat: venam autem cavam a corde continuari necesse putat, ut inde virtus omnis (ut Caesalpini verbis utar) a corde descendat.

Sanguinem auctivum e venis in cordis ventriculos ejusdem calore attrahi dicit; eundem a dextro ventriculo in venam arteriosam proficisci; non quidem ut, aëre a ramis asperae arteriae accepto atque cum ipso confuso, sanguis spiritus naturam adipiscatur, sed ut aëris contactu refrigeretur.

De valvulis, tum iis, quae arteriarum principiis, tum iis, quae venarum osculis apponuntur, eadem fere quae Columbus dicit: atque adeo sanguini a vena cava in ventriculum dextrum, inde in venam arteriosam, et arteriam venosam, et porro in ventriculum sinistrum et aortam patere viam; ne sanguis autem per easdem vias regrediatur, valvulas esse positas. Motum autem sanguinis a dextro cordis ventriculo per pulmonem ad sinistrum circulationem, nomine satis inepto, vocat. Eadem vero circulatione dicit effici ut sanguis primum in ventriculo dextro, deinde

^a Lib. vii.

in ventriculo sinistro spiritus et alimenti naturam acquirat. Spiritu autem effervescente et cor et arterias simul dilatari: ductu autem arteriarum sanguinem in alimentum evectum, in omnes partes cum spiritu deferri, et simul alimentum auctivum ex venis elici per anastomoses: alimento tandem particulis corporis quibusque apposito, spirituque diffuso, cor et arterias concidere; spiritu autem in corde denuo renato, eadem rursus intumescere, unde pulsus causam et rationem satis intelligi posse vult.

Quinetiam Caesalpinus^a arteriarum ramusculos extremos cum venis minimis committi ait, atque, homine dormiente, sanguinem cum spiritu ex arteriis in venas deferri, venae siquidem illo tempore intumescunt, arteriarum vero pulsus minor est. Causam etiam cur venae injecto vinculo compressae ea parte distenduntur, quae inter vinculum et membri vincti extremitatem est, non altera, multo molimine exquirat, et tandem dubitanter atque timide dicit, compressis vinculo venis sanguinem ad principium recurrere, ne intercitus extinguatur.

Videmus Caesalpinum eadem de sanguinis itinere per pulmonem, atque de valvularum usu quae Columbus ante docuisset proponere; causas vero sanguinis movendi juxta cum ignarissimis nescivisse; motus cordis atque arteriarum perturbasse; sanguinem e dextro cordis ventriculo per pulmonem in sinistrum ventriculum deferri, nullo experimento, sed ingenii commento probabili persuasum credidisse. De venis ab injecto vinculo intumescantibus aliena omnino dixisse; alimentum auctivum e venis in arterias, per oscula mutua vasorum sibi invicem commissum, elicatum invita experientia docuisse.

His igitur Serveti, Columbi, Caesalpini spectatis et perpenfis, minime verisimile videtur, ex illorum igniculis HARVEIUM facem suam accendisse: maxime cum pateat cuiquam, modo rem recta via reputaverit, nihil naturae congruens de hoc argumento

ab illis dictum, aut perceptum fuisse. Cum neque sanguinis motus qualis fit, quisquam eorum statuat aut sensu se percipisse dicat, nec causas cur idem in orbem circumferatur in medium adduxerit.

Nec inventi hujus, quod latissime in physiologia atque medicina patet, causa, HARVEII fortunam tantum laudamus, quantum viri ingenium sagacissimum admiramur. Quandoquidem non una causa, non vi simplicis alicujus instrumenti per vasa animalis sanguis circumagatur: at multae atque variae partes conspirant, quarum singularum et fabrica, et vis, et actio, habitus praeterea earundem inter se mutuus, multis exquirendi modis ingenii acumine singulari excogitatis, multoque labore adhibitis eruenda essent HARVEIO, antequam sanguinis iter ipse perspicere, nedum aliis exponere potuit.

At hic nobis atterenda est alia invidorum hominum calumnia, qua non solum inventi sui praeclarissimi gloriam HARVEIO detrudere conati sunt, verum etiam opinionem de morum ejusdem integritate diminuere. Rem omnem, quam Entius HARVEIVM narrantem se audivisse dicit, a principio repetamus.

Legato Veneto, qui Londini eo tempore commoratus est, quo HARVEIVS sententiam suam de sanguinis motu publicis praelectionibus professus est; in patriam reditum paranti, libellum in quo argumentum illud tractabatur dono dederat HARVEIVS. Legatus autem Venetias reversus librum Paulo Sarpio celeberrimo illi monacho Servitae, ut docto, rerumque anatomicarum, ut fama erat, curioso perlegendum commodavit. Paulus autem ea, quae notatu dignissima erant, nimirum quae rem continebant, descripsit: quo tandem post quatuor annos mortuo, haec cum caeteris ejusdem bonis in haeredum possessionem venire; inde rumor, at non nisi post aliquot annos, percrebuit HARVEIVM Pauli inventum sibi concreditum pro suo venditavisse: praeterea, ut fabula probabilior concinnaretur, rebus

rebus adjunctis adornata traditur. Siquidem nonnulli dixere Paulum inventum suum Fabricio ab Aquapendente commisisse, hunc autem HARVEIO. Alii vero ipsum Paulum, non Fabricium ea, quae de motu sanguinis percepisset ex valvularum fabrica, et experimentis, cum HARVEIO communicasse.

At nulla causa profecto Paulo fuit, cur ea, quae de motu sanguinis sentiret, dicere reformidaret; nec HARVEIVM, Paulo vivente atque sentiente, tantum nefas ausum fuisse verisimile est, ut suae famae aut commodi causa amico laudem detraheret; nec Paulum tantae rei gloriam sibi abripi passurum tacite fuisse. Quis autem non videt totam hanc fabulam fictam esse ab invidis credulitate hominum imperitorum abutentibus?

Miramur igitur Italum quendam in iis, quae operibus Pauli anno MDCCLXI simul editis praefixit, tam ineptum Pauli fautorem se prae buisse, ut sanguinis circulationem inventam se putet illi afferuisse ideo, quia in libro Pauli manu scripto, in Servitarum bibliotheca Venetiis asservato, qualis ille motus sit exponatur: nec dubitasse ob ea, quae Entius de illo libro ab HARVEII ore accepisse se dicit, et quae literis a Fulgentio Pauli amico et sodali ad HARVEIVM datis essent confirmata, aut HARVEIVM aut Entium scurrili impudentia mendacii postulare, cum aliam nullam causam criminationis tam turpis habuisset, nisi quod HARVEII liber typis impressus non esset antequam Paulus quatuor annos diem obiisset. Perinde quasi HARVEIVM ea, quae in publicis suis praelectionibus plures annos ante Paulum mortuum collegio medicorum Londinensi tradidisset, aut saltem capita eorum praecipua et scripto mandasse, atque eadem de archetypo descripta legato Veneto dedisse sit incredibile. At nemo certe, nisi quem studium iniquum popularem suum supra omnes alios laudibus efferendi occaecasset, argumentum protulisset, quod aequi cum contemptu audiant, et quod risu satis refellatur.

Haud injucundum fortasse erit quaesivisse unde primum HARVEIO injecta sit de sanguinis circuitu suspicio. In hac disquisitione, si ordo rerum in HARVEII libello expositarum spectetur, nihil verisimilius se colligere posse quis autumat, quam HARVEIO musculosam cordis naturam contemplanti, ejusdemque valvularum formam atque nexum, sanguinis denique copiam ex corde dissecto cum impetu et celeritate singulis cordis contractionibus profilientem, statim cogitationem de sanguinis circuitu mentem ejus subiisse. At aliud est verum invenire, aliud idem inventum demonstrare: nam profecto saepe fit ut id, quod primum animum inventoris percussit, sit in docendo ultimum. Boyleius physicus ille celeberrimus, in libro, quem de finibus rerum naturae conscripsit, narrat HARVEIVM illi dixisse primam lucem sibi sanguinis itinera perlustranti a valvulis venarum Fabricio ab Aquapendente primum observatis effulxisse. Cum enim ex forma atque nexu valvularum pateret sanguinem a corde venarum ductu in singulas corporis partes deduci non posse; nec naturam labore irritato et inani artificio valvulas illas construxisse certum esset; nihil verisimilius excogitari posse sibi visum esse, quam sanguinem a corde arteriarum ramulis quaquaverfum deferri, venarumque finibus exceptum in cor rursus reportari; siquidem a venis in cor via pateat, sanguini vero nitenti contra valvulae opponantur. Hac felici conjectura usus rem omnem experimentorum indicio patefecit.

Ex literis Jacobi regis ad HARVEIVM datis die Februarii tertio anni MDCXXIII constat eum aliquandiu medicum regis extraordinarium factum fuisse, quibus etiam literis gratia et honore singulari HARVEIO venia concessa est, ut una et pariter cum medicis ordinariis regis ejusdem sanitati invigilaret; promisso insuper dato regem in locum medici ejus ordinarii, quicumque morte vel alia causa defecisset, HARVEIVM suffecturum. Ad hunc vero dignitatis gradum non nisi post septem annos evehctus

evectus est, nimirum Carolo primo rerum Britannicarum potente: qui cum artibus ingenuis, omni que doctrina liberaliore imbueretur, earundem fautor et patronus exstitit. Acceptissimus igitur principi tali ingenio praedito HARVEIVS fuit. Illi siquidem inter oblectamenta curarum publicarum id haud in jucundissimum fuit, si, HARVEIO praemonstrante, cordis motus contemplaretur, humorisque vitalis itinera perlustraret. HARVEIVM igitur non sine gloria scriptis suis nonnunquam praedicantem videmus regem eruditum, virosque natalibus et loco nobilissimos se quasi in disciplinam suam tradidisse, experimentorumque ejus spectatores atque testes fieri non dedignatos fuisse. Felices certe artes, cum virorum in republica principum ingeniis excoluntur, auctoritate sublevantur, liberalitate aluntur!

Quanti vero HARVEIVM rex ille fecerit, qualemque opinionem de prudentia, vitae integritate, ingenii que liberalitate habuerit, ex eo colligere est, quod nobilissimo juveni duci Elgoviae^a peregrinato HARVEIVM comitem adjunxerit. Hac causa exposita, concessum est a curatoribus nosocomii Bartholomaeani ut HARVEIVS in locum suum Smythum doctorem medicinae sufficeret, qui, absente HARVEIO, aegrorum curationibus praeesset. Paucos post annos cum plurima in rebus nosocomii administrandis, maxime in iis, quae ad aegros recipiendos, regendos, atque curandos spectabant, HARVEIVS irrepsisse animadvertisset, quae consilio et instituto nosocomii adversarentur, multa praeterea temere et arroganter a chirurgis fieri vidisset, ut malis his indies gliscentibus occurreret, leges idoneas praescribendas curavit.

Eodem tempore, cum officii ratio, quo in aula regia fungebatur HARVEIVS, postularet, ut regem quotidie inviseret, atque adeo necesse esset, ut in nosocomio res aegrotorum cuidam ejus vicem functuro committerentur, statuunt curatores ut Andrews doctorem medicinae collegam muneris sui in nosoco-

mio haberet, ea vero lege, ut HARVEIO stipendium pro more, honoris causa, quotannis solveretur: quinetiam ob ejusdem fidem, diligentiam, atque peritiam in munere suo obeundo per multos annos speculatas, haec ei concessa est gratia, ut a nosocomio abesse liceret, quotiescunque aut provincia sibi a rege mandata, aut rerum suarum ratio postulavissent.

ExarDESCENTE bello civili, regem in itineribus suis comitatus est: et post proelium in campis Keintonianis commissum, quo inter copias regias et parliamentarias aequo Marte dimicatum erat, cum regio famulatio Oxoniam concessit, atque ibi doctorum ordini adscriptus est.

Post annos tres, ex mandato regis, collegio Mertonensi Oxoniae custos loco Nathanaelis Brentii praepositus est. Brentius enim partibus regiis, atque ecclesiae Anglicanae olim prae se ferens amicum esse, equestri ordine decoratus est; postea vero, cum videret potentiam et auctoritatem presbyterianorum indies magis magisque invalescentem, relictis collegii aedibus desertoque officio, ad hos se contulit, foederisque sancti, ut dictum est, religione se obstrinxit, callidissime temporibus inserviens: quae causa ejus e collegio ejiciendi fuit. Haud diu tamen res Mertonensium administravit HARVEIVS, Oxonia siquidem copiis parlamenti dedita, cessit, atque Londinum se contulit: et paucos post menses rediit Brentius, officioque custodis intermisso iterum functus est.

Anno aetatis suae septuagesimo tertio, Entii rogatu, exercitationes de generatione animalium typis mandari passus est. Diu quidem HARVEIVS in eo fuerat, ut quaereret a quibus initiis unumquodque animalium genus oriretur: quali partium mutatione, quibus additis aut demptis formam ultimam a natura sibi destinata indueret: quale alimentum foetui concepto natura pararet: quemadmodum idem in succum atque sanguinem converteretur: qua denique

et quibus de causis animal maturum ex utero vel ex ovo excluderetur.

Haec omnia exercitationibus memoratis summa diligentia persequitur, miraque sermonis perspicuitate exponit, nullis principiis positis nisi quae sensibus percipiantur. Horum lumine ova animalium pennatorum lustravit, punctumque animatum in cicatricula fotum primus invenit. Cor primum in animale fieri dicit, mox venas, caeteras deinde partes ordine eo, quem simpliciter et dilucide exponit, ab inspectis ovis de nido incubantis gallinae detractis edoctus.

Nec eorum animalium, quae viva ex utero parentis excluduntur, rationem generationis dissimilem rationi generationis animalium pennigerorum esse vult: quod ex iis, quae in dissectis cervarum et damarum uteris singulis mensibus a coitu usque ad pariendi tempus visu perceperat, comprobatum dat.

Illa autem praecipua atque singularia sunt, quae de ratione animalium generandorum profert. Sanguinem nempe primordium esse omnium animalium, vasisque ipsis tempore priorem: foeminam materiam primam dare; marem vero materiam illam vitalem atque animatam reddere. In coitu parentum generationem minime commisceri, imo nec ad uterum, nedum ad ovarium semen maris unquam appellii, quod experimentis probatum dicit; atque adeo ovum fieri foecundum non feminis masculini contactu, sed contagio quodam subtili (sic enim loquitur) quo foemina potius quam ovum afficitur: nam a gallo gallina semel compressa etiam per annum integrum ova foecunda pariet, quorum, quae extremo tempore pariuntur, nulla in ovario exstiterunt cum gallina comprimeretur.

In eorum plerisque, quae de ovo post primum incubationis diem narrat HARVEIUS, recentiores sibi adsistentes habet. Minime tamen id dissimulatum volumus, Malpighium nempe, prima capitis et carinae quasi lineamenta in pullo conspexisse, multis

multis horis ante vel cor inceptum, vel venas a corde natas: at ea ope vitrorum, quibus species rerum oculis objectarum plurimum augentur, conspexit. Constat profecto HARVEIVM, quo partes animalium minutae a se clarius perspicerentur, conspici- cilla vitrea adhibuisse: haec vero aciei hebetioris auxilia, ingenio atque diligentia physycorum, indies ab HARVEII temporibus usui accommodatiora facta sunt, adeo ut in primordiis pulli patefaciendis et exponendis ea causa HARVEIO felicior Malpighius fuerit, quod conspiciillis melioribus esset instructus.

Illud quidem magis miramur, HARVEIVM, qui nihil in physiologia adfentiendum profitetur, nisi quod aut sensu percipi, aut ex certis experimentis deduci atque colligi possit, sententiam de causa conceptus uterini eam proposuisse, quae natura sua experimento sensibili minime comprobari possit. Nam cum in utero a coitu conceptui parato cerebri naturae aliquid simile vidisse sibi visus esset, nec in eodem post coitum quid reperisset unquam unde originem suam foetus ducere potuisset; a causa materiata foeminam foecundam fieri minime posse putat; sed, quemadmodum in cerebro vi animi conceptus sive cogitatio fit, ita etiam in utero aliquid animi conceptui simile et *ἀναλογόν* esse, phantasma vocat HARVEIVS, cujus virtute et *ἐνεργεία* procreatur ovum.

Sensit quidem HARVEIVS haec *παράδοξα* atque mirabilia omnibus visum iri, atque adeo non sine multa praemunitione sententiam suam aperit. Aequum enim putat, cum aliorum sententias refellere conatus fit, ut ipse aliquid de suo proferat, non quidem, quasi Pythius Apollo, ut certa atque rata, quae dixerit, habeantur petit, sed ut verisimilia pro veris afferre sibi liceat. Petit etiam ut pro veris accipiantur, donec contrariis rationum momentis refellantur. Deinde lectorem ad partes suas sermone subtili et probabili traducere conatus, pressius tandem agit, et argumentum metaphysicum dialecticorum formula conclu-

sum profert. De quibus omnibus ut iudicium feramus, et tantum auctoritatis HARVEIO tribuatur, quantum veritas concedi patitur, ipsius HARVEII verbis utemur. “Philosophorum morem esse, cum rem ipsam ut se habeat clare percipere nequeant, ut fingant modum ejus aliquem naturae operibus consonum et veritati proximum.”

Cum, duos annos ante quam HARVEIVS exercitationes suas de generatione animalium ediderat, Marquartus Slegelius medicus Hamburgensis commentationem suam de motu sanguinis, in qua HARVEII sententiam contra Riolanum tuebatur, typis mandasset, epistolam ad Slegelium cum exercitationibus modo memoratis HARVEIVS misit, in qua, Slegelii libro haud illiberaliter laudato, spem facit se nonnulla olim prolaturum, quibus sententia sua confirmator, atque medica illustrata fit. Experimento deinde aptissimo probat sanguinem a dextro cordis ventriculo in sinistrum per septum inter eos positum minime transmitti posse, contra quam sentit Riolanus; per pulmonem vero viam facilem atque expeditam esse. Praeterea, cum in epistola ad Riolanum prima omnino pernegasse videretur artiarum fines cum venarum principiis committi, nec anastomosis ullam mutuam vasorum horum, quae sensu percipi posset, existere dixisset; sanguinem denique ex artiarum extremis vi cordis propulsum in carniū meatus tradi, et ex his a venarum principiis in cor deducendum excipi affirmasset; paulo uberius sententiam suam de artiarum conjunctione cum venis in hac epistola exponit. In nulla re magis HARVEIVS elaboraverat, quam ut ostenderet experimentis sanguinem a venis in artias ea solum lege duci posse, ut ab illis cordis ventriculis exceptus et horum motu propulsus in artias progrediretur; et, quod ad Riolanum praecipue spectat, nullam esse sanguinis a venis in artias reciprocationem. Hoc consilio in prima sua exercitatione valvularum in venis usum summo studio perquisivit et exposuit.

posuit. Ea res siquidem, valvularum nempe forma atque fabrica, demonstrante Fabricio, primum HARVEII animum ita percusserat, ut quasi fulgure coruscante veras sanguinis vias subito illustratas perspicere sibi visus esset. Idcirco non nisi dubie atque haesitanter de viis, quibus ab extremis arteriis in venarum principia tradatur sanguis, loquitur: et quodam modo definire fugit, utrum per carniū meatus, porositates vocat, sanguis propulsus in venarum radices detur, an ductu arteriarum continuo in eas deferatur. Anastomoses tandem, quales nimirum veteres voluerunt, omnino pernegat: et demum re diligentius pensitata, non experimentis victus (nam HARVEII temporibus nemo, ne microscopii quidem ope, venarum arteriarumque copulationes mutuas unquam viderat), concedit arteriarum propagines minimas inter venarum tunicas ita posse perrepere, ut sanguis in venas obliqua tradatur via, quali scilicet ureteres in vesicam, et ductus choledochus in intestinum progrediuntur. Quod rem totam spectat, necesse est ut confiteamur recentiores, oculis nostris iudicibus incorruptis, ostendisse sanguinem plerumque in venas ex arteriis ductu continuo, nullo parenchymate interjecto, deferri; nec tamen HARVEII conjecturam omnino rejiciendam esse: arteriae enim pleraeque, eae, quae venarum tunicis vitam et alimentum ferunt, nulla minore vena interposita, in venam cui alendae dicantur, eodem prorsus modo quo HARVEIUS vult, sanguinem suum effundunt.

Gaspar Asellius medicus Ticinensis, dum aperto canis vivi abdomine viscera rimaretur, canaliculos numerosos liquorem album deferentes per mesenterium sparfos viderat. Hinc hominem cupido statim incescit, eorum rivulorum et fontes, et fines, et usus perquirendi humorisque per eosdem perlabentis naturam discere. Multis tandem experimentis fretus ex intestinorum tunicis initia sua habere statuit; chylumque ex intestinis haustum, primum in glandulam insignem medio in mesenterio positam

positam deferre, atque inde hepati eundem humorem tradere, visceris illius vi atque facultate in sanguinem immutandum.

Vasa illa candida, quae in brutis animalibus viderat Asellius, non in his solum, verum etiam in homine postea multi conspexere; inter quos, ut alios omittam, fuit in Anglia Highmorus, apud Gallos Peireskius et Gassendus. De venis hisce HARVEIUS in epistola ad Riolanum prima, breviter admodum, quantum scilicet argumenti sui ratio postulare videbatur, et subobscura quadam significatione sententiam suam profert; id tamen prius aperte professus, venas scilicet mesaraicas succum alibilem ex intestinis acceptum una cum sanguine ad hepar deferre, quod postea in exercitationibus de animalium generatione argumentis confirmatum ivit.

Tandem in epistola, ad Morisonum medicum Parisiensem data, de vasis lacteis (quae, “ priusquam Asellius librum suum “ edidit, in pluribus corporis partibus, et praesertim in glandulis juniorum animalium, utpote mesenterio, ubi earum “ maxima copia, observasse se dicit), et de Pecqueti invento, (qui multis experimentis alimentum a vasis modo memoratis acceptum non in hepar, sed in receptaculum quoddam membranaceum spinæ dorsī sub septi transversī cruribus incumbens, et inde ductu insigni ad venas subclavas deduci confirmat), quid sentiat plane et dilucide exponit. Et licet tam in hac epistola, quam in duabus illis, quas de eodem argumento conscriptas ad Danielem Horstium postea misit, partem deteriorem tueatur: non tamen ut pertinacia aut vincendi studio motus, aut qui adversarios argutiis quibusvis irretire cupit, sed ut philosophus qui se refelli vult, modo id quod verum sit perdiscere posset, tueatur. Propositis itaque iis quae Asellio et Pecqueto adversari videntur, ipse nihil in re difficili sibi minus comperta statuere audet: id autem sibi licere postulat, ut nihil approbet nisi id quod demonstratum habeat.

Praeter

Praeter HARVEII scripta, quae supra memoravimus, supersunt anatomia Thomae Parri senis Salopienfis (cui praecipua naturae benignitate vita in annum centesimum quinquagesimum tertium prorogata est), epistolae quatuor, et libri anatomici duo.

Ex epistolis una ad Casparum Hoffmannum sese expurgandi causa dedit; siquidem Hoffmannus in libello quodam ita HARVEII mentem interpretatus est, quasi naturam stultitiae et erroris infimulasset.

Ex iisdem epistolis duae ad Nardium Florentinum eruditum dantur: quibus vim mentis HARVEII vividam tum temporis in extrema senectute constituti admiramur. In quarta epistola aetatis excusatione utitur, quod quaesitis Joannis Vlackveld medicinae doctoris, proposita ab eodem morbi cujusdam rarioris historia, non respondeat. Librorum anatomicorum, alter de musculis et de motu animalium locali agit, alter de anatome universa. Libris hisce quasi in compendium ea, quae fufius in praelectionibus publicis exponere solebat, contracta scripserat, ut inter dicendum memoriae subsidio essent; adeo ut eosdem in populum edi HARVEIVM voluisse minime sit verisimile. Liber autem ille de anatomia universa eo nomine praecipue memorandus venit, quod, cum propositiones principes, sive *κρυπταὶ δόξαι* quae sanguinis motum spectant, inscriptas habeat, HARVEIVM cordis usum sanguinifque circuitum percepisse constet ante annum MDCXVI, nam ejus anni dies Aprilis 16, 17, 18, indici libri subjiciuntur. Libri vero illi conservantur in bibliotheca Musei Britannici.

At multa praeterea scripsit, quorum indices ex operibus ejus, quae supersunt, descriptos subjecisse haud ingratum forte lectori fuerit.

Observationes de usu lienis.

Observationes de motu locali.

Tractatum physiologicum.

Obfer-

Observationes medicinales: quas tamen minime eas esse quae in Museo Britannico repositae HARVEII nomine superbiunt, tum ex literarum ductu minime Harveiano, tum quod in eodem libro habeantur historiae quorundam post HARVEII mortem aegrotantium, patet.

Scripsit etiam de amore, libidine, et coitu animalium.

At haec omnia, una cum observationibus quae historiam generationis insectorum complectebantur, cum HARVEII aedes a militibus parliamentariis in bello civili diriperentur, magno medicinae et bonarum literarum damno perierunt.

Tractatum etiam de quantitate sanguinis singulis cordis pulsationibus protrusi, in quo etiam definitum fuisset quando plus, quando minus, et quibus de causis, pollicitus videtur.

Post regis ab Oxonia fugam, urbemque parliamentariis deditam, HARVEIVS Londinum se contulit; nec tamen ibidem assidue agebat, sed causa vel sanitatis tuendae, vel animi oblectandi ruris amoenitatibus nunc in villam suburbanam Lambethae commigrabat, nunc in aedibus fratris prope Richmondiam commorabatur.

Die Decembris xxii anni MDCLII cum HARVEII ingenium et doctrina tum scriptis editis tum praelectionibus coram collegio habitis inclaruissent, ejusdemque in collegium amor atque benevolentia multos annos essent spectata, fociis convocatis placuit, ut ei in aedibus collegii statua poneretur, atque ut ei, quae sequuntur, subscriberentur.

GVILIELMO HARVEIO
VIRO MONVMENTIS SVIS IMMORTALI
HOC INSVPER COLLEGIVM MEDICORVM LONDINENSE
POSVIT
QVI ENIM SANGVINI MOTVM
VT ET
ANIMALIBVS ORTVM DEDIT MERVIT ESSE
STATOR PERPETVVS

Die Februarii secundo anni insequentis senaculum suis impensis in collegii horto exstructum, quo focii de collegii negotiis disceptaturi convenirent, et bibliothecam, hanc optimis libris, illud pretiosa supellectile instructum, fociis convocatis, convivioque splendido exceptis, societati medicorum Londinensium tabulis consignatis transcripsit HARVEIVS.

Secundo anno post, cum Prujeanus provinciam collegio praefidendi remisit, HARVEIVS absens in locum ejus suffectus est, et, comitiis in diem posterum prorogatis, missi sunt ex electorum numero Alstonus et Hamaeus, qui HARVEIVM hujus rei certiores facerent. Postridie ergo comitiis HARVEIVS interfuit, et coram fociis gratum animum testatus in electores, quod se dignum judicassent qui locum principem inter medicos Anglicanos teneret, procurationem rerum collegii, quibus bene administratis publica salus continetur, majoris momenti esse dixit, quam ut sibi, annis et adversa valetudine fracto, committerentur: si in tanta re consilium dare sine arrogantis crimine sibi liceret, nulla alia ratione collegio melius consultum iri se putare, quam si auctoritatem, quam modo Prujeanus deposuerat, electores eidem redderent, cujus prudentia atque diligentia res collegii maximum incrementum cepissent. In HARVEII itaque sententiam magno consensu itum est, munusque praefidendi denuo Prujeano datum.

Nec tamen deinde HARVEIVS in opere suo cessavit: nam praelectoris munus diligenter biennium fere obiit, comitiisque collegii, quibus aliquid gravioris momenti gerebatur, fere semper interfuit, annoque MDCLVI, quo benevolentiam summam collegio testaretur, praedium amplum a patre sibi relictum in jus collegii cedere voluit, solennique instrumento sociorum usus addixit.

Jam HARVEIVS annum aetatis septuagesimum nonum agebat, multa ingravescente aetate a morbis passus. Hinc indies infir-

infirmiore valetudine usus, fatifcente tandem natura, die Junii tertio anni insequentis, aequo animo cessit, animamque amicis desideratissimam efflavit.

Sed quia rumor sine auctore sparsus est, HARVEIVM, cum ad cumulum malorum, quae senectus secum adferre solet, id etiam accessisset ut oculis derepente captus esset, calamitati ferendae imparem epoto veneno mortem sibi conscivisse: ne tanti sceleris crimine prematur viri optimi memoria, de ejus fine postremo ea, quae Entius, amicus ejus conjunctissimus, narrat in oratione illa, quam in laudem eorum, qui medicorum Londinensium collegio benefecerunt, conscripsit, Wilfonus autem paucis diebus post HARVEII excessum in aedibus collegii recitavit, exposuisse haud absurdum erit. “ Sed ut nulla est felicitas, quam
“ non aliqua parte aegritudo contaminet, ita vir summus, in-
“ gravescente jam aetate, variis morbis obsessus, praeteractam
“ vitae serenitatem atris malorum nubibus conturbatam sensit:
“ prae caeteris autem incommodis saeva arthritide saepe lancinabatur. Non quod liberalius Libero patre adspergebatur
“ (nam summa temperantia et ad severam medicinae normam
“ vitam traduxerat), sed veluti in vindictam: ut, qui cuticulam suam minime curaret, sed menti excolendae operam
“ omnem transferret, illius animo a corpore male esset; dirisque
“ cruciatibus conflictaretur ipse, qui eosdem in aliis felicissime
“ consopivisset. Fessa tandem fractaque senectute funeri suo
“ propinquus, rerumque aliarum omnium securus, pulsuum suorum
“ rhythmos explorabat: ut, qui vivus valensque vitae exordia, ejusdemque progressus, alios docuisset, ipsemet jam denascens mortis praeludia addisceret. Tandemque octogesium annum emensus die, qui tertius praeteriti mensis erat,
“ occubuo sole placidissimo animo mortalitatem exuit, fatique
“ necessitatem implevit.”

Post

HARVEII VITA.

xxxv

Post paucos ab HARVEII excessu dies ejusdem funus effertur, fociis collegii prosequantibus longe extra urbis pomoeria honoris causa. Cadaver inde porro Hempsteadium in agro Essexiensi delatum sepulchro conditum est. Monumentum autem sepulchrale juxta positum, quod HARVEII imaginem sustinet, infestante epigrammate inscribitur.

GVILIELMVS HARVEIVS

CVI TAM COLENDO NOMINI ASSVRGVNT OMNES ACADEMIAE

QVI DIRNVN SANGVINIS MOTVM POST TOT ANNORVM

MILLIA PRIMVS INVENIT

ORBI SALVTEM SIBI IMMORTALITATEM

CONSECVTVS

QVI ORTVN ET GENERATIONEM ANIMALIVN SOLVS OMNIVN

A PSEVDOPHILOSOPHIA LIBERAVIT

CVI DEBET

QVOD SIBI INNOTVIT HVMANVN GENVS SEIPSAM MEDICINA

SEREN. MAIEST. IACOBO ET CAROLO BRITANNORVN MONARCHIS

ARCHIATER ET CLARISSIMVS

COLLEG. MED. LOND. ANATOMES ET CHIRVRGIAE PROFESSOR

ASSIDVVS ET FELICISSIMVS

QVIBVS ILLVSTREM CONSTRVXIT BIBLIOTHECAM

SVOQVE DOTAVIT ET DITAVIT PATRIMONIO

TANDEM

POST TRIVMPHALES

CONTEMPLANDO SANANDO INVENIENDO

SVDORES

VARIAS DOMI FORISQVE STATVAS QVVM TOTVM CIRCVIT

MICROCOSMVM MEDICINAE DOCTOR AC MEDICORVN

IMPROLES OBDORMIVIT

III. IVN. ANN. SALVTIS MDCLVIII. AETAT. LXXX.

ANNORVN ET FAMAE SATVR

RESVRGEMVS

Supremo testamento bonorum maximam partem fratri suo ELIAB HARVEIO mercatori Londinensi legavit: supellectilem omnem, praeter eam qua senaculum collegii instructum voluit, propinquis dedit: libros autem collegio: amicis Georgio Entio Caroloque Scarburio munuscula, quae veteris amicitiae essent monumenta: in usum aegrotorum, qui in nosocomii Bartholomaeani hospitium exciperentur, triginta minas: in servos etiam, quorum fides et diligentia, dum viveret, spectatae sibi fuissent, gratum memoremque se testatus est.

Annos natus sex et viginti uxorem duxit filiam Lanceloti Browne doctoris medicinae, ex qua nullos suscepit liberos. Quot annos illa cum HARVEIO vixerit non constat: ex testamento autem JOANNIS HARVEII, quo centum minas uxori fratris sui Guilielmi legat, patet eam anno MDCXLV nondum e vita migrasse.

Quantus in animalium origine atque natura, causisque vitae peruestigandis exponendisque fuerit HARVEIUS vidimus: idem aliis disciplinis liberalibus haud mediocriter instructus fuisse perhibetur. Rerum vetera monumenta, temporumque recentiorum historiam cognovisse dicitur; animumque studio naturae fessum, meditationibus politicis et sermonibus, quibus in amicorum congressibus de publicis rebus disputabatur, reficere solitum. Poëtarum veterum lectione plurimum delectabatur, maxime Virgilii, quem saepe, quasi carmine magico percitus, e manibus abiecit fertur, et dixisse poëtam *διμολιζόμενον* nihil mortale sonare^a. In scriptis HARVEIUS tenui atque inornato orationis genere utitur: quippe cum in eo omnis sit, ut verum inveniatur atque exponatur, sine pigmentis fucoque puerili rem nudam breviter et dilucide narrat, parum sollicitus de numerosa verborum circumscriptione, aut integra latinitate; sed verbis, quaecunque sermonis egestas, aut scriptorum vel ignavia vel in-

^a Vide *An essay upon heroic poetry*, by Sir William Temple.

curia, vel denique imperitia invexisset, audacter in sensu suo proferendo utitur. At id profecto in media HARVEII laude est: quod, spretis sermonis exculti ornamentis et illecebris, de re magis quam de verbis laborans, veritatis colore lectorem ducat, grataque negligentia se commendet. Haec vero de exercitationibus de sanguinis motu praecipue dicta intelligantur. In libro quidem de animalium generatione idem simplex et exile scribendi genus adhibet; at oratione comptiore plerumque utitur, et flumine verborum puriore fertur.

In colloquiis familiaribus gravitatem cum hilari quadam comitate conditam adhibuisse accepimus; atque adeo apud omnes, quibus sermones conferebat, et summa gratia et auctoritate fuisse. Mira facultate animi sui sensus exponendi pollebat; atque in omni suo sermone candoris et aequitatis fuit maxima significatio: de fama cujusquam nihil unquam detrahere conatus est, nihil arroganter sibi vindicare, aliorum virtutes imitandas non invidendas ratus. Animi vero lenitudo in eo maxime elucet, quod eorum, qui sententiam ejus de motu sanguinis non sine contumelia atque convitio oppugnant, argumentis quidem argumenta opposuerit, convitia vero aut praeterierit, aut laudibus rependerit. Certe cum Riolanum, hominem in disputando arrogantem et pertinacem, erroris atque incitiae convicisset, quasi unguentis delibutum atque floribus redimitum dimittit. Cum in extrema senectute perdita valetudine esset, iracundior paulo fuisse dicitur, atque doloris adeo impatiens, ut, faciente morbo articulari, partem malo tentatam in frigidam immergere solet; quae licet cujusdam mollitiae animi significationem facere videantur, nonnihil tamen excusationis habent: siquidem animi impotentiam illam, motusque perturbatiores podagricis esse conjunctissimos, magnamque morbi partem facere, medici habent compertissimum; quibus ideo remedia non a praeceptis philosophorum, sed a medicina petenda videntur.

Quid

Quid de causa rerum omnium efficiente prima censuerit, nam HARVEI pietas minime praetereunda est, quanta veneratione atque admiratione supremum Numen suspexerit, non uno loco verbis gravissimis profitetur. Cuncta Dei Omnipotentis manu facta, ejusdemque providentia conservata dicit, nec tamen lege generali, sed numine per universam rerum naturam infuso res singulas administrari: nec veretur, ut minutus ille apud Ciceronem philosophus, divinam maiestatem ad apium formicarumque perfectionem deducere; siquidem Deus Maximus Omnipotensque in rebus minimis, quae non sine singulari providentia atque sapientia fiunt, clarissime conspicitur. Cuncta animalia, patre atque creatore Deo praesente, facta dicit, nec quidquam sine Numine fieri posse putat: nihil a philosopho, nihil ab homine Christiano, de his rebus aut gravius aut verius dici potest.

EXER-

EXERCITATIO ANATOMICA

DE MOTU CORDIS ET SANGVINIS

IN ANIMALIBUS,

WILHELMI HARVEII, ANGLI,

MEDICI REGII,

ET PROFESSORIS ANATOMIAE

IN COLLEGIO MEDICORVM

LONDINENSIS.

SERENISSIMO ET INVICTISSIMO CAROLO,
MAGNAE BRITANNIAE, FRANCIAE, ET
HIBERNIAE REGI, FIDEI DEFENSORI.

Serenissime rex;

Cor animalium, fundamentum est vitae, princeps omnium, microcosmi sol; a quo omnis vegetatio dependet, vigor omnis et robur emanat. Rex pariter regnorum suorum fundamentum, et microcosmi sui sol, reipublicae cor est; a quo omnis emanat potestas, omnis gratia provenit. Quae de motu cordis hic scripta sunt, majestati tuae (uti hujus seculi mos est) offerre eo magis ausus sum, quod ad hominis exemplum, humana pene omnia; et ad cordis, regis plurima. Regi itaque non inutilis cordis sui notitia, tanquam actionum divinum exemplarium: (sic parvis componere magna solebant.) Poteris saltem, regum optime, in fastigio rerum humanarum positus, una opera et humani corporis principium et regiae simul potestatis tuae effigiem contemplari. Suscipe itaque, humillime precor, serenissime rex, usitata benignitate et clementia de corde nova haec; qui ipse novus splendor hujus seculi et totum vere cor es, princeps virtute abundans ac gratia; cui acceptum jure merito referimus quicquid nostra Anglia boni, quicquid vita nostra jucundi, habet.

Augustissimae Majestatis Tuae
devotissimus servus,

GVILIELMVS HARVEIVS.

EXCELLENTISSIMO ET ORNATISSIMO VIRO

D. D. A R G E N T,

COLLEGII MEDICORVM LONDINENSIS PRAE-
SIDI, AMICO SVO SINGVLARI; CAETERIS-
QVE DOCTISSIMIS MEDICIS, COLLEGIS SVIS
AMANTISSIMIS; S. P. D.

MEam de motu et usu cordis, et circuitu sanguinis senten-
tiam, E. D. D. antea saepius in praelectionibus meis
anatomicis aperui novam: sed jam per novem et amplius annos
multis ocularibus demonstrationibus in conspectu vestro confir-
matam, rationibus et argumentis illustratam, et ab objectionibus
doctissimorum et peritissimorum anatomicorum liberatam, to-
ties ab omnibus desideratam, a quibusdam efflagitatam, in lu-
cem et conspectum omnium hoc libello produximus. Quem,
nisi vobis transmissum, E. D. D. minus sperarem prodire posse
integrum et tutum; cum pene omnium illarum observationum,
ex quibus aut veritatem colligo, aut errores redarguo, e vobis
plurimos et fide dignos appellare possum testes; qui dissectiones
meas vidistis, et ocularibus demonstrationibus, eorum quae
hic ad sensum palam assevero, assistere candide et astipulari con-
suevistis. Et cum contra receptam viam, per tot secula anno-
rum ab innumeris, iisque clarissimis doctissimisque, viris tritam

et

et illustratam, sanguinem iter novum metiri suum et revolvere solus iste liber affirmaret; arroganter nimis factum ne videretur, libellum istum per aliquot abhinc retro annos alioquin perfectum, vel in publicum exire vel transfretare si permissem, summo opere verebar; nisi prius vobis proposuissem, et per autopsiam confirmassem, vestris dubiis et objectionibus respondissem, et praefidis ornatissimi censuram in favorem accepissem. Persuasissimum veruntamen habui, quod si coram vobis nostroque collegio, tot tantisque viris doctissimis nobilitato, propositum sustinere potuerim, ab aliis tum demum minus pertimescendum; et jam illud quod mihi a vobis, ob amorem veritatis, contigit unicum solatium, ab omnibus aliis qui similiter sint philosophati non minus esse sperandum. Philosophi enim veri, qui amore veritatis et sapientiae flagrant, nunquam se tam σοφός, sapientia plenos reperiunt, aut suo sensu abundant, quin veritati, a quocunque et quandocunque venerit, locum dent; nec tam angusti animi, ut credant quamvis artem aut scientiam adeo omnibus numeris absolutam et perfectam a veteribus traditam, ut aliorum industriae et diligentiae nihil sit reliquum; cum profiteantur plurimi, maximam partem eorum quae scimus, eorum quae ignoramus minimam esse: nec ita traditionibus et praeceptis quorumcunque addicti, inservire se patiuntur philosophi, et libertatem perdunt, ne oculis propriis fidem adhibeant; nec ita in verba jurant antiquitatis magistrae, ut veritatem amicam in apertis relinquant et in conspectu omnium dese-

DEDICATIO.

7.

deferant. Sed sicut credulos et vanos, omnia prima facie admittere et credere; ita manifesta sensui non videre, et luce meridiana diem non agnoscere, stupidos et insensatos pariter existimant. Et non minus poetarum fabulas et vulgi deliramenta, quam scepticorum epochen, in via philosophica declinare docent. Omnes item studiosi, boni, honestique, nunquam ita passionibus indignationis, invidiae, obrui mentem sinunt, quo minus audiant aequo animo quae pro veritate proferantur, aut rem vere demonstratam intelligant: nec turpe putant mutare sententiam, si veritas suadet et aperta demonstratio; nec errores, licet antiquissimos, deferere arbitrantur inhonestum: cum optime norint quod humanum sit errare, decipi; et quod casu multa reperta esse contingat, quae discere quis a quovis possit, a juvene senex, a stulto intelligens.

Verum isto tractatu, collegae amantissimi, in auctorum et scriptorum anatomicorum nominibus, operibus et sententiis recensendis, exagilandis, memoriam meam et lucubrationes, multamque lectionem et magnum volumen, ostentare volebam: tum quod non ex libris, sed ex dissectionibus; non ex placitis philosophorum, sed fabrica naturae, discere et docere anatomicum profitear: tum quod neque e veteribus quemquam debito honore defraudare, neque e posterioribus quemquam irritari, aequum censeam, aut moliar: neque cum iis, qui in anatomicis antecelluerunt et me docuerunt, manus conferere, aut dimicare, honestum putem. Accedit, quod nec falsitatis crimen, in quempiam

veri-

veritatis studiosum, mea sponte inurere vellem; nec quenquam erroris labe infimulare. Sed solam veritatem fector; et omnem tum operam, tum oleum eo contuli, ut aliquid bonis gratum, doctis commodum, et rei literariae utile in medium proferre possim. Valet, domini D. excellentissimi, et anatomico vestro favete

GVILIELMO HARVEIO.

PRO-

P R O O E M I V M.

Quo demonstratur illa, quae haëtenus scripta sunt de motu et usu cordis et arteriarum, minus firma esse.

DE cordis arteriarumque motu, pulsu, actione, usu, et utilitatibus cogitanti, operae pretium est, quae prius ab aliis mandata sunt literis, evolvere; quae vulgo jactata et tradita, animadvertere: ut quae recte dicta, confirmentur; quae falsa, dissectione anatomica, multiplici experientia, diligenti et accurata observatione, emendentur.

Pene omnes huc usque anatomici, medici, et philosophi supponunt cum Galeno, eundem usum esse pulsus, quem respirationis; et una re tantum differre, quod haec ab animali, ille a vitali facultate manet: reliquis, vel quod ad utilitatem, vel quod ad motus modum spectat, similiter se habentibus. Vnde affirmant (ut Hieronymus Fabricius ab Aquapendente, libro suo de respiratione nuperrime edito) quod quoniam non sufficit pulsus cordis et arteriarum ad eventandum et refrigerandum, ideo a natura pulmones circa cor fabrefactos esse. Hinc patet, quod quaecunque dixerint priores de systole et diastole, de motu cordis et arteriarum, haec omnia ad pulmones respicientes eos tradidisse.

Cum vero aliter se habeat motus et constitutio cordis, quam pulmonum; aliter arteriarum, quam pectoris; alios exinde usus et utilitates exoriri verisimile est; differreque plurimum cordis et similiter arteriarum pulsus et usus, a pectoris et pulmonum. Si enim iisdem usibus inserviant pulsus ac respiratio, et in diastole introsumant aërem in cavitates suas arteriae (uti vulgo dicunt) et in systole, per eosdem poros carnis et cutis, fuligines emittant; nec non, medio tempore inter systolen et diastolen,

aërem contineant; et quovis tempore aut aërem, aut spiritus, aut fuligines; quid itaque respondeant Galeno, qui librum scripsit, natura sanguinem contineri in arteriis, et nihil praeter sanguinem; nimirum neque spiritus, neque aërem; sicut ab experimentis et rationibus, in eodem libro, facile colligere licet? Et si in diastole replentur arteriae ab aëre introsumpto (in majori pulsu, majori subeunte aëris copia) ergo magno existente pulsu, si totum corpus in balneum immerferis, vel aquae, vel olei, necesse est pulsum statim aut minorem esse, aut tardiolem multo; cum, per corpus ambientis balnei, aërem intra arterias permeare difficilius sit, si non impossibile. Similiter, cum omnes arteriae, tam profundae, quam cutaneae, eodem tempore et pari velocitate distendantur; quomodo poterit aër tam libere et celeriter per cutem, carnem, habitumque corporis in profundum pertransire, quam per cuticulam solam? et quomodo embryonum arteriae forinsecus in cavitates suas aërem, per ventrem maternum et per corpus uteri, attrahant? vel quomodo phocae, balaenae, delphines, cetaceum omne genus, et pisces omnes, in profundo maris, arteriarum suarum diastole et systole, per immensam aquae massam, celeri pulsu aërem introsumunt et emittunt? dicere vero quod aërem implantatum in aqua abforbeant, et in aquam fuligines suas reddant, figmento haud absimile. Et si in systole arteriae, per poros carnis et cutis, fuligines e cavitatibus illarum expellunt; cur non item spiritus, quos dicunt etiam in illis contineri? cum spiritus multo tenuiores fuliginibus sint. Et si cum in systole, tum in diastole, aërem arteriae accipiunt et reddunt, uti pulmones in respiratione; cur non et hoc faciunt inflicto per arteriotomiam vulnere? Sectione tracheae, per vulnus aërem ingredi, regredi, duobus contrariis motibus, palam est: secta vero arteria, statim uno continuo motu sanguinem vi protrudi, et non aërem vel ingredi vel regredi, manifestum est. Si pulsus arteriarum partes corporis refrige-

rant

rant et eventant, uti pulmones ipsum cor; quomodo dicunt vulgo arterias a corde in partes singulas vitalem sanguinem deferre refertissimum spiritibus vitalibus, qui partium calorem foveant, sopitum fuscitent, et quasi absumptum refarciant? et quomodo, si ligaveris arterias, statim partes non modo torpent, frigent, et quasi pallidae cernuntur, sed et ali tandem desinunt? quod secundum Galenum contingit, quia calore, qui per omnes partes superne a corde confluerat, privatae sint: cum hinc pateat magis arterias calorem partibus deferre, quam refrigerium et eventationem. Praeterea, quomodo diastole simul spiritus a corde attrahat ad calefaciendas partes, simulque ab externo refrigerium? Amplius, tametsi iisdem usibus pulmones, arterias, et cor inservire aliqui affirmant; tamen cor spirituum officinam esse, et arterias spiritus continere, transmittere etiam, dicunt: pulmones autem spiritus facere aut retinere, contra Columbi opinionem, negant. Quin et cum Galeno, quod sanguis continetur in arteriis, et non spiritus, contra Erasistratum asseverant. Videntur istae opiniones ita inter se pugnare, et sese invicem refellere, ut omnes non immerito sint suspectae. Sanguinem in arteriis contineri, et arterias solum sanguinem deferre, tum experimento Galeni, tum in arteriotomia, tum in vulneribus manifestum est: cum ab una arteria dissecta, hoc etiam Galenus affirmet plurimis in locis, unius semihorae spatio totam massam sanguinis ab universo corpore, magna et impetuosa profusione, exhaustam fore. Experimentum Galeni tale est. *Si*^a, inquit, *funiculo arteriam utrinque ligaveris, et medio rescisso secundum longitudinem, quod inter duas ligaturas in arteriis comprehensum erit, nihil praeter sanguinem esse reperiēs*: et sic probat sanguinem solum continere. Unde etiam similiter nobis ratiocinari licet: si eundem sanguinem, qui venis similiter

^a Galenus libro, Quod sanguis continetur in arteriis.

ligatis et rescissis ineſt, inveneris in arteriis (quem in mortuis, et aliis animalibus, ſæpius ego expertus ſum) eadem ratione ſimiliter concludere nos poſſumus, arterias eundem ſanguinem, quem venae, et nihil præter eundem ſanguinem, continere. Aliqui dum diſſolvere difficultatem tentant, ſpirituofum et arterioſum eſſe ſanguinem affirmantes, tacite concedunt arteriarum munus eſſe ſanguinem a corde in univerſum corpus deferre, et repletas ſanguine arterias eſſe: ſpirituofus enim ſanguis, non minus ſanguis eſt. Etiam ſanguis prout ſanguis, et qui in venis fluit, eum ſpiritibus imbui nemo negat. Quod ſi, qui in arteriis eſt, ſanguis uberiori ſpirituum copia turgeat, tamen exiſtimandum eſt hos ſpiritus a ſanguine inſeparabiles eſſe, ſicut illi in venis; et quod ſanguis et ſpiritus unum corpus conſtituant (ut ſerum et butyrum in lacte, aut calor in aqua calida) quo corpore replentur arteriae, et cujus corporis diſtributionem a corde arteriae præſtant; et hoc corpus nihil aliud quam ſanguis eſt. Si vero hunc ſanguinem (in arteriis) e corde per arteriarum diaſtolen attrahi dicunt, videntur aſtruere quod arteriae ſua diſtentione ſanguine iſto repleantur, et non aëre ambiente, uti prius: nam ſi etiam aëre ab ambiente repleti dicant, quomodo et quando recipient e corde ſanguinem? Si in ſyſtole id fiat, continget impoſſibile; repleti arterias, cum contrahantur; vel repleti, et non diſtendi: ſin autem in diaſtole, in duos uſus contrarios, et ſanguinem et aërem, et calorem et frigus, ſimul recipient; quod eſt improbabile. Amplius, cum affirmant ſimul diaſtolen cordis et arteriarum eſſe, et ſimul ſyſtolen, alterum eſt inconveniens. Quomodo enim, cum ſimul diſtenduntur duo corpora ſic invicem connata, alterum ab altero attrahat; vel cum ſimul contrahuntur, alterum ab altero recipiat aliquid? Inſuper forſan impoſſibile eſt, aliquid poſſe aliud corpus ita in ſe ipſum attrahere ut diſtendatur (cum diſtendi ſit paſſi) niſi ut ſpongia prius vi ab externis conſtricta, dum redeat ad conſti-

constitutionem suam naturalem. Tale autem aliquid in arteriis posse esse, difficile est fingere. Sed arterias distendi quia replentur, ut sacculi et utres, atque non repleti quia distenduntur, ut folles, facile et aperte demonstrare me posse, et palam antehac demonstrasse, existimo. Attamen, libro *Quod sanguis continetur in arteriis*, Galeni experimentum in contrarium sic se habet. Arteriam nudatam secundum longitudinem incidit, calamusque (vel concavam perviam fistulam) immittit, quo et sanguis exilire non possit, et vulnus obturetur. *Quoadusque*, inquit, *sic se habet, arteria tota pulsabit: cum primum vero, obductum filum super arteriam et fistulam in laqueum contrahens, arteriae tunicas calamo obstrinxeris, non amplius arteriam ultra laqueum palpitare videbis.* Nec ego feci experimentum Galeni, nec recte posse fieri, vivo corpore, ob impetuosum sanguinis ex arteriis eruptionem puto; nec obturabit sine ligatura vulnus fistula; et per fistulae cavitatem ulterius profilire sanguinem non dubito: tamen hoc experimento et probare videtur Galenus facultatem pulificam per tunicas arteriarum a corde manare; et quod arteria, dum distendantur, ab illa facultate pulifica repleantur, quia distenduntur, ut folles; non distendantur, quia replentur, ut utres. Sed et in arteriotomia et vulneribus contrarium manifestum est: sanguis enim saliendo ab arteriis profunditur cum impetu, modo longius, modo propius vicissim, profiliendo; et saltus semper est in arteriae diastole, et non in systole. Quo clare apparet, impulsu sanguinis arteriam distendi. Ipsa enim, dum distenditur, non potest sanguinem tanta vi projicere; potius aërem in se per vulnus attrahere deberet, secundum ea quae vulgo de arteriarum usu jactata sunt. Nec crassities tunicarum arteriae nobis imponat, facultatem pulificam provenire a corde per ipsas tunicas. Nam, quibusdam animalibus, arteriae a venis nihil differunt; et extremis partibus hominis, et parvis disseminationibus arteriarum (quales in cerebro,

manu,

manu, et caeteris) nemo, per tunicas, arterias a venis poterit distinguere: eadem enim utriusque tunica. In aneurysmate praeterea, ex incisa vel exesa arteria genito, eadem omnino pulsatio cum reliquis arteriis; et tamen non habet tunicam arteriae. Hoc mecum doctissimus Riolanus libro septimo attestatur. Neque eundem usum pulsus ac respirationis quis existimet, quod iisdem causis, uti respiratio, crebriores, majores, celeriores fieri cernat; uti cursu, ira, balneo, aut quovis calfaciente, ut dicit Galenus. Nam non solum illud experimentum est in contrarium (quod solvere Galenus nititur) cum ab immodica repletione pulsus existant majores, respirationes minores; sed et in pueris pulsus frequentes, cum respiratio interim rara. Similiter in timore, et curis, et anxietate animi, imo aliquibus in febribus, pulsus celeres, frequentes; respirationes vero tardiores. Haec et hujusmodi incommoda positas opiniones, de pulsu et usu arteriarum, consequuntur: non minus forsan etiam ea, quae de usu et pulsu cordis affirmantur, difficultatibus plurimis et inextricabilibus implexa sunt. Cor affirmant vulgo fontem et officinam vitalium spirituum esse, quibus vitam singulis partibus largiatur; et tamen negant dextrum ventriculum spiritus facere, sed praebere duntaxat alimentum pulmonibus: unde dicunt piscibus deesse dextrum ventriculum cordis (et omnino omnibus deesse quibus non sunt pulmones) et quod dexter ventriculus cordis, pulmonum gratia, sit.

I. Cur, quae, cum eadem pene constitutio sit utriusque ventriculi, eadem fabrica fibrarum, lacertulorum, valvularum, vasorum, auricularum, et eodem uterque in dissectionibus referciatur sanguine, similiter nigricante, similiter grumefcente; cur (inquam) cum eadem sit utriusque actio, motus, pulsus, variis eos usibus, tam differentibus, existimemus destinatos fuisse? Si valvulae tricuspidales tres, sub dextri ventriculi ingressu, impedimento sint sanguinis regressui in venam cavam; et si semiluna-

res tres illae in orificio arteriosae venae, ut sanguinis regressum impediunt, factae sint; cur, cum similiter se habeant sinistro ventriculo, similiter sanguinis tum egressui, tum regressui impediendo, factas esse negemus?

2. Et cum magnitudine, forma, situ, omnino eodem pene modo sinistro se habeant ventriculo, quo in dextro; cur dicunt hic, spirituum egressui et regressui, impedimento esse; in dextro vero, sanguinis? Idem organon simile non videtur sanguinis et spirituum motus similiter impedire apte posse.

3. Et cum meatus et vasa sibi invicem respondeant magnitudine; videlicet vena arteriosa et arteria venosa; cur unum privato usui destinetur, videlicet alendis pulmonibus, alterum publico?

4. Et quomodo probabile est (uti notavit Realdus Columbus) tanto sanguine opus esse ad nutritionem pulmonum? cum hoc vas, vena videlicet arteriosa, exsuperat magnitudine utrumque ramum distributionis venae cavae descendentes cruralem.

5. Et, quaeſo, cum pulmones tam prope sint, et vas tam amplum existat, et ipsi continuo motu; quid est quod dextri ventriculi pulsu opus sit? et quid est quod natura, gratia alendorum pulmonum, alterum ventriculum cordi adungere necesse habeat?

Cum dicunt sinistrum ventriculum, e pulmonibus et dextro cordis sinu, materiam attrahere ad spiritus condendos, aërem videlicet et sanguinem; et pariter in aortam spirituofum sanguinem distribuere; et hinc fuligines, videlicet retro per arteriam venalem, remitti in pulmones; illinc spiritus in aortam; quid est quod separationem facit? et quomodo huc illuc spiritus [et] fuligines, citra permissionem aut confusionem, commeant? Si tricuspidēs mitrales non impediunt egressum fuliginum ad pulmones, quomodo impediunt aëris? Et quomodo semilunares prohibebunt regressum spirituum (subsequente diastole cordis) ab aorta?

aorta? Et omnino, quomodo dicunt per arteriam venalem spirituosum sanguinem distribui e ventriculo sinistro in pulmones; nec interim impediunt tricuspidēs? cum affirmarint aërem per idem vas a pulmonibus in ventriculum sinistrum ingredi, cuius regressui tricuspidēs illas valvulas impedimento esse voluerunt. Deus bone! Quomodo tricuspidēs impediunt aëris regressum, et non sanguinis?

Amplius, cum venam arteriosam, vas amplum, magnum, cum tunica arteriae factum, non nisi privato et uni usui (videlicet alendis pulmonibus) destinarint; cur arteriam venalem, vix pari magnitudine, cum tunica venae, molli, laxa, pluribus usibus (tribus vel quatuor videlicet) fabrefactam asseverant? Volunt enim per ipsam aërem e pulmonibus in sinistrum ventriculum permeare: volunt similiter e corde in pulmones fuligines per ipsam remeare: volunt spirituosum sanguinis portionem a corde per ipsam in pulmones ad ipsos refocillandos distribui.

Si fuligines et aërem (a corde illas, ad cor hunc) per eundem tubulum volunt transmitti; tam contrariis motibus et usibus unum vas et unam viam fabricare natura solita non est: nec videre uspiam contigit.

Si fuligines, si aërem hac via permeare, remeare, contendunt, ut per bronchia pulmonum; quare, exsecta vel incisa arteria venosa, neque aërem neque fuligines reperire in dissectione possumus? et unde semper refertam crasso sanguine arteriam venosam istam videmus, et nunquam aëre; cum in pulmonibus et aërem remanentem cernimus?

Si quis experimentum Galeni faceret, et cani adhuc viventi tracheam incideret, et foliis pulmones aëre impleret per vim, et distentos ligaret fortiter; idem mox dissecto pectore multam aëris copiam in pulmonibus, usque ad extimam illorum tunicam, invenerit; sed neque in arteria venosa, neque in sinistro ventriculo cordis, quidquam. Si aërem e pulmonibus, in cane

viven-

vivente, aut cor attraheret, aut pulmones transmitterent, multo magis hoc experimento id facere deberent. Imo, in administratione anatomica inflatis cadaveris pulmonibus, etiam aërem statim huc ingredi, si ulli essent meatus, quis dubitaret? Tam magni vero faciunt hunc usum arteriae venosae, videlicet ad aërem e pulmonibus cordi deferendum, ut Hieronymus Fabricius ab Aquapendente hujus vas causa pulmones factos fuisse, et hanc esse praecipuam pulmonum particulam, contendat.

Sed, amabo, si aëri deferendo arteria venosa condita sit, cur ejus constitutio est venae? Fistulis potius opus esset naturae (et quidem quales bronchia sunt) annularibus, ut semper pateant, et neque concidant, et ut omnino vacuae sanguine permaneant, ne humor aëris transitum impediat; uti manifestum est quando pulmones, pituita bronchiis vel infarcta vel paululum admissa, laborant; sibilo et strepitu oborto dum respiramus.

Minus toleranda illa opinio quae, cum duplicem materiam (aëream et sanguineam) necessariam esse ad spiritus vitales efficiendos supponit, sanguinem per mediastrini cordis caecas porositates de dextro in sinistrum ventriculum transfudare, aërem per magnum vas, arteriam venosam, e pulmonibus attrahi, contendit; et proinde in septo cordis porositates plures esse producendo sanguini accommodatas. Sed mehercule porositates nullae sunt, neque demonstrari possunt.

Septi enim cordis substantia densior et compactior est quamvis altera corporis particula, exceptis ossibus et nervis. Sed si adessent foramina, quomodo (cum simul uterque ventriculus distendatur et dilatetur) alterum ab altero quidpiam, aut sinistrum sanguinem e dextro, exhaurire possibile est? Et cur non potius dextrum spiritus ex sinistro, quam sinistrum sanguinem e dextro ventriculo, per eadem foramina evocare crediderim? At mirum et incongruum certe, sanguinem per caecos obscurosque ductus, et aërem per patentissimos, eodem instanti, commodius

attrahi. Et cur, quaeſo, pro ſanguinis tranſitu in ſiniſtrum ventriculum, ad caecas et inviſibiles porofitates, incertas, obſcuras, confugiunt; quando adest per arteriam venoſam tam patens iter? Mirum mihi certe eſt, quod per cordis ſeptum craſſum, durum, denſum, compactiſſimum, viam facere vel finire potius maluerunt, quam per patens vas venoſum, aut etiam per pulmonum ſubſtantiam raram, laxam, molliſſimam, ſpongioſam. Praeterea, ſi per ſepti ſubſtantiam ſanguis permeare potuiſſet, aut e ventriculis imbibi, quid opus eſſet venae et arteriae coronalis ramulis ad ipſius ſepti nutritionem divaricatis? Quod notatu digniſſimum, ſi in foetu (quando omnia rariora, molliora) natura coacta fuit per foramen ovale ſanguinem in ſiniſtrum ventriculum e vena cava per arteriam venoſam traducere; quomodo veriſimile poſſit eſſe, quod in adulto per cordis ſeptum, jam denſius aetate factum, tam commode nulloque negotio transfundat?

Andreas ^aLaurentius, auctoritate ^bGalenī et experientia Hollerīi ſultus, aſſerit et probat, e cavitate pectoris ſeroſitates et pus empyicorum, in arteriam venoſam abſorptum, per ſiniſtrum ventriculum cordis et per arterias cum urina vel cum faecibus alvi poſſe expelli. Recenſet quinetiam, in confirmationem, caſum cujuſdam melancholici, qui, ſaepe deliquium animi paſſus, a paroxyſmo liberatus erat emiſſione urinae turbidae, foetidae, acris; quo genere morbi tandem conſectus [eſt]. Diſſecto cadavere, talis ſubſtantia, qualem mingeſcit, neque in veſica, neque in renibus uſpiciam apparebat; ſed in cordis ſiniſtro ventriculo, et cavitate pectoris plurima: unde gloriatur ſe horum affectuum talem praedixiſſe cauſam. Ego autem non poſſum non mirari, cum ipſe materiam heterogeneam poſſe eodem tractu evacuari divinarat et praedicaverat; quod, iſdem viſ ſanguinem e pulmonibus in ſiniſtrum ventriculum ſecundum

^a Libr. ix. cap. 13. quaefione 12.

^b De locis affect. libr. vi. cap. 7.

naturam deduci, convenienter cernere aut asseverare non potuit aut noluit.

Itaque ex his et hujusmodi plurimis patet (cum ea quae dicta antehac a prioribus, de motu et usu cordis et arteriarum, aut inconvenientia, aut obscura, aut impossibilia diligentius consideranti appareant) utile proinde admodum fore paulo penitius rem introspicere; arteriarum et cordis motus non solum in homine, sed et aliis universis animalibus cor habentibus, contemplari; quinetiam, vivorum dissectione frequenti, multaque autopsia, veritatem discernere et investigare.

1. The first part of the paper discusses the importance of the study of the history of the United States. It is argued that the study of the history of the United States is essential for a full understanding of the country and its people. The paper then discusses the various factors that have shaped the history of the United States, including the role of the American people, the influence of the American government, and the impact of the American economy. The paper concludes by discussing the importance of the study of the history of the United States for the future of the country.

EXERCITATIO ANATOMICA, DE MOTU COR- DIS ET SANGVINIS IN ANIMALIBVS.

CAPVT PRIMVM.

Causae, quibus ad scribendum auctor permotus fuerit.

CVM multis vivorum dissectionibus, uti ad manum dabantur, animum ad observandum primum appuli; quo cordis motus usum et utilitates in animalibus per autopsiam, et non per libros aliorumque scripta, invenirem; rem arduam plane, et difficultatibus plenam, continuo reperi: ut cum Fracastorio, motum cordis soli Deo cognitum fuisse, pene opinarer. Nec enim quomodo systole aut diastole fieret, nec quando aut ubi dilatatio et constrictio existeret, recte potui inter noscere; propter celeritatem scilicet motus, qui in multis animalibus, nictu oculi, quasi trajecto fulgure, se in conspectum exhibuit et subtraxit illico: ita ut modo hinc systolen, illinc diastolen; modo e contra; modo varios, modo confusos fieri motus, me existimarem cernere. Vnde animus mihi fluctuabat; nec quid vel ipse statuerem, vel aliis crederem, habebam: et motum cordis esse, qualis Euripi fluxus et refluxus Aristoteli, Andream Laurentium scripsisse non mirabar.

Tandem majori indies et disquisitione et diligentia usus, multa frequenter et varia animalia viva introspeciendo, multis observationibus collatis, et rem attigisse et ex hoc labyrintho me extricatum evasisse, simulque motum et usum cordis et arteriarum, quae desiderabam, comperta habere me, existimabam. Ex quo, non solum privatim amicis, sed etiam publice in praelectionibus meis anatomicis, Academico more, proponere meam in hac re sententiam non verebar.

Quae

22 E X E R C I T A T I O A N A T O M I C A

Quae cum aliis (uti fit) placebat, aliis minus; hi convellere, calumniari, et vitio vertere, quod a praeceptis et fide omnium anatomicorum discefferim; illi rem novam, cum inquisitu dignam, tum maxime utilem fore confirmantes, plenius sibi explicatam poscere. Tandem amicorum precibus, ut omnes meorum laborum participes fierent, partim etiam aliorum permotus invidia, qui dicta mea iniquo animo accipientes, et minus intelligentes, me publice traducere conabantur; ut omnes de me et de re ipsa iudicium ferant, haec typis mandare publice coactus fui: sed et eo libentius, quod Hieronymus Fabricius ab Aquapendente, cum singulas pene animalium particulas accurate et docte peculiari tractatu delineaverat, solum cor intactum reliquit. Denique ut, si quid reipublicae literariae ex opera mea utile et commodum hac in parte accederet, forsan recte fecisse me constaret; nec alii omnino inertem me vixisse viderent; et, quod senex ait in comoedia,

Nunquam quisquam ita bene subducta ratione ad vitam fuit,

Quin res, aetas, usus aliquid apportet novi,

Aliquid admoneat, ut illa quae te scire credas, nescias,

Et quae tibi putaris prima in experiundo repudies,

illud forsan in cordis motu eveniat nunc; aut alii hinc saltem, hac data via, felicioribus freti ingeniis, rei rectius gerendae et melius inquirendi occasionem capiant.

CAPVT SECVNDVM.

Ex vivorum dissectione, qualis sit cordis motus.

PRimum itaque in cordibus omnium adhuc viventium animalium, aperto pectore, et dissecta capsula quae cor immediate circumcludit, observare licet cor aliquando moveri, aliquando quiescere; et esse tempus in quo movetur, et in quo motu destituitur. Haec manifestiora in cordibus frigidorum ani-

animalium, ut bufone, serpentibus, ranis, cochleis, gammaris, crustatis conchis, squillis, et pisciculis omnibus. Fiunt etiam omnia manifestiora in cordibus calidiorum, ut canis, porci, si eousque attente observaveris quoad emori cor, et languidius moveri, et quasi extingui incipiat: tum etenim tardiores et rariores ipsius motus fieri, et longiores quietes, cernere aperte et clare poteris; et motus qualis sit, et quomodo fiat, commodius intueri et dijudicare licet. In quiete, ut in morte, cor laxum, flaccidum, enervatum, inclinatum quasi, jacet.

In motu, et eo quo movetur tempore, tria prae caeteris animadvertenda.

I. Quod erigitur cor, et in mucronem se sursum elevat; sic ut illo tempore ferire pectus, et foris sentiri pulsatio possit.

II. Undique contrahi, magis vero secundum latera; ita uti minoris magnitudinis, et longiusculum, et collectum appareat. Cor anguillae exemptum, et super tabulam aut manum positum, hoc facit manifestum: aequae etiam apparet in corde pisciculorum, et illis frigidioribus animalibus, quibus cor coniforme aut longiusculum est.

III. Comprehenfum manu cor, eo quo movetur tempore, duriusculum fieri. A tensione autem illa durities est; quemadmodum si quis lacertos in cubito manu comprehendens, dum movet digitos, illos tendi et magis renitentes fieri percipiat.

IV. Notandum insuper in piscibus, et frigidioribus sanguineis animalibus, ut serpentibus, ranis, et caeteris, illo tempore quo movetur, cor albidioris coloris esse; cum quiescit a motu, coloris sanguinei faturum cerni.

Ex his mihi videbatur manifestum, motum cordis esse tensionem quandam ex omni parte et secundum ductum omnium fibrarum, et constrictionem undique; quoniam erigi, vigorari, minorari, et durescere in omni motu videtur: ipsiusque motum esse, qualem musculorum, dum contractio fit secundum parti-

24 EXERCITATIO ANATOMICA

um nervosarum et fibrarum. Musculi enim, cum moventur et in actu sunt, vigorantur, tenduntur, ex mollibus duri fiunt, attolluntur, incrassantur: et similiter cor.

Ex quibus observatis rationi consentaneum est, cor, eo quo movetur tempore, et undique constringi, et secundum parietes incrassescere, secundum ventriculos coarctari, et contentum sanguinem protrudere; quod ex quarta observatione satis patet; cum in ipsa tensione sua, propterea quod sanguinem in se prius contentum exprefferit, albescit; et denuo in laxatione et quiete, subingrediente de novo sanguine in ventriculum, redit color purpureus et sanguineus cordi. Verum nemo amplius dubitare poterit, cum usque in ventriculi cavitatem inflicto vulnere, singulis motibus sive pulsationibus cordis, in ipsa tensione profilire cum impetu foras contentum sanguinem viderit.

Simul itaque haec, et eodem tempore, contingunt; tensio cordis, mucronis pulsus, qui forinsecus sentitur ex allusione ejus ad pectus, parietum incrassatio, et contenti sanguinis protrusio cum impetu a constrictione ventriculorum.

Hinc contrarium vulgariter receptis opinionibus apparet; cum, eo tempore quo cor pectus ferit et pulsus foris sentitur, una cor distendi secundum ventriculos et repleti sanguine putetur; quanquam contra rem se habere intelligas, videlicet cor dum contrahitur inaniri. Vnde qui motus vulgo cordis diastole existimatur, revera systole est. Et similiter motus proprius cordis, diastole non est, sed systole; neque in diastole vigoratur cor, sed in systole: tum enim tenditur, movetur, vigoratur.

Neque omnino admittendum illud (tamen divini Vesalii adducto exemplo confirmatum, de vimineo circulo scilicet ex multis juncis pyramidalim junctis) cor secundum fibras rectas tantum moveri; et sic, dum apex ad basin appropinquat, latera in orbem distendi, et cavitates dilatari, et ventriculos cucurbitulae formam acquirere et sanguinem introsumere (nam, secundum

cundum omnem quem habet ductum fibrarum, cor eodem tempore tenditur, confringitur): at potius incrassari et dilatari parietes et substantiam, quam ventriculos; et, dum tenduntur fibrae a cono ad basin, et conum ad basin trahunt, non in orbem latera cordis inclinare, sed potius contrarium; uti omnis fibra in circulari positione, dum contrahitur, versus rectitudinem. Et sicut omnes musculorum fibrae, dum contrahuntur, et in longitudine abbreviantur; ita secundum latera distenduntur et, eodem modo quo in musculorum ventribus, incrassantur. Adde quod non solum, in motu cordis, per directionem et incrassationem parietum contingit ventriculos coarctari; sed ulterius, eo quod fibrae illae (sive lacertuli in quibus solum fibrae rectae, in pariete enim omnes sunt circulares) ab Aristotele nervi dictae (quae variae in ventriculis cordis majorum animalium) dum una contrahuntur, admirabili apparatu omnia interiora latera veluti laqueo invicem compelluntur, ad contentum sanguinem majori robore expellendum.

Neque verum est similiter, quod vulgo creditur, cor ullo suo motu, aut distensione, sanguinem in ventriculos attrahere: dum enim movetur et tenditur, expellit; dum laxatur et concidit, recipit sanguinem; eo modo, quo postea patebit.

CAPUT TERTIUM.

Arteriarum motus qualis, ex vivorum dissectione.

Vlterius in cordis motu observanda veniunt haec, quae ad arteriarum motus et pulsationes spectant.

I. Eo tempore quo cordis fit tensio, contractio, percussio pectoris, et omnino systole, arteriae dilatantur, pulsus edunt, et in sua sunt diastole. Similiter, eo tempore quo dexter ventriculus contrahitur et protrudit contentum sanguinem, vena arteriosa pulsatur et dilatatur, simul cum reliquis arteriis corporis.

II. Quando sinister ventriculus cessat moveri, pulsare, et contrahi, cessat pulsus arteriarum; imo quando languidius tenditur, pulsus in arteriis vix perceptibilis: et similiter, cessante dextro, in vena arteriosa.

III. Item secta quavis arteria, vel perforata, in ipsa tensione ventriculi sinistri propellitur foras sanguis ex vulnere cum impetu. Similiter, secta vena arteriosa, eodem tempore quo dexter ventriculus tenditur et contrahitur, exinde cum impetu sanguinem profilire videbis.

Similiter etiam in piscibus secta fistula, quae e corde in branchias ducit, quo tempore cor tendi et contrahi videbis, eo una etiam sanguinem exinde protrudi cum impetu.

Similiter denique, cum in omni arteriotomia sanguis profiliendo exeat modo longius, modo propius, saltum fieri in arteriarum diastole, et quo tempore cor pectus ferit, comperies; atque hoc nimirum eo tempore quo cor tendi et contrahi apparet, et in sua esse systole [et] erectione: unaque sanguis expellitur eodem motu.

Ex his videtur manifestum, contra communia dogmata, quod arteriarum diastole sit eo tempore quo cordis systole; et arterias repleri et distendi, propter sanguinis a constrictione ventriculorum cordis immiessionem et intrusionem; quin etiam distendi arterias, quia replentur, ut utres, aut vesica; non repleri, quia distenduntur, ut folles. Et eadem de causa universi corporis arteriae pulsan, videlicet a tensione sinistri cordis ventriculi; sicut vena arteriosa a dextri.

Denique arteriarum pulsum fieri ab impulsu sanguinis e ventriculo sinistro; eodem pacto quo, cum quis in chirothecam inflat, omnes digitos simul et una distendi et pulsum aemulari [videt]. Etenim secundum cordis tensionem pariter pulsus fiunt majores, vehementiores, frequentes, celeres; rhythmum et quantitatem et ordinem servantes: nec est expectandum ut,

prop-

propter motum sanguinis, tempus inter constrictionem cordis et arteriarum (praecipue magis distantium) dilatationem intercedat, ne fiant simul; cum eodem modo se [res] habeat, ut in inflatione chirothecae aut vesicae; quod per plenum, (ut per tympanum, et in longis lignis) ictus et motus simul sunt in utroque extremo; et quod ^aAristoteles: *palpitat intra venas* (arterias intelligit) *sanguis omnium animalium, pulsuque simul undique movetur.* ^b*Sic pulsant venae omnes et simul invicem, propterea quod pendent omnes a corde; movet autem semper, quare et illae semper; et simul invicem, quando movet.* Notandum cum Galeno, a veteribus philosophis venas pro arteriis appellatas fuisse.

Accidit aliquando me vidisse et prae manibus habuisse casum quendam, qui mihi hanc veritatem apertissime confirmabat. Habuit quidam tumorem ingentem pulsanter, aneurysma dictum, in dextra parte juguli prope descensum arteriae subclaviae in axillas, ab ipsius arteriae exefione prognatum, qui summum indies incrementum capebat; et illud propter missionem sanguinis ab arteria, singulis pulsationibus distendentis: quod secto post mortem cadavere deprehensum erat. In illo, pulsus ejusdem brachii exilis admodum; eo quod major sanguinis portio et influxus in tumorem divertebatur, et interceptus fuit.

Quare five per compressionem, five per infarctum, vel interceptionem, ubicunque sanguinis motus per arterias praepeditur, ibi posteriores arteriae minus pulsant: cum pulsus arteriarum, nil nisi impulsus sit sanguinis in arterias.

^a Anim. iii. cap. 9.

^b De respir. cap. 20.

CAPVT QVARTVM.

Motus cordis et auricularum qualis, ex vivorum dissectione.

PRaeter haec, circa motum cordis observanda sunt, quae ad auricularum usum spectant.

Quod Caspar Bauhinus et Johannes Riolanus, viri doctissimi et anatomici peritissimi, ^a observarunt et admonent, quod, si in viva sectione alicujus animalis cordis motum studiose observes, quatuor motus loco et tempore distinctos aspicias, quorum duo sunt proprii auricularum, ventriculorum duo; pace tantorum virorum, quatuor sunt motus loco, non vero tempore, distincti. Simul enim ambae auriculae movent, et simul ambo ventriculi: ut quatuor loco motus distincti sint, duobus tantum temporibus. Atque hoc se habet modo.

Duo sunt quasi eodem tempore motus; unus auricularum, alter ipsorum ventriculorum: nec enim simul omnino fiunt; sed praecedit motus auricularum, et subsequitur cordis; et motus ab auriculis incipere, et in ventriculos progredi visus est. Cum jam languidiora omnia emoriente corde, et in piscibus et in frigidioribus sanguineis animalibus, inter hos duos motus tempus aliquod quietis intercedit; ut cor quasi suscitatum motui respondere videatur, aliquando citius, aliquando tardius: et tandem ad mortem inclinans cessat motu suo respondere, et quasi capite duntaxat leviter annuit, et obscure adeo movetur, ut potius motus signum praebere pulsanti auriculae videatur. Sic prius definit cor pulsare, quam auriculae; ut auriculae supervivere dicantur: et primus omnium definit pulsare sinister ventriculus; deinde ejus auricula; demum dexter ventriculus; ultimo (quod etiam notavit Galenus) reliquis omnibus cessantibus et mortuis, pulsatur usque dextra auricula; uti ultimo in dextra auricula vi-

^a Bauhin. lib. ii. c. 21. Jogn. Riolan. lib. viii. cap. 1.

ta remanere videatur. Et dum sensim emoritur cor, videre licet, post duas vel tres pulsationes auricularum, aliquando quasi expergefactum cor respondere, et unum pulsum lente, et aegre, peragere, et moliri.

Sed et praecipue notandum, quod postquam cessavit cor pulsare, adhuc auricula pulsante, digito super ventriculum cordis posito, singulae pulsationes percipiuntur in ventriculis; eodem plane modo, quo ventriculorum pulsationes in arteriis sentiri antea diximus; a sanguinis impulsu nimirum distensione facta. Et hoc tempore, pulsante solum auricula, si forfice cordis mucronem absecueris, exinde singulis auriculae pulsationibus sanguinem effluere conspicias: ut hinc pateat quomodo in ventriculos sanguis ingrediatur; non attractione, aut distensione cordis, sed ex pulsu auricularum immixtus.

Notandum est ubique omnes, quas voco, et in auriculis et in corde pulsationes, contractiones esse: et plane primo contrahi auriculas videbis; et in consequentia, cor ipsum. Auriculae enim, dum moventur et pulsan, albidiores fiunt; praesertim ubi pauco sanguine replentur (replentur autem tanquam promptuarium et lacuna sanguinis, declinante sponte sanguine et, venarum motu, compressio ad centrum): quin etiam in finibus et extremitatibus ipsarum, haec albedo a contractione fieri vel maxime apparet.

In piscibus, et ramis, et similibus, quae unum ventriculum habent cordis, et pro auricula vesicam quandam in basi cordis positam, refertissimam sanguine; hanc videbis vesicam primo contrahi, et subsequi postea cordis contractionem apertissime.

At vero, et quae his contrario modo se habent, a me observata adscribere huc visum est. Cor anguillae, et quorundam piscium, et animalium etiam, exemptum sine auriculis pulsat: imo si in frustra dissectueris, partes ejus divisas separatim sese contrahere et laxare videbis; ita ut in his, post cessationem mo-

30 E X E R C I T A T I O A N A T O M I C A

tus auricularum, cordis corpus pulsum faciat et palpitet. Sed an hoc proprium vivacioribus animalibus, quorum radicale humidum glutinosum magis, aut pingue, et lentum est, et non ita facile dissolubile? Quod etiam apparet in carne anguillarum, quae post excoriationem, exenterationem, et in frustra dissectionem, motum retinet.

In columba certe experimento facto, postquam cor defierat omnino moveri et nunc etiam auriculae motum reliquerant, per aliquod spatium, digitum, saliva madefactum et calidum, cordi superimpositum detinui: quo fomento, quasi vires et vitam postliminio recuperasset, cor et ejus auriculae moveri, et sese contrahere atque laxare, et quasi ab orco revocari, videbantur.

Sed et praeter haec aliquoties a me observatum fuit, postquam cor ipsum, et ejus auricula etiam dextra, a pulsatione quasi mortis articulo quiescebant; in ipso sanguine, qui in dextra auricula continetur, obscurum motum, et inundationem, ac palpitationem quandam manifesto superfuisset; tamdiu scilicet, quam calore et spiritu imbui videretur.

Tale quiddam evidentissime in prima animalis generatione, intra septem dies ab incubatione, in ovo gallinaceo cernitur. Inest primum ante omnia gutta sanguinis, quae palpitat (quod etiam annotavit Aristoteles); ex qua, incremento facto, et pullo aliqua ex parte formato, fiunt cordis auriculae; quibus pulsantibus perpetuo inest vita. Cum postea corpus delineari intermissis aliquot diebus inceperit, tum etiam cordis corpus procreatur, et per aliquod tempus albidum apparet et exsanguis, ut reliquum corpus; nec pulsum edit, nec motum. Quin etiam in foetu humano vidi, circa principium tertii mensis, similiter cor formatum; sed albidum et exsanguis; cujus tamen auriculis sanguis inerat uberrimus et purpureus; sed enim in ovo, jam adaucto et conformato foetu, simul et cor adaugeri et ventriculos habere; quibus sanguinem tunc recipere et transmittere coepit.

Ita

Ita ut si penitus introspicere quis velit, non cor esse primum vivens et ultimum moriens dixerit; sed auriculas (et quae in serpentibus, piscibus, et huiusmodi animalibus, pars pro auricula est) et priusquam cor ipsum vivere, et post etiam emori.

Imo an prius adhuc ipse sanguis, vel spiritus, habeat in se obscuram palpitationem, quam post mortem retinere mihi visus est; et an cum palpitatione vitam incipere dicamus, dubitare contingit: quandoquidem et sperma animalium omnium (ut notavit Aristoteles) et spiritus prolificus palpitando exit, velut animal quoddam. Ita natura in morte, quasi decursione facta, reducem (ut ^a Aristoteles) agit, et motu retrogrado a calce ad carceres, eo unde proruit, sese recipit: et cum animalis generatio ex non animali procedat in animal, tanquam ex non ente in ens, iisdem retro gradibus corruptio ex ente revolvitur in non ens: unde quod in animalibus ultimo fit, deficit primum; et quod primo, ultimum.

Observavi quoque in omnibus pene animalibus cor vere inesse; et non solum (ut Aristoteles dicit) in maioribus et sanguineis, sed in minoribus, exsanguibus, crustatis, et testaceis quibusdam, ut limacibus, cochleis, conchis, astacis, gammaris, squillis, multisque aliis: imo vespis, et crabronibus, [et] muscis, ope perispicilli ad res minimas discernendas, in summitate illius particulae quae cauda dicitur, et vidi pulsans cor, et aliis videndum exhibui.

In exsanguibus vero cor lente admodum, rarisque ictibus pulsatur, atque ut in aliis jam moribundis contingit, et tarde sese contrahit; ut facile in cochleis est cernere: quarum cor deprehendes in fundo illius orificii in latere dextro, quod se aperire et claudere eventationis causa videtur, et unde salivam expuit; sectione facta in summitatem juxta partem jecori analogam.

^a De motu animalium, cap 8.

Sed notandum et hoc: hieme et frigidioribus tempestatibus, exsanguia aliqua (qualis est cochlea) nihil pulsans habent, sed vitam magis plantae agere videntur; ut etiam reliqua quae plant-animalia ideo dicuntur.

Notandum insuper, in omnibus animalibus, ubi cor inest, ibi etiam auriculas esse, vel auriculis aliquid analogon: et ubicunque cor duplici ventriculo donatur, ibi duas semper adstare auriculas; non contra. Sed si in ovo pulli conformationem advertas, primum inest, ut dixi, tantum veficula, vel auricula, vel gutta sanguinis pulsans; postea incremento facto absolvitur cor: ita quibusdam animalibus (quasi ulteriorem perfectionem non adipiscentibus) pulsans veficula quaedam, instar puncti cujusdam rubri vel albi, duntaxat inest; quasi principium vitae: uti apibus, vespis, cochleis, squillis, gammaris, et caeteris.

Est hic apud nos minima squilla (quae Anglice dicitur *a shrimp*, Belgice *een garneel*) in mari et in Thamesi capi solita, cujus corpus omnino pellucidum est: eam aquae impositam saepius praebui spectandam amicissimis quibusdam meis, ut cordis illius animalculi motus liquidissime perspiceremus; dum exteriores illius corporis partes visui nihil officerent, quo minus cordis palpitationem quasi per fenestram intueremur.

In ovo gallinaceo, post quatuor vel quinque dies ab incubatione, primum rudimentum pulli, instar nubeculae, videndum exhibui; nimirum ovo cui cortex adimebatur, in aquam limpida tepidamque immisso: in cujus nubeculae medio punctum sanguineum palpitans tam exiguum erat, ut in contractione dispareret et visum aufugeret; in laxatione, instar summitatis acus, appareret rubicundum: ita ut, inter ipsum videri et non videri, quasi inter esse et non esse, palpitationem et vitae principium ageret.

CAPVT QVINTVM.

Cordis motus, actio, et functio.

EGO vero ex his tandem et huiusmodi observationibus repertum iri confido, motum cordis ad hunc modum fieri.

Primum sese contrahit auricula, et in illa contractione sanguinem contentum (quo abundat, tanquam venarum caput, et sanguinis promptuarium et cisterna) in ventriculum cordis conjicit; quo repleto, cor sese erigit, continuo omnes nervos tendit, contrahit ventriculos, et pulsum facit; quo pulsu, immixtum ab auricula sanguinem continenter protrudit in arterias; dexter ventriculus in pulmones, per vas illud quod vena arteriosa nominatur, sed revera et constitutione, et officio, et in omnibus, arteria est; sinister ventriculus in aortam, et per arterias in universum corpus.

Isti duo motus, auricularum unus, alter ventriculorum, ita per consecutionem fiunt, servata quasi harmonia et rhythmo, ut ambo simul fiant, [et] unicus tantum motus appareat; praesertim in calidioribus animalibus, dum illa celeri agitantur motu. Nec alia ratione id fit, quam cum in machinis, una rota aliam movente, omnes simul movere videantur; et in mechanico illo artificio quod sclopetis adaptant, ubi compressione alicujus lingulae cadit filix, percutit chalybem et propellit, ignis elicitur, qui in pulverem cadit, igitur pulvis, interius prorepat, displo-ditur, evolat globulus, metam penetrat; et omnes isti motus, propter celeritatem, quasi in ictu oculi simul fieri apparent. Sic etiam in deglutitione; radice linguae elevatione, et oris compressione, cibus vel potus in fauces deturbatur, larynx a musculis suis et epiglottide clauditur, elevatur, et aperitur, summitas gulae a musculis suis, haud aliter quam saccus ad implendum, attollitur et ad recipiendum dilatatur, et cibus vel

34 EXERCITATIO ANATOMICA

potum acceptum transversis musculis deprimit, et longioribus attrahit; et tamen omnes isti motus, a diversis et contradistinctis organis facti cum harmonia et ordine, dum fiunt, unum efficere motum videntur et actionem unam, quam deglutitionem vocamus.

Sic contingit plane in motione et actione cordis, quae deglutitio quaedam est, et transfusio sanguinis e venis in arterias. Et si quis (dum haec habuerit in animo) cordis motum diligenter in viva dissectione animadverterit, videbit non solum, quod dixi, cor sese erigere, et motum unum fieri cum auriculis continuum; sed undationem quandam et lateralem inclinationem obscuram, secundum ductum ventriculi dextri, et quasi sese leviter contorquere, et hoc opus peragere. Et quemadmodum cernere licet, cum equus potat et aquam deglutit, singulis gulae tractibus absorberi aquam, et in ventriculum demitti; qui motus sonitum facit, et pulsum quendam et auscultantibus et tangentibus exhibet; ita dum istis cordis motibus fit portionis sanguinis e venis in arterias traductio, pulsum fieri et exaudiri in pectore contingit.

Motus itaque cordis omnino ad hunc se habet modum; et una actio cordis est ipsa sanguinis transfusio et in extrema usque, mediantibus arteriis, propulsio: ut pulsus, quem nos sentimus in arteriis, nil nisi sanguinis a corde impulsus sit.

An vero cor sanguini, praeter transpositionem et motum localem et distributionem, aliquid aliud addat, five calorem, five spiritum, five perfectionem, posterius inquirendum; et ex aliis observationibus colligendum. Hoc in praesentia sufficiat; satis ostensum esse, in pulsu cordis sanguinem transfundi et deduci e venis in arterias per cordis ventriculos, et distribui in universum corpus.

Sed et hoc omnes aliquo modo concedunt, et ex cordis fabrica, et valvularum artificio, positione, et usu, colligunt. Verum
tanquam

tanquam in loco obscuro titubantes caecutire videntur; et varia, subcontraria, et non cohaerentia componunt; et ex conjectura plurima pronunciant: ut ante demonstratum est.

Causa maxima hac in parte haesitandi et errandi una fuisse mihi videtur, cordis cum pulmone in homine contextus. Cum venam ibi arteriosam in pulmones obliterari, et similiter arteriam venosam, conspexissent, unde aut quomodo dexter ventriculus in corpus distribueret sanguinem, aut sinister e vena cava exhauriret, obscurum admodum illis erat. Hoc attestantur Galeni verba, dum contra Erasistratum de venarum origine et usu, et sanguinis coctione, invehitur. ^a *Respondebitis, inquit, ita esse effectum, ut in jecore sanguis praeparatur, atque inde in cor deferatur, ibi postea reliquam propriae formae perfectionem absolutam accepturus. Quod profecto ratione vacare non videtur. Nullum enim perfectum et magnum opus repente una aggressione fieri, totamque suam expolitionem ab uno instrumento acquirere potest. Quod si ita est, ostendite nobis vas aliud, quod e corde sanguinem absolute perfectum educat, atque ipsum, ut arteriae spiritum, in totum corpus dispenset.* Ecce opinionem rationabilem non approbasse, et reliquisse Galenum, quia (praeterquam quod viam transitus non videbat) vas reperire non poterat, quod in totum corpus e corde sanguinem dispenset.

Si quis vero ibidem pro Erasistrato, vel pro illa, et nunc nostra, opinione (ipsius confessione Galeni, alias rationi consentanea) instaret, et arteriam magnam sanguinem e corde in univsum corpus dispensantem digito commonstrasset; quid divinus ille vir, ingeniosissimus et doctissimus, responderet miror. Si arteriam spiritus dispensare et non sanguinem diceret; profecto Erasistratum refelleret fatis (qui in arteriis spiritus duntaxat contineri arbitrabatur) sed sibi ipsi contradiceret interea; et id esse turpiter negaret, quod libro proprio acriter esse contendit, con-

^a Galen. de placitis Hippoc. et Plat. 6.

tra eundem Erasistratum. Et multis et validis argumentis comprobatur, et experimentis demonstratur, quod sanguis contineatur in arteriis natura, et non spiritus.

Sin vero divinus vir (uti facit eodem loco saepius) concederet, *omnes arterias corporis a magna arteria oriri, et hanc a corde; quin etiam in ipsis omnibus sanguinem natura contineri et deferri; et valvulas illas tres sigmoides, orificio aortae positas, regressum sanguinis in cor prohibere professus; et quod has natura nequaquam praestantissimo visceri apposuisse, nisi maximum aliquod ministerium illae fuissent exhibiturae; si (inquam) haec omnia, et his ipsissimis verbis, concederet pater medicorum (uti facit recitato libro); quomodo negare posset arteriam magnam istiusmodi vas esse quod sanguinem, jam absolutam suam perfectionem adeptum, e corde in universum corpus dispenseret, non video. An adhuc forsitan haesitaret, ut omnes in hunc usque diem post ipsum, quod propter contextum, ut dixi, cordis cum pulmone, non videat vias per quas sanguis e venis in arterias transferri possit?*

Quod dubium etiam anatomicos (dum semper in dissectionibus inveniunt arteriam venosam et sinistrum ventriculum cordis repletos sanguine, eoque crasso, grumescente, atro) non mediocriter perturbat: cum sanguinem e dextro ventriculo in sinistrum per septum cordis transfundere, coacti sint affirmare. Sed hanc viam antea refutavi. Jam ideo via paranda est et aperienda, qua inventa, nunc nulla esset difficultas quae quempiam (credo) inhiheret quo minus quae ante proposui (de pulsu cordis et arteriarum, de transfusione sanguinis e venis in arterias, et de dispensatione in universum corpus per arterias) concedere et agnoscere facile posset.

CAPVT SEXTVM.

Quibus viis sanguis, e vena cava in arterias, vel e dextro ventriculo cordis in sinistrum, deferatur.

CVM errandi occasionem prae buisse probabile sit, quam in homine vident, ut dixi, cordis cum pulmone connexionem; in hoc peccant, qui dum de partibus animalium, uti vulgo omnes anatomici faciunt, pronunciare et demonstrare aut cognoscere volunt, unum tantum hominem, eumque mortuum, introspiciunt: et sic (tanquam qui, una reipublicae forma perspecta, disciplinam politicam componere; aut unius agri naturam cognoscentes, agriculturam se scire opinantur) nihilo plus agunt, quam si ex una particulari propositione, de universali syllogizare darent operam.

Veruntamen, si in dissectione animalium aequè versati essent, ac in humani cadaveris anatome exercitati; res haec, in dubio quae omnes perplexos retinet, palam absque omni difficultate, mea sententia, elucesceret.

In piscibus, in quibus unus tantum ventriculus cordis (ut non habentibus pulmones) res primum satis manifesta est. Veficam enim sanguinis in basi cordis positam, auriculae nimirum analogon, sanguinem in cor immittere; quem cor denuo per fistulam five arteriam, vel arteriae analogon, aperte transmittere; tum visum, tum secta arteria (exinde sanguine singula pulsatione cordis profiliente) oculis palam confirmari posse constat.

Idem etiam deinde in omnibus animalibus, in quibus unus duntaxat ventriculus, vel quasi unus, non difficile est cernere; ut in bufone, rana, serpentibus, lacertis: quae etsi pulmones aliquo modo habere dicuntur, ut quae vocem habent (de quorum pulmonum artificio admirando, et de caeteris ejusmodi, permultas apud me observationes habeo, quae non sunt hujus loci)

38 EXERCITATIO ANATOMICA

loci) tamen, ex autopsia, eodem modo in illis e venis in arterias sanguinem pulsu cordis traductum esse, palam est; et via patens, aperta, manifesta; nulla difficultas, nullus haesitandi locus. In his enim perinde se res habet atque in homine, si septum cordis perforatum aut ademptum esset, aut unus ex utrisque fieret ventriculus: quo facto, nemo, credo, dubitasset quae via sanguis e venis in arterias transire potuisset.

Cum vero major numerus animalium non habentium pulmones sit, quam habentium; et similiter major numerus sit, unum tantum ventriculum cordis, quam habentium duos; proclive est statuere in animalibus ἐπὶ τὸ πολλόν, ut plurimum et in universum, sanguinem aperta via e venis in arterias per cordis finem transmitti.

Consideravi autem mecum quod, etiam in embryonum eorum quae pulmones habent, idem apertissime constat.

In foetu, vasa cordis quatuor (videlicet vena cava, vena arteriosa, arteria venalis, et aorta, sive arteria magna) alio modo uniuntur, quam in adulto: quod omnes anatomici norunt satis.

Primus contactus et unio venae cavae cum arteria venosa (quae fit priusquam cava in dextrum ventriculum cordis se aperiat, aut venam coronalem emittat, paululum supra egressum ab hepate) anastomosin lateralem exhibet; hoc est, foramen amplum, patens, ovali figura pertusum, e cava in arteriam illam pervium, ita ut (tanquam per unum vas) per illud foramen sanguis de vena cava in arteriam venosam et auriculam cordis sinistram, usque in ventriculum sinistrum, liberrime et copiosissime dimanare possit. Insuper in illo foramine ovali, e regione quae arteriam venosam respicit, operculi instar, membrana tenuis, dura est, foramine major; quae postea in adultis, operiens hoc foramen et coalescens undique, istud foramen omnino obstruit, et prope obliterat. Haec, inquam, membrana sic constituta est, ut dum laxè in se concidit, facile ad pulmones et cor via re-
pinetur,

pinetur, et sanguini a cava affluenti cedat quidem; at, ne rursus in cavam refluat, impediat: ut liceat existimare in embryone sanguinem continuo debere per hoc foramen transire de vena cava in arteriam venosam, et inde in auriculam sinistram cordis; postquam ingressus fuerit, remeare nunquam posse.

Altera unio est venae arteriosae; quae fit postquam vena illa, e dextro ventriculo egressa, in duos dividitur ramos. Est tanquam duobus dictis tertius truncus, et quasi canalis arteriosus, abhinc in arteriam magnam oblique ductus, et perforatus: ut in dissectione embryonum quasi duae aortae, vel radices arteriae magnae e corde exorientes duae, appareant. Canalis hic in adultis similiter sensim attenuatur, tabescit; et penitus tandem, ut vena umbilicalis, exsiccat et aboletur.

Iste canalis arteriosus nullam membranam in se habet, sanguinis motum hinc vel illinc impediens. Sunt enim in orificio illius venae arteriosae (cujus iste canalis, uti dixi, propago est) valvulae sigmoïdes tres, quae intus foras spectant, et sanguini e dextro ventriculo hac via in magnam arteriam fluenti cedunt facile; remeare vero contra ab arteria quidquam, aut a pulmonibus in dextrum ventriculum ad amussim clausum, omnino impediunt. Vt hic etiam arbitrari consentaneum fit, in embryone, dum cor sese contrahit, continuo sanguinem e dextro ventriculo hac via in arteriam magnam invehit.

Quod vulgo dicitur, has duas uniones tam magnas, patentes, et apertas, nutriendorum pulmonum causa, factas fuisse tantum, et in adultis (cum jam pulmones, propter ipsorum calorem et motum, copiosius nutrimentum desiderarent) aboleri, et consolidari; commentum improbabile est, et male cohaerens. Et similiter quod dicunt, cor in embryone feriari, et nihil agere, nec movere; unde natura hos transitus facere, alendorum pulmonum causa, coacta erat; falsum est: cum in ovo cui gallina incubuit, et in embryonibus recenter ex utero exsectis, autopsia pateat,

pateat, tum cor movere sicut in adultis, tum naturam nulla tali necessitate urgeri: cui motui non solum hi oculi saepe testes, sed et Aristoteles attestatur ipse: *pulsus*, ^a inquit, *per initia statim in constitutione cordis emergit; quod et in sectione vivorum, et pulli formatione ex ovo, deprehenditur.* Quin et observamus has vias (tam in hominum genere, quam in caeteris animalibus) non solum apertas et patentes esse usque ad tempus partus (ut annotarunt anatomici) sed etiam per multos post menses, imo in aliquibus per aliquot annos, ne dicam toto vitae curriculo; veluti in anseri, beccagine, et avibus plurimis, et animalibus praesertim in minoribus. Quae res imposuit forsitan Botallo, [ut assereret] se novum transitum sanguini de vena cava in sinistrum ventriculum cordis invenisse: et fateor me quoque, cum in mure majori jam adulto hoc primum ipse reperi, tale quid statim existimasse.

Ex quibus intelligitur, in embryone humano, quin et in aliis in quibus istae uniones non abolentur, idem ipsum accidere; ut cor suo motu, per patentissimas vias, sanguinem de vena cava in arteriam magnam apertissime traducat, per utriusque ventriculi ductum. Dexter siquidem sanguinem ab auricula recipiens, inde per venam arteriosam et propaginem suam (canalem arteriosam dictam) in magnam arteriam propellit. Sinister similiter eodem tempore, mediante auriculae motu, recipit sanguinem (in illam sinistram auriculam deductum scilicet per foramen ovale e vena cava) et tensione sua, et constrictione, per radicem aortae in magnam itidem arteriam simul impellit.

Ita in embryonibus, dum interea pulmones otiantur et nullam actionem aut motum habent, quasi nulli forent, natura duobus ventriculis cordis quasi uno utitur, ad sanguinem transmittendum. Et similis est conditio embryonum pulmones ha-

^a *Libro de spiritu, cap. 4.*

bentium, dum adhuc pulmonibus non utuntur, ac est eorum animalium quae pulmones non habent.

Itaque tam clare in his etiam elucescit veritas, quod cor suo pulsu sanguinem e vena cava in arteriam magnam traducat et transfundat, perque tam patentes et apertas vias, ac si in homine, quod dixi, ambo ventriculi (eorum septo adempto) adinvicem pervii essent facti. Cum itaque majori ex parte animalibus, et omnibus quodam tempore, patentissimae istae exstent viae quae transmissioni sanguinis per cor inserviunt; restat ut illud perquiramus, aut cur in quibusdam animalibus (ut in homine) iisque calidioribus et adultis, per pulmonum substantiam illud fieri non existimemus quod in embryone natura per eas vias, illo tempore quo pulmonum nullus erat usus, antea effecit, quas ob defectum transitus per pulmones coacta videbatur facere; aut cur melius sit (natura enim semper quod est melius facit) in adolescentibus sanguinis transitui naturam omnino occlusisse vias patentes illas, quibus ante in embryone et foetu usa fuerat, et [in] omnibus aliis animalibus utitur; nec alias ullas pro illo sanguinis transitu aperuisse, sed sic omnino impedire.

Ita jam eo res cessit, ut iis, qui in homine quaerunt vias quomodo sanguis e vena cava in sinistrum ventriculum et arteriam venosam permeat, magis operae pretium esset, et recte magis factum videretur, si ex dissectione animalium veritatem investigare vellent, ut causam inquirant cur in maioribus et perfectioribus animalibus, iisque adultis, natura sanguinem transcolari per pulmonum parenchyma potius vellet, quam, ut in caeteris omnibus, per patentissimas vias (cum nullam aliam viam et transitum excogitari posse intelligerent): five hoc sit, quod majora et perfectiora animalia sint calidiora, et, cum sint adulta, eorum calor magis (ut ita dicam) igniatur, et ut suffocetur sit proclivis; ideo tranare et trajici per pulmones, ut inspirato aëre contemperetur et ab ebullitione et suffocatione vindicetur;

42 EXERCITATIO ANATOMICA

five quid aliud tale. Sed haec determinare, et rationem omnem reddere, nihil aliud agere est quam, propter quid pulmones facti sunt, speculari. Atque de his, horumque usu et motu, et de eventilatione omni, et aëris necessitate et usu, et caeteris huiusmodi, et de variis organis et differentibus, hujus causa in animalibus factis, tametsi multa quamplurimis observationibus a me deprehensa sint; tamen, ne nimium a proposito, de motu et usu cordis, hoc loco aberrando, aliud agere et stationem relinquere, rem interturbare et subterfugere videar, haec proprio tractatu convenientius exponenda relinquam. Et quae restant, ut ad propositum scopum revertar, confirmare pergam.

In perfectioribus nimirum et calidioribus animalibus, iisque adultis (ut in homine) sanguinem de dextro ventriculo cordis per venam arteriosam in pulmones, et inde per arteriam venosam in sinistram auriculam, et inde in ventriculum cordis sinistrum, permeare contendo: et primum posse hoc fieri; deinde ita factum esse.

CAPVT SEPTIMVM.

Sanguinem de dextro ventriculo cordis per pulmonum parenchyma permeare in arteriam venosam et sinistrum ventriculum.

FIERI autem hoc posse, et nihil esse, quo minus fiat, constat, cum quomodo aqua per terrae substantiam permeans rivulos et fontes procreet, consideramus; aut quomodo per cutem sudores, per parenchyma renum urina fluat, specularumur. Animadvertendum est in iis, qui aquis Spadensibus utuntur, vel de la Madonna (ut ajunt) in agro Patavino, vel aliis acidulis aut vitriolatis, vel qui ad congios ingurgitant potum, ut una aut altera hora per vesicam emingant totum. Debet ista copia aliquantulum in concoctione immorari: debet per jecur (ut singulis diebus bis ingesti alimenti succum omnes confitentur facere) debet

debet per venas, per renum parenchyma, per ureteres in vesicam profluere.

Quos itaque audio negantes posse sanguinem, imo totam massam sanguineam, per pulmonum substantiam, aequae ac fucus alimentalis per jecur, permeare; tanquam impossibile, et nullo modo credibile existimandum? Quod genus hominum (cum poeta loquor) ubi volunt, concedunt facile posse; ubi non, nullo modo: hic ubi opus est, verentur; ubi nihilo opus, ibi non verentur affirmare.

Jecoris parenchyma densius multo est, et similiter renum: pulmonum, rarioris multo texturae; et, si renibus et jecori conferatur, spongiosae. In jecore nullum impellens, nulla vis cogens; in pulmone, ex pulsu dextri ventriculi cordis, impingitur sanguis; cuius impulsu distendi vasa et porositates pulmonum necesse est. ^a Praeterea pulmones in respirando elevantur et concidunt; quo motu necesse est ut porositates et vasa aperiantur et claudantur; ut in spongiis contingit, et in omnibus particulis habentibus constitutionem spongiosam, quando constringuntur et rursus dilatantur. Contra jecur quiescit, nec ita dilatari et constringi visum est.

Denique si per jecur totum ingestorum succum in venam cavam, tam in homine, quam in bove, vel in maximis animalibus, nemo est qui non asserit pertransire posse; et hoc, eo quod pertransiisse aliqua nutrimentum et permeasse in venas fit necesse (si fiat nutritio) et nulla alia exstet via, ac proinde hoc affirmare coacti sint; cur non iisdem argumentis, de transitu sanguinis in adultis his per pulmones, fidem similem haberent, et cum Columbo, peritissimo doctissimoque anatomico, idem assererent et crederent, ex amplitudine et fabrica vasorum pulmonum, et eo quod arteria venosa et similiter ventriculus repleti sint sem-

^a Galenus de usu part.

per sanguine, quem e venis huc venisse necesse est, et nulla alia, quam per pulmones, semita : ut et ille et nos, ex ante dictis, et autopsia, aliisque argumentis, palam esse existimamus.

Sed quando aliqui sunt qui nil nisi adductis auctoritatibus admittunt, iidem ex ipsius etiam Galeni verbis hanc veritatem confirmari posse sciant ; scilicet non solum posse sanguinem e vena arteriosa in arteriam venosam, et inde in finistrum ventriculum cordis, et postea in arterias transmitti ; sed ex continuo pulsu cordis, et pulmonum motu inter respirandum, hoc fieri.

Sunt in orificio venae arteriosae valvulae tres figmoïdes, five semilunares ; quae omnino sanguinem in illam venam arteriosam immissum non sinunt remeare in cor. Id omnes norunt : scilicet harum valvularum necessitatem et usum Galenus his verbis explicans, *in toto est*, ^a inquit, *mutua anastomosis atque oscillorum apertio, arteriis simul cum venis ; transsumuntque ex sese pariter sanguinem et spiritum, per invisibiles quasdam atque angustas plane vias. Quod si os ipsum venae arteriosae iidem semper patuisset, nullamque natura invenisset machinam, quae claudere ipsum, cum est tempestivum, ac rursus aperire queat ; fieri nunquam potuisset ut per invisibilia atque exigua oscilla sanguis (contracto thorace) in arterias transumeretur : neque enim similiter omnis ex quovis attrahitur, neque emittitur. Sed quemadmodum quod leve est, facilius eo quod gravius, dilatatis instrumentis attrahitur, iisdem autem contractis exprimitur ; ita et per latam viam celerius aliquid quam per angustam trahitur, ac rursus emittitur. Cum autem thorax contrahitur, pulsae atque intro compressae undique, quae in pulmone sunt, venosae arteriae, exprimunt quidem quam celerrime, qui in ipsis est, spiritum ; transsumunt autem per subtilia illa oscilla sanguinis portionem aliquam ; quod nunquam accidisset profecto, si sanguis per maxi-*

^a Galen. de usu part. libr. vi. cap. 10.

num os (cujusmodi est venae arteriosae) ad cor retro remeare potuisset. Nunc vero reditu per os magnum intercluso, dum comprimitur undique, defillat quidpiam in arterias per exigua illa orificia. Et paulo post sequente capitulo: quanto thorax contendit vehementius sanguinem elidens, tanto membranae (videlicet valvulae sigmoïdes) exactius os ipsum occludunt, et nihil remeare sinunt: quod et eodem capitulo decimo paulo ante: nisi valvulae essent, triplex sequeretur incommodum, ut sanguis ipse frustra longum hoc curriculum subinde emetiatur; in diastolis quidem pulmonis adfluens, et quae in ipso sunt venas omnes referciens; in systolis vero, quasi aestus quidem maritimus instar Euripi, motum identidem huc atque illuc reciprocans, qui haudquaquam sanguini conveniat. At hoc videri possit exiguum. Quod vero interim ipsius quoque respirationis utilitatem labefactet, id non amplius pro parvo est habendum; et caetera. Et paulo post: atque etiam tertium secutum fuisset incommodum, haudquaquam contemnendum, cum sanguis retro in expirationibus remigrasset, nisi opifex noster membranarum epiphysin fuisset fabricatus. Unde concludit capite undecimo: communis autem ipsarum omnium, (videlicet valvularum) est usus, ut materias retro remigrare prohibeant; utrarumque vero proprius, educentium quidem e corde materias, ne amplius ad ipsum remeent; inducentium vero, ne amplius ex ipso effluant. Non enim volebat natura vano labore cor fatigari; neque in eam partem aliquando emittere, unde trahere praestiterat; neque rursus ex illa identidem ducere, ad quam mittere erat necesse. Proinde cum sint quatuor omnino orificia, bina in utroque ventriculo; alterum quidem inducit, alterum vero educit. Et paulo post: porro cum vas alterum, quod tunica simplici constat, in cor infigatur, alterum, quod duplici, ex ipso producat, communem utrique locum, (videlicet ventriculum dextrum; ita Galenus intelligit, et ego eadem ratione similiter sinistrum ventriculum cordis) quasi lacunam quandam para-

parari necesse fuit; ad quam pertinentibus utrisque, per alterum quidem trabatur sanguis, per reliquum vero emittatur.

Quod argumentum Galenus pro transitu sanguinis per dextrum ventriculum de vena cava in pulmones adducit, eodem nobis rectius pro transitu sanguinis de venis per cor in arterias, mutatis tantum terminis, uti liceat. Ex Galeni igitur, viri divini, patris medicorum, locis et verbis clare apparet, sanguinem per pulmones de vena arteriosa in arteriae venosae ramulos permeare, tum propter pulsum cordis, tum propter pulmonum et thoracis motum; quin etiam cor continue in ventriculos, quasi [in] lacunam, recipere et emittere sanguinem, et hujus rei causa valvularum genera quatuor, duo inductioni, emissioni sanguinis duo, inservire: ne aut sanguis Euripi in morem inconvenienter agitur huc, illuc; aut retro remeet, unde trahi praestiterat, et ex illa refluat parte, ad quam mitti erat necesse: et sic cor vano labore fatigaretur, et pulmonum respiratio praeperdiretur^a. Denique clare apparet assertio nostra, continue et continenter sanguinem per pulmonum porositates permeare de dextro in ventriculum finistrum, de vena cava in arteriam magnam. Nam cum continue de dextro ventriculo immittatur sanguis in pulmones per venam arteriosam, et similiter continue e pulmonibus in finistrum attrahatur (quod ex dictis, et valvularum positione patet) quin pertranseat continue fieri non potest.

Et itidem cum semper et continue ingrediatur sanguis in cordis ventriculum dextrum, et egrediatur continue e sinistro (quod similiter, et ratione et sensu patet) quin continue pertranseat sanguis de vena cava in aortam impossibile est.

Illud igitur quod in animalibus majori ex parte, et plane omnibus donec adolecant, per patentissimas fieri vias, ex dif-

^a Vide Hofmanni doctissimi commentarium supra Galeni librum sextum de usu partium: quem librum, postquam haec a me scripta essent, vidi.

sectione, manifestum est; in adultis his per pulmonum caecas porositates et vaforum eorum oscilla, tam ex Galeni verbis, quam ex ante dictis, illud, inquam, fieri aequè manifestum est. Vade apparet, quod, quanquam unus ventriculus cordis, videlicet sinister, sufficiens esset sanguinis dispensationi per corpus et educationi e vena cava, quemadmodum etiam fit in omnibus quae pulmonibus carent; natura tamen, cum voluerit sanguinem ipsum per pulmones transcolari, dextrum ventriculum superaddere coacta fuit, cujus pulsu per ipsos pulmones e vena cava in sinistri ventriculi locum sanguis compelleretur. Et hoc modo dextrum ventriculum pulmonum causa [factum esse], et ob translationem sanguinis, non ob nutritionem duntaxat, dicendum: quandoquidem tanto proventu annonae, atque cum pulsu subministrato, et tanto puriori et spirituosiori (utpote immediate a ventriculis cordis subvecto) indigere alimento pulmones, magis quam aut cerebri purissima substantia, aut oculorum splendidissima et divina constitutio, aut ipsius cordis caro, (quae rectius per arteriam coronalem nutritur) inconueniens omnino est existimare.

CAPVT OCTAVVM.

De copia sanguinis transeuntis per cor e venis in arterias, et de circulari motu sanguinis.

HVCVSQVE de transfusione sanguinis e venis in arterias, et de viis per quas pertranseat, et quomodo ex pulsu cordis transmittatur, dispenseturque: de quibus forsàn sunt aliqui, qui antea aut Galeni auctoritate, aut Columbi aliorumve rationibus adductis, assentiri se dicant mihi. Nunc vero, de copia et proventu istius pertranseuntis sanguinis, quae restant (licet valde digna consideratu) cum dixero; adeo nova sunt et inaudita, ut non solum ex invidia quorundam metuam malum mihi, sed ve-

rear

48 E X E R C I T A T I O A N A T O M I C A

rear ne habeam inimicos omnes homines : tantum consuetudo, aut semel imbibita doctrina, altisque defixa radicibus, quasi altera natura, apud omnes valet, et antiquitatis veneranda suspicio cogit. Utcumque, jam jacta est alea : spes mea in amore veritatis, et doctorum animorum candore. Sane cum copia quantae fuerat, tum ex vivorum, experimenti causa, dissectione, et arteriarum apertione, disquisitione multimoda ; tum ex ventriculorum cordis et vasorum ingredientium et egredientium symmetria et magnitudine (cum natura, nihil faciens frustra, tantam magnitudinem proportionabiliter his vasibus frustra non tribuerit), tum ex concinno et diligenti valvularum et fibrarum artificio, reliquaue cordis fabrica ; tum ex aliis multis, saepius mecum et serio considerassem et animo diutius evolvissem (quanta scilicet esset copia transmissi sanguinis, quam brevi tempore ea transmissio fieret) ; nec suppeditare ingesti alimenti succum potuisse animadverterim, quin venas inanitas, omnino exhaustas, et arterias, ex altera parte, nimia sanguinis intrusione disruptas haberemus, nisi sanguis aliqua ex arteriis denuo in venas remearet, et ad cordis dextrum ventriculum regrederetur ; coepi egomet mecum cogitare, an motionem quandam quasi in circulo haberet : quam postea veram esse reperi, et sanguinem e corde per arterias in habitum corporis et omnes partes protrudi et impelli a finistri cordis ventriculi pulsu, quemadmodum in pulmones per venam arteriosam a dextri ; et rursus per venas in venam cavam et usque ad auriculam dextram remeare, quemadmodum ex pulmonibus per arteriam dictam venosam ad finistrum ventriculum, ut ante dictum est.

Quem motum circularem eo pacto nominare liceat, quo Aristoteles aërem et pluviam circularem superiorum motum aemulari dixit. Terra enim madida a sole calefacta evaporat, vapores sursum elati condensantur, condensati in pluvias rursus descendunt, terram madefaciunt ; et hoc pacto fiunt hic generationes,

rationes, et similiter tempestatum et meteororum ortus, a solis circulari motu, accessu, et recessu.

Sic verisimiliter contingat in corpore, motu sanguinis : partes omnes sanguine calidiori, perfecto, vaporoso, spirituofo, et (ut ita dicam) alimentativo, nutriri, foveri, vegetari : contra in partibus sanguinem refrigerari, coagulari, et quasi effoetum reddi ; unde ad principium, videlicet cor, tanquam ad fontem five ad lares corporis, perfectionis recuperandae causa, revertitur : ibi calore naturali, potenti, fervido, tanquam vitae thesauro, denuo colliquatur, spiritibus et (ut ita dicam) balsamo praegnans ; inde rursus dispensatur : et haec omnia a motu et pulsu cordis dependere.

Ita cor principium vitae et sol microcosmi, ut proportionabiliter sol cor mundi, appellari meretur ; cujus virtute et pulsu sanguis movetur, perficitur, vegetatur, et a corruptione et grumefactione vindicatur : suumque officium nutriendo, fovendo, vegetando, toti corpori praestat lar iste familiaris, fundamentum vitae, auctor omnium. Sed de his convenientius, cum de hujusmodi motus causa finali speculabimur.

Hinc cum venae sunt viae quaedam et vasa deferentia sanguinem, duplex est genus ipsarum ; cava, et aorta : non ratione lateris (ut Aristoteles), sed officio ; et non, ut vulgo, constitutione (cum in multis animalibus, ut dixi, in tunicae crassitie vena ab arteria non differat), sed munere et usu distincta. Vena et arteria ambae a veteribus venae non immerito dictae, ut Galenus annotavit, eo quod haec, videlicet arteria, vas est deferens sanguinem e corde in habitum corporis ; illa sanguinem ab habitu rursus in cor ; haec via a corde, ad cor usque illa ; illa continet sanguinem crudiores, effoetum, nutritioni jam redditum inidoneum ; haec coctum, perfectum, alimentativum.

CAPVT NONVM.

Esse sanguinis circuitum, ex primo supposito confirmato.

SED ne verba dare nos dicat quispiam, et assertiones speciosas tantum facere sine fundamento, et non iusta de causa innovare; tria confirmanda veniunt: quibus positis, necessario hanc sequi veritatem et rem palam esse, arbitror.

Primo, continue et continenter sanguinem e vena cava in arterias in tanta copia transmitti pulsu cordis, ut ab assumptis suppeditari non possit; et adeo ut tota massa brevi tempore illinc pertranseat: secundo, continue, aequabiliter, et continenter sanguinem in quodcunque membrum et partem pulsu articularum impelli et ingredi, majori copia multo quam nutritioni sufficiens sit, vel tota massa suppeditari possit: et similiter tertio, ab unoquoque membro ipsas venas hunc sanguinem perpetuo retroducere ad cordis locum.

His positis, sanguinem circumire, revolvi, propelli et remeare, a corde in extremitates, et inde in cor rursus; et sic quasi circularem motum peragere; manifestum puto fore.

Supponamus (vel cogitatione, vel experimento) quantum sanguinis sinister ventriculus in dilatatione (quum repletus sit) contineat; five uncias duas, five uncias tres, five fescunciam: (ego in mortuo reperi ultra uncias duas) supponamus similiter, quanto minus in ipsa contractione, vel quantum sese contrahat cor; et quanto minorem ventriculus capacitatem habeat in ipsa contractione, vel ipsis contractionibus; quantum sanguinis in arteriam magnam protrudat (protrudere enim aliquid semper, et ante demonstratum est capite tertio, et omnes in systole fassentur, ex fabrica valvularum persuasi): et verisimili conjectura ponere liceat, in arteriam immitti partem vel quartam, vel quintam, vel sextam; et ad minimum octavam.

Ita

Ita in homine, protrudi singulis cordis pulsibus supponamus unciam semis, vel drachmas tres, vel drachmam unam sanguinis; quae propter impedimentum valvularum in cor remeare non potest. Cor una semihora plusquam mille pulsus facit; imo in aliquibus, et aliquando, bis, ter, vel quater mille. Jam multiplicatis drachmis, videbis una semihora aut milles drachmas tres, vel drachmas duas, vel uncias quinquies centum, aut talem aliquam proportionatam quantitatem sanguinis per cor in arterias transfusam; majori semper copia quam in universo corpore contingat reperiri. Similiter in ove aut cane, pertransit (esto) scrupulus unus in una cordis contractione; tum una semihora mille scrupuli, vel circa libras tres et semis sanguinis, [transeunt]; in quo corpore plerumque non continetur plus quatuor libris sanguinis: hoc in ove expertus sum.

Ita pene, supputatione facta secundum quod nimirum conjectare possumus transmissi sanguinis, et enumeratis pulsationibus, videatur omnem massae quantitatem sanguineae pertransire de venis in arterias per cor, et similiter per pulmones.

Sed esto, quod non una semihora, sed una hora, vel una die [id fiat]: utcunque, manifestum facit plus sanguinis per cor ejus pulsu transmitti continue, quam vel ingestum alimentum possit suppeditare, vel in venis simul contineri.

Nec est dicendum, quod cor in sua contractione aliquando protrudat, aliquando non, vel quasi nihil, et imaginarium quid: hoc enim ante confutatum est, et praeterea sensui contrarium est et rationi. Si enim dilatato corde repleri necesse [fit] ventriculos sanguine, contracto necesse [est] protrudere semper, et non parum (cum et ductus non parvi, et contractio non pauca fit); in quavis proportionem, videlicet subtripla, subsextupla, vel suboctupla: similiter proportio sanguinis exclusi debet esse ad ante contentum, et in dilatatione replentem, uti se habet capacitas contracti ventriculi ad illam quae est dilatati. Et cum in

dilatatione non contingit repleti nihilo, vel imaginario: ita in contractione nunquam nihil vel imaginarium expellit, sed semper aliquid secundum proportionem contractionis. Quare concludendum, si uno pulsu in homine, vel ove, vel bove, cor emit tit drachmam unam, et mille sunt pulsus in una semihora, contingit eodem tempore libras decem et uncias quinque transmissas esse: si uno pulsu drachmas duas, libras viginti et uncias decem: si semiunciam, libras quadraginta et unam, cum unciis octo: si unciam, libras octoginta tres et uncias quatuor contingit in una semihora transfusas (inquam) esse de venis in arterias. Sed quantum in unoquoque protrudatur singulis pulsationibus, et quando plus, et quando minus, et qua de causa, accuratius posthaec ex multis observationibus a me forsan palam fiet.

Interim hoc scio, et omnes admonitos velim, quod aliquando uberiori copia pertransit sanguis, aliquando minore: et sanguinis circuitus quandoque citius, quandoque tardius peragitur, secundum temperamentum, aetatem, causas externas et internas, et res naturales et non naturales, somnum, quietem, victum, exercitia, animi pathemata, et similia. Verum enimvero cum per pulmones et cor vel minima copia transeat sanguis, longe uberiori proventu in arterias et totum corpus diducitur, quam ab alimentorum ingestione suppeditari possibile fit; aut omnino, nisi regressu per circuitum facto.

Hoc etiam palam fit sensu, vivorum dissectionem intuentibus; non solum aperta magna arteria, sed (quod confirmat Galenus in ipso homine) si quaevis vel minima arteria dissecta fuerit, unius pene semihorae spatio totam sanguinis massam et [e] toto corpore, tam venis quam arteriis, exhaustam fore. Similiter, laniones omnibus hoc satis attestari possunt; quando, rescissis arteriis jugularibus in mactando bove, unius horae quadrante minus, totam sanguinis massam exhauriunt, et vasa omnia inanita reddunt. In membrorum excisione et tumorum, ex larga fan-

sanguinis profusione, idem comperimus aliquando brevi contingere.

Nec perstringit hujus argumenti vim, quod per venas effluere in jugulatione et in membrorum excisione aequè [sanguinem], si non magis, quam per arterias, dicat quispiam: cum contra res habeat. Venae enim quia subsidunt, quia in ipsis nulla vis cogens foras sanguinem, et quia impedimento valvularum positio est (ut postea patebit), parum admodum reddunt: arteriae vero impetu impulsam sanguinem foras, largius, impetuosius, tanquam cum syphone ejectum profundunt. Sed experiunda res est, omissa vena et incisa jugulari [arteria], in ove, vel cane; et quanto impetu, quanta protrusione, quam cito omnem sanguinem e toto corpore, tam venis, quam arteriis, contingit inanire, admirabile videbitur. Arterias autem nullibi sanguinem e venis recipere, nisi transmissione facta per cor, ex ante dictis patet: sed ligando aortam ad radicem cordis, et aperiendo jugularem vel aliam arteriam, si solum arterias inanitas et venas repletas conspexeris, non continget dubitare.

Hinc causam aperte videbis cur, in anatome, tantum sanguinis reperiatur in venis, parum vero in arteriis; cur multum in dextro ventriculo, parum in sinistro: quae res antiquis dubitandi occasionem forsitan praebuit, et existimandi spiritus solos in illis concavitatibus contineri dum vita superstes animali fuerat. Causa forsitan est, quod de venis in arterias nullibi datur transitus, nisi per cor ipsum et per pulmones. Cum autem exspiraverint, et pulmones moveri desiverint, de venae arteriosae ramulis in arteriam venosam, et inde in sinistrum ventriculum cordis, sanguis permeare prohibetur (ut in embryone ante notatum est, prohibitum fuisse ob defectum motus pulmonum, oscilla et porositates caecas et invisibiles aperientium, claudentium); cum vero una cum pulmonibus cor non desinat moveri, sed postea pulsare et supervivere pergat; contingit sinistrum ventriculum

et

et arterias emittere in venas ad habitum corporis sanguinem, et per pulmones non recipere, et proinde quasi inanitas esse. Sed hoc etiam in rem nostram non parum facit fidei; cum hujus nulla alia causa, nisi quam nos ex nostra suppositione asserimus, adduci possit.

Praeterea hinc patet, quo magis aut vehementius arteriae pulsant, eo citius in omni sanguinis haemorrhagia inanimatum iri corpus. Hinc etiam in omni lipothymia, omni timore, et hujusmodi, quando cor languidius et infirmius, nullo impetu, pulsant; omnem contingit haemorrhagiam sedari et cohiberi.

Hinc etiam est quod, corpore mortuo, postquam cor cessavit pulsare, non poteris vel e jugularibus, vel cruralibus venis et arteriis apertis, ullo conatu massae sanguineae ultra partem mediam elicere. Nec lanio, si bovi (postquam ejus caput percussit, et attonitum reddiderit) jugulum prius non secuerit, quam cor pulsare desierit, totum sanguinem exhaustire inde poterit.

Denique hinc de anastomosi venarum et arteriarum, ubi sit, et quomodo sit, et qua de causa nemo hactenus super ea recte quidquam dixit, licet suspicari. Ego in illa disquisitione jam sum.

CAPVT DECIMVM.

Primum suppositum, de copia pertranseuntis sanguinis e venis in arterias, et esse sanguinis circuitum, ab objectionibus vindicatur; et experimentis ulterius confirmatur.

HACTENVS primum suppositum confirmatum est, five res ad calculum revocetur, five ad experimenta et autopsiam referatur: videlicet, quod sanguis pertranseat in arterias, majori copia continue, quam ab alimento suppeditari possit; ita ut, tota massa brevi spatio illac pertranseunte, necesse sit ut circuitus fiat et sanguis regrediatur.

Verum

Verum si quis hic dicat, quod magna copia possit pertransire, et non necesse circuitum fieri, quin ab assumptis refarcire contingat, et exemplo esse lactis in mammis proventum (vacca enim una die lactis congios tres, vel quatuor, vel septem, vel amplius reddit; mulier itidem duas vel tres heminas, alendo infantem unum vel duos, singulis diebus praebet, quas ab assumptis restitui manifestum est); respondendum, quod cor tantundem vel amplius, una hora vel altera, computatione facta, remittere constet.

Sin vero nondum persuasus instaret usque dicendo, quod licet dissecta arteria, quasi data et aperta via, praeter naturam contingat sanguinem cum impetu effundi; non tamen ita contingere integro corpore et non dato exitu, et arteriis plenis vel secundum naturam constitutis, tantam copiam pertransire tam brevi spatio; adeo ut regressum fieri sit necesse; respondendum quod, ex ante dicta computatione, subducta ratione apparet, quantum cor repletum ulterius continet in sua dilatatione quam in constrictione, tantundem (majori ex parte) singulis pulsationibus emitti; et proinde in tanta copia pertransire; integro corpore et secundum naturam constituto.

Sed in serpentibus et piscibus quibusdam, ligando venas per aliquod spatium infra cor, videbis spatium inter ligaturam et cor valde cito inaniri; ita ut regredi sanguinem (nisi autopsiam neges) afferere necesse habeas. Posterius etiam idem clare patebit in secundi suppositi confirmatione.

Haec omnia uno exemplo confirmantes concludamus, quo fidem oculis propriis adhibere unusquisque possit. Si anguem vivum dissectuerit, videbit plus quam per integram horam cor placide, distincte, pulsare et sese tanquam vermem in constrictione (cum oblongum sit) secundum longitudinem contrahere, propellere; in systole albidiori colore esse, contra in diastole; et reliqua pene omnia, quibus evidenter hanc veritatem confirma-

tum

tum iri diximus: hic enim omnia longiora et distinctiora magis sunt. Sed hoc peculiariter et luce clarius meridiana experiri licet: vena cava partem inferiorem cordis subingreditur; exit arteria parte superiori: jam comprehensa vena cava, vel tenaculis vel digito et pollice, sanguinisque cursu intercepto per aliquod spatium infra cor, videbis ex pulsu statim pene inaniri illam partem intra digitos et cor, sanguine exhausto a cordis pulsu; simul cor albidiori multo colore esse etiam in dilatatione sua, et ob defectum sanguinis minus esse, et languidius tandem pulsare, sic ut emori denique videatur. Contra statim, soluta vena, color et magnitudo redeunt cordi. Postea si relinquo venam, et arterias similiter per aliquam distantiam a corde ligaveris vel compresseris, videbis contra illas turgere in parte comprehensa vehementer, et cor ultra modum distendi, purpureum colorem contrahere usque ad livorem, et tandem opprimi sanguine, sic ut suffocatum iri credas: soluto vero vinculo, rursus ad naturalem constitutionem in colore, magnitudine, pulsu, redire.

Ecce jam, duo sunt genera mortis; extinctio ob defectum, et suffocatio ob copiam. Hic ad oculos utriusque exemplum habere licet, et dictam veritatem autopsia in corde confirmare.

CAPVT VNDECIMVM.

Secundum suppositum confirmatur.

SECVNDVM confirmandum a nobis quo clarius intuentibus appareat, annotanda sunt experimenta quaedam, ex quibus patet sanguinem in quocunque membrum per arterias ingredi, et per venas remeare; et arterias vasa esse deferentia sanguinem a corde, et venas vasa et vias esse regrediendi sanguinis ad cor ipsum; et quod in membris et extremitatibus, san-

guis

guis vel per anastomofin immediate, vel mediate per carnis porositates, vel utroque modo, tranfit ab arteriis in venas, ficut ante in corde et thorace e venis in arterias: unde in circuitu moveri illinc huc, et hinc illuc, e centro in extrema fcilicet, et ab extremis rurfus ad centrum, manifestum fit. Postea quintam computatione facta fimiliter, manifestum ibidem erit de copia; quae neque ab assumptis poffit fuppeditari, neque ad nutritionem neceffario requiratur.

Simul etiam de ligaturis manifestum erit, et quare ligaturae attrahant; et quod neque calore, neque dolore, neque vi vacui, neque ulla antehac cognita caufa: et fimiliter ligaturae quam commoditatem et ufum afferre poffint in medicina, et quomodo haemorrhagiam fupprimunt et provocant, et qua de caufa gangraenas et mortificationes membrorum inducunt, et fic in castratione animalium quorundam, et tumorum carnoforum et verrucarum exemptione, ufui funt. Enimvero, quod nemo harum omnium caufas et rationes recte affecutus fit, hinc factum est ut omnes fere, ex antiquorum fententia, in morbis curandis proponant, et confulant ligaturas; pauci vero, recta earum administratione, curationibus fuis aliquid adjumenti afferant.

Ligatura alia ftricta est, alia mediocris. Strictam ligaturam dico, cum ita arcte undique constrictum membrum fit fascia vel laqueo, ut ultra ipfam ligaturam nullibi arterias pulfare percipiatur. Tali utimur in membrorum excifione, fluxui fanguinis propicientes; et tali etiam utuntur in castratione animalium et tumorum ablatione: qua ligatura affluxu alimenti et caloris omnino intercepto, tabescere et emori testiculos atque ingentes farcofes, et poftea decidere, videmus. Mediocre vero dico ligaturam quae undique membrum comprimit, fed citra dolorem, et fic ut ultra ligaturam aliquantulum arteriam pulfare finat; qualis attractione et in fanguinis miffione ufui est: nam licet fupra cubitum fiat ligatura, tamen arterias in carpo

aliquantulum pulsare tactu percipias, si recte in phlebotomia fiat ligatura.

Jam experimentum fiat in brachio hominis, vel adhibita fascia quali in sanguinis missione utuntur, vel ipsius manus fortiore comprehensione; quod quidem commodius fit in macilento corpore et cui venae sint ampliores, et quando (calefacto corpore) calent extrema, et major quantitas sanguinis in extremitatibus fuerit, et pulsus vehementiores: omnia enim ibi evidentiora apparebunt.

Facta itaque stricta ligatura quam arcte fieri potest, ut quis eam ferat constringendo, observare licet primum, quod ultra ligaturam, videlicet versus manum, non pulsabit in carpo vel ulnari arteria; deinde, immediate supra ligaturam incipit arteria altius suam diastolen habere, et magis et altius et vehementius pulsare; et prope ipsam ligaturam aestu quasi quodam intumescit, ac si fluxum interceptum et transitum inhibita percurrere et referare conaretur; magisque arteria, quam par sit, ibi repleta apparet: denique manus suum colorem retinebit et constitutionem; solum tractu temporis refrigerari aliquantulum incipiet, nihil vero attrahitur in eam.

Postquam per aliquod spatium permanfit ista ligatura, repente paululum solvatur in mediocrem, quali, ut dixi, in sanguinis missione utuntur; et observandum, manum totam statim colorari et distendi, et ejus venas tumidas et varicosas fieri; et spatio decem vel duodecim pulsationum illius arteriae, multo sanguine impulso atque impacto refertissimam manum cernes, et ab illa ligatura mediocri multam copiam sanguinis affatim attractam esse; absque dolore, vel calore, vel fuga vacui, vel ulla alia antehac commemorata causa.

Si quis diligenter in ipso illius solutionis momento prope ligaturam digitum ad arteriam jam pulsanter applicaverit, quasi subtus praeterlabentem sanguinem sentiet. Ipse porro, cujus in
bra-

brachio fit experimentum, ab ipsa solutione ligaturae strictae in mediocrem, plane calorem et sanguinem pulsu ingredientem, quasi semoto obstaculo, illico sentiet; et aliquid secundum ductum arteriarum, tanquam confestim inflatum et sparsim per manum transmissum, percipiet; et continuo calefieri manum et distendi.

Quemadmodum, in stricta ligatura, arteriae supra ligaturam distenduntur et pulsant, non infra; ita, hac mediocri contra, venae infra ligaturam turgent et renitentes fiunt (supra vero nequaquam) et arteriae minores. Imo, si venas tumidas compresseris, (nisi valde fortiter) vix, supra ligaturam, aut sanguinem diffundi aut venas distendi conspicias.

Ita ex his, cuivis diligentius observanti, facile est noscere sanguinem ingredi per arterias: ipsarum enim stricta ligatura nihil attrahitur; manus colorem servat; nihil influit, neque fit distensio: ipsis vero paululum solutis (ut in mediocri ligatura), vi et impulsu affatim sanguinem intus trudi, manum tumidam fieri, manifestum est: ubi ipsae pulsant scilicet, sanguis profluit, ut mediocri ligatura, in manu; ubi vero non, ut in stricta, nequaquam; nisi supra ligaturam. Interim, venis compressis, nihil per ipsas influere potest: cujus hoc est signum, quod infra ligaturam tumidiores multo sunt, quam supra, et quam dempta ligatura solent esse; et quod compressae nihil superioribus suggerunt: ita, quod ligatura impediatur regressum sanguinis per venas ad superiora, easque infra ligaturam tumidas faciat permanere, clare patet.

Arteriae vero iusta de causa, non obstante mediocri ligatura, vi et impulsu cordis ab internis corporis partibus foras ultra ligaturam sanguinem trudent: et ista est differentia strictae ligaturae a mediocri, quod illa (stricta ligatura) non solum transitum sanguinis in venis, sed in arteriis intercipiat; haec (quae mediocri) vim pulsificam, quo minus ultra ligaturam se exporrigat,

60 EXERCITATIO ANATOMICA

ad extimasque corporis partes propellat sanguinem, non impediatur.

Adeo ut sic ratiocinari liceat: mediocri ligatura cum venas turgidas distentas esse, et manum plurimo sanguine impleri, vidimus; unde fit hoc? aut enim per venas, aut per arterias, aut per caecas porositates, infra ligaturam sanguis advenit. E venis non potest; per caecos ductus minus: ergo per arterias secundum quod dictum, necesse est. Per venas influere non posse, patet; cum non exprimi retro sanguinem contingat supra ligaturam, nisi ablata omni ligatura; quando subito omnes venas detumescere, et sese in superiores partes exonerare, manum dealbari, et sursum omne prius collectum et tumorem et sanguinem affatim evanescere, videtur.

Amplius, sentiet ipse cui ita, post multum spatium, ligatus carpus aut brachium erat et manus tumidae pauloque frigidiores inde redditae, sentiet inquam, de solutione mediocris ligaturae, frigidum quid sursum usque ad cubitum vel axillas obrepere, una scilicet cum revertente sanguine: quem ego frigidi sanguinis recursum (post sanguinis missionem) ad cor usque (soluta vinculo) in causa fuisse lipothymiae arbitrarer, quam etiam robustis aliquando supervenire vidimus, et maxime a solutione ligaturae; quod vulgo dicunt a conversione sanguinis.

Praeterea, cum statim a solutione strictae ligaturae in medio-crem, immissione sanguinis per arterias, continuo venas intumescere videmus infra ligaturam comprehensas, non autem arterias; signum est et sanguinem ab arteriis in venas (et non contra) permeare, et aut anastomosin vasorum esse, aut porositates carnis et partium solidarum pervias sanguini esse. Item signum est venas plurimas inter se communicare, quod in ligatura mediocri (supra cubitum facta) multae attolluntur simul et turgent: ex una autem venula, scalpello exitu sanguini dato, omnes statim detumescunt et, in illam unam sese exonerantes, subsidunt simul pene omnes.

Hinc

Hinc unusquisque potest causas attractionis quae fit per ligaturas, et forsan omnis fluxionis, cognoscere; videlicet, quemadmodum in manu, per istam ligaturam quam dico mediocrem, compressae sunt venae et sanguis exire non potest; ita, cum per arterias (vi scilicet cordis) impingitur non potens exire, inde ut repleatur, distendatur pars, necesse est. Alias enim qui fieri potest? Calor et dolor et vis vacui attrahunt quidem, sed ut impleatur tantum pars, non ut distendatur aut tumefiat ultra naturalem constitutionem, et, ob infarctum et arcte impactum vi sanguinem, tam violenter, tam subito opprimatur, ut caro continui solutionem pati et vasa dirumpi cernantur. Nusquam hoc aut calore, aut dolore, aut vi vacui, fieri posse, credibile aut demonstrabile est.

Insuper et ligatura contingit attractionem fieri, absque omni dolore, calore, aut ulla vi vacui. Quod si a dolore aliquo accideret sanguinem attrahi, quo modo, ad cubitum ligato brachio, infra ligaturam intumescunt et manus et digiti et venae varicosae (cum propter ligaturae compressionem eo pervenire sanguis per venas non potest)? atque quare, supra ligaturam, neque tumoris aut repletionis signum, neque venarum turgescen-
 tiae, neque omnino attractionis aut affluxus vestigium, apparet? Sed attractionis infra ligaturam, et tumefactionis ultra naturae modum in manu et digitis, haec causa manifesta; nempe quod sanguis cum impetu et affatim ingrediatur, exire vero nequeat.

An illa vero omnis tumoris causa (ut est apud Avicennam) et omnis redundantiae opprimentis in parte, quia viae ingressus apertae, egressus clausae; unde abundare, et in tumorem attolli, necesse est? An hinc etiam contingat in tuberculis inflammatoriis quod, quousque tumor incrementum capeffat et non sit in ultimo statu, sentitur eo loci pulsus plenus, praesertim calidioribus tumoribus in quibus incrementum derepente fieri so-

62 EXERCITATIO ANATOMICA

let? Sed haec posterioris disquisitionis sunt: uti, an etiam hinc contingat quod in meipso casu expertus sum? Ego e curru delapsus aliquando, fronte percussus quo loco arteriae ramulus a temporibus prorepat, statim, ab ipsa percussione spatio fere viginti pulsationum, tumorem ovi magnitudine, absque vel calore vel multo dolore, passus sum: propter videlicet arteriae vicinitatem, in locum contusum sanguis affatim magis et velocius impingebatur. Hinc vero apparet, qua de causa in phlebotomia, quando [sanguinem] longius profilire et majori impetu exire volumus, supra sectionem ligamus, non infra; quod si per venas inde efflueret tanta copia a partibus superioribus, ligatura illa non modo non adjuvaret, sed impediret: etenim inferius ligandum verisimilius erat, quo sanguis inhibitus uberius exeat, si, ex partibus superioribus eo per venas descendens, per venas emanaret: sed cum aliunde per arterias impellitur in venas inferiores, in quibus regressus per ligaturam praepeditur, venae turgent; et, distentae, ipsum majore impetu per orificium elidere et longius ejicere possunt: soluta vero ligatura, viaque regressus aperta, ecce non amplius, nisi guttatim, decedit: et, quod omnes norunt, si vel vinculum solveris in administranda phlebotomia, vel infra ligaveris, vel stricta nimis ligatura membrum constrinxeris, tum sanguis absque impetu exit; quia scilicet via ingressus et influxus sanguinis per arterias intercepta sit, stricta illa ligatura arteriarum; aut regressus liberior datur per venas, ligatura soluta.

CAPVT DVODECIMVM.

Esse sanguinis circuitum, ex secundo supposito confirmato.

HAEC cum ita sint, constat confirmatum iri etiam aliud, quod antea per cor continue sanguinem transire dicebam. Videmus enim ab arteriis sanguinem in venas dimanare,
non

non e venis in arterias : videmus insuper vel pene totam massam sanguinis exhauriri posse ab ipso brachio, idque una vena cuticulari scalpello aperta, si fiat ligatura decens : videmus praeterea ita impetuose et affatim effundi, ut non solum brevi et cito evacuetur qui, ante sectionem in brachio, intra ligaturam comprehensus erat sanguis ; sed ex toto brachio et toto corpore, tam arteriis quam venis.

Quare confiteri necesse est, primo, vi et impetu suppeditari ; et quod vi impingatur infra ligaturam (vi enim et impulsu exit) et proinde a cordis pulsu et robore ; vis enim et impulsio sanguinis solum a corde : deinde, a corde provenire hunc fluxum, et per cor transitu facto e venis magnis hac effluere, similiter confiteri necesse ; cum infra ligaturam per arterias ingreditur, non per venas ; et arteriae nusquam sanguinem e venis recipiant, nisi e sinistro ventriculo cordis : neque omnino aliter ex una vena (facta supra ligatura) tanta copia exhauriri ullo modo potuisset, (praesertim tam impetuose, affatim, tam facile, tam subito) nisi a corde, vi et impulsu, consecutio fiat hoc dicto modo.

Et si haec ita sint, hinc praeterea de copia computationem facere, et de circulari motu sanguinis argumentari, apertissime possumus. Si etenim in phlebotomia, eo quo solet prorumpere effusione et impetu, si quis per semihoram provenire fineret ; nulli dubium quin, maxima ipsius sanguinis parte exhausta, lipothymia et syncope adventarent ; et non solum arteriae, sed et venae magnae, pene inanitae forent. Transire ergo rationabile est, semihorae illo spatio, tantundem e vena magna per cor in aortam. Ulterius, si quot unciae per unum brachium perfluant, vel quot in viginti vel triginta pulsationibus infra medium ligaturam truantur sanguinis, supputares ; daret profecto existimandi copiam, quantum per aliud brachium interea, per utrumque crus, per collum utrinque, et per alias omnes arterias

et

64 EXERCITATIO ANATOMICA

et venas corporis, interim pertranseat: quibus omnibus fluxus per pulmones, et cordis ventriculos, novum continuo sanguinem fuggerere debet: idque e venis necessarium est circuitum fieri; cum nec suppeditari ab assumptis possit, et longe plus est quam partium nutritioni congruens erat.

Amplius observandum, quod, in administranda phlebotomia, quandoque contingit hanc veritatem confirmasse. Nam recte brachium quanquam ligaveris, et scalpello debito modo dissecueris, aptatis orificiis et omnibus rite administratis; tamen si timor aut (ex quavis alia causa, aut animi pathemate) lipopsychia adveniat, et cor languidius pulset, nullo modo sanguis exhibit, nisi guttatim: praesertim si ligatura strictior paulo facta sit. Ratio est, quia compressam arteriam languidior pulsus et impellens vis infirmior recludere, et sanguinem infra ligaturam trudere, non valet: imo per pulmones deducere, aut e venis in arterias copiose transferre, enervatum et languidum cor non potest. Sic eodem modo et iisdem de causis contingit et mulierum menstrua, et omnem haemorrhagiam, sedari. Ex contrariis etiam hoc patet; quoniam redintegrato animo, amoto metu, cum ad se redeunt, jam adaucto robore pulfificante, arterias statim vehementius pulsare etiam in parte ligata, in carpo moveri, et sanguinem per orificium longius profilire continuo ductu, videbis.

CAPVT DECIMVM TERTIVM.

Tertium suppositum confirmatur; et esse sanguinis circuitum, ex tertio supposito.

HACTENVS de copia pertranseuntis sanguinis per cor et pulmones, in centro corporis; et similiter ab arteriis in venas, in habitu corporis. Restat ut, quomodo per venas ab extremitatibus ad cor retro sanguis permeet, et quomodo venae sint

sint vasa deferentia solum sanguinem ab extremitatibus ad centrum, explicemus: quo facto, tria illa proposita fundamenta, pro circuitu sanguinis, fore aperta, vera, stabilia, ad fidem sufficienter faciendam, existimamus. Hoc autem ex valvulis, quae in ipsis venarum cavitatibus reperiuntur, et ex illarum usu, et ocularibus experimentis, satis erit apertum.

Clarissimus Hieronymus Fabricius ab Aquapendente, peritissimus anatomicus et venerabilis senex, vel (ut voluit doctissimus Riolanus) Jacobus Silvius, primus in venis membraneas valvulas delineavit, figura figmoides vel semilunares, portionculas tunicae interioris venarum eminentes, tenuissimas. Sitae sunt distantibus in locis, vario modo in variis hominibus; ad venae latera connatae; sursum, versus venarum radices, spectantes; et in mediam capacitatem venae: ambae (ut plurimum enim duae sunt) invicem respicientes, atque se invicem contingentes; et in extremitatibus ita cohaerere (copulari) aptae, ut si quid e radice venarum in ramos, vel e majoribus in minores, permearet, omnino impediant; et ita sitae, ut sequentium cornua praecedentium convexitatis medium (et sic alternatis vicibus) respiciant.

Harum valvularum usum rectum inventor non est assecutus, nec alii addiderunt: non est enim ne pondere deorsum sanguis in inferiora totus ruat: sunt namque in jugularibus deorsum spectantes, et sanguinem sursum prohibentes ferri, et non ubique sursum spectantes, sed semper versus radices venarum, et ubique versus cordis locum. Ego, ut alii etiam, aliquando in emulgentibus reperi, et in ramis mesenterii versus venam cavam et portam spectantes. Adde insuper, quod in arteriis nullae sunt; et notare licet, quod canes et boves omnes habent valvulas in divisione cruralium venarum, ad principium ossis sacri, vel in ramis illis prope coxendicem; in quibus nil tale timendum propter erectam staturam. Nec ob metum apoplexiae (ut

66 EXERCITATIO ANATOMICA

alii dicunt) sunt in jugularibus valvulae; quia materia in forn-
no potius per arterias soporales influere in caput apta esset.
Nec ut sanguis, in divaricationibus, subsistat in ramos exiles, et
non totus in magis apertos et capaces irrueret: posita enim
sunt ubi nullae divaricationes; licet frequentiores conspici fate-
ar, ubi divaricationes sunt. Nec ut motus sanguinis a centro
corporis retardetur solum: tarde enim satis sua sponte e majo-
ribus in minores ramulos intrudi, e massa et fonte separari, aut
e locis calidioribus in frigidiora migrare, verifimilius est.

Sed omnino valvulae factae sunt, ne a venis magnis in mino-
res moveretur sanguis (et sic illas dilaceraret, aut varicosas effi-
ceret) neve a centro corporis in extrema, sed potius ab extremi-
tatibus ad centrum, progredieretur: ita huic motui valvulae te-
nues facile recluduntur, contrarium omnino supprimunt; et
sic posita et ordinatae, ut si quid per cornua superiorum minus
prohiberetur transitu, sed quasi per rimas elaberetur, convexitas
subsequentium transversim posita exciperet et sisteret, ne ulte-
rius transiret.

Ego illud saepissime in dissectione venarum expertus sum;
si, a radice venarum initio facto, versus exiles venarum ramos
specillum mitterem, quanto potuerim artificio; ob impedimen-
tum valvularum, longius impellere non potuisse: contra vero,
forinsecus e ramulis radicem versus, facillime: et pluribus in
locis valvulae binae ad invicem ita posita et aptatae, ut ad a-
mussim (dum elevantur) in media venae cavitate cohaereant et
uniantur, extremitatibus connexis invicem; ut neque visu cer-
nere, neque satis explorare, rimulam aut coitum liceret: con-
tra vero, forinsecus intro immisso stylo, cedunt et (valvularum,
quibus cursus fluminum inhibentur, in morem) facillime recli-
nantur, ut motum sanguinis profectum a corde et vena cava in-
tercipiant et (ad amussim pluribus in locis elevatae invicem dum
clauduntur) omnino inhi-beant et supprimant; et siue sursum
ad

ad caput, five deorsum ad pedes, five ad latera brachii, sanguinem a corde moveri (ita sunt constitutae) ut nusquam finant; sed motui omni sanguinis qui, a majoribus venis auspicatus, in minores definat, adversentur et obfistant; ei vero qui, a venis exilibus incipiens, in majores definat, obsecundent, liberamque et patentem viam expediant.

Sed quo veritas haec apertius elucescat; ligetur brachium supra cubitum, vivo homine, tanquam ad mittendum sanguinem [A A]. Per intervalla apparebunt, praecipue in rusticis et varicosis, tanquam nodi quidam et tubercula [B, C, D, D, E, F], non solum ubi est divaricatio [E F], sed etiam ubi nulla [C D]; et isti nodi a valvulis fiunt, hoc modo apparentibus in exteriori parte manus vel cubiti. Si (a nodo inferius, pollice vel digito comprimendo) sanguinem de nodo illo five valvula detraxeris [H, secundae figurae], videbis nullum (inhibente omnino valvula) subsequi posse, et venae portionem [H O, secundae figurae] intra tuberculum et digitum detractum, obliteratam; et tamen, supra tuberculum vel valvulam, satis distentam, [O G]: imo si ita detractum sanguinem [H] et venam inanitam retinueris, et altera manu versus valvularum [O, tertiae figurae] partem superiorem distentam deorsum compresseris, [K, tertiae], nulla vi cogi, aut impelli trans valvulam [O] videbis; sed quanto majori conatu hoc feceris, videbis tanto magis ad valvulam [O, tertiae] vel tuberculum [O, tertiae] venam turgentem, distentam, et tamen inferius vacuum esse [H O, tertiae figurae].

Hoc, cum pluribus in locis experiri quis possit, apparet valvularum officium in venis idem esse cum figmoidum illarum trium, quae in orificio aortae et venae arteriosae fabrefactae sunt: videlicet, ut ad amissum claudantur, ne retro sanguinem transeuntem remeare finant.

68 EXERCITATIO ANATOMICA

Praeterea ligato brachio uti prius [A A], et venis turgentibus, si infra tuberculum aliquod, five valvulam, venam firmaveris per aliquod spatium [L, quartae], et postea sanguinem sursum usque supra valvulam [N] digito [M] compuleris, vacuum illam partem venae permanere videbis [L N], nec retro per valvulam regredi posse [sanguinem], ut est H O, secundae: ablato vero digito [H, secundae], rursus repleti ab inferioribus, et esse ut D C, primae: ut hinc sursum ab inferioribus ad superiora et ad cor sanguinem moveri in venis, et non contrario modo, plane constat. Et licet, aliquibus in locis, valvulae quae non ita ad amissum clauduntur, aut ubi unica solum valvula est, transitum sanguinis a centro non videantur prorsus impedire, tamen ut plurimum ita apparet: vel saltem, quod alicubi negligentius fieri visum est, illud ex subsequantium in ordine valvularum vel frequentia vel diligentia, vel alio modo, videtur compensari: ut venae viae patentes et apertae sint regredienti sanguini ad cor, progredienti vero a corde omnino occlusae.

Notandum autem hoc insuper; ligato ut prius brachio et venis turgentibus, apparentibus nodis five valvulis, vivo homine, infra aliquam valvulam in loco ubi subsequentem inveneris; pollicem, qui venam firmet, applica, ne quid a manu sursum sanguinis progrediatur, et digito deinde sanguinem ab illa venae portione sursum supra valvulam [L N] exprime, ut ante dictum est; et ablato digito [L] finito rursus repleti ab inferioribus [ut D, C], et rursus appressio pollice identidem sursum, exprime sanguinem [L N, figurae quartae, et H O, figurae tertiae vel secundae], et hoc millies in brevi tempore facito. Jam si rem supputaveris (quantum una compressione, sursum supra valvulam supponendo, et facta per numerum millenarium multiplicatione) tantum sanguinis hoc modo per unius venae partem in non longo tempore transmissum reperies, ut de circuitu sanguinis, ab ejus celeri motu, te persuasissimum, puto, sentires.

Sed

Fig. 1.




Fig. 2.




Fig. 3.





Fig. 4.



Sed ne hoc experimento naturae vim afferri dicas, in longe distantibus valvulis illud si feceris, observando, ablato pollice, quam cito, quam celeriter, sanguis sursum percurrat et venam ab inferiori parte repleat; illud ipsum exploratum tibi fore non dubito.

CAPVT DECIMVM QVARTVM.

Conclusio demonstrationis de sanguinis circuitu.

JAM denique nostram de circuitu sanguinis sententiam ferre, et omnibus proponere, liceat.

Cum haec confirmata sint omnia, et rationibus et ocularibus experimentis, quod sanguis per pulmones et cor pulsu ventriculorum pertranseat, et in universum corpus impellatur et immitatur, et ibi in venas et porositates carnis obrepat, et per ipsas venas undique de circumferentia ad centrum ab exiguis venis in majores remeet, et illinc in venam cavam, ad auriculam cordis tandem veniat, et tanta copia, tanto fluxu, refluxu, hinc per arterias illuc, et illinc per venas huc retro, ut ab assumptis supeditari non possit, atque multo quidem majori, quam sufficiens erat nutritioni, proventu; necessarium est concludere, circulari quodam motu in circuitu agitari in animalibus sanguinem, et esse in perpetuo motu; et hanc esse actionem sive functionem cordis, quam pulsu peragit; et omnino motus et pulsus cordis causam unam esse.

CAPVT DECIMVM QVINTVM.

Sanguinis circuitus rationibus verisimilibus confirmatur.

SED hoc etiam subungere non abs re fuerit, quod, secundum communes quasdam ratiocinationes, ita esse et conveniens sit et necessarium. Primum (Aristoteles de respiratione, et

70 EXERCITATIO ANATOMICA

et libro secundo et tertio de partibus animalium, et alibi) cum mors sit corruptio propter calidi defectum, et viventia omnia calida, morientia frigida, locum et originem esse oportet caloris, quasi lares focumque; quo naturae fomites et primordia ignis nativi contineantur et conserventur; a quo calor et vita in omnes partes tanquam ab origine profluant, et alimentum adveniat; et concoctio, et nutritio, et omnis vegetatio dependeat. Hunc autem locum cor esse, et hoc principium vitae, et hoc quo dictum est modo, neminem vellem dubitare.

Sanguini itaque motu opus est; atque tali, ut ad cor rursus revertatur: nam in externas corporis partes amandatus longe (ut Aristoteles, secundo de partibus animalium) a suo fonte, immotus coagularetur. Motu enim in omnibus calorem et spiritus generari et conservari videmus, quiete evanescere. Tum, a frigore extremorum et ambientis, consistens aut gelatus sanguis, et spiritibus (uti in mortuis) destitutus; ut rursus a fonte et origine tam calorem quam spiritus, et omnino praeservationem suam, repeteret et revertendo redintegraret, necesse fuit.

Videmus uti a frigore exteriori extremitates aliquando algeant; ut lividi et nasus et manus et genae, quasi mortuorum, appareant; et sanguis in ipsis (qualis cadaverum, locis pronis, solet decumbere) livorem contrahat; et membra adeo torpida et aegre mobilia evadant, ut vitam pene amisisse videantur. Nullo modo profecto rursus (praesertim tam cito) calorem, colorem, et vitam recuperarent, nisi novo (ab origine) affluxu et appulsu caloris foverentur. Attrahere enim quomodo possunt, quibus calor et vita pene extincti sunt? aut, quibus meatus condensati et gelato sanguine repleti, quomodo adveniens admitterent alimentum et sanguinem, nisi contentum dimitterent; et nisi omnino cor esset, et huiusmodi principium ubi, his refrigeratis, remanerent vita et calor (ut Aristoteles de respiratione, secundo), et unde, novo per arterias transmissio sanguine, calido, spiritibus

ritibus imbuto, et quod frige factum et effoetum est propellere-
tur, et omnes particulae calorem languidum, et vitalem fomi-
tem pene extinctum, repararent?

Hinc ita est, ut caeteris omnibus partibus et vitam restitui et
sanitatem recuperari, corde illaeso, contingere possit; corde vero
vel refrigerato vel vitio gravi aliquo affecto, totum animal pati
et corruptum iri, necesse sit, cum principium corrumpitur et
patitur. Nihil enim est (ut Aristoteles tertio de partibus ani-
malium) quod aut ipsi, aut caeteris quae ab ipso pendeant, prae-
bere auxilium potest. Et hinc obiter forsitan ratio est, cur moe-
rore, amore, invidia, curis, et huiusmodi, tabes et extenuatio
contingant, aut cacochymia et proventus cruditatum, quae et
morbos omnes inducant et homines conficiant. Omne nam-
que animi pathema, quod cum dolore et gaudio, spe aut anxie-
tate, humanas exagitat mentes, et ad cor usque pertingit, et ibi
mutationem a naturali constitutione, in temperie et pulsu et re-
liquis, facit; illud in principio totum alimentum inquinando,
et vires infirmando, minime mirum videri debet, quod varia
genera morborum incurabilium in membris et corpore subinde
procreat; quandoquidem totum corpus, in illo casu, vitiato ali-
mento et inopia calidi nativi laborat.

Praeter haec, cum alimento vivant omnia animalia interius
concocto, necesse est concoctionem perfectam esse et distributi-
onem; et proinde locum et conceptaculum adesse, ubi perficia-
tur alimentum, et unde derivetur in singula membra: hic locus
autem cor est; cum solum ex omnibus partibus (non solum in
vena et arteria coronali privato ufui, sed in cavitatibus suis, tan-
quam in cisternis et promptuario, auriculis scilicet et ventricu-
lis) publico ufui sanguinem contineat (reliquae omnes partes
sui ipsius tantum causa et privato ufui in vasibus duntaxat ha-
bent); et cum cor solum ita fitum et constitutum, ut inde, pul-
su suo, in omnes partes (idque secundum iustitiam et proportio-
nem

nem cavitatum arteriarum unicuique particulae inservientium) aequaliter dispenfet, distribuat, et indigentibus (quasi e thesauro et fonte) hoc modo largiatur.

Amplius, ad hanc distributionem et motum sanguinis, impetu et violentia opus est, et impulfore, quale cor est; tum quia sanguis sponte sua (quasi versus principium, vel pars ad totum, vel gutta aquae sparsae super tabulam ad massam) facile concentratur et coit (uti a levibus causis solet celerrime; frigore, timore, horrore, et huiusmodi causis aliis), tum, ultra, quia e venis capillaribus in parvas ramificationes, et inde in majores, exprimitur motu membrorum et muscutorum compressione, [et eo] proclivis est magis et pronus sanguis ut e circumferentia moveatur in centrum, quam e contrario (quamquam valvulae impedimento nullae forent); unde ut principium relinquat, et loca stricta et frigidiora ineat, et contra spontaneum moveatur, tum violentia opus habet sanguis, tum impulfore: quale cor solum est, et eo quo dictum est modo.

CAPVT DECIMVM SEXTVM.

Sanguinis circuitus ex consequentibus probatur.

SVNT insuper problemata, ex hac veritate supposita tanquam consequentia, quae ad fidem faciendam veluti a posteriore non sunt inutilia; et quae cum alias multa ambiguitate et obscuritate involuta videantur esse, hinc et rationem et causas assignari facile patiuntur: quemadmodum, quae in contagione videmus, in ictu venenato et serpentum morfu, aut canis rabidi, in lue Venerea, et huiusmodi: quomodo illaesa particula, contacta tamen, totum habitum contingit vitari; uti lues Venerea, illaesis aliquando genitalibus, primo omnium vel scapularum vel capitis dolore, vel aliis symptomatibus, sese prodere solet; et vulnere, facto a morfu canis rabidi, curato, febrem

tamen

tamen aut reliqua horrenda symptomata supervenisse experti sumus; quoniam primum in particulam impressum contagium, una cum revertente sanguine, ad cor ferri, et inde totum corpus postea inquinare posse, hinc patet.

In tertiana febre, morbifica causa, principio cor petens, circa cor et pulmones immoratur, et anhelosos, suspiriosos, ignavos facit; quia principium aggravatur vitale, et sanguis in pulmones impingitur, incrassatur, non transit (hoc ego, ex dissectione illorum qui in principio accessionis mortui sunt, expertus loquor); quando semper pulsus frequentes, parvi, et quandoque inordinati sunt: adaucto vero calore, attenuatione facta materiae, apertis viis, et transitu facto, incallescere universum corpus; pulsus majores fieri, vehementiores; et fit paroxysmus febrilis: dum calor scilicet praeternaturalis, accensus in corde, inde in totum corpus per arterias diffunditur, una cum materia morbifica; quae eo modo a natura exsuperatur et dissolvitur.

Cur etiam exterius applicata medicamenta vires intro exercent suas, ac si intro sumpta essent, hinc constat. Colocynthis et aloë ventrem solvunt, cantharides urinas movent, allium plantis pedum alligatum expectorat, et cordialia roborant; et hujus generis infinita. Venas per orificia ab exterius admotis absorbere aliquid, et intro cum sanguine deferre (non alio modo, quam illae in mesenterio ex intestinis chylum exsugunt, et ad jecur una cum sanguine apportant) non irrationabile est forsitan dicere.

In mesenterio etenim sanguis, per arterias coeliacas mesentericam superiorem et inferiorem ingressus, ad intestina progreditur; a quibus, una cum chylo in venas attracto, per illarum venarum frequentissimas ramificationes in portam jecoris revertitur, et per ipsum in venam cavam. Sic contingit ut sanguis in his venis eodem sit imbutus et colore et consistentia, qua in reliquis; contra quam plures opinantur: nec duos contrarios

74 EXERCITATIO ANATOMICA

motus in omni capillari propagine (chyli sursum, sanguinis deorsum) inconvenienter fieri, improbabiliter existimare necesse est. Sed an non summa naturae providentia hoc fit? Si enim chylus cum sanguine, crudus cum concocto, aequis portionibus confunderetur, non concoctio, transmutatio, et sanguificatio exinde proveniret; sed magis (cum invicem activa et passiva sint) ex alterutrorum unione mistio, et medium quid; ut in perfusione vini cum aqua et oxycrato. Jam vero, quando multo cum praeterlabente sanguine exigua portio chyli hoc modo admista sit, et quasi nulla notabili proportionem, contingit illud facilius (quod ait Aristoteles) cum, una gutta aquae addita vini dolio, aut e contra, totum non mistum, sed vel vinum vel aqua. Ita in venis meferaicis dissectis, non chymus, non chylus et sanguis, aut separati, aut confusi, reperiuntur; sed idem qui in reliquis venis sanguis, et colore et consistentia, ad sensum apparet. In quo tamen quia chyli quiddam inconcoctum (licet insensibiliter) inest, natura jecur appofuit, in cujus maeandris moras trahat et plenior transmutationem acquirat; ne praemature, crudum, ad cor perveniens, vitae principium obrueret. Hinc in embryone pene nullus usus jecoris; unde vena umbilicalis jecur manifeste integra pertransit, et a porta jecoris extat foramen vel anastomosis, ut sanguis, regrediens ab intestinis foetus, non per jecur, sed in dictam umbilicalem transiens, cor (una cum materno sanguine et revertente a placenta uteri) petat: unde etiam in prima foetus conformatione jecur posterius fieri contingit; et nos etiam in foetu humano observavimus perfecte delineata omnia membra, imo genitalia distincta, nondum tamen jecoris posita pene rudimenta. Et sane quousque membra (ut vel cor ipsum in initio) alba omnia apparent et, praeterquam in venis, ne quidquam ruboris continent, nihil praeter rudem quasi extravenati sanguinis collectionem loco jecoris videbis, quam confusionem quandam vel ruptam venam existimares.

Sed

Sed in ovo duo quasi vasa umbilicalia; unum, ab albumine, integrum pertransiens jecur et ad cor recta tendens; alterum, a luteo, in venam portam desinens: quippe contingit in ovo pul- lum primum ex albumine tantum formari, et nutriri; a luteo vero, post perfectionem et exclusionem. Nam et intra intesti- na in ventre pulli contentum post multos dies ab exclusione po- test luteum reperiri; et respondet luteum nutrimento lactis caeterorum animalium.

Sed haec convenientius in observationibus circa foetus forma- tionem; ubi hujus generis possunt esse problemata plurima: Cur hoc prius factum aut perfectum sit; illud cur posterius? Et de principatu membrorum: Quenam particula alterius cau- sa sit? Et circa cor plurima: uti, Cur primum (ut Aristoteles, de partibus animalium, libro tertio) consistens factum sit, et habere videatur in se vitam, motum, et sensum, antequam quid- quam reliqui corporis perfectum sit? Et similiter de sanguine: Quare ante omnia? et, Qualiter principium vitae et animalis habeat, et moveri atque huc illuc impelli desideret, cujus causa cor factum fuisse videretur? Eodem modo in pulsuum specu- latione: Cur isti videlicet lethales, aut contra? et, in omnibus generibus ipsorum causas et praefagia contemplando, Quid isti significant, quid illud, et quare? Similiter in crisi- bus et ex- purgationibus naturae; in nutritione, praesertim distributione alimenti; similiter et omni fluxione. Denique in omni parte medicinae, physiologica, pathologica, semiotica, therapeutica, cum quot problemata determinari possint ex hac data veritate et luce, quanta dubia solvi, quot obscura dilucidari, animo me- cum reputo; campum invenio spatiosissimum, ubi longius per- currere et latius exspatiari adeo possim, ut non solum in volu- men excreveret, praeter institutum meum, hoc opus; sed mi- hi forsan vita ad finem faciendum deficeret.

76 EXERCITATIO ANATOMICA

Hoc itaque loco (sequente videlicet capitulo) solummodo quae, in administranda anatome, circa fabricam cordis et artiarum comparent, ad suos usus et causas veras referre enitar: ut ficut, quocunque me convertam, plurima, quae ex hac veritate lucem recipiant et hanc vicissim illustriorem reddant, reperiuntur; ita anatomicis argumentis firmatam et exornatam prae caeteris velim.

Est unum quod, licet inter observationes nostras de lienis usu locum habere deberet, tamen hic quoque obiter annotare non erit impertinens. A ramo splenico in pancreate deducto, e parte superiore venae oriuntur coronalis postica, gastrica, et gastroëpiploica; quae omnes plurimis furculis et ramificationibus in ventriculum (veluti meseraicae in intestina) disseminantur: similiter, a parte inferiori illius splenici, deorsum in colon et longanone usque deducitur vena haemorrhoidalis: per has venas utrinque sanguis regrediens, et succum crudiores fecum hinc a ventriculo, (aqueum, tenuem, nondum perfecta chylificatione) illinc crassum et terrestriorem tanquam e faecibus, reportans; in hoc ramo splenico, contrariorum permissione, convenienter attemperatur: et ambos hos succos difficilius coctionis propter contrarias tamen indispositiones) natura permiscendo, et multa copia calidioris sanguinis (a liene uberrime, propter multitudinem artiarum, scaturientis) superinfusa praeparatos magis ad jecoris portas adducit; et defectum utrorumque extremorum, tali venarum fabrica, supplet et compensat.

CAPVT DECIMVM SEPTIMVM.

Confirmatur sanguinis motus et circuitus, ex apparentibus in corde, et ex iis quae ex dissectione anatomica patent.

COR non in omnibus animalibus inuenio distinctam esse et separatam particulam: alia enim, (quasi dicas plant-animalia) cor non habent; quia quaedam animalia sunt frigidiora, exiguae corpulentiae, mollioris texturae, simularis cujusdam constitutionis; ut erucarum genus et lumbricorum, et quae ex putredine oriuntur, non servantia speciem, plurima. Iis cor non est; ut quibus impulso non opus sit quo alimentum in extrema deferatur: corpus enim connatum et unum, absque membris, indistinctum habent; sic ut, contractione et relaxatione totius corporis, intro sumant et expellant, moveant et removeant, alimentum. Plant-animalia dicta, ostrea, mytili, spongiae, et zoophytorum genera omnia, cor non habent: pro corde enim toto corpore utuntur; et quasi totum cor huiusmodi animal est. In plurimis et pene omnibus insectorum generibus, propter corpulentiae exiguitatem, discernere non possumus recte: attamen in apibus, muscis, crabronibus et huiusmodi, (aliquando ope perspicilli) licet pulsans quiddam intueri; etiam in pediculis, quibus transitus alimenti per intestina, (cum translucidum sit animal) quasi maculam nigram cernere insuper clare poteris, multiplicantis illius specilli ope.

Sed in exsanguibus et frigidioribus quibusdam, ut cochleis, conchis, squillis, crustatis, his omnibus inest pulsans particula, quasi vesicula quaedam vel auricula sine corde; rarius vero contractionem et pulsum suum faciens, et quam non nisi aestate aut calidiori tempestate discernere liceat. In his ita se habet ista particula: impulsu aliquo opus est ad alimenti distributionem, propter partium organicam varietatem aut densitatem substantiae:

78 EXERCITATIO ANATOMICA

stantiae: sed rarius fiunt pulsationes, et quandoque non omnino, ob frigiditatem; prout conveniens illis est quae dubiae sunt naturae, ita ut quandoque vivere, quandoque emori, videantur; et quandoque vitam animalis agere, quandoque plantae. Quod etiam infectis videtur contingere, cum hieme lateant et quasi mortua occultentur, vel plantae vitam tantummodo agant. Sed an idem etiam quibusdam sanguineis animalibus accadat, ut ranis, testudinibus, serpentibus, hirundinibus, non injuria dubitare licet.

In animalibus vero majoribus, calidioribus, utpote sanguineis, impulsore alimenti (et cum vi forsân majori) opus est; proinde uti piscibus, serpentibus, lacertulis, testudinibus, ranis et hujusmodi aliis, tum auricula, tum cordis ventriculus unus: unde et verissimum^a illud, quod nullum sanguineum animal careat corde; quo impulsore validiori et robustiori, non solum ab auricula agitur alimentum, sed longius et celerius protrudatur. Quin in adhuc majoribus, calidioribus et perfectioribus animalibus, utpote plurimo ferventiori et spirituoso sanguine abundantibus; quo protrudatur fortius, celerius, et impetu majori (propter corporis magnitudinem, aut habitus densitatem) alimentum, in his robustum cor magis et carnosius desideratur. Et insuper, quia perfectioribus perfectiori opus alimento et uberiori calore nativo, ut alimentum concoquatur et ulteriorem perfectionem nanciscatur; illis animalibus, pulmones habere et alterum ventriculum, qui per ipsos pulmones alimentum trahat, conveniebat.

Sic quibuscumque insunt pulmones, ibi duo ventriculi cordis, dexter et sinister; et ubicunque dexter, ibi sinister quoque inest: non (e contra) ubi sinister, ibi dexter quoque. Sinistrum voco ventriculum usu, non situ, distinctum; videlicet qui fan-

^a Aristotelis, de partibus animalium, libro iii.

guinem in totum corpus diffundat, non in pulmones solum. Hinc sinister ventriculus per se cor efficere videtur; et, in medio situs, scrobiculis altioribus ita insculptus et majori diligentia fabrefactus est, ut cor sinistri ventriculi gratia factum videatur, et dexter ventriculus quasi famuletur sinistro: nec ad eum ejus pertingit, et tenuiori triplo pariete est, et quasi articulationem quandam (ut Aristoteles) supra sinistrum habet: majori capacitate vero; utpote qui non solum sinistro materiam, sed et pulmonibus alimentum, praebeat.

Notandum vero quod in embryone aliter se habent ista, et non tanta differentia est ventriculorum; sed, tanquam in nuce nuclei gemelli, aequaliter pene se habent; et dextri conus ad sinistri summitatem pertingit: ut cor, in his, tanquam duplici apice in cono sit. Et haec, quoniam in his, ut dixi, dum sanguis non transit per pulmones (utique de dextro cordis sinu in sinistrum), ambo per foramen ovale et transitum arteriosum, ut dictum est, idem officium traducendi sanguinem e vena cava in arteriam magnam pariter praestant; et in universum corpus impellunt aequaliter: unde aequalis constitutio. Cum vero pulmones usui esse et uniones dictas occludi sit tempestivum, tum haec differentia ventriculorum incipit in robore et reliquis esse; quia dexter duntaxat per pulmones, sinister per totum corpus impellit.

Ultra haec, etiam in corde lacertuli (ut ita dicam) five carnosae virgulae, et fibrosi nexus plurimi; quos Aristoteles, libro de respiratione et de partibus animalium tertio, nervos vocat: qui partim separatim diverso modo tenduntur, partim in parietibus et mediastino (altis factis scrobiculis) fulcatim reconditi, tanquam musculi quidam parvi. Qui, ad robustiorem et ad validiorem impulsus sanguinis et constrictionem cordis, quasi succenturiati sunt et superadditi cordi, et ad ulteriorem expulsionem sanguinis auxiliares; et ut (tanquam in navi funium diligens

80 EXERCITATIO ANATOMICA

ligens et artificiosus apparatus) corde undiquaque se contrahente, undique adjumento forent, et sanguinem plenius et validius e ventriculis expellerent. Hoc autem manifestum eo, quod quibusdam animalibus sint, quibusdam minime: et omnibus quibus sunt; illis plures et fortiores sinistro, quam dextro: et quibusdam animalibus in sinistro sunt, dextro vero nequaquam: et, in hominum genere, plures in sinistro quam dextro ventriculo; et plures in ventriculis quam auriculis; et aliquibus in auriculis quasi nulli. In torosis et musculosis agrestibus corporibus, et durioris habitus, plures; in tenellis corporibus [et] foeminis pauciores.

In quibus animalibus ventriculi cordis intus leves (omnino absque fibris, lacertulis) neque scrobiculis fissi (ut avibus minoribus pene omnibus, serpentibus, ranis, testudinibus, et hujusmodi; sic perdice, gallina; piscibus similiter, maxima ex parte) in his neque nervi, sive fibrae dictae, neque valvulae tricuspides, in ventriculis reperiuntur. Quibusdam animalibus dexter ventriculus intus levis est, sinister vero fibrosos illos nexus habet; ut in anfore, cygno, et avibus gravioribus. In his eadem est ratio, quae in omnibus; cum spongiosi et rari et molles sint pulmones, ad protrusionem sanguinis per ipsos vim tantam non desiderari: proinde dextro ventriculo aut non sunt illae fibrae, aut pauciores, infirmiores; non ita carnosae aut musculosae aemulantes: sinistro vero sunt et robustiores, et plures, et carnosiores, et musculosae; quia sinister ventriculus majori robore et vi opus habet, quo per universum corpus longius sanguinem prosequi debuerat. Et hinc etiam medium cordis possidet; et triplo crassiori pariete et robustiore est sinister ventriculus dextro. Hinc omnia animalia (et inter homines similiter) quo densiori, duriori, et solidiori habitu sunt carnis, et quo magis carnosae lacertosae habent extrema membra et magis a corde distantia; eo fibrosum magis, crassum, robustum, et musculosum

fum habent cor. Idque manifestum est, et necessarium. Quo, contra, rariore textura et molliori sunt habitu, et corpulentia minore; flaccidum magis, mollius, et intus minus (aut non omnino) fibrosum, et enervatum, cor gerunt.

Valvularum similiter usum considera; quae ideo factae, ne semel missus sanguis in cordis ventriculos regeratur; et in orificio arteriosae venae et aortae: dum, sursum elevatae et invicem conjunctae, triquetram lineam, qualis ab hirudinum morfu relinquitur, effingunt; quo, arctius obferatae, sanguinis refluxum arceant. Tricuspidēs in introitu a vena cava et arteria venosa janitores; ne, cum maxime impellitur sanguis, retrolabatur: et ea de causa non insunt omnibus animalibus, ut dixi; neque, quibus insunt, eadem naturae solertia factae apparent; sed in aliis exactius, in aliis remissius et negligentius; ut claudantur pro majori vel minori impulsione a ventriculorum contractione facta. Ideo in sinistro ventriculo, uti ad majorem impulsione diligentior oclusio fiat, duae tantum sunt instar mitrae, ut exactissime claudantur, et longe in conum per medium pertingentes: quae res imposuit forsā Aristoteli, ut hunc ventriculum duplicem, sectione per transversum facta, existimaret. Similiter profecto, ne retro in arteriam venosam labatur sanguis, et exinde robur sinistri ventriculi exsolvatur in propellendo per universum corpus; ideo valvulae istae mitrales, mole et robore et exacta clausura, illas in dextro positas exsuperant. Hinc etiam necessario nullum cor sine ventriculo conspicitur, cum lacunar et fons et promptuarium esse sanguinis debeat: idem vero in cerebro non semper contingit. Avium enim genera pene omnia nullum habent in cerebro ventriculum; ut patet in anserē et cygno, quorum cerebrum cuniculi cerebro pene magnitudine aequatur: cuniculi autem ventriculos licet in cerebro habeant, anser tamen non habet. Similiter, ubicunque cordis ventriculus unus, una auricula appendet, flaccida, cuticularis,

intus cava, sanguine referta: ubi duo ventriculi, duae similiter auriculae. Contra vero aliquibus auricula duntaxat inest animalibus (non autem cordis ventriculus) vel saltem vesica auriculae analogae, vel vena ipsa in loco dilatata pulsum facit; ut videtur in crabronibus, et apibus, et aliis insectis; quae non solum pulsum habere, sed et respirationem in illa parte quam caudam nominant, experimentis quibusdam me posse demonstrare arbitror: unde [ea] ipsam elongare et contrahere contingit modo frequentius, modo rarius; prout anhelosa magis videntur, et aëre magis indigere. Sed de his in tractatu de respiratione. Auriculas similiter pulsare apertum est, sese contrahere, ut ante dixi, et sanguinem in ventriculos conjicere: unde, ubicunque est ventriculus, auricula necessaria; non solum, quod vulgo creditur, ut sit sanguinis receptaculum et promptuarium; quid enim opus est pulsatione ad retinendum? sed motores primi sunt sanguinis auriculae; praesertim dextra, primum vivens, ultimum moriens, ut ante dictum est; quare necessaria, ut scilicet sanguinem in ventriculum subserviens infundat; qui ventriculus continuo (se ipsum contrahendo) jam ante in motu existentem sanguinem commodius elidat, et violentius propellat; ut, cum ludas pila, a reverberatione fortius et longius percutiendo, quam simpliciter projiciendo, impellere poteris: quinetiam contra vulgarem opinionem; quia neque cor neque aliud quidquam se ipsum distendere sic potest, ut in se ipsum attrahere sua diastole quicquam possit, nisi ut spongia vi prius compressa, dum redit ad constitutionem suam: sed omnem motum localem in animalibus primum fieri et principium sumpsisse constat a contractione alicujus particulae: ideo a contractione auricularum conjicitur sanguis in ventriculos, ut ante patefeci; et inde a contractione ventriculorum projicitur et transfertur. Quae veritas de motu locali; et quod immediatum organum motivum, in omni motu omnium animalium, in quo spiritus moti-

motivus (ut Aristoteles dicit libro de spiritu, et alibi) primo inest, fit contractile; et quemadmodum *νεύρον* a *νέω*, nuto, contraho, dicatur; et quod Aristoteles musculos cognovit, et non perperam omnem motum in animalibus retulerit ad nervos sive ad contractile, et proinde illos lacertulos in corde nervos appellavit; si de motivis organis animalium et de musculorum fabrica, ex observationibus nostris, quandoque demonstrare liceret, palam (arbitrarer) foret.

Quin (ut institutum prosequamur de auricularum usu ad ventriculos implendos sanguine, ut ante demonstratum est) contingit quo magis densum, compactum cor, pariete crassiore, eo auriculae nervosiores et magis musculosae ad impellendum et implendum: quibus contra, iis tanquam vesica sanguinea et membrana continens sanguinem apparet; ut in piscibus: ibi enim tenuissima et adeo ampla est vesica, quae auriculae loco est, ut super ipsam cor innatare videatur: et, in quibus piscibus carnosior paulo illa vesica est, perbelle pulmones aemulari et ementiri videtur; ut cyprino et barbo, sinca, et aliis.

In aliquibus hominibus, torosis videlicet et durioris habitus, dextram auriculam ita robustam et, cum lacertulis et vario fibrarum contextu, interius affabre concinnatam reperi, ut aliorum ventriculos robore videretur aequipollere: et mirabar sane, in hominibus diversis, quanta esset differentia. Sed notandum quod in foetu auriculae longe majores, quam pro proportionem; quia insunt, antequam cor fiat aut suam functionem praestet, ut ante demonstratum est; et cordis ibi quasi officium faciunt. Sed quae in formatione foetus observavi (et antea retuli, et Aristoteles in ovo confirmat) maximam huic rei fidem et lucem asserunt. Interea dum foetus quasi vermiculus mollis, et (ut dicitur) in lacte est, inest solum punctum sanguineum, sive vesicula pulsans, et quasi umbilicalis venae portio, in principio, vel basi, dilatata: postea cum foetus delineatus jam corpulentiam

84 EXERCITATIO ANATOMICA

quandam duriorem habere incipit, ista vesica carnosior et robustior facta in auriculas (mutata constitutione) transit; super quas cordis corpus pullulare incipit, nondum ullum officium faciens publicum: formato vero foetu, cum jam distincta ossa a carnibus sunt, et perfectum est animal, et motum habere sentitur, tum cor quoque intus pulsans habetur, et (ut dixi) utroque ventriculo sanguinem e vena cava in arteriam transfundit.

Sic natura perfecta et divina, nihil faciens frustra, nec cuiquam animali cor addidit, ubi non erat opus; neque, priusquam esset ejus usus, fecit: sed, iisdem gradibus in formatione cujuscunque animalis, transiens per omnium animalium constitutiones, ut ita dicam, (ovum, vermem, foetum) perfectionem in singulis acquirit. In foetus formatione, multis observationibus haec alibi confirmanda sunt.

Denique non immerito Hippocrates, in libro de corde, ipsum muscolum nuncupavit; cum eadem actio, idem officium sit; videlicet seipsum contrahere, aliud movere, nempe contentum sanguinem. Insuper ex fibrarum constitutione motivaque fabrica, ut in musculis ipsis, cordis actionem et usum licet cernere. Omnes Anatomici, cum Galeno, annotarunt cordis corpus vario fibrarum ductu, videlicet recto, transverso, obliquo, fabrefactum esse: at, in corde elixo, aliter se habere deprehenditur fibrarum structura. Omnes enim fibrae in parietibus et septo circulares sunt, quales in sphinctere: illae vero quae sunt in lacertulis, secundum longitudinem obliquae, porrectae: sic fit, dum omnes fibrae simul contractae sint, ut contingat et cœnum ad basin a lacertulis adductum esse, et parietes in orbe circumclusos, et cor undique contractum esse, et ventriculos coarctari: et proinde, cum ipsius actio sit contractio, functionem ejus esse sanguinem in arterias protrudere existimandum est.

Nec minus Aristoteli, de principatu cordis, assentiendum; an a cerebro motum et sensum accipiat? an a jecore sanguinem?

nem? an sit principium venarum et sanguinis? et huiusmodi: cum qui ipsum redarguere conantur, illud principale argumentum omittunt aut non intelligunt, quod cor nempe primum subsistens sit, et habeat in se sanguinem, vitam, sensum, motum, antequam aut cerebrum aut jecur facta erant, vel plane distincta apparuerant, vel saltem ullam functionem edere potuerant. Et (suis propriis organis ad motum fabricatis) cor, tanquam animal quoddam internum, antiquius consistit: quo primo facto, ab ipso postea fieri, nutriri, conservari, perfici totum animal, tanquam hujus opus et domicilium, natura voluit: et cor (tanquam in republica princeps, penes quem primum et summum imperium) ubique gubernans est: a quo, tanquam ab origine in animali et a fundamento, omnis potestas derivatur et dependet.

At amplius, circa arterias plurima similiter veritatem hanc illustrant et confirmant: Cur arteria venosa non pulsat, cum numeretur inter arterias? aut Cur in vena arteriosa pulsus sentitur? quia pulsus arteriarum sanguinis impulsio est. Cur arteriae, in suae tunicae crassitie et robore, tantum a venis differunt? quia sustinent impetum impellentis cordis et prorumpentis sanguinis. Hinc, cum natura perfecta nihil faciat frustra, et in omnibus sit sufficiens, quanto arteriae propinquiores cordi sunt, tanto magis a venis in constitutione differunt, et robustiores sunt, et ligamentosae magis: in ultimis vero disseminationibus ipsarum, ut manu, pede, cerebro, mesenterio, spermaticis, ita constitutione similes sunt, ut, oculari tunicarum inspectione, alterum ab altero internoscere difficile sit. Hoc autem iustis de causis sic se habet: nam quo longius arteriae distant a corde, eo minore multo vi, ab ictu cordis per multum spatium refracto, percelluntur. Adde quod cordis impulsus, cum in omnibus arteriarum truncis et ramulis sufficiens sanguini esse debuerit, ad divisiones singulas, quasi partitus, imminuitur. Adeo

ut

86 EXERCITATIO ANATOMICA

ut ultimae divisiones capillares, arteriosae, videantur venae; non solum constitutione, sed et officio: cum sensibilem pulsum aut nullum, aut non semper, edant, et nisi cum pulset cor vehementius, aut arteriola in quavis particula dilatata aut aperta magis fit. Inde fit ut, in dentibus quandoque et tuberculis, quandoque in digitis, sentire pulsum, quandoque non, possimus. Vnde pueros, quibus pulsus semper sunt celeres et frequentes, hoc uno signo febricitare certo observaverim: et similiter in tenellis et delicatulis, ex compressione digitorum, quando febris in vigore esset facile pulsu digitorum percipere poterim. Ex altera parte, quando cor languidius pulsât, non solum non in digitis, sed nec in carpo aut temporibus, pulsum sentire contigit: ut in lipothymia, et hysterice symptomatibus, et asphyxia; debilioribus, morituris.

Hic, ne decipiantur, monendi chirurgi quod, in amputatione membrorum, et tumorum carnosorum excisione, et vulneribus, sanguis cum vi profilens semper exit ab arteria; non autem semper cum saltu, quia exiles arteriae non pulsan, praesertim si ligatura compressae fuerint.

Praeterea, cur vena arteriosa non solum arteriae constitutionem, et tunicam habeat, sed cur tam multum in crassitie tunicae non differat a venis, quam aorta, ratio eadem: majorem a sinistro ventriculo impulsus sustinet aorta, quam illa a dextro; et tanto molliori tunicarum constitutione, quam aorta, est, quanto dexter ventriculus cordis, et pariete et carne, sinistro infirmior: et quantum pulmones, in textura et mollitie, ab habitu corporis et carnis recedunt, tantum differt venae arteriosae tunica ab illa quae aortae. Et semper haec omnia ubique proportionem servant. Et, in hominibus, quanto magis torosi, musculosi, et durioris sunt habitus, et cor robustum, crassum, densum, et fibrosum magis; tanto et auriculas et arterias proportionabiliter in omnibus respondententes, crassitie, robore, habent.

Hinc

Hinc quibus animalibus leves ventriculi cordis intus sunt, absque villis, aut valvulis, pariete tenuiore (ut piscibus, avibus, serpentibus, et quam plurimis generibus animalium), in illis arteriae parum aut nihil a venis differunt in tunicarum crassitie.

Amplius, cur pulmones tam ampla habent vasa, venam et arteriam, ut truncus arteriae venosae excedat utroque ramos, crurales et jugulares; et cur tanto referti sunt sanguine, ut per experientiam et autopsiam scimus (monitu Aristotelis, non decepti inspectione eorum quos dissectis detraximus animalibus, quorum sanguis totus effluxerat), causa est, quia, in pulmonibus et corde, promptuarium, fons, et thesaurus sanguinis, et officina perfectionis est. Cur, similiter, arteriam venosam et sinistrum ventriculum abundare videmus (in anatomica dissectione) tanta copia sanguinis, et ejusdem quidem quo dexter ventriculus et vena arteriosa replentur, similiter nigricantis et grumescantis; quoniam illinc huc continenter peragrat pulmones sanguis. Cur denique vena arteriosa, dicta vulgo, constitutionem arteriae, arteria venosa venae, habent; quia, revera et officio et constitutione et omnibus, illa arteria, haec vena fit; contra quam vulgo creditur: et cur vena arteriosa tam amplum habet orificium; quia plus multo defert quam alendis pulmonibus fit necessarium.

Haec omnia phaenomena inter dissectandum observanda, et plurima alia, si recte perpenſa fuerint, antedictam veritatem videntur luculenter illustrare et plane confirmare, simulque vulgaribus opinionibus adversari: cum, quam ob causam ita constituta sint et facta haec omnia, difficile cuiquam admodum fit, nisi quo nos modo, explicare.

EXERCITATIONES DVAE ANATOMICAE

DE CIRCULATIONE SANGVINIS:

AD JOANNEM RIOLANVM, FILIVM,

PARISIENSEM;

Medicum peritiffimum, Anatomicorum coryphaeum; in Academia Parisiensi Anatomes et Herbariae Professorem Regium egregium, atque Decanum; Reginae matris Lodovici XIII Medicum primarium.

M

EXER-

EXERCITATIO ANATOMICA
DE CIRCULATIONE SANGVINIS,
AD J. RIOLANVM, PRIMA.

PRODIIT, non multis abhinc mensibus, clarissimi Riolani opusculum anatomicum et pathologicum, quod ipsissima auctoris manu mihi transmissum gratus admodum refero. Gratulor equidem felicitati illius viri, quod institutum maxima dignissimum laude perficiendum suscepit. Omnium morborum sedes ante oculos ponere, onus est non nisi divino ingenio exantlandum: gravem fane subiit provinciam, qui morbos illos, pene intellectus aciem fugientes, oculis prospiciendos tradidit. Decent haec conamina anatomicorum principem: nulla enim est scientia, quae non ex praeeistente cognitione oritur; nulla-que certa et plene cognita notitia, quae non ex sensu originem duxit. Quocirca res ipsa, et tanti viri exemplum, laborem meum efflagitabat, animumque inducebat meam quoque anatomiam medicam, sive ad medicinae usum maxime accommodatam, literis mandare et adungere: non (ut ille) solum locos morborum ex cadaveribus sanorum indigitando et, secundum mentem aliorum, morborum species, qui iis in locis videri debuissent, recensendo; sed ut, ex multis dissectionibus corporum aegrotorum, gravissimis et miris affectionibus confectorum, quomodo et qualiter partes interiores in situ, magnitudine, constitutione, figura, substantia, et reliquis accidentibus sensibilibus, a naturali forma et apparentia (quam vulgo omnes anatomici describunt) permutantur, et quam variis modis et miris afficiuntur, enarrandum susceperem. Sicut enim sanorum et boni habitus corporum dissectionio plurimum ad philosophiam et rectam physiologiam facit, ita corporum morbosorum et cachecticorum inspectio potissimum ad pathologiam philosophicam.

Quippe eorum, quae sunt secundum naturam, contemplatio physiologia est, et prius a medicis noscenda; quoniam, quod secundum naturam est, id rectum, et tum sui tum obliqui regula; cujus luce errores affectusque praeternaturales definiendo, pathologia postea clarius innotescit; et, ex pathologia, usus et ars medendi, novaque plurima remedia inveniendi occasiones occurrunt. Neque quisquam facile crederet quantum in morbis, praesertim chronicis, interiora pervertantur, et quanta partium interiorum monstra iis morbis gignantur. Atque, ausim dicere, plus una dissectio et apertio tabidi, aut morbo aliquo antiquo vel venenato confecti corporis, ad medicinam attulit commodi, quam decem corporum strangulorum.

Non igitur improbo doctissimi et expertissimi anatomici Riolani institutum, sed summis laudibus celebrandum puto; quippe ad medicinam utile admodum, quod physiologicam partem illustrat: non minus tamen medendi arti proficuum fore existimabam, si non solum locos, sed una locorum affectus, oculis conspiciendos exhiberem, vel observatos et perlustratos enarrarem, et ex multis meis dissectionibus experientiam meam recorderer.

Verum quae in illo libello ad me spectare unicum videbantur, de circuitu sanguinis a me invento traducta, perpendenda prius et potissimum a me veniunt. Non enim parvi faciendum, de re tanta, tanti viri iudicium (qui omnium, quotquot sunt hujus seculi, anatomicorum facile princeps et coryphaeus aestimatur) sed plus, quam aliorum omnium vel applaudentium vel repugnantium, ducenda hujus unius viri sententia in gloriam, aut censura respicienda et pensanda. Ipse igitur, *Enchiridii* libri tertii capite octavo, motum sanguinis nostrum in animalibus agnoscit, et in nostras partes nostramque de circuitu sanguinis sententiam venit; non tamen ex toto et aperte: ait enim, libri secundi capite vigesimo primo, quod
sanguis

sanguis in porta contentus non circuletur, ut sanguis in vena cava; et, libri tertii capite octavo, esse sanguinem qui circuletur, et vasa circulatoria esse scilicet aortam et venam cavam: negat autem eorum propagines circulationem recipere, *quia effusus*, inquit, *sanguis in omnes partes secundae et tertiae regionis, ibi remanet ad nutritionem, nec refluit ad majora vasa; nisi vi revulsus, in maxima inopia sanguinis vasorum majorum, vel impetu et oestro percitus, affluat ad majora vasa circulatoria*: atque paulo post; *ita ut sanguis venarum perpetuo ascendat naturaliter, sive remeet ad cor; sanguis arteriarum descendat sive discedat a corde. Attamen, si venae minores brachiorum et crurum fuerint depletae, potest, successione vacuati, venarum sanguis descendere: quod clare demonstravi*, inquit, *contra Harveium et Walaeum*. Et, quia Galenus et quotidiana experientia confirmet anastomoses venarum et arteriarum, et necessitas circulati sanguinis; *videtis*, inquit, *quomodo fiat circulatio sanguinis citra perturbationem et confusionem humorum et veteris medicinae destructionem*.

Quibus verbis apertum est, qua de causa permotus clarissimus ipse sanguinis circuitum agnoscere partim, partim denegare voluit; et cur titubantem inconstantemque de circuitu opinionem assequere conatur; nempe ne veterem medicinam destrueret. Non veritate ductus (quam non cernere non potuisset) sed magis ob cautelam, veretur aperte loqui, ne veterem medicinam offenderet, aut forsan traditam ab ipso, in Anthropologia, physiologiam retractare videretur. Nam sanguinis circuitus veterem medicinam non destruit, sed promovet magis; medicorum physiologiam et speculationem de rebus naturalibus offendit, et doctrinam anatomicam de usu et actione cordis, pulmonum, caeterorumque viscerum, redarguit. Haec quod ita sint, facile, tum ex ipsius verbis et confessione, partim ex iis quae hic subiungam, apparebit; scilicet, totum sanguinem, ubicunque fuerit

rit in corpore vivente, moveri et mutare locum (tam qui in venis majoribus et eorum propaginibus et fibris, quam [qui] partium cujuscunque regionis porositatibus, contineatur), a corde fluere et ad cor refluere continue et continenter, et nusquam sine detrimento manere: licet (neque repugno) quandoque quibusdam in locis velocior aut tardior ejus motus fiat.

Primum itaque negat solummodo doctissimus vir sanguinem propaginibus venae portae contentum circulari, non redarguit: neque negare potuit, si vim argumenti sui non diffimulasset. Ait enim, libri tertii capite octavo, *si in singulis pulsationibus cor admittat guttam sanguinis, quam expellat in aortam, et intra horam bis millenas pulsationes edat, necessum est magnam sanguinis portionem transire*. Idem quoque de mesenterio affirmare necessum habet; quando, per arteriam coeliacam et mesentericas arterias, plus quam gutta sanguinis pulsationibus singulis intruditur et impingitur in mesenterium et ejus venas: adeo ut vel aliquo exire pro rata ingredientis proportionem debeat necessario, vel venae portae rami tandem difrumperentur. Nec (quod hoc dubium solvat) probabiliter dici, aut fieri potest, ut per easdem arterias influat et refluat, Euripi in morem, irritum et vano labore, sanguis mesenterii: nec relapsus e mesenterio per easdem vias et transvasatio, qua exonerare voluit mesenterium sese in aortam, verisimilis est, aut contra vim ingredientis praevalere contrario motu potest: nec datur vicissitudo ubi continue, continenter, et incessanter, certum est influxum fieri; sed eadem necessitate, qua in corde arguitur sanguinem impactum in mesenterium alio exire, compellitur: quod manifestum est; namque alias omnem circulationem eo argumento et subterfugio everteret, si idem, eadem verisimilitudine de cordis ventriculis dicendo, affirmaverit: nempe in systole cordis impellitur in aortam sanguis, et diastole remeat; aortaque sese in cordis ventriculos exonerat, ut ventriculi vicissim in aortam: atque ita neque

neque in corde neque in mesenterio circulatio, sed fluxus et refluxus vicissitudinarius, vano labore, agitur. Si itaque in corde ob dictam rationem a se probatam necessario sanguinis circulatio arguitur, eadem argumenti vis in mesenterio quoque locum habet: fin vero in mesenterio nullus sanguinis circuitus, neque similiter in corde: utraque enim affirmatio, haec scilicet de corde, illa de mesenterio, ejusdem argumenti vi, mutatis verbis, pendet stabiliturque, aut cadit, similiter.

Dicit, *in corde impediunt regressum sigmoides valvulae; nullae sunt vero in mesenterio valvulae.* Respondeo neque hoc verum est; in ramo enim splenico, quinetiam quandoque in aliis, reperta valvula. Praeterea in venis valvulae non ubique requiruntur; neque in profundis venis artuum, sed in cutaneis magis, reperiuntur. Vbi enim e minoribus ramis profluens naturaliter sanguis, in majores proclivis, compressione circumjacentium musculorum retro meare satis et plus satis impeditur, sed qua patet iter cogitur, ibi valvulis quid opus est? Quantum autem sanguinis singulis pulsationibus in mesenterium impellitur, perinde computatur ac si, in carpo, mediocri ligatura venas e manu egredientes et in arterias ingredientibus constrinxeris: majores etenim sunt arteriae mesenterii quam carpi. Si quot pulsationibus distendi vasa manus, et tumescere in molem totam manum, numeraveris; dividendo, et subductione facta, multo plus quam guttam sanguinis ingredi (non obstante ligatura) singulis pulsibus reperies, nec retro meare posse; quin potius replendo, manum totam vi distendere et in molem efferre. Eadem quantitate sanguinem ingredi mesenterium, per analogiam, colligere licet; si non majori, quanto majores arteriae mesenterii sunt quam carpi. Et si quisquam viderit et cogitaverit quanta difficultate et molimine, compressionibus, ligaturis, apparatuque multiplici, cohibetur impetuofus proficiens sanguis e rescissa vel disrupta minima arteriola; quantis viribus (veluti si

siphon-

siphone ejaculetur) omnem apparatus projicit, propellit, aut pertranfit; vix, puto, crederet verisimile, tantum ingredientis sanguinis contra impulsu et influxu, retro meare quidquam posse, unde non pari vi repellitur. Quapropter haec animo secum revolvens, e mesenterio, contra influxu per arterias adeo impetuofu et fortem, sanguinem e venis portae per easdem vias obrepere et ita mesenteriu exonerare, haud puto animum induceret ad credendum.

Insuper si non, circulari motu moveri sanguinem et mutari, arbitretur vir doctissimu, sed semper eundem in mesenterii propaginibus stagnare; supponere videtur, duplicem esse sanguinem, diversuque, diversoque usui et fini inservientem; et proinde diversae naturae in venis porta et cava; quia iste circulatione indiget ad sui conservationem, ille non indiget: quod neque apparet, neque ipse demonstrat verum esse.

Praeterea addit vir doctissimu (Enchiridii libri secundi capite decimo octavo) *quartum genus vasorum mesenterio; quae venae lacteae dicuntur, inventae ab Asellio*: quibus positis, videtur astruere omne alimentu, ab intestinis extractu, per ipsas ad jecur, officinam sanguinis, derivari: quo inibi concocto et in sanguinem transmutato (dicit libri tertii capite octavo) *sanguis, ab hepate delatus, ad dextrum cordis ventriculu traducitur. Quibus positis,*^a inquit, *omnes difficultates quae olim movebantur, de distributione chyli et sanguinis per eundem canalem, cessant; nam venae lacteae vebunt chylum ad hepar, et proinde seorsum isti canales sunt, et seorsum obstrui possunt.* Verum enimvero quomodo, quaeſo, lac illud in jecur transfundatur et pertranseat, et inde per cavam ad cordis ventriculu? (quando sanguinem, in ramis portae fimae hepatis distributis numerosissimis contentu, posse pertransire, ut ita fiat circulatio, negat vir

^a Enchirid. lib. ii. cap. 18.

doctissimus) unde hoc verisimile demonstretur, scire velim; praesertim cum et spirituosior et penetrativus magis sanguis, quam chylus aut lac in illis lacteis vasis contentum, appareat; et adhuc ab arteriarum pulsu urgeatur, ut alicubi viam inveniat.

Doctissimus vir mentionem facit tractatus cujusdam sui de circulatione sanguinis: utinam viderem; forsan resipiscerem. Sed enim, vir doctissimus si maluisset, non video quin, posito circulari motu sanguinis (atque in venis, uti dicit libri tertii capite octavo, sanguis perpetuo et naturaliter ascendit ad cor, five remeat ad cor; sicut sanguis in omnibus arteriis descendit, five discedit a corde) hoc, inquam, posito, omnes difficultates, quae olim movebantur de distributione chyli et sanguinis per eosdem canales, aequae cessarent; ut ultra non necesse haberet seorsum vasa chyli inquirere aut ponere. Quandoquidem, sicut venae umbilicales ab ovi liquoribus succum alimentativum absorbent, deferuntque ad nutriendum et augmentandum pullum, adhuc embryonem existentem; ita venae meseraicae ab intestinis chylum fugunt; et in jecur deferunt; idemque officium adulto praestare quid prohibet asseverare? Cessant enim omnes motae difficultates, cum in iisdem vasis non duo contrarii simul motus supponuntur, sed eundem continue motum in meseraicis ab intestinis in jecur supponimus.

De venis lacteis quid sentiendum alibi dicam, cum de lacte tractavero in diversis recens natorum partibus reperto, praesertim humano: reperitur enim in mesenterio et omnibus ejus glandulis, in thymo quoque, axillis etiam et mammis infantum. Lac obstetrices emungunt, ut putant, in salutem.

At insuper doctissimo Riolano non modo in mesenterio contentum sanguinem circulatione privari placuit, sed neque propagines venae cavae, aut arteriae, neque ullas partes secundae aut tertiae regionis, circulationem recipere affirmat: adeo ut

vasa circulatoria tantum nominet numeretque venam cavam et aortam. Libri tertii capite octavo, rationem reddit valde infirmam: *Quia effusus, inquit, sanguis in omnes partes secundae et tertiae regionis, ibi remanet ad nutritionem; nec refluit ad majora vasa, nisi vi revulsus, et inopia sanguinis maxima vasorum majorum, vel impetu percitus, affluat ad vasa circulatoria.*

Remanere quidem illam portionem quae in nutrimentum abire debet necesse est; alias enim non nutriret, si non in locum deperditi assimilaretur et cohaereret, unumque fieret: at vero totum influentem sanguinem ibi remanere, ut tantilla portio convertatur, non est necesse: non enim tanto sanguine pars quaevis, quantum in suis arteriis, venis, et porositatibus ubique continet, pro alimento utitur; neque, dum affluat et refluat, necesse ut nihil nutrimenti interius relinquat: quare ut nutriat non necesse est ut totus permaneat. Sed et ipse doctissimus vir, eodem libello quo hoc affirmat, pene ubique contrarium asseverare videtur; praesertim ubi circulationem in cerebro describit; et quatenus *per circulationem cerebrum remittere*, ait, *sanguinem ad cor; et ita cor refrigerari*: Quomodo et omnes partes remotae cor refrigerare dicantur; unde et in febribus, cum praecordia vehementer ardore febrili torrentur et aestuant, nudatis artubus, remotis stragulis, refrigerium aegrotantes cordi quaerunt; dum, ut in cerebro affirmat vir doctissimus, refrigeratus sanguis et ardore contemperatus cor deinde per venas petit et refrigerat. Vnde videtur vir doctissimus necessitatem quandam insinuare, ut a cerebro, ita ab omnibus partibus circulationem esse; contra quam antea apertis verbis dixerat. Sed enim caute asserit et ambigue non refluere ex partibus secundae et tertiae regionis sanguinem, nisi, inquit, vi revulsus, et maxima inopia sanguinis majorum vasorum, vel impetu, affluat ad majora vasa circulatoria. Quod verissimum est, si vero sensu haec verba intelligantur: nam per majora vasa, in quibus inopia cau-

fat

fat refluxum, puto ipsum intelligere venam cavam, aut venas circulatorias, non arterias: nam arteriae nunquam deplentur, nisi in venas aut porositates partium, sed continue a pulsu cordis inferciuntur: in vena autem cava et vasis circulatoriis, in quae sanguis cito pede labitur et ad cor properat, maxima statim inopia sanguinis foret, nisi omnes partes incessanter sanguinem in ipsas effusum refunderent. Adde etiam quod impetu sanguinis (intensi et compulsi, singulis pulsationibus, in omnes partes secundae et tertiae regionis) contentus sanguis de porositatibus in venulas, de propaginibus in majora vasa, cogitur, et insuper partium circumjacentium motu et compressione: ab omni enim continente compresso et coarctato eliditur contentum. Ita motibus musculorum et artuum, venarum propagines interobrepentes, pressae et coarctatae, sanguinem de minoribus ad majora trudent.

Quod sanguis autem in singulas partes continue et incessanter ab arteriis impellitur et impetum facit, nec refluit, haud dubitandum. Si admittatur, quod in singulis pulsationibus arteriae omnes simul distendantur a propulso sanguine, et (ut ipse vir doctissimus fatetur) diastole arteriarum a systole cordis fiat, neque semel egressus sanguis unquam intra ventriculos cordis regrediatur propter oclusas valvulas; si haec, inquam, vir doctus (ut videtur) supponat, manifestum erit, in singulis partibus cujuscunque regionis, de infarctu et impetu quibus contentus sanguis vi detrusus propellitur. Nam quo usque pulsant arteriae, eo usque influxus et impetus pertingit: quare in omnibus cujuscunque regionis partibus sentitur; nam ubique pulsus, vel in summis digitis et sub unguibus: nec aliqua particula est, in toto corpore, vel phlegmone vel furunculo dolens, quae lancinantem pulsationis arteriarum motum, et solutionem continui tentantem, non perentificat.

Verum amplius, quod ipse sanguis in porositatibus partium regrediatur, in cute manuum et pedum manifestum. Quandoque enim, in summo gelu et frigidis temporibus, adeo refrigeratas manus et artus videmus, praesertim puerorum, ut, ad tactum ipsum, glaciei frigiditatem pene referant, adeoque stupore percitas et rigentes, ut vix sensum retineant, nec moveri queant; tamen interim sanguine saturae conspiciuntur, rubrae aut lividae. Quae partes recalescere nullo modo possunt, nisi per circulationem propulso scilicet sanguine refrigerato et spiritibus et calore orbatō: in cuius locum, ab arteriis influens, novus, calens, et spirituosus sanguis partes refovet, recalfacit, motumque et sensum restituit: neque enim igne vel extero calore, magis quam mortuorum membra, redintegrarentur ac restituerentur, nisi ab interno influente calido refocillarentur. Et revera iste circulationis praecipuus usus quidam et finis est, cuius gratia sanguis suo continuo cursu et influentia perpetua revolvitur et in circuitu agitur; nempe ut omnes partes, ab ipso dependentes, primo calido innato in vita et suo esse vitali et vegetativo retineantur, et omnia sua munia peragant; dum (ut physiologi loquuntur) ab influente calore et spiritibus vitalibus sustentantur et actuantur. Ita duorum extremorum, nempe frigoris et caloris, beneficio, corporum animalium temperies in sua mediocritate retinetur. Vt aer enim inspiratus sanguinis nimium fervorem in pulmonibus et centro corporis temperat, fuliginumque suffocantium eventilationem procurat; ita vicissim sanguis aestuans, per arterias in universum corpus projectus, extremitates omnes fovet, nutrit, in vivis sustentat, et ab externi frigoris vi extinctionem prohibet.

Iniquum itaque foret et mirum, si singulae particulae, cujuscunque regionis, transmutatione sanguinis et circulationis beneficio non fruerentur; quarum gratia potissimum videtur a natura instituta circulatio. Ita concludam; videtis quomodo

circu-

circulatio sanguinis fiat citra confusionem et perturbationem humorum, in toto corpore et singulis particulis, tum in maioribus, tum minoribus vasis, idque ex necessitate partiumque omnium beneficio; sine qua, neque refrigeratae et impotentes unquam restituerentur, aut in vivis permanerent. Satis quoniam patet omnem influentiam caloris conservantis per arterias adventare, et circulationis opera fieri.

Quare mihi videtur doctissimus Riolanus, cum negat quibusdam partibus inesse circulationem, magis officiose in suo Enchiridio loqui, quam vere; ut scilicet quamplurimis placeret et neminem oppugnaret; et humaniter magis scripsisse quam, veritatis studio, graviter. Sicut quoque videtur agere, cum sanguinem per septum cordis et incertos quosdam caecosque meatus in sinistrum ventriculum pervenire^a maluerit, quam per amplissima et patentissima pulmonum vasa, artificio valvularum regressum impredientium fabrefacta. Rationem impossibilitatis et incommoditatis alibi dicit se proposuisse: videre cupio. Mirum esset cum eadem magnitudo, constitutio, et fabrica sit aortae et venae arteriosae, si non idem officium. Sed illud valde improbabile, magnum flumen totius massae sanguineae per tantillos caecosque septi maeandros in tanta copia ventriculum sinistrum petere, quae responderet tum ingressui a vena cava in dextrum latus cordis, tum egressui de sinistro, qui ambo tam ampla requirunt orificia. Sed inconstanter quoque haec protulit; nam pulmones cordi tanquam emunctorium et emissarium^b constituit, et ait, *Pulmo afficitur ab isto sanguine transeunte, dum ejus sordes eo confluunt simul cum sanguine*. Sic etiam dicit, *Labem pulmones acquirunt a visceribus intemperatis et male moratis, quae suggerunt cordi sanguinem impurum, cujus vitium non potest emendare cor, nisi per multas circulationes*.

^a Libr. iii. cap. 8.^b Libr. iii. cap. 6.

Idem ibidem, circa missionem sanguinis in peripneumonia et communicationem venarum cum vasis pulmonum, contra Galenum dicit: *Si verum sit naturaliter sanguinem transire a dextro cordis ventriculo ad pulmonem, ut deducatur in sinistrum ventriculum, inde in aortam; atque si sanguinis circulatio admittatur; quis non videt, in affectibus pulmonum, sanguinem majori copia eo confluere et opprimere pulmones, nisi evacuetur primo liberaliter, dein partitis vicibus ad eos sublevandos; quod fuit consilium Hippocratis, qui in pulmone tumente, ex omnibus corporis partibus, capite, naso, lingua, brachiis, pedibus, detrahit sanguinem, ut minuatur quantitas atque revellatur a pulmone, et educit sanguinem donec corpus fuerit exsanguis. Supposita circulatione (inquit ibidem) facilius deplentur pulmones per venae sectionem. Si rejiciatur, non video quomodo sanguis possit inde revelli: nam si refluat per venam arteriosam in ventriculum dextrum, obstant valvulae sigmoides; et e cordis ventriculo dextro regressum, in cavam venam, sistunt valvulae tricuspidales. Ergo per circulationem exhauritur sanguis, sectis venis brachii et pedis: simulque destruitur Fernelii opinio; scilicet, in pulmonum affectibus, sanguinem esse potius detrahendum e brachio dextro quam sinistro; quia sanguis non potest remigrare in venam cavam, nisi ruptis duobus claustris et obicibus in corde positis.*

Addit insuper eodem^a loco, *Si admittatur circulatio sanguinis et transeat saepius per pulmones, non per septum medium cordis, duplex circulatio sanguinis assignanda; una quae perficitur a corde et pulmonibus, dum sanguis, a dextro cordis ventriculo profiliens, traducitur per pulmones, ut perveniat ad sinistrum cordis ventriculum; nam, ab eodem viscere exfliens, ad idem recurrit: deinde per alteram circulationem longiorem, a sinistro cordis ventriculo emanans, circuit universum corpus per arterias, et per venas recurrit ad dextrum cordis ventriculum.*

^a Libr. iii. cap. 6.

Poterat hic addere doctissimus vir tertiam circulationem brevissimam; e sinistro nempe ventriculo cordis, ad dextrum, circumagentem portionem sanguinis per arterias et venas coronales, suis ramulis per cordis corpus, parietes, et septum, distributas.

Qui admittit, inquit, unam circulationem non potest alteram repudiare. Ita addere potuisset, non potest tertiam denegare. Quorum enim pulsarent arteriae coronales in corde, si non sanguinem eo impulsu impellerent? et quorum venae (quarum officium et finis est sanguinem ab arteriis ingestum recipere) nisi ut sanguinem e corde traherent? Adde insuper, in venae coronalis orificio valvulam (ut ipse vir doctus fatetur libri tertii capite nono) saepissime reperiri ingressum prohibentem, egressui reclinantem: ergo tertiam certe non potest non admittere circulationem, qui alteram universalem, et per pulmones quoque et cerebrum sanguinem transire, ^a admittit. Neque enim, in singulis partibus cujuscunque regionis, fieri similiter a pulsu ingressum sanguinis, et per venas regressum, [denegat]: omnesque proinde particulas circulationem recipere, haud potest denegare.

Ex his verbis ipsissimis itaque viri doctissimi clare patet, qualis ipsius est sententia, tum de circuitu sanguinis per universum corpus, tum per pulmones caeterasque omnes partes: nam, ipse qui primam circulationem admittit, aperte patet reliquas non repudiare. Qui etenim fieri potest ut, qui circulationem per universum corpus toties affirmaverit et per vasa circulatoria majora, ipse ullis propaginibus, aut ullis partibus secundae aut tertiae regionis, universalem circulationem inesse repugnaret? tanquam omnes venae et majora, quae vocat, vasa circulatoria, in secunda regione corporis esse, non ab omnibus et ab ipso nu-

^a Libr. iv. cap. 2.

merarentur. An per universum possibile est esse circulationem, quae non per omnes partes? Vbi itaque negat, titubanter propterea agit, et in negationibus vacillat, et verba solum dat: hic ubi asseverat, cordate loquitur et firmis additis rationibus, ut philosophum decet: et super hanc sententiam, tanquam medicus expertus et vir probus, consulit, in periculosis morbis pulmonum, extremum per sanguinis emissionem esse remedium; contra Galenum et Fernelium suum dilectissimum. Vbi si dubitasset, longe absit, a tam docto viro Christiano, posteris experimenta per mortes, vitaeque humanae discrimina, commendare; aut a Galeno vel Fernelio, summae apud ipsum auctoritatis, sine aperta ratione recedere. Quicquid denegaverit itaque circuitus, vel in mesenterio, vel aliis partibus, (sive venarum lactearum, sive veteris medicinae in gratiam, sive alicujus alterius respectu) id humanitati et modestiaetribuendum et condonandum est.

Haecenus satis (puto) manifeste apparet, ex ipsius viri clarissimi verbis et argumentis, circulationem ubique esse, et sanguinem, ubicunque fuerit, locum mutare et per venas corpore: et idem mecum doctissimus vir sentire videtur. Adeo non opus est, immo supervacaneum foret, huc meas, quas in libello de motu sanguinis rationes edidi, ad hujus veritatis confirmationem ampliorem transferre; quae tum ex fabrica vasorum, positione valvularum, aliisque experimentis et observationibus, desumuntur: praesertim cum nondum vidi tractatum doctissimi de circulatione sanguinis; neque adhuc ulla argumenta viri doctissimi, praeter nudam negationem, reperio, quibus adductus circulationem, quam admittit universalem, in plerisque partibus, regionibus, et vasis, repudiaret.

Verum, quod, tanquam pro subterfugio, adinvenit, ex Galeni auctoritate et quotidiana experientia, de anastomosi vasorum. Sed tantus vir (anatomicus expertus, curiosus, et diligens) prius,

de

de majoribus arteriis ad venas majores, anastomoses, easque patentes, visibiles, tantoque torrenti massae sanguineae profluvio gurgites proportionales, et orificiis propaginum (quibus aufert circulationem) majores, patefacere et ostendere debuisse, antequam notas et probabiliores et patentes repudiaret; et ubi sint et qualiter fabrefactae, num ad intromittendum tantummodo sanguinem in venas idoneae (uti ureterum insertionem in vesicam urinariam cernimus), et non ad remeandum, vel quo alio modo fuissent, tenebatur demonstrare et declarare. Sed (nimis forsan audacter dico) nec ipse vir doctissimus, nec ipse Galenus, neque ulla experientia, unquam sensibiles anastomoses conspexerunt, aut ad sensum ostendere potuerunt.

Ego, qua potui diligentia, perquisivi, et non parum olei et operae peridi in anastomosi exploranda; nusquam autem invenire potui vasa invicem, arterias scilicet cum venis, per orificia copulari: libenter ab aliis discerem, qui Galeno tantum adscribunt, ut ad verba ejus jurare ausi sint. Neque in jecore, liene, pulmonibus, renibus, aut aliquo viscere, est aliqua anastomosis: in quibus coctis, usque quo friabile totum redditur parenchyma et tanquam pulvis ab omnibus vasorum fibris excusfus et acu detractus, omnes cujuscvis divaricationis fibras, omnia capillamenta, evidenter cernere potuerim. Audacter igitur affirmare ausus sum, neque anastomosin esse vel venarum portae cum cava, arteriarum cum venis, aut pori choledochi capillarium ramulorum, qui per totam hepatis simam disperguntur, cum venis. Hoc solummodo in jecore recenti observare licet; omnes propagines venae cavae, per gibbam hepatis perreptantes, tunicas habent infinitis puncticulis cribrosas, tanquam in sentina, ad decumbentem sanguinem recipiendum fabrefactas. Portae rami non similiter se habent, sed in propagines divaricantur; et utraque distributio horum vasorum, hujus in sima parte, illius in gibba, ubique ad externum usque visceris umbonem excurrit, sine anastomosi.

Tribus duntaxat in locis, quod aequipollet anastomosi, reperio. In cerebro, e soporalibus arteriis in basi perreptantibus, frequentes et implexae fibrae oriuntur, quae plexum choroidem postea efformant et, ventriculos transcentes, tandem in finem tertium, qui officio venae fungitur, unitae desinunt. In vasis spermaticis, praeparantibus vulgo dictis, arteriolae e magna arteria deductae, venis dictis praeparantibus, quas comitantur, adhaerent; et tandem intra tunicas illarum ita recipiuntur, ut ultima quasi eadem habentes: adeo ut, ubi ad testiculorum particulam superiorem, coniformem processum, corpus varicosum et pampiniforme dictum, desinunt, incertum plane sit an venae, an arteriae, an utriusque, fines aestimemus. Pariter et arteriarum, venam umbilicalem adeuntium, ultima stamina in venae illius tunicis obliterantur.

Quid dubitandum, si, per tales voragines, arteriae magnae, distantiae sanguinis impulsu et infarctae, deplerentur tam magno et conspicuo torrenti? Sensibiles saltem et visibiles transitus, vortices et gurgites, natura non denegasset, si omnem sanguinis fluxum eo divertere, et proinde minores propagines et partes solidas influxus beneficio omnino privatas, voluisset.

Denique hoc unum experimentum commemorabo, quod ad anastomoses declarandas, et earum (si quae sint) usum, et ad transitum sanguinis de venis in arterias (per ulla vias aut regressum) evertendum, sufficiens esse videretur.

Aperto pectore cujusvis animalis, et ligata vena cava juxta cor, adeo ut nihil illac in cor migraret, confestim rescindantur arteriae jugulares, illaesis venis, utrinque. Si inde arterias, data porta inanitas conspexeris, et non pariter venas; manifestum fore arbitror, nullibi sanguinem e venis in arterias, nisi per cordis ventriculos, derivari. Alioquin enim venas, ex illarum arteriarum effluvio (ut notavit Galenus) brevissimo spatio temporis, similiter ac arterias, sanguine destitutas cerneremus.

Quod restat, Riolane, et mihi et tibi ipsi gratulor : mihi ob sententiam qua circulationem exornasti ; tibi que etiam, ob librum doctum, politum, succinctum, quo nil magis elegans ; ob quem mihi transmissum gratias habeo amplissimas, laudesque meritas referre et debeo et cupio : me autem tanto oneri impar esse fateor. Plus enim dignitatis Riolani nomen subscriptum, quam encomia mea, quae velim maxima, Enchiridio allaturum scio. Vivet in aeternum celebris libellus, nominisque tui gloriam, (pereunte etiam marmore) posteris enarrabit. Anatomicen pathologiae summa cum gratia conjunxisti, osteologia nova utilissima magno cum fructu locupletasti. Maeste esto virtute, vir insignissime, et eum ama, qui te felicem simul et longaeum, et ut omnia tua celeberrima scripta sempiternae laudi tibi sint, exoptat,

GVILIELMVS HARVEIVS.

EXERCITATIO ALTERA,
AD J. RIOLANVM,

In qua multae contra circuitum sanguinis objectiones refelluntur.

LABORIS mei partem multis retro abhinc annis, doctissime Riolane, obstetricante prelo, in lucem edidi. Nul-
lus vero propemodum exstitit dies, a circuitus sanguinis natali,
nec minutissimum decursi temporis spatium, in quo non bene
et male de circulatione a me inventa audivi. Alii tenellulum
adhuc infantem convitiis lacerant, tanquam luce indignum: alii
contra alendum esse foetum dijudicant, scriptisque suis foveant
et tueantur: illi magno cum fastidio opugnant, hi ingenti cum
applausu patrocinantur: hi me abunde experimentis, observati-
onibus, et autopsia, confirmasse circuitum sanguinis contra om-
nem argumentorum vim et impetum existimant; illi vix adhuc
fatis illustratum putant, et nondum ab objectionibus vindica-
tum. Sunt autem, qui me inanem vivarum dissectionum glo-
riam affectasse clamitant; et ranas, serpentes, muscas, aliaque
viliora animalia in scenam adducta, levitate puerili vituperant
et irrident, nec a maledictis abstinere.

Maledicta autem maledictis rependere indignum philosopho,
et veritatem inquirente, judico: satius et consultius fore arbi-
tror, tot malorum morum indicia, verarum luculentarumque
observationum luce, diluere. Ne oblatrent canes, aut suam ne
evomant crapulam, aut ne inter philosophorum turbam annu-
merentur quoque cynici, non devitandum est: verum ne mor-
deant, aut vesana sua rabie inficiant, vel canino dente rodant ip-
sa veritatis ossa et fundamenta, cavendum est. Vituperatores,
momos, scriptoresque convitiis labe sordidos, ut nunquam
legendos mecum statui (ut a quibus nihil solidum aut praeter
maledicta egregium sperandum), ita multo minus responsione
dignos

dignos iudicavi. Vtantur suo malo genio : vix unquam benevolos lectores habituros puto : neque (quod praestantissimum et maxime optandum) sapientiam donat Deus Optimus improbis. Pergant maledicendo, donec ipsos (si non pudet) pigeat, vel denique taedeat.

Ad viliorum animalium inspectionem, cum Heraclito apud Aristotelem, in casam furnariam (sic dicam) introire si vultis, accedite ; nam neque hic Dii defunt immortales. Maximusque omnipotens Pater in minimis, et conspectior vilioribus, quandoque est. In libello de cordis et sanguinis motu in animalibus, illa tantum adhibui, ex multis aliis observationibus meis, quibus aut errores redarguerentur, aut veritatem satis stabilitum iri arbitrarer : plurima alia, dissectionis ope, sensu perceptibilia, tanquam redundantia, et inutilia dereliqui ; quorum quaedam in gratiam studiosorum, qui illa efflagitant, paucis verbis nunc addam.

Tantum valet apud omnes Galeni magna auctoritas, ut multum haesitare videam nonnullos circa experimentum illius, de ligatura arteriae super fistulam intra cavitatem immissam ; quo demonstretur pulsus arteriarum fieri a facultate per tunicas a corde transmissa, et non a sanguinis intra cavitates impulsu ; et proinde arterias dilatari ut folles, non ut utres. Hoc experimentum memoratur a Vesalio, viro anatomes peritissimo : sed neque Vesalius, neque Galenus dicit, experimentum hoc fuisse ab illis, sicut a me, probatum : tantummodo praescribit Vesalius, consulitque Galenus, veritatis indagandae studiosis, quo certiores fierent ; non cogitans aut intelligens difficultatem illius operis, neque (cum fit) vanitatem : quandoquidem, licet omni diligentia administraretur, nil tamen pro illius opinionis confirmatione facit, quae pulsus causam esse tunicas asseverat ; sed magis declarat ab impulsu sanguinis concitari. Nam super calamum aut fistulam quamprimum vinculo arteriam strinxeris, supra ligaturam

gaturam arteria, statim sub impulsu sanguinis desuper impacti, dilatatur ultra orbitam fistulae; unde et fluxus inhibetur et impetus refringitur; ita ut arteria vinculo subdita obscure admodum pulset, quia [est] sine impetu transeuntis sanguinis, eo quod supra ligaturam reverberatur: sin vero infra fistulam abscissa arteria fuerit, videre licebit contrarium, ex saltu sanguinis projecti et per fistulam impulsu; sicut solet evenire (ut in libello de sanguinis motu notavi) in aneurysmate, ab exesibus arteriae tunicis, intra membranas cum continetur sanguis; non ex tunicis arteriae dilatatis cistam, sed ex circumpositis membranis et carne, praeternaturaliter factam continentem habens. Inferiores arterias, trans hoc tale aneurysma, pulsare valde exiliter sentias; quando superius, et praesertim in aneurysmate ipso, pulsus magni et vehementes apparent; quanquam ibi pulsationem et dilatationem fieri non ab arteriarum tunicis, aut facultate cistae communicata, fingere possumus; sed plane ab impulsu sanguinis.

Sed enim, quo Vesalii error et aliorum inexperientia appareat evidentior (qui asserunt, ut opinantur, partem fistulae subditam non pulsare ligato vinculo), expertus dico subditam partem pulsaturam, si recte fiat experientia; et cum solveris vinculum, ubi asserunt subditas arterias repulsare, aio minus pulsare partem subditam soluto, quam stricto, vinculo. Verum sanguinis e vulnere profiliantis effusio omnia perturbat, et irritum experimentum et vanum reddit: adeo ut nil certi, ob impetum sanguinis, ut dixi, demonstrari possit. Sin vero (quod experientia mihi cognitum est) renudaveris arteriam, et digitis compressis detinueris rescissam partem; poteris, ex arbitrio, multa tentare, ut veritas plane tibi elucescat. Primum, singulis pulsibus, alifum sanguinem [in] arteriam descendente perferentias, quo arteriam dilatari videas. Poteris quoque sanguinem, pro libitu tuo, exprimere et dimittere, si exilem partem orificii laxaveris: singu-

fingulis pulsibus subsultu ejaculari, et (quemadmodum diximus in arteriotomia aut perforatione cordis) fingulis contractionibus cordis sanguinem ejici, arteriae dilatatione, manifestum erit perscrutanti. Quod si toto et continuo fluxu perpetim emanare fiveris, et (sive per apertum canaliculum sive aperto orificio) erumpere permittas, in ipso flumine tum visu, tum tactu (si manum applicueris) omnes ictus cordis, omnemque ejus rhythmum, ordinem, vehementiam, intermissionemque persentiscas; haud aliter, quam si in volam manus per siphonem diversis et variatis ejaculamentis projectam aquam percipere liceret, sanguinem exsurgentem variato impetu et inaequali, tum visu, tum motu, percipias. Tanto quandoque impetu, ex rescissa arteria jugulari, erumpentem observavi, ut sanguis manui allusus, per quatuor vel quinque pedes, refractus reverberatusque resiliat.

Sed quo clarius, quod in dubio est, appareat pulsficam vim non per arteriarum tunicas a corde manare, habeo, e nobilissimi viri cadavere, arteriae descendens portionem, cum duobus cruralibus ramis, spithamae longitudine exemptam, in os fistulosum conversam; per cujus cavum, dum vivebat nobilissimus vir, descendens arteriosus sanguis in pedes, subditas arterias suo impulsu agitabat; in quo tamen casu arteria idem passa, tanquam super canaliculum fistulosum constricta et ligata foret, secundum Galeni experimentum; ut neque dilatari, eo loci, neque arctari, ut folles, neque vim pulsficam, a corde, inferioribus et subditis arteriis derivare, aut per soliditatem ossis diducere facultatem, quam non susceperat, potuerit. Nihilominus, inferioris arteriae pulsum agitari in cruribus et pedibus, optime memini, dum vivebat, me saepissime observasse; fui enim ipsi medicus assiduus, ille mihi amicus necessitudine conjunctissimus. Quare in illo nobilissimo viro, necesse inferiores arterias ab impulsu sanguinis, ut utres, dilatatas fuisse; non, ut folles, ab expansione tunicarum; siquidem idem inconveniens, eademque

demque interceptio facultatis pulsficae, neceffe est ut obveniat tunicae arteriae in calamum et tubulum offeum totaliter converfae, quae super calamum et tubulum offeum constrictae; quominus arteriae subditae pulfarent.

Alio quoque viro nobiliffimo et fortiffimo, aortam partemque magnae arteriae juxta cor in os rotundum converfam novi. Ita Galeni experimentum, vel faltem ejus analogon (quod industria non inventum, casu repertum) fatis manifestum facit, impressionem pulsficae facultatis, constrictione vel ligatura tunicarum arteriae, non impediri ut inde arteriae subditae non pulfarent: atque fi rite a quovis (quod praefcribit Galenus) fieret experimentum, quam opinionem Vesalius inde confirmatum iri speraverat, redargueret. At non propterea omnem motum etiam tunicis arteriarum denegamus; sed, quem cordi tribuimus, concedimus; nimirum coarctationem et systolen, et a distensione ad constitutionem naturalem regressum, ab ipsis tunicis fieri. Sed hoc annotandum, non ab iisdem dilatari et coarctari, sed diversis caufis et instrumentis; ut in motu omnium partium, et ipso quoque corde, observare licet. Ab auricula distenditur, a se ipso contrahitur: ita arteriae a corde dilatantur, a se ipsis subfident.

Poteris et aliud experimentum eodem tempore facere. Si duo acetabula ejusdem mensurae repleveris, alterum arterioso profiliante sanguine, alterum venoso ex vena ejusdem animalis extracto; poteris sensu statim, et postea cum coagulati refrixerint ambo sanguines, quanam sint differentiae inter utrumvis observare; contra eos, qui aliam speciem sanguinis in arteriis fingunt, quam in venis (nempe quia [in illis] floridiorem et, nescio quomodo, spiritu copioso ebullientem, efflatum; ad exemplum lactis aut mellis super ignem effervescentis et intumescantis, amplio rem locum replentis). Si namque sanguis, e sinistro cordis ventriculo in arterias impulsus, adeo in spumofam et suf-

flatam naturam fermentaretur, ut una aut altera gutta totum aortae cavum distenderet; procul dubio, detumescente illa fermentatione, ad quantitatem guttarum quarundam rediret (quam causam assignant aliqui, cur, in mortuis, inanitae arteriae reperiuntur); idem in cotyla, arterioso sanguine plena, conspiceretur. Ita enim et in lacte et in melle refrigeratione obvenire experimur. Quod si in utraque cotyla sanguis eodem pene colore, ut non multum jam dissimili consistencia coagulatus, similiter et serum exprimens, et pariter utramque mensuram, dum calet et dum friget similiter, compleverit; sufficiens erit cuius, ad fidem faciendam et ad quorundam insomnia rejicienda (puto) argumentum: neque aliam speciem esse, sinistro quam dextro cordis ventriculo, sanguinis (sicut et sensu indagare poteris et ratione); proportionabiliter enim, venam arteriosam una spumante gutta distentam, coaffirmatum oporteret; et proinde eundem et similiter effervescentem et fermentantem sanguinem dextro, quem sinistro: quandoquidem ingressus venae arteriosae et aortae egressus aequipollens, aequiparabilis.

Tria potissimum apta sunt ad hanc opinionem inducendum de diversitate sanguinis: unum, quod arteriotomia floridiorem sanguinem extractum vident; alterum, quod in dissectione corporum mortuorum, tam sinister ventriculus cordis, quam arterias omnes adeo inanitas, reperiunt: tertium, quod sanguinem arteriosum spirituosiores et spiritibus repletum intelligunt, et ita majorem multo locum occupantem cogitant: quorum omnium causas et rationes, quibus ea sic apparent, ipsa inspectio prodit.

Primum, quod ad colorem pertinet, semper et ubique exiens sanguis per angustum foramen, quasi percolatur; et tenuior et levior pars, quae supernatare solet, magisque penetrativa est, ceditur. Sic in phlebotomia, sanguis majori fluxu aut vi erumpens e majori orificio longiusque profiliens crassior, corpulenti-

or,

or, et colore obscuriori est: fin ex parvulo foramine, et angustato, et guttatim emanaverit (ut solet e vena, soluta ligatura) floridior: tanquam enim transcolatur, et exit pars solummodo tenuior et penetrativa magis: ut in haemorrhagia narium, vel extractus per hirudines, vel cucurbitulas, vel quovis modo per diapedesin exiens, floridior cernitur: quia tunicarum crassities, duritiesque, angustior redditur, nec adeo facile reclinans, ut exeunti sanguini viam praebeat patentem: sicut quoque contingit obefis corporibus; cum ex pinguedine subcutanea venae orificium opprimatur, sanguis tenuior et floridior et tanquam arteriosus apparet. Ex adverso, sanguis e rescissa arteria libere profluens, acetabulo acceptus, venosus apparebit. Multo floridior sanguis in pulmonibus, et exinde exprimitur, quam in arteriis reperitur.

Vacuitas arteriarum in corporibus mortuis (quae forsitan imposuit Erasistrato, ut arterias spiritus tantum aërios continere existimaret) inde evenit, quod quando subsident (meatibus occlusis) pulmones, non ulterius respirant: ita per ipsos sanguis libere non potest transire: perseverat tamen per temporis spatium cor in expellendo; unde et sinistra cordis auricula contrahitur, et ventriculus; pariterque arteriae inanitae et (non sanguinis successione repletae) vacuae apparent. Sin simul cor pulsare cessaverit et pulmones respirando transitum praebere, ut in iis qui aqua frigida submersi suffocantur, aut syncope et morte subitanea exstinguuntur, pariter repletas venas et arterias reperiunt.

Quod ad tertium attinet de spiritibus; quinam sint, et qualiter in corpore, et quali consistentia, an separati et distincti a sanguine et partibus solidis, an commisti, tot tamque adversae opiniones sunt, ut non sit mirum spiritus, quorum natura in ambiguo ita relinquitur, communi ignorationis subterfugio inservire. Vulgo enim scioli, cum causas assignare haud norunt,

dicunt statim a spiritibus hoc fieri; et omnium opifices spiritus introducunt; et, ut mali poëtae, ad fabulae explicationem et catastrophem, *θεὸν ἀπὸ μηχανῆς* advocant in scenam.

Fernelius et alii spiritus aërios, et invisibiles substantias, supponunt: probat enim esse spiritus animales (eodem modo quo Erasistratus in arteriis) quia cerebro cellulae reperiuntur; quas, cum non datur vacuum, spiritu in vivis repleti concludit. Totam tamen schola medicorum tres spirituum species constituit; naturales per venas, vitales per arterias, et per nervos animales tranari spiritus: unde dicunt medici, ex Galeno, quandoque partes cerebri consensu laborare, quia prohibetur facultas cum essentia, id est, spiritu; quandoque citra essentiam. Infuper, praeter influentes hos tres ordines spirituum, totidem implantatos videtur asserere: at nos neque in venis, nervis, arteriis, aut partibus vivorum, dissectionibus explorando invenimus. Alii corporeos spiritus faciunt, alii incorporeos: et qui corporeos volunt, quandoque sanguinem, vel sanguinis tenuissimam partem, copulam animae; quandoque in sanguine contentos (ut in nidore flamma) continuo fluore spiritus sustentatos subintelligunt; quandoque sanguini contradistinctos. Qui spiritus incorporeos affirmant, non habent ubi insistant; sed et potentias spiritus agnoscunt (ut spiritus concoctivus, chylicativus, procreativus) et tot spiritus quot facultates aut partes.

Sed et scholastici spiritum fortitudinis, prudentiae, patientiae, omniumque virtutum, et spiritum sapientiae sanctissimum connumerant, omneque donum divinum: malos item et bonos spiritus assistere, possidere, deferere, vagari, suspiciunt. Morbos a cacodaemone, tanquam a cacoehymia, opinantur causari. Sed enim, quanquam nil magis incertum et dubium quam de spiritibus doctrina tradita, tamen, ut plurimum, omnes medici cum Hippocrate concludere videntur; qui corpus nostrum ex tribus compositum voluit partibus, continentibus, contentis, et impe-

tum

tum facientibus. Per impetum facientes, spiritus interpretantur. At si, pro impetum facientibus, spiritus intelligendi; quicquid in vivis corporibus vim habet et impetum agendi, spiritus nomine compellaretur. Nec ideo omnes spiritus sunt aëriae substantiae, nec potentiae, nec habitus; ut neque incorporei.

Sed quod ad propositum nostrum praecipue spectat, omisso aliarum omnium significationum taedio, spiritus, per venas aut arterias excurrentes, a sanguine non separantur; ut nec flamma a nidore inflammabili: sed sanguis et spiritus unum et idem significant, diverso esse; ut vinum generosum et spiritus ejus. Nam uti vinum ulterius vinum non est, amisso omni spiritu; sed vappa, aut acetum; ita neque sanguis sine spiritu sanguis est, sed aequivoce, et cruor: veluti manus lapidea aut mortua non amplius manus est, ita nec sanguis, sine spiritu vitali, sanguis; sed corruptus statim censendus, si spiritu destitutus fuerit. Spiritus itaque, qui arteriis et sanguini arterioso praecipue inest, aut actus ejus est; sicut vini spiritus in vino, et aquae vitae spiritus; aut sicut flammula in vini spiritu accensa et, sese nutriendo, vivens. Igitur sanguis, cum plurimum spiritibus imbuitur, non illis turget, aut fermentatur, aut inflatur, ut majorem locum desideraret et requireret (quod experimento allato per acetabulorum mensuram certissime dijudicare poteris); sed, sicut vinum, majoribus viribus et impetu agendi et efficiendi pollere, secundum mentem Hippocratis, intelligendum.

Idem itaque sanguis in arteriis, qui venis est; licet spirituosior agnoscat, et majori vi vitali pollens: non autem in quid magis aërium convertitur, aut vaporosior redditur; quasi nulli essent spiritus, nisi aërii; aut nullum impetum faciens, praeter flatum et ventositates. Sed neque spiritus animales, naturales, vitales, qui in solidis partibus, videlicet ligamenti et nervis (praesertim si tot species) inhabitant, intra caecos maeandros contenti, tot aëriae diversae formae, aut vaporum species arbitrandi.

trandi. Qui spiritus, [in] corporibus animalium, corporeos agnoscunt, sed consistentia aëria, vel vaporosa, vel flammea; ab illis scire libenter velim, an sine sanguine, huc, illuc, transire, refluere, et vagari, tanquam corpora distincta, possint? An, inquam, sanguinis motum sequantur spiritus, tanquam vel sanguinis partes sint, vel indissolubili connexu et interrupta exhalatione alligati; adeo ut neque derelinquere partes possint, neque transire sine sanguinis influxu et refluxu et transitu? Si enim, ut vapores aquae calore attenuati, spiritus ex sanguine, continuo fluere et successione, partium existunt pabulum; sequi necesse est, neque a pabulo remotos manere, sed in continua evanescencia; et proinde neque influere, neque refluere, neque transire quavis, neque permanere, sine sanguine influente, refluente, transiente, tanquam eorum vel subiecto, vel vehiculo, vel pabulo.

Deinde scire ab illis velim, qui spiritus in corde fieri docent; et ex vaporibus, vel exhalationibus sanguinis (sive calore cordis sive concussione suscitatis) et aëre inspirato, permiscentes componunt; an non tales spiritus sanguine frigidiores multo sint aestimandi; quandoquidem partes ambae, ex quibus componuntur, frigidiores multo sint, aër videlicet et vapor? Vapor enim aquae ferventis multo ipsa aqua tolerabilior; flamma quavis minus comburens quam carbo ellychnii; et carbo ligni quam ferrum aut aes candens. Vnde videretur magis spiritus huiusmodi calorem suum a sanguine acceptum referre, quam sanguinem a spiritu incalescere; et tales spiritus potius fuligines et effluvia excrementitia sanguinis et corporis (veluti odores) quam naturales censendos opifices: praesertim cum tam cito virtutem (si quam habent, a sanguine suo, origine acceptam) amitterent, fragiles adeo et evanidi existentes. Vnde quoque probabile foret pulmonum expirationem esse, qua (his efflatis) eventiletur et depuretur sanguis: atque inspirationem esse, ut sanguis, pertranscundo

transeundo inter ventriculos duos cordis, contemperetur ambientis frigore; ne excandescens et intumescens, quadamque fermentatione inflatus (sicuti effervescens mel et lac) adeo distenderet pulmonem, ut suffocaretur animal: quemadmodum facpius in periculoso asthma vidimus, quo etiam Galenus causam refert, cum dicit ab obstructis levibus arteriis illud contingere; videlicet vasis venosis [et] arteriosis. Hoc sum expertus, a suffocationis asthmaticae summo discrimine, cucurbitis affixis et multa subito gelida affusa aqua, liberatos fuisse non paucos. Haec forsitan satis superque de spiritibus hoc loco; quos definire, et docere quid sint et quales, in tractatu physiologico debemus.

Tantum addam; qui de calido innato, tanquam naturae ad omnia communi instrumento, tractant; et influentis caloris, ad omnes partes fovendas et in vita retinendas, necessitatem docent; atque non sine subiecto existere agnoscunt, quia ob celeritatem influxus et refluxus (animi pathematibus praesertim) huiusque caloris motum velocem, corpus mobile non proportionabile reperiunt; spiritus introducunt, tanquam corpora subtilissima, maxime penetrativa, et mobilia: haud aliter quam operationum naturalium divinitatem mirabilem, ab illo communi instrumento (videlicet calido innato) provenientem, vident: illos spiritus, sublimes, lucidos, aethereos, coelestis naturae, divinos, vincula animae, esse consimiliter comminiscuntur; veluti vulgus imperitorum, quorum operum causas non capiunt, Deos immediatos auctores opinantur et praedicant. Vnde calorem influentem in singulas partes perpetim per spiritus influxum, idque per arterias adventantem, decernunt; tanquam sanguis nec tam cito moveri, nec penitus insinuari, nec tantopere fovere, potuisset. Eoque provecti sunt, huius opinionis fiducia, ut contentum in arteriis sanguinem esse negent. Et levissimis argumentis conantur astruere sanguinem arteriosum specie-

diffe-

differentem esse, vel aëriis hujusmodi spiritibus repletas esse arterias, et non sanguine; contra ea omnia quae Galenus adversus Erasistratum, tum ab experientia, tum ratione, attulit. Verum enim vero sanguinem arteriosum non ita differre, superiori experimento, et sensu, fatis manifestum. De sanguinis influxu, et spiritus non separati a sanguine (sed ut ejusdem corporis) per arterias influentis, sensus quoque facere potest pariter manifestum.

Observare licet, quando et quoties extrema manus, pedes, vel auriculæ rigent et frigent, et influente calore rursus restituuntur; quod simul contingunt colorari et calefieri et repleri; venasque, antea exiles et oblitteratas, apparere et tumescere: unde et quandoque, cum subito recalescunt, dolore afficiuntur partes: ex quibus appareat id, quod influxu suo calorem advehit, idem esse quod replet et colorat: hoc autem praeter sanguinem nihil aliud esse potest; sicut ante demonstratum, et (quamvis longiori discissa arteria et vena) quivis sensu percipere evidenter potest, cum viderit partem venae citiorem (versus cor) nihil sanguinis emittere, partem vero ulteriorem profundere copiosum, et nil praeter sanguinem; qualiter postea in experimento meo commemorato, in jugularibus internis factum. Contra, rescissa arteria, sanguinis parum ex parte posteriore dissecta manat; citior vero pars, tanquam e siphone, violento impulsu merum sanguinem ejaculat. Quo experimento constat, quæ transitus in utrisque sit, an hac, an illac: constat item, quæ velocitate, quo motu sensibili, (non sensim et guttatim) quæ violentia insuper. Et, ne quis subterfugiendo prætendat spiritus invisibiles, demittatur orificium vasis dissecti in aquam vel oleum: si enim quidpiam exiret aëreum, per bullas erumperet visibiles. Hoc enim modo, crabrones, vespæ, et hujusmodi insecta, in oleo demersa et suffocata, ultimo aëris bullulas e cauda, dum emoriuntur, emittunt; unde ita respirare vivos non est improbabile:

ani-

animalia enim omnia aqua submersa et suffocata, ultimo cum profunduntur et labant inferius, bullulas ex ore et pulmonibus emittere solent, et spiritum reddunt. Constat denique, eodem experimento, in venis valvulas ita exacte claudi, ut aer inflatus non penetret; multo minus sanguis: constat (inquam) sensu, neque sensibilibiter, neque insensibilibiter, neque sensim, neque guttatim, sanguinem per venas a corde elongari.

Et ne quis tandem eo confugeret, ut dicat haec ita esse cum turbetur natura et praeternaturaliter constituta sit, non vero cum sibi relicta libere agat; quandoquidem, in morbosa et praeternaturali constitutione, non eadem apparent, quae in naturali et sano statu; dicendum et existimandum est, quod licet, (discissa vena) tantum sanguinis ex ulteriores parte emanare, praeter naturam videatur aut dicatur, quia turbatur natura, non tamen diffectio partem citeriorem claudit, quo nihil exinde exeat nec exprimi queat, sive turbetur natura sive non. Alii similiter contendunt dicendo, quanquam (abscissa arteria prope cor) in tanta copia singulis pulsibus prorumpat statim sanguis; non propterea semper cor integrum, et integra arteria, pulsu pellere. Verisimilius tamen est, omnem pulsum aliquid impellere; neque posse, sine alicujus contenti impulsu, pulsum continentis esse. Tamen hoc quidam, quo se defenderent et circulationem vitarent, non verentur affirmare et asseverare; arterias videlicet, in viventibus et secundum naturam sese habentibus, adeo plenas, ut ultra ne grana sanguinis admittere valeant; et consimiliter de cordis ventriculis. Sed extra dubium est, quandocunque et quousque dilatari et contrahi arteriis et ventriculis conceditur, recipere posse ulterius sanguinis aliquid impulsu, idque ultra multa grana, debere. Nam si ventriculi ita distenti (ut vidimus quandoque in anatomia vivorum) quoad nil amplius sanguinis admittant, restitat cor a pulsu, et (tensum renitensque permanens) suffocatione mortem inducit.

Sanguis dum movetur, an attrahatur, an impellatur, an sua intrinsecus natura sese moveat; satis, in libello de motu cordis et sanguinis, dictum est: ut et de actione, functione, dilatatione, contractione cordis, qualiter fit; et simul de arteriarum diastole: ut, qui exinde argumenta contradicendi fumant, quae dicta sunt, vel non intelligere, vel nolle visu rem explorare, videantur.

Haud quidquam puto in corpore attractum demonstrari posse, nisi alimentum, successione partium sensim in loca deperditum; sicut lucernae oleum a flamma. Vnde omnis attractionis sensibilis et impulsione commune organum primum illud est, quod nervi habet naturam, vel fibrae, vel musculi; nempe ut sit contractile quod (se ipsum contrahendo) abbreviari possit, et ideo tendere, adducere, aut propellere: sed haec fusius et apertius alibi in organis animalium motoriiis declaranda.

Ad eos qui circulationem repudiant, quia neque efficientem, neque finalem causam vident, cui bono? (de quo adhuc nihil adjunxi, sed restat demonstrandum): Prius in confesso esse debet, quod fit, antequam propter quid, inquirendum: nam, ex iis quae in circulatione et hac posita obveniunt, usus et utilitates investigandae sunt. Interim dicam, quot sunt in physiologia, pathologia, et therapeia recepta, quorum causas non novimus, esse tamen, nullus dubitat? videlicet, febrium putridarum, revulsionis, purgationis excrementorum. Quicunque itaque circulationem contra versantur, eo quod problemata medicinalia (stante circulatione) solvere non possint; aut in morbis curandis, et medicamentis usurpandis, apparentium causas exinde colligere nequeant; aut causas receptas a praeceptoribus falsas esse non videant; aut approbatas opiniones relinquere indignum putent; et per tot saecula traditam disciplinam, veterumque auctoritatem, in dubium vocari nefas putent; his omnibus respondeam, facta manifesta sensui nullas opiniones, naturae opera nullam
anti-

antiquitatem morari: natura enim nihil antiquius, majorisve auctoritatis.

Ad eos, qui problemata non solvenda (ut putant) e medicinalibus observationibus, tanquam impedimenta, sanguinis circulationi objiciunt; suosque errores declarandos opponunt (scilicet, stante circuitu, phlebotomia non revellit; cum sanguis nil minus parti affectae impellatur), excrementorum pravorumque humorum transitum, per cor nobile viscus et principale, metuendum; effluxum excretionemque, et quandoque ex eodem corpore, diversis partibus, immo ex eodem foramine, eodemque tempore, [quando] nonnunquam malus et corruptus sanguis egreditur; cum, si continuo fluxu sanguis agigaretur, per cor transiens permisceretur concussus; (haec qui fieri possunt, dubitant; et hujusmodi plurima e medicorum schola repugnare videntur, quo minus circulationem admittant; neque satis factum opinantur, sicut in astronomia, nova systemata ordinare, nisi omnia phaenomena solvant) non aliud hoc loco respondero, quam circulationem non eandem, ubique et semper, esse: sed multa contingunt, ex sanguinis motu velociori vel tardiori, cordis propellentis robore et infirmitate, sanguinis copia, conditione, vel constitutione, partium densitate, obstructione, et similibus. Crassior sanguis per angustos meatus acrius transit; pertransiens per jecoris parenchyma magis transcolatur, quam per pulmonum.

Non pari cursu per carnis et parenchymatis rariorem texturam tranatur, ac per nervosarum partium compactam consistentiam. Tenuior enim et purior et spirituosior pars, citius permeat; crassior, terrestrior et cacochymica, diutius subsistens, repudiatur: pars nutritiva, et ultimum alimentum, sive ros, sive cambium, magis penetrativa est, siquidem ubique apponenda (vel ipsis cornibus, plumis, unguibus, pilis, undique; si omniquaque enutritae secundum omnes dimensiones augmentantur):

tur): excrementa quibusdam locis propterea fecernuntur et coagulantur et aggravant, aut concoquuntur. Neque excrementa (vel prava humores) semel segregata, neque lac, pituita, sperma, neque ultimum alimentum (rorem et cambium) cum sanguine revolvī necesse puto; sed adhaerere quod nutrit, ut agglutinetur, oportere. De quibus omnibus, plurimisque aliis, in propriis locis determinandis et declarandis; nempe physiologia, reliquisque artis medicinae partibus; ut et de circulationis sanguinis consequentibus, inconvenientiis, vel convenientiis; [non] convenit disputare, priusquam ipsa circulatio stabilita quod sit, et pro concessio admittatur. Astronomiae exemplar non hic imitandum est; ubi, ex apparentiis duntaxat et ipso quod sit, causae et ipsum propter quid, investiganda veniunt. Sed (sicut quis, eclipses causam perquirens, supra lunam sistetur, ubi sensu causam discerneret, non ratiocinio) sensibile, quae sub sensum cadunt, nulla alia certior demonstratio ad fidem faciendam adduci poterit, quam sensus et ἀποψήζ.

Aliud experimentum insigne, apud omnes studiosos veritatis, cupio exploratum, quo et pulsus arteriarum ab impulsu sanguinis fieri et illustrari perspiciatur. Intestinorum canis, vel lupi, vel cuiusvis animalis, inflatorum et exsiccatorum (qualia apud pharmacopoeos vidimus) si, in quavis longitudine, pars abscissa et aqua impleta utrinque ligetur, ut sit tanquam farcimen; poteris, ab una parte digiti ictu pulsa et vibrata, in altera extremitate adversa, applicatis digitis (ut supra carpi arteriam solemus pulsum indagare), omnem ictum et motus differentiam clare sentire: atque hoc modo (ut etiam in omni vena corporis turgente, five viventis, five mortui) poterit quispiam tyronibus omnes pulsum differentias, in magnitudine, frequentia, vehementia, rhythmo, ad sensum aemulari et docere et indigitare: tanquam enim in longa vesica repleta, et in tympano oblongo, omnis ictus unius extremi in altero simul cernitur. Proinde in

hy-

hydrope ventris, ficut quoque in omni abſceſſu liquida materia oppleto, ſolemus anafarcam a tympanite diſtinguere. Si omnis impuſus et vibratio, in uno latere facta, clare in altero ſentitur tactu, tympanitem cenſemus: non, ut falſo exiſtimatur, quia ſonum tympani refert, et flatu tantum fiat (quod nunquam accidit); ſed quia, uti [in] tympano, omnis iſtus leviffimus pertranſeat, et vibratio quaevis percurrat: ſeroſam enim, et ichoroſam, et, qualis urinae eſt, ſubſtantiam ſubeſſe denotat; et non aut lentam, aut viſcidam, ut in anafarca; quae impreſſa iſtus et impuſionis veſtigia ſervat, non tranſmittit.

Hoc experimento in medium adducto, oritur potentiſſima obſectio contra ſanguinis circuitum, a nemine, qui contra me ſcripſerit, obſervata aut oppoſita. Quandoquidem in hoc experimento pulſus ſyſtoles et diaſtoles vidimus fieri poſſe, ſine exitu liquoris; in arteriis [idem] poſſe ex iſtu cordis contingere, ſine circuitus neceſſitate, quis ſuſpicabitur; ſed ſimiliter Euriſipi in morem, illinc huc, et viciffim hinc illuc, ſanguinem agitari. Verum alias hanc difficultatem ſolvimus ſufficienter; et nunc quoque dicimus, in arteriis viventium hoc non eſſe poteſt; quoniam continue et continenter auricula cordis dextra ventriculum implet ſanguine, cui tricuſpides valvulae regreſſum negant, et ſimul auricula ſiniſtra ſiniſtrum; et uterque ventriculus in ſyſtole projicit ſanguinem et protrudit, quem ſigmoïdes valvulae non ſinunt remeare. Aut igitur alicubi ex pulmonibus, et pariter ex arteriis, emigrare continue et continenter debet; aut tandem, alicubi ſtagnans et inſarctus, vel continentia vaſa diſrumperet, vel cor ipſum diſtendendo ſuffocaret; ut in viva diſſectione anguis (in libello meo de ſanguinis motu) ad ſenſum contingere annotavimus. Ad hoc dubium declarandum, duo experimenta, inter multa alia, commemorabo; quorum prius ante retuli, quo clare appareat ſanguinem in venis, continuo et magno conatu et fluore, verſus cor ſemper cur-

In

In jugulari vena interna denudata damae vivae (coram multis nobilibus et rege ferenissimo, domino meo, assistentibus) per medium divisa et abrupta, ex parte inferiori, e clavicula surgente, vix guttae quaedam prodierunt sanguinis; quando magno impetu, et rotundo fluore prorumpente, longius deorsum e capite, per alterum illius venae orificium, sanguis uberrime scaturiebat. Idem quotidie poteris observare in phlebotomia, profuente sanguine: si uno digito, paulo infra orificium, venam comprimas, affatim fluor sistitur: qua compressione soluta, abunde denuo effluit, ut prius.

In quavis visibili longa vena cubiti, sursum extensa manu, et omni sanguine deorsum e manu, quoad poteris, depresso; videbis venam, quasi (relicta in cute fovea) collapsam: quamprimum vero summitate unius digiti comprimas, statim partem, manum versus, oppleri, turgere et (adveniente e manu sanguine) tumescere percipies. Quid? quod, detento spiritu et inde compressis pulmonibus, multo ingesto aëre, simul vasa pectoris comprimuntur; unde sanguis in faciem et oculos multo rubore compellitur. Quid? quod (ut Aristoteles, in problematibus) omnes actiones cum vi et robore magis obeuntur, detento anhelitu quam laxato. Sic e vena frontis vel linguae, compressione juguli, et retento anhelitu, elicitur sanguis uberior.

Ego aliquando in cadavere humano noviter strangulato, intra duas horas a suspensione, aperto pectore et pericardio (antequam faciei rubor evanuerat), auriculam dextram cordis et pulmones, plurimum distentos et infarctos sanguine, multis attestantibus ostendi; praecipue vero auriculam, ad maximi hominis pugni magnitudinem, turgentem adeo ut disruptum iri putares. Quae moles die sequente, refrigerato penitus corpore, et per alias vias cruore dilapso, detumescens evanuit. Ita, ex his et aliis experimentis, satis constat sanguinem per venas omnes ad cordis basin procurrere, et, nisi transitus daretur, in alias vias

coarctari, aut cor ipsum eo obrui : uti ex altera parte, si non ex arteriis efflueret, sed regurgitans reperiretur, appareret quantum opprimeret.

Aliam observationem addam. Vir nobilis, eques auratus, dominus Robertus Darcy, progener doctissimi viri et mihi amicissimi, medici celeberrimi, doctoris Argent, cum erat consistente aetate, saepe de dolore quodam pectoris oppressivo conquestus est, praecipue nocturno tempore ; ita ut quandoque li-pothymiam, quandoque suffocationem a paroxysmo metuens, vitam inquietam et anxiam degeret. Multa incassum tentavit, omnium medicorum consiliis usus. Tandem, ingravescente morbo, cachecticus et hydropicus fit ; et ultimo, in uno paroxysmo vehementer oppressus, obiit. In hujus cadavere (praesente domino doctore Argent, qui tunc temporis praefidens collegii medicorum erat, et domino doctore Gorge, theologo et predicator egregio, qui illius parochiae pastor fuit) ex impedito transitu sanguinis de sinistro ventriculo in arterias, paries ipsius ventriculi sinistri cordis (qui satis crassus et robustus cernitur) disruptus et amploliatu perforatus erat; cum foramen tantae amplitudinis sanguinem effunderet, ut facile aliquem ex meis digitis reciperet.

Alium virum cordatum novi, qui prae ira et indignatione, ob acceptam injuriam a potentiori et illatam contumeliam, adeo aestuans exardescibat, ut invidia et odio in dies (ob inhibitam vindictam) auctis et animi passione vehementi, quae maxime exulceratus erat, nemini patefacta, tandem in mirum genus morbi incidit, summaque oppreffione et dolore cordis et pectoris misere conflictabatur ; ut, nullis adhibitis expertissimorum medicorum auxiliis proficientibus, in scorbuticam tandem post aliquot annos cachexiam incidens, contabuerit et mortuus fuerit. Huic tantummodo aliquid solaminis accidit, quoties et quamdiu tota pectoris regio a fortissimo viro comprimeretur, et (sicut pistor panem subigit) depfaretur et tunderetur. Amici ipsum

sum veneficio a malefica affectum putabant, aut cacodaemone obfessum. Huic quoque arteriae jugulares, pollicis magnitudine distentae, tanquam utraque esset aorta ipsa aut arteria magna descendens, alte et vehementer pulsabant, et tanquam aneurysmata duo oblonga apparebant: unde et arteriotomiam circa tempora tentavimus; sed nullo levamine. In cadavere dissecto, inveni cor et aortam adeo distenta et sanguine referta, ut cordis moles et ventriculorum cavitates bovini cordis magnitudinem compensarent et aequipollerent. Tanta sanguinis cohibiti vel conclusi vires sunt, tantusque impetus.

Quaquam igitur (per experimentum pridem allatum) impulsus fieri sine exitu (conquassata hinc inde aqua) poterit in farcimine praedicto; idem tamen non potest sanguini in vasis viventium contingere, sine summis et gravissimis impedimentis et periculis. Veruntamen exinde manifestum est sanguinem, in suo circuitu, non eadem velocitate et celeritate ubique transire; ut neque eadem vehementia, in omnibus locis et partibus et temporibus; sed pro aetate, sexu, temperie, habitu corporis, caeterisque rebus contingentibus, internis vel externis, naturalibus vel non naturalibus, multum variari. Non enim per vias et maeandros oclusos, obstructos, aut impeditos, eadem celeritate transit, qua per apertos, referatos, et patentes; neque per corpora aut partes densas, contractas, infarctas, uti per raras, relaxatas, et deobstructas. Neque, cum debiliter, lente, et molliter fit impulsus, ita expedite procurrit aut penetrat, uti cum vi et robore impingitur, vehementia et copia cogitur. Neque crassus ipse sanguis, aut solidior, aut terrestrior factus, adeo penetrativus, uti cum ferosior, attenuatus, liquidior existit. Et proinde rationabiliter existimandum est sanguinem, in circuitu suo, tardius pertransire per renes, quam per cordis substantiam; celerius per jecur, quam per renes; per lienem, quam per jecur; per pulmones, quam per carnes, aut alia aliqua viscera; quanto rarioris consuetudinis sunt.

Si-

Similiter contemplari licet de aetate, sexu, temperie, habituque corporis, molli vel duro; de ambientis frigore densante corpora, quando vix venae apparent in artubus, aut color sanguineus cernitur, aut calor sentitur; et de sanguine, a pastu, liquidiore facto ab accessione alimenti. Ita quoque venae conspicue magis et libere effundunt in phlebotomia calefacto corpore, quam refrigerato. Videmus uti ab animae passione (dum administratur phlebotomia) si inciderit pavidus in lipothymiam, statim sistitur sanguinis effluxus, et pallor exsanguis totam corporis superficiem occupat, rigent membra, sibilant aures, oculi occaecantur et convelluntur. Campum invenio, ubi longius percurrere et latius speculando exspatiari possum. Sed enim tanta hinc veritatis elucescit lux, qua tot problemata explanari, tot dubia solvi, tot affectionum et morborum causae et curandi occasiones investigari poterunt, ut peculiarem tractatum postulare viderentur. De quibus omnibus, in observationibus meis medicinalibus, admiratione digna tradam.

Quid enim magis admirari contingat, quam quomodo in omni affectu, appetitu, spe, vel timore, corpus nostrum diversimode patitur, et vultus variatur ipse, et sanguis huc aut illuc subterfugiens videtur? Ira rubent oculi, constringitur pupilla: in verecundia, rubore profunduntur genae: timore, infamia, et pudore, pallida facies, rubent auriculae, tanquam male auditurae: cupidine tactis adolescentibus, quam celeriter impletur nervus sanguine, et erigitur, tenditur? Quod autem medicis evenit observatione dignissimum et utilissimum, quare omnem dolorem sanguinis emissio, cucurbitulae, et arteriae deferentis fluxum compressio et coarctatio artificiosa (praesertim interea dum fiunt) tanquam incantamento sedant et auferunt; haec, inquam, ad observationes, ubi clare enodantur, referenda.

Perperam, anatomica dissectione confirmanda et *αυτοψία*, quae sunt credenda, inepti et inexperti dialecticis et longe peti-

tis argumentis conantur vel evertere vel stabilire. Quod in quaestione est (sensibile et visibile an sit, necne) videre, vel expertis credere teneri, quicumque scire desiderat, oportet; neque ulla alia certitudine clariori erudiri aut doceri poterit. Quis vinum dulce [esse], multumque aquae potum antecellere, iis qui nunquam degustarunt, persuadebit? Quibus argumentis, solem esse lucidum et supra omnes stellas splendentem, a nativitate caecis confirmabit? Sic de sanguinis circuitu; quem tot sensibilibus ad autopsiā experimentis confirmatum, jam per tot annos, habuerunt omnes. Nemo inventus est qui rem sensibilem (videlicet motum, fluxum, et refluxum) sensibilibus pariter observationibus redarguere, aut experientiam allatam infringere experimentis, valuit; imo, contrarium asserere ex αὐτοψίᾳ, ne tentavit quidem.

Cum interim non defunt qui (ob inexperientiam et rudem ignorantiam anatomicam, nihil quidquam sensibile, in contrarium quod afferrent, habentes) vanis quibusdam et fictis, ex praeceptorum auctoritate, receptis assertionibus, vel probabilibus suppositis, quibusdam captiunculis vacuis, obstrepunt: multisque verbis aliqui insuper, iisque haud dignis, sed saepe maledictis, nec sine convitiis et contumelia, oblatrant: quibus nihilo plus agunt, quam ut dent operam vanitatem, et ineptias suas, et malos mores, argumentorumque (quae a sensu petenda essent) inopiam prodere, et cum falsa sophistica ratione adversus sensum insanire videantur. Haud aliter maris Siculi ventorum turbine concitati fluctus, contra scopulos intra Charybdin, allissi fremunt, et refracti et reverberati spumant; quam, contra sensum, ratiocinium.

Si nil admitteretur per sensum sine rationis testimonio, aut contra quandoque rationis dictamen, jam nulla essent problemata disputanda. Si non certissima per sensum fides foret, eaque ratiocinando stabilita (ut in suis constructionibus geome-

trae

trae solent), nullam profecto admitteremus scientiam : quippe ex sensibilibus de insensibilibus demonstratio rationalis, geometrica est. Ad cujus exemplar, abstrusa et a sensu remota, ex apparentibus manifestioribus et notioribus, innotescunt. Melius multo ^a Aristoteles nos admonet, de generatione apum disputans : *rationi fides adhibenda*, inquit, *si, quae demonstrantur, conveniunt cum iis quae sensu percipiuntur rebus : quae cum satis cognita habebuntur, tum sensui magis credendum quam rationi*. Vnde probare vel improbare vel reprobare omnia ab examinatione minutim facta debemus : examinare vero et experiri an recte an perperam dicta sint, ad sensum deducere oportet, et sensus iudicio confirmare et stabilire ; ubi, si quid fictum, non latet. Vnde Plato, in Critia, difficilem esse earum rerum explicationem asserit, quarum experientiam habere poterimus. Neque apti ad scientiam sunt auditores, qui nullam experientiam habent.

Quam arduum et difficile sit, nullam experientiam habentes, vel in quibus experientiam aut sensibilem cognitionem non habent, docere ; et quam inepti et indociles inexpertique auditores sint ad veram scientiam ; caeci de coloribus, surdi de consonantiis iudicia plane ostendunt. Quis unquam maris fluxum et refluxum ; quis, ex diagrammate geometrico, angulorum quantitates aut laterum rationes, caecos docebit ? aut eos qui neque mare viderunt neque diagrammata ? Inexpertus in anatomicis, et (in quantum, propriis oculis et proprio exinde conceptu, rem non tenet) caecus in iis quadantenus existimandus, et ineptus ad doctrinam : non enim de quibus disputat anatomicus, neque ex quibus in rei natura insitis desumit argumenta, quidquam rite novit ; sed cuncta pariter ignota sunt, tam quae concluduntur et colliguntur, quam ex quibus. Nulla

^a De generatione animalium lib. iii. cap. 10.

autem possibilis cognitio ex non praeefficiente cognitione, eaque notiori: et haec una potissimum causa est, cur tam incerta et conjecturalis nostra, de coelestibus corporibus, scientia sit. Ab iis, qui causas et rationes omnium scioli adeo profitentur, scire velim ut ambo oculi simul hac atque illuc, et quaquaversus sese intuendo, moveant; nec sigillatim, iste illuc, hic istuc, se convertat oculus: ita ambae cordis auriculae, et caetera. Quia febrium causas, aut pestilentiae, aut quorundam medicamentorum et mirandas proprietates, ipsorumque causas, non norunt [homines]; an propterea essent neganda? Cur foetus in utero, non respirans aërem usque ad mensem decimum, ob defectum respirationis non suffocatur? cum natus in septimo, vel octavo, quamprimum aërem inspirat, inhibita postmodum respiratione, ob defectum aëris suffocetur. Quare in utero existens, vel adhuc intra secundinas nondum exitum adeptus, vitam sine respiratione retinere poterit; quamprimum vero aëri semel expositus, nisi respiraverit, vitam retinere non possit?

Quoniam multos video haerere, et de circulatione dubitare, et aliquos oppugnare, eo quod me non penitus intellexerunt; eorum gratia, breviter, quid dictum velim in libello de cordis et sanguinis motu, recapitulabo. Sanguis in venis contentus, suo quasi fundo, ubi copiosissimus (in vena scilicet cava, juxta cordis basin et auriculam dextram) sensim, ab interno suo calore incalescens et attenuatus, turget, attollitur, fermentantium in modum; unde auricula dilatata, sua facultate pulfifica se contrahens, propellit saepius et confestim in dextrum cordis ventriculum; qui, impletus, sua systole subsequenter sese, illo impulsu, sanguine expediens (cum egressum valvulae tricuspidis impediunt), in venam arteriosam (qua patens porta datur) compellit; quo illius distensionem facit. In vasis arteriosis, jam sanguis adversus valvulas figmoïdes recurrere impotens: simulque, inspiratione et expiratione, extenti et ampliati et restricti pulmones,

pulmones, et una quoque vasa ipsorum, huic sanguini viam transitumque in arteriam venosam praebent: ex quibus auricula sinistra (simul et pariter cum auricula dextra, motum, rhythmum, ordinem et functionem peragens) eundem, in sinistrum pariter ventriculum, sanguinem intromittit, quem dextra in dextrum: unde sinister ventriculus simul et pariter cum dextro (quando regressus unde venerat propter eadem valvularum re-nitentium impedimenta prohibetur) in capacitatem aortae et consequenter in omnes arteriae ramos impellit: arteriae hoc subitaneo impulsu repletae, cum non ita subito sese exonerare possint, distenduntur, impelluntur, et diastolen patiuntur. Vnde, cum continue et continenter idem reiteretur, colligo arterias, tum in pulmonibus, tum per universum, tot ictibus cordis et impulsionibus sanguinis adeo tandem distentas et infarctas fore, ut vel cessaret omnino impulsus, vel disrumperentur, vel dilatarentur, adeo ut omnem massam sanguinis a venis exhaustam continerent, nisi alicubi effluente sanguine exonerarentur.

Idem quinetiam de cordis ventriculis ratiocinium, repletis et, ab auriculis, infarctis sanguine. Nisi pariter sese deplerent arteriae, tandem ad extremum distensi ventriculi, ab omni motu destituti, fixique, permanerent. Atque haec collectio mea demonstrativa et vera est et necessaria, si vera sint praemissa: illa autem vera esse vel falsa, sensus nos facere debet certiores, non ratio; *αὐτοψία*, non mentis agitatio.

Sanguinem praeterea in venis assevero semper et ubique de minoribus in majora currere, et versus cor ab omnibus particulis properare: unde colligo, quam copiam (continue intromissam) arteriae receperunt per venas traditam, reverti tandem, eo-que reflueri unde primum pelleretur; et eo modo circuitu sanguinem moveri, fluxu et refluxu a corde per impulsum, cuius impetu per omnes arteriarum fibras cogitur: postea, ab omnibus partibus, continuato fluxu, regredi per venas successive, quibus

quibus absorptus et exhaustus traducitur. Haec vera esse docet sensus ipse; et a sensibilibus collectio necessaria omnem dubitandi ansam tollit. Denique hoc est quod enarrare et patefacere, per observationes et experimenta, conabar: non ex causis et principiis probabilibus demonstrare, sed per sensum et experientiam confirmatum reddere, anatomico more, tanquam majori auctoritate, volui.

Ex his notandum, quam vim et violentiam concitatamque vehementiam, in corde et arteriis majoribus, tactu et visu percipimus: pulsusque systolen et diastolen (in animalibus majoribus calidioribus) non dico, in omnibus vasis sanguinem continentibus, eandem esse, neque omnibus sanguineis animalibus; sed talem et tantam in omnibus, ut exinde fluxus sanguinis et citatior cursus, par arterias exiles, partium porositates, venarumque omnium ramos, necessario fiat; et exinde circulatio.

Nam neque exiles arteriae, neque venae, pulfant; sed duntaxat majores et cordi viciniore pulfant arteriae, eo quod non ita subito emittunt, ac impellitur sanguis. Nam experiri poteris, dissecta arteria et pleno gurgite exsiliante sanguine, ita ut libere exeat prout immittitur. In arteria illa, per quam transit, vix pulsus perferentias; quia, data porta, transcurrit sanguis, non distendit. In piscibus, serpentibus, frigidioribusque animalibus, cor tarde et debiliter pulsat, ut vix in arteriis pulsus percipias, sanguinemque transmittit lento admodum gradu. Unde in his, ut etiam minoribus arteriarum fibris in homine, nulla tunicarum aut sanguinis distinctio; quia sanguinis impulsu non percelluntur.

Rescissam et apertam arteriam (ut dixi) pertransiens sanguis non impellit, neque pulsat; unde clare cernitur arterias neque innata facultate pulsfica, neque a corde demandata, sed solo sanguinis impulsu, diastolen pati: nam tum, pleno ipso in fluxu longius profluente, tam systolen quandam, quam diastolen, discernere

cernere et tactu percipere poteris, ut antea dixi, omnesque pulsationis cordis differentias, rhythmum quinetiam et ordinem, vehementiam, intermissionemque in emanante fluore (sicut in speculo imaginem) evidenter agnoscere. Quemadmodum cum aqua, vi et impulsu siphonis, per fistulas plumbeas in altum cogitur, singulas compressiones instrumenti (per multa licet stadia distantia) in ipso aquae exeuntis fluxu, singulorum ictuum ordinem, principium, incrementum, finem, vehementiam, observare et distinguere possumus; ita ex abscissae arteriae orificio. Vbi notandum, ut, in exemplo aquae, continuum effluxum esse, licet modo longius exiliat, modo propius; ita in arteriis, praeter sanguinis concussionem, pulsus, vel vibrationem (quae non in omnibus aequae cernitur), continuum exinde fluorem motumque fieri, usquequo primum sanguis (auricula nempe dextra), ubi incepit, regreditur.

Haec in rescissa aliqua arteria longiori, ut jugulari; quam intra digitos comprehendere, exitumque moderari sanguinis, [arteriamque] magis aut minus pulsare, amittere pulsus et recuperare, pro tuo libitu poteris explorare, ut clare discernantur. Et, sicut integro pectore haec manifesta hoc modo fiant, ita aperto pectore et collapsis exinde pulmonibus, amissoque motu respirandi, brevi experiri poteris; scilicet, contrahi auriculam sinistram, inaniri, albidior fieri, et tandem, cum sinistro ventriculo, pulsus intermittere et omittere et destituere; et pariter, ex rescissae arteriae foramine, minus et minus sanguinem, subtiliori filo et infirmiori pulsu, proruere: et denique (deficiente nimirum sanguine, et ventriculi sinistri impulsu) nihil ultra emanabit. Idem, ligata vena arteriosa, experiri poteris, et auriculae sinistrae pulsus auferre, et soluta restituere, pro arbitrio. Vnde idem, hoc experimento, quod [in] moribundis, evidens cernitur; ut prius a motu et pulsu sinistra auricula defisteret, postea ventriculus sinister, deinde dexter, ultimo auricula dextra.

Ita.

Ita a quo incipit vitalis facultas et pulsus primo, deficit ultimo.

Quibus per sensum exploratis, manifestum est sanguinem per pulmones tantum pertransire (et non per septum cordis), et duntaxat a respiratione commotos, non collapsos et requietos: unde probabile est, quare in embryone (cum nondum spirat) natura pro transitu sanguinis in arteriam venosam (quo materia sinistro ventriculo et auriculae sinistrae fuggeratur) foramen ovale aperuit; quod adolescentibus et libere spirantibus occludit. Patet quoque cur, oppressis et infarctis vasis pulmonum, vel quibus morbo graviore laesa respiratio, adeo fit periculosum et signum lethale. Patet non minus quare sanguis adeo rutilans sit pulmonum; tenuior enim est, ut qui inibi transcolatur. Notandum amplius, ex epilogo antedicto, ab iis qui causas circulationis efflagitant, et cordis virtutem omnium effectricem suspicantur, et, ut pulsus transmissionis, ita attractionis generationisque sanguinis auctorem credunt (cum Aristotele), atque a corde spiritus fieri, vitalemque calorem influentem (idque cordis innato calore, tanquam immediato animae instrumento, vel vinculo communi et, ad omnia vitae opera peragenda, organo primo), arbitrantur, et ita sanguinem et spiritus motum, perfectionem, calorem quoque, a corde, tanquam ab origine, mutuari, et omnem rationem sanguinis (quam Aristoteles dicit inesse sanguini qualem in aqua calida et in pulve ebulliente), corque causam primam esse pulsationis et vitae, existimant; aperte si loquar, haec ita esse (ut vulgo recepta sunt) non opinor: et multa sunt, quae me in eandem sententiam ire suadent, in generatione partium observanda; quae hic recitare non expedit. Propediem forsan miraculosiora, majoremque lucem naturali philosophiae allatura: quae a me in publicum dabuntur.

Interim dicam tantum et sine demonstratione proponam (bona cum venia doctissimorum virorum, et antiquitatis reverentia)

cor,

cor, prout omnium in corpore principium, auctor, fons, et origo, primaque vitae causa est, una cum venis, arteriis omnibus, contentoque sanguine, subintelligendum: sicut cerebrum (cum suis omnibus nervis, sensoriis organis, et spinali medulla, comprehensum) unum sensus organum adaequatum (ut loquuntur) est. Si vero per hoc vocabulum cor, corpus cordis, cum ventriculis et auriculis tantum subintelligant; non puto esse sanguinis opificem (neque sanguis vim, virtutem, rationem, motum, aut calorem, ut cordis donum, habet): deinde neque eandem esse causam diafoles et distensionis, quae systoles et contractionis, sive in arteriis, sive in auriculis, sive ventriculis cordis, arbitror (sed pulsus pars, quae diafole dicitur, aliam habet causam a systole diversam, et semper omnem systolen ubique praecedere debet); et distensionis primam causam calorem innatum esse, primamque distensionem esse in sanguine ipso (fermentantium in modum, sensim attenuato et turgente), in eoque ultimo exstinctam; et Aristotelis, pultis vel lactis in modum, exemplo assentior, eo usque ut illa elevatio aut depressio sanguinis non fiat a vaporibus aut exhalationibus aut spiritibus, in aliquam formam vapoream vel aëriam concitatis, neque sit causata ab externo agente, sed ab interno principio, regulante natura.

Neque cor, ut aliqui putant, tanquam anthrax, focus, (instar lebetis calidi) caloris origo est et sanguinis; sed magis sanguis calorem cordi (ut reliquis omnibus partibus) tribuit, quam recepit; utpote omnium in corpore calidissimus: et ideo cordi arteriae et venae corales assignantur, in eisdem usus quos caeteris partibus; videlicet ad caloris influxum, pro fotu et conservatione ipsius: et ideo calidiores omnes partes, quo magis sanguineae, et, quo sanguine magis abundant, calidiores convertibiliter dicuntur. Qua ratione, cor suis cavitatibus insigne officina, fons, focus perennis censendus est; non ratione

corpulentiae, sed contenti sanguinis, instar lebetis calidi: quatione jecur, lien, pulmones, caeteraeque partes calidae reputantur; quia multas venas vel vasa continentia sanguinem habent. Atque hoc modo autumo calorem nativum, calidum innatum, ut omnium operationum commune instrumentum, pulsus quoque efficientem primum esse. Hoc non adhuc constanter assevero, sed tantum pro thesi propono. Quid in contrarium obijciatur a viris doctis et probis, sine verborum scurrilitate, convitiis, vel contumeliis, scire libenter velim: et, quisquis, pergratum fecerit.

Haec itaque transitus sanguinis et circuitus tanquam partes et vestigia sunt. Nempe de auricula dextra in ventriculum, de ventriculo per pulmones in auriculam sinistram, inde in ventriculum sinistrum et in aortam, omnesque per arterias a corde, per partium porositates in venas, et per venas ad cordis basin, quam celeriter revertitur sanguis.

Vno experimento, quisquis placuerit, discernere per venas poterit. Ligetur brachium (ut solent) mediocri ligatura; et tandiu, brachium movendo, permaneat ligatum, quousque omnes venae adprime turgeant, et infra ligaturam tota cutis insigniter erubescat; et tum profundatur manus in aquam gelidissimam vel nivem, donec collectus infra ligaturam sanguis refrigerat fatis: dein, soluta subito ligatura, senties ex sanguine frigido revertente, quam celeri cursu sursum ad cor properet, et quam mutationem reversus in corde faciat: ut tibi mirum non sit quosdam a soluta ligatura, post phlebotomiam, in lipothymiam incidisse. Hoc experimentum monstrat quod, infra ligaturam, venae turgeant non sanguine attenuato et spiritu, vel vaporibus, sufflato (talem enim ebullitionem immersio in frigidum deprimeret), sed solo sanguine, eoque qui in arterias, vel per anastomoses, vel caecos maeandros, reverberari non possit: docet insuper quomodo per altos montes nivofos oberrantes morte
saepe

saepe de improvise opprimuntur; atque alia multa hujusmodi.

Qualiter sanguis pertransire per omnes partium poros possit, ne durum hoc videatur, et quaquaversus meare, unum addam experimentum. Laqueo strangulatis et suspensis accidit idem quod brachio ligato; ut, trans chordam scilicet, facies, oculi, labia, lingua, partesque omnes superiores capitis, plurimo inferantur sanguine, maximo rubore perfundantur, turgescant usque ad livorem. Hujusmodi cadavere, soluto laqueo (quacunque positione collocaveris) intra non multas horas videbis omnem sanguinem vultum et caput deferere, et, a supinis et sursum positis partibus, in pronas et subjectas, per poros cutis, carnis, caeterarumque partium (suo quasi ductum pondere), decumbentem, et, omnes illas partes infra positas et cutem potissimum replentem, atro tabo colorare. Quanto magis sanguis vivus et spirituosus vivo corpore, apertis porositatibus penetrativus, quam cruor mortuus, coagulatus; praesertim per habitum corporis frigore mortis densatum, viisque stipatis et compressis; tanto facilior, per quascunque partes, transitus in vivis est et pronior.

Ingenio pollens, acutissimus vir, Renatus Cartesius (cui ob mentionem mei nominis honorificam debeo) et alii cum ipso, cum extractum cor piscium, super planam tabulam expositum, pulsus aemulari vident, colligendo seipsum; quando erigitur, attollitur, et vigoratur, ampliari, aperiri, ventriculosque suos exinde capaciores esse, autumant. Haud recte, mecum, observant. Collectum enim certo est, tunc temporis, coartari potius capacitates ejus omnes, et in sua systole esse, non diastole: ut neque, quando tanquam enervatum collabatur et relaxatur, in sua diastole et distensione non est; et ventriculi exinde ampliores. Sed, ut in morte non dicimus in diastole esse cor, ita, quod a systole concidit relaxatum, collapsum et omni motu destitutum

et requietum, non distentum. Distenditur enim et in sua diastole proprie est, cum ex impulsione sanguinis per contractionem auricularum impletur; ut in vivorum anatome evidenter fatis apparet. Latet ipsum ergo, quantum distet relaxatio et relapsus cordis et arteriarum a distensione vel diastole; et quod eadem causa distensionis, relaxationis et constrictionis, non sit; sed potius contrariorum effectuum, contraria; diversorum motuum, diversa: sicut, adductionis et extensionis cujusvis membri, oppositos musculos antagonistas fat omnes anatomici norunt; et, contrariis motibus aut diversis, contraria et diversa activa organa a natura necessario fabrefacta. Neque mihi arripet causa efficiens pulsus, quam posuit (secundum Aristotelem) eandem fore tam systoles, quam diastoles: nempe effervescentia sanguinis, tanquam ebullitione facta. Sunt enim isti motus subitanei ictus, celeresque percussiones. Nihil vero ita, quasi ictu oculi, fermentatione vel ebullitione affurgit et collabitur: sed lente sufflatur, quod affatim deprimitur. Praeterquam quod dissectis autopfia cernere licet ventriculos cordis, ab auricularum constrictione, et distendi et repleri et, prout magis vel minus replentur, augeri; distensionemque cordis motum quendam violentum esse, ab impulsione, non ab attractione aliqua, factum.

Sunt aliqui qui existimant, sicut, ad plantarum nutritionem, impulsu alimentum non eget, sed sensim ab indigentibus particulis attrahitur ad locum deperditi; ita neque animalibus esse aliquem impulsu necessarium; quandoquidem similiter vegetativa facultas in his, atque illis, opus suum perficiat. Verum diversa ratio est. Calidum influens perpetim requiritur ad animalium membra fovenda et, in vivis, vivifico calore conservanda et, ab externis injuriis refracta, restituenda; non ad nutritionem duntaxat.

Haec

Haec de circuitu : qui, si vel impeditur, vel pervertitur, vel nimium concitatur, quot periculosa morborum genera et symptomata admiranda consequuntur ; five in venis, ut varices, apoftemata, dolores, haemorrhoides, haemorrhagiae ; five in arteriis, ut tumores, phlegmones, dolores intensissimi et lancinantes, aneurysmata, farcoses, fluxiones, suffocationes subitaneae, asthma, stupor, apoplexiae, et alia innumerabilia ; et quomodo subito quandoque, instar incantamenti, auferantur et curentur quaedam alias immedicabilia ; non est hujus loci, ut enarrem. Inter medicinales observationes, et in pathologia, ea tradere potero, quae nunquam haecenus a quovis observata comperio.

Concludam, ut tibi satisfactionem plenioram faciam, doctissime Riolane, qui in mesentericis venis circulationem non fieri existimas : ligetur porta, juxta jecoris simam [partem], in viva dissectione ; quod facile poteris experiri. Videbis, ex venarum infra ligaturam turgescencia, idem, quod in administratione phlebotomiae ex ligatura in brachio, accidere ; quod transcursum inhibi sanguinis patefaciat. Et, cum videris opinari sanguinem de venis in arterias, per anastomoses, regredi posse ; ligetur, in viva dissectione, vena magna descendens, juxta divaricationem ramorum cruralium : et quam primum, rescissa arteria quavis, datur porta, omnem massam sanguinis ex omnibus venis (etiam cava ascendente) brevi pulsu cordis exhaustam fore videbis ; tamen, ultra ligaturam, venas crurales (et inferiores partes duntaxat) repletas. Quod, si alicubi in arterias per anastomoses regredi potuisset sanguis, nullatenus accideret.

V A R I A N T E S

L E C T I O N E S.

Lectori S.

VISUM est ut, in hoc loco, omnes simul oculis subjicerentur lectiones in quas, ab editionibus principibus; a Francofurtensi scilicet, exercitationis de motu cordis et sanguinis; et a Cantabrigiensi, duarum defensionum contra Riolanum; nostra haec discessit. Ista autem lectiones, licet nimio plures eas primo aspectu existimare possis, revera tamen in mutationibus admodum minutis versantur; quas vel grammaticae leges, vel aperitissima auctoris sententia, necessario exigebant: quibus in locis exemplaria Harveiana, literis valde perplexis conscripta, typographos facile potuerunt in errores inducere; praesertim cum Harveius ipse ab utroque prelo longe abesset. Punctuationis autem, quam dicunt, varietates ideo omisimus, quod in ista parte per singulas illarum editionum paginas, imo per singulos fere versus, peccatum est.

De nonnullis vero, quae vel leviora sunt vel frequentius occurrunt, te semel monuisse sat erit: scilicet, cum auctoris nostri nomen sit, ex ipsius manu, aliquando Guilielmus Harveius, aliquando Gulielmus Harveus, nos ubique priorem illum scribendi modum servare maluisse: tum ab omni curta et intercisâ verborum scriptione abstinuisse: id porro curasse ut ad orthographiae regulam singula dirigerentur, cujus nulla fere in prioribus illis editionibus habita est ratio. Neque tamen hujusmodi emendationes ullas, in lectionum differentiis recensendis, annotavimus. Etenim quoties, pro *exto*, *exto*; pro *author*, *auctor*; pro *larinx*, *larynx*; pro *trachaea*, *trachea* expressimus; aut sicubi *Eristratum* mutavimus in *Erasistratum*, *farunculo* in *furunculo*, *intrinseca* in *intrinsecus*, et alia id genus innumera; protinus te, lector erudite, de tantis nimirum rebus, certiore facere solenniter, hominum esset otio et tuo et proprio abutentium. Vale; et, priusquam variantes haec lectiones inspicias, pauca et parva, quae sequuntur, operarum typographicarum errata corrige. IV. Non. Novembr. MDCCCLXIV.

Pag. Lin.

8.	1.	<i>pro</i> quenquam	<i>lege</i> quemquam
29.	24.	similibus, quae unum	similibus, [quae] unum
31.	11.	agit, et motu	agit, [et] motu
42.	21.	quo minus fiat, constat,	quo minus fiat, satis constat,

V A R I A N T E S L E C T I O N E S.

In Exercitatione Anatomica de Motu Cordis.

Editio FRANCOFVRTENSIS.

Editio NOSTRA.

Pag. Lin.		Pag. Lin.	
10.	2. (<i>in titulo</i>) quod	9.	2. (<i>in titulo</i>) illa
11.	24, 5. introsumunt et emittunt	10.	20, 1. introsumant et emittant
ibid.	28. illorum	ibid.	28. illarum
12.	8. faveant	11.	3, 4. foveant
ibid.	22. non merito	ibid.	19. non immerito
ibid.	25, 6. affirmat	ibid.	23. affirmet
13.	21, 2. attrahantur	12.	22, 3. contrahantur
14.	5. per viam	13.	8. perviam
ibid.	31. arteriae	14.	3. arteria
15.	15. vitalis spiritus	ibid.	19. vitalium spirituum
16.	1, 2. spiritum	15.	7. spirituum
ibid.	21. quod modo	ibid.	28. quomodo
ibid.	ibid. spiritus fuligines	ibid.	28, 9. spiritus [et] fuligines
ibid.	29. egressui	16.	5. regressui
ibid.	ibid. illae valvulae	ibid.	ibid. illas valvulas
ibid.	31. egressum	ibid.	6. regressum
17.	26. transmitteret	17.	1. transmitterent
18.	17, 18. distenditur et dilatatur	17.	27. distendatur et dilatetur
19.	4. tum	18.	15. tam
ibid.	7. empyricorum	ibid.	19. empyricorum
ibid.	12. confectus, dissecto	ibid.	24, 5. confectus [est]. Dissecto
ibid.	24. erit	19.	6. fore
20.	7. (<i>in titulo capitis</i>) Causa	21.	4. Causae
ibid.	21. existimabam	ibid.	17. existimarem
21.	27. capient	22.	23. capiant
ibid.	32. movere	ibid.	28. moveri
22.	1, 2. aliorum	23.	3. calidiorum
ibid.	19. cubitu	ibid.	22. cubito
ibid.	ibid. movent	ibid.	23. movet
ibid.	23. caloris	ibid.	27. coloris
ibid.	33, 4. constringitur — in-	24.	5, 6. constringi — incrassat-
	crassescit		-cere
23.	6. allusione	ibid.	16. allusione
ibid.	23. et potius	25.	2. at potius
ibid.	25. cor una	ibid.	4. conum
ibid.	26. inclinarent	ibid.	5. inclinare

In Exercitatione Anatomica de Motu Cordis.

Editio FRANCOFVRTENSIS.

Editio NOSTRA.

Pag. Lin.		Pag. Lin.	
23.	33. recte	25.	12. rectae
ibid.	34. vario	ibid.	14. variae
24.	2. ventriculis	ibid.	19. ventriculos
ibid.	21. bronchia	26.	11. branchias
ibid.	23. protrudi	ibid.	12. protrudi
ibid. 27.	8. systole erectione	ibid.	17. systole [et] erectione
25.	3. aemulari: etenim	ibid. 29, 30.	aemulari [videt]. Etenim
ibid.	7. dilationem	27.	2. dilatationem
ibid.	8. se habet	ibid.	3. se [res] habeat
ibid. (<i>in margine</i>)	De respir. cap. 15.	ibid. (<i>ad imum</i>).	De respir. cap. 20.
ibid.	22. distentis	ibid.	19. distendentis
26.	6. sunt	28.	12. sunt
ibid.	8, 9. alteriptorum	ibid.	15. alter ipforum
ibid.	14. videtur	ibid.	21. videatur
27.	6. similibus (unum	29.	24. similibus, [quae] unum
ibid.	24. auricula	30.	11. auriculae
ibid.	30. qua	ibid.	17. quam
28.	7. non solum cor	31.	1. non cor
ibid.	16. agat motu	ibid.	11. agit, [et] motu
ibid.	19. revolvatur	ibid.	19. revolvitur
ibid.	25. crabronibus muscis	ibid.	21. crabronibus, [et] muscis
ibid.	30. Quorum	ibid.	27. quarum
30.	6. fiant, unicus	33.	17. fiant, [et] unicus
ibid.	27. inundationem	34.	11. undationem
ibid.	37. pulsum	ibid.	22. pulsus
31.	15. conspexisset	35.	7. conspexissent
32.	7. haec	36.	8. has
ibid.	11. possit	ibid.	12. posset
ibid.	26. possit	ibid.	29. posset
33.	19. qui	37.	28. quae
34.	17. ingressum	39.	5. ingressus
35.	7, 8. erectis	ibid.	32. exsectis
ibid.	8. patet	40.	1. pateat
ibid. (<i>in margine</i>)	Lib. spir. 3	ibid. (<i>ad imum</i>)	Libro de spiritu, cap. iv.
ibid.	11. et quod in sectione	ibid.	4. quod et in sectione
ibid.	18. Botallo se novum	ibid. 11, 12.	Botallo, [ut affereret] se novum
ibid.	29. diductum	ibid.	24. deductum
ibid.	36. qui	41.	2. quae
36.	14. et omnibus aliis	ibid.	18. et [in] omnibus aliis

VARIANTES LECTIONES. 149

In Exercitatione Anatomica de Motu Cordis.

Editio FRANCOFVRTENSIS.

Editio NOSTRA.

Pag. Lin.		Pag. Lin.	
36.	31. eventatione	42.	4. eventilatione
37.	4. subinde	ibid.	15. inde
ibid. 10, 11.	eum et quomodo	ibid.	22. cum quomodo
ibid.	12. confideremus	ibid.	23. confideramus
38.	10. habent	43.	27. haberent
ibid. 15, 16.	existimemus	44.	3. existimamus
39.	2. <i>qui in seipsis est, spiritus;</i>	ibid.	28. <i>qui in ipsis est, spiritum;</i>
ibid.	14. reciprocum	45.	12. reciprocans
ibid.	20. ipforum	ibid.	19. ipsarum
40.	1. apparet, et sanguinem	46.	7. apparet, sanguinem
ibid.	3, 4. Quinetiam quod cor continue in ventriculos quasi lacunam,	ibid. 10, 11.	quinetiam cor continue in ventriculos, quasi [in] lacunam,
ibid.	7, 8. remearet, unde trahere	ibid.	14. remeet, unde trahi
ibid.	8. refluere parte, ad quam mittere	ibid.	15. refluat parte, ad quam mitti
ibid.	13. continuo	ibid.	20. continue
ibid. 14, 15.	attrahitur	ibid.	22. attrahatur
ibid.	19. continuo	ibid.	25. continue
ibid.	24. ejus	47.	2. eorum
ibid.	32. causa, et ob	ibid.	11. causa [factum esse], et ob
ibid.	34. compulsi	ibid.	13. cum pulsi
41.	5, 6. transmittat? dispenfet?	ibid.	25. transmittatur, dispenfeturque:
ibid.	15. tam	48.	6. tum
ibid.	26. aliquo	ibid.	18. aliqua
ibid.	33. dextris	ibid.	24. dextris
ibid.	34. remeare	ibid.	25. remeare
42.	4. aemalatus est.	ibid. 29, 30.	aemulari dixit.
ibid.	5, 6. condensant,	ibid.	31. condensantur,
ibid.	12. effatum	49.	6. effoetum
ibid.	19. pulsus	ibid.	14. pulsu
ibid.	31. differens	ibid.	26. deferens
ibid.	35. alimentivum.	ibid.	32. alimentativum.
43.	8. Primum	50.	7. Primo,
ibid.	11. Secundum	ibid.	10. secundo,
44.	5. scrupulum unum	51.	11. scrupulus unus
ibid.	6. mille scrupulos	ibid.	12. mille scrupuli
ibid.	6, 7. sanguinis, in quo	ibid. 12, 13.	sanguinis, [transeunt]; in quo
ibid.	9. nimium	ibid.	15. nimirum
ibid.	13. die, utcumque	ibid. 19, 20.	die [id fiat]: utcumque
ibid.	19. confirmatum	ibid.	25. confutatum

VARIANTES LECTIONES.

In Exercitatione Anatomica de Motu Cordis.

Editio FRANCOFVRTENSIS.

Editio NOSTRA.

Pag. Lin.		Pag. Lin.	
44.	20. necesse ventriculos	51.	26. necesse [fit] ventriculos
ibid.	21. necesse protrudere	ibid.	27. necesse [est] protrudere
ibid.	33. de urnis in arteriis.	52.	10. de venis in arterias
45.	13. et toto	ibid.	27. et [e] toto
ibid.	15. Lani oves	ibid.	29. laniones
ibid.	19. itidem	53.	1. idem
ibid.	21. aequae, si	ibid.	4, 5. aequae [fanguinem], si
ibid.	22. habet:	ibid.	6. habeat.
ibid.	27. jugulari in	ibid.	11. jugulari [arteria], in
ibid.	33. contingit	ibid.	18. continget
46.	1. animal	ibid.	23. animali
ibid.	1, 2. in arteriis	ibid.	24. in arterias
ibid.	3. desinant,	ibid.	26. defiverint,
ibid.	28. dixisse	54.	19. dixit,
47.	7. proventus:	55.	3. proventum
48.	1. expulsi	56.	6. ex pulsi
ibid.	20. differentia	ibid.	28. deferentia
ibid.	23. transire	57.	2. transire
ibid.	26. fiat.	ibid.	5. fit.
ibid.	34. gangrenae	ibid.	14. gangraenas
49.	16. arteriae	ibid.	30. arteriam
ibid.	26. eum	58.	11. eam
50. 15, 16.	distendantur, et pulsant,	59.	8. distendantur et pulsant,
ibid.	27. ligaturam. Cum interim	ibid.	20. ligaturam. Interim
51.	7. fanguinis	60.	6. fanguis
ibid.	14. ligatum corpus	ibid. 14, 15.	ligatus carpus
ibid.	20. quae	ibid.	20. quam
ibid.	23, 4. immisionem	ibid.	24. immissione
ibid.	28. se se	ibid.	29. se
52.	3. infractum	61.	9. infarctum
ibid.	8. colore	ibid.	15. calore
ibid.	22. capefcit	ibid.	30. capeffat
ibid.	31. quando longius	62.	9. quando [fanguinem] longius
53.	13. continuo	ibid.	29. continue
ibid.	18. evacuati	63.	5. evacuetur
ibid.	22. intra	ibid.	9. infra
ibid.	25. intra	ibid.	13. infra
ibid.	26. ingreditur	ibid.	13, 14. ingrediantur,
ibid.	27. recipiunt	ibid.	14, 15. recipiant,

VARIANTES LECTIONES. 151

In Exercitatione Anatomica de Motu Cordis.

Editio FRANCOFVRTENSIS.

Editio NOSTRA.

Pag. Lin.

53. 28, 9. tantam copiam exhaurire
54. 6. intra
ibid. 16. aptari
ibid. 18. pulfar,
ibid. 21. intra
55. 1. permeat,
ibid. 17. convexae
ibid. 22. fieri,
ibid. 35. fateor,
56. 1. ramulas
ibid. 17. convexis
ibid. 22. elevati
ibid. 31. modi
ibid. 35. fanguinem, et de
ibid. 37. infra
57. 8. vacuum
ibid. 17. posse ut est
ibid. 18. digito [H.] rufus
ibid. 18, 19. esse ut [D. C.] ut hinc
ibid. 26, 7. progrediente
ibid. 30. applicueris
ibid. 34. [L. N. & H. O]

58. 4. afferre
59. 9. emandatus
ibid. 14. repeter,
ibid. 18, 19. consistat,
ibid. 28. propellatur
ibid. 35. aut ipso,
60. 4. intemperie
ibid. 15. continet:
ibid. 19, 20. dispensat, distribuit, &
——largitur.
ibid. 22. Tunc
ibid. 27, 8. compressione, proclivis
ibid. 31. iniret——moveretur.
61. 1. aliis
ibid. 2. patiantur
ibid. 11. fertur;

Pag. Lin.

63. 16. tanta copia exhauriri
ibid. 29. infra
64. 9. aptatis
ibid. 11. pulset,
ibid. 14. infra
ibid. 30. permeet,
65. 19. convexitatis
ibid. 24. ferri,
66. 5, 6. fatear,
ibid. 8. ramulos
ibid. 26. connexis
ibid. 31. elevatae
67. 10. nodi
ibid. 14. fanguinem de
ibid. 17. intra
ibid. 25. vacuum
68. 6. posse [fanguinem], ut est
ibid. 7. digito [H. secundae], rufus
ibid. 8. esse ut DC, primae: ut hinc
ibid. 17. progredienti
ibid. 21. applica
ibid. 26, 7. [LN, figurae quartae, et HO,
figurae tertiae vel secundae],
69. 1. afferri
70. 11. amandatus
ibid. 18. repeteret
ibid. 22. contrahar;
71. 1, 2. propelleretur,
ibid. 9. aut ipsi,
ibid. 16. in temperie
ibid. 29. contineat
72. 2, 3. dispenset, distribuat, et——lar-
giatur.
ibid. 5. tum
ibid. 11, 12. compressione, [et eo] proclivis
ibid. 15. ineat——moveatur,
ibid. 22. alias
ibid. 29. patiantur:
73. 3. ferri,

In Exercitatione Anatomica de Motu Cordis.

Editio FRANCOFVRTENSIS.

Editio NOSTRA.

Pag. Lin.		Pag. Lin.	
61.	12. febri	73.	5. febre
ibid.	24. constet	ibid.	18. constat.
ibid.	26. roborat;	ibid.	20. roborant;
ibid.	34. portum	ibid.	29. portam
ibid.	36. consistenti,	ibid.	31. consistencia,
62.	5. alteratorum	74.	7. alterutrorum
ibid.	26. contineant,	ibid.	30. continent,
ibid.	28. raptam	ibid.	32. ruptam
ibid.	30. recte	75.	2. recta
63.	3. videtur	ibid.	15. videatur
ibid.	5. antea	ibid.	17. ante
ibid.	6. desiderat?	ibid.	18. desideret,
ibid.	13. possunt	ibid.	26. possint
ibid.	15, 16. percurre	ibid.	28, 9. percurrere
ibid.	36. contrarios	ibid.	21. contrarias
64.	1. portus	ibid.	24. portas
ibid.	15. relatione	77. 12, 13.	relaxatione
ibid.	29. quem	ibid.	27. quam
65.	3. latent——occultantur	78.	5, 6. lateant——occultentur,
ibid.	4. sanguinis	ibid.	7. sanguineis
ibid.	12. validiora et robustiora	ibid.	15. validiori et robustiori
ibid.	23. ubi	ibid.	27. ibi
ibid.	32. habeat.	79.	7. habet:
ibid.	35. sit	ibid.	11. est
66.	25. corporibus foeminis	80. 10, 11.	corporibus [et] foeminis
ibid.	34. tantum	ibid.	21, 2. tantam
ibid.	36. Sinistri	ibid.	24. sinistro
ibid.	37. musculosi,	ibid.	25. musculosae;
67.	12. similiter sigmoidarum usum	81.	5. similiter usum
ibid.	15. hirundinum	ibid.	8. hirudinum
ibid.	16. observatae	ibid.	9. obseratae
ibid.	18. impellit	ibid.	11. impellitur
ibid.	23. duo	ibid.	17. duae
ibid.	36. appendit,	ibid.	32. appendet,
68.	2. analogon,	82.	4. analoga,
ibid.	5. unde ipsam	ibid.	8. unde [ea] ipsam
ibid.	6. anhelosi	ibid.	9. anhelosa
ibid.	8. aptum	ibid.	11. apertum
ibid.	30. operam	83.	4. perperam

VARIANTES LECTIONES. 153

In Exercitatione anatomica de Motu Cordis.

Editio FRANCOFVRTENSIS.		Editio NOSTRA.	
Pag. Lin.		Pag. Lin.	
68. 30, 2.	cognovit—retulit—appellavit,	83. 3,4,6.	cognorit—retulerit—appellarit;
ibid. 35.	Quin institutum prosequentes,	ibid. 9.	Quin (ut institutum prosequamur
69. 4.	immutare	ibid. 16.	innatare
ibid. ibid.	ut in quibus	ibid. ibid.	et, in quibus
ibid. 6.	tinea	ibid. 18.	tinca,
ibid. 13,14.	praestit	ibid. 25.	praestit,
70. 7.	circumclusas,	84. 28.	circumclusos,
ibid. 20.	voluisset:	85. 10.	voluit:
ibid. 22.	fit.	ibid. 12.	est:
ibid. 23.	derivetur, et dependeat.	ibid. 13,14.	derivatur et dependet.
ibid. 28.	differant,	ibid. 19.	differunt?
ibid. 30.	facit—est	ibid. 21, 2.	faciat—fit
71. 2.	debuerat,	ibid. 31, 2.	debuerit,
ibid. 6.	edunt—pulsat	86. 3.	edant—pulsat
ibid. 25.	quanto	ibid. 26.	quantum
ibid. 37.	utroque	87. 6.	utrosque
72. 1.	tanti	ibid. 7.	tanto
ibid. 3.	effluxerit	ibid. 10.	effluxerat
ibid. 12.	habeant.	ibid. 18.	habent;
ibid. 14.	multi	ibid. 21.	multo

In Exercitatione prima ad J. Riolanum.

Editio CANTABRIGIENSIS.		Editio NOSTRA.	
Pag. Lin.		Pag. Lin.	
2. 17.	fed &	91. 21.	fed ut
4. 3.	in morbis	92. 9.	iis morbis
ibid. 22.	Verum prius quae	ibid. 21.	Verum quae
5. 18.	aiit	ibid. 32.	ait
ibid. 23.	aorta et vena cava:	93. 3.	aortam et venam cavam:
6.10,11.	arque ita (paulo post) fan-	ibid. 9.	arque paulo post; ita ut fan-
	guis		guis
8.10,11.	quam partium	94. 2, 3.	quam [qui] partium
ibid. 15.	licet non repugno	ibid. 5.	licet (neque repugno)
9. 18.	dicir,	ibid. 19.	dici,
12. 13.	gutta	95. 24.	guttam
14. 5, 6.	venis portis et cavae	96. 13.	venis porta et cava;
	U		15. 15.

In Exercitatione prima ad J. Riolanum.

Editio CANTABRIGIENSIS.

Editio NOSTRA.

Pag. Lin.		Pag. Lin.	
15.	15. fieri	97.	1. scire
ibid. 19, 20.	apparet, — urgetur	ibid. 3, 4.	appareat; — urgeatur,
16.	8. ascendat	ibid. 10.	ascendit
ibid. 10.	descendat five discedat	ibid. 11, 12.	descendit, five discedit
ibid. 15.	ut et ultra	ibid. 14.	ut ultra
17.	6. continuo	ibid. 22.	continue
18.	2, 3. nominat numeratque	98.	1. nominet numeretque
ibid. 17, 18.	cohaereat unumque fiat:	ibid. 9.	cohaereret, unumque fieret:
ibid. 21, etc.	non enim tanto sanguine quantum pars quaevis in suis arteriis, venis, et porositatibus ubique continet, pro alimen- to utitur;	ibid. 11, etc.	non enim tanto sanguine pars quaevis, quantum in suis ar- teriis, venis, et porositatibus ubique continet, pro alimen- to utitur;
21.	19. refluat	99.	17. refluit,
22.	3, 4. regreditur	ibid. 22.	regrediatur
24.	3. agatur.	100.	17. agitur;
ibid. 20.	corporis	ibid. 26.	corpus
27.	3. in dextro latere	101.	23. in dextrum latus
ibid. 20.	communicatione	102.	2. communicationem
29.	15. positi.	ibid. 22.	positis.
31.	5. tranarent.	103.	11. traherent.
ibid. 18, 19.	regressum, omnesque	ibid. 18, 19.	regressum, [denegar]: om- nesque
34.	15. defumantur,	104.	24. defumuntur:
35.	12. patefaceret	105.	4. patefacere
36.	15. aliquis	ibid. 18.	aliqua
37.	13. & ut utraque	ibid. 31.	et utraque
ibid. 16.	externam	ibid. 32.	externum
39.	9. eorum (si qui	106.	22. earum (si quae
ibid. 16, 17.	migraret: & confestim	ibid. 26.	migraret, confestim
ibid. 20.	conspexerit	ibid. 28.	conspexeris
ibid. 22, 3.	arterias; nec nisi	ibid. 29.	arterias, nisi
40, 18, 19.	allatarum	107.	7, 8. allaturum
41.	4. me	ibid. 12.	eum
ibid. 6.	tuae	ibid. 14.	tibi

V A R I A N T E S L E C T I O N E S.

In Exercitatione altera ad J. Riolanum.

Editio CANTABRIGIENSIS.		Editio NOSTRA.	
Pag. Lin.		Pag. Lin.	
44. 2, 3.	Hi magno cum fastidio oppugnant, illi	109. 11.	illi magno cum fastidio oppugnant, hi
46. 1.	in casa furnaria	110. 7.	in casam furnariam
ibid. 10, 11.	stabilitam iri arbitrabar	ibid. 12, 13.	stabilitum iri arbitrarer
ibid. 19.	video	ibid. 18.	videam
46. 22, etc.	pulsam earum fieri a facilitate, per tunicas a corde transmissas,	ibid. 20, etc.	pulsam arteriarum fieri a facilitate per tunicas a corde transmissas,
48. 6.	pulsabit, quia sine	111. 4.	pulset, quia [est] sine
ibid. 11, 12.	projecti per fistularum impulsam,	ibid. 6.	projecti et per fistulam impulsam
49. 14.	reata	ibid. 21.	recte
50. 7.	fanguinem arteriam	ibid. 30.	fanguinem [in] arteriam
ibid. 12, 13.	subfultum	112. 1.	subfultu
51. 1.	manus	ibid. 6, 7.	manum
ibid. 15.	defiliret.	ibid. 14.	refiliret.
52. 9, 10.	ut folles poterat, neque	ibid. 24.	ut folles, neque
ibid. 13, 14.	fufcipere potuit.	ibid. 26.	fufceperat, potuerit.
ibid. 18.	ipfo	ibid. 29.	ipfi
53. 7.	confriatum,	113. 3.	confriatae;
ibid. 16.	interceptionem	ibid. 8.	impreffionem
ibid. 23.	confirmatam iri speraret,	ibid. 12, 13.	confirmatum iri speraverat,
54. 23.	intra	ibid. 26.	inter
55. 3, 4.	quia floridiorem	ibid. 28.	quia [in illis] floridiorem
56. 17.	quam	114. 17.	quem
57. 4.	reperiant.	ibid. 23.	reperiunt:
ibid. 9, 10.	causae et rationes quibus non appareat, iis inspectio imponit.	ibid. 26, 7.	causas et rationes, quibus ea sic apparent, ipsa inspectio prodit.
58. 4.	hirundines	115. 5.	hirudines,
ibid. 13.	opprimitur;	ibid. 10.	opprimatur,
ibid. 15, 16.	Ex aduerso si fanguis	ibid. 11.	Ex aduerso, fanguis
59. 11.	Sin si simul	ibid. 22.	Sin simul
60. 15, 16.	reperiantur,	116. 6.	reperiuntur;
61. 4.	has	ibid. 13.	hos
ibid. 9, 10.	alii igitur corporeos	ibid. 16, 17.	alii corporeos

156 V A R I A N T E S L E C T I O N E S.

In Exercitatione altera ad Riolanum.

Editio CANTABRIGIENSIS.

Editio NOSTRA.

Pag. Lin.		Pag. Lin.	
61.	20. insisterent;	116.	22. insistant;
62.	17,18. Per impetum facientibus	117.	1. Per impetum facientes,
ibid.	19. per	ibid.	2. pro
63.	18. lapideus aut mortuus	ibid.	13. lapidea aut mortua
64.	15. intelligendus.	ibid.	24. intelligendum.
ibid.	23. ventositas:	ibid.	29. ventositates.
65.	8. spiritus corporibus	118.	1. spiritus, [in] corporibus
ibid.	15. fequatur	ibid.	5. fequantur
66.	3, 4. remoti manent,	ibid.	11. remotos manere,
ibid.	22. adde quā	ibid.	22. aqua
67.	10. censendi	ibid.	28. censendos
ibid.	17. eventaretur	ibid.	31. eventilerur
68.	7. venosis, arteriosis.	119.	7. venosis [et] arteriosis.
70.	4, 5. negant.	ibid.	31. negent.
71.	10. repleat,	120.	15. replet
ibid.	19,20. postea pag. 85. in	ibid.	20. postea in
72.	7, 8. & non sensim guttatim,	ibid.	26. (non sensim et guttatim)
ibid.	10. dimittatur	ibid.	28. demittatur
ibid.	14. vespas,	ibid.	30. vespae,
73.	11. turbatur	121.	9. turbetur
ibid.	16,17. eadem apparent, quae non in naturali,	ibid.	11. non eadem apparent, quae in naturali
74.	2. turbatur	ibid.	16. turbetur
ibid.	5, 6. prorumpit	ibid.	18. prorumpat
ibid.	8. pellit. Verisimilior	ibid.	19,20. pelleret. Verisimilior
75.	15. simul cum	122.	4. simul de
ibid.	19. videntur.	ibid.	6, 7. videantur.
76.	7, 8. abbreviare	ibid.	13. abbreviari
77.	13,etc. vident; — putant; — putant.	ibid.	29,etc. videant; — putent; — putent;
ibid.	22. majorisque	123.	1. majorisve
78.	9, 10. transitus,—metuendus:	ibid.	8, 9. transirum,—metuendum;
ibid.	14. tempore, nonnunquam	ibid.	11. tempore, [quando] nonnunquam
80.	3. opponenda,	ibid.	30, 1. apponenda
ibid.	21. nec	124.	8. ut et
ibid.	23. convenientiis, convenit	ibid.	9, 10. convenientiis; [non] convenit
81.	21, 2. Intestina—inflata, et exiccata,	ibid.	20, 1. Intestinorum—inflatorum et exiccatorum

VARIANTES LECTIONES. 157

In Exercitatione altera ad J. Riolanum.

Editio CANTABRIGIENSIS.

Editio NOSTRA.

Pag. Lin.		Pag. Lin.	
83.	7. uti tympano,	125.	6. uti [in] tympan,
ibid.	9. percurrit :	ibid.	7. percurrat :
ibid.	10. qualem	ibid.	8. qualis
ibid.	23. in arteriis posse	ibid.	15. in arteriis [idem] posse
84.	8, 9. continuo	ibid.	20. continue
ibid.	15. quorum	ibid.	23. quem
ibid.	21, 2. difrumpat,—suffocat;	ibid.	27. difrumperet,—suffocaret;
85.	3, 4. duo aliquot experimenta,	ibid.	30. duo experimenta,
ibid.	20. Idem quod quotidie	126.	7. Idem quotidie
86.	16. pectori	ibid.	17. pectoris
ibid.	22. venae	ibid.	21. vena
87.	13. difruptam	ibid.	28. difruptum
88.	1. regurgitatus	127.	2. regurgitans
ibid.	14. degebat,	ibid.	10. degeret.
89.	9. effundebar,	ibid.	20. effunderet,
ibid.	18, 19. quo—patefacto,	ibid.	24, 5. qua—patefacta
90.	3, 4. contabuit et moritur.	ibid.	29. contabuerit et mortuus fuerit.
ibid.	9. subigens)	ibid.	32. subigit)
91.	2, 3. compensabant, et aequipol-	128.	9. compensarent et aequipolle-
	lebant.		rent.
93.	6. appareant	129.	3. apparent
ibid.	8, 9. et pastu liquidiore facto fan-	ibid.	4, 5. et de sanguine, a pastu, liqui-
	guine ab accessione alimen-		diores facto ab accessione ali-
	ti;		menti.
ibid.	10, 11. conspicuae magis, et liber,	ibid.	5, 6. conspicue magis et libere
95.	22. Quis vinum dulce,	130.	5. Quis vinum dulce [esse],
96.	5. (Sanguinis circuitum	ibid.	8. Sic de sanguinis circuitu;
ibid.	10. motum et fluxum, refluxum)	ibid.	11. motum, fluxum, et refluxum)
98.	1. profecto	131.	1. profecto
ibid.	3. de sensibilibus	ibid.	2. de insensibilibus
ibid.	9. lib. 31. de gen. An.	ibid.	(ad inum) De generatione animalium lib.
			iii. cap. 10.
ibid.	23. Critias	ibid.	13. Critia,
100.	19. ambo	132.	7. ambae
ibid.	21. Qui	ibid.	8. Quia
101.	1. norunt an	ibid.	10. norunt [homines]; an
ibid.	9, 10. suffocatur.	ibid.	14. suffocetur.
102.	12. sanguinem	ibid.	28. sanguine
103.	16. possunt,	133.	11. possint,

158 V A R I A N T E S L E C T I O N E S.

In Exercitatione altera ad J. Riolanum.

Editio CANTABRIGIENSIS.		Editio NOSTRA.	
Pag. Lin.		Pag. Lin.	
103.	19. reiteratur,	133.	12. reiteretur,
ibid.	23. iri,	ibid.	14. fore,
105.	19. confirmatam	134.	6. confirmatum
108.	17. proprius	135.	11. propius;
109.	4. fanguinis, magis	ibid. 17, 18.	fanguinis, [arteriamque] magis
110.	4. (quod emoriendis)	ibid.	30. quod [in] moribundis,
ibid. 15, 16.	commotis, non collapsis, et requietis:	136.	5. commotos, non collapsos et requietos:
111.	14. generationis	ibid. 16, 17.	generationisq̃ue
113.	9, 10. subintelligunt,	137.	7. subintelligant;
ibid. 18, 19.	dyastoles	ibid.	12. diaſtole
117.	5. properat,	138.	24. properet,
118.	9, 10. infantiuntur——perfundun- tur,	139.	7, 8. inferciantur——perfundan- tur,
119.	11. honorificum	ibid.	22. honorificam
121.	17. dissectis, ab autopsia	140.	18. dissectis autopsia
122.	8, 9. animalibus non fit aliquis im- pulsus necessarius,	ibid. 25, 6.	animalibus esse aliquem im- pulsum necessarium;
123.	21, 2. jecoris cymum, in	141.	14. jecoris simam [partem], in
124.	4. brachium	ibid.	17. brachio

E X E R C I T A T I O N E S
DE GENERATIONE ANIMALIVM:

QVIBVS ACCEDVNT QVAEDAM
DE PARTV; DE MEMBRANIS
AC HV MORIBVS VTERI;
ET DE CONCEPTIONE.

CLA-

CLARISSIMIS ORNATISSIMISQUE VIRIS,
PRAESIDI, ET SOCIIS COLLEGII MEDICORVM
LONDINENSIVM, GEORGIVS ENT S. P. D.

DVM, nuperis Saturnalibus, anxiae parumque tandem profuturae sollicitudinis pertaesus, nubeculam illam ab animo meo detergere satago; adeo magnum virum, collegiique nostri summum decus et ornamentum; Harveium dico, non procul, eo tempore, ab urbe commorantem: eumque naturae rerum perscrutandae intentum reperio, et vultu hilari alacrique animo, Democriti instar, cuncta investigantem. Tum ego protinus: Satin' salva omnia? Qui possint, ait, ubi turbarum plena respublica, egoque adhuc ipsemet in alto mari? et profecto (addidit) nisi studiorum solamen, rerumque olim a me observatarum recordatio animum mihi reficerent; nihil est, cur ultra superesse cupiam. Ita factum, ut vita haec umbratilis, et a curis publicis vacatio, quae aliis aegritudinem animi afferre solet, mihi medicinam attulerit. Ego excipiens; huiusce rei hanc causam reddidero, inquam; quod, dum alii plerique aliorum cerebro sapiunt, et a veteribus tradita (addito variae dictionis novaeque methodi mangonio) pro suis venditant; tu semper, de naturae arcanis, naturam ipsam consulere malueris. Habet autem hoc studium, ut minus fallaciae, ita et voluptatem plenior: ubi rem unam indaganti aliae saepe occurrunt, quas ne quaesieris quidem. Ipse enim (memini) aliquando mihi narrabas, nunquam te animalis cuiuspiam dissectionem instituisse (instituisi autem saepissime), quin aliquid in eo inexpectatum

tatum repereris, de quo tibi antea nulla cogitatio. Ita est, inquit; placuit mihi semper ipsorum animalium inspectio: indeque non modo levia naturae arcana, sed ipsius Creatoris summi imaginem quandam indipisci nos posse, sum arbitratus. Et ut multa olim a doctis viris reperta sint, crediderim tamen longe plura abscondi adhuc in impervestigabilis naturae obscura nocte: miratusque sum saepenumero, imo risi eos, qui ab Aristotele, Galeno, aut alio aliquo magno nomine, omnia consummata adeo atque absoluta crederent, ut ne hilum quidem superaddi possit. Natura equidem ipsa est arcanorum suorum fidelissima interpres: quae in uno genere, aut pressius, aut obscurius exhibet; ea clarius et patentius in alio explicuit. Nemo sane de partis alicujus usu five officio recte determinaverit, qui ejus, in pluribus animalibus, fabricam, situm, annexa vasa, aliaque accidentia non viderit, secumque diligenter pensitaverit. Prisci illi sapientiae consulti, unius fere Graeciae finibus, ut regionum, ita quoque animalium, plantarum, caeterarumque rerum cognitionem terminabant. Nobis vero patet jam totus orbis, et a peregrinantium sedulitate, non solum loca, habitus, moresque incolarum nobis innotuerunt; sed et quibus animalibus quaelibet regio gaudeat, quae mineralia, quas plantas producat, jampridem cognitum habemus. Nulla autem gens tam barbara est, quae non aut fortuito, aut inevitabili quadam necessitate coacta, aliquid in usum communem adinvenit, quod nationes alias humaniores latuit. Et putabimus, nihil prorsus commodi, ab his auxiliis, scientiarum latifundiis accedere; verum omnem plane sapientiam a primis statim seculis absorptam fuisse? ignaviae profecto haec nostrae, haud natu-

naturae culpa est. Accedit etiam aliud malum: quod multi saepe rerum inexperti, ex concepta pridem opinionis alicujus verisimilitudine, de ea postmodum, tanquam certo cognita, audacter pronunciant: unde fit, ut non ipsi solum hallucinentur, sed et alios quoque imprudentes in errorem deducant. Haec, et alia his similia, cum mira (ut solet) promptitudine effunderet; ego interpellans, quam sis ipsemet, inquam, immunis ab hac culpa, fatis intelligunt omnes qui tē norunt: atque hinc est, quod viri eruditi plurimi, quibus indefessum tuum in excolenda philosophia studium exploratum est, ulteriora tua experimenta avide expectent. Harveius subridens, ergone auctor sis, ait, ut e portus hujus (in quo dego) tranquillitate, me dem iterum in infidum mare? nosti, quantum turbarum pristinae meae lucubrationes concitaverint. Praestat sane interdum, domi privatim sapere; quam, quae multo cum labore comparaveris, ea protinus divulgando, tempestates ciere, quae tibi, in posterum, otium et quietem adimant. Imo vero, respondi, virtuti id praemium usitatum est, ut bene merenti male rependantur gratiae: venti autem, qui turbas istas dederunt, perinde ut Caecias, malum ipsemet sibi accersiverunt. Simul ostendit mihi exercitationes de generatione animalium, ingenti labore elimatas. atque ego illico, habeo, inquam, quod volebam: has enim nisi publici juris feceris, dicam te et nomini tuo deesse pariter, et aliorum utilitati invidere. nec erit, quod negotium tibi ulterius faceffat; quicquid enim est a prelo typographico molestiae, id ego omne in me suscipiam libens. Gravate ille primo; atque, inter alia, tractatum hunc, omissa insectorum generationis historia, mancum fore causabatur. Quid multa?

impetro tandem; et, concedo tibi, inquit, scripta haec mea vel continuo edendi, vel in posterum supprimendi liberam potestatem. Actis eam ob rem plurimis gratiis, valedixi; abique, ceu Jason alter, vellere aureo ditatus. Domum autem reversus, dum singula perlustro, mirabar equidem, tam ingentem thesaurum tamdiu absconditum latuisse: et, dum alii apinas, tricasque, et cramben bis (imo centies) coctam, magno cum fastidio exhibent; virum hunc eximias suas observationes tam parvi facere. Enimvero quotiescunque nova inventa depromit, haud multorum more se gerit; nempe, tanquam loquatur quercus, aut lactis gallinacei haustulum propterea mereatur: sed quasi fortuito, aut facili negotio in res illas incidisset; quas nihilominus data opera studioque indefatigabili rimatus est. Candoris etiam eximii hoc argumentum est, quod nullius auctoris nomen laceffat, sed suam ubique pacate proferat sententiam. Dicere enim solet, indicium esse causae non bonae, pro eadem rixose acriterque contendere: veritatem autem patrono non indigere. Cumque facile potuerit integrum hoc opus de suo texere; maluit tamen (evitandae invidiae ergo) Aristotelis et Aquapendentis ductum sequi, tanquam ipsemet duntaxat subtegmen adderet. De eo haud dicam amplius (ne omni mea laude superiorem in os laudare videar): vobis praesertim, quibus virtus, candor, et ingenium illius optime perspecta sunt. De me ipso autem hoc solum addam: me in hoc negotio obstetricis duntaxat munus obiisse. Nempe foetum hunc, quem admodum videtis, consummatum ac perfectum, aegre vero prodeuntem foras, et forte auram aliquam maleficam metuentem, in lucem eduxi. Habui scilicet preli curam: et cum

auctor

DEDICATIO.

165

auctor noster ita pingere soleat (idque viris doctis apud nos solenne dicitur) ut vix quisquam, nisi assuetus, facile legendo fit; sedulo operam dedi, ut ne hanc ob causam multum a typographo peccaretur: quod in libello ejus non ita pridem edito, minus cautum fuisse video. Habetis itaque, viri doctissimi, scriptionis hujus causam: nempe, ut sciatis, Harveium nostrum reipublicae literariae commodo, vestrae omnium dignitatis, et honori suo litasse. Valete, καὶ εὐτυχεῖτε.

PRAE-

P R A E F A T I O.

QVOD multi a me petierunt, aliqui etiam efflagitarunt; non ingratum fore spero, lector candide, si, quae de generatione animalium ex dissectionibus anatomicis observare licuit (aliter enim multo, quam ab auctoribus, five philosophis five medicis, tradita est, rem omnem deprehendi), exercitationibus hisce, in veritatis studiosorum gratiam et utilitatem, exposuero.

Medici omnes, Galenum sequuti, ex maris et foeminae feminibus in coitu mistis, secundum hujus vel illius praedominium, foetum huic vel illi similem; marem item vel foeminam procreari docent. Et aliquando maris semen efficientem causam esse, foeminae autem materiae vicem supplere; nonnunquam contrarium profitentur.

Aristoteles autem (naturae diligentissimus investigator) affirmat principia generationis esse marem et foeminam; hanc, materiam; illum, formam tribuere: et a coitu protinus ex menstruo sanguine in utero efformari principium vitale, primamque futuri foetus particulam (cor nempe in sanguineis) afferit.

Verum haec falsa et temere dicta esse facile constabit, et veluti tenebrarum phantasmata (adhibita luce anatomica) subito evanescent: nec redargutionem operosam requirent, ubi per autopsiam contraria, eaque rationi consentanea, ipsemet, lector, propriis oculis certior factus, deprehenderis; simulque intellexeris, quam sit intuitum, imo vero turpe, citra rerum ipsarum examen, ex aliorum commentariis institui; praesertim, cum tam apertus facilisque naturae liber sit.

Quae igitur, in his meis exercitationibus, de animalium generatione traditurus sum, ea publici juris esse volui; non modo

ut

ut certam inde perspicuamque veritatem posterius discernant; sed etiam, et quidem praecipue, ut (exposita, qua ego usus fuerim, indagandi methodo) novam studiosis, et (nisi me fallit animus) certiore semitam ad scientias adipiscendas proponerem.

Quamvis enim iter novum et arduum sit, naturam scrutando, potius ex rebus ipsis, quam libros evolvendo ex philosophorum placitis erudiri; illud tamen ad naturalis philosophiae arcana apertius, minusque in fraudem ducens agnoscendum est.

Nec est, cur jure quempiam labor deterreat; si modo secum animo reputaverit, hoc ipsum, quod vivimus, ab indefatigabili cordis nostri agitatione proficisci. Neque profecto tam desertum et solitarium hoc iter foret, nisi more, aut vitio potius, seculi in quo degimus, plurimi ad ignaviam proclives, mallent cum turba errare, quam cum laboris aerisque impendio privatim sapere: cum tamen veteres philosophi (quorum nos etiam laudamus industriam) contrarium prorsus iter instituerint; atque indefessis laboribus varia rerum experimenta inquirentes, haud dubiam lucem studiis nostris praetulerint. Adeo ut, quicquid fere haecenus in philosophia eximii compertique habemus, id ipsum ad nos ab antiquae Graeciae sedulitate profluxerit. Eorum tamen inventis dum acquiescimus, credimusque (quae nostra est focordia) nihil ulterius reperiri posse; vivida ingenii acies languescit, et lampada, quam nobis tradiderunt, extinguimus. Non omnem certe veritatem a veteribus occupatam esse, quilibet fatebitur; nisi qui multa nuper in anatomicis (ut alias nunc artes taceam) scitu digna inventa esse ignoraverit. Idque ab iis potissimum factum est, qui vel sedulo in rem aliquam intenti, in aliam fortuito inciderunt; vel (quod magis laudabile) propriis oculis naturae ductum sequuti, per anfractuosa quidem, sed certissima vestigia, ad veritatis tandem apicem pertigerunt.

In tali profecto opere, non fatigari solum, sed etiam fatiscere suave est; ubi indagandi fastidium ipsa intuendi voluptate abunde compensatur. Solemus, rerum novarum cupidi, procul in ignotas terras excurrere, ut audita ab aliis ipsimet propriis oculis intueamur: ubi tamen plerumque

—*minuit praesentia famam.*

Pudeat itaque, in hoc naturae campo tam spaciofo tam admirabili, promissisque majora semper perfolvente, aliorum scriptis credere; incerta inde problemata cudere; et spinosas captiofasque disputatiunculasnectere. Natura ipsa adeunda est; et semita, quam nobis monstrat, insistendum: ita enim dum oculos nostros consulimus, et a minimis exorfi ad majora promovemus pedem, ad intima tandem ipsius arcana penetrabimus.

De modo et ordine acquirendae cognitionis.

QVAMVIS ad scientiam quamlibet via unica pateat, qua nempe a notioribus ad minus nota, et a manifestis ad obscuriorum notitiam progredimur; atque universalia nobis praecipue nota sint (ab universalibus enim ad particularia ratiocinando oritur scientia); ipsa tamen universalium in intellectu comprehensio a singularium in sensibus nostris perceptione exfurgit. Vt verissimum sit utrumque Aristotelis pronunciatum^a; tum illud in phycis: *Naturaliter constituta est via ab iis quae sunt nobis notiora et clariora, ad ea quae sunt clariora et notiora natura. Non enim eadem sunt et nobis nota, et simpliciter: quare necesse est hoc modo progredi; nimirum, ex iis quae natura quidem sunt obscuriora, nobis tamen sunt clariora, ad ea quae sunt notiora et clariora natura. Ea vero sunt nobis primum perspicua et manifesta, quae sunt magis confusa. Idcirco ab universalibus ad singularia progredi oportet: totum enim secundum sensum notius est; universale autem est totum quiddam.*

^a lib. i. cap. 2. 3.

Tum etiam illud in analyticis^a: *Singularia nobis notiora, et secundum sensum priora existunt: siquidem nihil est in intellectu, quod non prius fuerit in sensu. Et licet ratiocinatio naturaliter prior et notior sit, quae per syllogismum instituitur; nobis tamen illa perspectior est, quae fit per inductionem: ideoque facilius definimus singularia, quam universalia; latet enim magis aequivocatio in universalibus; quapropter a singularibus ad universalia transeundum est.*

Conveniunt illa, quae jam diximus; licet primo intuitu inter se pugnare videantur: quoniam universalia primo per sensum a singularibus hauriuntur; et eatenus duntaxat nobis notiora sunt, quatenus universale est totum et indistinctum quid; totumque nobis notius est secundum sensum. Licet enim in omni cognitione a sensu ordiamur, quia (ut ibidem Philosophus) sensibilia singularia sensui notiora sunt; ipsa tamen sensatio est universalis. Nam (si bene animum adverteris) etsi in sensorio externo, dum sentimus, inest singulare; puta, color citrinus in oculo: quod inde tamen abstractum a sensorio interno iudicatur et intelligitur, universale est. Vnde fit, ut plures eodem tempore, ab eodem objecto, varias species abstrahant, et notiones diversas concipiant. Quemadmodum in pictoribus et poetis videre est: qui, licet eodem tempore et loco caeterisque omnibus circumstantiis convenientibus, unum aliquod idemque objectum intuiti fuerint; id ipsum tamen singuli diversimode referunt et describunt, prout nempe quisque species differentes in phantasia efformaverit. Ita pictor quilibet, alicujus vultum delineaturus, etiam si millies id agat, varias semper depingit facies; easque non modo discrepantes a se invicem, sed etiam a primo exemplari: tam exiguo tamen discrimine, ut, si singulas seorsum intuearis, easdem putes; collatae vero, plurimum discrepent. Hujus autem rei haec causa est: Quod in ipsa visione, sive actu vi-

^a Post. 2.

dendi, singulare clarum et distinctum erat; id ipsum mox, remoto visibili, clausis nimirum oculis, in phantasia abstractum, vel in memoria reservatum, obscurum et indistinctum apparet; neque amplius ut singulare, sed ut commune quiddam et universale apprehenditur.

Subtilitatem hanc Seneca, ad mentem Platonis, verbis discretissimis explicuit. *Idea*, inquit^a, *est eorum, quae natura sunt, exemplar aeternum. Adjiciam definitioni interpretationem, quo tibi res apertior fiat. Volo imaginem tuam facere: exemplar picturae te habeo, ex quo capit aliquem habitum mens, quem operi suo imponat. Ita illa quae me docet et instruit facies, a qua petitur imitatio, idea est.* Paucisque interpositis ait: *Paulo ante pictoris imagine utebar: ille, cum reddere Virgilium coloribus vellet, ipsum intuebatur; idea erat Virgilii facies, futuri operis exemplar: ex hac quod artifex trahit, et operi suo imposuit, idos est.* Quid intersit, quaeris? *alterum exemplar est, alterum forma ab exemplari sumpta, et operi imposita: alteram artifex imitatur, alteram facit. Habet aliquam faciem statua; haec est idos: habet aliquam faciem exemplar ipsum, quod intuens opifex statuam figuravit; haec idea est. Etiamnum aliam desideras distinctionem? idos in opere est; idea extra opus: nec tantum extra opus est, sed ante opus. Quae enim prius animadversa sunt, atque usu sive consuetudine firmiter impressa manent in animo artificis, ea artem ipsam habitumque effectivum constituunt: siquidem ars est ratio operis in animo artificis. Quo pacto igitur ars nobis advenit, eodem omnino cognitio omnis et scientia acquiritur: nam ut ars circa facienda, ita scientia circa cognoscenda, est habitus: ut illa ab imitatione exemplarium; ita haec a rerum naturalium cognitione procedit. Vtriusque origo est sensus et experientia; cum fieri nequeat, ut alterutri (nisi spectatis exemplaribus) recte insit vel ars vel*

^a *Epist.* 58.

scientia. In utrisque differt id, quod in rebus sensibilibus speculamur, a spectro ipso, quod in phantasia vel memoria retinetur. Illud, exemplar, idea, forma informans; hoc, imitamentum, idos, species abstracta. Illud, res naturalis, ens reale; hoc, repraesentatio sive similitudo, et ens rationis. Illud, circa rem singularem versatur, ipsumque est singulare et individuum: hoc, universale quid et commune. Illud, in omni artifice et sciente, est sensibile clarius et perfectius: hoc, intelligibile et obscurius. Quippe certiora nobis et manifestiora, quae a sensu percipiuntur, quam quae ab intellectu; siquidem haec ab iis proveniunt et illustrantur. Denique, sensibilia sunt per se, et priora: intelligibilia autem, posteriora, et ab illis orta; cum nobis ne inesse quidem possint citra illorum opem.

Quare, absque recto sensus adminiculo, crebris observationibus certaue experientia adhibito; de phantasmatis et apparentiis mente nostra comprehensis perperam judicabimus. In omni nempe disciplina diligens observatio requiritur; et sensus ipse saepe consulendus est. Propria, inquam, experientia nitendum est, non aliena; qua sine, nemo idoneus ullius naturalis disciplinae auditor, aut de iis, quae de generatione dicturus sum, aequus iudex fuerit: siquidem ista, citra experientiam et anatomicam peritiam, haud melius intellexerit, quam caecus natus de colorum natura et discrimine, aut surdus de sonis judicaverit. Quapropter, cordate lector, nolo mihi, de generatione animalium scribenti, quicquam credas: ipsos oculos tuos mihi testes et iudices appello. Quoniam enim scientia omnis perfecta iis principiis innititur, quae ex sensu compertis originem ducunt; singulari cura enitendum, ut per frequentes animalium dissectiones eadem perspecta et explorata habeas. Secus si feceris, opinionem quidem tumidam et fluctuantem acquires; solidam autem certamque scientiam non assequeris. Quemadmodum iis usu venit, qui, in sculptis pictisque tabulis,

longin-

longinquas terras atque urbes, vel corporis humani partes interiores, sub falsa imagine intuentur. Atque hinc factum, ut, luxuriante hoc aevo, plurimi sint scriptores et sophistae; pauci admodum sapientes et philosophi.

Atque haec, velut in promissidem, praelibare placuit; ut intelligas, quibus auxiliis fretus, et quo consilio ductus, observationes has meas et experimenta publici juris fecerim: utque ipsemet, iisdem vestigiis insistens, non modo inter Aristotelem et Galenum aequum iudicium feras; sed, relictis argutiis et verisimilibus conjecturis, ipsamque autopsiam amplectendo, plurima adhuc aliis incognita, et quidem praestantiora, reperias.

De iisdem, ad mentem Aristotelis.

NVLLA cognitio nobis innata est, ex sententia Aristotelis. Neque enim opinio, nec ars, nec intellectus, nec loquela, nec ratio ipsa, a natura et ortu primo nobis insunt: sed omnia haec in eorum censu habenda, quae extrinsecus nobis secundum naturam adveniunt: Vt etiam qualitates et habitus illi, qui spontanei existimantur et in potestate nostra siti sunt; ut virtutes et vitia, ob quae homines vel laudantur vel vituperantur et puniuntur. Acquirenda igitur est cujuslibet rei notitia. Quanam vero sint prima hujus cognitionis principia, non est hujus loci determinare.

Vnde autem, et quomodo, ipsa notitia nobis adveniat, hic praemittere non inutile fore arbitror; tum ad perfectiorem de generatione animalium intelligentiam, tum etiam ad tollendum dubium, quod ex Aristotelis sententia quis deduxerit*. Hic enim doctrinam omnem, et disciplinam dianoëticam, ex antecedente cognitione fieri asserit: Vnde videatur sequi, aut nullam esse notitiam primam, aut illam nobiscum nasci; quod praedictis est dissensaneum.

* *Analyt. post. lib. i. cap. i.*

Dubium hoc postea ab ipsomet Aristotele solvitur; ubi modum, quomodo cognitio acquiratur, docet^a. Nam postquam cognitionem omnem certam, per syllogismum, et demonstrationem haberi docuerat; atque omnem syllogismum demonstrativum, ex primis principiis veris et necessariis constare, manifestum fecerat; tandem, *quomodo principia nota fiant, et quis sit notificans habitus*, inquit; simul etiam, *utrum habitus, cum non insint, ingenerentur; an, cum inessent, laterent?* Non habemus, inquit, eos habitus; accidit enim ut eos, qui habent cognitiones exquisitiores demonstratione, lateant. Si vero eos accipimus, cum antea non haberemus, quomodo notum faceremus et disceremus ex non antecedente cognitione? Perspicuum igitur est, neque haberi, nec in ignorantibus ac nullo habitu praeditis gigni posse. Quare necesse est, facultatem quandam haberi, non tamen talem, quae his praestantior sit, tanquam exquisitior. Videtur autem hoc inesse omnibus animalibus: habent enim vim congenitam judicativam, quam appellant sensum. Cum autem sensus insit; in aliis animalibus res sensu percepta manet, in aliis non manet. In quibus igitur non manet; haec aut omnino, aut eorum quae non manent, cognitionem non habent, extra τὸ sentire: alia vero cum sentiunt, unum quid in anima retinent. Cum autem multa animalia hujusmodi sint, jam est discrimen quoddam; adeo ut in aliis ratio fiat ex hujusmodi rerum memoria; in aliis non fiat. Ex sensu igitur fit memoria, quemadmodum dicimus: ex memoria vero saepe ejusdem rei facta fit experientia (multae enim numero memoriae, sunt una experientia). At vero ex experientia, sive ex omni et universali quiescente in anima (nimirum, uno praeter multa, quod in omnibus illis inest unum et idem) fit principium artis, et scientiae: artis, si pertineat ad generationem (viz. agenda, vel efficienda); scientiae, si pertineat ad id quod est (viz. cognitionem entis). Itaque, nec in-

^a 16. lib. ii. cap. ult.

sunt definiti habitus; nec fiunt ex aliis habitibus notioribus, sed ex sensu.

Quibus Aristotelis verbis clare constat; quo ordine cujuslibet artis aut scientiae cognitio acquiratur: Nempe, ex sensu permanet sensatum; ex permanentia sensati fit memoria; ex multiplici memoria, experientia; ab experientia, ratio universalis, definitiones, et maxima sive axiomata communia, cognitionis certissima principia: exempli gratia, Idem, eidem, secundum idem, esse, et non esse, impossibile: Omnis affirmatio vel negatio aut vera est, aut falsa: et hujusmodi alia.

Quare, ut supra diximus, nulla perfecta cognitio, quae nostra appellanda sit, nobis inest; nisi ab experientia a nobis facta, et sensu nostro, aliquo modo proficiatur; vel saltem ab his examinetur, comprobetur, et super cognitionem aliquam in nobis praeexistentem firmissime exstructa appareat. Quippe sine memoria nulla fit experientia; quae nihil aliud est, quam multiplicata memoria: similiter, memoria esse nequit, sine permutatione sensati: et sensatum permanere non potest, in quo nunquam fuerit.

Elegantissime iterum, ad eundem sensum, summus philosophiae dictator^a: *Omnes homines natura scire desiderant. Signum autem est, sensuum dilectio: inter quos, prae caeteris, visum eligimus; quia hic vel maxime nos cognoscere quicquam facit, multasque differentias manifestat. Natura itaque animalia sensum habentia sunt: a sensu vero quibusdam eorum non innascitur memoria, quibusdam autem innascitur. Et ob hoc, alia prudentia, alia disciplinarum capaciora sunt, quam illa quae memorare non possunt. Prudentia quidem, absque eo quod discant; quaecunque scilicet audire sonos non possunt, ut apes, et si quod animalium genus simile est. Discunt autem quaecunque una cum memoria hunc quoque sensum habent. Caetera igitur*

^a *Metaph. lib. i. cap. 1.*

phantasis ac memoriis vivunt; experientia vero parum participant: humanum autem genus arte etiam ac ratiocinationibus. Fit autem, ex memoria, experientia hominibus: multae etenim eiusdem rei memoriae unius experientiae vim efficiunt. Quare experientia pene simile quid scientiae ac arti esse videtur^a. Per experientiam autem ars et scientia hominibus efficitur. Experientia enim (ut recte ait Polus) artem efficit, imperitia vero casum.

Quibus manifeste docet, non posse quempiam prudentem aut scientem vere dici, qui non propria experientia (ex multiplici memoria, frequenti sensatione, atque observatione diligenter acquisita) rem ita prorsus sese habere intellexerit. Sine illa enim, opinamur duntaxat aut credimus: scientia autem talis, aliorum potius, quam nostra censenda est. Quare inepta prorsus et erronea est usitata hodie veritatis indagandae methodus: dum plurimi sedulo inquirunt, non quid res sint, sed quid ab aliis dicantur; deductaque ex singularibus praemissis universali conclusione, factoque inde saepe perperam analogismo, verisimilia plerumque ad nos, pro veris, transmittunt. Hinc factum, ut scioli multi et sophistae, aliorum inventa expilantes, eadem passim (ordine solummodo, verbisque immutatis, paucisque nullius momenti adiectis) pro suis audacter venditent; philosophiamque, quam certam et perspicuam esse oportuit, obscuram intricatam et confusam reddant. Qui enim auctorum verba legentes, rerum ipsarum imagines, eorum verbis comprehensas, sensibus propriis non abstrahunt, hi non veras ideas, sed falsa idola et phantasmata inania mente concipiunt; unde umbras quasdam et chimaeras sibi fingunt; totaque ipsorum theoria siue contemplatio, quam tamen scientiam arbitrantur, vigilantium insomnia, aut aegrotantis animi deliria repraesentat.

Insufurro itaque in aurem tibi, amice lector, ut, quaecunque a nobis in hisce de generatione animalium exercitationibus

^a Apud Plat. in Gorgia.

tractabuntur, ad exactam experientiae trutinam pensites; fidemque iis non aliter adhibeas, nisi quatenus eadem indubitato sensuum testimonio firmissime stabiliri deprehenderis. Idem quoque suavit Aristoteles; qui, cum de apibus pluscula egisset, tandem ait^a: *Generatio apum ita se habere videtur, tum ratione, tum etiam iis quae in earum genere evenire visuntur. Non tamen satis adhuc explorata, quae eveniant, habemus. Quod si quando satis cognita habebuntur, tunc sensui magis erit quam rationi credendum. Rationi etiam fides adhibenda est; si, quae demonstrantur, cum iis rebus conveniunt, quae sensu percipiuntur.*

De methodo in cognitione generationis adhibenda.

QVONIAM igitur in generatione animalium (ut etiam in caeteris rebus omnibus, de quibus aliquid scire cupimus) inquisitio omnis a causis petenda est, praesertim a materiali, et efficiente; visum est mihi, ad animalia perfecta retrospectiendo (quibus nempe gradibus orta et adulta fuerint), tanquam a meta ad carceres, vestigia recolligere: ut tandem, cum ulterius non detur regressus, nos ad ipsa principia pervenisse constet: simulque appareat, ex qua materia prima, a quo efficiente principali, et quomodo ex iisdem procedat vis plastica: tum etiam, quos processus in hoc opere natura faciat. Materia enim prior et remotior, auferendo vel negando (tanquam vestitu exuta), magis inclarescit; et quicquid in generatione prius fit, id quasi materiale principium quoddam est posterioris. Ita, exempli gratia, antequam homo vir evaderet, erat puer (quippe ex puero in virum crevit); antequam puer esset, fuit infans; antequam infans, embryo. Quaerendum autem porro, quidnam in utero materno fuerit, antequam embryo sive foetus esset; num tres bulae? sive rudis indigestaque moles? feminumve permistorum

^a De gen. anim. lib. iii. cap. 10.

conceptus vel coagulum? five aliud quidpiam? prout ab auctoribus statutum est.

Similiter, antequam gallus vel gallina perficitur (perfectum autem animal dicitur, quod sui simile generare potest), pullus erat; ante quem pariter, in ovo, embryo five foetus cernitur: atque ante hunc, Hieronymus Fabricius ab Aquapendente capitis, oculorum, et spinæ rudimenta observavit. Sed cum asserit ossa prius facta esse, quam musculos, cor, jecur, pulmones, omniaque praecordia; et interiora omnia prius exterioribus debere existere contendit; rationibus potius nititur probabilibus, quam autopsia; et, posthabito per dissectiones sensuum iudicio, ad ratiunculas e mechanicis petitas confugit: quod anatomicum egregium minime decuit. Hujus enim erat oculorum bona fide enarrare, quid in ovo quotidie mutatum deprehenderit, antequam foetus in eodem perficeretur. Praefertim cum ipsemet ex professione de generatione pulli ex ovo historiam scripserit; et, quid singulis diebus ageretur, picturis adumbraverit. Erat, inquam, tantae diligentiae consentaneum, quid in ovo prius, simul, aut posterius fieret, ipso sensuum testimonio nos certiores facere: non autem, ad exemplum domus aut navis, de ordine partium et formationis modo opinionem five conjecturam umbratilem proponere.

Nos igitur (secundum methodum a nobis propositam) primum in ovo, deinde in aliis quoque diversorum animalium conceptibus, quid prius, et quid posterius a summo naturae numine, cum providentia et intellectu inimitabili ordineque admirabili constituatur, exponemus; simulque tandem, de materia prima ex qua, et efficiente primo a quo, deque generationis ordine et oeconomia, quae observata a nobis fuerint, enarrabimus: ut inde, de quacunque formatricis et vegetantis animae facultate, ex operibus ipsius; de animae natura, ex membris five organis eorumque functionibus, aliquid certi intelligamus.

Non

Non potuit quidem hoc fieri in omnibus animalibus ; tum, quod aliquorum copia non suppeteret ; tum etiam, quod quorundam subtilitas visus nostri aciem effugeret. Sufficiet igitur, quod in quibusdam generibus, nobis notioribus, id praestiterimus ; ad quorum normam reliquorum etiam animalium primordia reducantur.

Ea itaque elegimus, quae fidem nobis in experiendo magis indubitata redderent ; animalia nempe majora, perfectiora, et quae in potestate nostra sita essent. In majoribus enim, magis conspicua ; in perfectioribus, distincta magis ; et in iis, quae in potestate nostra sunt, et nobiscum versantur, maxime obvia sunt omnia : ut fas sit (quoties libuerit) eadem introspicendo, observationes nostras ab incertis haesitationibus expedire. Atque hujusmodi sunt, in oviparorum quidem genere, gallina, anser, columba, anas, pisces, crustata, testacea, mollia, ranae, serpentes ; insecta, ut apes, vespa, papilio, bombyx : in viviparorum autem censu, oves, caprae, canes, feles, jumenta bifida ; et, prae caeteris, animalium omnium perfectissimus homo ipse.

His perspectis et cognitis, naturam animae vegetativae abstrusam contemplari ; et in omnibus animalibus, generationis modum, ordinem, atque causas intelligere licebit : quia caetera animalia omnia, cum jam dictis, aut eorum nonnullis, in eadem specie aut genere conveniunt ; et eodem generationis modo procreantur, vel saltem ad illa per analogiam referri possunt. Natura enim divina et perfecta in iisdem rebus semper sibi consona est. Et sicut opera ejus vel conveniunt vel discrepant (nempe aut genere, aut specie, aut proportionem aliqua), ita et operatio ejusdem (generatio scilicet sive fabricatio) in iis, vel eadem, vel diversa est. Qui novum hoc atque inusitatum iter ingreditur, et ex ingenti naturae volumine, per dissectiones anatomicas ac experimenta, veritatem inquirat ; ei tanta obser-

vatorum copia, tamque peregrina facie sese offert; ut a se inventa et observata explicare aliis ac describere difficilius possit, quam ipsimet eadem invenire laboriosum fuerat: adeo multa occurrunt, quae nomina desiderant; tantaque est rerum foecunditas, et verborum egestas. Quod si per metaphoras ea explicare, et antiquis atque usitatis vocabulis conceptus suos de nuper repertis exprimeret; ea lector haud melius, quam aenigmata, intelligeret; remque ipsam, haud visam, neutiquam assequeretur. Novis autem fictisque appellationibus usus, sententiae suae non tam faciem adhibere, quam nubem offundere videretur. Scilicet ignotum per ignotius exponeret: maioremque operam lector verborum interpretationi, quam rerum ipsarum intellectui impenderet. Ideoque rerum inexpertis Aristoteles multis in locis obscurus creditur: et, fortassis ob hanc causam, Fabricius ab Aquapendente fabricam pulli in ovo picturis potius ostendere, quam verbis explicare maluit.

Quare, lector benevole, ne aegre feras, si in exornanda ovi historia, et generationis pulli descriptione, nova methodo et verbis aliquando insolitis usus fuerim: neve existimes, me vanae gloriolae studio potius innotescere, quam veris et ex rerum natura depromptis observationibus prodesse, maluisse. Id ne fieret, aliorum, qui in hoc negotio mihi facem praetulerunt, infisto vestigiis; eorumque (quoad licuit) utor verbis. Prae caeteris autem Aristotelem ex antiquis; ex recentioribus vero Hieronymum Fabricium ab Aquapendente sequor; illum, tanquam ducem; hunc, ut praemonstratorem. Quemadmodum enim, qui novas terras et peregrina litora primi reperiunt, nova illis nomina imponunt, quae apud posteros manere solent; ita quoque inventoribus rerum primisque scriptoribus, rebus ab iis repertis impositio nominum bono jure debetur: audioque hic Galenum monentem, *modo de rebus constat, de verbis non esse litigandum.*

DE GENERATIONE ANIMALIVM.

EXERCITATIO PRIMA.

Ab ovo gallinaceo cur ducatur exordium.

HIERONYMVS Fabricius ab Aquapendente (quem mihi, ut dixi, praemonstratorem constitui) initio libri fui de formatione ovi et pulli, haec habet: *Intentio nostra est de omni formatione foetus agere; initio ab ea, quae ab ovo procedit, desumpto. Haec enim omnem aliam tractationem praecedere debet: tum quia ex hac Aristotelis opinionis intelligentia non difficulter elicitur et habetur; tum quia tractatio formationis foetus ex ovo amplissima est; et altera longe latior et difficilior.*

Nos autem ab ovi historia exordiendum duximus, tum ob praedictas causas; tum etiam, quia inde certiora dogmata mutuamur, quae (utpote notiora nobis) quorumlibet animalium generationis contemplationi lucem afferant. Ova enim, cum parvo content, omnique tempore et loco in promptu sint, facile ex iis observatu est, quatenam sint clara et distincta generationis primordia, quos in formatione progressus natura faciat, et quam admirabili providentia omnia in hoc opere gubernet.

Pergit Fabricius: *Amplissimam autem esse formationis foetus ex ovis contemplationem ex eo patet, quod maxima animalium pars ex ovis gignitur. Nam, ut insecta ferme omnia et imperfectiora mittam animalia, quae ex ovo fieri sensui apparet, ex perfectioribus quoque maxima pars ex ovis gignitur. Ad hunc censum refert pennata omnia; pisces quoque (praeter sola cetacea) omnes; item crustacea, testacea, et mollia omnia; ex terrestribus, reptilia, multipedia, et serpentina omnia; atque, inter quadrupedia, omne lacertorum genus.*

182 DE GENERATIONE ANIMALIVM.

Nos autem asserimus (ut ex dicendis constabit) omnia omnino animalia, etiam vivipara, atque hominem adeo ipsum, ex ovo progigni; primosque eorum conceptus, e quibus foetus fiunt, ova quaedam esse; ut et femina plantarum omnium. Ideoque non inepte ab Empedocle dicitur^a, *oviparum genus arborum*. Habet itaque historia ovi fusiorem contemplationem, quod ex ea generationis cujuslibet modus elucescat.

Quare de eo primum dicemus, ubi, unde, et quomodo oriatur. Deinde, quo pacto, et ordine, quibusque gradibus, foetus sive pullus, in ovo et ex illo, formetur et perficiatur, discipiemus.

Iterum Fabricius: *Animalium foetus, alius ex ovo, alius ex semine, alius ex putri gignitur; unde alia ovipara, alia vivipara, alia ex putri seu sponte naturae nascentia ἀνέκωτα Graece dicuntur*.

Mihi vero haec divisio minus placet; cum omnia animalia dici possint quodam modo ex ovo, et quodam modo ex femine oriri; et a partu potius, quam a prima origine, ovipara, vivipara sive vermipara dicantur; quoniam vel ovum, vel vermem, vel vivum animal pariunt. Item sponte nascentia dicuntur; non quod ex putredine oriunda sint; sed quod casu, naturae sponte, et aequivoca, ut aiunt, generatione, a parentibus sui dissimilibus proveniant. Quippe alia etiam animalia, ovum, aut vermem, tanquam conceptum suum et semen, pariunt; ex quo postea, foris exposito, foetum producant: unde ovipara, aut vermipara appellantur. Vivipara autem dicuntur quia conceptum sive semen tamdiu intra se retinent et foveant, donec foetus inde vivus et formatus in lucem prodeat.

^a Arist. de gen. anim. lib. i. cap. 20.

EXERCITATIO SECVNDA.

De generationis loco.

NATVRA (inquit Fabricius) *inprimis de loco fuit sollicita; quem aut in animali, aut extra animal constituit: atque in animali, uterum esse voluit; extra vero, ovum: in utero quidem, ex semine et sanguine; in ovo vero, ex iis, quae in ipso consistunt, foetus generationem molita est.*

Quaecunque enim ex femine vere dicto procreantur, ea vel in eodem loco et oriuntur et perficiuntur; vel in diversis. Vivipara omnia, in ipso utero incunabula sua habent et complementum: Ovipara autem, ut intra parentem prima ducunt exordia, et ovum fiunt; ita, extra eam, in foetum perficiuntur. Et in horum numero, alia ovum eousque intra se servant, donec maturum et perfectum fuerit; ut genus pennatorum, et quadrupedum oviparorum, ac serpentum. Alia vero semen adhuc imperfectum et immaturum excludunt; incrementum et perfectionem, sive maturitatem, foris acquisiturum: ut plurima genera piscium, ranae, item mollia, crustata, testacea, et cochleae: quorum ova, primum exposita, sunt veluti origines duntaxat, inceptions, et vitelli; qui postea albumina sibi ipsis circumcirca induunt, tandemque alimentum sibi attrahentes, concoquentes, et apponentes, in perfectum semen atque ovum evadunt. Talia quoque sunt insectorum semina (vermes ab Aristotele dicta) quae initio imperfecte edita sibi victum quaerunt, indeque nutriuntur et augentur, de eruca in aureliam; de ovo imperfecto in perfectum ovum et semen. Gallina autem et reliqua omnia ovipara perfectum ovum excludunt; unde extra uterum foetum generant. Ideoque Aquapendens duo generationis loca constituit; unum internum, nempe uterum; alterum externum, quem ovum dicit. Sed meliore jure (mea quidem senten-

184 DE GENERATIONE ANIMALIVM.

sententia) nidum, five repositorium, externum locum appellasset: in quo scilicet exclusum semen fovetur, maturatur, et in foetum perficitur. Ab hujus enim loci differentia, oviparorum generatio potissimum discriminatur. Et profecto res admiratione digna est, animalcula illa locum hunc tanta providentia eligere; eundemque arte et ingenio haud imitabili fingere, fabricare, munire, et abscondere; adeo ut inesse iis divinae auras particulam (quod poeta de apibus asseruit) confiteri necesse sit; et indoctam eorum artem atque sapientiam mirari nobis potius, quam assequi concedatur.

EXERCITATIO TERTIA.

De uteri gallinae parte superiore, five ovario.

VTERVS gallinae a Fabricio dividitur in superiorem et, inferiorem: superiorem, ovarium nominat.

Locus ovarii positus est statim infra jecur ad spinam, supra arteriam magnam descendentem. Quo enim loco, in majoribus animalibus sanguineis, arteria coeliaca mesenterium ingreditur, ad exortum nempe venarum emulgentium, vel paulo inferius; et quo loco, caeteris animalibus sanguineis et viviparis, vasorum praeparantium, ad testiculos tendentium, exortus est; et ubi gallus suos testiculos gerit, ibi etiam gallinae ovarium reperitur. Quaedam enim animalia testiculos foris, alia intus ad lumbos gerunt; media quasi ab origine praeparantium intercapedine. Gallus vero ad ipsum eorundem exortum suos habet: quasi ipsius genitura praeparatione nulla indigeret.

Aristoteles dicit^a, ad septum transversum ovum inchoari. Nos autem, inquit Fabricius, *in respirationis tractatu, negavimus pennata septum obtinere. Solvitur dubium, pennata septo prorsus non destitui; quia membranam habent tenuem loco septi*

^a Hist. an. lib. vi. cap. 2.

positam

positam, quam Aristoteles cinctum et septum appellavit: sed non habent septum, quod musculus sit, et ad respirationem conferat; ut alia animalia. Aristoteles autem musculum non agnovit.

Ita eodem halitu culpam, quam summo philosopho afflaverat, diffilat: ipsemet vero erroris haud immunis. Quippe certum est, et Aristotelem musculos agnovisse (ut alibi a nobis observatum, et demonstratum est); et membranas in avibus (non modo transversim positas ad cinctum corporis, sed et secundum ventris longitudinem protensas) vicem diaphragmatis subire, et ad respirationem conferre; ut alibi in exercitationibus de respiratione animalium luculenter probavimus. Et, ut alia nunc taceam, avis, prae caeteris animalibus, non modo facillime respirat, sed vocem etiam in cantu diversimode modulatur: cum tamen ejus pulmones lateribus et costis adeo affixi sint, ut parum admodum dilatari, assurgere, et contrahi possint.

Quin etiam (quod tamen a nemine hactenus observatum memini) earum bronchia, five asperae arteriae fines, in abdomen perforantur, aëremque inspiratum intra cavitates illarum membranarum recondunt. Quemadmodum pisces, et serpentes intra amplas vesicas in abdomine positas eundem attrahunt et servant; eoque facilius natare existimantur: et ut ranae ac bufones, cum aestate vehementius respirant, aëris plus solito in vesiculas numerosissimas absorbent (unde earum tam ingens tumor) quo eundem postea in coactione liberaliter expirent: ita in pennatis, pulmones potius transitus et via ad respirationem videntur, quam hujus adaequatum organum. Quod si a Fabricio observatum esset, non negasset membranas illas (saltem cum musculorum ventris adminiculo) respirationi inservire et diaphragmatis officium praestare: cum hoc, non sine musculorum ventris adminiculo, instrumentum respiratorium sit; aliudque ei munus incumbat in iis, quibus carnosum sive musculosum contigit. Nimirum, ut ventriculū cibo turgidum, et

intestina faecibus flatuque distenta deprimat; ne cor et pulmones ab eorum ingressu patiantur angustias, vitaeque penetralia opprimantur. Cujus periculi cum in avibus nullus sit metus, septum membraneum iis donatum est, respirationis usibus valde accommodum: ideoque diaphragma habere merito dicuntur. Quinetiam licet aves diaphragmate penitus destituerentur, non propterea tamen reprehendendus foret Aristoteles, dum ova ad septum transversum inchoari scribit: quippe hoc nomine locum duntaxat designat, ubi diaphragma in aliis animalibus reperiri solet. Quemadmodum nos etiam dicimus ovarium esse ad exortum vasorum spermaticorum praeparantium; licet gallina vasis his praeparantibus careat.

Perforatio pulmonum, a me inventa (cujus modo memini) haud obscura et caeca est; sed, in pennatis praesertim, patula admodum; adeo ut in struthiocamelo meatus plurimos repere- rim, qui digitorum meorum apices facile exciperent. In gallo Indico et gallinaceo ipso, omnibusque fere pennatis, immisso in tracheam stilo, transitus e pulmonibus in cavitates abdominis apertos et patentes invenias. Aër, in eorum pulmones follium operâ inspiratus, non sine impetu ad inferiora pertransit.

Imo vero dubitare liceat, an non in homine etiam, dum vivit, aër per dictos meatus in thoracis cavitatem penetret. Quomodo enim aliter, empyicorum pus, et pleuriticorum extravenatus sanguis illac effluant; in vulneribus pectoris (illaesis etiam pulmonibus) aër per vulnus foras erumpat; aut liquores in cavitatem pectoris injecti, cum sputo reddantur? Verum hac de re alibi, in exercitationibus nostris, de respirationis causis, organis, et usu, plane pleneque dictum est.

Redeo ad ovarium, et superiorem uteri gallinae partem; in qua ovorum rudimenta inchoantur; quae initio (secundum Aristotelem^a) minuta sunt et candida; ad aucta postea, lutea et flava conspiciuntur.

^a *Hist. an. lib. vi. cap. 2.*

Vterus Fabricii superior revera nullus est, nisi postquam gallina concepit et ovorum primordia in se habet; quae merito congeriem papularum dixeris. Ideoque rectissime ait: *Superior matrix nil aliud est, quam infinita propemodum vitellorum multitudo, quae in uno veluti acervo conglobata conspicitur, rotundae figurae, et cujuscvis magnitudinis, in qua a minimo ad maximum ea intercedit differentia, quae est a grano sinapis ad fructum fere nucis juglandis aut mespili. Haec vitellorum multitudo simul quasi racematim apposita, collecta, et conjuncta est: ob quam causam ego perpetuo vitellarium, aut potius vitellorum racemum appellabo; quia uvarum racemo quam simillima est. Quod et Aristoteles de mollibus dixit^a, cum ait: reddunturque ova eorum glutino cohaerentia ad speciem uvae. Etenim sicuti in racemo, uvae seu acini, sunt tum majores, tum minores, tum minimi, singuli suo pedicelo appensi; sic in proposito vitellorum racemo videre est.*

At vero in piscibus, ranis, crustatis, et cochleis res aliter se habet. Haec enim ova ejusdem omnia magnitudinis in se continent; quae foras emissâ, simul augentur, perficiuntur, et foetus excludunt. In gallinae autem ovario, reliquorumque oviparorum fere omnium, varia admodum vitellorum incrementa cernuntur, a quantitate propemodum invisibili ad consummatam magnitudinem: licet ova gallinarum (non aliter, quam eorum, quae ova sua omnia simul et concipiunt et pariunt) in eodem nido foetus suos ab incubationis fotu fere simul excludant. In columbino tamen genere (quae bina solum ova uno nido reponunt et incubant) observavi, omnia ova in ovario congesta, uniusmodi esse magnitudinis, praeter bina illa caeteris longe majora, et jam ad descensum in secundum uterum parata. Vt in his numerosi foetus proveniant, non partus multitudine, sed frequentia; singulis nempe mensibus. Similiter in piscibus carti-

^a De gen. an. lib. iii. cap. 8.

lagineis; ut raia, paffinaca, canicula &c. bina duntaxat ova fimul maturantur, et utrinque a dextro et finiftro cornu defcenduntia, in utero inferiore fiventur, excluduntque foetus vitales (ut viviparis contingit): in ovario tamen infinitus pene ovorum numerus, diverfarumque magnitudinum reperitur; in raia fupra centum numeravi.

Caeterorum autem oviparorum ova, foris, vel perficiuntur, ut pifcium; vel concoquuntur, ut cochlearum, cruftatorum, et araneorum. Et cochleae quidem fua ova reponunt in fpuma; cruftata (ut fquillae, gammari, aftaci) pinnis adhaerentia circumferunt; aranea vero, tanquam in fportula ex tela fua conftituta, fecum geftat et foveat. Scarabaeus ova fua fimo (pedibus pofterioribus obvolvendo) circumcludit et reponit. In iis autem omnibus, ovorum copia incredibilis cernitur. Pifces, duas quafi veficas oblongas five folliculos nafti funt: ut videre eft in cyprino, halece, et viola, quam noftros *fmelt* vocant; in quibus omnibus, ut nullus cernitur uterus, praeter ovarium; ita hoc ovum aliquando adeo refertum eft, ut reliqui corporis molem facile exfuperet.

Ex hujufmodi mugilum, et cyprinorum ovariis fale conditis, in maffam coaetis, fumoque induratis, fit edulii genus a Graecis et Italis magnopere expetitum (botarcha ab his appellatum, a Graecis *ὡτὶ τάρχη*, id eft, ova falita) quale in ventre noftrorum heringorum infumatorum, et aftacorum intus granulatum compactum rubrumque reperitur. Quod ex fturionum ovum falitis fit, caviaro dicitur, et faponem nigrum refert; gulonum delitiae.

In omnibus pifcibus (quibus numerosa proles contingit) ovorum tanta copia generatur, ut tota ventris capacitas vix ea recte concepta, multo minus aucta, continere valeat. Ideoque in pifcibus, praeter ovarium, nulla alia pars generationi dicata eft. Horum enim ova foris incrementum fumunt, nec u-

tero

tero ad hanc rem opus est. Videturque ovarium hoc testiculis aut vesicis feminalibus analogon: non solum, quod eo in loco reperiatur, in quo maribus testiculi nasci solent (nimirum, testiculi in gallo siti sunt, ut diximus, juxta ingressum arteriae coeliacae, prope cinctum corporis; ibidemque in gallina ovarium reperiatur); sed etiam, quia, in utroque piscium sexu, generationis tempore, duo folliculi per totum ventrem ducti, situ, figura, et magnitudine pares insunt; qui, simul adaucti, replentur, in mare quidem, materia similari, spermatica, lactea (unde lac piscium dicitur); in foemina vero, granulis innumeris, praexiguitate visum effugientibus; adeo ut in conceptionis principio (propter arctam eorum compaginem) corpus simile, et tanquam maris lac regulate coagulatum, appareant: posteaque tanquam minimae arenulae invicem intra folliculum cohaerentes videantur.

In minoribus avibus (quae quotannis duntaxat semel, et pauciora ova pariunt) vix ovarium reperiatur: sed ubi in maribus testiculi siti sunt, ibi in foeminis, pro ovario, tres aut quatuor bullae (pro numero scilicet ovorum, quorum sunt primordia) nec minus ipsis marium testiculis conspicuae, inveniuntur.

In serpentum uteri cornibus (quae sunt instar vasorum spermaticorum in maribus) prima ovorum rudimenta, ceu totidem globuli filo adalligati, apparent: ut in mulierum armillis, vel corona precaria, ex orbibus e succino confectis, fieri solet.

Quae itaque in vitellario reperiuntur, non ova perfecta censenda sunt, sed horum primordia sive rudimenta; quae in racemo, eo ordine et magnitudine disposita sunt, ut gallinae fingulis diebus ad partum priori succedat alterum. Nullum autem ovum in ovario cinctum est albumine, sed vitelli solum reperiuntur; qui, prout e minimorum congerie sese extulerint, in ambitum prodeunt, ut in fusiori spatio facilius amplientur. Ide-

oque

oque Fabricius vere ait^a: *Vitelli in racemo majores in circuitu sunt; minores in medio, ceu a majoribus circumdati; denique minimi omnibus subiecti.* Dum enim augescentes majorem molem acquirunt, a reliquis separantur: quod dum fit, finguli vitelli, praeter tunicam propriam, aliam ab ovario mutuuntur, quae illos extrinsecus amplectitur, et fundamento, unde oriuntur, adnectit. Quare a Fabricio, pediolus five pedunculus nominatur; quod ejus opera, ut fructus ex arbore, sic vitellus e racemo nutrimentum hauriat et crescat. *Est enim hic pediolus nexus membraneus cavatus, qui a racemi fundamento ad vitellum producitur; quem cum contingit, dilatatur, et (perinde ac nervus opticus in oculo amplificatus) vitellum externa tunica obducit. Hunc forte^b Aristoteles εἶλον ὀμφαλῶδην, i. e. appendiculam umbilicalem, et veluti fistulam nuncupavit. Pediolus iste secum multa vasa in vitellum deducit, per quem passim ramificantur.*

Haec quidem a Fabricio vere dicta sunt; sed fallitur dum ait: *Tunica haec, non quidem totum vitellum circumdat, sed paulo illum ultra medietatem comprehendit; perinde ut in glande operculum retro appositum, calix appellatum; quo fit, ut exterior vitelli portio, a proposita membrana destituta, conspectui sese offerat sine venis, et nudata appareat.* Ambit enim integrum vitellum; sed in parte vitelli exteriori, a propria ejus tunica non facile distinguitur, quod ambae tenuissimae sint. In parte autem postica, qua vitellus racemi fundamento obvertitur, tunica haec vitello non adhaeret, nec in eum venulas spargit; sed, facculi instar, solum amplectitur.

Singulis vitellis totidem tunicae ab eodem fundamento desumuntur. Quare locus iste, communis uterus censendus non est; cum nihil hic reperiatur praeter racemum, five acervum multorum diversae magnitudinis ovorum ab eodem fundamento prodeuntium.

^a Pag. 3.^b De gen. anim. lib. iii. cap. 2.

EXERCITATIO QVARTA. 191

Fundamentum autem hoc, est corpus fui generis, ad pennati spinam obortum; venae et arteriae magnae adnexum; laxum, porosum, et fungosum; ut plurimos vitellos ex se producat, iisdemque tunicas largiatur: quae postea, adauctis vitellis, distenduntur; eosque facculi instar, cum collo angustiore, ventre autem amplo, ambiunt: quemadmodum a vitriarii flatu ampullae efformantur.

Fabricius porro: *Vitelli, sicuti a parvulo initio incipiunt, ad milii seminis aut sinapis magnitudinem; et minuti sunt ac candidi, ut dicit Aristoteles, sic subinde paulatim crescunt; et, ut ait Aristoteles, lutei ac flavi efficiuntur, quousque ad justam magnitudinem omnibus notam perveniant.* Ego vero milii semine longe minores observavi; qui nempe instar papularum, aut fudaminum, vel arenularum (quales in piscium ovariiis reperiri diximus), prope visum effugerent; et illius loci membranarum veluti scabrities viderentur.

EXERCITATIO QVARTA.

De infundibulo.

PROXIMA uteri gallinae pars infundibulum a Fabricio nominatur. Est enim tanquam infundibulum seu tuba, ab ovario (quod undique complectitur) deorsum tendens; sensimque latior facta, in superiorem uteri productionem terminatur. Infundibulum hoc vitellis (abruptis pedunculis) ex ovario in uterum secundum (ita a Fabricio censetur) descendantibus transitum praebet: estque similis vaginali tunicae in scroto, membrana tenuissima facileque dilatabili constans, ut devolutos quotidie vitellos excipiat et in dictum uterum deferat.

Cupis harum rerum specimen aliquod? Finge animo pusillam plantam, cujus radices tuberosae, vitellorum congeriem referant; et truncus, tubulum illum vaginalem: Vt plantae illius stipites

stipites hieme moriuntur et evanescunt ; ita similiter, ubi gallina ova parere defierit, integrum ovarium, cum infundibulo (ceu effoeta) exarescunt, retrahuntur et abolentur ; relicto duntaxat fundamento, radicumque indicio.

Infundibulum hoc, solummodo transitus officium praestare, vel ex eo constat, quod vitellus in eo haerens nunquam deprehendatur : sed quemadmodum testiculi interdum per vaginalem tunicam sursum repunt in inguina, et quibusdam animalibus, ut lepori et talpae, intra abdomen reconduntur ; rursusque prodeunt, et descendunt ; ita per infundibulum hoc, vitelli ab ovario in uterum delabuntur ; vicemque illius infundibuli supplet, uti formam refert, quo liquores e vase in vas aliud strictioris orificii transfundimus.

EXERCITATIO QUINTA.

De gallinae uteri parte exteriori.

FABRICIVS descriptionem uteri, post ovarium, prosequitur : adeoque inverso ordine, partis superioris, productionisve uteri explicationem, ipsius uteri tractationi praemittit. Nimis etiam praecise sive determinate tres illi spiras assignat, harumque certas positiones constituit ; quae tamen incertae sunt. Infundibuli quoque ibidem definitionem praepostere repetit.

Liceat igitur mihi, hic meam uteri gallinae observationem et historiam (quam, secundum methodum anatomicam, commodiorem existimo) proponere, et ab exterioribus partibus introrsum (contra quam fecit Aquapendens) procedere.

In deplumata gallina reperire est podicem, non (ut in caeteris animalibus) in orbem contractum, sed depresso orificio transversim scissum, et duobus labellis conniventem ; quorum superius, alterum inferius intra se collectum tegit et occulit. Superius istud labrum, seu velabrum, a radice uropygii oritur ; et,

ut

ut palpebra superior oculum, sic hoc tria pudendi orificia contegit (nempe ani, uteri, et ureterum); quae sub hoc velabro, tanquam praeputium, retracta latent: quemadmodum in mulieris pudendo, intra cunni labra et nymphas, vulvae, urinaeque foramina absconduntur. Adeo ut, citra sectionem, aut violentiorem velabri illius in gallina retractionem, nec faecum ab alvo, nec urinae ex ureteribus, neque ovi ab utero exitus appareat. Ac propterea duo illa excrementa (urina nempe et stercus) simul, tanquam e communi cloaca, sursum elevato velabro et nudato foramine, egeruntur. Similiter in coitu, gallina supervenienti gallo vulvam detegit et accommodat: ut observavit Fabricius in gallina Indica gallum appetente. Vidi egomet struthionem foeminam, cum custos dorsum ejus levi manu attrectaret quo libidinem accenderet, sese humi prosternere, velabrum attollere, vulvamque ostendere et exporrigere; quam intuitus mas illico oestro venereo percitus conscendit; alteroque pede in terram defixo, altero dorsum succubantis premente, penem ingentem vibrans (linguam bubulam crederes) subagitavit, multo cum utriusque murmure et strepitu, capitibus saepe protensis et reductis, aliisque gaudii indicibus. Neque hoc avibus proprium est, sed etiam aliis animalibus commune, quae caudam submovendo, et genitalia exporrigendo, marium initui sese adaptant. Eundemque fere usum, quem velabrum in gallina, in aliis cauda praefat; qua nisi semota vel elevata, nec excrementa prodire, nec mares foeminas inire queant.

In cervis, damis, et dorcadé (ceu animalibus castioribus), tale pudicitiae tutamen, et velabrum cuticulare, vulvam meatumque urinae in foemina operit; quod attolli necesse est, priusquam mas penem immittere possit.

In caudatis etiam animalibus, sine caudae sublevatione, partus non contingit: imo vero et mulierum quoque partus, coccygem ungendo, eumque manu retrudendo obstetrices facili-
litant.

Chirurgus quidam, vir probus, mihiq.ue familiaris, ex India orientali redux, bona fide mihi narravit, in insulae Borneae locis a mari remotioribus et montosis, nasci hodie genus quoddam hominum caudatum (uti olim alibi accidisse apud Pausaniam legimus), e quibus aegre captam virginem (sunt enim sylvicolae) ipse vidit, cum cauda carnosa, crassa, spithamae longitudine intra clunes reflexa, qua anum et pudenda operiebat. Vsq.ue adeo velari ea loca natura voluit.

Velabri istius fabrica, in gallina, est fimilis superioris palpebrae: ex cute nempe, membrana carnosa et musculosa textitur, cum fibris a circumferentia undique ad centrum ductis: ejusque interior superficies, ut palpebrae et praeputii, mollis est. Habet etiam in extremitate sui tarsum semicircularem, ad modum palpebrae: atque insuper, inter cutem et membranam carnosam, interstitium cartilaginofum, ab uropygii radice cum tarso falcato ad angulos rectos copulatum (ut vespertiliones intra membraneas alas quasi latitantem exiguam caudam habent): qua fabrica, ceu cauda, velabrum hoc dicta pudendi foramina facilius detegere et operire possit.

Sublato itaque, et rescisso hoc velabro, foramina aliquot apparent; quorum alia conspicua, alia obscura sunt. Evidentiora quidem sunt ani, et vulvae; exitus nempe excrementi, et introitus in uterum. Obscura autem, tum illud, per quod urina e renibus profluit; tum exiguum illud a Fabricio inventum, *in quod gallus, ait ille, semen suum immittit* Quod tamen foramen apud Aldrovandum Antonius Vlmus, diligens dissector, non agnovit; nec quisquam alius, quod sciam, praeter Fabricium.

Foramina haec omnia adeo sibi invicem vicina sunt, ut fere in unam cavitatem concurrere videantur; quam (utpote stercorei et urinae communem) cloacam liceat appellare: quod in ea, una cum alvi faecibus, urina e renibus descendens commisceatur,

tur, donec simul egerantur. Per hanc quoque ovum in partu transiens sibi viam parat.

Hujus cavitatis ea fabrica est, ac si in vesicam utrumque excrementum descenderet, et natura urina pro clystere naturali abuteretur. Ideoque crassior paulo et rugosior, quam intestinum, est: atque in egestione, et coïtu, foras provolvitur (sublato, ut dixi, velabro, quod ipsam tegit), et, tanquam interior intestini pars prolapsa, prominet: eodemque tempore omnia foramina distincte apparent, quae statim in ejus reductione, quasi in unam bursam collecta, reconduntur.

Foramina magis conspicua (ani scilicet et vulvae) contrarium fitum in pennatis omnibus, atque in aliis animalibus obtinent. In his enim pudendum sive genitale foemineum parte anteriore locatur, inter intestinum rectum et vesicam: in illis autem excrementi exitus partem anteriorem possidet, atque inter ipsum et uropygium introitus in matricemprehenditur.

Foramen autem, in quod Fabricius putat gallum semen suum immittere, inter hoc vulvae ostium et uropygium cernitur. Ego vero talem ejus usum non agnosco: In pullis enim juvenculis vix reperitur; in adultis autem promiscue inest, tam gallo, quam gallina. Accedit, quod foramen valde exiguum et obscurum fit, ut tantae utilitatis non appareat: vix enim aciculam aut setam admittit, et in cavitatem caecam terminatur: neque unquam potui humorem feminalem in ea reperire; quanquam Fabricius asserit semen ibidem, tanquam in bursa, per annum integrum reservari, omniaque interea ova inde foecundari; ut postea dicetur.

Insunt omnibus avibus, serpentibus, quadrupedibus oviparis, atque etiam piscibus (ut facile in cyprino videre est) renes et ureteres, per quos urina profluat: quod Aristotelem, aliosque haecenus philosophos latuit. In avibus autem, et serpentibus, quibus fungosi pulmones sunt, parva cernitur urinae copia;

quod parum admodum et pitissando bibant; quare vesica urinaria iis non est opus; sed lotium, ut diximus, in communem alvum five cloacam, cum sicco excremento deponunt. In cyprino tamen, aliisque quibusdam piscibus, vesicam quoque urinariam deprehendi.

In gallina, ureteres a renibus (qui ampli longique in dorsi cavitate locantur) utrinque descendunt, et in communem cavitationem five cloacam definunt. Exitus autem eorum adeo obscurus est, et in cavitatis ipsius limine delitescens, ut forinfecus eum invenire, et stilum vel tenuissimum immittere, plane sit impossibile. Neque equidem mirum; quippe in omnibus, vel maximis animalibus, insertio ureterum prope vesicae collum adeo anfractuosa et obscura est, ut (licet urina, et calculi aliquando per eos in vesicam delabantur) ne flatus quidem per easdem vias regredi, aut urina vi pelli queat. Contra autem, tum in avibus, tum in caeteris etiam animalibus, si stilus vel feta deorsum per ureteres impellatur, facile in communem cavitationem aut vesicam via aperitur.

In struthione haec omnia luculenter patent: in quo, praeter communis cavitatis orificium exterius, quod velabrum tegebatur; aliud, intra anum, orificium rotundum, constrictum, et quasi sphinctere clausum reperi.

Verum, his omisiss, quod ad propositum nostrum spectat agamus.

Orificium uteri five vulvae, nimirum transitus e communi cavitate in uterum gallinae, est veluti protuberantia quaedam mollis, laxa, rugosa, atque orbicularis; tanquam praeputii extremitas clausa, aut vulvae interioris cuiusdam tunicae prolapsus. Locatur autem, ut dixi, inter foramen ani et uropygium; atque aliquantulum sinistrorsum vergit; idque factum putat Vlyffes Aldrovandus, *ad commodiorem coitum, et faciliorem membri genitalis galli incursum*. Ego vero saepius observavi, gallinam,

linam, prout gallus eam a dextra aut sinistra parte conscenderit, eo versus podicem suum indifferenter flectere. In gallo penem non inuenio, quem nec Fabricius reperire potuit: cum tamen in anseris atque anate manifestissime appareat. Ejus vero loco, in gallo orificium reperio (haud secus quam in gallina), minus tamen illud et angustius; quemadmodum etiam in cygno, anseris, et anate idem conspicitur: anseris autem et anatis mentula, dum coeunt, ab hoc orificio protenditur.

In nigra anate, penem tantae longitudinis vidi, ut absoluto coitu, humi pendentem. insequens gallina, auide eum (lumbrium, credo, arbitrata) mordicaret, faceretque illius citius solito retractionem.

In struthione mare, intra hoc pudendi orificium, tanquam in equi praeputio, praegrandem glandem et nervum rubicundum, forma et magnitudine linguae cervinae, aut bubulae minoris, reperi; quem in coitu rigidum et aliquantulum aduncum vibrare saepius vidi, et in foeminae vulvam immissum, sine subagitatione ulla, diutius tenere; perinde ac si clavo aliquo ambo in coitu colligati essent: dum interea temporis capitis collique gesticationibus, ut diximus, mire perstreperent, quasi hymenaeo annuissent, ingentemque voluptatis sensum exprimerent.

Legi apud doctorem Du Val medicum doctissimum Rothomagensis, hermaphroditum quendam chirurgis atque obstetricibus demandatum fuisse, ut, num vir, an mulier esset, decernerent. Illi, inspectis genitalibus, mulierem esse judicabant: iustumque propterea est, ut sequioris sexus vestitu uteretur. Interea tamen mulierum amores sectari, virique officium praestare accusabatur. Hic tandem repertus est, erumpente ex latenti praeputio (tanquam ex locis muliebribus) mentula, viri munus obiiisse.

Vidi ipsemet aliquando viri cujusdam penem, introrsum adeo reductum, praeterquam cum tentigine provocaretur, ut nihil, in-

corrugato praeputio supra scrotum, praeter summum glandis apicem promineret.

In equo aliisque quibusdam animalibus, ingens istius membri longitudo ex occulto porrigitur. In talpa etiam animali exiguo, inter cutem et abdominis musculos magna penis retractio conspicitur: ejusque pariter foeminae longior et profundior vulva obtigit.

Gallo, cui penis deest, idem, credo, contingit, quod avibus minoribus, quae celeriter et affricu duntaxat coitum perficiunt. Junctis nempe saepius utrinque galli et gallinae pudendorum orificiis (quae foras eversa protuberant, rigent, glandisque in morem tenduntur; praecipue vero maris, quod foeminam exterius duntaxat lambit, non autem, ut arbitror, ingreditur), ceu repetitis suaviis, non uno longiore initu, coitum celebrant.

In equorum, canum, felium, aliorumque coitu, foemina mari penem obtendenti pudendum rigidum tensumque accommodat. Quod etiam in avibus contingit, quae cicures manum sibi imponi sinunt, venereque turgentes orificium hoc protendunt; idemque renitens ac duriusculum reperies, si digitum admoveris.

Imo vero usque adeo libidinosae interdum aves sunt, ut, si dorsum earum manu solum leviter tangas, statim procumbant, orificiumque uterinum nudent et exporrigant: quod si blande digito demulseris, vago murmure, alarumque gesticatione, gratam veneris dulcedinem exprimunt. Quinetiam foemellas ova inde concipere, et Aristoteles^a auctor est, et ipsemet in turdo, merula, aliisque, expertus sum: idque olim primum fortuito, meoque damno, didici.

Pfittacum nempe insignem, docteque garrulum, uxor mea diu in deliciis habuit. Erat ~~is~~ adeo familiaris, ut quocunque vellet libere per aedes vagaretur; absentem dominam inquire-

^a *Hist. anim. lib. vi. cap. 2.*

ret; inventae hilari voce ablandiretur; vocanti etiam responderet; advolaret; vestemque rostro pedibusque vicissim comprehendens, ad summum humerum scanderet; indeque per brachium descendens, super manum semper se sisteret: jussus loqui aut cantare, etiam noctu et in tenebris, morem gessit. Saepè ludibundus et lascivus sedentis gremium adibat; ubi caput sibi attrectari, dorsumque demulceri gestiebat; quassatisque alis, et blando strepitu summam animi sui laetitiam testabatur. Ego haec omnia ab usitata pridem familiaritate et obsequio proficisci interpretabar: marem enim sum arbitratus, ob loquelae et cantus eximiam praestantiam.

Quippe, inter aves, foemellae raro cantillare, aut voce invicem provocare solent: sed mares solum suavi vocis modulamine foemellas delinire, et ad veneris obsequium pellicere animadvertimus. Ideoque Aristoteles ait^a: *Perdices, si adversae maribus steterint, ventusque inde afflet ubi mares stant, concipiunt et maritantur. Plerumque etiam voce marium utero ingravescunt, si gestiunt ac libidine turgent. Volatu quoque superne marium effici idem potest; videlicet dum mas ipse in foeminam foeticum spiritum dimittit. Quod verno praesertim tempore contingit: unde poeta^b.*

Vere tument terrae, et genitalia semina poscunt.

Tum pater omnipotens foecundis imbris aether

Conjugis in gremium laetae descendit, et omnes

Magnus alit, magno commixtus corpore, foetus.

Avia tum resonant avibus virgulta canoris;

Et venerem certis repetunt armenta diebus.

Non diu autem post blandas has contrectationes psittacus, qui multos jam annos sanus vixerat, aegrotavit; crebrisque tandem convulsionibus obortis, in dominae suae gremio, ubi toties luferat, animam plurimum desideratus exspiravit. Dissecto ita-

^a *Est. anim. lib. v. cap. 5. et lib. vi. cap. 2.*

^b *Virgil. 2. Georg.*

que cadavere, ut mortis causam inquirerem, ovum fere perfectum in utero reperio; sed, ob defectum maris, corruptum. Quemadmodum aviculis in caveis reclusis saepe accidit, quae maris consortium desiderant.

His, aliisque exemplis inducōr ut credam, gallum gallinaceum, et phasianum, non solum cantu suo foemellis blandiri, sed eodem etiam ovorum conceptui conferre: noctu enim ad galli cantum, nonnullae ex adsidentibus gallinis sese concutiunt, alas et capita quatientes; quasi horrore blando correptae, a coitu gesticularentur.

Avis quaedam, quam cygnus altero tanto major, non ita pridem ex Java Indiae orientalis insula in Hollandiam advecta est, quam Batavi Cassoware nominabant. Hujus iconem Vlysses Aldrovandus^a exhibet, dicitque eam ab Indis Eme appellari. Non est bifurca, ut struthio, sed in singulis pedibus tres digitos habet; quorum unus calcari adeo longo, duro, et robusto armatur, ut facile tabulam duos transversos digitos crassam calcitrando penetret; antrorsum autem ferit. Corpore quidem, cruribus, et femore struthionem refert; rostrum autem latum, ut hic, non habet, sed teres et nigrum. Super caput, pro crista, cornu orbiculatum gerit extuberans: lingua caret; quaelibet oblata devorat; calculos nempe, carbones, etiam ignitos, et glaciei frusta, sine discrimine: plumae ipsi e singulis calamis binae prodeunt, nigrae, breves, et exiles; ad naturam pilorum, sive lanuginis accedentes. Alas habet valde exiguas, et mutilas. Animal est aspectu truculento, eique palearia rubra, et caerulea, oblonga per collum descendunt.

Manfit haec avis amplius annos septem in Hollandia: eamque postea illustrissimus Mauritius princeps Auriacus serenissimo regi nostro Jacobo, inter alia munera, dono misit; in cuius hortis supra quinquennium vixit. Postea autem, cum in

^a. *Ornithol. lib. xx. pag. 541.*

eundem locum struthiones duo, mas et foemina, concedissent; eosque haec Cassoware in proximis claustris (ubi separatim alebantur) saepenumero coeuntes audivisset, vidissetque; inopinato prorfus (sympathia, credo, cognati generis exstimulata) ova concepit. Quotquot enim eam viderant, marem potius ex armis et ornatu, quam foeminam judicabant. Ex his ovis, unum peperit integrum, quod aperui, et perfectum inveni; albumen nempe luteo circumfufum, cum chalazis five grandinibus utrinque adnexis, et cavitate exigua in obtuso cacumine; aderat etiam cicatricula, five macula albicans; testa erat crassa, dura et valida, quam, ablato vertice, in poculum efformari jussi; quemadmodum ex struthionum ovis calices effingi solent. Erat ovum hoc paulo quam struthionum minus; undiquaque, ut dixi, perfectum; proculdubio tamen subventaneum et, ob defectum maris, infoecundum. Matri vero eodem tempore, quo ovum pepererat, mortem praedixi; idque ex sententia Aristotelis, qui ait^a, *Aves morbo laborare, et interire, nisi pariant*. Quod etiam non multo post evenit; dissectoque cadavere, ovum imperfectum et corruptum in superiore uteri parte, mortem praematuram (ut prius in psittaco, aliisque avibus observaveram) attulisse comperi.

Plurimae itaque aves, quanto salaciores, tanto etiam foecundiores sunt; et aliquando sine mare (ob pabuli ubertatem, vel alia aliqua de causa) ova concipiunt: raro autem citra ejus operam, ea vel perficiunt, vel pariunt; sed morbis inde potius gravioribus tenentur, tandemque intereunt. Gallina vero non solum ova concipit, sed et parit etiam, eaque perfecta; at hypenemia et infoecunda. Similiter, insecta plurima (in quorum censu bombyces et papilionες sunt) ova concipiunt, et pariunt, absque maris congressu (ut etiam pisces), sed irrita et subventanea.

^a Gen. anim. lib. iii.

Quasi in hujusmodi animalibus, ova concipere, perinde foret, ac in puella uterum incalescere, menstrua profluere, fratrare ubera, et, ut paucis dicam, viro maturam esse: quo si priveretur diutius, symptomatibus gravioribus, hysterice nempe, aut furore uterino, corripitur; vel in cachexiam aliasque varias aegritudines delabatur. Omnia siquidem animalia, cupidinis oestro percita, ferociunt; et, nisi se invicem fruantur, plurimum tandem a consuetis moribus recedunt. Ita mulieres quaedam infaniunt prae desiderio consuescendi cum viris; et in nonnullis usque adeo saevit hoc malum, ut vel veneficio afflatae, vel fideratae, aut a cacodaemone obsessae judicentur. Idque saepius contingeret, nisi proba educatio, bonae famae reverentia, et innata huic sexui verecundia, inordinatos hosce animi impetus compescerent.

EXERCITATIO SEXTA.

De gallinae vulva.

AB orificio uterino exteriori ad interiora et matricem, in qua ovum perficitur, transitus est; quem in aliis animalibus vaginam uteri sive vulvam nominamus; in quam mas penem suum in coitu ad matricem usque immittit. At vero in gallina, trajectus hic adeo implexus, et interioris suae tunicae laxitate rugosus est; ut, licet e matrice foras facilis via pateat, atque ingens ovum illac haud magno negotio prodeat; ingredi tamen maris penem, semenque ejus interiorum uteri cavitatem subire, vix sit verisimile: nam neque stilo, nec seta viam intus reperire potui; nec Fabricio etiam aliquam invenire contigit. Imo vero, eodem teste, ne quidem inflatus aer in uterum penetrat. Quae causa, opinor, fuit, cur ille a partibus interioribus ad exteriores progrediens, uteri historiam descripserit. Quinetiam pensitata hac uteri fabrica, negat semen in uteri cavitatem

tem pertingere, aut ullam ovi partem constituere^a. In qua sententia ego etiam libens nomen meum profiteor. Enimvero nihil in ovo foecundo (quod idem in subventaneo non fit) vel additum vel mutatum reperias, unde galli semen uterum subintrasse atque ovum tetigisse constet. Quinetiam, licet sine galli congressu ova omnia irrita sint et subventanea, ejus tamen opera (etiam aliquandiu post coitum) ova subsequencia, quorum necdum principium aut materia exstat, foecunda evadunt.

Fabricius^b, ut modum explicet, quo galli semen ova foecunda reddit, haec habet: *Cum in ovo semen non appareat, et tamen a gallo in uterum porrigatur; quaeritur, cur in uterum galli semen immittatur, si in ovum non ingreditur? Item, si in ovo non adest, quomodo ovum foecundum ex galli semine, quod non habet, efficiatur? Mea opinio est, galli semen in uteri principium immissum, efficere totum uterum, et simul quoque omnes vitellos eo cadentes, ac totum denique ovum, foecundum: idque facere sua facultate, seu spiritali substantia irradiante; eo modo, quo videmus ex testibus et semine alia quoque animalia foecunda reddi. Si quis enim in memoriam revocaverit incredibilem illam transmutationem, qua animal exsectum afficitur, dum calorem, robur, et foecunditatem in toto corpore amittit; facile id quod dicimus uni tantum gallinae utero evenire concedet. Sed, quod omnino verum sit, virtutem foecundandi tota ova, et quoque uterum a semine galli provenire, patet ex eo, quod mulieres agunt, quae gallinam domi gallo desitutam habentes, eam per unum atque alterum diem alibi gallo committunt: ex hoc enim exiguo tempore succedit ovorum omnium foecunditas per totum illud anni tempus. Id quod et Aristoteles^c confirmat, qui vult, quod cum semel aves coierint, omnia fere ova foecunda habere perseverent. Porro seminis foecundandi virtus^d, ne ullo modo exhalare possit, sed diutius in utero confisteret, ac toti impertiretur; natu-*

^a Pag. 30.^b Pag. 37.^c De gen. anim. lib. iii. cap. 1.^d Pag. 38.

ra ipsum conclusit, reposuitque in cavitatem, quasi bursam, podici vicinam, et utero appensam, et ingressu tantum donatam, ut inibi diutius semine detento, virtus ejusdem magis conservaretur, et universo communicaretur utero.

Ego vero experimenti praedicti veritatem suspicabar; eoque magis, quod philosophi verba mala fide recitata cernerem: neque enim is dixit, *Aves, cum semel coierunt, omnia fere ova foecunda habere perseverant*; sed, *omnia fere ova habere perseverant*: ubi Fabricius τὸ *foecunda* de suo addidit. Aliud autem est, aves ex coitu ova concipere; aliud, ova ex coitu foecundari. Idque ex praecedentibus Aristotelis verbis clarius liquet, ubi ait: *Omnino in avium genere, ne ea quidem ova, quae per coitum oriuntur, possunt magna ex parte augeri, nisi coitus avis continuetur. Cujus rei causa est, quod, ut in mulieribus coitu maris detrahatur mensium excrementum (trahit enim humorem uterus tepefactus, et meatus aperiuntur), sic in avibus evenit, dum paulatim menstruum excrementum accedit, quod foras decedere non potest, quoniam parum est, et superne ad cinctum continetur, sed in uterum ipsum collabitur. Hoc enim ovum augetur, sicut foetus viviparorum eo quod per umbilicum affluit. Nam cum semel aves coierunt, omnia fere ova semper habere perseverant, sed parva admodum et imperfecta, ideoque infoecunda; siquidem perfectio ovi est, foecundum esse. Si igitur, sine coitu avis continuato, ne ea quidem ova, quae per coitum concepta sunt, augentur, five, ut Fabricius interpretatus est, perficiuntur; multo minus foecunda reddentur ea ova, quae aves citra coitum habere perseverant.*

Ne quis autem existimet, his verbis (*trahit enim uterus tepefactus, et meatus aperiuntur*) concludi, posse uterum attrahere semen galli intra cavitatem suam; sciendum, a philosopho non dici, uterum attrahere semen forinsecus; sed in mulieribus per venas et meatus coitus calore apertos, e proprio corpore menstruum

struum sanguinem attrahi; et pariter in avibus, sanguinem ad uterum a continuato coitu tepesactum trahi, indeque ova augeri; sicut foetus viviparorum per umbilicum solent.

Quae autem de cavitate illa sive bursa adnectit, in qua, per annum integrum, semen galli hospitari autumat; ea jam ante a nobis refutata sunt; ubi, nullum semen in ea contineri, et gallo pariter ac gallinae inesse, asseruimus.

Quamobrem, ut facile crediderim (si, per foecunditatem, plurimum et majorum ovorum proventum intelligamus) pauperum muliercularum gallinas (quibus probabile est deesse pabuli copiam), nisi cum gallo assueverint, pauciora et minora ova parituras; (secundum illud philosophi: *Quod si semel cum gallo coierint, tum per totum annum ova majora, meliora, et numerosiora habere perseverabunt*: in quem finem pabuli quoque abundantia et bonitas plurimum conducunt) gallinas tamen ex paucis cum gallo coitionibus, ova omnia per integrum anni spatium foecunda parere, id, inquam, minus verisimile mihi videbatur. Nam si pauci coitus ad diurnam adeo generationem sufficerent; natura, quae nihil agit frustra, mares in avium genere minus falaces effecisset; nec gallus toties quotidie gallinas suas etiam invitas ad coitum solicaret.

Novimus gallinam, quamprimum ova enixa nidum deferit, voce strepera clamitare, gallumque ad coitum pellicere; qui pariter elata et singultiente voce respondens, eam anxie quaerit, inventamque subito comprimit: quod sane, nisi procreandi causa, fieri natura noluisse.

Phasianus mas, in aviario detentus, adeo flagranti libidine aestuat, ut, nisi complures foemellas, ad minimum sex, secum habuerit, eas iterato saepius coitu male mulctet; et foecunditatem impediatur potius, quam promoveat. Vidi aliquando foemellam phasianum, a gallo simul concluso (quem nec occultando sese, neque aufugiendo, evitare poterat) adeo delassatam, dorso-

dorsoque ob frequentiores ejus insultus deplumem, ut tandem miseris modis exagitata prae moerore deficeret. In eadem tamen dissecta, ovorum ne rudimenta quidem inveni.

Observavi etiam anatem marem, conjuge carentem, et cum gallinis commorantem, tanta libidine aestuare, ut gallinam juvenculam quoquoeversum per horas aliquot infectaretur, rostro vellicaret, tandemque in defatigatam infilierit, stuprumque pati coëgerit.

Gallus gallinaceus in proelio victor, non modo in superati conjuges, sed in ipsum victum quoque libidinem suam exercet.

Similiter foemellae aliquae in libidinem adeo proclives sunt, ut mares suos moriunculis vellicent (quasi in aurem veneris gaudia infufurrarent), superfiliant, aliisque artibus ad coitum invitent: in quo numero sunt columbae et passerēs.

Non videtur igitur verisimile, paucas aliquot coitiones principio anni celebratas, ovorum omnium, per integrum ejus decursum, subsequēntium foecunditati sufficere.

Ego tamen aliquando (ut hic Fabricio patrocinium parem) verna tempestate (de coitus foecundantis tempore et necessitate aliquid certi indagaturus) gallinas duas a gallo seclusas per quadriduum detinui, quae interea singulae tria ova pepererant, non minus aliis ovis prolifica. Iterumque aliam gallinam seclusi, quae decimo ab inde die ovum peperit; aliudque die vicesimo, et utrumque foecundum. Vt videatur, posse unum atque alterum coitum, integrum racemum, omniaque illius anni ova foecunda reddere.

Dicam etiam, quod tunc temporis porro observaram. Cum utramque gallinam aliquandiu, ut dixi, seclusam gallo restituerem; quarum altera ovo gravida, altera recens enixa erat; gallus huic ocius occurrit, eamque avide ter quaterve compressit: alteram vero circumibat saepius, pedibusque alas fricando salu-

tare

tare visus est, adventumque gratulari; veruntamen ad priorem reversus, eam iterum iterumque iniit, coitumque per vim repetiit: neglecta interea gravida, quam nullo modo ad venerem sollicitabat. Mirabar ego, quibus indiciis ille internosceret, coitum huic profuturum, alteri vero importunum fore. Profec- to dictu haud adeo pronum est, quomodo vel visu, vel auditu, vel olfactu, mares (etiam e longinquo) intelligant, foemellas cupidinis oestro percelli, coitumque appetere. Aliqui, etiam si vocem illarum duntaxat audiant, vel locum in quo minxerint, aut vestigia solum olfaciant, statim libidine accenduntur, easdemque ad coitum infectantur. Verum de hac re alibi, in tractatu de animalium amore, libidine, et coitu, universim erit dicendi locus. Jam ad propositum revertor.

EXERCITATIO SEPTIMA.

De gallinae, aliarumque avium ventre.

AB orificio igitur externo per vulvam, ad gallinae uterum five matricem, pervenimus; in qua ovum perficitur, albumine cingitur, et testa contegitur: de cuius situ et positura antequam dicimus, nonnulla de ventris avium peculiari anato- me huc afferenda, et praelibanda sunt. Observavi enim in pen- natis, ventriculum, intestina, aliaque viscera, aliter in imo eo- rum ventre sita et constituta esse, quam in pedestri animali- um genere.

Aves fere omnes duplicem ventriculum natae sunt; quo- rum alter ingluvies, alter ventriculus proprie dicitur. In prio- ri, edulia ingesta reservantur et praeparantur; in posteriori, conficiuntur et in chylum transeunt: illum nostrates vocant *the crop or craw*; hunc, *the gizzard*. In ingluvie aves grana inte- gra devorata retinent; indeque, cum epota aqua madefacta, macerata, atque emollita, in ventriculum postea transmittunt; ut

ut ibidem molantur et comminuantur. Cujus rei gratia, pennata fere omnia arenulas, calculos, aliaque quaedam duriora deglutiunt, et in ventriculo una cum cibariis servant (dum interim in ingluvie nil tale reperitur); habentque hunc ventriculum ex duobus crassissimis et robustissimis musculis (in minoribus avibus carnosus aut ligamentosus) compactum; ut hoc modo, ceu duobus lapidibus molaribus, binis invicem cardinibus colligatis, molere cibaria et pinsere possint; vicemque dentium molarium, quibus carent, calculi suppleant. Hoc pacto alimenta conficiunt et chylicant; posteaque compressione facta (quemadmodum ex herbis aut fructibus contusis succum vel puliculam exprimere solemus) pars mollior et liquidior sursum attollitur; eamque in principium intestinorum (quod in illis juxta ingressum gulae, in ventriculi parte superiore collocatur) transferunt. Id ita fieri, in pluribus avium generibus apparet; in quorum ventriculis, si calculi, aliave duriora et aspera diutius permanferint, a continuo eorum motu adeo attrita et laevigata cernuntur, ut cibarium attritioni inepta sint, ac propterea rejiciantur. Hinc aves, cum calculos eligunt, lingua probant; et, si nihil asperos senserint, rejiciunt. Hoc modo ferrum, argentum, et lapillos attritos et propemodum absumptos, in ventriculo struthionis inveni, atque etiam in Cassoware. Ideoque vulgo creditur, eos ferrum concoquere, et eodem nutriri.

Falconibus, aquilis, aliisque avibus ex praeda viventibus, si aurem prope admoveris dum ventriculus jejunos est; manifestos intus strepitus, lapillorum illuc ingestorum, invicemque collisorum percipias. Neque enim falcones refrigerii causa (qui vulgaris accipitrariorum error est) lapillos devorant, sed ut eorum opera cibum comminuant: quemadmodum et aliae aves (quibus molendo victui ventriculus carnosus obtigit) in eundem finem, calculos, vel sabulum, vel quid aliud simile deglutiunt.

Avium igitur ventriculus, intra abdominis capacitatem, infra cor, pulmones, et jecur, situs est. Ingluvies autem extra corpus, ut plurimum, in infima colli parte, ad os jugale haeret: in qua cibaria, ut dixi, emolliuntur solum et praeparantur; indeque pennata quaedam cibum ita maceratum pullis suis regurgitant, eosque nutriunt (quemadmodum quadrupedes foetus suos lacte alunt); ut videre est in omni columbaceo genere, atque etiam spermologis illis, quos nos *rooks* nominamus. Quinetiam apes e floribus collectum mel, et in ventriculo digestum, domum redeunt es evomunt, et in propria alvearia recondunt: eodemque modo crabrones et vespaes suos foetus nutriunt. Vifa etiam est canis foemina cibos praemanfos et semicoctos catulis suis nutricandis revomere. Vt minus mirum sit, foeminas pauperes victumque ostiatim quaerentes, prae lactis inopia, infantes suos cibis, prius in ore suo praeparatis et in pulpam redactis, alere.

Intestina in avibus, a parte ventriculi superiore, ut diximus, oriuntur; et secundum longitudinem sursum deorsumque (non transversim, ut in nobis) replicantur. Iisdemque statim sub corde, ad corporis praecincturam, ubi diaphragma (quo aves destituuntur) in quadrupedibus situm est, jecur amplum et bipartitum, utrinque (nam liene carent) collocatum, hypochondria replet: infra jecur ventriculus positus est; cui subjacent intestinorum volumina, cum plurimis tenuibus membranis interjectis, aëre repletis; quippe in has, ut diximus, asperae pulmonum arteriae foraminibus hiulcis aperiuntur. Renes (qui ampli in avibus videntur) oblongi, et tanquam ex globulis carnis compositi, nullisque cavitatibus praediti, utrinque spinas, et arteriae, venaeque magnas descendenti adjacent; et in ampla atque oblonga ossis coxendicis cavitate sepulti jacent. Ex horum parte anteriore, secundum longitudinem, ureteres ad cloacam et podicem ipsum extenduntur; ut ferofum excrementum

illuc a renibus deferant. Est autem in avibus hujus feri exigua quantitas, quod illae parum bibant, et earum nonnullae, nimirum aquilae, nihil omnino. Nec separatim, ut in aliis animalibus, urina profluit; sed, ut diximus, in communem cloacam, alvi quoque faecibus dicatam, ex ureteribus destillat; ut earum etiam hoc pacto exitum faciliat. Differt hoc lotium in avibus, atque in aliis animalibus: nam, cum urinae partes duae sint, serosior una et liquida; crassior autem altera, quae in sanis hypostasis nominatur, et in urina jam refrigerata subsidit; aves (contra quam vivipara animalia) majorem hujus copiam obtinent; eaque, ab altera, colore albo five argenteo distinguitur; et non modo in cloaca reperitur (ubi abundat) alvi-que faeces circumlinit, sed etiam in toto ureterum ductu; qui a renum tunicis, hac ipsa albedine discernuntur. Nec solum in avibus crassior haec materia a renibus descendens conspicitur; sed in serpentibus etiam aliisque oviparis; praesertim iis, quorum ovum duriore cortice obducitur. Major quoque hujus, quam serosae et tenuioris partis, copia: estque consistentiae, inter crassam urinam et stercoraceum excrementum, mediae; adeo ut ureteres pertransiens, lac coagulatum five leviter densatum referat; forasque ejectum, cito facileque in crustam friabilem concrecat.

EXERCITATIO OCTAVA.

De reliquarum uteri partium, in gallina, situ, et fabrica.

INTER ventriculum et jecur, ad spinam dorsæ, ubi homini caeterisque animalibus pancreas est; inter truncum portae et cavam descendentem, ad exortum emulgentium et vasorum spermaticorum praeparantium, ubi arteria coeliaca mesenterium petit; ibidem etiam in gallina aliisque avibus, ovarium et vitellorum racemus nascitur. Nempe ei, a parte anteriore,
truncus

truncus portae, gula, et ventriculi orificium; a posteriore, vena cava, et arteria magna ad spinam dorſi descendens; ſupra, jecur; ſubtus autem, ventriculus adjacent. Infundibulum itaque tenuiſſima membrana conſtans, ab ovario deorſum ſecundum dorſi longitudinem, inter illud et ventriculum tendit. Et ab infundibulo (inter ventriculum, inteſtina, renes, et lumbos) proceſſus uteri five pars ejus ſuperior, cum multis revolutionibus et cellulis (ad figuram coli et recti inteſtini in homine) in ipſum uterum descendit. Ipſe autem uterus, proceſſui huic continuus, infra ventriculum, inter lumbos, renes, et inteſtinum rectum, extremo abdominis loco ad podicem fitus eſt; adeo ut, cum ovum albumine veſtitum in eo continetur, deorſum tantopere decumbat, ut digitis facile, num molle an durum, par-tuique vicinum id ovum fit, percipere liceat.

Vterus hic in gallina, tum magnitudine tum fabrica, varius conſpicitur. Quippe in gallina gravida, aut nuper effoeta, plurimum differt ab eo, qui in gallina virgine five pullo reperi-tur: hujus enim uterus carnoſus eſt et rotundus, quaſi burſa vacua; tantillae cavitatis, ut vix fabam continendo fit; foris quidem levis eſt, intus autem plicis quibuſdam ſecundum lon-gitudinem rugoſus: primo intuitu, veſicam urinariam majuſcu-lam, aut ventriculum alterum parvum, facile judices. In praeg-nante autem, et jam veneri matura, (quam ex rubicundo criſtae colore mulieres norunt) uterus multo auſtior et carnoſior appa-ret; cum plicis majoribus et craſſioribus; ad magnitudinem il-lam, quam ovo excipiendo idoneam cernimus; qui ſuſum, ſe-cundum ſpinae ductum, longe protenditur, et ex multis locula-mentis five cellulis, tanquam inteſtinum colon, ut dixi, com-ponitur, quae ex uteri producti replicatione conſtituuntur. Pars hujus inferior, ut maxima, ita craſſiſſima et carnoſiſſima eſt, pluribuſque et majoribus plicis roborata; figura ejus inter-na ovalis cernitur, tanquam ovi proplaſma. Aſcendentem uteri

portionem five productionem, ego *processum* nomino : Fabricius, *secundum uterum* appellat, et *ex tribus spiris seu flexionibus constare* asserit : Vlyffes Aldrovandus, *uteri stomachum* nuncupat. Sunt quidem, fateor, ut plurimum tres spirae ; non est hoc tamen ita perpetuum, quin (ut in coli cellulis contingit) natura interdum abludat.

Vterus iste, prout ascendit altius, ita quoque sensim magis attenuatur et gracilescit, minoribusque et paucioribus plicis constat ; donec tandem in membranas, easque tenuissimas, abiens, infundibulum constituat ; quod ad cinctum corporis usque pertingens, totum ovarium complectitur.

Ideoque Fabricius^a, secundi uteri tres partes constituit ; principium nempe, medium, et finem. *Principium*, inquit, *in membranam tenuem mollissimamque degenerans, orificium latius efformat, quasi tubulum aut infundibulum repraesentans. Altera pars* (quam ego uteri processum nomino) *spiris tribus transversis constans, albumini suppeditando inservit ; et ad locum infimum et capacissimum protenditur, quem finem ejus uteri appellat, in quo chalazae*, inquit, *duaeque membranae, et cortex efformantur.*

Tota uteri substantia (praesertim circa plicas) tam in utero ipso, quam processu ejus, multis amplisque venis scatet : plures tamen sunt arteriarum ramuli, quam venarum.

Plicae, quae in parte uteri interiore obliquae et transversae apparent, carnosae substantiae sunt ; et colore albissimo ac lacteo praeditae, aquam lentam exfudant ; ut tota interior superficies, tum uteri tum processus ejus, multo quasi tenui albumine madeat ; unde vitellus descendens augetur, circumpositoque paulatim albumine perficitur.

Vterum ovis privatum raro reperies, sed vel in processus spiris inhaerens, vel in ipso utero contentum invenies. Si proces-

^a Pag. 17.

sum hunc vacuum inflaveris, ceu obliquus et contortus tubulus apparebit, et ad modum cochleae sive turbinis in fastigium asurgens: talisque est ex plicis et spiris uteri fabrica, qualem in vulva nuper observavimus; ut licet nempe descendenti ovo via fatis pateat, tamen vix ullus retrorsum fit, vel inflato aëri, ad superiora transitus.

Processus uteri cum suis spiris, in effoeta gallina, ut diximus, atque etiam in pullis juvenculis, adeo imminuitur, ut in tenuissimas membranas abeat, et plane aboleatur, nullumque ejus vestigium extet; uti neque ovarii, aut infundibuli: solummodo ibidem (tanquam racemi radix) glandulosum quid et spongiosum, quod in gallinis coctis dulce sapit, reperitur; quemadmodum in viviparis (praesertim juvenculis) pancreas, et thymus; quos ideo nostrates *the sweet-bread*, id est, panem dulcem, nominant.

Vterus, una cum processu, membranae opera dorso alligatur; quam propterea Fabricius *mesometrium* vocat: *quod secundus uterus, una cum hoc membranofo venosoque corpore, concinne admodum intestinis et suo mesenterio comparari possit.* Nam ut hoc, intestina; ita illud, processum oblongiorem a spina exortum firmat et detinet; ne loco motus, et implicatus, vitellorum transitum impediat: sed liber et apertus eisdem molliter excipiat. Per hoc mesometrium, plurima quoque vasa sanguine refertissima, in singulas uteri plicas ramificantur. Est itaque ortu, substantia, fabrica, usu, et officio, mesenterio analogon. Quinetiam ab uteri fundo, secundum longitudinem, ligamentum, instar taeniae, ad infundibulum usque protenditur, quale in superiore coli regione productum cernimus. Quasi portio quaedam exterioris tunicae tensa et contracta, ut reliquum processus in plicas et cellulas corrugetur. Ita scilicet intestino aliquo exempto, filoque per longitudinem unius lateris ducto et constricto, alterum ejus latus in rugosas cellulas efformabis.

Hujusmodi igitur est constitutio uteri in gallina foetante : carnosâ scilicet, amplâ, in longum latumque ductilis, anfractuosa, spiris et convolutionibus a podice sursum, secundum dorfi spinam protensa, atque infundibulo continuata.

EXERCITATIO NONA.

De generatione ovi.

VITELLVS, in racemo, exigua duntaxat papula est ; fensimque auctus colorem et magnitudinem vitelli adipiscitur ; indeque abruptus, per infundibulum descendit, et per spiras cellulasque processus devolutus, albumen induit : licet nulli (quod recte contra Aristotelem Fabricius observavit) utero adhaereat, nec per vasa umbilicalia augeatur ; sed, ut piscium vel ranarum ova, foris ex aqua, albumina sibi parant et circumvolvunt ; vel, ut fabae, ciceres, caeteraque legumina et frumenta, humore macerata intumescunt, indeque alimentum pullulanti ex sese germini acquirunt : ita similiter ex dictis uteri plicis (tanquam ex ubere, aut placenta uterina) albuginea humiditate promanante, vitellus sibi (vegetativo et innato, quo pollet, calore et facultate) albumen quaerit et concoquit. Ideoque in plicis illis et cavo uteri, liquor albuminis saporem referens copiosissime abundat. Atque hoc pacto vitellus paulatim descendens, albumine cingitur, donec tandem in extremo utero, membranis testaque duriore assumptis, ad partum perficitur,

EXER-

EXERCITATIO DECIMA.

De ovi incremento, et exitu.

AVDIAMVS Fabricium : *Sicuti dicimus, inquit^a, ventriculi actionem esse chylicationem ; et testium actionem, seminis generationem ; quia in ventriculo chylus, in testibus semen comperitur : sic ovorum generationem esse pennatorum uteri actionem omnino asseveramus, quod ovum inibi inveniatur. Sed non est haec sola uterorum functio, ut patet ; sed ea quoque adnotatur et enumeratur, nimirum ovi augmentum, quod ovo statim genito succedit, quousque perfectum efficiatur et justam magnitudinem adipiscatur. Etenim gallina non prius naturaliter ovum parit, quam perfectum factum et congruam magnitudinem adeptum fuerit. Igitur uterorum actio, tum ovi generatio, tum augmentum est : augmentum autem nutritionem supponit et includit. Sed cum generatio omnis a duobus perficiatur, videlicet opifice, et materia ; agens, in ovorum procreatione, nil aliud est quam instrumenta seu organa proposita, nimirum duplex uterus : materia vero, nulla alia quam sanguis.*

Nos autem brevitati studentes, omisiss, ut oportet, altercationibus, ut facile concedimus uteri officium et usum procreandis ovis destinatum esse ; ita efficiens adaequatum, ut dici solet, et immediatum, in ovo ipso contineri asseveramus ; ovumque, non ab utero, sed ab interno principio naturali sibi quoque proprio, tum generari tum augeri censemus ; principiumque hoc a tota gallina primum in vitellum inchoatum, primamve papulam profluere ; quod deinde, ceu innatus calor aut natura opifex, vitello inhaerens, ipsum nutrit, augetque : quemadmodum in unaquaque corporis parte facultas quaedam inest, qua ipsae singulatim aluntur et crescunt.

^a Pag. 8.

Modum autem quod attinet, quo vitellus albumine augetur, Aristoteles^a videtur credidisse, in ovis, dum mollibus membranis obvolvuntur, canalem umbilicalem in acuta ovi parte esse (ubi ovi principium statuit), per quem augeatur. Quam sententiam Fabricius^b reprehendit, negatque ullum talem canalem adesse, aut vitellum ullibi utero adhaerere: atque dubium de ejectione ovi appendicula diluit; dicendo, ovum augeri dupliciter, prout duplex est uterus, superior et inferior; et ovi substantia duplex, vitellus et albumen. Vitellus adaugetur vero augmento, sanguine nempe, qui ad ipsum per venas porrigitur, dum adhuc vitellario appenditur. Albumen autem alio modo adaugetur et accrescit ac vitellus: etenim non per venas, neque per nutritionem, ut vitellus, incrementum suscipit; sed per juxtapositionem vitello, dum per secundum uterum devolvitur, adhaerescit.

Mea autem sententia, ovum ubique eodem modo augetur, quo vitellus in racemo; a principio nempe intrinseco concoquente: hoc solum discrimine, quod in racemo alimentum illi per vasa deferatur, in utero autem jam paratum inveniat quod imbibat. Quippe in omni nutritione et accretione, aequaliter necessaria est partium juxtapositio, et applicati alimenti concoc-tio ac distributio: neque haec minus, quam illa, vera nutritio censenda est: siquidem utraque novi alimenti accessu, appositione, agglutinatione, atque transmutatione contingit. Nec minus sane ciceres vel fabae, attracto per tunicas suas terrae humore, quem veluti spongiae imbibunt, vere nutriri dicuntur; quam si eundem per venarum oscula admitterent: et arbores corticibus suis rorem pluviasque absorbentes, aequè vere aluntur ac per radices solent. Verum de nutritionis modo, alibi plura annotavimus. Impraesentiarum nos alia difficultas tenet; nimirum an vitellus, dum albumen acquirit, separationem ejus aliquam et distinctionem non faciat; atque ita, dum augetur,

^a De gen. anim. lib. iii. cap. 2.^b Pag. 11.

pars quaedam terrestrior in vitellum seu medium ovi, tanquam ad centrum, ut Aristoteles voluit, subsidat; pars alia levior eundem circumambiat. Inter vitellum enim, qui adhuc in racemo est, et eum qui in medio perfecti ovi reperitur, hoc maxime interest; quod ille, quamvis luteo colore sit, consistentia tamen magis albumen referat; et coctura, hujus instar, crassescat, compactus, viscidus, et in laminas fissilis sit: vitellus vero, qui in ovi perfecti medio est, a coctione friabilis fiat, et consistentiae magis terrestris (non crassae, et glutinosae, albuminis instar), appareat.

EXERCITATIO VNDECIMA.

De ovi cortice.

TEMPESTIVVM est, post declaratam ovi generationem, de ejus partibus, et differentiis agere. *Componitur autem ovum*, inquit Fabricius^a, *ex vitello, albumine, chalazis duabus, tribus membranis (videlicet, una vitelli propria, duabus totius ovi communibus), et demum cortice. Quibus duo addenda sunt, quae vere ovi partibus annumerari non possunt; alterum est, quaedam exigua cavitas in obtusiore ovi parte intus prope putamen efformata; alterum, perexiguum albumque vestigium, quasi rotanda cicatricula vitelli superficiei adnata. Quorum omnium historia exactius nobis afferenda est, ab externis exordientibus. Ovi exterius operculum (quod cortex et putamen appellatur a Plinio; ovi testa, a Quinto Sereno) est integumentum durum, tenue, friabile, porosum, colore vario; nimirum candido, pallido, rubro, maculato, et punctis distincto: videlicet gallinarum et columbarum, candido; palustrium, pallido; tinnunculi, rubro, ut minium; phasianorum, maculato, punctisque distincto, ut ait Aristoteles^b. Putamen non omnia ova sortita sunt:*

^a Pag. 22.^b De hist. anim. lib. vi. cap. 2.

Etenim serpentium ova eo destituuntur; et gallinae aliquot solent, raro tamen, sine cortice ovum parere. Putamen hoc quanquam durum est, non tamen aequaliter in omnibus partibus durum apparet; sed durius ad ovi principium et superiorem partem est. Ideoque Fabricius^a dubitandum ait, ex qua materia, et quo tempore, ovi testa gignatur. Aristoteles^b enim et Plinius^c affirmant, corticem non intus gigni, sed cum ovum editum est; et prout exit, ita ab aëre externo obdurari, calore externo evaporante humorem. Idque factum, ait Aristoteles^d ne parenti dolorem moveret, et facilius egrederetur. Quemadmodum ovum, aceto emollitum, in vas stricti orificii facile intrudi dicitur.

Fabricius quidem huic opinioni diu adversabatur; quod ovum duro cortice obductum intus reperisset; idemque mulieres quotidie experiantur, dum extra abdomen digitis ovi duritiem perterunt, ut cognoscant, an gallina mox sit editura ovum, necne. Postea autem, cum accepisset a mulieribus fide dignis, ovorum corticem in exitu ab aëre obdurari, qui lentum quendam humorem exeunti ovo circumfusum e vestigio exsiccet, et cortici nondum exacte duro apponat, et induret; atque ipse tandem experientia id comprobasset: mutavit sententiam, putavitque ovum cortice obductum, et constitutionem inter molle et durum adeptum, jam in exitu statim impensius obdurari; concrecente circa putamen e vestigio, propter humoris evaporationem, ut ait Aristoteles, viscosa ac tenaci quadam humiditate; cum qua madescens in tota superficie ovum nascitur, et recenti cortici adhaerescens exsiccatur obdurateque, frigido ambiente nonnihil interea conferente. Id quod facile intueberis, inquit, si gallinam domesticam domi habueris, et ovum ei in exitu dextre manu arripueris.

In hac Aristotelis sententia diu haeseram, donec me certa experientia contrarium docuit. Quippe compertum habeo, o-

^a Pag. 13. ^b Hist. anim. lib. vi. cap. 2. et gen. anim. lib. i. cap. 8.

^c Lib. x. cap. 52. ^d De gen. anim. lib. iii. cap. 2.

vum in utero, fere semper duro cortice obductum esse. Et aliquando vidi ovum, e gallina viva exemptum, atque etiamnum calens, sine cortice humiditate tenaci madescens; quod tamen ab humiditate illa circa putamen concrefcente, aut evaporascente, ut voluit Fabricius, nihil omnino obduruerat, neque ab aëre ambiente frigido permutabatur; sed mollitiem, quam in utero habuerat, retinuit.

Visum est etiam a me ovum e gallina recens prognatum, perfectoque cortice incrustatum, cuticula tamen membranosa, et molli super corticem inducta vestitum; quae membrana ne quidem post ovi ortum concrefcebat. Vidi praeterea ovum e gallina natum, undiquaque testa obductum, praeterquam in acuti culminis apice, ubi exigua mollisque quaedam eminentia (qualem forte Aristoteles pro umbilici vestigio habuit) permanfit.

Fabricius itaque mihi videtur a vero recessisse: neque enim ea dexteritate unquam fui, ut ovum in ipso exitu arripere, idque inter molle et durum reperire potuerim. Et hoc fidenter assero, corticem intus sive in utero, ex materia ibidem oblata confici; et non aliter quam reliquas ovi partes, a formatrice ejus facultate plasmati; eoque magis, quod viderim, ovum perexiguum (Fabricius centeninum vocat, et nostrates mulieres gallo adscribunt) crusta tectum, intra aliud gallinae ovum majus, perfectum, et cortice circumcirca obductum contineri. Ovum hoc serenissimo regi Carolo, domino meo clementissimo, multis aliis coram spectandum praebui. Eodemque anno in limone majore dissecto, limonem alterum perfectum, sed perexiguum, flavo cortice obductum reperi. Quod jam crebro in Italia contingere audio.

Communis eorum error est, qui hodie philosophantur, quaerere varietatis partium causas, ex diversa materia unde oriuntur. Ita medici, varias corporis partes, ex diversa materia, vel sanguinis, vel spermatis, gigni et enutriti asserunt: nempe ex

tenuiore materia, partes molles, ut carnem; ex duriore et crassiore, terrestres partes, ut ossa et caetera. Nos autem errorem hunc, nimis pervulgatum, alibi refutavimus. Nec minus illi falluntur, qui ex atomis omnia componunt, ut Democritus; aut ex elementis, ut Empedocles. Quasi generatio nil aliud foret, quam separatio, aut congregatio, aut dispositio rerum. Non est quidem negandum, ut aliquid ex aliquo producat, haec quae dicta sunt necessario requiri; generatio tamen ipsa ab iis omnibus diversa est. In hac sententia Aristotelem reperio: atque ipsemet postea docebo, ex eodem albumine (quod omnes fatentur simile esse, non autem ex diversis partibus compositum) singulas pulli partes, ossa, ungues, plumas, carnem, caeterasque omnes procreari et nutrir. Praeterea, qui hoc modo philosophantes materialem duntaxat causam assignant, et vel ex elementis sponte aut casu concurrentibus, vel ex atomis varie dispositis, causas rerum naturalium deducunt; quod est in operibus naturae, atque in generatione et nutritione animalium praecipuum, haud attingunt: divinum nempe illud efficiens, et naturae numen (quod summa arte, providentia, et sapientia operatur, omniaque in finem aliquem, sive boni alicujus gratia efficit) non agnoscunt; sed divino architecto honorem derogant, qui non minore artificio et providentia corticem, in ovi tutelam, extruxit; quam caeteras omnes ovi particulas, ex eadem materia, et per eandem facultatem formatricem composuit.

Quaquam illa, quae jam diximus, vera sunt, ovum scilicet, etiamnum in utero existens, duro cortice muniri; tantopere tamen apud me semper valuit Aristotelis auctoritas, ut non temere ab illa recedendum putem; ideoque credam, quod etiam observationes meae confirmant, huic corticis concretioni, aliquid in ipso ejus exitu ab ambiente aëre accedere; lentumque illum et lubricum humorem, a quo dum nascitur madet, statim ab ejus exclusionem indurari. Cortex enim, dum in utero est,

est, multo tenuior, et transparens magis, ac laevi superficie conspicitur; edito autem jam ovo, crassior multo, minus translucidus, et superficie aspera (tanquam polline albisimo adperso, et nuper accrescente) apparet.

Liceat nobis, hic dum fumus, aliquantulum exspatiari.

In Scotiae infulis orientalibus desertis, tanta omnis fere generis avium marinarum copia reperitur; ut, si, quae a fide dignis accepi, retulero, verear, ne fabulas majores narrare videar, quam quas auctores varii, de anseribus Scotiis ex arborum quarundam fructibus, quos nunquam viderunt, in mare delabentibus, prognatis, tradiderunt. Quae ipsemet vidi, bona fide edisseram.

Est insula parva, Scoti *Basse* nominant (ex hac una, lector, nosce omnes), non procul a littore in alto mari sita, abrupto et confragoso clivo editissima (verius saxum ingens five scopulum dixeris); haud amplius mille passuum circuitu amplitudo ejus clauditur. Hujus insulae superficies, mensibus Maio et Junio, nidis, ovis, pullisque propemodum tota instrata est; adeo ut vix uspiam, prae eorum copia, pedem libere ponere liceat: tantaque supervolantium turba, ut, nubium instar, solem coelumque auferant; tantusque vociferantium clangor et strepitus, ut prope alloquentes vix audias. Si subjectum mare, inde (tanquam ex edita turri et altissimo praecipitio) despexeris; idem quoquoeversum infinitis diversorum generum avibus natantibus, praedaeque inhiantibus opertum videas. Quemadmodum, verno tempore, stagna alicubi ranis refertissima cernuntur: et apri-ci colles montesque acclives frequentissimis ovium caprarumque gregibus obsessi eminens spectantur. Si circumnavigando imminentem clivum suspicere libuerit, videas in singulis praerupti loci crepidinibus et recessibus, avium cujuslibet generis et magnitudinis ordines innumerabiles; plures sane, quam illi nocte et sereno coelo stellae conspiciuntur: si advolantes, avolantesque eminens adspexeris, apum profecto ingens examen credas.

Haud

Haud facile dixerim, quantus reditus quotannis ex plumis, et nidorum foco utilium reliquiis, ovorumque coctorum commercio possessori accedat: adeo, quod ipse mihi narravit, fidem exsuperat. Hoc unum, quod ad propositum nostrum propius spectat, potissimum mihi memorabile videtur; estque praefatae multitudinis clarum indicium. Tota haec insula adventantibus candido nitore micat; clivique, tanquam ex albissima creta, fulgent; saxi tamen natus color obscurus, et niger est. Insulam albam et splendentem reddit crusta ei adhaerens albissima, friabilis, ejusdemque cum ovi cortice consistentiae, coloris, et naturae: adeo omnia ejus latera integumento duro, testaque alba friabili superinducta, trullifata sunt. Pars ima, quam reciproca maris unda quotidie abluit, nativo suo colore conspicua, luculenter docet, albedinem illam in summo fucatam esse, et a liquidis avium excrementis, quae cum alvi faecibus elidunt, proficisci; quibus, tanquam ovi testa alba, dura, et friabili, saxum obtegunt et (accedente aëris ambientis frigore) incrustant: eodemque modo, Aristoteles quoque, et Plinius, ovi testam fieri voluerunt. Harum avium nullae illius loci inquilini sunt; sed pariendi causa advenae, per aliquot duntaxat septimanas ibidem, tanquam in diverforio, morantur; donec scilicet pulli una avolare possint. Tamen alba illa crusta adeo solida, firma, et profunda adhaeret, ut genuinam illius foli naturam crederes.

Excrementum hoc liquidum, album, et lucidum, ex avium renibus cum urina per ureteres in communem cavitatem seu cloacam delabitur; faeces alvi ibidem cooperit, atque una prodit foras: estque crassior earum urinae pars, quam in nostra sedimentum sive hypostasin nominamus. Nonnulla de hac re supra diximus, atque eandem alibi plenius demonstravimus. Albi hujus excrementi copia ibi praefertim conspicua est, ubi accipitres stationibus suis conterminos muros faecibus illinunt, albedine gypsea obducunt, et quasi cerussa depingunt. In

In struthionis mortui cloaca, gypfei hujus caementi eam copiam reperi, quae manum integram facile impleret. Similiter in testudine terrestri, caeterisque quadrupedibus oviparis, album hoc caementum abundat; forasque ejectum, evaporatione tenuioris partis, cito vel in crustam friabilem, aut in pollinem ovi testae pulveratae simillimum, concrescit.

Inter avium tam diversa genera, quae ad insulam dictam generandi causa advolant, tamque varios nidorum modos, in quibus ova incubant; una mihi monstratur avis, quae ovum duntaxat singulare five unicum parit, idemque super cuiusdam lapidis acuti fastigium collocat (nullo nido, aut conquisita strue supposita) idque tam firmiter, ut mater abire et redire, salvo ovo, possit. Hoc autem si quis loco dimoveat, nulla arte postea stabiliri potest; quin inde devolutum, praeceps in mare ruat. Locus nempe, ut dixi, caemento albo incrustatur; ovumque, cum nascitur, lenta et viscosa madet humiditate, qua cito concrecente, tanquam ferrumine quodam, substrato saxo agglutinatur.

Tam fubitae concretionis exemplum apud statuarios videre est, qui ex alabastro calcinato vel gypso aqua temperato, caementum liquidum efficiunt; quo ita applicito, defunctorum vultus, vel alterius cuiuslibet rei, etiam minutissimae, simulacrum et imaginem excipiunt; eodemque mox indurescente, proplasmata concinnant.

Quemadmodum igitur in omnibus fere liquoribus terreni aliquid inest (exempli gratia in vino, tartarum; in aquis, limus, aut sabulum; in lixivio, sal; qui, humido magnam partem exhalante, concrescit et subsidit); ita pariter sedimentum album avium, una cum urina, e renibus in cloacam descendere arbitrabar, ovumque ibidem eodem oblini et incrustari; ut pavimenta a falconibus, et praedictae insulae totum clivum gypsari diximus: et perinde atque vasa, locaque alia ubi crebro mingitur, flavo cortice tegi solent; materia illa scilicet concrecente,

ex

ex qua calculi in renibus, vesica, aliisque corporis partibus generantur. Credebam, inquam (praesertim Aristotelis et Plinii auctoritate ductus) ex huiusmodi albo sedimento, quod in omnibus oviparis, quorum ova duro cortice integuntur, copiose adest, ovi gallinacei corticem fieri, et ab ambiente frigore dum excluditur concrefcere: Eandemque meam sententiam aliae quoque plurimae observationes adeo confirmarunt; ut vix mihi temperem, quin credam, aliquam saltem testae partem inde produci.

Veruntamen, ut recte monet Fabricius, *ratio omnis conticefcit oportet, ubi experientia refragatur*. Vitiumque hujus seculi est nimis familiare; phantasmata, ex conjectura, levique ratiocinio (sine oculorum testimonio) nata, pro manifesta veritate obtrudere.

Mihi enim certo compertum est, ovum, saltem apud nos, in ipso utero existens cortice integri: licet Aristoteles et Plinius contrarium affirmant, idque Fabricius quoque *haud pertinaciter negandum* putet. Forsitan locis calidioribus, et robustioribus gallinis, ovum molle et sine testa ut plurimum nascitur; apud nos vero id rarissime contingit. Ita mihi olim, Venetiis cum essem, aromatarius medicus clarissimus ostendit, inter utramque faseoli laminam, minutum folium efformatum; cum tamen apud nos, in similibus faseolis, duntaxat apex parvulus nascituri germinis appareat. Tantopere ad foecunditatem et celeriores proventus, coeli, foli, aërisque benignus tepor et clementia conducunt.

EXERCITATIO DVODECIMA.

De reliquis ovi partibus.

VBI autem, quando, et quomodo reliquae ovi partes generentur, in historia uteri partim jam diximus; partimque postea, ubi de earum utilitatibus agetur, dicemus.

Albumen, inquit Fabricius^a, *ovi albus liquor*, *Plinio*; *ovi candidum*, *Celfo*; *ovi albor*, *Palladio*; *ovi album et albamentum*, *Apicio*; *Graece λευκόν*; *ab Aristotele ὡς λεύκωμα*; *ab Anaxagora, ὀρνιθός γάλα*, lac avium dicitur. *Estque ovi liquor frigidus, lentus, albus, varius crassitie (nam ad obtusam, acutamque ovi partem liquidius, in aliis partibus crassius visitur); et copia (copiosior enim est ad obtusam ovi partem, minus ad acutam, et adhuc minus in caetera ovi parte) vitellum undique obtegens et cingens.*

Ego vero in ovo gallinaceo non modo varium albumen observavi, sed etiam duplex; utrumque propria membrana involutum: alterum tenuius, liquidius, et ejusdem ferme consistentiae cum humore illo, quem ex uteri plicis manantem, albuminis materiam et nutrimentum diximus; alterum albumen est crassius, et viscosius, pauloque magis ad albedinem vergens; in vetustioribus autem et requietis ovis, post aliquot dierum incubationem, subflavescens. Vt secundum hoc albumen vitellum undique obtegit, ita liquor ille exterior ipsum circumambit. Bina haec albumina distincta esse, vel hinc constat: Si, ablato cortice, membranam utramque proximam penetraveris, videbis alborem liquidum et exteriorem protinus effluere; iisdemque membranis hinc inde in patinam reclinatis, interius tamen et crassius albumen locum et figuram suam globosam fervat; utpote membrana propria, tenuique adeo ut visum prorsus effugiat,

^a Pag. 22.

terminatum; hanc autem si fecueris, secundum albumen illico huc illuc sparsum effluit, et figuram rotundam amittit; perinde atque e vesica secta humor in ea servatus prorumpit; et disrupta propria vitelli membrana, liquor croceus egreditur, et globositas pristina subfidit.

Vitellus, ait Fabricius^a, a vita dicitur, quod eo vivat pullus; dicitur quoque a colore, ovi luteum: Graece, χροῖον; Hippocrati, χλωρόν; Aristoteli, ὠχροῖον, et λευκόν: Antiqui, ut Suidas ex Menandro, νεοτῖον, id est, pullum appellarunt; quod existimarent ex ea ovi parte pullum nasci. Est ovi liquor mollissimus, tenuissima membrana obductus, qua abrupta effluit, neque amplius in se constans detinetur; in medio ovi consistens; colore modo luteo, modo inter flavum et pallidum medio; perfecte rotundus; magnitudine varius, pro pennatorum magnitudinis varietate, palustria enim plus lutei, terrestria plus albi habere scribit Aristoteles^b. Hoc eodem auctore, luteum ovorum atque albumen contrariam naturam obtinent; non solum colore, sed etiam potestate. Luteum enim a frigore densatur; albumen non densatur, sed magis liquefit. Contra ab igni spissatur albumen, luteum non spissatur, sed molle permanet, nisi peruratur. Et elixando, quam assando, plus concrefcit, atque siccat. Et quemadmodum in mundo majore, terra in centro posita, aqua et aëre circumdatur; ita pariter vitellus, ovi pars terrestrior, duobus albuminibus, craffiore et tenuiore, ambitur. Imo vero teste Aristotele^c, si quis vitellos atque albumina multa exempta, inque patinam indita commiscuerit, atque elixarit igne molliore remissioreque; lutea tota massa in medium coit orbiculare, alba autem huic circumfunditur. Medici autem plurimi albumen esse partem ovi frigidiorē statuunt. Sed de his posthaec plura.

Chalazae i. e. grandines (Italis galladura, Anglis the treadle) binæ singulis ovīs obtigerunt; altera in obtuso, altera in

^a Pag. 23. ^b Hist. anim. lib. vi. cap. 2. ^c Ibid. De gen. anim. lib. iii. cap. 1. acuto

acuto angulo. Plus earum in albumine reperitur; vitello tamen validius adhaerent, ejusque membranae appenduntur. Corpora sunt longiuscula, concreta magis quam albumen, et albidiora, nodosa, luciditatis cujusdam non expertia, ut grando, unde illis nomen: constat enim quaelibet chalaza pluribus quasi grandinibus albumine ad invicem junctis. Earum altera major est, et longius a vitello versus obtusum ovi cacumen protenditur: altera minor, a vitello inferius versus partem ovi acutam porrigitur. Major ex duobus vel tribus nodis, quasi grandinis granis globulifve conflatur, qui modico intervallo a se invicem distant; et minor ordine majori succedit.

In omnibus omnium avium ovis reperiuntur; foecundis pariter, et subventaneis: idque in utroque eorum cacumine. Unde apparet vulgaris muliercularum error, existimantium grandines esse galli sperma, atque ab ipsis pullum procreari. Atque ipsemet Fabricius^a, licet neget *eas ex galli semine constare*; multis tamen rationibus contendit, *eas immediatam esse materiam, quam gallus faecunditate imbuat, et ex qua pullus corporetur*: Idque hoc levi argumento^b, *quod in cocto ovo, chalazae in se ipsas ita contrahantur, ut conceptus, sive pulli jam efformati ac geniti similitudinem referant*. Verisimile tamen non est, plura futuri foetus rudimenta in eodem ovo requiri: nec unquam quisquam, nisi in obtuso angulo, pulli primordium reperiit. Quinetiam dictae chalazae in ovis per coitum foecundis, nulla sensibili differentia ab iis discrepant, quae in ovis irritis inveniuntur. Hallucinator itaque est vir clarissimus circa grandinis usum in ovo; idque postea ex dicendis clarior constabit.

Etiam in minimarum avicularum ovis, tenue filum, aut nervulus, chalazae vestigium exhibet. In ovorum struthionis, et Cassoware utroque cacumine, vidi chalazas crassissimas, longif-

^a Pag. 48.^b Pag. 57.

finas, et albissimas, ex pluribus globulis magnitudine invicem cedentibus conflatas.

Cavitas quaedam exigua in obtusiore ovi parte, intus prope putamen, conspicitur; quae interdum in ipso fastigio fita est; interdum nonnihil ad latus inclinat, subjectae chalazae fere e directo respondens. Figura, ut plurimum, circulari est; in anate autem et anfore exacte circulum non refert. Hanc evidenter tanquam maculam obscuram cernere licet, si posito ex adverso lumine, impositaque transversim manu, in obscuro intuitus fueris. In ovo recentissimo exigua est, oculi humani pupillae magnitudinem referens. Quotidie increfcit, prout ovum requietum magis fuerit, et ambiens aër calidior. A prima statim incubationis die valde ampliatur: tanquam, parte aliqua exterioris et liquidioris albuminis exhalante, reliqua contraheretur, et spatium amplius relinqueret: fit enim cavitas isthaec inter testam, membrana succingente ibi loci destitutam, et membranam exteriorem universos ovi liquores amplectentem. Omnibus ovīs inest: imo vero in utero adhuc remanente ovo, quamprimum cortice obtegitur, inveni; aiunt harum rerum curiosi, si cavitas haec in summo fastigio fuerit, ex ejusmodi ovo nasciturum marem; foeminam autem, si versus latus deflexerit. Hoc sane compertum est; cavitatem minimam significare ovum jam recens editum; contra vero, requietum esse, si grandiuscula fuerit. Erit autem uberior postea de hac re dicendi locus.

Circulus albus et perexiguus vitelli tunicae (tanquam cicatrice quaedam inusta) adnascitur: quam ideo Fabricius *cicatriculam* nominavit; sed parvi fecit, et potius ovi affectionem, quam partem ejus aliquam existimavit. Macula haec perpupilla est, lenticulae fere magnitudine, aviculae pupillam referens, alba, plana, et circularis. Omnibus quoque ovīs inest; etiam a prima eorum origine in vitellario. Quare fallitur Fabricius;
dum

EXERCITATIO DECIMATERTIA. 229

dum putat, hanc maculam esse duntaxat abrupti pedunculi vestigium; quo, in ovario, ipsi racemo appendebatur. Pedunculus enim, ut ipse agnoscit, cavus est, et vitello appropinquans dilatatur, ut ipsum totum ambiat, et tanquam in sacco continetur; non autem illi (ut pedioli pomorum, aliorumque fructuum) infigitur, ut ita abruptus vestigium sui relinquit. Quod si aliquando in magno vitello, ut Fabricius refert, duplicem maculam conspexeris: causa monstri forsitan fuerit, et duplicati foetus, ut postea dicitur, non autem duplicis pedunculi indicium. Plurimum vero hallucinatur, dum cicatriculam hanc nulli usui inservire credit: est enim praecipua totius ovi pars, cujus gratia reliquae omnes efformantur, et ex qua pullus originem suam ducit. Parisanus quidem perperam hanc esse galli semen contendit.

EXERCITATIO DECIMATERTIA.

De ovorum differentiis.

OVVM generaliter bifariam sumitur; vel proprie, vel improprie. Ovum proprie dictum appello, cui ovi definitio, ab Aristotele^a tradita, competit: Ovum est, ex cujus parte animal gignitur, reliquum cibis ei, quod gignitur, est. Improprie vero dictum ovum appello, quod similiter Aristoteles^b eodem loco definiivit, ex quo toto animal nascitur; ut sunt ova formicarum, muscarum, aranearum, quorundam papilionum, et alia id genus perpussilla admodum ova; quae Aristoteles fere perpetuo veritus est ovi voce nuncupare, sed vermiculi nomine ipsa donavit. Haec quidem Fabricius^c: nobis autem, qui de ovi gallinacei generatione praecipue agimus, omnium ovorum differentias hic universim tradere non est animus; sed gallinaceorum duntaxat dissimilitudines proponere. Ova igitur gallinacea, alia sunt recen-

^a Hist. anim. lib. i. cap. 5.

^b De gen. anim. lib. i. cap. 2.

^c Pag. 19.

tia ; alia requieta ; illa, quam haec, albidiora sunt ; aetate quippe offuscantur, et praesertim ab incubatione : iisdem etiam cavitas in obtuso angulo exigua est : et, si valde recentia fuerint, ab adhaerente polline aliquantulum scabra sunt : requieta vero, ut cortice obscuriore, ita et laevigato magis constant. Recentia, modo integra fuerint, prope ignem posita sudant ; et, praeter caeteris, jucundo sapore praedita sunt, plurimumque in deliciis habentur. Imo vero ova, post duorum aut trium dierum incubationem, suavius sapiunt, quam requieta : quasi blando gallinae tepore denuo refocillata, ad naturam atque integritatem recentium reverterentur. Quinetiam, post diem decimum quartum, cum jam pullus plumescere incipit, mediumque ovi possidet, et vitellus fere integer superest, ovum in aqua ebulliente ad duritiem coxi, ut pulli situm exquisitius dignoscerem ; cuius posituram, instar proplasmatis, albuminis cavitas expressit : ejusque vitellum grati plane saporis, similisque suavitatis cum recenti ovo itidem indurato, reperi. Vitellus vivente adhuc gallina, a racemo diremptus, statimque comestus, dulcius sapit crudus quam coctus.

Ovorum etiam a figura discrimen est : alia enim aliis longiora sunt et acuminata magis. *Ex oblongis et acutis ovis, auctore Aristotele^a, foeminae generantur : ex iis, quae mucronem obtusum habent, mares.* Plinius^b autem contrarium statuit : *Foeminam edunt, inquit, quae rotundiora gignuntur : reliqua marem.* Cum eo etiam est Columella : *Cum quis volet, inquit^c, quamplurimos mares excludi, longissima quaeque et acutissima ova subiciat : et rursus, cum foeminas, quam rotundissima.* Aristotelis sententia hanc causam habet : quoniam calidiora sunt rotundiora : est enim caloris congregare et constituere ; plusque is calor potest, qui plus operatur. A validiore igitur et perfectiore principio, robustius et perfectius animal exsurget. Tale

^a *Hist. an. lib. vi. cap. 2.* ^b *Lib. x. cap. 52. lib. ix.* ^c *De re rust. cap. 5. Scalig. in locum.*

est mas, foeminae (praesertim gallus gallinae) comparatus. Contra autem, minora ova inter imperfecta recensentur, et minima omnino improlifera habentur. Ideoque Aristoteles ad laudabilem ovorum proventum, frequentem galli coitum laudavit. Sterilia autem, et subventanea ova, minora esse asseruit, minusque sapida; quod talia sint humida et imperfecta. Dicta autem differentia intelligenda est, de ovis ejusdem gallinae: nam cum gallina quaelibet familia semper ova pariat; mares inde omnes, vel foeminas produceret. Aliter si intellexeris, incerta valde fuerit, ex praedictis signis, de mare aut foemina conjectura. Quippe variae gallinae, ova edunt tum magnitudine, tum figura dissimilia: aliae nempe oblonga, aliae rotundiora, parumque a se invicem discrepantia. Licet enim aliquando in ejusdem gallinae ovis discrimen aliquod invenerim; est tamen hoc adeo exiguum, ut, nisi valde exercitatis, non innotescat. Cum enim in eodem utero (in quo cortex adnascitur), seu proplasmate, singula ejusdem gallinae ova figuram suam pene eandem acquirant (quemadmodum in coli cellulis excrementorum scybala), necesse est, ut magna inter illa reperiatur similitudo; adeo ut ipsemet, non multo negotio, in parva gallinarum caterva, quodnam cujuslibet gallinae ovum esset, facile internoscere potuerim. Idque alii promptius praestiterint, postquam huic rei diuturnam ac sedulam operam impenderint. Profecto admiratione longe dignius est, quod in venatoribus quotidie experimur. Vivariorum custodes diligentiores, qui cervorum vel damarum complurium curam habent; si forte cornua singulis annis decidua in sylvis aut saltibus reppererint; quorumnam cervorum ea fuerint, certissime dignoscunt. Erat pastor stolidus plane et infrunitus, qui ovium numerosum gregem curabat; is singulas adeo internoverat, ut, si quaequam abesset a grege, licet numerare nesciret, nominatim indicaret quaenam esset, a quo empti, aut unde venisset. Aliquando etiam, tentandi gratia,

tia, inter quadraginta agnos simul in ovili conclusos, quem dominus vellet particulatim feligebat, et ad matrem in grege errantem deferbat. Venatores novimus, qui, si cervum aliquem, aut ejus cornua, semel duntaxat conspicati essent, aut vestigia ejus in luto vidissent: eundem postea, per eadem cornua, aut vestigia (tanquam ex ungue leonem), a caeteris omnibus certo distinguerent atque internoscerent: quinetiam, ex vestigiis jam primum visis, de ignoti cervi magnitudine, obesitate, et vigore judicarent; nempe, utrum viribus validus, an cursu defatigatus esset; simul, utrum mas an foemina, discernere. Dicam adhuc amplius; sunt, qui in venatione, ubi quadraginta circiter canes feram insequuntur, omnesque simul elatis vocibus perstreput, singulos tamen, etiam eminus, internoscant, atque auditu solo intelligant, quis eorum primus, quis posterior sit; quis recto tramite incedat, quis avius aberret; num fugiat fera, an adsit et cornibus repugnet; utrum longe praecurrat, an recens e cubili fuscitata fuerit. Atque haec omnia, in medio canum, hominum, cornuumque strepitu et fragore; idque in ignota, et obscura sylva. Haud magnopere itaque mirabimur, si diutius exercitati, singula ova, a quam gallina edita sint, intelligant. Vtinam profecto aequae in promptu esset, ex filio cognoscere genuinum patrem.

Praecipua autem ovorum differentia est, quod alia sint foecunda; alia infoecunda; quae etiam dicuntur improlifera, irrita, hypenemia sive subventanea, et zephyria. Hypenemia dicuntur, quae sine maris coitu edita ad pullationem inepta sunt; quasi a vento prognata forent: quemadmodum Varro^a testatur, *equas in Lusitania vento concipere*. Est enim zephyri aura foecundissima, indeque illi nomen, quasi ζηνφορος vitam ferens. Ita enim Virgilius:

^a 2 De re rust. lib. ii. cap. 1.

—Zephyrique tepentibus auris

*Laxant arva sinus, superat tener omnibus humor,
Parturit omnis ager, &c.*

Hinc antiqui, cum verno tempore, flante hoc vento, viderent gallinas, citra maris operam, ova parere; zephyrum eorundem procreationis auctorem crediderunt. Sunt etiam ova urina et cynosura, quae fiunt incubatione derelicta; sic dicta quod diebus canicularibus ova saepe putrescant, quia ob aestus nimios ab incubantibus gallinis deferuntur; vel etiam, quia ea anni tempestate crebro tonat. Aristoteles^a enim asseruit, *ova perire, si, gallina incubante, tonuerit.*

Ova illa foecunda censentur, quae, ablatis impedimentis extraneis, fotu blando de se pullos producant. Quod non solum fit a gallinae five matris incubatione, sed et cuiusvis alterius avis, modo justae magnitudinis fuerit, ut operiendo foveat et protegat, aut alio quocunque blando calore. *Nihil enim secius, inquit Aristoteles^b, sponte sua in terra, quam avium incubatu perficiuntur. Quemadmodum in Aegypto defodiunt in fimo terra obruto. Et Syracusis prodidere potatorem quendam, ovis sub storea humo stratis tamdiu potare solitum esse, dum ova excluderentur. Livia imperatrix quoque fertur ovum tamdiu in gremio fovisse, donec ex eo foetus redderetur. Hodieque in Aegypto, alibique, in clibanis five hypocaustis, pulli ex ovis generantur. Ovum itaque, ut Fabricius^c vere asserit, non modo pulli uterus, et locus est; sed id etiam a quo tota pulli generatio pendet; quam ovum perficit, ut agens, ut materia, ut instrumentum, ut locus, et ut alia, si quae concurrunt.*

Certum enim est, pullum ab interno in ovo principio efformari; nihilque ovo perfecto ab incubatione accedere, praeter fotum et tutelam; quemadmodum nec gallina, pullis jam exclusis quidquam amplius tribuit, praeter benignum calorem et

^a De hist. anim. lib. vi. cap. 2. Plin. lib. x. cap. 54.

^b Ibid.

^c Pag. 19.

curam, quibus a frigore et externis injuriis eos protegit, victumque facilem suppeditat. Desideratur igitur potissimum gallinae incubatio, ut exclusos jam pullos huc illuc deducat, victum idoneum quaerat et praeparet, alarumque tepore foveat. Quod aliis artibus haud facile praestiteris. Capones, et hybridae apud nos in vivariis ex phasianio et gallina geniti, ova quidem incubant et excludunt; pullos tamen commode deducere, curamque educationis fedulam praestare nesciunt.

Lubet hic mirari (de eadem re postea uberius disceptaturi) quanta sedulitate et patientia, aves foeminae fere omnes, dies noctesque totas nidis suis infideant, seseque macerent ac prae fame propemodum enecent; quantisque periculis sese exponant, ut ova tueantur; quae si aliquando coactae tantillum reliquerint, hem! quanto ardore, et festinatione eadem repetunt, et operiunt? Anates et anseres, interea dum paulisper abfuerint, ova stramine tegunt et occultant. Qua vero magnanimitate, imbelles saepe matres ova sua protegunt? quae tamen fortassis subventanea, aut urina fuerint, aut etiam non sua; imo vero artificialia interdum ova, ex creta aut ebore efficta, pari animi fortitudine defendunt. Stupendus profecto avium amor erga ovum iners, et vita privatum; quod tantae sollicitudini nihil commodi aut voluptatis retribuat. Quis non admiretur, affectum illum, aut furorem potius, glorientis gallinae; qui extinguere nequit, nisi aqua frigida obruatur? Durante hoc animi impetu, cuncta negligit; et ceu furibunda, alas dimittit, dum hispidae furriguntur plumae; inquieta et querula obambulat; alias gallinas nido deturbat; ova passim quaerit, quae incubet; nec quiescit, donec aut illa nacta fuerit, aut pullos quos deducat; quos sane miro zelo et ardore convocat, fovet, pascit, et tuetur. Quam lepide risum movet gallina, dum supposititios anatis pullos (quos, pro suis, exclusit) in aqua natantes sequitur, locumque saepe ambiens, cum periculo vadum tentat, invocat, mirisque artibus ad se pellicere satagit? Ova

Ova sterilia pullos non excludunt, auctore Aristotele^a, quia humor eorum ab incubatione non crassescit, neque aut luteum, aut candidum a pristina natura immutatur. Verum de hac re postea in universali generationis contemplatione tractabimus.

Mulieres apud nos, ut ova cynosura et irrita a foecundis (quae pullos intus formatos habent) internoscant; post decimum quartum, aut decimum sextum a primo incubatu diem, ova in aquam tepentem molliter demittunt: quae fundum petunt, irrita habentur; foecunda, quae innatant. Si foetus in ovo grandior factus se alacrius moverit, ovum non modo huc illuc volutatur, sed et saltus edit. Et si aurem propius admo-veris per aliquot dies ante exclusionem, pullum intus calcitrare, obstrepere, et pippire audies. Similes turbas ubi gallina incubans in nido fenferit, ova revolvit, et accommodat, ut sedulae matres inquietos et plorantes infantes in cunis solent, donec pulli, debitam posituram nacti, quieverint.

Gallarum ova numero praeterea distinguuntur. *Aliquae enim gallinae, ait Philosophus^b, toto anno pariunt, praeter menses brumales duos. Generosae quaedam, ante incubationis tempus, etiam sexagena pariunt. Quamquam hae minus sunt foecundae, quam plebeiae. Adrianicae gallinae parvae sunt: quotidie pariunt: morosae tamen sunt; et pullos interimunt saepe suos; ac sunt versicolores. E domesticis nonnullae etiam bis die pariunt. Jam vero etiam quaedam ob ingentem foecunditatem brevi interiere.*

In Anglia, aliquae gallinae quotidie ovum pariunt: sed fertiliores ut plurimum biduo continue pariunt; primum nempe ovum matutino tempore, secundum postridie sub vesperam; tertio autem die feriantur. Nonnullis quoque gallinis, ova sua rumpere, nidusque deferere consuetudo est. Morbo ne id fiat, an vitio, necdum constat.

^a *Hist. anim. lib. vi. cap. 2.*

^b *Hist. anim. lib. vi. cap. 1.*

Ab incubatione etiam differentiae capi queunt : siquidem aliae semel, aliae bis terve, aliae multoties incubant. Florentinus auctor est, in Alexandria illa, quae ad Aegyptum spectat, gallinas quasdam *monofras* dici, ex quibus pugnaces oriantur galli, quae bis aut ter incubent, post absolutionem scilicet pul- lis illis subtraçtis, seorsumque enutritis. Ita contingit, ut una gallina quadraginta, aut etiam sexaginta, et plures unico incu- batu excludat.

Sunt etiam quaedam ova majora ; alia minora ; aliqua eti- am minima, quae vulgo in Italia centenina dicuntur, et mulie- res nostrae hodie, ut et olim, a gallo edita, et basiliscos pro- ductura fabulantur. *Vulgus*, inquit Fabricius^a, *putat, exiguum hoc ovum esse ultimum gallinarum, cum jam centum ova gallina pepererit ; unde centeninum vocant, quod sine vitello est ; habet tamen caetera, ut chalazas, albumen, membranas, et corticem. Verisimile enim est, tunc generari, cum vitelli omnes jam in ova migrarunt, neque amplius in vitellario aliquis superest vitellus, qui in ovum evadere possit ; ex altera tamen parte, albuminis ad- buc modicum superest : ex hoc enim modico credibile est ovulum propositum creari.* Mihi autem hoc minus verisimile videtur ; quia certum est, absumpto toto ovario, uterum quoque secun- dum (ita ab eo dictum) pariter extenuari, et in membranam flaccescere ; nec quidquam albuminis vel humiditatis in se con- tinere. Addit Fabricius : *Ovum centeninum duplex reperitur, alterum sine vitello, et hoc vere centeninum dicitur, quod est ul- timum a gallina emissum, cum quo gallina omnino cessat eo anni tempore ab ovis pariendis. Alterum est similiter pusillum ovum, quod vitellum habet, et non est ultimum a gallina editum, sed in- termedium, et post illud gallina adbuc sequitur ova parere justae magnitudinis, sicuti antea : sed deficit in magnitudine, propter diminutam facultatem vegetalem ; sicuti accidit persico, et aliis*

plantis; quae modo quidem plurima iustae magnitudinis, nonnulla autem perpufilla efficiuntur. Potuisset his accensere inclementiam coeli, et foli, atque alimenti penuriam et pravitatem. Vltima autem ova semper perpufilla esse, non libenter concefferim.

Nec defunt ovis sua monstra: *Augures enim*, ait Aristoteles*, *pro ostento habebant, quando ova tota lutea nascuntur; vel cum, discissa gallina, talia ova sub septo transverso, ubi foeminis ova adhaerent, inventa sunt magnitudine ovi perfecti.*

Huc quoque referri possunt ova gemellifica, quae duobus vitellis praedita sunt; quale nuper in utero gallinae perfectum, testaque obiectum reperi, cum vitellis, cicatriculis, atque albuminibus crassioribus, omnibus geminis; aderant etiam quatuor chalazae; albumen autem tenuius unicum duntaxat praedicta omnia circumambiebat; quod item membranae duae communes solum investiebant; et singulari cortice integebatur. Enimvero licet Aristoteles dicat, gallinas aliquas ejusmodi semper ova parere; isthuc tamen praeter naturae institutum non contingere, vix crediderim. Et quamvis ex istiusmodi ovis gemini pulli nascantur, ut nobis compertum est, contra quam arbitrat^r Fabricius: qui ait, ex tali ovo pullum procreari cum quatuor cruribus, duobusque capitibus, aut quatuor alis (qua de re infra aliquid dicitur): non sunt tamen vitales, sed plerumque cito pereunt; idque vel ob loci atque aëris in cortice defectum, vel quod alter alteri impedimento sit, et nocumentum adferat: neque enim fieri potest, ut uterque exclusioni aequè paratus sit, et non alter eorum abortus fiat.

Vt breviter et summatim dicam: differentiae ovorum sunt potissimum trium generum: alia nempe foecunda sunt, alia irrita: alia marem, alia foeminam productura: alia ex cognati generis parentibus, alia ex diversis oriuntur, et hybridas pullos

* Aldrovandus orithol. lib. xiv. pag. 260.

pariunt; qualia a gallina et phasiano concipiuntur; et vel priorem vel posteriorem incuntem marem referunt.

Quippe, auctore Aristotele^a, *ovum quod per coitum constitutum est, transit e suo genere in genus aliud; si prius coëat (quae vel subventaneum, vel semine maris diversi conceptum fert) quam luteum in candidum mutetur. Atque ita et hyphenemia fiunt foecunda, et foecunda suscipiunt maris formam, qui posterior inierit. Quod si jam in album facta sit mutatio, fieri non potest, ut vel subventanea in foecunda mutantur, vel quae per coitum concepta gestantur, transeant in genus maris, qui secundus coërit. Est enim femina galli, ut facete Scaliger, quasi testamentum, cujus ultima voluntas valet.*

His forsan addere liceat, ova quaedam, prae caeteris, esse robusta, vegeta, et, si fas dicere, animosa: in ovis enim ut anima inest, ita etiam par virtus nidulatur. Quemadmodum enim in aliis animalium generibus, foeminae quaedam libidine adeo turgent, venerisque plenae sunt, ut ab omni, etiam levi, coitu, eodemque semel duntaxat, et ab imbecilliore quoque mare, peracto, protinus tamen concipiant, pluresque foetus ex eodem coitu producant; aliae vero tam torpidae et ignavae sunt, ut, nisi a mare generosiore, cupidinisque spiritu accenso, comprimantur, idque repetito saepius et continuato coitu, prorsus infoecundae maneant: idem quoque similiter in ovis contingit; quorum aliqua licet a coitu concepta fuerint, improlifera tamen sunt, nisi a repetito et continuato coitu perficiantur. Inde fit, ut nonnulla ova celeriter mutantur, et tertio ab incubatione die foetus primordia exhibeant; alia vero vel corrumpantur, vel tarde admodum in pullum proficiant, et ad septimum usque diem nullum futuri pulli specimen edant. Quemadmodum postea, in generatione pulli ex ovo, dicitur.

^a *Hist. anim. lib. vi. cap. 21.*

EXERCITATIO DECIMAQVARTA. 239

Atque hætenus de gallinae utero, ejusque officio ; de generatione ovi gallinacei, hujusque differentiis et accidentibus, experta tradidimus : quorum exemplo, de reliquis etiam oviparis judicare liceat.

Supereft, ut de generatione et formatione foetus ex ovo hiftoriam profequamur. Siquidem, ut fupra monui, tota gallinaei generis contemplatio in his duobus fita eft ; quomodo fcilicet ex mare et foemina ovum procreetur ; et quo pacto ex ovo gallus et gallina proveniant ; iftoque circuitu, illorum genus aeternitatem, naturae munere, confequatur.

EXERCITATIO DECIMAQVARTA.

De generatione foetus ex ovo gallinaceo.

DE ovi gallinacei formatione et generatione, jam dictum eft. Sequitur, ut de pulli ex ovo procreatione obfervationes noftras enarremus. Opus profecto aequè arduum, ac proficuum et jucundum. Latent enim plerumque, veluti in alta nocte, prima naturae ftamina ; et fubtilitate fua, non minus ingenii, quam oculorum aciem eludunt.

Neque enim minore fere negotio, intima generationis arcana, et obfcura principia, quam mundi totius compagem, et creationis modum inveneris. Durat, reciproco hoc generationis et corruptionis ordine, rerum aeternitas : Et quemadmodum fol oriens occidensque perpetuis fuis circumgyrationibus aevum complet : ita fimiliter caducae res mortalium alternis individuum viciffitudinibus, redintegrata femper eadem fpecie, perennant.

Auctores, qui hac de re quidquam tractarunt, fere omnes diverfum iter ingreffii funt : quod nempe privatis opinionibus, pridem receptis, occupata mens ad confimilia exftruenda dogmata inclinaret.

Aristoteles^a olim, nuperque Hieronymus Fabricius, de generatione et formatione pulli ex ovo, accurate adeo scripserunt, ut pauca admodum desiderari videantur. Vlyffes Aldrovandus^b tamen ovi pullulationem ex suis observationibus descripsit; qua in re, ad Aristotelis auctoritatem potius, quam experientiam ipsam collimasse videtur. Quippe eodem tempore Volcherus Coiter Bononiae degens, ejusdem Vlyffis, praeceptoris fui, ut ait, hortatu, quotidie ova incubata aperuit, plurimaeque vere elucidavit, secus quam ab Aldrovando^c factum est; quae tamen hunc latere non poterant. Aemilius Parifanus quoque, medicus Venetus, explosis aliorum opinionibus, novam pulli ex ovo procreationem commentus est.

Quoniam tamen, secundum ea quae a nobis observata sunt, nonnulla magni momenti aliter longe se habent atque alii hactenus tradiderunt; quid quotidie in ovo agatur, et quae partes transmutentur, referam: praesertim primis incubationis diebus; quo tempore maxime omnia obscura, confusa, observatuque ardua sunt; et auctores potissimum pro suis observationibus digladiantur; quas nempe praeconceptis suis opinionibus (de causis generationis animalium materiali et efficiente) magis, quam veritati ipsi accommodant.

Quae Aristoteles de procreatione pulli narrat, verissima sunt. Nihilominus, quasi ipsemet ea non vidisset, sed ab experto quodam accepisset, temporibus quaeque suis haud recte distinguit: plurimumque fallitur circa locum, in quo primum ovi principium fit, quem in acuta ejus parte statuit; eoque nomine a Fabricio merito reprehenditur. Nec videtur principium pulli in ovo observasse; aut ibidem reperire potuisse ea, quae in omni generatione dixerat necessaria. Materiam nimirum constitutivam (cum ex nihilo quidquam naturaliter fieri, impossibile sit) albumen esse voluit. Et quomodo efficiens causa (galli semen

^a *Hist. anim. lib. vi. cap. 2, 3.*

^b *Ornithol. lib. xiv.*

^c *Nobil. exerc. lib. vi.*

nempe)

EXERCITATIO DECIMAQUARTA. 241

nempe) citra tactum agat; aut ovum ipsum sponte sua, sine ulla inhaerente maris genitura, foetum efficiat haud satis intellexit.

Aldrovandus ejusdem erroris cum Aristotele affinis, ait praeterea, quod nulli oculi, nisi caeci, concesserint *vitellum primis statim diebus ad acutum ovi angulum assurgere*: putatque grandines esse semen galli, atque ab ipsis pullum constitui; nutriri autem tum a vitello, tum ab albumine. Plane contra Aristotelis sententiam, qui grandines nihil ad ovi foecunditatem facere arbitratur.

Veriora multo, et autopsiae magis consona Volcherus Coiter. De tribus tamen globulis quae narrat, fabulae sunt. Nec principium, unde foetus in ovo oriatur, recte perspexit.

Hieronimus Fabricius quidem contendit, *grandines non esse galli semen; ex ipsis tamen galli semine foecundatis pullum, tanquam ex materia, incorporari voluit*. Vidit etiam principium pulli in ovo; maculam nempe, sive cicatriculam vitelli tunicae adnatam: sed eam duntaxat pedunculi abrupti vestigium esse, et ovi affectionem quandam, non autem partem principalem, judicavit.

Parifanus sententiam Fabricii de chalazis abunde refutavit; ipsemet tamen in circulis quibusdam, et partium principalium foetus (jecoris nempe et cordis) punctis, manifeste hallucinatur. Videtur etiam observasse principium foetus: sed, quid esset, ignorasse; cum ait, *punctum album, in circulorum medio, galli semen esse, ex quo fit pullus*.

Ita contigit, ut singuli, dum ad praeconceptas dudum opinioniones formationis pulli in ovo rationes exigunt, a vero scopo aberrarent. Alii nimirum sanguinem aut semen materiam esse censent, unde pullus constituatur: aliis semen videtur opifex, seu causa efficiens, quae eundem fabricet. Cum tamen accuratius rem omnem perpendenti certum sit, nullam ibidem pa-

ratam esse materiam; nec sanguinem menstruum adeste, quem semen maris coitus tempore coagulet, ut voluit Aristoteles; nec pullum ex semine maris, aut foeminae, aut utrisque commistis, in ovo oriundum esse.

EXERCITATIO DECIMAQVINTA.

Prima ovi inspectio: scire, quid primus incubationis dies in ovo produxerit.

VT clarius innotescat, quid prima ab incubatu dies in ovo produxerit; sciendum primo est, quaenam sponte mutationes eo contingant; quibus ovum requietum, a recenti, (citra incubationem) distinguitur; ut ita, quid ab ipso incubitu proficiatur, sit manifestum.

Cavitas igitur, ut diximus, in obtusa ovi parte, omnibus quidem adest; sed quo vetustius ovum fuerit, eo major indies redditur; praesertim locis et temporibus calidioribus, exhalante nimirum parte aliqua albuminis tenuiore; ut in historia ovi dictum est. Eademque, dum ampliatur, magis secundum ovi longitudinem, quam latitudinem expanditur; et figuram demum ab orbiculari declinantem obtinet.

Cortex ovi, minus jam transparens, offuscatur.

Albumen crassius redditur et viscidius; ad stramineum sive spicuum colorem vergens.

Propria vitelli tunica, laxior reddita, in rugas flaccescit: nam et hujus liquoris aliquid tempore dissipari verisimile est.

Grandines eodem semper loco, positura, et consistentia, in utraque ovi extremitate reperiuntur (idque tam in ovis recentibus, quam requietis; tam per coitum conceptis, quam subventaneis); quarum firma copula vitellus cum albumine connectitur, et uterque liquor debitam invicem positionem servat. Sunt enim duo mutuo opposita stabilimenta, sive poli et cardines
hujus

hujus microcosmi; ea arte fabrefacti, quasi albuminum essent numerosae tunicae, forentque hinc inde in utroque extremo simul contortae in chordam nodosam, qua vitello adnectuntur. Indeque fit, ut vitellus aegre ab albumine secedat, nisi prius chalazae, aut cultello rescissae, aut manu abruptae fuerint; quo facto, protinus ab invicem separantur. Scilicet horum cardinum ope, vitellus tum in ovi centro firmatur, tum in debita sui consistentia conservatur. Adeo ut praecipua pars, cicatricula nempe, eandem ovi regionem (ceu altitudinem) respiciat, et in media ab utroque cacumine distantia permaneat. Quippe macula haec five cicatricula, tam in requieto ovo, quam recenti, eadem consistentia, magnitudine, et colore, eodemque situ exstructa, cernitur. Quamprimum autem a gallinae incubantis fotu, vel alterius cujuspiam blandi caloris accessu, ovum ad pullulationem mutari incipit; macula haec dilatatur illico, oculique pupillae instar explicatur; indeque (ceu praecipuo ovi centro) latitans plastica vis prorumpit et germinat. Haec tamen prima pulli origo a nemine haecenus, quod sciam, observata est.

Secundo itaque incubationis die, postquam ovum horas viginti quatuor sub gallina tepuit; ut cavitas ejus in obtuso cacumine multum ampliatur et descendit, ita interior quoque ovi constitutio permutari incipit. Vitellus nempe, qui prius in albuminis centro haerebat, versus cacumen obtusum affurgit; ejusque pars media, cui macula infixae est, attollitur, et membranae cavitatem ambienti sese applicat; adeo ut vitellus cavitati per cicatriculam conjungi videatur; et prout vitellus ascendit, albuminis pars crassior tantundem in acutum inumve angulum detruditur. Vnde apparet, ut recte Fabricius observavit, vel errasse Aristotelem^a, vel mendum in codice esse, cum dicitur: *Effertur per id tempus* (nempe intra dies tres totidemque noctes) *luteus humor ad cacumen, qua ovi principium est, atque o-*

^a *Hist. anim. lib. vi. cap. 3.*

vum detegitur ea parte, scilicet ob cavitatem dilatatam. Appellat autem Aristoteles^a *principium ovi, acutam ejus partem, quae posterius exit*. At certum est, vitellum ad obtusam ovi partem assurgere, cavitatemque ibidem dilatari. Certe erravit Aldrovandus, qui, tanquam expertus, afferit, vitellum ad acutam ovi partem efferri. Vidi aliquando, fateor, secundo et tertio die, cicatriculam dilatatam, pullique jam positum exordium, necdum tamen ascendente vitello: raro autem id contingit; et ab ovi imbecillitate profectum arbitrabar.

Secundo incubationis, five primo inspectionis die, dicta macula dilatatur ad pisi vel lentis magnitudinem; et in circulos (ceu circino circumductos) dispertitur; qui punctum album perexiguum habent pro centro. Hanc maculam Aldrovandum quoque observasse, verisimile est; siquidem ait, *in medio lutei quasi subalbidum quid apparuisse, cujus Aristoteles non meminit*: et Coiterum, ubi ait, *secunda die in vitelli medio pars candidior reliqua*: atque etiam Parisanum, cum ait, *secunda die album corpus mediocris grani lentis magnitudinem et figuram repraesentans conspici*: estque illud, inquit, *galli semen alba et tenuissima tunica obductum, quod substat duabus communibus toti ovo membranis; supersat vero propriae vitelli tunicae*. Crediderim tamen, neminem hactenus cicatriculam hanc in omni ovo reperiiri, pullique originem esse, agnovisse.

Interea chalazas five grandines, hinc atque illinc ab utroque ovi cacumine, versus latera ejus declinasse videas: idque ob permutatum illum, quem diximus, liquorum fitum. Adeo ut altera chalaza ex obtuso angulo aliquantulum descendat, altera vero ex acuto cacumine tantundem sursum feratur: quemadmodum in obliqua sphaera, quantum alter polus supra horizontem ascendit, tantundem alter deprimitur.

^a *De hist. anim. lib. iii. cap. 2.*

Vitellus etiam (praesertim ubi cicatricula est) paululum colliquefcere incipit, propriamque suam tunicam (quam ante incubationem in ovis requietis laxiorem et rugosam diximus) in tumorem attollit; videturque eundem colorem, consistentiam, et saporis bonitatem, quam in recenti ovo habuit, recuperasse.

Est hic primae diei processus ovi ad prolem, primumque advenientis pulli vestigium. Aldrovandus addit, *albumen necdum alterari*; quod veritati consonum est. Dum autem affirmat, *galli semen in eodem deprehendi*, manifesto fallitur. Levissimo nempe argumento innixus, putavit chalazas esse semen galli, quia scilicet ova, iis destituta; infocunda sunt. Ita sane; et ne ova quidem: siquidem irritis, pariter ac foecundis, grandines semper adsunt. Ille vero, forsan a mulierculis deceptus, quae illas in Italia *galladuram* vocant, communem errorem sequutus est. Nec minoris imprudentiae Hieronymus Fabricius tenetur, qui, sculptis pluribus imaginibus, formationem pulli exhibet; eumque ex chalazis corporari contendit: non animadvertens, grandines iis temporibus integras utrinque, et immutatas (sed loco motas) reperiri; pullique exordium alibi, remote a chalazis, quaerendum esse.

EXERCITATIO DECIMASEXTA.

Secunda ovi inspectio.

PRAETERITO die secundo, dicti cicatriculae circuli conspectiores atque ampliores fiunt, ad magnitudinem unguis digiti anularis, et interdum medii; quibus tota macula in duas regiones, aliquando tres, easque diversis faepe coloribus obscure distinctas dividitur; oculi figuram plane referens, tum protuberantia aliqua, qualis in cornea tunica visitur; tum magnitudine; tum etiam humore transparente et lucidissimo intus contento; cujus centrum pupillam repraesentat, sed puncto quodam albo

in

in centro exsistente, tanquam aviculae alicujus ocellus suffusio-
nem five cataractam (ut vocant) in medio pupillae pateretur :
ob quam similitudinem, oculum ovi nominavimus.

Intra hos circulos, inquam, liquor continetur clarissime reful-
gens, quovis crySTALLINO humore purior ; quem si transversim ad
lumen intuearis, tota jam macula potius in albumine locata,
quam vitelli tunicae, ut prius, impressa conspicitur ; et ceu por-
tio quaedam albuminis colliquefacta et clarificata, intra tunicam
propriam tenuissimam conclusa apparet. Ideoque liquorem
hunc, oculum five colliquamentum candidum appello : quasi
nimirum pars albuminis a calore fusa et colliquata, separatim
fulgeret (nisi concussione turbetur), et veluti pars spirituosissima
magisque cocta, a reliquo albumine tunica propria distingueretur,
et inter utrumque liquorem, vitellum scilicet et albumen, po-
sita esset. Differt a reliquo albumine, claritate et transparen-
tia ; quemadmodum aqua fontis limpidissima a stagnante turbi-
diore. Tunica hunc liquorem ambiens, adeo exilis fragilisque
est ; ut, nisi summa cura adhibeatur, facile diffiliat, fontemque
hunc confusione liquorum turbet.

Atque hic anceps animi diu haesitabam, quid de candido hoc
colliquamento statuerem ; utrum nempe calidum innatum dice-
rem ; an humidum radicale ; vel materiam praeparatam futuro
foetui ; five alimentum perfecte coctum, quale ros censetur in-
ter humores secundarios ? Namque certum erat, ut postea di-
cetur, in ipsius medio, prima foetus rudimenta jaci, huncque
illo nutriri primum, auctumque postea in eodem liquore
hospitari.

Colliquamentum igitur hoc brevi, eodem nempe die, auge-
tur (quemadmodum in secunda Fabricii figura adumbratur) ;
praesertim interior ejus regio ; quae, dum expanditur, exte-
riorem repellit et obliterat. Perinde atque in eorum animalium
oculis cernere est, quibus latissimae pupillae contigerunt, noc-

tuque

tuque melius vident, quam interdiu (cujus generis sunt bubones, feles, et hujusmodi; quorum pupilla in tenebris atque umbra latissime patet, in luce vero plurimum constringitur): nam si talem oculum e luce subito in tenebras transtuleris, videbis manifesto pupillam ampliari adeo ut reliquam circumcirca regionem, iridem dictam, valde imminuat et propemodum aboleat.

In has regiones incidens Parifanus, egregie hallucinatur, dum *circulos suos, melinum, album, et gilvum, aliumque denuo album* comminiscitur; *foetumque ex albo medio puncto* (quod revera haecenus in istarum regionum centro apparet) fieri ait, *semenque galli esse* fabulatur. Porro, ut nobiliore subtilitate superbiret, *priusquam*, inquit, *rubor aliquis in foetus corpore appareat, duae exstant in eo minimae bullulae; initio tamen, rubore earum nulla praedita est*: earumque alteram, pro corde; alteram, pro jecore obtrudit. At vero, nec bullula aliqua conspicua est, antequam rubor sanguineus appareat; nec foetus unquam primis statim diebus rubescit; neque ulla earum bullularum nobis hepatis vestigium exhibet; sed ambae binos cordis ventriculos et auriculas referunt; et micando, ut postea dicemus, systole et diastole sibi invicem respondent.

Colliquamentum hoc Aristoteles^a videtur intellexisse, cum ait: *Membrana etiam, fibris distincta sanguineis, jam album liquorem per id tempus, tertio scilicet die, circumdat, a meatibus illis venarum oriens.*

Neque enim Philosophus, per album liquorem, totum albumen intelligere potuit; quoniam eo tempore, albuminis tunica necdum venis distincta est; sed sola colliquamenti hujus tunica, cum venularum ramulis huc illuc sparsis, cernitur. Et propterea dixit, *membrana etiam*: quasi aliam intelligeret, praeter illas, quas albumen et vitellum ante incubationem ambire dixerat; cum hanc post tertium demum diem *a meatibus vena-*

^a Hist. anim. lib. vi. cap. 3.

rum oriri affirmet. Coiterus etiam colliquamentum hoc videtur agnovisse, cum ait, *albuminis quaedam pars ad candorem accedens, quaedam crassior*. Dictum enim colliquamentum propria membrana cingitur, et a reliquo albumine separatur et distinguitur, antequam quidpiam sanguinis appareat.

De summa hujus utilitate erga omnium animalium foetus, posthaec erit dicendi locus. Quippe in eo dum natant, ab omni concussione five contusione, aliisque externis injuriis immunes sunt; et eodem insuper nutriuntur. Foetum jampridem magnitudine phaseoli, ex utero cervae exemptum, omnibusque suis membris perfectum (adeo ut marem esse, ex genitalibus facile discerneremus) regi nostro serenissimo reginaeque intuentum exhibui. Gratum profecto naturae spectaculum! natabat politus et consummatus foetus in ejusmodi candido, lucidissimo, et crystallino liquore, tanquam in vase vitreo purissimo, qui ovum columbinum magnitudine aequabat et propria tunica pellucida investiebatur.

EXERCITATIO DECIMASEPTIMA.

Tertia ovi inspectio.

VIDIMVS secundum processum, five praeparationem ovi ad foetum, quae die tertio observanda venit. Sequitur, ut tertium ejus apparatus intueamur; qui post tres dies totidemque noctes considerandus est. De eo Aristoteles*: *Generationis indicia exstare incipiunt in gallinis post tres dies totidemque noctes* (puta, die Lunae mane, si die Veneris praecedenti, in aurora, ova gallinae incubiturae supposita fuerint): estque tertiae figurae, apud Fabricium, facies.

Quarto itaque die si inspexeris, occurret jam major metamorphosis, et permutatio admirabilior; quae singulis fere illius diei

* *De Hist. anim. lib. vi. cap. 3.*

horis manifestior fit; quo tempore in ovo de vita plantae ad animalis vitam fit transitus. Jam enim colliquamenti limbus linea exili sanguinea purpurascens rutilat: ejusque in centro fere punctum sanguineum saliens emicat; exiguum adeo, ut in sua diastole, ceu minima ignis scintillula, effulgeat; et mox, in systole, visum prorsus effugiat et dispereat. Tantillum nempe est vitae animalis exordium, quod tam inconspicuis initiis molitur plastica vis naturae!

Observationem hanc, si sub finem tertii diei experiri libuerit, adhibita summa diligentia, et clara magnaue luce, vel radiis solaribus adaptatis, aut perspicilli ope, discernere poteris. Alias autem ita tenuis est et exilis purpurissata linea, punctique salientis adeo imperceptibilis motus, ut plane frustra sis. Quarti vero diei principio evidenter, et sub finem ejus evidentissime apparet *punctum sanguineum saliens, quod jam movetur*, ait Aristoteles, *ut animal in candido liquore* (quem ego colliquamentum nomino): *ab eoque puncto meatus venarum specie duo, sanguine pleni, flexuosi feruntur* ad circulum purpurissatum, et tunicam ambientem colliquamentum. Sparsis interea per ipsius colliquamenti spatia plurimis fibrosis propaginibus, quae omnes ab uno principio (ut arborum virgulta ab eodem trunco) profluunt. In hujus radice angulo inflexo, colliquamentique medio, punctum rubrum saliens ponitur, quod in pulsu suo rhythmum et ordinem, ex systole et diastole compositum servat. In diastole quidem, quasi majorem sanguinis quantitatem imbiberet, ampliatum apparet, atque emicat: in systole vero confestim subdens, tanquam ictu illo convelleretur, et sanguinem dimitteret, delitescit.

Punctum hoc Fabricius in tertia sua figura depinxit, et, quod mireris, pro corpore foetus accepit; quasi aut ipsum saliens pulsansve non observasset, aut Aristotelis locum perperam intellexisset, aut ejus omnino non meminisset. Mirandum vero ma-

gis, eum toto hoc tempore de chalazis suis nihil fuisse folicitum, ex quibus tamen pulli exordia deducit.

Vlyffes Aldrovandus^a, eodem fere tempore Bononiae scribens, ait: *Apparebat in albumine exiguum velut punctum saliens, estque illud quod Philosophus cor statuit. Ex eo vero evidenter videbam enasci venae trunculum, et ab hoc duos alios ramulos proficisci, qui meatus illi fuerint sanguiferi, quos ad utramque tunicam ambientem vitellum et album protendi ille dixerat. Sum autem omnino ejus sententiae, ut ejusmodi vias credam esse venosas, ac pulsátiles, sanguinemque in iis contineri puriorem, principalium membrorum generationi, jecoris nempe, et pulmonis, similitumque idoneum. Non sunt autem ambae venae, neque utraque pulsat: sed altera arteria, altera vena est, ut postea dicemus: simulque, meatus hos foetui vasa umbilicalia fieri, docebimus.*

Volcherus Coiter haec habet: *Punctus sive globulus sanguineus, in vitello antea inventus, jam in albumine potius repertus, manifeste pulsabat. Male ait, in vitello antea inventus: punctus enim in vitello inventus, albus, non saliens erat; nec secundo post incubitum die, punctus aut globulus sanguineus saliens apparet. Sed punctus ille (quem in medio circuli, quasi centrum, diximus, et vitello adnexum) evanescit, priusquam punctus, qui ab Aristotele saliens dicitur, discerni queat; vel in rubrum, ut opinor, conversus, pulsat. Nam uterque punctus, in centro colliquamenti, et juxta radicem venarum inde exorientium situs est: nunquam autem simul apparent, sed in albi locum succedit ruber punctus saliens.*

Id quidem Volcherus verissime: *Punctus saliens jam in albumine potius reperitur, quam in vitello.* Quibus verbis permotus, quaesivi diligenter, numnam punctus ille albus, in sanguineum punctum transmutaretur; quoniam ambo ejusdem pene

^a Ornithol. lib. xiv. pag. 217.

magnitudinis, et eodem in loco videbantur. Et aliquando quidem inveni rutilantem et purpurissatum circulum extimum, deficientem juxta horizontem miniatum colliquamento circumdatum; in cujus centro punctus albus, non autem ruber aut faliens reperiebatur: nunquam vero simul utrosque illos punctos conspiciatus sum. Magni certe momenti est haec disquisitio: utrum scilicet sanguis infit ante pulsum? et, num punctus ex venis; an venae ex puncto oriundae sint?

Quantum mihi observare licuit, videtur sanguis esse ante pulsum: cujus sententiae hanc causam dicam. Die Mercurii, sub vesperam, tria ova gallinae supposui; dieque Saturni paulo ante eandem horam reversus, inveni haec ova frigida, utpote a gallina derelicta: aperto nihilominus eorum uno, pulli exordium reperi; lineam nempe rubram et sanguineam in ambitu; in centro autem, pro puncto faliens, punctum album exsanguis. Quo indicio percepi gallinam haud multo prius incubationem deferuisse. Quare vi captam, et in cista conclusam, per integram noctem ibidem detinui; postquam scilicet ova duo reliqua, cum aliis novis illi supposuissem. Quid fit? Postridie, summo mane, ambo ova rediviva erant: apparuitque in centro ipsum punctum micans, albo puncto multo minus; e quo, albo nimirum, scintilla, tanquam e nube proficiens, in diastole duntaxat comparuit. Adeo ut videretur mihi, ex albo puncto, rubrum punctum emicare; utcunque in illo punctum faliens generari: idque, existente jam sanguine, aut nasci, aut saltem moveri. Imo saepissime comperi, punctum faliens, cum (ceu plane intermortuum) ab omni motu quiesceret, a novo fotu motum denuo et pulsationem recuperasse. Quare in ordine generationis, punctum et sanguinem primum existere arbitror; pulsationem vero non nisi postea accedere.

Hoc certo constat, futuri foetus nihil omnino hoc die apparere, praeter sanguineas lineas, et punctum faliens, venasque il-

las, quae omnes ab uno trunco (quemadmodum iste a puncto saliente) propagantur, et per totum colliquamentum plurimis fibrarum ramificationibus sparguntur; quae postmodum vasa umbilicalia constituunt: quibus longe lateque diffeminatis, foetus demum, prout augetur, ex albumine et vitello sibi alimentum haurit. Harum venarum, earumque propaginum vivum exemplar videas in arborum foliis, quorum fibrae omnes a pedunculo oriuntur, et ab uno trunco per totum folium diffunduntur.

Totum hoc colliquamentum, sanguineis fibris distinctum, ambarum papilionis alarum magnitudinem et formam refert. Estque illa Aristotelis^a *membrana, quae fibras sanguineas habens, eo tempore album liquorem continet, a meatibus illis venarum oriens.*

Sub finem quarti diei, et initium quinti, punctum sanguineum jam adauctum, in vesiculam exiguam et tenuissimam, sanguinem in se continentem, transiisse cernitur; quem singulis contractionibus propellit, factaque diastole recipit denuo.

Haecenus nullum vasorum discrimen deprehendere potui: neque enim arteriae a venis, vel tunica, vel pulsu distinguuntur. Ideoque vasa omnia indiscriminatim venas nominanda censeo; vel, cum Aristotele^b, *meatus venales.*

Punctum hoc, ait Aristoteles, movet jam sese, ut animal. Quippe, animal a non animali, motu distinguitur, et sensu. Cum itaque punctum hoc jam primum sese moveat, merito animalis naturam induisse dicimus; et ovum anima vegetativa pridem imbutum, jam motiva, et sensitiva potentia insuper donari; et a planta in animal transiisse; eodemque tempore animam pulli ingredi, quae ex ovo pullum format, eumque postea informat. Quippe ex operationibus, inesse facultates; et ex his, vitae causam et principium, animam scilicet, idque actu

^a Loco citato.^b Ibid.

EXERCITATIO DECIMASEPTIMA. 253

(cum operationes actu sint) Philosophus demonstrative concludit^a.

Ego vero pluribus experimentis certus sum, non motum solummodo puncto salienti inesse, quod nemo negaverit, sed sensum etiam. Nam ad quemlibet vel minimum tactum, videbis punctum hoc varie commoveri, et quasi irritari (perinde omnino ac sensitiva corpora sensus sui indicia propriis motibus exhibere solent); et ad iteratam saepe injuriam exstimulari, atque in pulsuum rhythmum et ordine conturbari. Ita nempe in herba, sensili dicta, et zoophytis, sensum inesse concludimus; quia cum tanguntur, se contrahunt, quasi aegre ferant.

Vidi, inquam, saepissime, alique, qui una mecum aderant, ab acus, styli, aut digiti contactu, imo vero a calore aut frigore vehementiore admoto, aut cujuslibet rei molestantis occursum, punctum hoc varia sensus indicia, pulsuum nempe varias permutationes, ictusque validiores, ac frequentiores edidisse. Vt dubitandum non sit, quin punctum hoc, animalis instar, vivat, moveatur, et sentiat.

Ovo insuper aëri frigidiori diutius exposito, punctum saliens rarius pulsat, et languidius agitur: admoto autem digito calente, aut alio blando fotu, vires statim vigoremque recuperat. Quinetiam, postquam punctum hoc sensum elanguit, et sanguine plenum a motu omni cessans, nullumque vitae specimen exhibens, morti penitus succubuisse visum est: imposito digito meo tepente, spatio viginti arteriae meae pulsuum, ecce corculum denuo reviviscit, erigitur; et tanquam postliminio ab orco redux, pristinam choream redintegravit. Idque alio quolibet leni calore, ignis nempe aut aquae tepidae, iterum iterumque a me atque aliis factitatum est; ut, pro libito, misellam animam vel morti tradere, vel in lucem revocare, in nostra potestate fuerit.

^a Lib. de anima.

Quae diximus, quarto a prima incubatione die, five tertia inspectione, plerumque eveniunt. Plerumque, inquam; non est enim hoc perpetuum, cum magna sit in ovorum maturitate diversitas, aliaque aliis citius perficiantur. Quemadmodum in arboris cujuscunque fructibus usu venit, quorum alii praecoces et decidui sunt, dum alii crudi et immaturores ramis tenaciter adhaerent. Adeo, ut quaedam ova quinto die minus provecta sint, quam alia tertio ut plurimum solent. Idque, ut certi aliquid et explorati haberem, in plurimis ovis, per idem tempus incubatis, eodemque die apertis, comperi. Vt neque sexum sequiorem, nec aëris inclementiam, neque incubandi negligentiam, aut aliud quidpiam causari possem, praeter infitam ovi imbecillitatem, calidive innati pauperiem.

Ova hypenemia five infoecunda, hoc ipso tempore, quasi die critico mutari incipiunt, atque indolem suam ostendere. Nam ut ova foecunda in colliquamentum (quod postea in sanguinem transit) ab infita vi plastica mutantur; ita subventanea ova eodem tempore corrumpuntur et putredinem induunt. Observavi tamen aliquando maculam five cicatriculam in ovis etiam infoecundis latius explicari; nunquam tamen ad cacumen assurgere, nec circulis ordine dispositis circumscribi. Vidi quoque interdum vitellum alicubi clarescere, et liquefieri, sed inaequaliter; partemque coagulatione quasi temeraria concretas, instar nubium sparsim volitantium, innatare. Et licet ova haec nondum rancida, putrida, et foetida dicantur; sunt tamen ad putredinem prona, et ad eam tandem continuato incubantis calore pertingunt: idque eodem illo loco ducta corruptionis origine, quo ova prolifica generationem auspicantur.

Perfectiora itaque ova, jam sub finem quarti diei, duplicem vel bipartitam habent vesiculam pulsanter, duplici ictu alteram alteri vicissim respondentem; eo nempe modo atque ordine, ut una sese contrahente, altera sanguine distenta, et rutilans appareat;

pareat; quae mox pariter contracta sanguinem liquido exprimit; momentoque interjecto, prior denuo refurgit, pulsumque repetit. Clareque videas, actionem harum vesicularum, esse contractionem; a qua sanguis impellitur, et in vasa protruditur.

Quarta die, inquit Aldrovandus^a, bina videbantur puncta, et quodlibet eorum sese movebat: quae haud dubie cor, et jecur fuerint; quae viscera in ovis triduo incubatis Aristoteles dixit.

Philosophus^b vero id nuspiam dixit: neque ea viscera, ut plurimum, ante decimum diem conspicua sunt. Mirorque Aldrovandum pulsantium punctorum alterum, jecur existimasse: quasi vero hoc unquam ad eum modum agitaretur.

Satius fuerit credere, punctorum salientium alterum, adaucto foetu, in auriculas, alterum in ventriculos cordis abire. Enimvero, in adultis, ventriculi cordis ad eum modum ab auriculis implentur, factaque contractione deplentur denuo; quemadmodum in tractatu nostro *de motu cordis et sanguinis* observavimus.

In provectioribus quoque ovis, aliquando sub finem quarti diei, nescio quid turbidi vesiculas pulsantes adumbrabat, visumque, offusae nubeculae instar, impendebat, quo minus clare puncta salientia intueri potuerim. Clariori tamen luce, perspicillisque adhibitis, collatisque una subsequantium dierum observationibus; constitit esse corporis rudimentum, ceu nebulam ex colliquamenti parte concoctam, vel circa venarum principium concrefcens effluvium: ut mox amplius de die quinto dicetur.

Aldrovandus quoque id videtur observasse: *Quinta die, inquit, non amplius punctum illud, quod cor esse diximus, extra videbatur moveri; sed obtegi ac cooperiri; et duo illi meatus venosi evidentiores conspiciebantur, alter vero major altero.* Fal-

^a Pag. 217.

^b De gen. anim. lib. iii. cap. 4.

litur autem vir doctissimus: multo enim post tempore, ubi domicilium fere perfecte fabricatum fuerit, lar iste familiaris aedes ingreditur, seseque in intima earum penetralia abscondit. Erratque etiam, ubi ait, *venarum insita vi, reliquam albuminis portionem quasi in paulem colorem immutari*. Reperitur enim iste color in albumine crassiore cujuscunque ovi requieti, indiesque magis intenditur; prout nempe ovum vetustius fuerit, ut pridem diximus; idque sine ulla venarum opera, portione solum tenuiore exhalante.

Crescente autem foetu, ut infra dicemus, furculisque meatuum venalium longe lateque in vitellum et albumina sparsis, colliquantur utriusque liquoris portiones, non quidem, ut Aldrovandus voluit, ab insita venarum vi, sed a sanguinis inibi hospitantis calore. In quamcunque enim utriuslibet liquoris partem dictae venae porriguntur; subito locis conterminis colliquantio apparet; ideoque vitellus eodem tempore quasi duplex conspicitur: quod nempe superior ejus pars, quae supra ad obtusum cacumen cavitati jungitur, liquidior jam reddita, ad reliquum vitelli; instar cerae flavae liquefactae, ad eandem frigidam et densam comparatae, appareat: eoque nomine, ut fusa omnia solent, laxiore spatio continetur. Quinetiam pars ista superior, tepore genitali liquefacta, a reliquis liquoribus (sed praesertim albumine) propria tunica tenuissima determinatur. Quo fit, ut, rupta hac tenui, fragili, atque invisibili membrana, confestim accidat albuminis et vitelli confusio, qua omnia perturbantur. Estque haec saepe causa frustratae generationis (cum liquores isti diversae imo contrariae naturae sint) secundum illud Aristotelis^a, loco saepius citato, *Depravantur ova, et sunt quae urina appellantur, tempore potius calido; idque ratione. Ut enim vina temporibus calidis coacescunt, faece subversa (hoc enim causae est, ut depraventur), sic ova*

^a De gen. anim. lib. iii. cap. 2.

EXERCITATIO DECIMA OCTAVA. 257

*pereunt vitello corrupto: id enim in utrisque terrena portio est. Quamobrem et vinum obturbatur faece permixta, et ovum vitello diffuso. Atque huc etiam non immerito retuleris illud ejusdem^b: Coelo tonante, quae foventur, ova corrumpuntur. Siquidem membrana tenuissima a tanto fragore levi negotio difrumpitur. Ideoque fortassis ova confusa et putrida, cynosura dicuntur, quod nimirum, ut diximus, diebus canicularibus crebrius tonet. Quapropter Columella^c quoque recte monuit, *plerosque ab aestivo solstitio non putare bonam pullationem.**

Hoc certo constat, ova facile quassari, concuti, et disperdi; si quis avibus incubantibus molestus fuerit, quo tempore dicti liquores collquantur et turgent, membranaeque eos ambientes dilatantur et tenerascunt.

EXERCITATIO DECIMA OCTAVA.

Quarta ovi inspectio.

QUINTO demum ab incubatione die, *discernitur primum*, inquit Aristoteles^a, *corpus pulli valde exiguum, et candidum; capite conspicuo, et in eo oculis maxime turgidis, qui diu sic permanent. Sero enim tandem parvi fiunt, ac confidunt. In parte autem corporis inferiore nullum exstat membrum per initia, quod respondeat superioribus. Meatus autem illi qui a corde prodeunt, alter ad circumdantem membranam tendit, alter ad luteum, officio umbilici. Pulli igitur origo ex albumine est; alitur enim luteo per umbilicum.*

Quibus verbis, Aristoteles videtur totam pulli generationem in tres classes five ordines distribuere: nempe a primo incubationis die ad quintum usque; inde ad diem decimum vel decimum quartum; atque hinc ad vicefimum. Quasi ea duntaxat, quae his tribus temporibus percepit, in historiam retulisset.

^a *Hist. anim. lib. vi. cap. 2.* ^b *Lib. viii. cap. 5.* ^c *Hist. anim. lib. vi. cap. 3.*

Contingunt sane his temporibus maximae in ovo permutationes: quasi diebus hisce decretoriis ceu tribus gradibus, processus ab ovo perfecto ad pulli exclusionem distingueretur. Quarto enim die prima foetus particula, punctum saliens nempe, et sanguis apparent; posteaque foetus corporatur. Septimo, pulchus membris distinguitur, et sese movet. Decimo, plumescit. Circa viceesimum, respirat, pipit, atque exitum quaerit. Vita, quae illi ante quartum diem inest, plantarum aemula videtur, atque anima vegetativa duntaxat censenda est. Inde vero ad decimum, animalis instar, sensitiva atque motiva anima fruitur, qua adolescit: posteaque sensim perficitur; ornatur plumis; et rostro, unguibus, reliquisque instructus, ad exitum jam properat, ut tandem emancipatus sui juris fiat.

Quae itaque post quartum diem eveniunt, Aristoteles tria potissimum enumerat: nempe corporis fabricam; venarum ductus, qui jam umbilici officium et naturam subeunt; materiam, unde foetus primum oritur, constituitur, et nutritur.

De corporis fabrica, quatuor recenset: scilicet, quae sit ejus magnitudo; quis color; quae partes maxime conspicuae sint (caput nimirum, et oculi); et quatenam sit membrorum distinctio.

Est revera corpus valde exiguum, formaque galbam vulgarem referens, ex qua musca oritur; colore etiam candido praeditum est; perinde ac muscae vermiculus, quem in carne putrescente foventem atque enutriendum deponit. Eleganter etiam addidit, *conspicuum maxime esse capite et oculis*. Quod enim primo apparet, simile est et indistinctum; tanquam concretum et congelatum quid ipsius colliquamenti foret (qualis gelatina apparet, quae ex cornu cervini coctura efficitur); nempe transparens nubecula, et vix conspicua, nisi in duas quasi partes divisa distingueretur. Quarum altera conglobata, longe altera major est; capitis scilicet rudimentum, quod die quinto
primum

primum conspicitur : in eoque mox oculi manifeste distinguuntur ; qui per initia statim maximi, valdeque inflati prominent, et a reliquo capite atque etiam corpore, circumfusa quadam nigredine, discriminantur. Horum quilibet reliquo toto capite major est ; quemadmodum et caput ipsum, corpus reliquum magnitudine excedit. Durat aliquandiu hic corporis candor, et oculorum intumescencia (qui, perinde ac cerebrum, aqua intus limpidissima implentur, foris autem nigricant) ; ad decimum nempe diem atque etiam amplius : *fero enim, inquit, decreverunt oculi, et sese ad ratam contrahunt proportionem.* Imo vero, me observatore, oculi avium nunquam sese ad ratam illam proportionem contrahunt, quae est inter oculum et caput animalis vivipari. Gallinae enim, aliisque avibus, si cutem oculos integentem detraxeris, horum quilibet totam cerebri molem facile aequaverit : in beccagine autem et similibus, alteruter oculus toto reliquo capite, si rostrum dempseris, major est. Omnibus vero avibus id commune est, ut orbita sive cavitas, quae oculum amplectitur, cerebrum ipsum exsuperet, ut in ipsarum craniis videre est. Fit autem ut earum oculus minor videatur, quia totus praeter pupillam cute et plumis obtegatur ; neque orbiculari figura praeditus est, qua promineat, sed depresso ; ut piscibus contingit.

In parte corporis inferiore, inquit Philosophus, nullum exstat membrum per initia quod respondeat superioribus. Ita profecto se res habet : corpus ab initio, ut, vix nisi capite et oculis, conspicuum est ; ita, quoad inferiora, nec membro aliquo, alis scilicet, pedibus, sterno, uropygio, nec viscere ullo distinguitur ; imo vero neque formam quidem corporis ullam obtinet : sed, quantum nobis videre licuit, est exiguum quid venulae adjacens, tanquam carina naviculae circumflexa, et quasi galba, vel termes, absque ullo costarum, pedum, alarumve vestigio ; cui corpusculum conglobatum, multoque conspectius appenditur, scili-

cet capitis rudimentum, in tres veluti bullas divisum, ab alterutra scilicet parte intuenti : revera tamen in quatuor dispescitur ; quarum duae amplissimae et nigricantes, oculorum primordia sunt ; reliquarum altera cerebrum, altera cerebellum constituit. Omnes aqua limpidissima plenae reperiuntur : in medio vero oculorum nigredinis, tanquam in centro, pupilla cernitur, instar scintillae transparentis, aut crysalli, effulgens. Hinc factum arbitror, ut tres solum conspicuae bullae, male rem observantibus imposuerint. Cum enim ex veteri scholarum disciplina, triplicem in corpore animalis dominatum didicissent, partesque tres principales, cerebrum nempe, cor, et jecur, praecipuis muneribus fungi crederent ; facile, tres dictas bullas, partium harum fundamenta atque initia esse, sibi persuaferunt. Coiterus autem, ut peritum dissectorem decuit, multo verius affirmat se, die ab incubatione septimo, rostrum atque oculos vidisse ; nullum vero ex visceribus potuisse discernere.

Philosophum porro audiamus : *Meatus illi, qui a corde prodeunt, alter ad ambientem membranam tendit, alter ad luteum, officio umbilici.* Nimirum corporato statim foetu, venae istae umbilici officium praestant : earumque alterius rami seu propaggines in tunicam extimam albumen ambientem diffeminantur ; alterius vero rami, vitelli tunicam adeunt, et per huius liquorem sparguntur. Vnde clare constat, utrumque pariter liquorem nutriendo pullo dicatum esse. Et licet Aristoteles dicat, *originem pulli ex albumine esse, atque ali luteo per umbilicum* : non ait tamen, pullum ex albumine fieri. Quippe ex candido illo liquore, quem nos colliquamentum nominavimus, fit foetus : et totum illud, quod nos oculum ovi nuncupavimus, in albumine continetur. Neque ait, victum pullo solum ex luteo per umbilicum accedere : sed verba ejus, ex observationibus meis, hoc sensu interpretor ; licet pullus in albumine originem suam habeat, non tamen inde solum alitur, sed etiam ex luteo,

ad

ad quem meatuum umbilicalium alter pertingit, sibi victum quaerit; imo vero ex hoc potissimum; est enim albumen, ex sententia Aristotelis, concoctus magis et purior ovi liquor; vitellus autem terrestrior et solidior, ideoque robustiori jam facto pullo nutriendo idoneus: ac propterea, ut infra dicetur, vicem lactis supplet, ultimoque absumitur; quippe pars ejus residua, postquam jam natus est pullus, et cum matre obambulat, in ventre ipsius continetur.

Quae dixi, a quarto die ad decimum usque eveniunt. Quando autem singula, quomodo, et quo ordine fiant, jam expediam.

Proxima inspectione, quae die quinto instituitur, circa venam brevem ab angulo ductam, ubi duo puncta alternatim micantia sita sunt, crassius aliquid et albidius, nubeculae instar (transparens tamen) apparet: per quod praedicta vena obscure, ceu per nebulam, conspicitur. Idem aliquando, in ovis provectioribus, quarto die sum conspicatus. Est autem corporis rudimentum; quod jam singulis horis concretum magis compactumque cernitur; venamque praedictam et amplectitur simul, et illi, globuli alicujus instar, appenditur. Rudimentum id globosum, vermiculi hujus, ut sic dicam, carinam magnitudine longe superat: estque figurae triquetrae, in tres nempe partes (protuberantis arboris gemmulae more) obscure divisum. Earum una orbicularis est, et reliquis duabus major; ductisque mox a circumferentia versus centrum tenuissimis filamentis, nigricat; septique ciliaris exordium apparet, indeque particulam hanc in oculum mutatum iri indicat. In hujus medio, pupilla admodum exigua, et puncti lucidissimi instar, ut diximus, conspicua est: eoque potissimum indicio conjecturam feci, integrum hunc globulum futuri capitis rudimentum esse; circulumque illum nigrum, ex oculis alterum futurum, cui ex adversa parte alter opponitur: quippe ita siti sunt, ut ambos simul intueri nequeas, cum superior inferiorem obtegit et occultet. Pri-

Primum hoc futuri corporis rudimentum, quod circa venam concrefcere diximus, figuram solum oblongam, et aliquantulum, carinae inftar, inflexam obtinet: estque confistentia ejus mucofa, inftar fitus candidi, qui rebus humidis arcteq̃e conclusis innafci folet. Venula autem, cui mucorem illum accrefcere jam dixi, est cava descendens per fpinam dorfi; uti fubfe- cutae obfervationes fidem fecerunt. Duarum quoque veficula- rum pulfantium ordinem fi diligenter intuitus fueris, quae pos- terius fe contrahit, eam fanguinem in hujus venae prin- cipium impellere, eamque diftendere confpicias.

Ita duarum veficularum fefe moventium atque invicem pul- fantium, duae manifeftae contraétiones, duaeque fimiliter dila- tationes cernuntur; priorque unius contraétio alterius diftenfi- onem efficit: fanguis enim, ex cavitate prioris veficulae coarc- tata elifus in fecundam, hanc implet, diftendit, pulfumque e- dit: quae mox etiam fe constringens, fanguinem, quem jam a priorie veficula acceperat, in praediétae venae principium pro- trudit, eamque fimul dilatat. Venam autem adhuc appello, quam ex pulfu aortam effe cenfeo: arteriae enim a venis, tuni- carum craffitie, nondum diftinguuntur.

Haec cum faepius in plurimis ovis diligenter accurateque contemplatus effem, aliquandiu pendebam animi, quamnam fententiam amplecterer. Vtrum fcilicet concrementum hoc, globulufque appenfus, ex colliquamento, in quo natabant, tan- quam ex materia compaéta et coagulata, proveniant; quemad- modum ex vaporibus (dum furfum meant, imperceptibilibus) in aëre fuperiore condensatis nubes fiunt: an potius ab effluvio quodam e fanguineo ifto meatu exhalante, vel per diapedefin tranfudante, exoriantur; mutuatoque inde nutrimento augean- tur? Sunt enim maximarum quoque rerum initia perpufilla et, prae exiguitate fui, obfcura admodum.

Hoc

Hoc fane exploratum me habere arbitror, puncta salientia, et meatus venales, ipsamque venam cavam primum existere, eique postea corpulentiam dictam accrescere. Certusque sum, sanguinem e puncto saliente in venam hanc impelli; ex eaque corpusculum illud nutriri et crescere. Nempe primus ille fitus et mucor, ex effluvio venae, cui adnascitur, primum oritur; indeque postea nutritur, atque augetur; quemadmodum fitus alibi solet, in locis humidis, inter opaca domus, quae diu non repurgatur; et ut camphora super tabulas cedri; et muscus super faxa, et arborum cortices; aut denique, qualiter crucis quibusdam tenuis lanugo innascitur.

Eadem quoque occasione dubitabam, numnam, facta colliquamenti coagulatione, una cum sanguine et puncto saliente, hoc etiam corporis capitique rudimentum statim existeret; sed tenue adeo et pellucidum, ut visum prorsus effugeret; donec in fitum ac mucorem crassescens, albedinem spissiore induat, qua percipiatur: dum interea sanguis crassior et rutilans in colliquamento tam diaphano facile conspicitur. Verum enimvero, cum pressius rem ipsam cogito, in ea sententia sum; sanguinem dari, antequam quidquam corporis reliqui existat; esseque eum, prae caeteris omnibus foetus partibus, primogenitum: et ab ipso, tum materiam, ex qua corporatur foetus, tum nutrimentum, quo augetur, procedere: esse denique (si modo ulla fuerit) primam particulam genitalem. Id autem ut credam, quibus argumentis adducar, postea fusius dicetur; ubi de parte genitali prima, de calido innato, et humido radicali disceptabimus; et simul etiam, quid de anima sentiendum sit, pluribus collatis observationibus, determinabimus.

Circa hoc tempus, singulis pene horis omnia majora, manifestiora, magisque distincta et explicata apparent; fitque in ovo velox mutatio, plurimaque confestim alia aliis superveniunt. Cavitas ovi jam multo auctior, totamque ejus partem superio-

rem vacuum relinquit; tanquam quinta pars ovi absumpta foret.

Venarum ramuli longius protelantur, pluresque numero non solum in colliquamentum, ut antea, sed hinc in albumina, illic in luteum distribuuntur; amboque adeo liquores passim fibris sanguineis scatent. Vitelli pars superior plurimum colliquescit et funditur, ut ab inferiore plane diversa appareat, jamque duo quasi vitelli videantur; dum superior, cerae liquefactae instar, ut diximus, inflatus et pellucidus emicat; inferior autem et densior, una cum albuminis parte crassiore, ad acutum ovi angulum subfidit. Estque adeo tenuis vitelli superioris tunica propria, ut a minima concussione facile rumpatur: unde liquorum commixtio, ut diximus, et generationis frustratio.

Jam primum foetus rudimentum sese conspiciendum exhibet, quemadmodum in Fabricii figura quinta et sexta videre est, eoque in aquam limpidam immisso, quid corporis factum sit, quid etiamnum desideretur, cognitu facile fuerit. Apparet nempe forma vermiculi five galbae; sicut in frondibus arborum, corticum pustulis, fructibus, floribus, alibique vermium et erucarum primordia conspiciamus; praesertim vero in gallis quercinis, quarum in centro, intra crustulam rotundam, ceu nucleum, liquor limpidus continetur, qui sensim crassescens et coagulatus, subtilissimis lineamentis distinguitur, galbaeque formam induit: manet autem aliquantisper immobilis, posteaque motu et sensu praeditus, fit animal, tandemque musca avolat.

Similem generationem eorum, quae sponte nascuntur, Aristoteles^a descripsit: *Quaedam e rore gignuntur, qui super folia deciderit. Pauloque post, Fiunt papiliones ex erucis. Haec autem ex foliis virentibus; potissimum raphani illius, quam brassicam vocant aliqui. Primum milio minor est, deinde minuti*

^a Hist. anim. lib. v. cap. 19.

EXERCITATIO DECIMA OCTAVA. 265

vermes : tum crescentes intra triduum erucæ pusillæ : post hæc auctæ a motu cessant, et formam mutant, vocanturque cbrysalides, crustæque dura continentur ; atque, si attingantur, motum edunt. Crusta multo post tempore abrumpitur tandem, unde alata animalia evolant, quos nominant papiliones.

Nos vero quorumlibet animalium generationem eodem modo fieri infra docebimus ; omnia nimirum animalia, etiam perfecta, similiter ex vermiculo gigni.

Quod etiam Aristoteles videtur annuisse, ubi ait^a : *In omnibus autem vel iis quæ perfectum pariunt ovum, conceptus primus indiscretus adhuc recipit incrementum : qualis natura etiam vermis est.* Hoc nempe inter vermis, aliorumque animalium generationem interest ; quod ille prius augeatur, quam figuretur, aut in partes distinguatur ; secundum illud Philosophi^b : *E verme ita fit animal, ut non ex ejus parte, sicut ex ovo, sed totus crescat et dearticulatum animal evadat : scilicet, augmento discretus.*

Est equidem quod miremur, animalium omnium, præsertim sanguineorum (puta canis, equi, cervi, bovis, gallinæ, serpentis, hominis denique ipsius) primordia, tam plane galbæ figuram et consistentiam referre, ut oculis internoscere nequeas.

Sub finem quinti diei, vel initio sexti, caput in tres vesiculas distinguitur : quarum prima, maxima, rotunda, et nigricans, est oculi ; in cujus centro pupilla, veluti punctum crystallinum, conspicitur. Sub hac minor vesicula, quæ cerebrum refert, ex parte delitescens cernitur : cui tertia, tanquam apposita crista, sive apex rotundus, supereminet ; ex qua tandem cerebellum effingitur. In omnibus vero, præter aquam limpidissimam, nihil reperias.

Jam rudimentum corporis, carinam diximus, spinam dorso luculentius refert ; cui latera exstructa assurgere incipiunt : alae

^a De gen. anim. lib. iii. cap. 9.

^b Hist. anim. lib. v. cap. 19.

nimirum et pedes e galba aliquantulum protuberant. Venarum meatus nunc plane umbilicum referunt.

EXERCITATIO DECIMANONA.

Quinta ovi inspectio.

DIE sexto, capitis tres bullae evidentius apparent, oculorumque tunicae jam distinctae sunt: simul etiam pedes atque alae expullulant: quemadmodum, sub finem Junii, gyrinis (Italis *ranabottoli* dicuntur, Anglis *tadpoles*) pedes adnasci solent, cum jam aquas deferunt, caudam amittunt, et ranulae formam induunt.

Pullo autem non alia adhuc uropygii forma adest, quam quae in caeteris omnibus animalibus, ipsisque serpentibus, conspicitur; cauda nempe teres et exigua. Parenchyma cordis pulsanti vesiculae obnascitur: pauloque post jecoris, et pulmonum cernuntur rudimenta; rostrumque simul apparet: albissima omnia, praesertim rostrum. Circa hoc tempus etiam viscera omnia, et intestina conspicua sunt. Cor vero ante reliqua se videndum exhibet: pulmones etiam ante jecur, aut cerebrum. Omnium tamen primi oculi videntur, propter amplitudinem ipsorum, et nigredinem.

Jam quoque foetus sese movet, et leniter contorquet, caputque exporrigit: licet nihil etiamnum cerebri, praeter aquam limpidam vesiculae inclusam, comperiatur. Est denique perfecta galba; hoc solum ab erucis discrepans: quod hi vermes emancipati cum sint, huc illuc serpant, victumque sibi aliunde quaerant; ille vero vermiculus loco stabilis, proprioque pabulo innatans, cibum per vasa umbilicalia mutuatur.

Exstructis jam visceribus, atque intestinis, foetuque motum exercente; pars tamen corporis anterior, thorace et abdomine privata, plane aperta cernitur; corque ipsum, jecur, et intestina foris pendula conspiciuntur.

Sub

Sub finem hujus diei, et principium septimi, digiti pedum distinguuntur; foetusque jam pulli effigiem induit, rostrum aperit, et calcitrat: omnes denique partes adumbrantur, praeter caeteris vero oculi. Viscera adeo obscure patent, ut Coiterus vere affirmet, se oculos quidem et rostrum percepisse, nullum vero viscus potuisse discernere, vel absconditum, vel confusum.

Quae sequuntur ab initio sextiad septimi diei finem, ut plurimum in aliis ovis citius, in aliis paulo tardius contingunt. Oculorum tunicae jam videntur, licet humorem solum liquidum et limpidum in se contineant. Ipsi oculi extra orbitas suas prominuli sunt: eorumque singuli non minus cerebrum amplitudine excedunt, quam caput, cui innascuntur, totum reliquum corpus mole exsuperat.

Bullula quaedam, instar cristae, extra cerebri ambitum expansa, cerebelli vicem supplet; ipsaque similiter aqua limpida referta est.

Cerebrum obscure bifidum apparet; minusque quam cerebellum fulget; magis tamen candicat. Et, quemadmodum cor foris extra pectoris penetralia conspicitur, ita pariter cerebellum extra cerebri fines protuberat.

Abscisso capite, apparuit (perspicillis utenti) in cervice, venae ad cerebrum ascendentes quasi punctum sanguineum. Spinae quoque vestigium jam primum a reliqua pulpa discernitur, colore quidem lacteo, sed consistentia firmiore. Ita similiter quasi tenues araneorum telae, exiles lineae lacteae per corpusculi pulpam vagantes, costarum, aliorumque ossium specimen exhibent: idemque luculentius in majorum animalium viviparorum formatione apparet. Cor, pulmones, jecur, et intestinorum loco tenuissima filamenta, omnia alba. Jecoris parenchyma venae umbilicali, qua parte ingreditur, super exilia stamina fibrosa adnascitur: simili prorsus modo, quo rudimentum corporis, venae a corde descendenti, vel vesiculae pulsanti accres-

cerè diximus. Quemadmodum enim uvae racemo; germina virgultis; incipiensque spica gramini accrescunt: ita quoque hepar venae umbilicali adhaeret, indeque oritur, ut fungi ex arboribus, et supercrescens in ulceribus caro, vel farcoses morbosae arteriarum ramulis conterminae, e quibus nutriuntur, et in maximam interdum molem excrescunt.

Ad hoc arteriarum officium, five sanguinis circulationem respiciens, ingentes aliquando hernias carnosas, praeter omnem spem, perfecte curavi; id solum agens, ut, praecisa vel ligata arteriola, nihil nutrimenti spiritusve ad partem laborantem accederet; quo factum, ut tumor morticinus facile postea, vel ferro, vel igne extirparetur. Habuit quidam prae caeteris (idque complurium fide dignorum testimonio confirmare possum) farcosin in scroto, five herniam carnosam humano capite majorem, genuum tenus deorsum pendulam: indeque sursum carnosae moles, ad carpi magnitudinem, ceu funis nauticus, abdomen ingrediebatur; adeoque malum increvit, ut nemo ferro, vel aliter, curam aggredi auderet. Hanc tamen ingentem excrescentiam, scrotum tantopere distendentem, testiculumque in medio ejus obvolventem, quo dixi modo plane abstuli, et curatione perfecte defunctus sum; relicto interea testi vase suo praeparante, et deferente; reliquisque in scroto, per vaginalem tunicam descendentibus, salvis et intactis. Verum hujusmodi, aliasque curationes, praeter vulgi sententiam et methodum feliciter peractas, in observationibus nostris medicinalibus, si Deus nobis vitam largitus fuerit, copiose enarrabimus.

Haec eo fine potissimum a nobis dicta sunt, ut luculenter constet, hepar vasis accrescere; et aliquandiu post natum sanguinem demum generari; ejusque parenchyma ex arteriis, unde materia affunditur, procreari; et aliquantisper sanguine privatum albescere; quod et reliquis nostri corporis partibus commune est. Quemadmodum enim pullum ex ovo nasci dixi-

mus

mus, eodem omnino modo atque ordine, hominis, aliorumque animalium generatio contingit.

Vnde constat, absonam prorsus esse eorum sententiam, quam olim hodieque passim obtinuit, qui jecur sanguinis officinam et auctorem esse adstruunt; eoque nomine ipsum inter praecipuas primoque genitas corporis partes recensent. Quinetiam tanto viscus hoc honore dignati sunt, ut statim ab initio, una cum corde, e matris semine oriundum dicerent; fabulamque de tribus capellis, vesiculis nempe fictitiis, acriter nimis defenderent. E quorum numero Parisanus nuper, magno quidem sed imprudenti animo, veterem cantilenam occinit. Non animadverterunt scilicet hi boni viri, vesiculas in ovo moveri, cor micare, sanguinemque jam perfecte coctum adesse, antequam hepatis vola aut vestigium conspiciatur. Profecto sanguis potius ipsius hepatis efficiens, quam hoc illius auctor, censendus est. Nam post sanguinem, et ab ipso, hepar generatur, vasisque sanguineis adnascitur.

Sed neque Aristotelicis assentiri ausim, cor sanguinis auctorem reputantibus. Nam substantia ejus sive parenchyma, aliquanto post sanguinem nascitur, et vesiculis pulsantibus superadditur. Plurimum autem ambigo, utrum vesicula sive punctum saliens, an sanguis ipse sit antiquior: num scilicet liquor contentus, an vasa continentia. Videtur autem, quod continet, contenti gratia fabrefactum esse; ideoque posterius efformari. Id quidem oculorum fidelium testimonio certum est, prima corporis stamina, primumque ejus fundamentum conspicuum, venas esse; quibus reliquae omnes partes superadditae, et postgenitae sunt. Verum hac de re postea amplius.

Interea ridere libet fictam illam partium divisionem, in spermaticas, et sanguineas: quasi vero aliquae ex semine immediate natae sint, et non omnes ab eadem origine proficiantur.

Ad propositum revertor. Colliquamenti ambitus jam supra dimidium ovi occupat. Cor foris pendulum, a corpore nonnihil remotum est. Et, si attente inspexeris, vasa quaedam umbilicalia pulsare videas.

EXERCITATIO VIGESIMA.

Inspectio sexta.

DIE septimo omnia manifestiora sunt, visunturque singularum partium primordia : nempe alae, pedes, genitalia, pedum digiti divisi, femora, clunes, et caetera. Jam se movet foetus et calcitrat, perfectusque pullus conspicitur ; cui nihil postea superadditur, sed partes tenellae duntaxat incrementum sumunt : quae quanto magis augentur, tanto quoque magis albumen absumentur ; membranaeque exteriores unitae, secundinae naturam referunt ; quemadmodum et venae umbilici effigiem magis indies repraesentant. Quapropter a die septimo ad decimum transfiliendum censeo ; cum interea temporis nihil observatu dignum occurrat, quod non passim apud auctores alios, praesertim Aristotelem, reperiās.

Fit tamen, ut plura simul ova inspicienti, quaedam praecocia et provectiora, omniaque explicata magis habentia ; alia tardiora, membrisque minus distincta appareant. Quamquam alias non parum ad hanc rem faciunt anni tempus, locus, externa fomenta, diligens incubatio, et si quae sunt alia hujusmodi. Memini me aliquando, die septimo, in ovo ignavio-
re vidisse cavitatem quidem in obtuso cacumine dilatatam, colliquamentum venis conspersum, in ejus medio vermiculum, oculi etiam rudimentum, caeteraque quae in aliis ovis quarto aut quinto die fieri solent : vespulae tamen pulsan-
tes non aderant ; nec venarum truncum, aut radicem, ex qua ipsas oriri diximus, reperire licuit. Quapropter merito ovum imbecillius

judi-

EXERCITATIO VIGESIMAPRIMA. 271

judicabam, et quasi a tergo relictum, facultateque generativa effoeta praeditum, jamque internecioni proximum. Praesertim, cum ejus colliquamentum minus solito pellucidum et fulgens, venasque parum rutilantes cernerem. Evanescente nempe spiritu vitali, pars quae in generatione prima efficitur et sub obtutum cadit, in corruptione quoque prior deficit et evanescit.

EXERCITATIO VIGESIMAPRIMA.

Inspectio post diem decimum.

QVAE decimo die conspicienda veniunt, tam accurate ab Aristotele enarrantur, ut vix quidquam superfit quod a nobis addi possit. Sententia autem ejus, me paraphrasce, est hujusmodi: *Decimo jam die pullus totus conspicuus est*^a; atque etiam pellucidus, et albus, praeter oculos, et venarum ramos. *Caput etiam toto reliquo corpore majus est*; et oculi capite grandiores haerent, seu potius adhaerent, et quasi appenduntur, nulla adhuc pupilla praediti (scilicet perfecte formata, tunicas tamen jam discretas deprehendere non est arduum); quippe tunc si eximas, invenias fabis grandiores, et nigros. A quibus detracta cute humor exit candidus, ac frigidus, vehementer ad lucem refulgens, praeterea vero nihil, in toto capite nempe, praeter dictam aquam limpidam continetur. Ita nimirum se res habet a die septimo ad decimum usque, ut supra diximus.

Eodem tempore, inquit, viscera quoque jam apparent, et quae ad ventris intestinorumque pertinent naturam: cordis nempe parenchyma, pulmones, jecur, et caetera; omnia vero alba, mucilaginosa, et flaccida, nihilque firmitudinis in se habentia. Venaeque etiam quae a corde tendunt, jam umbilico applicantur. Ab umbilico autem tenditur vena una ad membranam qua vitellus continetur: qui eo tempore liquidior jam et fusior est,

^a De hist. anim. lib. vi. cap. 3.

quam qui natura sua constare solet. Altera autem ad membranam, qua et tota membrana (nempe colliquamenti tunica) foetum ambiens et vitellum, interjacensque humor continetur. Crescente enim paulatim pullo, vitelli pars supra, pars infra est; albumen autem in medio liquidum. Sed et sub inferiore vitelli parte illa, albumen item est; quemadmodum et ante suberat. Haec Aristoteles.

Venas autem jam perspicue videre est arterias comitari; tam has, quae ad albumina tendunt; quam illas, quae ad vitellum. Vitellus etiam hoc tempore liquefit et fusior est; non totus quidem, sed is qui supernatat, ut pridem diximus; neque etiam venarum ramuli in totum vitellum excurrunt; sed in partem illam duntaxat, quam liquatae cerae instar fusam diximus. Similiter venae, quae ad albumen tendunt, arterias sibi comites habent. Ipsaeque albuminis major pars in humorem candidum, colliquamentum scilicet, abit, qui pullum innatantem amplectitur; interjacetque utramque vitelli portionem, superiorem nempe et inferiorem; cui in imo (angulo nempe acuto) pars albuminis crassior et viscidior subjacet. Vitelli pars superior, liquidior jam et fusior apparet, quam inferior; quocunque enim venarum fibrae diffunduntur, partes illae subito intumescunt et liquidiores fiunt.

Decimo vero die, inquit, *albumen subsidit, exiguum jam, viscidum, crassum, et subluteum*. Quod nimirum in colliquamentum non abiit.

Jam maxima albuminis pars in colliquamentum, indeque in foetum absumpta est; totum nempe albumen tenuius; crassiorisque pars major. Vitellus autem amplior, quam initio erat, conspicitur. Vnde manifeste constat, vitellum nondum nutritioni inservire, sed postea huic officio dicatum esse. Et, quantum ex venarum ductu ac distributione conjectura consequi potui, foetus ab initio statim ex colliquamento nutritur; quippe in
ipsum

ipsum duntaxat venae primum disseminantur; deinde in tenuioris albuminis membranam; posteaque in crassius albumen, et vitellum. Similiter et crassius mox albumen pro nutritu est; ultimoque tandem vitellus.

Ita nempe tenerrimus foetus, dum adhuc vermiculus est, tenuissimo optimeque cocto victu alitur; colliquamento, inquam, et albumine tenuiore. Postquam autem adolevit, cibo utitur aetati viribusque suis consentaneo.

Proximis verbis Aristoteles singulorum in ovo situm describit: *Prima postremaque parte membrana ovi sub cortice, non corticis membrana sed sub ea; atque in hac liquor inest candidus* (colliquamentum scilicet): *deinde pullus et eum continens membrana; atque ita separans, ut ne in liquore illo sit foetus ipse.*

Vbi mendum in textu esse suspicor. Nam, ut res ipsa indicat, ita potius dicendum foret: *deinde pullus membrana obvolutus, in eo candido liquore manet sive natat*: quae quidem membrana, non est exterior illa totam testam immediate succingens, sed altera huic subiecta; quae, absumpto jam primo albumine exteriore, reliquoque albumine crasso in acutum angulum depresso, ex duabus membranis (nimirum albuminis tenuioris, et colliquamenti propria), una tunica fit, quae tanquam secunda chorion dicta, jam apparere incipit. Aptaeque ait Aristoteles, *liquor in ea candidus inest*; quibus verbis, albumen non intelligit, sed factum ex albumine colliquamentum, in quo foetus natat; albumen enim, quod superest, in acutum angulum subsidit.

EXERCITATIO VIGESIMASECVNDA.

Inspectio post diem decimum quartum.

A die septimo ad quartum et decimum, omnia aucta magis, ut diximus, et conspectiora fiunt. Cor, aliaque viscera omnia, intra pulli ventres jam abscondita latent; et quae nuda prius, forisque prominentia cernebantur, nunc, nisi aperto thorace atque abdomine, neutiquam conspiciuntur. Pullus nunc primum plumis vestitur; quarum radices, ceu puncta nigra, visuntur. Oculi pupilla jam distinguitur; palpebrae apparent; atque etiam membrana nictatoria, in majore oculi cantho, sese conspiciendam dat; quae avibus omnibus est peculiaris, qua oculos suos detergere solent. Cerebri gyri quoque distinguuntur, et cerebellum calvaria occluditur; cauda etiam uropygii figuram adipiscitur.

Post diem decimum quartum, viscera, prius alba, carneum sive rubicundum colorem paulatim induunt. Cor jam thoracis latebras ingressum, sternoque opertum, aedificium propria opera exstructum inhabitat. Cerebrum et cerebellum intra cranii fornicem solidescit. Intestina autem et ventriculus nondum abdomine concluduntur, sed interioribus adnexa foris propendent.

Duarum venarum juxta anum e ventre in umbilicum derivatarum altera est arteria, ut pulsus indicat, ab arteria magna oriunda; altera, vena, a vitello per intestinorum latera in venam portam, sive hepatis parte, deducta: alter enim vasorum umbilicalium truncus, ramulis ex albumine collectis, transit jecoris gibbam, et in venam cavam juxta cordis basin perforatur.

Haec ut indies luculentius apparent, ita major quoque albuminis portio quotidie absumitur; quod vitello non contingit, qui pene integer etiamnum permanet, eademque mole qua primo die conspiciebatur.

Diebus sequentibus, quinque vasa umbilicalia videre est; quorum unum est vena maxima, e cava supra jecur oriunda, ramosque in albumen dispersiens: aliae duae venae a porta proficiscentes (ejusdem ambae originis) in binas vitelli partes, quas modo descripsimus, distribuuntur; et utramque hanc arteriolae, ex lumbaribus natae, comitantur.

Jam pullus majorem ovi partem occupat, quam reliqua omnia quae in eo continentur; plumisque vestiri incipit: quantoque plus foetus, tanto minus albuminis reperitur. Notatu quoque dignum est, membranam colliquamenti, quam diximus cum exteriore tunica conjungi, et secundinam five chorion constituturum, jam vitellum totum una comprehendere, et contractionem redditam, vitellum simul cum intestinis ad foetum adducere, eique conjungere, et ceu sacco claudere. Quaeque ante subtilis et transparens fuerat, prout jam magis magisque contrahitur, ita pariter crassescit magis, et carnosior evadit: posteaque, ad similitudinem herniae intestinalis, in scroto dilatata intestina simul cum vitello recondit et sustinet; tandemque quotidiana contractione adductior abdomen pulli constituit. Vitellum hoc modo, circa diem decimum octavum, intra intestina laxiore alvo collocatum reperias; non tamen ita firmiter positum, quin intestina levi momento (ut in hernia intestinali fit) vel intra ventrem repulsa, vel foras in scrotum delapsa, una cum vitello huc illuc pellantur. Vidi aliquando columbae, aetivum tempore festinantius exclusae, vitellum ad hunc modum ex alvo prolapsum.

Sub hoc tempus, pullus ventricosus cernitur, quasi herniam, ut dixi, pateretur. Jamque colliquamentum paulatim turbatur, immutatur, et absumitur, cujus pridem magna copia erat, foetusque supra vitellum decumbit. Iisdem diebus, antequam hepar colorem sanguineum nanciscitur, secundamque, ut aiunt, concoctionem instituit; fel (quod in eadem, utpote excrementum,

tum, virtute jecoris separari vulgo credunt) virescens jam intra hepatis lobos invenias. In ventriculi cavitate liquor limpidus reperitur, ejusdem plane consistentiae coloris et saporis cum colliquamento, in quo foetus natabat; qui per intestina dilabens, colorem sensim mutat, et in chylum vertitur; tandemque in intestinis inferioribus simile excrementum occurrit, quale eadem in pullis jam exclusis continent. Vbi provectiores fuerint pulli, in eorum ventriculo liquorem hunc coctum videas et coagulatum: quemadmodum in iis qui lacte vescuntur, schiston fit, in serum nempe et colostrum permutatum.

Absumpto fere albumine, et exigua jam colliquamenti relicta quantitate, per aliquot ante exclusionem dies, pullus non amplius natat, sed, ut dixi, supra vitellum decumbit; totusque conglobatus, capite ut plurimum inter femur dextrum et alam posito, rostro etiam, unguibus, et plumis, caeterisque omnibus instructus conspicitur. Modo dormit, modo vigilat; movensque sese, respirat, et pipit. Si ovum auri admoveris, tumultu-antem intus foetum, calcitrantem, respicientem etiam auctore Aristotele, atque pipientem manifeste audies. Idem, si in aquam calidam pedetentim dimiseris, innatabit, pullusque intus a calore ambiente expergefactus, saltus edet, ovumque, ut diximus, huc illuc volutabit. Quo experimento mulieres ova foecunda distinguunt a subventaneis, quae aquae imposita subsidunt.

Albumine jam penitus confecto, paulo ante exclusionem, umbilicus alter, quem in albumina derivatum diximus, obliteratur; sive, ut Aristoteles^a ait, *umbilicus is, qui ad secundinas exteriores tendit, solvitur ab animali, et cadit. Qui vero ad luteum fertur, cum pulli tenui intestino connectitur.*

Excrementa, quae primum in intestinis reperiuntur, alba sunt, et coenosa, testae ovi emollitae similia. Quinetiam ejusmodi extra foetum intra secundinas reperire est. Adstipulatur

^a Hist. anim. lib. vi. cap. 3.

Philosophus: *Eodem tempore etiam multum emittit excrementi ad extremam membranam. Quin album quoque excrementum tam intra album, quam extra, habet.*

Tempore vero procedente, paulo ante foetus exclusionem, faeces subvirides cernuntur, quales exclusos pullos ejicere, modo diximus. Visitur etiam in ingluvie portio quaedam colligamenti deglutita; et in ventriculo schiston five coagulum.

Nec haecenus quidem jecoris color purpureus aut sanguineus est, sed ab albore in flavedinem vergens: qualia piscium jecora cernuntur. Pulmones tamen sanguinolenti rubescunt.

Vitellus nunc in abdomine inter intestina concluditur: idque non solum dum foetus in ovo fuerit, sed post exclusionem etiam, cum obambulat, matremque insequens victum quaeritat. Vt verum videatur, quod Aristoteles multoties affirmat; *vitellum* nempe *pullo pro cibo contigisse*: eodem enim intus contento, pullus primis ab exclusionem diebus (donec rostrum firmitudinem acquisiverit, quo cibaria frangat, et praeparet, ac ventriculus robor, quo eadem conficiat) pro nutrimento utitur; estque adeo lacti analogos. Aristoteles huic sententiae calculum suum adjicit, loco à nobis saepius citato^a: *Jam et pullum ipsum multum humoris lutei subit: qui demum decrescit, procedenteque tempore totum absimitur in ipsum pullum, cujus in corpore comprehenditur; ita ut, decimo post die, quam exclusus est pullus, si dissecetur, etiamnum ad intestinum paulum vitelli reliquum inveniatur.* Quinetiam post tricesimum diem, vitelli reliquias ibidem deprehendi. Et, si valet argumentum a ductu venarum umbilicalium, quas ad jecoris portam uno aut altero trunco terminari diximus, pullus jam eodem prorsus modo nutritur, alimento ex vitello per vasa umbilicalia attracto; quo postea chylo ex intestinis per venas mesentericas traducto alitur. Vasa enim utrobique ad jecoris portam terminantur, ad quam

^a *Hist. anim. lib. vi. cap. 3.*

nutrimentum pariter attractum deferunt. Vt ad venas lacteas in mesenterio, quae in pennatis nullibi reperiuntur, confugere non sit opus.

Lubet hic adnectere, quod saepe expertus sum. Vt foetus et liquorum posituram apertius discernerem, post diem decimum quartum ad exclusionem usque (albuminis maiore parte jam absumpta, et diviso vitello), ovum integrum ad duritiem decoxi; ruptoque cortice, ac pulli collocatione perspecta, inveni tum albuminis reliquum, tum ambas vitelli partes (quas facta per lenem calorem colliquatione divisas diximus) eadem consistentia, colore, sapore, aliisque accidentibus, quibus ova requieta et similiter cocta dotari solent. Plurimum itaque mecum ipse reputavi, quid fieret, ut ova improlixa gallinae supposita, ab eodem calore extraneo corrumpantur, putrescant, et foetida evadant; ovis autem foecundis idem non contingat. Sed in his liquores ambo (licet foetus una cum excrementi pauxillo adfit) sani, salubres, et immutati permaneant; adeo ut, si quis coctos eos in tenebris comedat, nequeat a requieto ovo similiter cocto distinguere.

EXERCITATIO VIGESIMATERTIA.

De pulli exclusione; sive partu ex ovo.

EST ovum, ut diximus, quasi uterus expositus, et locus in quo foetus formatur: matricis enim munus obit, pullumque ad debitum nascendi tempus amplectitur: qui perfectus jam inde paritur. Ovipara itaque non discriminantur a viviparis, quod haec foetus suos vivos pariant, illa non item; pullus enim intra ovum non solum vivit, et movetur, sed respirat etiam, ac vocem edit, vitaeque jam natus perfectiore fruitur, quam reliquorum animalium foetus: sed differunt potissimum generationis modo; quod nempe in viviparis, uterus sive locus

in

EXERCITATIO VIGESIMATERTIA. 279

in quo foetus formatur, fit intra animal, cujus calore fovetur et perficitur; in oviparis vero, ovum ceu uterus extra animal exponitur; quod tamen illud non minus incubando fovet, quam si intra corpus suum amplecteretur.

Nam licet mater interdum varias ob causas ova sua tantisper deferat; eadem tamen usque amat, brevique rediens sinu suo complectitur, fovet, ac diligenter tuetur.

Cum vero pullus aërem jam liberiores quaerit, rupto cortice prodit in lucem, circa diem vicesimum primum aut vicesimum secundum.

De hac pulli exclusionis five nativitate, non est praetereundus Fabricii aliorumque fere omnium vulgaris error. Audiamus Fabricium^a ipsum: *Citius, inquit, indiget externo aëre, quam cibo, cum alimenti adhuc aliquid intus supersit: in quo casu jam pullus, qui durum corticem, prae rostri mollitiae, et corticis a rostro distantia, eoque intra alam adstricto, rumpere non valet, jam signum matri dat rumpendi necessitatis; id quod per vocem efficit emissam. Etenim pullus tunc ita robustus est, et cavitas tam ampla facta, et aër ita copiosus contentus, ut jam adaucta impensus respiratione, exsufflationem quoque et vocem emittat, naturalem quidem pullo, forteque quidpiam petentis significatricem; quae etiam exterius audiri facile a quolibet potest; praeterquam quod Plinius, et Aristoteles^b id ipsum affirmant: Qua pulli voce protinus audita, quasi necessitatem rumpendi corticem cognoscens, ut nimirum pullus externo fruatur aëre pro sui conservatione, aut, si mavis, dicas, pulli dilectique filii conspiciendi desiderio foetans affecta, jam rostro corticem rumpit; qui non difficulter abrumpitur, cum ibi loci propter cavitatem jam diu humoribus destitutam, et a contento aëre, et calore exsiccata fragilior friabiliorque evaserit. Vox igitur pulli primum et maximum signum est ejusdem exitus quaerentis, externoque*

^a Pag. 59.

^b Lib. x. cap. 53. de hist. anim. lib. vi. cap. 3.

aëre indigentis : quam ita exacte gallina percipit, ut si forte fortuna foetans pulli vocem internam infernamque esse dignoscat, tum sursum pedibus ovum revolvat ; ut ea duntaxat parte qua vox venit, sine ulla pulli noxa corticem abrumpat. Addit et alterum signum Hippocrates^a pulli ex ovo exire petentis ; videlicet quod pullus, ubi alimento destituitur, fortiter movetur, uberius alimentum quaerens ; et pelliculae circum disrumpuntur ; et ubi mater sentit pullum vebementer motum, putamen exscalpens ipsum excludit.

Haec a Fabricio festive quidem et concinne dicta sunt ; solidis tamen argumentis haud innituntur. Experientia enim compertum habeo, pullum ipsum, non autem matrem, corticem frangere : idque rationi etiam quam maxime est consentaneum. Quomodo enim alias ova in fimetis, furnisque calidis, ut in Aegypto, alibique fit, rumpantur ? ubi mater nulla adest, quae vocem supplicantis pulli, opemque implorantis audire queat. Testudinum marinarum et terrestrium, piscium quoque, bombycum, serpentum, et struthionum ova, quomodo frangantur ? cum foetibus illis vel vox desit, qua exitum petant, vel sub terra sepulti exaudiri nequeant. Sponte igitur nascuntur pulli, atque ex ovis suis proprio molimine profiliunt. Idque ita fieri, certissimis argumentis liquet. Quippe in prima ovi perforatione, hiatus iste multo minor est, quam ut matris rostro conveniat : sed pulli rostro directe respondet ; circa quod, in modum coronae, corticem aequali semper a cacumine distantia ruptum videas, partesque confractas, praesertim primis ictibus, foras semper prominere. Quemadmodum autem ruptis vitreis fenestris, facile quis judicaverit, intusne ictus an foris advenerit, si modo frustorum adhaerentium apices, quo tendant, diligenter intuitus fuerit ; ita pariter rupto ovo, ex fragmentorum per totum coronae ductum eminentia, ab interna causa id proficisci

^a L. de nat. pueri.

EXERCITATIO VIGESIMATERTIA. 281

manifestum est. Quin egomet, alique mecum complures, simul ac pullum audivimus corticem unguibus scalpere, vidimus quoque illico eundem rostro pertundere, rupturamque in circum, coronae instar, deducere. Quinetiam vidi foetum capite suo corticis cacumen attollere et amovere.

Pluribus quidem haec deduximus, quod haud spernendae utilitatis sit speculatio: ut inferius constabit. Fabricii vero argumentis responsum facile est. Fateor enim, pullum intra ovum vocem edere, et fortassis aliquid petentis significatricem: non inde tamen sequitur corticem a matre frangi. Neque pulli rostrum adeo molle, aut a cortice remotum est, ut hunc perforare non possit; praesertim cortice jam, ob causas ab eo allatas, valde friabili reddito. Nec semper caput intra alam reconditum tenet, ut ideo corticem rostro frangere nequeat, sed solummodo cum dormit, aut vita defungitur. Interdum enim, ipsomet quoque satente, vigilat, calcitrat, scalpit, radit, distringit corticem, luctatur, membranas involventes rumpit, vocem edit (eandemque, opem implorantis esse, non invitus concessero); haecque omnia a quolibet facile audiri possunt. Quare gallina sedulo auscultans, quamprimum vocem ab ima parte attolli percipit, ovum quidem non rumpit; sed pedibus suis sursum revolvit, commodioremque situm pullo intus incluso praebet. Non constat autem, pullum voce sua rumpendi corticis necessitatem matri indicare, aut exitum ab ea petere. Nam saepe, per biduum ante exclusionem, pullum in ovo pipientem audias. Nec mater, dum ova revolvit, rumpendi ea locum quaerit; sed, ut infans, cum in cunis se male habet, inquietatur, plorat, ejulat; materque illius amans, huc illuc sedulo ab uno latere in aliud removet, agitatque, donec ille placatus fuerit: ita similiter gallina, ubi pullum tumultuantem, pipientemque in ovo senserit, vel jam ex ovo exclusum in nido sese inordinate commoventem; protinus se attollit, cavetque, ne corporis sui pondere,

dere, vel calore nimio eum laedat, rostroque pedibusque ultro citroque volvit, donec foetui quietem atque indolentiam comparaverit.

EXERCITATIO VIGESIMAQUARTA.

De ovis gemellificis.

GEMELLIFICA ova sunt, e quibus gemelli prodeunt pulli; eaque, ait Aristoteles^a, *binis vitellis praedita sunt; qui in aliquibus tenui albuminis dissepimento separantur, quo minus inter se confusi sint: in aliis nullum est, sed se mutuo contingunt.*

Vidi saepe ova gemellifica, quorum singulos vitellos bina albumina ambiebant, cum membranis communibus, propriisque singillatim obvolventibus. Alia quoque ova vidimus cum binis vitellis quasi connascentibus, quibus utrisque unicum albumen commune circumfundebatur.

Gallinae nonnullae sunt, inquit Aristoteles^b, quae omnia gemellifera pariunt; in quibus, quod evenire vitello diximus, perspectum est. Quaedam enim duodeviginti cum peperisset, exclusit geminos; nisi quae irrita fuerunt. Verum ita fit, ut ex gemellis, alter major sit, alter minor; postremus autem etiam monstruosus.

Apud nos interdum gemellifica ova nascuntur, et gemelli quoque aliquando, licet rarissime excluduntur. Ipsemet autem ambos ejusmodi foetus vivos nunquam vidi; quod vel in ovo ipso, vel in exclusione alter pereat. Idque etiam mihi ex Aristotelis verbis fit verisimile, dum *alterum majorem, alterum minorem* ait: illum nempe robustiorem, et aetate provectiorem; hunc autem imbecilliores, magisque ad exitum imparatum; siquidem, ut opinor, bini isti vitelli

^a *Hist. anim. lib. vi. cap. 3.*

^b *Ibid.*

disparis ortus et maturitatis sunt. Fieri itaque vix potest, quin robustior, et exclusioni jam paratior, si ovum aperiatur, ipseque prodeat in lucem, alteri abortum afferat. Si autem ille ovum non ruperit, praefens ipsi periculum (ob defectum aëris) imminet. Adeo alterutri saltem, in exclusione, si non utrique, certa mors impendet.

Fabricius^a ista Aristotelis verba vel non videns, vel negligens, ait: *Quod si interdum ovum duos obtinens vitellos, intra se pullum cum quatuor cruribus, vel alis, duobusque capitibus, et id genus monstra pariat; nunquam tamen duo invicem separati (ut duo dici possint) pulli sunt: sed unus duntaxat corporis truncus est, qui duo capita, quatuor crura, aliaque huiusmodi annexa habet.*

Vnde constat, eum nunquam vidisse, aut ab expertis audivisse, ejusmodi ova binos pullos parere: ac proinde una mecum credere talia ova raro contingere; neque unquam excludere binos foetus vitales.

Miror autem (visa hac Aristotelis auctoritate) eum dicere, *duos invicem distinctos pullos ex ovis ejusmodi nunquam provenire: sed monstrum semper produci.* Praefertim cum ipsemet credat foetum e chalazis, tanquam e materia, fabricari; et in gemellifico ovo quatuor chalazas non videre non potuerit.

Crediderim potius, cum in ovo gemellifico duo vitelli eodem albumine concluduntur, invicemque adeo conjuncti sunt, ut eorum cicatriculae, dum simul aperiuntur, unum oculum (colliquamentum a nobis dictum) constituent; monstrum foetum procreari posse, cum quatuor pedibus, duobus capitibus, et caetera: quippe nihil video, quod impediat: talemque ex ovo Fabricii prognatum arbitror.

^a Pag. 19.

Veruntamen ubi duo vitelli distincti fuerint, duabus tunicis propriis dissepti, et grandinibus suis, albuminibus, caeterisque ad foetus generationem necessariis instructi: cum Aristotele concludendum censeo, tale ovum, ut partes omnes (praeter corticem) duorum ovorum habet, ita et potentias quoque obtinere; ac, nisi infoecundum aut urinum fuerit, duos plerumque foetus producturum, raro autem monstrum singulare.

EXERCITATIO VIGESIMAQVINTA.

Porismata quaedam ex praedicta ovi historia desumpta.

HISTORIA quidem ovi gallinacei ita se habet. In qua, quomodo ipsum generetur, et actione sua (propagatione nempe) pullum efformet, enarravimus. Prolixe forsitan nimis eorum arbitratu, quibus quorsum tanta molitio, tamque accurata observatio spectet, nondum constat. Quare, quem fructum diligentiae nostrae consequuti simus, hic adungere consentaneum arbitror: atque, ut doctissimi Verulamii nostri verbis utar, *vindemiatio secunda* instituenda est. Theoremata itaque nonnulla ex enarrata historia colligenda veniunt; quorum aliqua certissima sunt; nonnulla ancipitis fidei et ulterius ventilanda; quaedam paradoxa et popularibus placitis contraria: horum quoque alia ad gallum sive marem pertinent; alia ad foeminam; quaedam ad ovum ipsum; quaedam denique ad pulli formationem. Quibus aliquando accurate perspectis, de reliquorum quoque omnium animalium generatione facilius certiusque judicabimus.

EXERCITATIO VIGESIMASEXTA.

Quid sit ovum.

THEOREMATA, quae circa ovi contemplationem versantur, alia quid ovum sit, docent; alia generationem ejus; alia, partes constituentes perpendunt.

Constat primo, unius pulli unicum esse ovum. Et quamvis sit veluti uterus quidam foris expositus, rarissime tamen plures gignit foetus; sed singularem pullum ut plurimum producit. Et licet binos interdum gignat, ovum tamen ejusmodi haud simplex censendum est, sed duplex; utpote naturam duorum partesque obtinens.

Est enim ovum, conceptus aliquis a mare et foemina proficiscens, utriusque pariter virtute praeditus; ex quo uno unum fit animal.

Neque est principium duntaxat, sed fructus quoque, et finis: principium scilicet prolis generandae; fructus autem utriusque parentis, puta galli et gallinae opus (ceu finis quem in generatione sibi proponunt), et origo foetus futuri: *Semen autem et fructus*, auctore Aristotele^a, *inter se differunt prioris posteriorisque ratione: fructus enim, quod ex alio est; semen, ex quo aliud. Nam alias ambo idem sunt.*

Videtur etiam ovum medium quid esse; non modo quatenus principium et finis est; sed tanquam opus utriusque sexus commune, et ex utroque compositum: quod materiam et facultatem opificem in se continens, utriusque virtutem habet, qua alterutri similem foetum producat. Est quoque medium inter animatum et inanimatum; neque enim vita prorsus donatum est, neque eadem omnino privatur. Inter parentes et liberos, inter eos qui fuerunt et qui futuri sunt, media via

^a De gen. anim. lib. i. cap. 18.

five transitus est: cardoque et centrum, circa quod generatio totius gallinacei generis vertitur.

Terminus est, ex quo omnes galli et gallinae oriuntur; et ad quem, ceu finem a natura sibi propositum, tota vita nituntur. Ita fit, ut individua quaeque, dum speciei gratia sui familia procreant, in aevum perdurent. Est, inquam, ovum huius aeternitatis periodus: nam haud facile dixeris, utrum ovum pulli ex eo nati gratia, an hic illius causa factus fuerit. Quodnam autem horum prius five tempore, five natura fit, ovum nempe, an gallina? postea, cum de animalium quorumlibet generatione universim dicemus, uberius tractabimus.

Ovum praeterea (quod praecipue notandum) proportionem respondet feminibus plantarum, easdemque omnes cum istis conditiones obtinet: ut non immerito gallinarum semen five sperma censendum sit (quemadmodum et femina plantarum ova dici jure possunt), non solum ex quo, ceu materia; sed et a quo, tanquam efficiente, pullus oritur. In quo etiam nulla pars futurae proles actu est, omnes vero infunt potentia.

Differt autem semen proprie dictum a genitura: quippe, definitore Aristotele^a, Genitura id vocatur, quod a generante proveniens causa est, quae prima obtineat principium generationis; nempe in iis quae coire natura voluit. Semen autem est, quod ex ambobus illis coeuntibus originem trahit; quale semen plantarum omnium est, et animalium nonnullorum, in quibus sexus distinctus non est: velut id quod ex mare et foemina primum miscetur, quasi conceptus quidam promiscuus, aut animal: haec enim jam habent quod ex ambobus requiritur.

Ovum itaque est corpus naturale, virtute animali praeditum; principio nempe motus, transmutationis, quietis, et conservationis: Est denique ejusmodi, ut, ablato omni impedimento, in formam animalis abiturum sit: nec magis naturaliter

^a De gen. anim. lib. i. cap. 18.

gravia omnia, remotis obstaculis, deorsum tendunt; aut levia sursum moventur; quam semen et ovum in plantam aut animal, insita a natura propensione, feruntur. Estque semen (atque etiam ovum) ejusdem fructus et finis, cujus est principium atque efficiens.

Vnius pulli unum est ovum: ita Aristoteles^a, *Ex uno semine unum gignitur corpus; verbi gratia, ex uno tritici grano unum fundum; ex uno ovo unum animal; geminum enim ovum duo est ova.*

Vere Fabricius^b: *Ovum non modo uterus expositus est, et locus generationis; sed id etiam a quo tota pulli generatio pendet; quam ovum perficit ut agens, ut materia, ut instrumentum, ut locus, et ut alia, siqua concurrunt ad generationem necessaria.* Organum quidem esse probat, quod ex multis partibus constet; idque ex sententia Galeni, qui de ratione organi esse voluit, ut ex pluribus componatur particulis, quae ad unam actionem omnes conspirent, diversa tamen ratione et utilitate. Nam aliae praecipuum instrumentum actionis sunt: aliae ponuntur, tanquam sine quibus actio fieri non potest: aliae, ut melius actio fiat: aliae denique ad horum omnium tutelam et conservationem creatae sunt. Agens quoque esse docet, cum ex Aristotele et Galeno duas ovi actiones proponit; pulli nempe generationem, ejusdemque augmentum et nutritionem. Denique praeclare loquitur, cum ait: *In naturae operibus conjuncta simul, et unum sunt, artifex, instrumentum, et materia: sic jecur, et opifex, et instrumentum gignendi sanguinis est: sic quaeque corporis pars; ut recte proin Aristoteles^c dixerit, moventes ab instrumentalibus baud facile distingui. In artefactis vero, artifex et instrumentum sunt separata; ut faber, et malleus; pictor, et penicillus. Ratioque assertur a Galeno^d; quia in artefactis, opifex forinse-*

^a Gen. anim. lib. i. cap. 20.

^b Pag. 47.

^c De gen. anim. lib. ii. cap. 4.

^d L. de form. foet.

cus attingit; in naturalibus, opifex causa instrumentis indita est, et per organa tota permeavit. Quibus addo perspicua Aristotelis^a verba: Eorum quae sunt, alia natura constant, alia per alias causas. Natura quidem constant et animalia et eorum partes, et plantae, et corpora simplicia, ut terra, et ignis, et aër, et aqua. Haec enim et ejusmodi alia dicimus natura constare. Haec autem quae dicta sunt, omnia differre videntur ab iis quae natura non constant. Nam quaecunque natura constant, videntur in seipsis habere principium motus et quietis; alia secundum locum, alia secundum accretionem et diminutionem, alia secundum alterationem. Lætica vero, et vestimentum, et si quod aliud ejusmodi genus est, secundum quod singulis his appellationibus significantur, et quatenus ab arte sunt, nullum mutationis impetum insitum habent. Quatenus vero iis accidit, ut sint lapidea, vel terrea, vel ex his mixta; eatenus id habent. Tanquam natura sit principium quoddam et causa cur id moveatur et quiescat, in quo inest primum, per se, non ex accidenti. Dico autem, non ex accidenti; quia fieri potest, ut aliquis sibi ipsi sit causa sanitatis, cum sit medicus: veruntamen, non quatenus sanatur medicinam habet; sed accidit eundem esse medicum, et sanari. Idcirco haec aliquando a se invicem separantur. Similiter vero se habet unumquodque aliorum, quae sunt: nullum enim eorum habet in se principium effectiois; sed quaedam in aliis et extra habent, ut domus, et unumquodque aliorum quae manu efficiuntur: quaedam in se ipsis quidem habent, non tamen per se; nimirum quaecunque ex accidenti sibi ipsis causae fieri possunt. Natura igitur est, quod dictum fuit. Naturam vero habent, quaecunque habent ejusmodi principium. Atque haec omnia sunt substantia. Natura namque semper est subiectum quoddam, et in subiecto.

^a Phys. lib. i. cap. 1.

Haec quidem propterea fufius, et difertis auctorum verbis, a nobis recitata funt; ut inde conflet, quae ovo tribuimus, omnia illi ineffe: nempe, materiam, organum, efficientem caufam, locum, et fiqua alia ad generationem pulli requiruntur. Maxime autem, ut difficillimarum quaeftionum veritas hinc elucefcant: nimirum, quidnam et quale fit principium illud, unde motus, et generatio? qua virtute femen agat, fecundum Ariftotelem? quid denique femen ipfum foecundum reddat? (vult enim Philofophus, naturam in omnibus corporibus naturalibus effe principium motus et quietis innatum, non autem fecundum accidens) utrum id, quod in ovo eft caufa, opifex, et principium generationis, omniumque operationum vegetativarum et vitalium (nimirum, confervationis, nutritionis, et accretionis), fit innatum, an inditum? et, an primo infit, ac per fe, ut natura quaedam; an fecundum accidens, ut medicus in fanatione? num infitum, an acquifitum fit, quod ovum in pullum transformat; aut jam in ovario coeptum nutrit, auget, perficit: quodque ovum requietum confervat?

Praeterea, quod facit, ut ovum foecundum fit, utrum appellandum fit anima? an pars animae? aut quid animae? aut aliquid habens animam? aut intellectus? aut denique numen? quia in finem agit, omniaque ordinat cum providentia et arte inimitabili, modoque incomprehenfibili; femperque procurat quod melius eft, tum ad effe, tum ad bene effe; ad tutelam etiam, atque ornatum. Idque non folum in ovo perfecto, quod foecundat; fed etiam in fubventaneo, quod nutrit, auget, et confervat. Imo vero quod non modo vitellum in vitellario, fed et minimam papulam (unde is nascitur) ad feminis milii vel finapios duntaxat magnitudinem, nutrit, auget; albumine demum, chalazis, membranis, et cortice investit. Quippe probabile eft, ovum etiam improlificum five sterile, ab interno et innato fibi principio (licet intra gallinam contineatur, eique adhaereat),

haereat), semet ipsum nutrire, conservare, augere, et alterare (haud aliter quam ova piscium, et ranarum foris exposita crescunt, et perficiuntur), de papula in vitellum transformare, ex ovario in uterum transferre (quamvis nullam cum utero connexionem habeat), albumina ibidem induere; denique membranis, chalazis, et cortice perfici.

Quicquid autem id fuerit, quod in ovo subventaneo pariter ac foecundo, eodem modo, ab iisdemque causis seu principiis, eodem effectus producit; utrum eadem anima, five pars animae eadem, aut aliud quidpiam, utrivis insit, inquisitione dignum videtur: quandoquidem eadem ab iisdem causis provenire verisimile est.

Quoniam ovum, dum fit, intra gallinam, ut dixi, continetur; et in vitellario matri per pedunculum adnascitur, atque ex ejusdem venis nutritur; non est tamen dicendum pars matris, neque hujus anima vivere aut vegetari; sed propria sua virtute ac principio interno: quemadmodum ex arboribus fungi, viscus quercinus, et muscorum genera nascuntur, quae licet plantae adhaereant, et ex iisdem succis cum illius germinibus et foliis alantur, tamen partes arborum non sunt, neque appellantur. Aristoteles^a, ut difficultatibus hisce occurrat, concedit animam vegetativam in ovo, etiam subventaneo, inesse: dum ait, *Vegetalem animae virtutem obtinent et foeminae, et omnia quae vivunt, ut saepius dictum est: quamobrem hoc ovum* (de subventaneo loquitur) *ut plantae conceptus, perfectus est; ut animalis, imperfectus.* Alibique idem docet^b, dum quaerit: *Quoniam modo ova subventanea dicuntur vivere? Nec enim ita ut ova foecunda possunt: sic enim actu animatum ex iis efficeretur. Neque ita se habent ista, ut lignum aut lapis; quippe quae corruptione aliqua pereant, ut quae vitam quodammodo ante participarent. Constat igitur, haec aliquam habere potentia ani-*

^a De gen. anim. lib. iii. cap. 7.

^b De gen. anim. lib. ii. cap. 4.

nam: sed quam? istam ultimam prorsus babeant animam necesse est, quae vegetabilis est: haec enim aequae in omnibus tam animalibus quam plantis inest.

Non eadem tamen anima in subventaneis ovis, atque in foecundis reperitur. Alias enim pullus ex utrisque pariter efficeretur. Quomodo autem eorum animae, et quibus discrepent, haud fatis explicat Aristoteles, dum inquit^a: *cur omnes partes ovi fiant in subventaneo, nec tamen animal ex eodem generetur? Quia, inquit, sensitivam animam habere oportet.* Quasi in ovis foecundis, praeter animam vegetativam, etiam sensitiva inest. Nisi intelligas, in ovo foecundo animam vegetativam actu inesse, quae potentia in se contineat sensitivam; unde animal partefque animalis sensitivae postmodum producantur. Sed neque haec nodum satis solvunt, animumque difficultatum laqueis irretitum expediunt. Videtur enim ovum esse verum sperma animalium; secundum illud Philosophi^b: *In quibus vita praeditis sexus maris ac foeminae distinctus non est, in iis semen veluti conceptus jam est. Conceptum appello (qui scilicet est analogus semini) primam ex mare et foemina mixturam. Quamobrem ex uno semine unum gignitur corpus; verbi gratia, ex uno ovo unum animal.*

Videtur igitur unius ovi una esse anima. Num autem eadem est, quae matris? an patris? an utriusque mixta? Dubitatio enim maxime oritur de iis ovis, quae ex diversis animalium generibus procreantur: ut puta ex gallina et phasianio. Estne, inquam; in tali ovo, anima gallinae? an phasiani? an ex utraque composita? Quomodo autem animae misceantur? si (secundum Aristotelem) anima (utpote forma) sit actus, et substantia. Nemo enim negaverit, quicquid demum id fuerit, quod in ovo foecundo est principium et causa effectuum quos conspiciamus, esse illud substantiam diversarum potentiarum,

^a De gen. anim. lib. ii. cap. 4.

^b De gen. anim. lib. i. cap. 20.

virium, five facultatum, fufceptivam, atque etiam conditionum, virtutum, vitiorum, fanitatis, aut aegritudinis. Quaedam enim ova longioris aevi, quaedam brevioris dicuntur; alia pullos parentum virtutibus corporisque falubritate praeditos; alia morbis obnoxios procreant. Nec dicendum, id materiae vitio contingere: cum maris etiam five patris morbi in pullos transferantur; a quo tamen nihil materiae ovo accessit. Quippe a mare procedit duntaxat vis procreativa five plastica, quae ovum foecundum reddit: nullam vero ejus partem constituit. Nam genitura, quae a mare in coïtu emittitur, matricem (in qua ovum perficitur) nequaquam ingreditur; nec fane (ut pridem diximus, nobisque Fabricius suffragatur) in ista penetralia, ullo pacto subire potest: multoque minus ad ovarium, juxta corporis praecincturam, adscendit; ut plurimis ibidem ovorum primordiis, praeter virtutem suam, materiae quoque partem impertiat. Certa enim experientia compertum est, ab uno eodemque coïtu plura simul ova foecundari; nec ea solum, quae in utero atque ovario reperiuntur; sed illa etiam, quae nondum inchoata sunt: ut inferius dicemus, et jampridem in historia enarravimus.

Si itaque ovum a propria anima foecundum redditur, five proprio principio foecundante infito praeditum est; unde aut pullus gallinaceus, aut hybrida ex gallina et phasianio natus oritur; isque aut mas, aut foemina; patri, aut matri similis; sanus, aut morbosus: certe concludendum est, ovum (etiam in ovario dum est) matris anima non vivere; sed esse instar filii emancipati, a prima statim origine: sicut arborum glandes, et semina a plantis ablata, haud ulterius earundem partes aestimanda sunt; sed sui juris facta, quae propria infitaeque potentia vegetativa jam vitam degant.

Quod si ovo foecundo animam inesse dixerimus, subibit dubitatio; utrum eadem anima ovo jam, et mox futuro pullo in-

fit,

fit, an vero diversa. Neceſſe enim eſt fateamur, ineſſe principium aliquod, quod ovum conſtituit et auxit; quodque etiam pullum jam gignit et auget. Quaeritur itaque, num ovi et pulli principium five anima, una eademque fit; an plures et diverſae? Nam ſi plures animae fuerint, alia nempe ovi, alia pulli; quaeritur porro, unde, et quo tempore, pulli anima ipſi acceſſerit? et, quidnam fit in ovo, quod ante animae adventum cicatriculam dilatat; vitellum attollit ſurſum oculum; a nobis dictum, et colliquamentum efficit; liquorum conſtitutionem permutat; omniaque ad futuri pulli fabricam praeordinat; cum ne hilum quidem pulli adhuc exiſtat? Aut unde dicemus alimentum pullo accedere idoneum, quo nutriatur et creſcat; cum pullus nondum fit? Videntur enim haec opera vegetativae pulli animae eſſe, quae pullum reſpicit, ejuſque nutritioni atque augmento conſulit. At vero, inchoato jam aut ſemifac-to pullo, quid foetum cum liquoribus unum, continuum, et connaſcentem reddit? quid pullum nutrit, auget; ac liquores ei alendo idoneos a putredine vindicat, praeſeparat, colliquat, et concoquit?

Cum anima fit actus corporis organici vitam habentis in potentia, incredibile eſt eam pullo ineſſe, antequam quidquam corporis ejus organiſatum fuerit. Nec magis credibile, eandem eſſe ovi pullique animam; ſiquidem anima eſt conſervativa ejus duntaxat, cujuſ eſt: pullus autem et ovum ſunt res diverſae; variaſque operationes vitales edunt, imo vero contrarias; adeo ut alterum ex alterius corruptione naſci videatur. An forte dicendum, idem eſſe principium et cauſam vitae in utroque; nempe in pullo ſemifac-to, et reliquo ovo; tanquam ejusdem corporis unus ſimplexque actus foret; aut, quaſi ex partibus unum corpus naturale producentibus, una quoque anima proſiliret, quae tota in toto eſſet, ut vulgo dicitur, et tota in unaqualibet parte? Quemadmodum in arboris trunco, foliis, aut fructibus

videre

videre est: ubi separatione five divisione facta (quocunque demum id feceris loco), dicimus, idem esse hujus et totius principium five causam primam: est hujus tamen quasi forma et finis, illius vero ut principium. Ita etiam in linea, quocunque in puncto divisio facta fuerit; erit illud anterioris partis finis five terminus; posterioris autem principium five exordium. Idemque videatur contingere in qualitate, et motu; nimirum, in transmutatione qualibet, ac generatione.

Et haec quidem haecenus: postea vero fusius et accuratius de his agemus, cum de natura animae foetus quorumlibet animalium universim disceptabimus; et quid ea sit? unde, et quando adveniat? cui parti primum infideat? et quomodo tota in toto, et tota in qualibet parte, eadem alia atque alia sit? ex plurimis observationibus determinabimus.

EXERCITATIO VIGESIMASEPTIMA.

Ovum non esse opus uteri, sed animae.

SICUTI dicimus, inquit Fabricius^a, ventriculi actionem esse chylicationem; et testium actionem seminis generationem; quia in ventriculo chylus, in testibus semen comperitur; sic ovorum generationem esse pennatorum uteri actionem, omnino asseveramus, quod ovum inibi inveniat. Itaque instrumentum et locus generationis ovorum nobis omnino cognita sunt et perspecta. Praeterea vero, cum duo sint uteri in pennato; superior et inferior, iique inter se admodum dissimiles, ideoque dissimilem inter se actionem habentes; similiter clarum est, quaenam sit utrique peculiaris actio concredita. Etenim superior ad vitelli, inferior ad albuminis et reliquarum partium, seu totius ovi generationem substituitur, ut sensu patet: In superno enim, nil aliud quam vitellorum multitudo, in inferno vero totum perfectum

^a Pag. 8.

EXERCITATIO VIGESIMASEPTIMA. 295

ovum continetur. Sed non est haec sola uterorum functio, ut patet; sed ea quoque adnotatur et enumeratur, nimirum ovi augmentum, quod ovo statim genito succedit, quousque perfectum efficiatur, et justam magnitudinem adipiscatur. Etenim gallina non prius naturaliter ovum parit, quam perfectum factum, et congruam magnitudinem adeptum. Igitur uterorum actio, tum ovi generatio, tum augmentum est; augmentum autem nutritionem supponit et includit, ut patet. Sed cum generatio omnis a duobus perficiatur, videlicet opifice et materia; agens in ovorum procreatione nil aliud est quam instrumenta seu organa proposita, nimirum duplex uterus: materia vero nulla alia quam sanguis.

Nos autem quanquam fatemur, uteri actionem aliquo modo esse, ut ovum generet; hoc tamen ab eo nutriri et augeri nullo pacto concedimus. Idque, tum ob rationes nuper a nobis allatas, cum de ovi anima, quae ipsum nutrit, ageremus; tum etiam, quod ab agente externo (qualis uterus est respectu ovi) omnia ovi interiora, et secundum omnes dimensiones, nutriri, augeri, ac formari, minus probabile fit; imo vero, ex Aristotelis^a sententia, impossibile. Nam quod extrinsecum est, quomodo, precor, per interiora moveat aliunde adveniens alimentum, et in locum deperditi secundum omnes dimensiones restituat? aut quomodo aliquid ab eo, quod ipsum non tangit, afficiatur aut moveatur? Quare proculdubio in ovi generatione idem usu venit, quod in omnium viventium exordio; ut nempe ab externo et praeeistente constituantur; mox autem semetipsa, quamprimum vita donantur, nutrant atque adaugeant; idque propriis insitisque viribus a principio jam innato et implantato.

Quae de anima nuper diximus videntur clare evincere, ovum neque uteri opus esse, nec ab eodem gubernari: mani-

^a De gen. anim. lib. ii. cap. 1.

festum enim est, animam vegetativam ovo etiam subventaneo inesse; quoniam ejusmodi ovum nutriri, conservari, augeri et vegetari cernimus; quae dictae animae certissima indicia sunt. A matre autem vel matrice ea proficisci nequeunt, cum qua ovum nullam cohaerentiam five unionem habet; sed liberum et sejunctum, tanquam filius emancipatus, in cavitate ejus volutatur et perficitur, ut plantarum femina in terrae gremio; ab interno nempe principio vegetante: quod nihil aliud esse potest quam anima vegetativa.

Multo vero magis constabit, animam ei inesse; consideranti, quo pacto, quove motore, vitellus rotundus et amplus, a vitellarii racemo abruptus, per infundibulum (exiguum nempe tubulum tenuissima membrana contextum, nullisque fibris motoriiis instructum) descendat, viamque sibi aperiendo, utrum per tantas angustias adeat; ibidemque sese nutriat, augeat, albumine cingat. Cum interea nullum organum motorium in vitellario reperiatur, quod expellat; aut in infundibulo, quod transmittat; aut in utero, quod attrahat: neque ovum utero per venas jungatur, ut in ovario; nec per umbilicum ab eo dependeat; ut Fabricius vere asseruit, et clare ad oculum liquet. Quid superest igitur tam ingentia opera cernentibus, nisi ut cum Poeta^a dicamus,

Spiritus intus alit, totamque infusa per artus

Mens agitat molem.

Et licet ovorum primordia, quae papulas esse diximus, et femina milii referre, vitellario per venas et arterias cohaereant, quemadmodum plantis sua semina adnascuntur, ideoque partes gallinae esse videantur; et, reliquarum partium more, vivere et nutriri: manifestum tamen est, ut semina a plantis separata non amplius earum partes censentur, ita nec ova ad maturitatem jam perducta, foecunda reddita, et a vitellario abrupta, galli-

^a Aeneid. vi.

nae partes haud ulterius aestimanda esse ; sed, instar filii emancipati sui que juris facti, propria anima gubernari et vegetari.

Verum hac de re postea uberius dicetur, cum de anima embryonis generatim disputabimus ; et de vegetativae animae praestantia et numine, ex admirandis ipsius (non sine providentia, arte, et intellectu divino) operibus agemus : quae profecto intellectum nostrum non minus, quam dii homines, superant ; adeoque, omnium consensu, admirabiles sunt, ut obscura mentis nostrae acies lumen tam impervestigabile nullo modo penetrare queat.

Quid dicemus de animalculis in corpore nostro natis, quae propria anima gubernari et vegetari nemo dubitat ? Hujus generis sunt lumbrici, ascarides, pediculi, lendes, fyrones, acari, et caetera. Aut quid statuemus de vermiculis, qui e plantis earumque fructibus oriuntur ? quales in gallis nucibus, cocco baphico, cynorrhodo, plurimisque aliis reperias^a. *Quippe in omnibus fere vel siccis humescentibus, vel humidis fcescentibus, creari animal potest.* Certe fieri non potest, ut anima quercus vivant animalia quae in gallis nascuntur, licet quercui affixa vivant, et ex illius succo sibi alimentum petant. Similiter credibile est ovorum primordia in vitellarii racemo propria anima vivere, non autem matris ; licet huic per venas et arterias cohaereant, et subministrato ab eadem alimento nutriantur : quoniam, ut in historia narravimus, papulae non omnes simul crescunt (quemadmodum uvae in racemo, et grana in spicis), quasi ab eadem facultate sive causa communi concoquente, ac formante agerentur ; sed alia post aliam (tanquam propria energia) augetur ; quaeque primum sese a reliquis separat, colorem mutat et consistentiam, ac de papula alba fit vitellus ; certoque ordine priorem posterior sequitur : quodque in columbis, aliisque nonnullis avibus est admirabilius, binae duntaxat simul e racemo excrescunt in unum partum ; earumque,

^a *Hist. anim. lib. v. cap. 32.*

ut plurimum, altera in marem, altera in foeminam evadit. Dum interim in ovario aliquae papulae eodem tenore permanent, donec binae aliae in novum partum succrescant; utpote quae a coïtu maris repetito foecunditatem acceperint, ambaeque simul anima praeditae fuerint. Qua semel accepta, augent jam sese et gubernant; suoque (non matris) jure vivunt. Enimvero quòdnam aliud disponens, feligens, evocans, et perficiens has (non autem illas) papulas, reperias, praeter animam propriam? Ac licet a matre nutrimentum sibi hauriant; non aliter tamen id agunt, quam plantae e terra, aut foetus ex albumine et vitello alimentum proliciunt.

Denique, quoniam papula in ovario existens a coïtu foecunditatem accipit, eamque talem, ut mox in formam coeuntis maris (sive is gallus sive phasianus fuerit) abitura sit; tantaque contingat papulis differentia, quanta maribus diversorum generum: quid dicemus papulis ipsis inesse, cujus virtute a se invicem, et a matre distinguantur? Certe anima fuerit, qua et inter se, et a matre discriminantur.

Ad hunc pariter modum vivunt fungi arborum, et plantae supercrescentes. Quinetiam experimur saepius in corporibus nostris cancos, sarcofes, melicerides, aliosque id genus tumores, quasi propria anima vegetativa nutriri et crescere: dum interea genuinae partes extenuantur et marcescunt. Idque ideo, quia tumores isti nutrimentum omne ad se arripiunt, reliquumque corpus nutritio fucco (ceu genio suo) defraudant. Vnde phagedaenis, lupisque inditum nomen. Et fortassis Hippocrates, per τὸ θεῖον, intellexit morbos eos, qui ex veneno aut contagio oriuntur; quasi illis vita quaedam insit, principiumque divinum, quo sese adaugeant, aliosque sibi similes morbos, etiam in alieno corpore, per contagium generent. Adeo, ait Aristoteles^a, *animae plena sunt omnia*. Alibique^b, *etiam flatibus*

^a De gen. anim. lib. iii. cap. 11.

^b Ibid. lib. iv. cap. 10.

EXERCITATIO VIGESIMAOCTAVA. 299

vitam quandam, atque ortum, et interitum inesse, arbitratur.
 Vitellus autem, cum jam abrumpitur, omnique cum gallina connexu privatur, haud dubium est, quin (ut fabae aliaque legumina humorem e terra sua sponte fugunt, absorbent, et digerunt) ille per infundibulum transiens, et in uteri cavo existens, lentam, ut diximus, humiditatem attrahat, in se recipiat, eademque sese nutriat, augeat, albumine cingat, membranis et cortice muniat, tandemque perficiat. Quibus rite pensitatis, propriam illi inesse animam concludimus.

EXERCITATIO VIGESIMAOCTAVA.

Ovum non fieri absque gallina.

RELICTIS autem, quae dubia sunt; et disceptationibus ad universalem de hac re contemplationem dilatis; ad certiora nunc, magisque obvia accingimur.

Et primo quidem, ovum foecundum fieri non posse, citra galli et gallinae operam, manifestum est. Nempe, absque gallina, non fit ovum; nec foecundum evadit, sine gallo. Quod opinioni illi adversatur, quae primum animalium ortum e limo terrae deducit. Enimvero, cum partes plurimae genitales (testiculi scilicet et vasa deferentia in gallo) tam insigni arte atque industria, tantaque cum ratione fabrefactae sint; et similiter in gallina ovarium, et uterus, iisque inservientes venae atque arteriae, tam affabre concinnatae; et in singulis eorum, fitus, figura, et temperies miro ordine constituta reperiantur; eaque omnia ad ovi generationem ac foecunditatem aliquo modo requirantur: certum est (siquidem natura nihil frustra agit, nec per ambages operatur, quoties compendio uti licuerit) ovum, five naturae sponte, five alio aliquo modo, quam quo nunc fit (a gallo nempe et gallina), produci non posse: nec pariter gallum aut gallinam, aliter quam ab ovo, procreari unquam potuisse.

Atque ita gallus et gallina, ovi gratia, sunt; ovumque similiter eorum causa est; dubitesque merito, cum Plutarcho, quodnam eorum sit prius, ovumne, an gallina? Quippe haec natura prior existit, illud autem tempore. Quicquid enim praestantius est, id quoque natura prius est; unde vero aliud producit, id tempore prius reputandum est. Vel dicamus; illud ovum hac gallina (quae scilicet ex eo gignitur) antiquius esse: et vicissim, illam gallinam hoc ovo (quod illa peperit) tempore praexistere. Facit namque hic circuitus gallinaceum genus sempiternum; dum modo pullus, modo ovum, continuata perpetuo serie, ex individuis caducis et pereuntibus immortalem speciem producant. Atque ad hunc similem modum multa inferiora superiorum perpetuitatem aemulari cernimus.

Et five animam ovo inesse dicimus, five non dicimus; ex hoc tamen circuitu clare patet, aliquod principium esse istius revolutionis a gallina ad ovum, et ab ovo denuo ad gallinam, quod sempiternitatem iis impertiat. Estque id ipsum, auctore Aristotele^a, analogum elemento stellarum; facitque, ut parentes generent, eorumque semina five ova foecunda sint: idemque, Protei instar, tam parentibus, quam ovis, sub diversis formis, semper inest. Quemadmodum enim mens five spiritus, qui ingentem hanc molem continuo agitat, eundem solem orientem atque occidentem per diversas terrarum plagas perpetuo circumagit; ita pariter in genere gallinaceo, vis enthea five principium divinum, modo virtus plastica, modo nutritiva, modo auctiva dicitur; conservativa autem et vegetativa semper habetur; modo etiam gallinae, modo ovi formam refert: permanet tamen eadem illa virtus in aevum. Et quanquam alia animalia sponte oriuntur, five (ut vulgo dicitur) ex putredine: alia, solum a foemina producuntur: ita Plinius^b; *in quodam genere omnino non sunt mares; sicut in erythrinis et chanis: omnes enim ovis*

^a De gen. anim. lib. ii. cap. 3.

^b Lib. ix. cap. 16.

EXERCITATIO VIGESIMAOCTAVA. 301

gravidae capiuntur. Quaecunque tamen ex ovo perfecto nascuntur, non nisi a mare simul et foemina proveniunt. Ideoque Aristoteles^a ait: *Generationis principia potissimum quis statuerit marem et foeminam.* Duo itaque prima ovi principia sunt, gallus et gallina; quorum amborum fructus five conceptus communis est ovum; parentis utriusque virtutem referens. Vt non magis absque maris et foeminae opera ovum efficiatur, quam fructus absque arbore. Videnturque individua singularia, tam mares, quam foeminae, ovorum cudendorum gratia existere, ut species eadem, pereuntibus licet actoribus, perennet. Ideoque palam est parentes haud diutius adolescere, ornari, perfici, laetamque vitam agere; nisi quamdiu ova vel generare, vel foecundare queunt; sui que similes, eorum interventu, parere. Quod naturae munus ubi primum expleverint, quasi summam jam virtutis ἀμύνην adepti fuerint, finemque ultimum, ob quem nati erant, attigerint; protinus effoeti vietique marcescunt; et, ceu a natura atque numine derelicti et abdicati forent, consenescent illico, vitaeque pertaesi ad interitum properant. Contra autem mares, cum sese ad coitum accingunt, libidineque turgentes oestro venereo stimulantur; mirum dictu, quanto illos spiritu inflatos intus regnans Cupido efferat; quam ornamentis illustres et gloriabundi sese ostendent; quantis viribus polleant, animisque in pugnam proclives sint. Finito autem semel hoc vitae officio, hui! quam subito, collapsis viribus, sedatoque pristino fervore, tumida vela contrahunt, animumque nuper ferocientem despondent! Quinetiam, durante etiamnum jucundo hoc veneris choragio, mares statim a coitu tristantur, submissique et pusillanimes cernuntur; quasi memores, dum aliis vitam largiuntur, sese propere ad interitum ruere. Solus gallus noster, semine spirituque plenus, se contra erigit alacrior; alarumque plausu et voce triumphans, ipsemet propriis

^a De gen. anim. lib. 1. cap. 2.

nuptiis canit hymenaeum. Hic tamen etiam diuturniore Veneris usu languidus, ceu miles emeritus, fatiscit: et gallinae quoque, plantarum instar, effoetae fiunt, tandemque exhauriuntur.

EXERCITATIO VIGESIMANONA.

Quomodo ovum perfectum et foecundum fiat a mare et foemina, secundum Aristotelem?

DIXIMVS modo ovum, praefertim foecundum, haud sponte nasci; neque aliunde quam a gallina procedere: nec hanc quidem ovum, sine gallo, foecundum reddere. Secundum illud Aristotelis^a: *Generationis principia potissimum quis statuerit marem et foeminam: marem, quod motus et generationis originem teneat; foeminam, quod materiae.*

Nobis autem, ovum foecundum est vere sperma et semen genitale, plantarum femini analogon, conceptusque primus ex ambobus parentibus oriundus, et utriusque fructus promiscuus. Nam, ut ovum non fit sine gallina, ita nec foecundum fit sine gallo.

Supereft igitur disquiramus, quomodo a gallina fiat ovum, idemque a gallo foecundetur; videmus enim ova subventanea, eaque animata, a gallina gigni; non tamen, absque galli coitu, prolifica. Ideoque tum mas, tum foemina, ovo foecundo sua symbola conferunt. Non eo tamen modo, ut arbitror, quo Aristoteles^b voluit: nempe ut *mas solum motus et generationis originem teneat; foemina autem materiam duntaxat praebeat.* Quippe contrarium in ovis subventaneis liquet. Et quanquam verum est, quod ait: *Mas et foemina inter se ratione differunt, quod facultas utriusque diversa est: sensu autem partibus quibusdam discrepant. Rationis discrimen ita exsultat, ut mas fit,*

^a De gen. anim. lib. i. cap. 2.

^b Ibid.

quod in altero generare potest; foemina, quod in se ipso, et ex quo fit quod generatur, contentum in eo quod generat. Sed, cum facultate et munere quodam haec distinguantur; ad omnem autem officii functionem instrumento opus sit; instrumentaque facultatibus partes corporis accommodentur; ad procreationem quoque et coitum partes aliquas esse accommodatas necesse est; easque inter se diversas, quibus mas a foemina differat.

Non inde tamen sequitur, quod videtur voluisse inde deducere; ubi ait: *Mas est efficiens, et motu suae geniturae creat quod instituitur, ex materia contenta in foemina: foeminaque semper materiam praebet, mas vim creandi; idque est, quo alterum mas, alterum foemina fit. Itaque corpus et magnitudinem praebere a foemina necesse est: a mare nihil tale necessario desideratur. Nec enim instrumenta in iis quae efficiuntur, inesse; neque ipsum efficiens, necesse est. Corpus igitur ex foemina, anima ex mare. Substantia enim corporis alicujus anima est. Quippe ovum, idque animatum, a gallina absque galli ope, gignitur. Vnde apparet, gallinam quoque, five foeminam, efficientem causam esse; nec omnem creandi vim, five animam, a mare solo proficisci. Videturque hoc ipsum exemplo ab Aristotele adducto comprobari. Ait enim²: Quae non unigena coeunt (quod ea faciunt, quorum tempus par, et uteri gestatio proxima, et corporis magnitudo non multo discrepans) haec primos partus similes sibi edunt communi generis utriusque specie: quales ex vulpe et cane generantur, aut ex perdice et gallinaceo; sed tempore procedente diversi ex diversis provenientes, demum forma foeminae instituti evadunt, quomodo semina peregrina ad postremum pro terrae natura redduntur. Haec enim materiam corpusque seminibus praestat.*

Quibus apparet, in perdicis et gallinae generatione, non mare solum, sed et foeminam quoque efficientem esse: quoniam

² De gen. anim. lib. ii. cap. 4.

non maris folius, sed communis species atque forma produci-
tur; corpore pariter atque anima, tam foeminae, quam mari
confimilis. Est autem anima, forma et species animalis.

Quinetiam foemina potiore jure efficiens videatur: siquidem
ait; *tempore procedente, diversi ex diversis provenientes, demum
forma foeminae instituti evadunt.* Quasi semen five virtus ma-
ris imbecillior foret; speciemque a se impressam tempore amit-
teret; tanquam a potentiore efficiente expelleretur. Idque e-
tiam exemplum a terra deductum magis confirmat: *peregrina
enim semina ad postremum pro terrae natura redduntur.* Vnde
videretur probabile, foeminam plus in generatione efficere,
quam marem: nam ^a *in universo quoque, naturam terrae, quasi
foeminam matremque statuunt; coelum autem et solem, et reli-
qua generis ejusdem, nomine genitoris patrisque appellant.* At-
que etiam terra sua sponte plurima generat sine semine: et inter
animalia, foeminae nonnullae solae sine mare procreant (ita gal-
lina ovum subventaneum generat); mares vero absque foemina
nunquam quidquam gignunt.

Imo vero iisdem argumentis, quibus mas generationis prin-
cipium et efficiens primum arguitur; videtur etiam foeminae
ἐνεργεία, five efficientia, confirmari posse. Nempe, id primum
efficiens censendum est, in quo foetus ratio, operisque forma
elucet; et cujus manifesta similitudo in foetu deprehenditur,
quodque prius existens movet. Cum itaque forma, ratio, et
similitudo, foeminae non minus (imo magis) quam mari in-
fit; atque illa prius existat, ut movens primum; conclude-
mus certe, foeminam aequae efficientem esse generationis,
ac marem.

Et licet Aristoteles^b vere dicat, *conceptum, aut ovum, nullam
corporis sui partem a mare accipere, sed solummodo formam, spe-
ciem, atque animam: et a foemina corpus duntaxat, et magni-*

^a De gen. anim. lib. i. cap. 2.

^b De gen. anim. lib. ii. cap. 4.

tudinem praeberi: Non satis tamen constat, quin foemina (praeter materiam) formam quoque, speciem, atque animam aliquo modo tribuat. Vt in gallina videre est, quae ova sine mare gignit (quemadmodum arbores suos fructus, et herbae semina, absque sexus discrimine). Ipseque Aristoteles^a fatetur, ovo, etiam subventaneo, animam inesse. Erit itaque foemina causa ovi efficiens.

Quanquam autem ovo subventaneo anima quaedam inest, talis tamen non est prolifica; ac proinde fatendum est, gallinam perfecti ovi efficientem proprie non esse; sed talem fieri, auctoritate, ut sic dicam, sive potestate a gallo demandata. Ovum enim, nisi prolificum fuerit, perfectum merito dici non potest. Huiusmodi autem a mare tantummodo producitur; vel potius a foemina, tanquam ex praecepto maris; quasi ab huius coitu, foemina artem, rationem, formam, ac legem futuri foetus acciperet. Ita sane foemina (ceu arbor fertilis) facta post coitum foecunda, fit ovipara, ovaque perfecta et prolifica procreat. Nam quamvis gallina in vitellario nulla ovorum primordia jam parata habeat, tamen post coitum foecunda reddita, paulo post, ova tum in ovario generat, tum in lucem profert; eaque etiam prolifica. Huc facit experimentum muliercularum^b, quae, gallinam domi gallo destitutam habentes, eam per unum atque alterum diem alibi gallo committunt: ex hoc enim exiguo tempore, succedit ovorum omnium foecunditas, per totum illud anni tempus. Scilicet, non modo illorum ovorum, quae adhuc vitelli duntaxat sunt, et albumine carent; aut quae minima jam primordia in ovario exsistunt: sed ea quoque ova ab eadem virtute foecunda redduntur, quae nondum inchoata, diu postea concipienda sunt.

^a De gen. anim. lib. ii. cap. 4.

^b Fabr. pag. 37.

EXERCITATIO TRIGESIMA.

Disquisitionis hujus, de foecunditate, utilitas.

SVBUTILIS pariter ac difficilis, maximaeque utilitatis est disquisitio; quid nempe fit in ovo, quod ipsum reddat foecundum? quidve in conceptu, quid in femine, et quid in gallina fit, quod iis foecunditatem praestet? quid etiam in gallo, quo a sterili differat? Estne eadem illa causa, quam in foetu animam diximus, an pars aliqua animae vegetativae? Quippe ad perfectam generationis scientiam plurimum conducit, ut causa prima intelligatur: scientia enim ex causis cognitis, praefertim primis, oritur. Nec minus ad naturam animae intelligendam facit haec indagatio. Quinimo, veritate hac rite perspecta, non modo Aristotelis de generationis causis sententia refellitur aut castigatur; sed, et quae a medicis contra eum scripta sunt, facile solvuntur.

Quaerimus itaque, utrum in ovo, vitello, papula, gallo, gallina, ejusve utero, idem fit, quod foecunditatem praestat, an diversum? Similiter, qua ratione conveniant, aut discrepent? Tum etiam, an substantia fit, unde haec virtus profluit? susceptivum enim videtur potentiarum, facultatum, atque accidentium. An corporeum quoque fit? mistum enim videtur, quod mistum generat; similitudinem nempe mari et fominae communem; qualis anceps species ex phasianio et gallina producitur. Id etiam corporeum videtur, quod aliunde patitur; adeo ut, non modo foetus imbecilles procreet, sed deformes etiam, ac morbosos, parentumque virtutibus aut vitiis obnoxios.

Praeterea de singulis dubitare licet; num id, quod foecundum facit, ingeneretur, an aliunde accedat? nempe utrum ab ovo in pullum traductum fit; a gallina in ovum; a gallo in gallinam?

gallinam? Videtur enim aliquid esse ex traduce; quod a gallo scilicet traducatur in gallinam; ab hac in ovum, uterum, et ovarium: de femine in plantam, et e planta rursus in semen, quod foecunditatem impertit. Quippe omnibus, quae generatione perpetuantur, hoc commune est, ut ex femine ortum suum ducant. Semen autem, conceptus, atque ovum, ejusdem generis sunt; et quod foecundum facit, in iis omnibus idem, aut consimilis naturae est; idque divinum, analogon coelo, arti, intellectui, ac providentiae. Quod ex admirandis eorum operibus, artificio, et consilio facile videre est; ubi nihil frustra, temere, aut fortuito; sed alicujus boni finisque gratia omnia instituuntur. De universali quidem hujus rei speculatione ac scientia, posthaec suo loco fusius agemus: quatenus autem de ea obiter differendi occasio, ex ovo gallinaceo, oblata est, jam diximus. Nempe, quot rebus infit quod foecunditatem apportat? et quomodo infit? an tanquam accidens, ut affectus, habitus, potentia, aut facultas? an ut forma, et substantia? an ut contentum? an tanquam in parte? quoniam certo constat, ovum subventaneum differentiis omnibus sensibilibus perfectum esse, et tamen infoecundum; uterum similiter, et gallinam perfectam esse, ut et gallum; sterilem tamen, utpote eo carentem, quod foecunditatem affert. Quae omnia nobis enarranda veniunt; postquam, quid, et quomodo, duo principia, mas et foemina, ovo ac generationi conferant; et quo pacto ambo efficientes causae, ovique parentes dicantur, exposuerimus.

EXERCITATIO TRIGESIMAPRIMA.

Ovum non eo modo a gallo et gallina provenire, quo voluit Aristoteles.

CERTVM est, ut diximus, ovum foecundum non nisi a gallo et gallina fieri: non tamen eo modo, quo Aristoteles arbitratus est; ut gallus nempe solus efficiens primum sit, et gallina materiam duntaxat praebeat. Neque enim cum eo sentio, ubi ait^a: *Cum semen de mare accessit in foeminae uterum, partem purissimam excrementi constituit.* Pauloque post: *Cum autem excrementum foeminae in utero constiterit, a maris genitura fit tamquam lactis coagulum: coagulum enim lac est continens calorem vitalem, qui partes similes ducit eodem, et unit, atque constituit: et genitura ita se habet ad menstruorum naturam. Eadem enim natura lactis et menstruorum est. Itaque, coactis jam partibus, corpulentus humor excernitur, obducunturque circum, parte resiccescente terrena, membranae; tum necessario, tum etiam alicujus gratia. Haecque pari modo in omnibus tam oviparis quam viviparis habentur.*

Res autem in generatione ovi longe aliter se habet: neque enim semen aut genitura potius, a mare in coitu proveniens, ullo modo uterum ingreditur: nec gallina, postquam concepit, in uteri sui cavitae, excrementum five purissimam ejus particulam, aut quidquam sanguinis habet, quod a maris genitura perficiatur. Neque ovi partes, membranae scilicet et liquores, coagulatione aliqua efficiuntur; nec quidquam simile lactis coagulo ibidem reperitur; uti ex jampridem dictis clare constat. Indeque sequitur, nec conceptum (unde animal tanquam e femine foecundo oritur) eo modo se habere, quo Aristoteles est arbitratus; cum hic pari modo in viviparis contingat, quo o-

^a De gen. anim. lib. ii. cap. 4.

EXERCITATIO TRIGESIMASECVNDA. 309

vum in oviparis efformatur : uti ipsemet fatetur, posteaque observationibus aliquot nostris palam fiet. Quippe certum est, ovum tam prolificum quam improlificum a gallina sola fieri et formari ; foecunditatem vero duntaxat ei a gallo accedere. Gallus, inquam, nec materiam, nec formam ovo affert ; sed id solum, quo ovum foecundum fit gignendoque pullo idoneum. Facultatemque hanc gallus, genitura sua per coitum emissâ, non modo ovo inchoato, aut jam factô, sed utero etiam, et ovario, gallinaeque ipsi impertit : idque adeo, ut ova quoque postmodum inchoanda (quorum nulla adhuc exstat in ovario aliave corporis parte materia) foecunda inde generentur.

EXERCITATIO TRIGESIMASECVNDA.

Neque eo modo, quo medici arbitrantur.

CONCEPTVS, ex medicorum sententia, hoc modo perficitur : in coitu, mas simul et foemina voluptate solvuntur ; genituramque suam seu semen in uteri cavitatem effundunt ; ibidemque, quod uterque confert, miscetur ; habens pariter ab utroque et vim efficiendi, et materiae potentiam. Contingit autem, secundum hujus vel illius geniturae praedominium, ut conceptus mas vel foemina evadat. Putantque, protinus a coitu, activis et passivis pariter invicem cooperantibus, aliquid conceptus in utero inchoatum esse. Quin contra Aristotelicos afferunt, marem non magis efficientem generationis causam esse, quam foeminam ; sed aliquid ex ambobus mistum : nec sanguinem menstruum, aut partem ejus purissimam, esse primam conceptus materiam ; sed sperma : indeque partes primas, sive prima earum rudimenta, spermatica appellant ; quae sanguine postea nutriantur et crescant.

Manifestum vero est, neque hoc pacto ovum a gallo et gallina procedere. Quippe gallina nullum semen in coitu emittit,

ex

ex quo ovum fiat: imo vero nunquam quidquam feminis ejus uspiam observatum est; siquidem partibus generando femini necessariis destituitur, testiculis nempe et vasis spermaticis. Licet autem gallina vim efficiendi una cum gallo habeat (ut ex praedictis liquet) et quodammodo mistum sit, quod ovum foecundum reddit; hoc tamen non contingit secundum geniturarum praedominium, aut earundem misturae modum: nam certum est, et Fabricius fatetur, semen galli cavitatem uteri non ingredi: nec aliquid ovi protinus a coitu in utero factum cernitur; quamvis Aristoteles id ipsum (*aliquid nempe conceptus protinus fieri*) passim affirmet. Quinetiam inferius demonstrabo, neque hanc semen misturam in ullo animali contingere; nec protinus a coitu (eoque foecundante) quidquam vel feminis, vel sanguinis, vel conceptus inchoati in utero omnino inesse aut reperiri. Nihil profecto in conceptu aut ovo invenias, quod semen maris ibidem contentum aut permistum arguat. Vulgus quidem falso arbitratur chalazas esse galli semen: mirorque, cum binae sint (utrolibet scilicet ovi extremo altera) neminem hanc galli, illam gallinae semen esse, asseruisse. Error autem iste popularis facile diluitur: siquidem chalazae in quolibet ovo, tam subventaneo quam foecundo, eodem modo reperiuntur.

EXERCITATIO TRIGESIMATERTIA.

Marem, et foeminam, pariter efficientes esse generationis.

RECTE medici contra Aristotelicos asserunt, utrumque sexum efficiendi potestatem habere; quoniam quod generatur ex utroque mistum est: mista nempe figura et similitudine corporis, mistaque specie, ut puta inter perdicem et gallinam. Quippe rationi congruum videtur, ea putare conceptus efficientia, quorum misturam refert, quod ex utrisque producit.

Ad

EXERCITATIO TRIGESIMATERTIA. 311

Ad hanc mentem Aristoteles^a: *In quibusdam, inquit, manifestum est, quod generans tale est, quale quod generatur: non tamen idem, nec unum numero, sed unum specie, ut in naturalibus. Homo namque hominem generat, nisi quid praeter naturam fiat; ut equus mulum: et haec quoque similiter. Quod enim est commune equo et asino, non est nominatum propinquissimum genus: fuerint autem ambo fortassis, uti mulus. Ibidemque ait: Generans sufficiens est, ut faciat, et causa sit speciei esse in materia: tota vero jam talis species in his carnibus et ossibus, Callias est, et Socrates.*

Quare cum talis forma tota, scilicet muli, sit mista ex ambobus, equo nempe et asino, non sufficit equus, ut hanc muli formam in materia producat; nisi, prout forma tota mista est, ita ab asino causa alia efficiens conferatur, eique adjungatur. Quod itaque mulum efficit ex ambobus mistum, adaequatum sit oportet, et mistum, si modo univocum. Exempli gratia vir iste, et haec foemina, hunc generant Socratem; non quatenus ambo homines sunt, et specie unum ac idem, sed quatenus is vir, et haec foemina, in his ossibus et carnibus forma humana constant; quorum amborum cum Socrates mistura quaedam sit, et ex utroque mistus, illud a quo fit, ex ambobus quasi compositum univocum mistum esse oportet; nempe efficiens mistum effecti misti. Ideoque mas et foemina separatim non sunt generativi, sed uniti in coitu, et quasi unum animal facti; unde ab utroque, tanquam uno, fit et educitur, quod vere causa efficiens proxima conceptus erit.

Medici etiam, dum ad ea solum attenti quae humano generi contingunt, de generatione universim pronunciant; et verisimile iis videtur, genituram a parentibus in coitu profluentem, esse verum sperma five semen, plantarum semini analogum; non sine ratione mistum illud proximum futurae

^a *Metaph. lib. vii. cap. 8.*

312 DE GENERATIONE ANIMALIVM, etc.

prolis efficiens, ex utriusque feminis mixtura, constituunt: atque adeo mixtum ejusmodi protinus a coitu in utero contineri, conceptumque primum esse, afferunt. Rem autem in ovo, quod vere conceptus est, longe aliter se habere, ex praecedente nostra historia constitit.

G V I L I E L M I H A R V E I I

O P E R V M

T O M V S S E C V N D V S.

R r

DE GENERATIONE ANIMALIVM

EXERCITATIO TRIGESIMAQVARTA.

De ovi materia, contra medicos et Aristotelicos.

QVOD medici, contra Aristotelicos, negant sanguinem esse primam conceptus materiam, id quidem ex ovi generatione luculenter constat. Neque enim vel in coitu, vel ante, aut post ipsum, quidquam sanguinis in gallinae utero continetur; neque ovi primordia sanguinea, sed alba sunt. Multaque animalia concipiunt, quibus ne gutta quidem sanguinis in genitalibus (si subito difsecueris) apparet.

Sed dum contendunt sanguinem maternum esse foetus in utero alimentum, praesertim partium ejus sanguinearum, ut appellant; foetumque ab initio ceu partem matris esse, illius sanguine nutriri et crescere, spirituque ejus vegetari; adeo ut nec cor pulset, nec jecur sanguificet, nec pars ulla foetus publicum aliquod munus exsequatur, sed omnes ab opere suo feriantur; eos quidem falsi autopsia redarguit. Pullus enim in ovo, proprio suo sanguine, ex liquoribus intra ovum contentis nato, gaudet; corque ipsius statim ab initio pulsare cernitur: non autem faciendis partibus sanguineis, aut plumis, quidquam sanguinis aut spiritus a gallina mutuatur; ut rem probe advertentibus clare liquet. Imo vero, ex observationibus post dicendis, abunde me demonstraturum arbitror, viviparorum quoque foetum, dum adhuc in utero continetur, non matris sanguine nutriri, spirituve ejus vegetari; sed anima viribusque suis frui, ut pullus in ovo solet, proprioque sanguine gaudere.

Ad foetus autem materiam a mare et foemina quod attinet, et generationis modum in scholis vulgo decantatum. (nempe conceptum fieri prolificum a geniturarum missione, earumque

mutua actione et passione); ad foeminarum quoque semen quod spectat, et partes spermaticas dictas ac sanguineas; plurimae, eademque praeclarae, observationes postea recensendae, me, in contrariam ab iis sententiam ut irem, compulerunt. Id nunc solum dicam, mirari me plurimum, cur medici, praesertim in anatomicis versati, duobus argumentis ceu validissimis opinionem suam tueantur; cum eadem tamen, rite intellecta, contrarium potius evincant.

Nempe, ex-concussione illa, et solutione humorisque profusione (quae mulieribus saepe in coitu cum voluptate accidit) arguunt, foeminas omnes in coitu semen profundere, idemque ad generationem necessarium esse.

Vt vero jam praeteream non omnes quorumlibet animalium foeminas, nec mulieres quidem omnes, talem humorem emitte; nec citra ejusmodi emissionem conceptum necessario frustrari (novi enim plurimas, quae citra talem ejectionem foecundae fati essent; et nonnullas etiam, quae, postquam emissionem ejusmodi expertae sunt, majore quidem voluptate in coitu delectarentur, sed de foecunditate solita plurimum amitterent; infinita etiam exempla sunt foeminarum, quae, licet in coitu voluptatem sentiant, nihil tamen emittunt, et nihilominus concipiunt); miror maxime eos, qui emissionem hanc ad generationem necessariam putant, non animadvertisse, humorem illum foras ejici, et circa clitoridem vulvaeque orificium ut plurimum profundi; raro intra vulvam, nunquam vero intra uterum, ut cum maris spermate misceatur; esseque consistentia ferosum five ichorosum, ad modum urinae; non autem, geniturae instar, lentum atque unctuosum; ut tactu facile innotescit. Quorsum autem foras ejiciatur, cujus usus necessario intus requiritur? Debitne humor ille, ceu utero valedicturus, ad limen vulvae amandari; ut majore cum gratia ab utero retraheretur denuo?

EXERCITATIO TRIGESIMAQUARTA. 315

Aliud argumentum ducunt a partibus mulierum genitalibus, testiculis nempe, et vasis spermaticis praeparantibus et deferentibus, quae generationi spermatis inservire arbitrantur. Ego vero miror plurimum, credere eos, a partibus tam imperfectis et obscuris, semen adeo elaboratum, concoctum, et vitale provenire posse; ut (cum ad certamen de praedominio ventum fuerit, utrum scilicet maris an foeminae semen imperio potiturum sit, et quodnam eorum futurum sit vel efficiens et agens, vel materia et patiens) viribus, spiritu, et generativa potentia, maris semen exsuperet; ipsumque tam vegeto calore coctum, tot vasis elaboratum, tantoque spiritu exsiliens, materiae vicem aliquando subire cogat, suoque dominio subiciat. Verum de his in posterum plura.

Interea certum est gallinae ovum ex huiusmodi in coitu profusione non nasci: quamvis illa mox a coitu, ceu blanda dulcedine delibuta, prae laetitia sese excutiat; et, tanquam accepto jam summo munere, festuca semet lustret; quasi multiplicandi benedictioni a Jove summo fatore donatae gratularetur. Columba, praefertim ea, quae ad nos ex Africa advehitur, gaudium a coitu mirum in modum exprimit: saltat, caudam distendit, eaque imam verrit humum, rostro se peccit et ornat; quasi foecunditatis donum summam in gloriam duceret.

Diximus materiam primam ovi non constare ex sanguine, ut Aristoteles voluit; neque, ut medici censent, a feminum maris et foeminae permissione proficisci. Vnde autem eam statuamus fieri, partim in historia jam dictum est; partim post uberius dicemus, cum universim de materia, ex qua omnis conceptus primus oritur, tractabimus.

EXERCITATIO TRIGESIMAQVINTA.

Quatenus gallina sit efficiens in generatione ovi, ex sententia Aristotelis? et cur maris auxilio opus sit?

GALLVM et gallinam duo generationis ovi principia esse jam dictum est; licet de modo, quo id eveniat, seorsum ab Aristotele et medicis sentiam. Quippe ex ovi generatione palam fecimus, tam foeminam, quam marem, efficientem esse; et habere in se principium, unde motus, et facultatem constituendi: quamvis in coïtu, nec mas ovo materiam conferat, nec foemina semen profundat, unde ovum oriatur. Manifestum itaque est, naturam (in quibusdam saltem animalibus) non propterea marem et foeminam instituisse, ut alter (tanquam agens) formam, altera (ceu patiens) materiam conferat, veluti Aristoteli visum est; neque ut in coïtu semen ab utroque proveniat, quo ex utriusque mistura conceptus aut ovum fiat, quemadmodum medicis placet.

Cumque in his duabus opinionibus contineatur quicquid de generationis causis ac principiis ab omni antiquitate traditum fuit; videtur hactenus omnes ratio latuisse, tum cur foemina per se non generet, plantae instar, sed sociatam maris operam requirat; tum etiam quomodo conceptus aut ovum a mare simul et foemina procreetur; aut quid utervis ad eam rem conferat; et quem in finem coïtus instituat.

Aristoteles, contra universalem suam hypothesein (*quod mas, ut agens, foemina, duntaxat ut materia, sit;*) quia ovum a foemina sine maris auxilio procreari videt, fateri cogitur foeminam quoque efficientem esse; et similiter ovum, etiam foras exclusum, sese conservare, nutrire, augere, foetumque ex se producere (ut piscium ovis contingit) non ignoravit: ac propterea ovo, etiam subventaneo, animam inesse voluit. Quatenus

vero

vero foemina efficiens fit, et ovum subventaneum anima done-
tur, conatur exponere, ubi ait²: *Subventanea recipiunt genera-
tionem, quod fieri potest; perfici namque ad animalis usque foe-
cunditatem impossibile est; sensibus enim opus est. At vegeta-
lem animae virtutem obtinent et foeminae, et omnia quae vivunt,
ut saepius dictum est. Quamobrem hoc ovum, ut plantae, con-
ceptus perfectus est, ut animalis, imperfectus. Quibus vide-
tur innuere, animam vegetativam ovo quoque subventaneo in-
esse; quod haec cunctis viventibus insit, ovum autem vivat.*
Gallinae pariter vim creandi, vegetalemque animam inferendi
tribuit; quippe talem virtutem omnes foeminae obtinent: ide-
oque ovum subventaneum, quatenus vivit, ut planta, concep-
tus perfectus; quatenus ut animal, imperfectus dicitur. Quasi
mas non requiratur, ut fiat conceptus aut ovum, idque per-
fectum; sed ut ex eodem ovo fiat animal. Non, inquam, ut
ovum producat omnibus modis perfectum, qualis est planta-
rum conceptus; sed ut animali principio imbuatur. Fit ita-
que a gallina ovum, a mare vero redditur prolificum.

Addit ibidem: *In omni avium genere, alterum mas, alterum
foemina est. Itaque fit, ut qua planta est, perficiat; quod non-
dum mutetur a coitu: qua non planta, non perficiat; nec aliud
quidquam proveniat ex eo, quod genuit. Neque enim ut plantae
simpliciter, neque ut animalis per coitum proventus est. Loqui-
tur de ovo subventaneo; dicitque porro: Quae autem ova coitu
concepta, discreta jam sunt in albuminis portionem; haec pro
eo mare, qui primum corverit, evadunt; jam enim utrumque
principium obtinent.*

Quibus videtur fateri, foeminam quoque in generatione esse
efficientem, sive vim habere generandi; quia in omni foemina
inest anima vegetativa, cujus facultas est generare. Et proin-
de, ubi discrimen inter marem et foeminam proposuit, utrum-

² De gen. anim. lib. iii. cap. 7.

que tamen generativum agnovit: ait enim, *Marem id animal dicimus, quod in alio gignit; foeminam, quod in se ipso*. Itaque ex ejus sententia, et generat uterque, et in utroque, ut pariter inest anima vegetativa, ita et facultas ejus generandi. Quomodo autem differant, supra ex ovi historia innotuit. Gallina nempe per se, citra galli operam, generat ovum subventaneum, quemadmodum planta ex se fructum fert; non gignit tamen ovum foecundum, sine coitu maris vel antecedente, vel subsequente. Generat scilicet foemina, sed aliquatenus; et maris coitus requiritur, ut facultas istaec generandi in foemina perficiatur: nempe, ut non modo ovum procreet, sed ejusmodi etiam unde pullus nasci possit. Ob hunc enim foeminae in generando defectum, mas videtur a natura institui, uti inferius clare constabit; ut, quod foemina per se efficere nequit, semen nempe sive ovum foecundum, id mas suo coitu suppleat et perficiat; virtutem illam gallinae aut ovo impertiendo.

EXERCITATIO TRIGESIMASEXTA.

Ovum gallinaceum perfectum est bicolor.

NON omnia igitur ova perfecta sunt; sed quaedam imperfecta censentur, quia nondum justam magnitudinem adfecta sunt, quam deinde foris accipiunt: alia, quia adhuc improlifera sunt, et postea foecundandi vim forinsecus mutuuntur; qualia sunt ova piscium. Alia, quia unius tantum coloris sunt, imperfecta ab Aristotele aestimantur; perfecta autem, quae bicolora, luteo nempe et albumine constant: tanquam magis distincta, melius concocta, et majore calore praedita. Ideoque ova, quae centenina appellantur, et quae Fabricius^a ex reliquiis solum albuminis generari voluit, unius coloris sunt; et, ob defectum caloris, imbecillitatemque, imperfecta habentur.

^a Pag. 10.

tur. Inter omnia vero ova nullum gallinaceo perfectius est, quod liquoribus et munimentis necessariis instructum, iustaeque magnitudinis, foecundum paritur.

Cur autem aliqua ova bicolora, alia unius tantum coloris sint, Aristoteles hanc causam attulit^a. Quoniam *calidioribus animalibus seorsum ista habentur distincta, ex quo principium ortus, et ex quo alimentum: atque alterum candidum, alterum luteum est*. Quasi pullus ex albumine ortum duceret, et a vitello solum aleretur. Ibidemque ait: *Pars ejus quae calida est propius ad formam in membris instituendis accedit: quae autem terrestris magis est, corporis institutionem praebet, et remotior est. Quamobrem in bicoloribus ovis animal initium suae generationis a candido sumit. Initium enim animale in candido est, cibum a luteo capit*. Putatque ideo dictos hos liquores distinctos esse, et ova nasci bicolora.

Quae partim vera, partim falsa sunt. Non est enim verum, pullum ex albumine constitui, et nutriri vitello. Enimvero ex historia fabricationis pulli, ductuque venarum umbilicalium, et propaginum illarum distributione, quae proculdubio alimentum hauriendo inserviunt, manifesto constat, materiam constitutivam et alimentum, a prima statim origine, tam a vitello, quam ab albumine nutriendo pullo suppeditari: et colliquamentum a nobis dictum, videtur non minus e vitello, quam albumine constare; utriusque enim humoris aliquid colliquescit. Quinetiam macula, ex qua primum dilatata fit colliquamentum, quaeque oculus a nobis dicitur, vitelli tunicae impressa cernitur.

Videtur tamen distinctio illa in luteum, et albumen, necessaria: quod liquores isti, cum sint proculdubio diversae naturae, diverso quoque usui inservire videantur. Ideoque in ovo perfecto distincti sunt; estque eorum alterum, alimentum pro-

^a De gen. anim. lib. iii. cap. 1.

pinquius, alterum, remotius; illo foetus statim ab initio nutritur, hoc posterius. Certum enim est, ut Fabricius vere asserit et nos postea docebimus, utrumque esse alimentum; tam albumen scilicet quam vitellum; et albumen prius vitello absumi. Quare cum Aristotele sentio, contra medicos, albumen esse partem ovi sinceriorem, magisque concoctam et elaboratam; ac propterea, cum ovum in utero perficitur, tanquam pars calidior, in ambitum circumfunditur, dum vitellus, ceu pars terrestrior, in centrum subsidit. Videtur etiam albumen calorem animale uberiorem in se continere, et proinde alimentum esse propinquius. Similiter, ob eandem causam, albumen exterius interiore sincerius, magisque concoctum esse, verisimile est.

Quod medici affirmant, vitellum esse partem ovi calidiorem et magis nutritiam; id intelligendum censeo, quatenus nobis cibus est, non quod pullo in ovo alimentum magis idoneum suppeditet. Idque constat ex historia fabricationis pulli: a quo, tenue albumen prius, quam crassum, absumitur. Quasi propius alimentum sit, et transmutatu facilius in substantiam futuri foetus. Ideoque vitellus videtur esse alimentum remotius et posterius quam albumen: quippe totum albumen prius absumitur, quam vitelli notabilis portio defecerit. Imo vero vitellus in pulli abdomine reperitur, postquam hic exclusus fuerit; tanquam novello pullo pro lacte, quo nutriatur, inserviat.

Sunt itaque ova bicolora magis perfecta, utpote distincta magis, et a majore calore elaborata. Quoniam enim in ovo non modo pulli materiam, sed primum quoque alimentum contineri oportuit; quod perfecto animali perfectum et elaboratum maxime esse debuit; quale illud est quod partes distinctas obtinet, quarum alia, ut diximus, prior et sincerior, adeoque facilioris digestionis est, alia posterior sive remotior, ac propterea

in

EXERCITATIO TRIGESIMASEPTIMA. 321

in pulli substantiam transmutatu difficilior (vitellus autem et albumina tali discrimine inter se differunt); ideo ova perfecta sunt bicolora, ex vitello nempe et albumine composita; utpote quae, pro diversa foetus aetate ac robore, diversos hos liquores, facilioris et difficilis magis concoctionis fomites, in se contineant.

EXERCITATIO TRIGESIMASEPTIMA.

Quomodo ovum albumine augeatur.

EX historia constitit, ovorum in ovario primordia perexigua admodum esse, instar papularum, et milii femine minora, alba atque aquea humiditate referta; mox papulas istas in vitellos evadere; et hos denique albumine circumcingi.

Aristoteles videtur opinari albumen generari ex vitello per modum separationis. Labet ejus verba appingere: *Sexus*, inquit^a, *non est causa duplicis coloris, ut candidum a mare, luteum a foemina sit; sed ambo a foemina proficiuntur. Verum alterum frigidum, alterum calidum est. In quibus multum caloris est, distinguuntur; in quibus parum, distingui non possunt. Et ob eam rem conceptus eorum sunt unicolores, ut dictum est. Semen autem maris constituit tantum: ideo primum exiguum albusque conceptus avium cernitur; mox, tempore procedente, luteus totus, cum jam plus sanguinis admiscetur: postremo, secedente calore, pars candida circum insistit, quasi humore aequae fervente quoquoque. Candida enim pars ovi sua natura humida est, caloremque animale intra se continet: quamobrem circum ipsa discernitur, lutea et terrena intus manet.*

Fabricius autem putat^b albumen duntaxat per juxta positionem vitello adhaerescere. Dum enim, inquit, vitellus per secundum uterum devolvitur, ac sensim volutatur, sensim quoque

^a De gen. anim. lib. iii. cap. 1.

^b Pag. 12.

subinde suscipit albuminis portionem ibi genitam, paratamque ut circa vitellum apponatur; donec medias spiras vitellus praetergressus, et ad ultimam devolutus una cum ovi albumine circumducto, etiam membranis obvolvitur et corticem assumit. Vult itaque ovum duplici modo incrementum fumere; partim vero per venas, ut in vitello; et partim appositivo augmento, ut in albumine. Ejusque opinionis hoc illi forte inter alia argumentum fuit; quod albumen ad duritiem coctum facile in laminas sese invicem ambientes findatur. Verum isthuc idem quoque vitello in ovario etiamnum haerenti, et ad duritiem cocto, contingit.

Quapropter experientia edoctus accedo potius in sententiam Aristotelis: nam albumen non solum, ut Fabricius voluit, adjunctum cernitur, sed formatum etiam, et chalazis ac membranis distinctum, inque duplicem liquorem candidum divisum: idque ab eadem anima vegetativa, a qua ovum in binos liquores, albumen scilicet et vitellum, distinguitur. Nempe a qua facultate ovum integrum, ab eadem quoque singulae ejus partes formantur. Nec sane verum est vitellum prius fieri, et albumen ei adjungi postea. Quod enim in ovario conspicitur, non est ovi vitellus, sed aliquid potius compositum, quod ambos liquores permixtos in se contineat. Colore quidem vitellum refert, sed consistentia sua propius ad albumen accedit: coctum enim ad duritiem, non, ut vitellus, friabile est; sed, albuminis instar, concretum, glutinosum, et tenuibus lamellis constructum cernitur; habetque albam quasi papulam in medio sui.

Aristoteles^a videtur separationem hujusmodi a diversa vitelli et albuminis natura deducere. Ait enim, *Si plura ova conjecta in patinam, aut tale aliquod vas, igne coquas, ita ut ne motus caloris citatior sit, quam ovorum distinctio; idem in universis*

^a Pag. 12,

EXERCITATIO TRIGESIMAOCTAVA. 323

ovis, quod in singulis evenit, ut lutea cuncta in medio constituantur, candida circiter ambiant.

Rem ipsam frequenti experientia compertam habeo; et cui-libet experiri licet, modo vitellos una cum albuminibus simul conquassatos, in clibano, vel inter duas patinās super focum, addito butyro, leniter coxerit in placentam: videbit enim albumina vitellos in imo positos superne amplecti.

EXERCITATIO TRIGESIMAOCTAVA.

Quid gallus et gallina generando ovo conferant.

VTERQUE, tam gallus, quam gallina, pulli parens dicendus est: sunt enim ambo principia ovi necessaria; et utrumque pariter efficientem ejus probavimus. Gallina nempe ovum facit; gallus, ut foecundum fit, efficit. Sunt itaque ambo plasticae virtutis instrumenta, quibus ista species perpetuantur.

Cum autem in nonnullis animalium speciebus, quasi mare nihil esset opus, sed foemina sola ad speciei perennitatem sufficeret, nulli mares reperiuntur, sed omnes sint foeminae, quae intra se primordia ovorum foecunda continent; in nonnullis vero, mares duntaxat, nullaeque foeminae appareant, quia omnes aliquid extra se in limum, terram, aut aquam emittendo, progenerant, speciemque sui conservant; videtur natura in his talibus uno sexu contenta esse, quo, ceu instrumento, utatur ad procreationem idoneo.

Aliquibus etiam, sine ullo sexus discrimine, quasi fortuito, semen contingit; quorum nempe principium est spontaneum. Quemadmodum enim^a quaedam ab arte fiunt, et eadem quoque casu, ut sanitas: ita pariter animalium semen aliquod non fit simpliciter ab univoco, ut ex homine homo; sed quodammo-

^a Arist. Phys. lib. i. cap. 1.

do solum univoco (quorum scilicet primordium et materia casu facta, a se ipsa moveri eo motu potest, quo semen) *quae non per coitum, sed sponte orta, ex tali origine consistunt, quali insecta, quae vermem generant*^a. Nam ut artifices quaedam suis manibus operantur, quaedam autem non nisi ope aliorum instrumentorum; artesque praestantiores variae formae et magnitudinis instrumentis utuntur ad diversas, et curiosas praefertim, subtileque operationes peragendas (praestantiora quippe, et laboriosa magis opera, pluribus plerumque fiunt motibus, pluresque subordinatos fines requirunt, eaque in re, ut et aliis omnibus, ars naturam imitatur): ita similiter natura, ad perfectiora et praestantiora animalia procreanda, pluribus et diversarum facultatum viriumque instrumentis necessario utitur. Sol enim, aut coelum, aut quicquid aliud genitoris communisque patris nomine in animalium generatione intelligitur, quaedam per se, casu, et, quasi absque instrumento, aequivoce procreat: quaedam autem non nisi univoce generat; quae nempe ab aliquo ejusdem generis producuntur, quod et materiam et formam genito tribuat. Atque hoc modo, in perfectissimorum animalium generatione, ubi principia isthaec distinguuntur, et haec animalium semina divisa sunt; non nisi ex mare et foemina, tanquam duobus instrumentis requisitis, procreantur. Et similiter ovum nostrum gallinaceum necessario a gallo et gallina producitur. Gallina in se generat, ideoque conceptui locum et materiam, nutrimentum ac fomentum confert: gallus autem foecunditatem tribuit. *Mas enim, inquit Aristoteles^b, semper perficit generationem, facitque ut sensitiva anima insit, et ex eo ovo animal gignatur.*

Ideoque tam gallo, quam gallinae, organa utriusque facultati idonea concessa sunt. Nempe in gallina partes omnes genitales ad recipiendum et continendum accommodae; ut in gal-

^a De gen. anim. lib. iii. cap. 9.^b De gen. anim. lib. ii. cap. 3.

EXERCITATIO TRIGESIMANONA. 325

lo ad dandum five immittendum, vel ad praeparationem illius, quod foecunditatem in foeminam transferat (tanquam in alio generaret) idoneae reperiuntur.

Perſpectis itaque, per diſſectionem anatomicam, partibus generationi dicatis; quid uterque, mas ſcilicet et foemina, ad eam conferat, facile dignoſcimus. Inſtrumentorum quippe notitia ad eorundem actiones et uſus recta ſemita deducit.

EXERCITATIO TRIGESIMANONA.

De gallo quaedam notatu digna.

GALLVS eſt, ut diximus, primarium efficiens ovi gallinacei perfecti ſeu foecundi, et praecipua generationis cauſa. Abſque mare enim fuerit, nunquam ex ovo naſceretur pullus; et in multis oviparis, ne ovum quidem. De galli itaque actione et utilitatibus, nempe quid ovo et pullo, tam in coitu quam aliis officiis, conferat, penitus introſpiciendum eſt.

Gallum in coitu, licet pene, ut arbitror, careat, genituram, vulgo ſemen dictum, emittere ex partibus ejus genitalibus conſtat; quippe teſticularum eadem ſcatent, et in vasis deferentibus longis amplius plurimum ejus reperitur. Num vero ſubſultim, vique ſpiritus ſpumofum, et repetitis ictibus (ut in calidioribus animalibus viviparis) prodeat, necne; mihi proſecto haud compertum eſt. Quia autem veſiculas genituram continentes non reperi, e quibus fermentata ſpirituque in ſpumam elata profiliat foras; nec penem invenio, per cujus tubulum anguſtiorē protrufa cum ſaltu ejiciatur, gallinaeque interiora verberet; praefertim cum coitus inter eos celeriter adeo peragatur; crediderim levem ſolum eſſe humoris ſeminalis illitum, qualis per pudendorum oſculum duntaxat affigitur, ſemenque citra ſaltum ſubito emanare: ut, quod alia animalia uno eodemque

demque initu iteratis ictibus ejaculantur, id aves (quae complexui venereo non immorantur) repetitis saepe coitionibus expediant. Rarius enim coitum repetunt, quae diutius in complexu venereo haerent: quales in avium numero sunt cygnus et struthio. Quoniam gallus igitur diu in venerea copula haerere nequit; quod ab aliis pluribus impulsibus fit, id ipse repetitis vicibus praestat: ac licet nec penem neque glandem habeat, vasorum tamen deferentium extremitas spiritu (dum coit) inflata, glandis more, turgescit; qua uteri gallinae orificium aperto podice reiectum comprimit, humoreque suo genitali oblini, adeoque pene ad geniturae immisionem non indiget.

Diximus autem galli semen tantae virtutis esse, ut non uterum modo, sed et ovum in utero, in ovario papulam, totam denique gallinam ipsam, papulas et ovarum primordia partim jam habentem, partim mox producturam, foecundam ac prolificam reddat.

Ideoque a Fabricio recte observatum, gallo geniturae copiam in testiculis et vasis deferentibus abundare; non quod gallina plurimum ejus singulis suis ovis foecundandis requirat; sed ut gallus pluribus gallinis crebroque repetitis congressibus sufficiat.

Facit etiam ad celeriore feminis egressum vasorum spermaticorum in gallo brevis et rectitudo: quod enim per longos et reflexos maeandros permeat, tardius elabitur et copioso spiritu impulsore opus habet.

Inter mares, nemo gallo est alacrior nec superbior aut erectior incedens, ciboque concoquendo potentior, cujus magna pars in genituram abit; ac proinde pluribus eum frui uxoribus oportet, nempe decem vel duodecim. Sunt enim animalium quaedam species, quarum mas singularis plurimis foeminis sufficiat, ut in cervis, damis, et pecorum generibus videre est: sunt etiam, quarum foeminae libidine prurientes vix pluribus mari-

bus

bus contentae sint ; ut canis et lupa ; unde etiam meretrices lupae dicuntur, quae corpora sua vulgant ; et lupanaria, in quibus prostant. Sunt etiam nonnulla animalia quasi casta magis, et conjugalem vitam degunt ; ita ut mas unus uni maritetur foeminae, amboque proli enutriendae focias operas praestent. Cum enim a natura requiratur ut mas in prolis generatione foeminae defectum suppleat ; atque haec sola foetum nutrire, fovere, ac defendere nequeat ; mas ipsi conjux additur ; qui partem oneris in generanda et educanda prole fuscipiat. Sic perdices vita conjugali gaudent, quia earum foeminae tot simul ova incubare nequeunt (ideoque binos nidos exstruere dicuntur) nec prognatos inde pullos tollere. Columba quoque mas incubandi vices, nidum componendi, pullosque nutriendi supplet. Similiter alia complura conjugalis vitae exempla inter animalia reperias : de quibus plura in dicendis.

Qui autem mares, ut gallus, plurimis foeminis inferviunt, eorum testiculi copioso humore seminali scatent, vasaque deferentia longa et ampla obtinent. Et quo tempore, quave aetate, papularum racemi in gallinis maturantur, et foecunditatem exposcunt ut in ova perficiantur ; maribus semen abundat et testiculi turgescent, eodemque loco (circa praecordia scilicet) conspiciuntur, in quem foecunditatem transferunt. Patet id in piscibus, avibus, reliquisque oviparis omnibus ; quorum mares semine replentur eodem tempore ac loco, quo foeminae ova concipiunt.

Quaecunque itaque gallinae partes a natura generationi destinantur, ovarium nempe, infundibulum, uteri processus, uterique ipse, et pudenda ; eorumque situs, fabrica, quantitas, et temperies, quaeque hanc consequuntur ; ea omnia, inquam, vel ovo procreando et augendo inferviunt, vel ad coitum, et foecunditatem a mare recipiendam, aut partus gratia efformantur : ad quam rem ea vel necessario et principaliter ; vel tan-

quam causa sine qua non; vel ad melius esse quodammodo conducunt. Nihil enim frustra aut temere in naturae operibus instituitur. Similiter partes omnes genitales in gallo, geniturae praeparandae et concoquendae, atque in gallinam transmittendae gratia, fabrefactae sunt.

Quibus autem maribus is vigor est, ut plurimis foeminis sufficiant; hi corporis magnitudine, et ornatu, animique robore et armis, foeminas suas longius superant, quam illi, qui conjugales sunt. Neque enim tantopere perdix mas, corvus, aut columba, a consortibus suis distinguuntur; quantum gallus a gallina; vel cervus a suis foeminis discrepat.

Gallus itaque ut armis plumisque ornator, superbus, gloriosus, magnanimus, et bellator insignis incedit; ita pariter semine abundat, et frequentissime coitum peragit, adeoque libidine ferox aestuat, ut (nisi complures gallinae ipsi suppetant) foeminas suas saepius invitando et cogendo fatiget, et (uti in phasiano, gallo Indico, aliisque observavimus) intempestive superfiliendo, dorsumque pedibus atterendo (etiam cum in nidis ova incubant) eas male multet. Vidimus aliquando gallinas a ferocientis galli injuria adeo laceras et detritas, ut dorsum totum implume, et ad ossa ipsa perquam miseris modis nudum habentes, brevi exspiraverint.

EXERCITATIO QVADRAGESIMA.

De gallina.

DVO generationis instrumenta, duaeque primae causae sunt; mas et foemina. Gallina enim videtur auctor ovi, ut gallus foecunditatis. Horum igitur coitu a mare in foeminam traducitur, vel in gallina per coitum ingeneratur id, quod ovum reddit foecundum. Quid autem illud sit, non minus cognitu difficile est, quam cui id ipsum communicetur: scilicet

scilicet, utrum toti gallinae, an ejus utero solum, aut ovo facto, vel etiam ovis omnibus in ovario jam inchoatis et postmodum inchoandis? Verisimile enim est ex supra dictis, et Fabricii^a quoque experimento, pauculas coitiones et gallinae per dies aliquot cum gallo consortium sufficienter eam, aut ejus saltem uterum, per annum integrum foecundare. Idque egomet etiam, experientia edoctus, ex parte affirmare possum: nempe vicesimum ovum a gallina (post hujus a gallo divortium) proveniens fuisse foecundum et prolificum. Vt, quemadmodum a piscium masculorum genitura in aquam sparsa magnam ovorum congeriem foecundari certum est; et in canibus, porcis, aliisque animalibus, coitiones aliquot pluribus foetibus procreandis sufficiunt (adeo ut aliqui compertum sibi existiment, si canis foemina saepius quam ter quaterve ineatur, id foecunditati ejus obesse, pluresque foeminas quam mares inde procudi): ita quoque gallus aliquot suis compressionibus, non modo ovum in utero, sed totum etiam ovarium, gallinamque ipsam (ut saepe dictum est) prolificam reddat. Imo vero, quod amplius est, et inprimis mirabile, *Terrae Persicae*, inquit Aristoteles^b, *mure foemina rescissa, foetus foeminei praegnantis videntur*: nempe matres fiunt, antequam nascantur: quasi mas non solum foeminam foecundam, sed et conceptos quoque in ea foetus praegnantis redderet; quemadmodum gallus noster non solum gallinam, sed ova etiam ab illa procreanda foecundat.

Id autem medici confidenter negant, qui ex femine utriusque sexus misto conceptum in animalibus produci asserunt. Ac proinde Fabricius^c, licet galli semen in coitu projectum nunquam uteri cavum (ubi ovum fit vel augetur) ingredi, aut ingredi posse, affirmet; et manifeste videat ova primum in ovario inchoata, non minus iis, quae in utero existunt, ab eodem

^a Pag. 31.^b *Hist. anim. lib. vi. cap. 37.*^c Pag. 38, 39.

coïtu foecundari; quorum nulla pars a galli semine oriri potuit; hoc tamen (quasi necessario adesse et permanere debeat) per integrum annum in bursa gallinae prolificae contineri, caecoque foramine reservari voluit. Quam sententiam nos antea rejecimus, tum quia cavitas illa perinde in mare ac in foemina reperitur; tum etiam, quia nec in illa, nec alibi uspiam in gallina, genituram galli stagnantem invenire potuimus; sed quamprimum haec munus suum expleverit, virtutemque foeminae prolificam imprefferit, vel foras elabatur, vel dissolvitur et in spiritum versa evanescit. Et, quamquam Galenus^a ac cum eo medici omnes hanc geniturae dissolutionem pluribus oppugnant; perspecta tamen ex anatomica administratione partium genitalium fabrica, simulque pensitatis aliis firmissimis argumentis, fateantur necesse est semen maris, prout a testibus per vasa deferentia derivatur, et in vesiculis spermaticis continetur, prolificum non esse; nisi coïtus vel cupidinis oestro spiritale reddatur, et in naturam spumofam effervescat. Neque enim (teste Aristotele^b) *quod semen foecundum reddit, est ejus corpulentia, aut ignis, aut talis facultas aliqua; sed spiritus qui in semine spumosoque corpore continetur, et natura quae in eo spiritu est, proportionem respondens elemento stellarum.* Quare, licet Fabricio concederemus, semen in bursa illa reservari; postquam tamen prolifica effervescentia sive spiritus isti debuerint, inutile prorsus foret et infoecundum. Vnde medici quoque intelligant maris genituram non ideo esse prolis opificem, quia primus conceptus ex illa incorporatur, sed quia spiritosa est et effervescens, tanquam foecundo spiritu et numine turgescens. Alias enim Averrhoïs fabula, de mulieris conceptione in balneo, veritatis speciem prae se ferret. Verum de his suo loco plura.

^a Arist. de gen. anim. lib. ii. cap. 3.^b Ibid.

Quemadmodum itaque a gallina fit ovum, ita verisimile est ab aliis quoque foeminis, ut postea docebitur, primos conceptus tum materiam, tum formam recipere: idque aliquandiu postquam marium genitura immissa fuit et evanuit. Neque enim gallus, per simplicem geniturae emissionem, foecunditatem aliquam gallinae aut ovis ejus adfert; sed quatenus genitura isthaec prolifica est, et vi plastica imbuta; spiritosa nempe, effectiva, et analoga elemento stellarum. Mas itaque non magis censendus est primum principium, a quo conceptus et foetus oriuntur, quod semen suum concoquere et excernere possit, quam foemina, quae ovum sine mare procreat. Sed eo potius nomine praerogativam meretur, quod genituram suam spiritu divinique opificis virtute imbutum inferat: qualis puncto temporis officium suum exsequitur, et foecunditatem apportat. Sicut enim scintilla e filice excussa, aut fulgure e nube aliqua emicante, res subito accendi et fiderari cernimus; ita pariter genitura maris foeminam, quam tetigerit, contagio protinus afficit, eidemque vim prolificam transfert; qua non modo ova, sed uterum etiam, et gallinam ipsam, momento temporis foecunda reddit. Haud citius enim inflammabile quid a contactu ignis accenditur, quam gallina a galli coitu praegnans efficitur. Quid autem ab hoc in illam transferatur, postea erit dicendi locus, cum de hac re generatim et perspicue magis determinabimus.

Observandum interea est, si ab anima id proficiatur (quid enim foecundum est, id idem quoque animatum esse verisimile est: et jam supra diximus ovum, ex sententia Aristotelis, anima vegetativa praeditum esse, ut et semen omne plantarum) oportere necessario animam illam (saltem vegetativam) ex traduce esse, et a mare in foeminam; de foemina in ovum; ab ovo in foetum transferri; vel singulis eorum successive, per coitus contagium, ingenerari.

Videtur nihilominus ambiguitatis plena disquisitio: ideoque, licet Aristoteles fateatur genituram maris tantae virtutis esse, ut semel emissa plurimis simul ovis foecundandis sufficiat; tamen, ne repetita saepius coïtio frustra videatur; *In avium genere*, inquit^a, *ne ea quidem ova, quae per coïtum oriuntur, possunt magna ex parte augeri, nisi coïtus avis continuetur. Cujus rei causa est, quod ut in mulieribus coïtu maris detrahatur mensum excrementum (trahit enim humorem uterus tepefactus, et meatus aperiuntur) sic in avibus evenit, dum paulatim menstruum excrementum accedit, quod foras decedere non potest, quoniam parum est, et superne ad cinctum continetur, sed in uterum ipsum collabitur. Hoc enim ovum augetur, sicut foetus viviparorum, eo quod per umbilicum affluit. Nam cum semel aves coierunt, omnia fere ova semper habere perseverant, sed parva admodum.*

Eatenus autem forsitan vera fuerit Aristotelis sententia; plura nempe et majora ova a repetitis saepe coïtionibus contingere; quod scilicet uberius materia ad uterum (coïtus calore tepefactum) affluat: non tamen propterea crebro coïtu necessario opus esse ut ova fiant prolifica. Nam et experientia, ut diximus, contrarium docet; et ratio, quam affert, non videtur suffragari: quippe ovorum primordia non fiunt in utero ex sanguine menstruo (qui in gallina neutiquam reperitur), sed in ovario (ubi nullus sanguis praexistit) ova tam citra galli coïtum quam cum illo prognerantur.

Gallina (ut et aliae foeminae omnes) conceptui materiam, nutrimentum, et locum suppeditat. Materia, unde cuncta ovorum primordia in ovario nascuntur et crescunt, videtur eadem illa, ex qua reliquae gallinae partes, carnosae nempe, nervosae, et ossae, caput item, ac caetera membra nutriuntur et augentur. Quippe singulis papulis et vitellis in ovario haerentibus (eodem prorsus modo, quo reliquis gallinae partibus) ali-

^a *Arist. de gen. anim. lib. iii. cap. i.*

mentum per vasa accedit. Locus autem, in quo ovum membranis distinguitur, grandinibus et cortice perficitur, est uterus.

At vero gallinam nec semen in coïtu emittere, nec sanguinem in uteri cavitatem eo tempore effundere; neque ovum eo modo fieri, quo Aristoteles conceptum fieri voluit; neque, ut medici arbitrantur, ex commixtione feminum; nec semen galli in uteri cavum penetrare aut attrahi; una hac observatione manifestissime liquet: nempe quod in utero nihilo plus post coïtum, quam ante ipsum reperiatur. Quae res ubi postea liquido constiterit, et demonstraverimus eam veram quoque esse de omni animalium genere, quae utero concipiunt; clare simul apparebit, quae hactenus ab omni antiquitate, circa animalium generationem, nobis tradita fuerunt, erronea esse; foetumque, nec ex spermate maris, aut foeminae, nec ex utrisque simul mistis, neque ex sanguine menstruo constitui; sed in omnibus, tum in conceptu prolifico, tum post ipsum, eodem modo se rem habere, quo fit in generatione pulli ex ovo, et perinde ac plantae ex sui generis seminibus oriuntur. Neque enim constat marem requiri, ut tanquam agens, opifex, et efficiens per se sit; nec foeminam, tanquam materiam suppeditet: sed uterque, tam mas, quam foemina, opifex quodammodo et parens dicendus est; foetusque, tanquam ex utrisque mistis, mista similitudo et species procreatur. Nec verum est, quod Aristoteles saepius affirmat, medicique etiam pro confesso habent; nempe, statim a coïtu, in utero reperiri aliquid vel foetus (ut puta cor, aut tres bullas, aut aliam quamdam partem principalem) vel conceptus; vel aliquid saltem in uteri cavo, ut coagulum, aut spermaticum quid mistum, aut aliud huiusmodi. Sed e contra, diu post coïtum contingit primum, et ova et conceptum in pluribus et perfectioribus animalibus enasci; si modo foemina foecunda et praegnans evaserit.

rit. Et foeminam quidem prolificam esse, antequam quidquam conceptus in utero contineatur, multa sunt quae indicium faciunt, ut postea in viviparorum historia dicetur: nempe crescunt ubera, uterus turgescit, aliisque symptomatibus totius corporis mutatio dignoscitur.

Gallina vero, quamquam ante coitum ovorum in se primordia ut plurimum habet, quae postea a coitu foecunda redduntur, ideoque illi statim a coitu aliquid inest; tamen, cum et ipsa, reliquorum animalium more, nihil adhuc eorum in ovario paratum habuerit, aut quae habuit jam excluferit; ex coitu postea, aliquo etiam temporis interjecto spatio, tanquam utrumque principium, sive utriusque sexus virtutem possideat, plantarum more per se ova generat, eaque (loquor expertus) non subventanea, sed prolifica.

Enimvero, si defubtus gallina semel foecunda reddita, ovisque incubante (postquam jam omnia sua ova peperit, et nullum in ovario superest) omnia illa ova abstuleris; plura denuo pariet, eaque genitiva sive prolifica, et utrumque principium in se habentia.

EXERCITATIO QVADRAGESIMAPRIMA.

Quomodo gallina dicatur efficiens primum: deque ejus partu.

GALLINAM esse causam generationis efficientem, sive naturae in hoc opere instrumentum (non quidem absolute, et per se; sed ex mandato ac vi maris prolificam redditam); jam dictum est. Quemadmodum autem mas, suo merito, primum generationis principium ab Aristotele habetur, quod primus ad generationem motus ab eo proveniat; ita quoque gallina aliquo modo prima generationis causa statui potest: quatenus nimirum mas, praesente foemina, ceu furiis excitatus, ad venerem accenditur. *Foemina piscis*, inquit Plinius,

us^a, coïtus tempore marem sequetur, ventrem ejus rostro pulsans : sub partum mares foeminam similiter. Vidi ipsemet aliquando pisces mares foemellam jam parituram (canum more) turmatim sectari ; ut ova recens posita lacte suo five semine aspergerent. Id vero perspicuum maxime in petulcis ac lascivis foeminis, quae sopitos et ignavos cupidinis igniculos fuscitant, amoremque tacitum inspirant : indeque fit, ut gallus gallinaceus, quamprimum gallinam suam diutule absentem, vel aliam aliquam advenam, conspicatus fuerit, oestro statim amoris percitus eam comprimat. Quinetiam in praelio victor, quamquam a pugna laesus et lassus, victi tamen conjuges omnes subagitare continuo gestit. Et ut flammulam hanc amoris in praecordiis semel accensam usque foveat, variis gesticationibus, irritamentis, ac blanditiis (dum saepius canit, gallinas advocat, easque aggressus circumambulat, atque alas pedibus vibriffat) foeminas ad coïtum, ceu fascino quodam, pellicit. Sunt illae quidem maris artes : sed et foeminae interdum morositas, coïtum in speciem recusantis, non parum ad maris furorem et languentem cupidinem excitandam facit, ut citius et copiosiore spiritu eandem impleat. De hujusmodi autem blandimentis, quatenus conceptui promovendo inserviunt, inferius plura dicentur. Naturae enim opera, si diligenter perpenderis, nihil in iis frustra factum esse, sed cuncta in finem et boni alicujus gratia ordinata reperies.

Foeminae fere omnes cum voluptate quidem coëunt et implentur, sed in partu pleraeque dolent. Gallinae autem contrarium evenit, quae in coïtu querula perstrepat et renititur ; in partu vero, licet ovum pro corporis et uterini orificii proportionem praegrande adfit, quodque nihil adjumenti (ut foetus viviparorum solent) ad exitum conferat, citra dolorem tamen

^a Lib. ix. cap. 50.

facile parit, et a partu continuo exultat, fublatoque cachinno gallum quasi in partem laetitiae advocat.

Quamquam autem in gallinae vitellario multa ovorum primordia reperiuntur, variae magnitudinis et ordinis, ita ut aliud alio prius augeatur et maturetur; omnia tamen videntur a galli congressu simul pariterque foecundari, seu virtutem prolificam accipere. Et, licet plusculum temporis (triginta nempe aut amplius dierum) excurrat, priusquam gallina aut perdix ova omnia, quae concepit, pariat; tamen ubi primum mater iis incubare coepit, statim tempore (viginti scilicet aut duorum et viginti dierum curriculo) omnes foetus una fere excluduntur; iique non minus perfecti, quam si simul (ut in canibus catuli) ab ejusdem temporis coitu initium habuissent.

Atque hic dum sumus, cogitanti mihi quam exigua sint prolifica ovorum primordia, papulae nempe et sudamina milii femine minora, considerantique galli inde nati amplitudinem, magnanimitatem, atque ornatum; mirari subit tantas vires a natura rerum in tantillis exordiis reponi, et creatorem omnipotentem apparere voluisse maximum e minimis initiis. Oritur nempe ex minima et vix perceptibili papula gallina, aut galus, animal superbum et magnificum. Nascitur ex parvula glande arbor ingens. Imo vero ex minima glandis gemmula five apice, quam lata tandem brachia expandit annosa quercus? quam alta ad coelum tollit fastigia? quam profundas demittit radices? *Ingens profecto naturae miraculum*, inquit Plinius^a, *tam exiguis principiis respuentem secures materiam nasci, indomita ponderibus immensis prela, arbores velis, turribus murisque impellendis arietes. Haec est naturae vis, haec potentia.* Inest autem omnibus plantarum feminibus talis gemmula, cujus si summitas duntaxat, puncti instar, abrafa fuerit, tollitur illico spes generationis; quasi in tantillo puncto virtus omnis plastica

^a Lib. xvii. cap. 10.

EXERCITATIO QVADRAGESIMA PRIMA. 337

futurae arboris hospitaretur. Ideoque provida formica, particulam hanc praerodens, frumenti grana et femina in horreo suo subterraneo tuto recondit, eorumque progenerationem ingeniose praecavet. *Cupressus*, adjungit ibidem Plinius, *fert semen formicis mire expetitur; ampliato etiam miraculo, tantuli animalis cibo absumi natalem tantarum arborum*. Sed de his quoque generatim plura dicemus, cum multa animalia, praesertim insecta, ab inconspicuis prae exiguitate principiis et feminibus (quasi atomis in aëre volitantibus) a ventis huc illuc sparsis ac diffeminatis, oriri ac progigni docebimus; quae tamen sponte sive ex putredine orta judicantur, quia eorum femina nusquam comparent. Est autem haec speculatio non inutilis ad illam philosophiam, quae omnia ex nihilo producta docet; siquidem inter primordium et ἀρχὴν cujuslibet animantis vix ulla est commensurabilis proportio.

Nec tantopere admirari oportet, quid in gallo existat, quod animal tam perfectum et eximium conservet et gubernet, ejusque existentiae prima causa sit, quam animam dicimus; sed multo magis, quid sit in ovo, imo in papula tantae virtutis, ut tale animal producat, et in excelsum adeo gloriae fastigium attollat. Nec solum mirari convenit quantus artifex tanto operi assistat et tangat; sed potissimum coitus tam momentanei contagium. Quid nempe e mare in foeminam proveniat; e foemina in ovum; ab ovo in pullum? Quid sit hoc traducis, quod nec manens, nec tangens, nec contentum sensibile invenitur; operetur tamen, summo cum intellectu et providentia, supra omnem artem: quodque etiam postquam abiit et evanuit, non quia jam tangit, sed quia olim tetigit, ovum prolificum reddit: nec solum ovum perfectum et absolutum, sed imperfectum et inchoatum, cum papula duntaxat fuerit: imo vero gallinam ipsam foecundam facit, antequam adhuc papulas produxerit; idque tam subito, quasi ab omnipotente dicatur, fiat progenies, et facta sit.

Definant itaque medici mirari, quod non sine stupore experiuntur, quomodo scilicet morbi epidemici, contagiosi, et pestilentiales, seminaria sua eminus per aërem aut fomitem aliquem spargant ac propagent; morbosque sui similes in alienis corporibus producant, atque abscondito modo per generationem quandam se tacite multiplicent; adeoque interdum ingravescant, ut, divino sic volente numine, per homines et pecora late stragem edant: quoniam majora longe in animalium generatione quotidie invenerint. Plura enim et efficaciora fabricando animali eidemque conservando requiruntur, quam ad ejus perniciem: quippe aegre longoque tempore crescunt, quae facile citoque corruunt. Eleganter Seneca^a, ut solet: *Quam longo tempore opus est, ut conceptus ad puerperium perducatur? infans quantis laboribus tenere educatur? quam diligenti alimento obnoxium novissime corpus adolescit? at quam nullo negotio dissolvitur? urbes constituit aetas, hora dissolvit. Magna tutela stant et vigent omnia, cito et repente dissiliunt. Diu quae crescendo fit sylva, cito minimoque momento et scintilla fit cinis. Imo vero ne scintilla quidem; quippe radiis solaribus per exiguum vitrum transmissis, et in conum unitis, igne confestim excitato, maximarum rerum fit conflagratio. Adeo naturae majestati nihil est arduum, quae ad originem rerum viribus suis parce utitur, et cum providentia caute dispensat, incrementis fallentibus; subito autem ad ruinam plenoque impetu prope- rat. Cernitur in generatione rerum, optimus, aeternus, et omnipotens Deus, seu naturae numen suspiciendum; mille autem modis mortalia cuncta ad perniciem sua sponte ruunt.*

^a Nat. qu. lib. iii. cap. 27.

EXERCITATIO QUADRAGESIMASECVNDA.

Quomodo fiat generatio pulli ex ovo.

OVVM haftenus, ceu fructum et finem consideravimus: superest ut de eo, tanquam semine et principio, agamus. Jam, inquit Fabricius^a, *quomodo ex ovo pulli generatio sequatur inquirendum est; ab eo Aristotelis et Galeni principio, quod etiam ab omnibus conceditur, exordientes; videlicet, quod omnia, quae in hac vita sunt, ab his tribus fieri conspiciantur, artificibus, instrumentis, et materia.* Quoniam vero in naturalibus opifex forinsecus non est, sed vel materiae vel instrumentis inditus; concludit, *de agente tantum et materia considerandum esse,*

Cum autem modus, quo pullus ex ovo fiat, hic docendus sit; non inutile fore arbitror, si quot modis aliquid ex alio fieri dicatur, praemonstravero. Ita enim clarius et distincte magis constabit, quam multifariam generatio ex ovo procedat, et quid de materia, instrumentis, atque efficiente statuendum sit.

Aristoteles quatuor modis *aliud ex alio fieri* docuit^b: primo, cum ex die noctem fieri dicimus, aut ex puero virum; quoniam hoc post hoc: alio, cum ex aere statuem, aut ex ligno lectum, aut quaecumque ex materia fieri dicimus, ut ex aliquo, quod insit et formetur, totum sit. Tertio, cum ex musico immusicum, aut ex sano aegrum, et omnino contrarium ex contrario. Quarto, ut Epicharmus facit suam exaggerationem, ex calumniis maledicta, ex maledictis pugna. Quae omnia eo referuntur, unde principium motus, pars enim quaedam totius discordiae calumnia est. Cum itaque tot modis aliud ex alio fiat, semen in altero de duobus bis esse apertum est. Aut enim ex eo, ut materia; aut ut ex primo quod moverit, est quod gignitur. Non enim ut hoc post

^a Pag. 28.^b Arist., de gen. anim. lib. i. cap. 18.

hoc, quomodo ex Panathenaeis navigatio; neque ut ex contrario contrarium: gignitur enim contrarium ex contrario quod corrumpitur: et aliud quidpiam subjici oportet, ex quo primo immanente sit.

Quibus Aristoteles recte infert semen a mare proveniente esse foetus causam efficientem vel instrumentalem; quandoquidem nulla pars est geniti, nec primo modo, nec tertio (nempe, aut ut hoc post hoc, aut ut ex contrario); neque ut materia subjicitur.

At vero, ut ibidem ait, id quod a mare in coitu provenit, non vere et proprie semen dicitur, sed genitura potius, et a femine proprie dicto discrepat. *Genitura enim id vocatur, quod a generante proveniens, causa est quae prima obtineat principium generationis; videlicet in iis quae coire natura voluit: semen autem est, quod ex ambobus coeuntibus illis (nempe mare et foemina) originem trahit, quale semen plantarum omnium est, et animalium nonnullorum in quibus sexus distinctus non est: velut id, quod ex mare ac foemina primum miscetur, quasi conceptus promiscuus quidam; et quale ovum esse, supra in historia declaravimus, quod tum fructus, tum semen dicitur. Semen enim et fructus inter se differunt, prioris posteriorisque ratione: nam fructus, quod ex alio est; semen, ex quo aliud: alias ambo idem sunt.*

Supereft igitur inquiramus, quot modis praedictis, non quidem a genitura maris, sed ex vero femine, five ex ovo aut conceptu, quae vere animalium femina sunt, foetus oriatur.

EXERCITATIO QVADRAGESIMATERTIA.

Quot modis pullus ex ovo fieri dicatur.

PRO confesso itaque est foetum fieri ex ovo prolifico, tanquam ex materia, et quasi ab opifice; idemque ovum utramque pulli causam existere. Prout enim originem a gallina

EXERCITATIO QVADRAGESIMATER TIA. 341

lina trahit et fructus habetur, materia est; quatenus vero prolificam plasticamque facultatem a mare infusam per totum sui continet, efficiens pulli dicitur. Quinetiam non solum, ut Fabricius voluit, in uno eodemque ovo haec inseparabiliter conjuncta sunt, nempe opifex et instrumentum, sed etiam necesse est, ut eodem loco alimentum quoque adfit, quo augeatur. Imo vero in ovo prolifico haec quatuor simul reperiuntur, opifex scilicet, instrumentum, materia, et alimentum; uti in historia palam fecimus.

Quare ex ovo prolifico omnibus modis praedictis pullum fieri dicimus: nimirum tanquam ex materia, efficiente, et instrumento; ac praeterea ut ex puero fit vir, atque ex parte totum; et tanquam ex alimento; et quasi e contrario contrarium.

Quamprimum enim ab incubatu, a principio motivo interno, quidpiam clarescens colliquatur (nos illud ovi oculum appellavimus), id ipsum tanquam ex contrario fieri dicimus: quemadmodum chylum, per concoctionem, ex contrariis (crudis nempe edulii) fieri credimus: eodemque sensu, quo nos ex contrariis nutriri dicimur. Similiter, ex albumine fit et augetur id, quod nos oculum et colliquamentum candidum nominavimus: ac pariter ex candido illo liquore sanguis et vesicula pulsans, primae pulli particulae, fiunt, nutriuntur, atque augentur: nutrimento, inquam, a facultate infiti innatique caloris, tanquam ex contrario, per concoctionem assimilato. Crudum enim et incoctum cocto et assimilato contraria sunt; ut immuficus mufico, et aeger sano.

Cumque ex candido colliquamento fit sanguis; vel ex albumine aut vitello candidus liquor generatur; hujus generatio dicitur, illius corruptio: facta scilicet e termino contrario in contrarium transmutatione, manente interea eadem subjecta materia. Corrupta nempe priore albuminis forma, fit colliquamentum:

quamentum: et ab hujus (colliquamenti scilicet) formae privatione succedit forma sanguinis: non aliter, quam cum alimentum in substantiam aliti convertitur.

Hoc itaque modo, pullus ex ovo, tanquam ex contrario, fieri dicitur. Enutrito enim pullo in ovo atque adaucto, albumen pariter ac vitellus corrumpuntur et absumuntur, totaque deinceps ovi substantia. Manifestum est igitur, ex ovo, tanquam e contrario, videlicet alimento, et tanquam ex privatione et non ente, pullum fieri. Constat enim prima pulli particula, nempe sanguis aut punctum saliens, ex non sanguine, et omnino ex contrario; durante semper eadem supposita materia.

Fit etiam pullus ex ovo, sicut vir ex puero. Quemadmodum enim ex plantis semina oriuntur, ex feminibus gemmae, germina, virgulta, flores, et fructus: ita quoque ex ovo (gallinarum semine) fit maculae dilatatio, colliquamentum, sanguis, et cor, seu prima foetus (vel fructus) particula. Idque tanquam ex nocte dies, ex vere aestas, ex puero vir; hoc post hoc. Vt quemadmodum fructus post flores in eodem stemmate oriuntur; ita pariter post ovum colliquamentum; post hoc, tanquam ex humore primigenio, sanguis; post sanguinem, et ex illo, pullus fiat; veluti totum ex parte. Sicut, per Epicharmi exaggerationem, *ex calumniis fiunt maledicta, ex maledictis pugna*. Sanguis enim una cum puncto saliente primum existit; simulque et pars pulli videtur, et efficiens quoddam sive instrumentum generationis ejus, ab opifice, ut Fabricius existimat, inseparabile. Quomodo autem ovum efficiens atque instrumentum generationis dicatur, partim jam antea dictum est, partim etiam uberius ex dicendis constabit.

Ex historia id certum est, punctum pulsans atque sanguinem (dum augentur) sibi reliquum corporis aliaque omnia pulli

EXERCITATIO QVADRAGESIMAQVARTA. 343

pulli membra adsciscere : quemadmodum vitellus in utero, ex ovario provolutus, albumine se cingit ; idque non sine concoc-tione ac nutritione. Cunctarum vero operationum vegeta-bilium instrumentum commune, calor internus, aut calidum innatum, vel spiritus per totum diffusus, et in eo spiritu ani-ma five animae facultas, ab omnibus censetur. Habet igitur ovum, procul omni dubio, animam suam opificem, quae tota in toto, et tota in unaqualibet parte, insit ; spiritumque seu ca-lorem animale in se continet, immediatum illius animae in-strumentum.

Interroganti itaque, *Quomodo ex ovo fit pullus ?* responde-mus, omnibus modis, et ab Aristotele recitatis, et ab aliis exco-gitatis, quibus aliud ex alio fieri contingit.

EXERCITATIO QVADRAGESIMAQVARTA.

Fallitur Fabricius circa materiam generationis pulli in ovo.

QVOD mihi ab initio proposui, Fabricium^a praemonstra-torem sequar ; et de tribus illis, quae in generatione pul-li indaganda ait, cum illo considerabimus ; agente nempe, ma-teria, et alimento pulli. Quae omnia in ovo esse oportet, de quibus dubia aliqua proponit, opinionefque gravissimorum auc-torum diversa sentientium. Prima difficultas ad pulli materi-am et alimentum spectat. Hippocrates^b quidem, Anaxagoras, Alcmaeon, Menander, et prisca philosophi omnes *pullum ex vitello generari, ex albumine vero nutriri* existimarunt. Con-tra hanc opinionem, Aristoteles^c et cum eo Plinius^d, *pullum ex albumine corporari, ex luteo nutriri* crediderunt. Ipse au-tem Fabricius, nec vitellum, nec albumen, materiam pulli esse voluit ; praedictasque ambas opiniones conatur refellere, et do-

^a Pag. 28. ^b Lib. de nat. pueri. ^c Hist. anim. lib. vi. cap. 3. et de gen. anim. lib. iii. cap. 1. et 3. ^d Lib. 10. cap. 53.

cere albumen pariter ac vitellum alendo pullo duntaxat infer-
vire. Idque, praeter alia argumenta (quibus minus acquiescen-
dum puto) hoc uno sic satis firmo: quod scilicet propagines va-
forum umbilicalium (per quas pullus sine dubio nutrimentum
haurit) in albumen pariter ac in vitellum diffeminantur, ambo-
que isti liquores (prout pullus augetur et maiorem alimenti co-
piam postulat) absumantur. Ac propterea Fabricius in sen-
tentiae suae confirmationem, ait^a: *Ex corporibus ovum constru-*
entibus, et pulli generationi idoneis, solum tria sunt, albumen,
vitellus, et chalazae: albumen et vitellus nutrimentum pulli
sunt; ergo solae chalazae materia erunt, ex qua fit pullus. Er-
rare tamen excellentissimum Fabricium supra in historia de-
monstravimus. Postquam enim pullus jam prope consumma-
tus est, caputque et oculi distincte conspiciuntur, chalazas in
ovo longe a foetu distitas, integrasque a cacuminibus ad latera
remotas reperire est: praestantque, ut ipse quoque fatetur, u-
sum ligamentorum, quibus vitellus intra albumen in debita sua
positione retineatur. Nec verum est, quod Fabricius in opini-
onis suae stabilimentum addidit; *chalazas nempe obtusae ovi*
parti e directo suppositas esse. Nam post primae diei incubati-
onem mutatur liquorum situs; vitellus attollitur, et grandines
utrinque de cacuminibus removentur; ut jam pridem diximus.

Fallitur etiam praeterea, cum chalazas ovi partes esse statu-
it. Ovum enim revera ex albo et luteo humoribus solum con-
stat: chalazae autem, ut et membranae, albuminis quaedam
appendiculae sunt, et membranarum duntaxat extremitates col-
ligatae et contortae (sicut filamenta in funem complicari solent),
ut liquores firmiore nexu in debito suo loco conferventur.

Male igitur ratiocinatur, dum ait: *Chalazae in ovo ibi repe-*
riuntur, ubi pullus generatur; ergo hic ex illis constituitur. Nam
ne secundum ipsum quidem Fabricium id fieri ullo modo po-

^a Pag. 34.

EXERCITATIO QVADRAGESIMAQVARTA. 345

test; qui fatetur chalazas in utroque ovi extremo pariter reperiri, et tamen negat pullum alibi quam in obtusa ejus parte procreari: in qua profecto, sub primum generationis exordium, nulla omnino chalaza deprehenditur. Quinetiam, si in ovo recenti periculum feceris, videbis chalazam superiorem haud directe sub obtuso cacumine aut cavitate ejus collocatam, sed ad latus nonnihil declinare; nec illo versum, quo cavitas tendit, sed potius in latus oppositum. Praeterea, ex supradictis innotuit, liquorum posituram statim ab incubatione permutari: quia oculus a colliquamento adauctus ad cavitatem in parte obtusa attollitur, unde liquores et grandines utrinque ad latus removentur. Macula enim, quae ante incubationem medio loco inter ambo cacumina collocabatur, jam in oculum aucta, cavitati in obtuso angulo adjungitur; grandinumque altera ab obtuso cacumine deprimitur, altera vero tantundem ab acuto angulo affurgit (qualis nempe polorum mundi, in obliquo hemisphaerio, situs est); simulque albuminis, praesertim crassioris, pars maxima in acutum cacumen subfidit.

Nec verum est, chalazas primam pulli formationem longitudine et figura imitari, partiumque principalium numerum totidem suis nodulis referre: ut inde, a consistentiae similitudine, de pulli materia argumentum probabile adduceret^a. Neque corpus rubrum (quod etiam pro jecore habuit) in grandinibus, vel prope eas cernitur; sed in medio colliquamento candido reperitur; estque cordis folius principium. Nec etiam ranabottolorum exemplum, ab eo adductum, quadrat; *quorum*, inquit, *non est conspiciere nisi caput et caudam, hoc est caput et spinam omnino sine cruribus et brachiis*. Additque, *qui chalazam viderit, et hujusmodi conceptum, quod ad corpus attinet, se vidisse credat*. Ego vero saepissime illorum anatomen institui, vidique alvum satis amplam, et in eadem intestina, jecur,

^a Pag. 35.

et cor pulsans, caput etiam atque oculos deprehendi. Quod Fabricius autem pro capite habet, est figura ranabottoli rotunda, eoque nomine gyrimus dicitur; quod nempe forma ejus in gyrum vertatur. Caudam habet, qua natat, sed cruribus caret. Circa solstitium autem caudam amittit, quo tempore crura et brachia primum pullulare incipiunt. At nihil huic simile, in prima pulli in caput ac spinam divisione, accidit; quod, ad gyrimi modum, pullum ex chalazis fieri persuadeat.

Uterius autem haec refellere, Fabricii, viri anatomes peritissimi, dignitas non finit. Nec sane opus est, cum res ipsa ex historia luculenter pateat.

Tandem concludit, hanc suam sententiam perantiquam esse, et Aristotelis quoque temporibus celebratam. Ego vero potius sententiam Vlyssis Aldrovandi antiquam crediderim; qua existimat, *chalazas esse sperma galli, ex quo et a quo pariter pullus oriatur.*

Neutra tamen sententia vera est, sed popularis omnium temporum error: quippe grandines (*galladuram* Itali vocant, nos- trates *the treddle*) a gallo provenire, ejusque sperma esse, olim hodieque mulierculae crediderunt.

Grandines, inquit Aldrovandus, *sunt sperma galli, quia nullum ovum foecundum illis caret.* At enim, nec infoecundum ullum iis destituitur, quod ille aut nescivit, aut dissimulavit. Id Fabricius quidem fatetur; sed dum negat galli sperma in uterum penetrare, aut uspiam in ovo reperiri; chalazas tamen solas, prae reliquis omnibus ovi partibus, masculi feminis virtute foecundari, vimque prolificam suscipere contendit: licet in ovis foecundis ac infoecundis chalazarum discrimen nullum animadvertere potuerit. Cumque concesserit ipsa ovorum in vitellario primordia, perinde ac ova albumine circumdata, a galli coitu foecundari; erroris in tanto viro causam hanc esse arbitror. Fuit haecenus, ut jam saepe diximus, philosophorum

et

EXERCITATIO QUADRAGESIMAQUARTA. 347

et medicorum omnium vulgata opinio, materiam foetus in generatione animalium esse aut maris, aut foeminae, aut utriusque simul genituram; ex qua post coitum in utero superstita, animalia (similiter ac plantae ex feminibus in terram projectis) generentur. Nec Aristoteles quidem ab eadem sententia multum abfuit, cum sanguinem menstruum foeminae semen esse voluit, quod maris genitura coagulet, conceptumque inde constituat.

Supposito itaque jampridem ab omnibus (ceu certo fundamento) errore, quem diximus; haud mirum sane, si postea (pro varia cujusque conjectura) plurimae falsae opiniones subsequutae fuerint. Errant enim toto coelo, ut dici solet, qui existimant, post coitum necessario remanere materiam aliquam in utero paratam et idoneam, ex qua aut foetus fiat, aut conceptus primus constituatur, aut aliud quid protinus in cavitate uteri fabricetur, quod plantarum semini in terrae gremium injecto respondeat. Quippe certum est, in gallinae utero (idque etiam postea de omnibus foeminis constabit) statim a coitu, nihilo plus conspici, quam ante ipsum coitum reperiatur.

Errasse itaque Fabricium liquet, cum ait^a: *Sicuti viviparum animal ex pauca seminali materia corporatur; quod vero ad alimentum et nutritionem suggeritur, copiosissimum est: sic pro pulli generatione exigua chalaza sufficiet; caetera autem in ovo contenta alimento duntaxat pullo erunt.* Quibus apertum est, eum talem aliquam materiam in ovo paratam quaesivisse, unde pullus corporetur: idque, ne quid contra definitionem ovi, ab Aristotele^b traditam, videatur statuere: nempe, *Ovum est, cujus ex parte animal gignitur: reliquum cibus ei, quod gignitur, est.* Validum igitur hoc Fabricio^c videtur argumentum: *Cum tres solum partes sint in ovo, scilicet albumen, vitellus, et chalazae; et priores duae nutrimentum duntaxat pullo suppedi-*

^a Pag. 35.

^b Hist. anim. lib. iii. cap. 8.

^c De gen. anim. lib. ii. cap. i.

tent; necesse est ut solae chalazae materia sint, ex qua pullus constituitur.

Ita factum, ut peritissimus anatomicus (dum materiam aliquam creando pullo idoneam, et a caeteris distinctam, in ovo quaerit) errore populari occaecatus, cespitaverit. Idemque similiter aliis contingit, dum lucem illam deferunt, quam frequens corporum dissectio, et familiaris cum natura ipsa conversatio exhibent; atque ex conjectura, suppositisque probabilibus argumentis, aut scriptorum auctoritatibus, rem eam intelligere sperant, quam spectare ipsi et sensu percipere debuissent. Quare haud mirum est, plurimos errores, ab ultima antiquitate unanimi consensu traditos, ad nostra usque tempora descendisse: virosque, alias ingeniosos, egregie hallucinatos esse; dum sibi abunde satisfactum arbitrantur, si ex aliorum libris sapiant, et doctorum virorum sententias in memoria habeant. Equidem, qui hoc pacto, veluti ex traduce (ut sic dicam) philosophantur, haud melius sapiunt, quam eorum libri quos penes se servant.

In ovo igitur, ut diximus, nulla pars distincta aut materia praeparata adest, ex qua foetus efformetur: sed, quemadmodum in plantarum feminibus apex aut gemmula protruditur, ita pariter in ovo cicatrix sive macula inest, quae vi plastica imbuta in oculum et colliquamentum crescit; ex quo et in quo pulli primordia, sanguis scilicet et punctum saliens, generantur, nutriuntur, et augentur in pullum perfectum. Neque Aristotelis definitio ovi vera est; ut sit, *ex cuius parte pullus oritur, et a reliquo nutritur*: nisi Philosophus hoc modo intelligendus sit; *Ovum esse, ex cuius parte pullus oritur, non tanquam ex materia, sed ut vir ex puero: vel, ovum esse conceptum perfectum, ex quo pullus partim constitui dicitur, partim nutriri: vel denique, ovum esse, cuius liquores pro partium tum materia tum nutrimento inserviunt.* Eoque sensu Aristoteles^a

^a De gen. anim. lib. ii. cap. 4.

EXERCITATIO QVADRAGESIMAQVINTA. 349

docet, materiam foetus in foeminis esse sanguinem menstruum, quo (dum per venas in uterum funditur) *natura abutitur*; scilicet *generationis causa, ut quale erat futurum, tale alterum oriatur*; jam enim *tale potentia est, quale est corpus, cujus secretio est*; nempe matris.

EXERCITATIO QVADRAGESIMAQVINTA.

Quaenam sit pulli materia, et quomodo fiat in ovo.

QVONIAM itaque ex aliorum placitis, five nuda auctoritate, five probabilibus etiam argumentis ea confirmata fuerint, veritatem obtineri non posse arbitramur, nisi diligens quoque experientia accesserit; ex naturae libro, et perspicuis observationibus, quaenam sit foetus materia, et quomodo is inde oriatur, declarabimus.

Duplici modo aliquid ex aliquo (tanquam ex materia) fieri, idque tam arte, quam natura, ac praecipue in generatione animalium, observavimus. Alter est, cum ab aliquo praeexistente fit, veluti ex ligno lectus, ex lapide statua: cum nempe tota futuri opificii materia jam exstiterit, antequam in formam producat, aut operis aliquid inchoetur. Alter autem modus est, cum materia simul et formatur et fit. Quemadmodum igitur opera duplici modo ab arte perficiuntur; altero nempe, cum materiam jam paratam artifex fecat, dividit, et detrahendo quod superfluum est imaginem relinquit, ut statuarius facere solet: altero autem, cum figulus eandem imaginem ex luto, addendo five augendo et figurando, format; simulque materiam parat, praeparat, aptat, et applicat (atque hoc pacto imago potius facta, quam ficta dicitur): ita pariter in generatione animalium, quaedam ex materia prius cocta et aucta formantur et transfigurantur; omnesque partes simul per metamorphosin oriuntur ac distinguuntur, perfectumque animal

animal enascitur: quaedam vero, facta parte una prae altera, ex eadem materia postea simul nutriuntur, augentur, et formantur: habent scilicet partes alias aliis priores ac posteriores, eodemque tempore et augentur et formantur. Horum fabrica a parte aliqua, tanquam ab origine, incipit; ejusque ope reliqua membra adsciscuntur: atque haec per epigenesin fieri dicimus; sensim nempe, partem post partem; estque isthaec, prae altera, proprie dicta generatio.

Priori modo fit insectorum generatio, ubi vermis per metamorphosin ex ovo nascitur; vel ex materia putrescente (humido siccescente, vel sicco humescente) primordia procreantur, e quibus (tanquam ex eruca ad perfectam magnitudinem aucta, vel ex aurelia) per metamorphosin papilio vel musca oritur iusta magnitudine, nec a primo ortu quidquam auctior fit. Perfectiora autem animalia sanguinea per epigenesin five partium superadditionem fiunt; ac, postquam nata sunt, adolescunt et ad ἀζωον² pertingunt. In illis, casus seu fortuna videtur maxime generationem promovere; in quibus forma oritur ex potentia materiae praeexistentis, causaque prima generationis est materia potius, quam efficiens externum; unde etiam animalia haec imperfectiora sunt, et genus suum minus servantia minusve perpetua, quam sanguinea terrestria vel aquatilia, quae ab univoco principio (nempe ab eadem specie) aeternitatem consequuntur: huiusque rei causam primam naturae et virtuti vegetativae assignamus.

Quaedam igitur animalia sua sponte nascuntur, ex materia sponte vel casu concocta; ut Aristoteles^a videtur asserere. *Quorum scilicet materia potest a se ipsa moveri, eo motu a casu, quo semen movet* in generatione aliorum animalium. Idemque in animalium generatione contingit, quod in arte: quaedam enim ab arte fiunt, atque eadem a casu, ut sanitas; quaedam nunquam sine arte, ut domus.

^a *Metaph. lib. vii. cap. 9.*

EXERCITATIO QVADRAGESIMAQVINTA. 351

Apes, crabrones, papiliones, et quaecunque ex eruca per metamorphosin generantur, casu orta, ideoque genus suum haud fervantia dicuntur: leo vero, aut gallus, nunquam casu aut sponte; sed tanquam a natura five opifice facultate diviniore existunt; et potius, quod specie sibi simile generet, quam quod materiam suppeditet idoneam, requirunt.

In generatione per metamorphosin, quasi figillo impresso vel proplasmate concinnata finguntur; materia scilicet tota transformata. Animal autem, quod per epigenesin procreatur, materiam simul attrahit, parat, concoquit, et eadem utitur: formatur simul et augetur. In illis, plastica vis eandem familiarem materiam fecat, sectamque disponit, et in membra redigit; facitque ex materia familiari organa dissimilaria. In his vero, dum partes alias aliterque dispositas ordine procreat, aliam quoque atque aliter dispositam materiam requirit ac facit; his nempe vel illis partibus generandis magis idoneam. Cujus rei gratia, ovum gallinaceum perfectum ex variis partibus constitutum credimus.

Liquido itaque ex historia nostra constat, pulli generationem ex ovo fieri potius per epigenesin, quam per metamorphosin; neque omnes ejus partes simul fabricari, sed successive atque ordine emergere; eundemque simul dum augetur formari; et augeri dum formatur; partesque alias aliis prioribus supergenerari et distingui; principiumque, augmentum, et perfectionem procedere per modum crescendi, tandemque exoriri foetum. Facultas enim pulli formatrix materiam potius sibi acquirit et parat, quam paratam invenit: videturque pullus haud ab alio fieri vel augeri, sed a seipso. Et quemadmodum omnia, ex quo fiunt, ab eodem augentur; ita similiter, a quo pullus conservatur et augetur ab initio (five id anima, five facultas animae fuerit), ab eodem quoque, ut supra diximus, eum fieri credibile est. Idem enim reperitur tum in ovo, tum in pullo,

efficiens ac conservans; et ex qua materia primam pulli particulam constituit, ex eadem nutrit, auget, et superaddit reliquas omnes. Denique, in generatione per metamorphosin, totum in partes distribuitur et discernitur; per epigenesin vero, totum ex partibus certo ordine componitur ac constituitur.

Quare Fabricius materiam pulli (ceu distinctam ovi partem, ex qua corporetur) perperam quaesivit: tanquam pulli generatio per metamorphosin, sive materiae congectae transfigurationem, fieret; et partes omnes corporis, vel saltem principales, ex eadem materia simul orirentur, et, ut ipse loquitur, corporarentur: non autem per epigenesin, in qua ordo observatur secundum partium dignitatem et usum; ubi primo exiguum quasi jacitur fundamentum, quod simul, dum augetur, distinguitur quoque et formatur; partesque deinceps, ordine quasque suo, supergenitas et adnascentes obtinet.

Quemadmodum nempe apex ex glande protuberans, sumpto incremento, in radicem, lignum, medullam, corticem, virgulta, turiones, frondes, flores, ac fructus distinguitur et formatur, tandemque arbor evadit; ita pariter se habet pulli in ovo procreatio; cicatricula sive parva macula, futuri aedificii fundamentum, augetur in oculum, simulque distinguitur in colliquamentum, in cujus centro *punctum sanguineum pulsans* enascitur, una cum venarum ramificatione; his mox superoritur nebula, ac primum futuri corporis concrementum; quod etiam, prout augetur, dividitur sensim et distinguitur in partes, non simul omnes, sed alias post alias natas, et ordine quasque suo emergentes.

Vt concludamus igitur: in eorum animalium generatione, quae per epigenesin procreantur, et partite formantur (qualiter pullus in ovo) non quaerenda est materia alia, ex qua foetus corporetur; et alia, unde primum nutriatur atque augeatur: nam eadem materia, ex qua fit, nutritur etiam ac-augetur; et,

vice

vice versa, qua nutritur primum et augetur, ex eadem quoque pullus in ovo constituitur. Idemque est potentia animal, quod alibile, et augmentativum, ut post docebimus; differuntque duntaxat, ut Aristoteles ait, *ipso esse*; caetera vero idem sunt. Quatenus enim hoc aliquid est, et in substantiam convertibile, nutritium est; quatenus quantum, est augmentativum; quatenus in substantiae deperditae locum substituitur, nutrimentum appellatur; quatenus non deperditae additur, incrementum dicitur. Idemque tum generatione, tum nutritione, tum augmentatione, pulli materia, alimentum, et incrementum existimandum est. Generari vero simpliciter dicitur, cujus nondum est aliquid praeefficiens; nutriri autem et crescere, quod prius existit. Foetus quod primum fit, gigni, aut nasci; quod substituitur vel superadditur, adnasci, aut adgenerari dicitur. In omnibus ab eodem in idem, eadem transmutatio et generatio: secundum partem quidem, nutritione et augmento; secundum totum autem, generatione simplici: alias idem utrobique contingit. Quippe unde materia primum existens fit, inde quoque nutrimentum illi atque incrementum accedit.

Quinetiam ex dicendis constabit, omnes corporis partes ab eodem communi succo alibili, aliter aliterque cambiato, nutriri. Nam, ut plantae omnes ex eodem communi nutrimento (sive rore, seu terrae humore) diversimode alterato coctoquo oriuntur, nutriuntur, atque augentur; ita pariter ex iisdem ovi liquoribus, albuminibus nempe et vitello, totus pullus singulaeque ejus partes procreantur et crescunt.

Explicabimus etiam, quorum animalium fit per metamorphosin generatio: qualisque insectorum, ex verme vel eruca oriundorum, fit praeefficiens materia; ex qua, per solam transmutationem, omnes partes simul constituentur, corporentur, et perfectum demum enascatur animal: tum etiam, quibus ani-

malibus aliquis generationis ordo inest, partesque eorum aliae post alias nascantur; qualia sunt, quae imperfecta primum nascuntur, postea vero adolescunt et perficiuntur; uti omnia ex ovo prognata. Haec, ut simul fiunt et augentur; crescunt et transformantur; ordineque observato, in partes distinguuntur: ita nulla iis immediata materia praeeexistens adest (qualis statui solet feminum maris et foeminae mixtio, vel sanguis menstruus, vel aliqua ovi portiuncula), ex qua foetus corporetur: sed simul ac fit et paratur materia, augetur etiam et formatur aliquid; quamprimum nutrimentum adest, adest quoque id quod eo alatur. Fitque huiusmodi generatio potius per epigenesin, tanquam ex puero vir, nempe ex puncto saliente, ceu fundamento corporis aedificium; quemadmodum ex carina fit navis: et potius, ut figulus statuam, absque praeeistente materia; quam ex materia aliqua, ut faber ex ligno scamnum, aut statuarius e marmore statuam efformant. Nam, ex qua materia pars prima pulli, sive minima ejus portiuncula oritur; ex eadem quoque totus pullus nascitur: unde prima sanguinis guttula, inde etiam tota ejus massa per generationem in ovo provenit: a quo membra sive organa corporis consistunt et fiunt, ab eodem etiam partes eorum omnes similes, nempe cutis, caro, vena, membrana, nervus, cartilago, et os, originem trahunt. Pars enim, quae prius erat mollis et carnosae, postea, dum augetur, ab eodem alimento fit nervus, ligamentum, tendo; quae membrana erat, fit tunica; et quae cartilago fuerat, postea spina vel os evadit: ex eadem nempe materia similari diversimode alterata. Neque enim corpus simile mistum (quod ex elementis constare vulgo creditur) ex elementis seorsum primo existentibus, dein compositis, unitis, et alteratis gignitur; nec compositum ex componentibus; sed ex hoc misto transmutato aliud mistum gignitur et efformatur. Nimirum ex colliquamento fit sanguis; ex sanguine corporis moles exfur-

git;

EXERCITATIO QVADRAGESIMAQVINTA. 355

git; quae similis ab initio, et tanquam gluten spermaticum cernitur; inde autem partes per divisionem obscuram delineantur primo, posteaque organa fiunt et distinguuntur.

Partes, inquam, istae similes non fiunt ab elementis dissimilibus atque heterogeneis invicem unitis; sed ex similari materia per generationem oriuntur, et discriminantur, dissimilesque fabricantur. Perinde ac si divini opificis jussu seu efato quodam, totus pullus crearetur: scilicet, fiat massa similis alba, ac dividatur in partes et augeatur; atque interim dum augetur, fiat partium secretio et delineatio; fiatque haec pars durior, et simul crassior, atque albidior; illa mollior, et simul coloratior; atque ita factum est. Sic nempe quotidie pulli fabrica in ovo procedit; ex eadem materia fiunt, nutriuntur, et augentur omnia. E spina primum oriuntur latera, ossaque minutis lineis albidissimis a carne distinguuntur: in capite tres bullae visuntur aqua crystallina plenae; quae cerebrum, cerebellum, et oculum alterum offusa nigredine conspicuum referunt: substantia, quae initio coagulum lacteum apparet, postea sensim cartilaginosa, spinosa, ac demum ossea evadit: quae mucosa primum et alba erat, tandem in carnem rubicundiorum et parenchyma abit: quae prius erat limpida et purissima aqua, mox in cerebrum, cerebellum, et oculos mutatur. Majus enim et divinius inest in generatione animalium mysterium, quam simplex congregatio, alteratio, et totius ex partibus compositio: quippe totum suis partibus prius constituitur et decernitur; mistum prius quam elementa. Verum de hac re plura alibi; ubi etiam causae ejus et principia assignanda veniunt.

EXERCITATIO QVADRAGESIMASEXTA.

De casu efficiente generationis pulli et foetus.

HACTENVVS de materia, ex qua pullus in ovo nascitur, dictum est. Supereſt, ut de efficiente pulli causa, aliquid cum Fabricio disquiramus. Quoniam autem plurimis haec res difficultatibus obnoxia est; nec auctores in alia magis acriter et verboſe diſputant; ipſeque Ariſtoteles in ea explicanda mire intricatus ac perplexus cernitur; plurima etiam dubia, nec ſpernenda, ſeſe offerunt; operae pretium me facturum arbitror, ſi (quod in materiae diſquiſitione a nobis factum eſt) primo loco ſtatuam, quot modis aliquid efficiens vel effectivum dicatur; ut inde certius et diſtincte magis conſtet, tum quid efficientis nomine quaerendum ſit, tum etiam quid de auctorum circa hanc rem ſententiis ſtatuendum veniat; ſimulque ex noſtris obſervationibus appareat, quid vere ac proprie efficiens dicendum ſit.

Ariſtoteles^a efficientem cauſam definit: *Vnde principium mutationis primum, aut quietis: ut conſultor; pater; et ſimpliter, faciens ejus, quod factum eſt; tranſmutativum, tranſmutati.* Quare in generatione animalium, multa et varia cauſarum genera afferuntur, unde motus: aliquando accidens ſive qualitas aſſignatur; atque ita calor animalis et formatrix facultas efficiens dicuntur. Aliquando, ſubſtantia externa prius exiſtens, cui viſ platiſtica ſeu formatrix facultas ineſt; ut pater vel ejus ſemen, cujus efficacia pullus ex ovo procreatur. Aliquando interna quaedam ſubſtantia per ſe exiſtens; ut ſpiritus ſive calidum innatum. Aliquando ſubſtantia quaedam alia, ut forma, vel natura, vel anima, vel pars quaedam animae vegetativa, pro efficiente habetur: quale principium ovo ineſſe, jamdudum diximus.

^a *Metaph. lib. v. cap. 2. et Phyſ. lib. ii. tit. 28.*

Praeterea, quoniam aliud alio prius et remotius, unde motus; aliquando media inter primum efficiens et ultimo factum; et instrumenta, tanquam efficientia aestimantur: subordinati quoque fines, seu subsequantium principia, inter causas efficientes recensentur; ac proinde ipsae partes quaedam genitales dicuntur; veluti cor, unde reliquas partes ortum ducere Aristoteles affirmat, et ex historia nostra liquet. Cor, inquam, aut saltem ejus primordium, vesicula nempe et punctum saliens reliquum corpus, tanquam futurum sibi domicilium, fabricat; jamque exstructum ingreditur, in eo se recondit, vivificat illud et gubernat, superpositisque costis ac sterno, ceu munimento, circumvallat: estque veluti lar quidam familiaris, prima animae sedes, calidi innati primum receptaculum, focus animalis perennis; facultatum omnium fons et origo, unicumque in adversis solatium.

Porro, quoniam efficiens in relatione ad effectum dicitur; cum per epigenesin partes aliae aliis ordine posteriores sint, et a prioribus diversae; ut effecta, ita et efficientia quoque variari verisimile est; quae diversa opera producant, a quibus motus etiam diversi proveniant. Ita medici, in physiologicis, quaedam organa chylicationis, alia sanguificationis, generationis alia adstruunt: et anatomici quidam ossificam, carnificam, nervificam facultates nominant; quas ossa, carnem, et nervos efficere statuunt.

In pulli autem generatione, ex pluribus actionibus non parum inter se differentibus, causas quoque efficientes discrepare certum est: quae licet per accidens efficientes generationis videantur, necessario tamen requiruntur; cum, nisi sociata eorum opera, nihil efficiatur. Nempe, dum externa impedimenta prohibent, vel conceptum fovant, aut excitant et de potentia in actum deducunt, efficientia merito censentur. Atque hoc nomine ovorum incubatio, aëris locique tepor, verna tempe-

tas, solisque per zodiacum accessus; similiter causae praeparantes, quae faciunt ut vitellus ascendat, macula dilatetur, humoresque in ovo colliquantur, pro efficientibus habeantur.

Deinde causis efficientibus annumerandae sunt generativae et architectonicae potentiae partes a Fabricio recensitae, nimirum facultas immutatrix, concoctrix, formatrix, et auctrix: accidentium quoque quorundam effectrices causae; nempe, unde pullus fit mas aut foemina; patris aut matris similitudine; idque ad prioris aut posterioris maris coeuntis formam; unde etiam proles fit animal; atque integrum, non mutilum; robustum et sanum, non morbosum; longioris quoque aevi; speciemque retinens, aut degenerans; monstrum aut misti generis evadit.

Denique, cum circa efficientem foetus causam versantes animo perpendimus insignem ejus fabricam, atque omnium partium membrorumque actiones, functiones, usus, et utilitates; quantaque providentia, arte, et intellectu, quam divino numine afflata omnia concinnentur, affabreque componantur in usum vitae: non solum, quis fit efficiens, architectus, et consultor, ambigere non licet; verum etiam omnipotentem adeo tanti operis (quod microcosmi titulo insigniri meretur) fabricatorem et conservatorem jure suspicimus et veneramur. Quaerimus etiam, unde veniat; et quando; atque ubi subsistat in ovo divinum illud, elemento stellarum analogon, arti et intellectui proportionem respondens, Creatoris omnipotentis vicarium?

Ex dictis igitur apparet, quam sit arduum causas omnes pulli efficientes enumerare; et necesse esse, pleniorum hujus rei disquisitionem ad universalem trutinam referri; neque enim posse ex pulli solius generatione (sine clariore luce per experimentiam ab aliis animalibus allata) commodè pleneque ea tractari, quae generatim omnibus conveniunt. Eoque magis quod ipsemet

ipſemet Ariſtoteles principia animalium efficientia tam varia recensuerit: ab eo enim aliquando *mas*^a ſtatuitur cauſa efficiens principalis, utpote in quo ratio facti pulli ſit; ſecundum illud, *feri omnia ab eodem univoco*^b; interdum, *maris ſemen*^c; aut *natura maris ſemen emittentis*^d; nonnunquam, *id quod in ſemine ineſt*^e, quod facit ut foecunda ſint ſemina, ſpiritus nempe, et natura in eo ſpiritu proportionem reſpondens elemento ſtellarum: alibi calor^f; moderatus calor^g; certus et proportionatus caloris gradus^h; calor in ſanguineⁱ; alicubi, calor aëris ambientis; item, venti^k; ſol; coelum; Joviter; anima; et univerſim, natura principium motus et quietis ab eo dicitur. Eademque licentia, Stoïcorum aliquis, qui animam eſſe ignem arbitrat, hunc cauſam animalium efficientem ſtatuat; quod ignis ſeipſum nutriat, augeat, propriaque poteſtate quodammodo vivere videatur: non ille quidem noſter culinaris et deſtructivus; ſed naturalis, coeleſtis, vegetativus, generativus, et ſalutaris; quem, Jovis nomine, Ethnici colebant, rerumque hominumque patrem nuncupabant; non, inquam, claudus ejus frater Vulcanus (cujus tamen opera ac beneficio quotidie multifariam magno noſtro commodo utimur), ſed ſpiritus animalis, divinus, animaliumque opifex.

Idcirco Ariſtoteles^l quaëſtionem hanc de cauſa efficiente *valde dubiam* eſſe ait; utrum ſcilicet ſit *extrinſecum quid*, an in *genitura aut ſemine inſitum*: et num ſit *pars aliqua animae, aut anima, aut habens animam*?

Quare ut, in hac efficientis pulli diſquiſitione, a multiplicium cauſarum labyrintho tuto nos expediamus; opus eſt Ariad-

^a *Metaph. lib. i. cap. 2. et lib. iv. cap. 1.*

^b *Metaph. lib. vii. cap. 10.*

^c *De par. anim. lib. i. cap. 1.*

^d *De gen. anim. lib. i. cap. 20.*

^e *Ibid. lib. ii. cap. 3.*

^f *Lib. v. cap. 3.*

^g *Lib. iv. cap. 2.*

^h *Ibid. lib. iv. cap. 4.*

ⁱ *De par. anim. lib. ii. cap. 2.*

^k *De gen. anim. lib. iv. cap. 2. de gen. et cor. lib. ii. tit. 30.*

^l *De gen. anim. lib. ii. cap. 1.*

naeo filo, ex omnium fere animalium observationibus rite contexto: ac propterea res haec ad universalem magis indaginem differenda est. Interea temporis, quae circa privatam pulli ex ovo generationem, vel manifeste apparent, vel a communi sententia aliena sunt, vel ulteriorem inquisitionem postulant, recensebimus.

EXERCITATIO QVADRAGESIMASEPTIMA.

Efficiens causa pulli quomodo operetur, secundum Aristotelem.

MAREM esse causam efficientem primariam in generatione, omnes confitentur; utpote in quo species five forma resideat: afferuntque porro, genituram ejus coïtu emissam facere, ut et ovum sit, et fiat foecundum. Quomodo autem galli semen pullum ex ovo producat, philosophi atque medici omnes olim hodieque haud satis explicarunt: nec quaestionem ab Aristotele propositam solverunt. Imo nec ipse quidem Aristoteles*, ubi ait; *marem non conferre ad quantitatem, sed ad qualitatem; esseque principium motus; foeminam vero materiam praestare*. Pauloque post: *Non omnis mas semen emittit, et qui emittunt, nulla pars foetus hoc est: sicut nec a fabro quidquam secedit ad lignorum materiam; neque pars ulla artis fabrilis in eo, quod efficitur, est; sed forma et species ab illo per motum in materia existit. Atque anima, in qua forma et scientia est, movet manus, aut aliud membrum, motu certae qualitatis; vel diverso, a quibus efficitur diversum; vel eodem, a quibus idem. Manus autem instrumentaque materiam movent. Ita natura etiam maris semen emittentis utitur eo semine, quasi instrumento, et actu habente motum: ut in operibus artium instrumenta moventur, in illis enim quodammodo motio artis est.*

* De gen. anim. lib. i. cap. 20.

EXERCITATIO QVADRAGESIMASEPTIMA. 361

Quibus videtur innuere, generationem fieri motu certae qualitatis. Quemadmodum in arte, licet prima causa (nempe ratio operis) sit in anima artificis; postea tamen opus efficitur motu manuum vel aliorum instrumentorum; et licet prima causa remota sit (ut in automatis), quodammodo tamen movere dicitur quod jam non tangit, sed olim tetigit, dummodo motus in instrumentis perseveret.

Idem libro sequenti sic ait^a: *Semen maris cum accessit in foeminae uterum, partem purissimam excrementi (nempe menstrui sanguinis in utero existentis) constituit, et coagulat, materiamque in utero paratam tali motu transmutat, donec pulli aliquid fiat: quod postea, licet semen peracto motu evanescat, pars quaedam existit foetus, eademque animata (quale cor), quae se ipsam jam auget et gubernat, perinde ac filius a patre emancipatus, seorsumque collocatus. Itaque principium haberi oportet, a quo postea ordo membrorum describatur, et quaecunque ad absolvendum animal pertinent disponantur; et ex quo incrementum et motus caeteris partibus contingat; omniumque similarium ac dissimilarium partium principium, et ultimi earum alimenti auctor sit. Quod enim jam animal est, augetur: alimentum autem ultimum animalis, sanguis est, aut quod sanguini proportionem respondet; cujus vasa et conceptacula venae sunt. Quamobrem venarum quoque principium cor est. Venae autem, quasi radices, pertingunt ad uterum, per quas alimentum haurit foetus. Cor etiam totius naturae principium, et finis continens, primum fieri debet, tanquam pars sua natura genitalis; quae prior sit oportet, quasi principium reliquarum, totiusque animalis, et sensus: cujus calore (quia partes omnes potentia in materia insunt) cum principium motionis affuit, perinde ut in spontaneis illis miraculis, quod subinde sequitur, excitatur; et partes moventur, non mutantes locum, sed alterascentes mollitie, duritie, calore, et reliquis*

^a Lib. ii. cap. 4.

partium familiarium differentiis, factae jam actu, quae ante erant potentia.

Haec totidem fere verbis Aristotelis sententia est, qua foetum ex femine per motum constitui censet; licet jam non maneat tangens, sed antea solum tetigerit. Subtilis profecto et accurate contexta opinio; atque ex iis, quae in ordine generationis partium conspiciuntur, non improbabilis. Cor enim, cum venarum ductu, primo cernitur; tanquam principium animatum, in quo et motus et sensus; et tanquam filius emancipatus, parsque genitalis, unde membrorum ordo describitur, et, quaecunque ad absolvendum animal pertinent, disponuntur; et cui reliqua conveniunt ab Aristotele attributa.

At vero cor in ovo a femine maris fieri, impossibile videtur; cum nec semen illud in ovo insit, nec ovum tangat, aut unquam tetigerit; quia neque uterum ingreditur, in quo ovum fit, ut Fabricius fatetur, nec ab eo ullo modo attrahitur; imo nec maternus quidem sanguis in ovo est, aut materia aliqua praeparata, unde semen maris primam hanc partem genitalem, caeterarum auctorem, efficiat. Neque etiam protinus a coitu (dum semen adhuc intus manet et tangens est) quidquam puli in ovo existit, sed post multos demum dies, cum incubatur. Quinetiam in piscibus, ubi maris genitura ova solum foris tangit, ea vero non ingreditur, haud probabile est quidquam amplius ab illa praestari, cum externum sit agens, quam fit a femine galli in gallinarum ovis jam efformatis. Praeterea, cum statim a coitu nullum adhuc ovi vestigium existet, sed postea a gallina per se generetur, idque prolificum, postquam jam semen galli abiit atque evanuit; verisimile non est, foetum ab eo femine in illo ovo, per motum, aut motus successivos, fieri.

Neque sane ova prolifica ab improlificis et subventaneis differunt, quod illa maris semen contineant, ut voluit Aldrovandus; nec quidquam a femine maris factum, et coagulatum in

EXERCITATIO QVADRAGESIMASEPTIMA. 363

ovo cernitur; vel ullo modo sensibilibiter transmutatum reperitur (quippe ovum foecundum a subventaneo nulla sensibili differentia discriminatur): et tamen ovum prolificum, quod diu post coitum concipitur, habet in se utriusque sexus virtutem, atque ipsum posse fieri, et posse facere pullum; tanquam ex ambobus coeuntibus et in unum conspirantibus originem traxisset, ut Aristoteles^a voluit; eaque necessitate coactus, ut supra de generatione ovi diximus, animam in ovo constituit. Quae si infit, proculdubio eorum omnium, quae naturaliter in ovo reperiuntur, principium et efficiens erit. Certum enim est, quidquid demum fuerit, quod pullum ex ovo procreat (in cuius fabrica, tanta arte, tam divino intellectu, ac providentia opus est; nempe dum oculos visioni; rostrum fumendo cibo; pedes ambulationi; alas volatui; et reliqua similiter in finem aliquem instituit), esse id vel animam, vel partem animae, vel quid habens animam, vel aliquid prius et praestantius anima, cum intellectu et providentia operans.

Ex generatione quoque pulli manifestum est, quodcumque illi fuerit principium vitae, seu prima causa vegetativa; hanc ipsam prius in corde fuisse. Quare si ea sit anima pulli, ipsam prius in puncto saliente et sanguine fuisse pariter constat; utpote in quo motum sensumque deprehendimus: movetur enim et salit ut animal. Quod si in puncto saliente existat anima, quae reliquum corporis, ut in historia docuimus, sibi fabricet, nutriet, et augeat; e corde certe, ceu fonte, in universum corpus promanat.

Similiter, si ovum ideo prolificum est, quia ei anima inest, five; ut Aristoteles^b voluit, pars animae vegetativa; clare constat, punctum saliens partemve genitalem animatam, ab ovi anima proficisci (nihil enim sui ipsius auctor est); animamque

^a De gen. anim. lib. i. cap. 18.^b Ibid. lib. ii. cap. 4.

ab ovo in punctum saliens mox, in cor, et deinde in pullum traductam esse.

Adhaec, si ovum vim prolificam animamque vegetativam habeat, quibus pullum exstruat; eademque (ut manifestum est, et omnes fatentur) galli femini acceptas referat; certum est semen hoc etiam animatum esse: ita nempe Aristoteles^a: *Habeatne semen animam, necne; ratio eadem atque de partibus reddenda est. Nec enim anima ulla esse potest, nisi in eo cuius est; neque pars ulla esse potest, quae particeps animae non sit; nisi aequivoce, ut mortui oculus. Semen igitur et habere animam, et esse potentia, palam est.*

Sequitur igitur ex praemissis, marem esse efficientem primum, in quo ratio et forma; qui semen, sive genituram potius prolificam gignit, eamque vegetativa anima imbutam (qua et reliquae ejus partes praeditae sunt) foeminae immittit. Genitura haec intromissa materiam in gallina movet, ut ovum fiat animatum; inde etiam prima pulli particula animatur, et deinceps totus pullus. Adeoque, ad mentem Aristotelis, de gallo in genituram ejus; de genitura in foeminae materiam; deinde in ovum; de ovo in pullum, vel anima eadem traducitur per metempsychosin quandam; vel a priore in subsequentibus suscitatur: nempe a mare in semine proprio; a semine in ovo; ab ovo demum in pullo; tanquam lumen de lumine.

Efficiens itaque quod in ovo quaeritur, unde pullus nascatur, est anima; ideoque anima ovi: nam, secundum Aristotelem, *anima non est, nisi in eo, cuius est.*

At enim manifestum est, semen maris non esse pulli efficiens; neque ut instrumentum, cuius motu pullus formetur, ut Aristoteles voluit; neque ut animatum, ut illius sit anima. Nam in ovo nullum semen inest, aut tangens ovum, aut quod illud unquam tetigerit^b; (*fieri autem non potest, ut moveat, quod*

^a De gen-anim. lib. ii. cap. i.

^b Ibid.

EXERCITATIO QVADRAGESIMASEPTIMA. 365

non tangit; aut quidquam ab eo, quod non moveat, afficiatur); nec anima feminis igitur dici debet ei inesse. Et ut anima in ovo efficiens sit, non videtur tamen a gallo aut ejus femine magis provenire, quam a gallina.

Nec fane a gallo, et illius femine, traducitur per metempsychosin five translationem quandam animae in ovum, indeque in pullum. Quomodo enim in ova futura, et post coitum concipienda? Nisi vel semen animatum alicubi in gallina interea permanferit; vel anima sola absque femine traducta fuerit, ut ovo postmodum nascituro indatur. Vtrumque autem falsum. Quippe semen nullibi in gallina reperitur: nec possibile est, ut gallina post coitum duplici anima praedita sit; sua nempe, et futurorum ovorum ac pullorum; siquidem *anima nullibi esse dicitur, nisi in eo, cujus est*: multo minus eadem, pluresve animae in gallina latere possunt, ut futuris postea ovis pullisque ordine subsequenter inserviant.

Haec quidem ex Aristotele attulimus, ut inde innotesceret, quomodo, secundum ejus sententiam, galli semen ex ovo pullum efficiat, arduaeque huic contemplationi lux saltem aliqua affulgeret. Ea vero cum rei hujus modum non explicent; nec dubia ab ipsomet proposita solvant; patet nos in eodem luto haerere, iisdemque difficultatibus (circa causam efficientem foetus, in generatione animalium) irretiri: imo vero tantum abest, ut disquisitio haec ex iis (quae ab Aristotele proferuntur) reddatur perspicua, ut pluribus inde potius et majoribus dubiis involvatur. Quare mirum non est, praestantissimum philosophum hac de re ambegisse, tamque varias generationis animalium efficientes causas introduxisse; ac modo ad exempla automatum, coaguli, artis, instrumentorum, et motus subterfugisse; modo, ad animam in ovo, et in femine maris, quo rem illustraret, divertisse. Imo vero, ubi certo statuere et determinare videtur, quid sit in quolibet femine, five plantarum five ani-

animalium, quod ipsum foecundum reddat; calorem et ignem, tanquam opifices inidoneos, repudiat; nec facultatem aliquam confimilem agnoscit; nec quidquam in femine reperit, quod ei muneri conveniat; sed incorporeum quid, et extrinsecus adveni-
niens admittere cogitur: quod (ut ars, vel mens) cum intellectu et providentia foetum formet, omniaque illic in finem et ad melius esse instituat atque ordinet. Confugit, inquam, ad obscurum nobisque incognitum; nempe, *ad spiritum in semine et spumoso corpore contentum; atque ad naturam in eo spiritu proportionem respondentem elemento stellarum.* Illud autem quid sit, nuspian nos docuit.

EXERCITATIO QVADRAGESIMAOCTAVA.

Sententia Fabricii, de causa pulli efficiente, refellitur.

QVONIAM duces mihi, prae caeteris, proposui Aristotelem, inter antiquos philosophorum praestantissimum; et Hieronymum Fabricium ab Aquapendente, inter neotericos anatomicum eximium; a quibus potissimum de generatione animalium lucem mutuarer: cumque ab Aristotele eam mihi praelatam non videam; Fabricium adire statui, ut quid ille de causa efficiente sentiat, intelligam.

Is autem tribus circa eam rem dubiis conatur satisfacere. Nempe primo, Quid sit pulli efficiens? Idque ait, esse semen maris. Secundo, Quomodo hoc ita esse appareat in ovo; et quo pacto semen galli ovum foecundet? Ultimo, Quomodo ordine pulli partes procreentur?

Primum quod attinet; ex observationibus nostris constat, gallum ejusque semen esse quidem generationis causam efficientem, non autem adaequatam; sed gallinam quoque in hunc censum venire. Hoc itaque loco id praecipue inquirendum, quomodo nempe galli semen ovum, alias subventaneum et improlificum, foecundet, et ex eo pullum procreet? Ve-

EXERCITATIO QVADRAGESIMAOCTAVA. 367

Verum audiamus Fabricium^a: *Differunt, inquit, quae ex ovo ab iis quae ex semine fiunt; ex eo, quod ovipara materiam, ex qua corporatur pullus, distinctam et separatam habent ab agente; vivipara autem simul et causam efficientem et materialem habent adjunctam et concorporatam. Agens enim in oviparis semen galli est in pennato, quod in ovo neque est, neque esse potest: materia vero est chalaza, ex qua corporatur foetus. Ambo haec invicem distant per multum spatium: nam chalaza vitello jam formato, et in secundum uterum cadenti, accedit, et ovo interno adjungitur; contra, galli semen prope podicem consistit, et per longissimum spatium a chalaza distat, sua tamen facultate irradiante et uterum et totum ovum foecundat. At semen in viviparo et materia est, et agens, et in uno corpore utrumque simul consistit.*

Differentiam hanc inter ovipara et vivipara videtur introduxisse, ut medicorum, de generatione hominis, tueretur sententiam, vel saltem eandem ne labefactaret; qua existimant utriusque sexus semina, simul in coitu projecta, misceri; et, prout alterum alteri praepolluerit, fieri ut hoc efficiens sit, illud autem materiae vicem suppleat; ex iisdemque in unum conspirantibus conceptum in viviparis conflari.

Verum, cum in ovo observet, nihil feminis aut sanguinis in uterum gallinae a coitu attrahi, ibidemve contineri; nec credat fieri posse ut quidquam a mare, dum coit, emittatur, quod uteri cavitatem fubeat; neque quidquam in ovo reperiatur, quod femini maris adjungatur; dubitare coactus est quomodo semen (quod nusquam adest, nec miscetur cum genitura foeminae, neque adjungitur neque tangit) pullum constituat aut ovum foecundet? Praesertim postquam tradidisset, a praemis aliquot coitionibus omnia ova eodem anno nascitura prolifica reddi. Quidni enim impossibile videatur, ex galli semine,

^a Pag. 38.

verno tempore accepto (jam autem absente, deperdito seu absumpto), ova post genita, aestate nempe vel autumnno, foecunda fieri et pullos excludere?

Huic tantae difficultati ut obviam iret, differentiam praedictam cudit; et sententiae suae confirmandae gratia tria porro adducit. Primo, licet semen galli nec in ovo fit, nec unquam in utero fuerit, nec materiali causae adjungatur, ut in viviparis; idem tamen in gallina per annum integrum permanere voluit. Deinde, ad feminis hujus conservationem, caecum foramen invenit prope uteri ingressum, in quod gallus semen suum deponat, et in quo, tanquam in bursa, idem reservetur; ut inde ova omnia futura foecundentur. Denique, quanquam semen in bursa illa, nec uterum, nec ovum, nec ovarium tangit, ut illo pacto vel ovum foecundet, vel pullum inde efficiat; ait tamen, illud spiritali substantia et irradiatione quadam in ovum usque penetrare, ejusque chalazas foecundare, atque inde pullum effingere. Qua nihilominus affirmatione videtur Aristotelis sententiam (foeminam scilicet materiam generationi conferre, marem autem vim efficiendi) asserere; contra medicorum placitum de feminum mistura, cujus tamen rei causa visus est dictum jam discrimen, inter ovipara et vivipara, posuisse. Et quo verisimilior haec ejus sententia videatur, quas in animalibus mutationes semen nondum emissum, sed in testibus et vesiculis seminariis reservatum, praestet, commemorat.

Sed, praeterquam quod haec minus faciant ad propositum (neque enim praecipue quaeritur, quomodo semen galli ovum foecundum reddat, sed potius, quomodo idem ex ovo pullum effingat et fabricet), videntur fere omnia, quae in sententiae suae tutelam attulit, falsa aut suspecta; uti ex observationibus in historia relatis constat. Nam neque caeca illa cavitas in radice uropygii, quam bursum vocat, galli semini reservando destinatur; nec semen unquam, ut diximus, in illa reperitur; sed vacua in gallo pariter et gallina cernitur. Quid

EXERCITATIO QUADRAGESIMAOCTAVA. 369

Quid autem per spiritalem substantiam, et irradiationem velit, non explicuit: nec magis quamnam substantiam intelligat, quam ovum virtute sui vivificare affirmat: utrum scilicet substantiam corpoream, an formalem, quae a feminis, in bursa nidulantis, irradiatione proveniat, et, quod potissimum requiritur, ex ovo pullum fabricet.

Denique, nihilo plus agit, mea quidem sententia, quam si diceret, *Facit pullum, quia irradiat ovum; et format, quia vivificat*: atque omnino obscurum formationis modum per obscuriorem declarare satagit. Quippe idem dubium manet integrum, quomodo nempe galli semen, non tangens, et externum efficiens, locoque sejunctum, in bursa existens, interiora foetus in ovo (nimirum cor, jecur, pulmones, intestina et caetera) ex chalazis per irradiationem efficiat? Nisi effato quodam, sedens in folio, Creatoris instar, solo hoc verbo, *fiant* (nempe ossa ad sustentaculum, musculi ad motum, organa ad sensum, membra ad actionem, viscera ad concoctionem, et familia), radiis suis omnia in finem aliquem, cum providentia, intellectu, et arte instituire atque ordinare velit. Neque enim Fabricius modum exponit, aut semen tantae virtutis esse demonstrat, ut, etiam non tangens, possit haec omnia praestare: praefertim, dum ovum ab alterius avis incubatu, aut alio aliquo fomento, ut diximus, in fimo, stercore, aut furno, longissime a foetantis gallinae bursa distito, excitatur foetumque producit.

Remanet itaque eadem difficultas, quomodo scilicet semen galli sit pulli efficiens? nec tollitur ab irradiatione spiritalis substantiae. Nam quamvis concederemus semen in bursa fervari, idque ex chalazis per metamorphosin et irradiationem pullum corporare; non minus tamen aqua nobis haereret, quomodo nempe interiora omnia pulli effingantur. Verum haec a nobis jampridem refutata sunt.

Quapropter, cum pulli efficientem causam investigamus, oportet eam in ovo, non autem in bursa latitantem, quaerere; talemque, quae, licet ovum requietum foris a gallina per aliquot forsan milliaria absit, et sub aliena gallina, utpote Indica aut Africana, incubandum reponatur, vel, ut in Aegypto, subter pulverem fimumve calentem, aut in furno ad eam rem idoneo foveatur, semper tamen pullum efformet, ejusdem speciei cum generante et patri simillimum; aut, si alterius generis gallus fuerit, prolem mixtae speciei et similitudinis procreet.

Supereff igitur adhuc nodus expediendus, quem neque Aristoteles nec Fabricius solverunt; nempe, quomodo semen maris sive galli ex ovo pullum faciat, sive pulli efficiens dicendum sit; praesertim, cum nec praesens, nec tangens, nec adjunctum ovo sit? Et, licet omnes fere afferant marem ejusque semen causam foetus efficientem esse; a nemine tamen hactenus, quomodo id fiat, satis explicatum est, praesertim in ovo nostro gallinaceo.

EXERCITATIO QVADRAGESIMANONA.

Causa pulli efficiens inquisitu ardua.

DIFFICILIS est admodum, ut diximus, causae efficientis disquisitio; eoque magis, quod tam varia illi nomina attribuantur. Vnde Aristoteles causas animalium efficientes complures recensuit; multaeque ortae sunt apud auctores controversiae: praecipue inter medicos et Aristotelicos reperti sunt, qui animose super hac re digladiantur; variisque sententiis, tum efficientem causam, tum modum efficiendi exponere satagant.

Neque sane uspiam alibi, quam in animalis fabrica, omnipotens Creator in operibus suis aut manifestius conspicitur, aut prae-

EXERCITATIO QVADRAGESIMANONA. 371

praesentius ejus numen adest. Et, quamvis notum sit omnesque fateantur prolem a mare et foemina ortum suum ducere, et proinde ovum a gallo et gallina procreari, et ex ovo pullum; modum tamen, quo gallus aut ejus semen ex ovo pullum cudadat, nec medicorum schola nos docuit, neque Aristotelis sagax ingenium aperuit. Nam ex iis, quae de oviparorum aliorumque animalium generatione diximus, satis constat, nec sententiam medicorum, generationem ex feminum utriusque sexus mixtione deducendum, neque Aristotelis, semen maris pro efficiente, et sanguinem menstruum pro causa materiali habentis, amplectendam esse: quia neque in coitu, nec protinus a coitu, aliquid de foemina in uteri cavitatem delabitur; ex quo, ceu materia, subito aliquid foetus constituatur: neque etiam genitura a mare in coitu proveniens, five ea animata sit, five instrumentum inanimatum, uterum ingreditur, aut in eum attrahitur vel usquam intra foeminam reservatur; sed vel evanescit vel elabatur; nec quidpiam statim post coitum in utero reperitur, quod, aut a mare aut a foemina vel ab utrisque proficiens, futuri foetus materia aut principium existimari possit. Neque galli semen in bursa Fabricii alibive in gallina superstes est; ut inde, vel spiritalis substantiae irradiatione, vel contactu ovum fiat, aut ex ovo pullus constituatur. Nec gallina ullum aliud semen confert, praeter papulas, vitellum, et ovum. Quare difficilior multo, ab his nostris observationibus, redditur generationis contemplatio; quandoquidem suppositiones omnes, quibus utraque opinio innititur, ab iisdem funditus evertuntur. Maxime vero, ubi postea demonstraverimus, cuncta pariter animalia ex ovo procreari; et in coitu, five viviparorum quadrupedum, five hominis, nihil spermatis aut sanguinis, a mare aut foemina proveniens, in uteri cavum intromitti, aut ab eo attrahi; nec quidquam vel ante coitum, vel in ipso coitu, aut statim post coitum in utero reperiri, quod futuri

futuri foetus materia, aut efficiens, aut principium haberi possit.

Nuper Daniel Sennertus, vir doctus et diligens naturae indagator, pensitatis prius multorum rationibus, rem tandem determinare aggressus est; nempe, animam esse in femine, eandemque prorsus cum ea, quae futurae proli inest. Adeo, ut animam hominis rationalem in femine ejus praesentem esse non vereatur asserere; ac propterea ovum habere animam pulli; animamque cum femine in uterum foeminae transvehi; atque ex isto utriusque femine, ut flamma flammae, conjuncto (non misto; mixtio enim, inquit, est rerum diversarum specierum) animaque praedito, perfectum animal emergere. Ideoque, ait, semen ex utroque parente requiritur, tum ad foetum, tum etiam ad ovum constituendum. Et hoc pacto, velut superatis omnibus difficultatibus, putat se certam perspicuamque veritatem tradidisse.

Verum, ut concedamus in ovo inesse animam, eamque ex parentum animis unitam; et a parentibus interdum diversorum generum proficisci; velut ab equa et asino, a gallina et phasianio; nec tamen mistam esse, sed unitam duntaxat; fierique pulchrum (ad exemplum seminum plantarum) ab eadem efficiente anima, a qua postea per totam vitam conservatur: adeo, ut absurdum sit dicere, foetum ab alia anima extra uterum sive ovum, atque ab alia intra uterum aut ovum, augeri: haec, inquam, omnia ut concedamus (licet invalida sint et fustulae fidei), totius tamen doctrinae ejus fundamentum, cui innititur, historia nostra de generatione ex ovo penitus subvertit et falsi redarguit. Nimirum, ovum fieri ex femine galli et gallinae; aut semen ab utroque intra uterum transmitti; aut ex femine in uterum admissio vel immissio foetum ejusve partem aliquam constitui; vel semen galli (ceu causam efficientem et opificem) uspiam in gallina reservari, quod materiam, ut putat, et nutrimentum

mentum ab ea in uterum trahat, unde foetus, quem fecerit, au-geatur. Deerunt quippe conditiones, quas ipse, secundum Aristotelis sententiam, putat necessarias: scilicet, ut foetus fiat ab eo, quod actu est et praeefficit; pullusque ab eo quod praesens est, et ibi loci existens, ubi pullus primum fit et augetur: praeterea, ut ab eo fiat quod immediate et conjunctim operatur; idemque sit quo pullus per totam vitam conservatur et crescit. Quippe semen galli (sive animatum sive inanimatum fuerit nihil refert) non est omnino in ovo neque in utero praesens et conjunctum; neque in materia ex qua fit pullus; ut neque in ipso pullo inchoato, ut eum vel efficiat vel perficiat.

Hallucinatur etiam, cum, ab exemplo feminum plantarum et glandium, sententiam suam de semine animato illustratum it: quia differentiam ab Aristotele^a allatam, inter genituram in coitu proveniente, et conceptum primum ex utrisque factum, non agnovit; neque ovum prius (citra ullam genituram a matre aut foemina in uterum translata) in vitellarii racemo conceptum observavit. Neque intellexit uterum esse, aliquamdiu etiam post coitum, ab omni materia vacuum; sive ea a parentibus transmissa, sive a coitu facta, sive aliquo modo transmutata credatur. Nec denique legit, aut saltem animadvertit, experimentum Fabricii; nempe, ab aliquot galli coitionibus gallinam foecundari adeo, ut deinde per annum integrum omnia ova prolifica gignat; licet, interea temporis, galli semen singulis ovis foecundandis non acceperit, neque acceptum olim tamdiu retinuerit.

Id quidem, nemine refragante, certum est, animalia, quaecunque a matre et foemina oriuntur, utriusque sexus coitu generari; adeoque velut per contagium aliquod procreari. Quemadmodum medici observant morbos contagiosos (utpote

^a *De gen anim. lib. ii. cap. 1.*

lepram, luem veneream, pestem, phthifin) serpere in fragem mortalium, affectusque sibi fimiles in alienis corporibus, solo extrinseco contactu excitare: imo vero interdum solo afflatu, et per *μίανσις*; idque eminus, et per medium inanimatum, nihilque sensibilibiter alteratum. Nimirum, quod primum tetigit generat sibi simile univocum, non tangens, neque actu existens, nec praesens aut conjunctum; sed duntaxat quia olim tetigit. Tantaе virtutis atque efficaciae contagium reperitur, Idemque forsitan in generatione animalium contingit. Ova enim piscium, quae foris incrementum sua sponte, absque ullo maris semine acquirunt (ideoque procul omni dubio sine illo vivunt), lacte maris prolifico aspersa et forinsecus solum tacta, pisciculos generant. Non intromittitur, inquam, maris semen, quod in singulis ovis opificis munus praestet, aut corpora fabricet, aut animam inferat; sed contagio duntaxat quodam foecundantur. Vnde Aristoteles, lac maris semenve genitale in aquam effusum modo liquorem genitalem et foetificantem vocat, modo, virus vitale. Ait^a enim, *Piscis mas semen ovis aspergit genitale; et quae ova vitale id virus contigerit, ex iis pisciculi enascuntur.*

Posito itaque, ceu certo fundamento, foetum fieri per contagium, maxima hinc oritur difficultas; quomodo nempe contagium tanti operis auctor sit? et quo pacto per illud parentes sibi fimiles generent; aut semen maris simile univocum ei, a quo effluxit, producat? cum post tactum abierit; nec ulterius actu sit, aut tangens aut praesens; sed corruptum et non ens. Quomodo, inquam, non ens agat? aut non tangens fabricet sibi simile? aut mortuum quod est vitam alteri imperti- at? idque solum, quia olim tetigit.

Falsa enim videtur Aristotelis^b argumentatio, vel saltem manca, ubi contendit, *Generationem sine agente et patiente*

^a *Hist. anim. lib. vi. cap. 13.*

^b *De gen. et cor. lib. i. cap. 6.*

fieri

EXERCITATIO QVADRAGESIMANONA. 375

feri non posse; nec agere et pati ea posse, quae se mutuo tangere nequeunt: ea vero se mutuo tangere, quae, cum discretas magnitudines situmque habeant, extrema simul habent.

Cum autem luculenter constet, contagium (a non tangentibus, neque extrema simul habentibus) perniciem animalibus afferre; quidni pariter ad animalium vitam five generationem tantundem praestet? Efficiens sane in ovo virtute plastica (quia mas tetigit solum, licet jam nec tangat, nec extrema simul habeat) foetum ad speciem et similitudinem sui effingit et fabricat. Et per tot media five instrumenta potestas haec, foecunditatis opifex, transmittitur aut demandatur; ut nec motu instrumentorum, velut in artis operibus; neque exemplo automatum Aristotelis, five nostrorum horologiorum, aut regni, in quo regis mandatum ubique valet; nec introducendo animam in semen aut genituram, praefatam doctrinam tueri queas.

Atque hinc natae plurimae controversiae et problemata, de attractione magnetis et fuccini: de sympathia et antipathia: de venenis et morborum pestilentium contagio: de alexipharmacis et medicamentis ab occulta, vel ignota potius, proprietate juvantibus aut nocentibus: quae omnia videntur citra tactum operari. Et potissimum, quid sit in generatione, quod tactu momentaneo (imo ne tangens quidem, nisi per plurima media) partes pulli in ovo, certo ordine, per epigenesin efficiat, univocumque ac sibi simile producat; idque solum, quia olim tetigit? Quomodo, inquam, id, quod non adest, et extrinsecus duntaxat tetigit, omnia pulli membra, in ovo foris exposito, longeque interdum sejuncto, constituat, ordineque disponat ac fabricet? aut vitam five animam, speciemque ex utrisque generantibus mistam attribuat? Siquidem nihil videtur seipsum, ad alterius similitudinem, generare posse.

EXERCITATIO QVINQVAGESIMA.

Quae sit animalium causa efficiens, ejusque conditiones.

VT igitur aliquatenus, quantum nempe ad praesentem contemplationem attinet, in causae efficientis notitiam penetremus; observandum prius, quāenam instrumenta sive media ad causam efficientem sive formatricem pertineant: In hunc autem censum veniunt mas et foemina, genitura etiam atque ovum, ejusque primordium. Sunt enim mares aliqui, pariter ac foeminae, steriles aut minus foecundi. Maris quoque genitura aliquando magis, aliquando minus foecunda est: quippe semen virile, ut in vesiculis feminariis continetur (nisi in spumam a spiritibus turgeat, et cum impetu profiliat) infocundum habetur. Imo ne hoc quidem forsitan semper foecundum fuerit. Neque etiam papulae aut vitelli in ovarii racemo nati, vel ova in utero, statim omnia foecunda sunt.

Foecundum autem appello, quod, nisi alicunde impediatur, a vi efficiente insita ad destinatum finem pertinet; idque, cuius gratia instituitur, assequetur. Ita gallus foecundus dicitur, qui saepius certiusque gallinas suas praegnantem, earumque ova genitiva reddit.

Gallina similiter foecunda habetur, quae gignendis ovis, aut vi prolifica a gallo concipiendae, diutiusque retinendae idonea est. Papularum racemus et ovarium ipsum foecunda aestimantur, cum pluribus primordiis, iisque maturis, scatent. Ovum similiter foecundum est, quod a subventaneo sive irritato longius abest, et quocunque in loco vel incubatum, vel aliter fotum, in producendo pullo minus deficit.

Tale itaque pulli efficiens requiritur, quod singulis his virtutem eam impertiat, propter quam ista foecunda sint, et potentiam efficiendi obtineant. Quippe idem, vel saltem analo-

gon,

gon, omnibus inest, ob quod foecunda evadunt. Eademque inquisitio est, quid sit in ovo, quod illud foecundum reddit, et a subventaneo discriminat; quid in papula et ovario; quid in foemina; quid denique in femine, et gallo ipso; et, quid sit in sanguine, punctoque saliente, five prima pulli particula genitali, unde postea reliquarum partium ortus, fabrica, et ordo promanent: quid in pullo ipso, unde robustior et agilior fiat, citius adolescat, aetatem salubriter degat, vitamque diuturniorem protrahat.

Neque absimilis inquisitio est, quid uterque, mas scilicet et foemina, seu gallus et gallina, ovo foecundo conferat; quidve ad pulli perfectionem aut similitudinem ab utroque proveniat; nimirum, utrum a foemina ovum, conceptus, materia et nutrimentum, a mare autem virtus opifex: an potius, contagium aliquod protinus a coitu immixtum, aut ab eo factum vel receptum sit, quod in gallina, vel ovis permanens materiam ovorum moveat; aut ad illorum incrementum, pullique tandem productionem, nutrimentum a foemina attrahat, concoquat, et distribuatur: an denique a mare procedat, quodcunque ad formam, animam, et foecunditatem spectat, a foemina autem, quidquid ad materiam, constitutionem, locum et nutrimentum attinet? Animalibus enim, quibus sexus distinctus obtigit, ita comparatum est, ut cum foemina sola foetum generare, nutrire et protegere nequeat; illi mas, tanquam progenitor superior et excellentior, a natura in operis consortium adjungatur, ejusque defectum suppleat; adeoque contagione sua ovorum subventaneorum infirmitatem corrigat, et foecunda reddat. Nam ut pullus ex ovo prognatus, corpus suum et animam, partemque principalem seu genitalem, ovo accepta refert: ita pariter ovum, quidquid in eo est, a foemina accipit; et foemina similiter foecunditatem suam a mare in coitu mutuatur.

Vtrum autem mas sit prima et principalis causa gignendae prolis; an vero mas, una cum foemina, sint causae mediae et instrumentales ipsius naturae, sive primi et supremi genitoris; hic datur inquirendi occasio: estque pulchra admodum et necessaria disquisitio, quia scientia quaelibet perfecta ex causarum omnium cognitione dependet: ideoque ad absolutam generationis comprehensionem, ab ultimo efficiente ad primum et supremum ascendere, eaque omnia perspecta habere oportet.

Quodnam vero sit primum illud ac supremum pulli efficiens, postea, ubi de reliquorum omnium animalium efficiente agitur, definiemus. Quale autem id sit nunc videbimus.

Prima igitur efficientis proprie dicti et primarii conditio, ut diximus, est, ut sit foecundans primum et principale, unde media omnia foecunditatem traducem accipiant. Exempli gratia, pullus traducitur ex puncto saliente in ovo, non modo secundum corpus, sed etiam et quidem potissimum, quoad animam: punctum saliens sive cor ab ovo traducitur: ovum a foemina: foeminae autem foecunditas a mare derivatur.

Altera efficientis primarii conditio ex opere facto dignoscitur, nempe ex pullo. Quippe illud efficiens primum est, in quo effecti ratio potissimum elucet. Quoniam autem efficiens omne generativum sibi simile gignit, prolesque mistae naturae est: efficiens primum quoque mistum quid esse oportet.

Prolem vero esse mistae naturae assero, quod in ea utriusque parentis mistura appareat, tam in figura et lineamentis corporis singularumque ejus partium; quam in coloribus, naevis, morbis, aliisque corporis accidentibus. Quinetiam in anima quoque, ejusque actionibus et functionibus (ut moribus, docilitate, incessu, ac voce) talis quaedam temperatura cernitur. Quemadmodum enim mistum simile ex elementis factum dicimus, quia horum virtutes, calor scilicet, frigus, humiditas, et
ficcitas,

ficcitas, in uno aliquo similari corpore compositae reperiuntur: ita similiter paterna maternaque opera, in pulli tum corpore, tum anima, tum caeteris (quae temperiem sequuntur, aut eisdem accidunt) discernuntur. Nimirum in mulo, utriusque parentis (equae nempe et asini) anima, corpus, mores, et vox miscentur. Idem etiam in pullis, ex gallina et phasiano prognatis, videre est; atque in lycisca, quae ex lupo et cane coeuntibus gignitur.

Cum itaque pullus similitudine sui utrumque parentem referat, mistumque sit effectum; causa quoque generans primaria (cui ipse similis est) mista sit oportet. Quare quod in ovo pullum efficit, mistae naturae (tanquam aliquid ex ambobus vel unitum vel compositum), et utriusque parentis opus est. Et si contagium aliquod protinus a coitu (in quo miscentur, et quasi unum animal fiunt) in foemina alicubi vel maneat vel oriatur; id etiam mistae naturae aut potentiae erit, unde postea ovum foecundum fiat, habeatque plasticam vim, mistae naturae opificem, vel instrumentum efficiens mistum, a quo pullus etiam mistae naturae producat.

Contagium dixi: quia, quod Aristoteles censuit, experientiae omnino refragatur: nempe, *partem aliquam foetus protinus a coitu fieri*. Nec verum est, quod neoterici quidam asserunt, *in ovo inesse pulli futuri animam*: non est enim anima pulli, quae in parte aliqua corporis ejus non insit. Neque anima statim a coitu vel relicta vel orta dici potest: aliter enim in praegnannte foemina duae simul inessent animae. Quare, donec determinatum fuerit, quodnam sit efficiens ovi, quod mistae naturae protinus a coitu manere debeat; liceat id nobis contagium appellare.

Vbinam autem contagium hoc in foemina, post coitum lateat; et quomodo idem ovo communicetur ac traducatur; diligentiores omnino disquisitionem requirit: et de ea posthaec agemus,

agemus, ubi de foeminarum conceptione generatim disceptabimus. Suffecerit interea annotasse, efficientis primi (cui ratio futurae prolis inest) eam legem esse, ut, cum proles mista appareat, id ipsum quoque mistae naturae sit; et, vel ab utroque parente pariter proveniat; vel ab alio aliquo, quod utrisque (ceu instrumentis animatis, simul operantibus, mistis, coituque in unum coalitis) utitur. Estque haec tertia efficientis primarii conditio, ut instrumentis omnibus intermediis successive aut motum impertiat, aut aliter iis utatur, ipsum vero nulli inserviat. Vnde suboritur dubitatio, utrum gallus in generatione pulli sit causa efficiens primaria; an vero aliam priorem et superiorem habeat. Videtur enim rerum omnium generatio coelitus originem ducere, atque solis lunaeque motum sequi. Verum certius aliquid de hac re constabit; ubi prius quid, et quotuplex instrumentum, five causa efficiens instrumentalitatis sit, exposuerimus.

Efficientia itaque instrumentalia sunt diversorum generum: alia enim, auctore Aristotele, sunt factiva, alia vero activa: alia non agunt, nisi cum priore efficiente conjuncta, ut manus, pes, partesque corporis genitales; alia operantur etiam separata, ut genitura et ovum: quorundam instrumentorum nullus est motus aut actio, nisi quae iis a primo efficiente tribuitur; alia vero propria in se habent agendi principia interna, quibus natura quidem in generatione motum nullum tribuit, eorum tamen facultatibus utitur, iisdemque operandi normam praescribit: non aliter, quam coquus igne, et medicus herbarum ac medicaminum potestatibus utitur ad sanitatem.

Sennertus, ut conceptam opinionem, *de anima in semine et formatrice pulli facultate in ovo*, tueatur, non ovum modo, sed et galli semen, futuri pulli anima praeditum esse asserit; nec esse agens instrumentale, sed principale, profitetur. Quintianus plane negat efficiens ullum separatum esse instrumentale:

le: sed id solum instrumentum dici oportere ait, quod effici-
 enti primo conjungitur; idque solummodo efficiens instrumen-
 tale, quod nullum alium motum aut actionem habet, quam
 quae ab efficiente primo immittitur, aut continue et successive
 recipitur, cujus virtute agat. Eoque argumento rejicit exem-
 plum projectorum, quae vi a projiciente accepta, et ab eo sepa-
 rata, nihilominus agunt. Quasi vero ensis et hasta instru-
 menta bellica dicenda essent, missiles autem sagittae et glan-
 des non item: rejicit quoque exemplum a republica desum-
 ptum; negatque magistratum, consiliarium, aut ministrum, esse
 regni instrumenta. Cum tamen Aristoteles^a consultorem pro
 efficiente habeat, ministrumque disertis verbis instrumentum
 nominet. Automatum similiter exempla respuit: pluraque alia
 ait, negat, quibus semen aut ovum animatum esse, agensque
 non instrumentale, sed principale esse, confirmet. Idem ta-
 men, ceu veritate coactus, conditiones agentis principalis eas
 proponit, quae sententiae modo commemoratae plane contra-
 rium suadeant: nempe, *Quidquid opus, sive effectum se ipso*
nobilius efficit; aut effectum sibi dissimile producit; non est causa
efficiens principalis, sed instrumentalis. Quibus concessis, quis
 non inde colligat, *Semen et ovum esse instrumenta?* cum pullus
 sit effectum ovo nobilior; idemque huic, aut spermati nequa-
 quam similis sit. Quapropter ubi vir doctissimus negat semen
 aut ovum esse organum, quia separata sunt ab agente primario,
 falso innititur fundamento. Quippe, cum generans primum
 per varia media prolem procreet; sive medium aliquod illi
 conjunctum sit, ut manus opifici; sive ab eo separetur, ut
 sagitta ab arcu emissa; utrumque tamen instrumentum di-
 citur.

Ex dictis his causae instrumentalis conditionibus videatur
 sequi; efficiens primum in generatione pulli esse gallum, vel

^a Polit. lib. i. cap. 4.

faltem gallum cum gallina: quippe pullus iis est similis; nec efficientibus suis primis five genitoribus nobilior cenferi potest. Ego itaque aliam etiamnum primi efficientis conditionem adnectam, unde fortasse constet, marem non esse primam, sed instrumentalem duntaxat causam. Nempe, ut primum efficiens in pulli fabrica artificio utatur, et providentia, sapientia item, bonitate, et intellectu, rationalis animae nostrae caput longe superantibus. Vtpote, in quo sit futuri operis ratio, quodque in destinatum finem agat, disponat, et perficiat omnia; partesque pulli, etiam minimas, alicujus usus et actionis gratia efformet; et non modo operis fabricae, sed etiam salutis, ornatui, ac defensionis ejus prospiciat. Mas vero aut illius semen, in coitu, vel post eum, ejusmodi non est, ut illi ars, intellectus, ac providentia attribui possint.

Quibus rite perpenfis, mas videtur efficiens instrumentale, aequae ac ipsius semen; et foemina, non minus quam ovum ab ea genitum. Quare ad priorem, superiorem ac praestantiorē causam confugiendum est, cui merito attribuantur providentia, intellectus, ars, et bonitas; quaeque effectū opereve suo tanto excellentior sit, quanto architectus operi suo praestat; quantoque rex ministris, aut opifex suis manibus praecellit.

Erit igitur uterque, mas et foemina, efficiens duntaxat instrumentale, rerum omnium Creatori five Progenitori summo subserviens. Eoque sensu recte dicitur, sol et homo generant hominem: quia solem accedentem et recedentem sequuntur ver et autumnus; quibus plerumque temporibus animalium generatio et corruptio contingunt. Ita quidem summus Philosophus^a: *Prima latio ortus ac interitus causa non est, sed obliqui circuli latio: ea namque et continua est, et duobus motibus fit; nam si generatio corruptiove futura sit semper continua, semper quidpiam quidem moveri necesse est; ut ne mutationes is-*

^a De gen. et cor. lib. ii. cap. 10.

tae deficiant; sed duobus, ut ne altera duntaxat eveniat. Continuitatis igitur causa est, latio universi: accessus vero et recessus, ipsa declivitas. Accedit enim, ut interdum procul, interdum prope existat (nempe sol). Atque, cum intervallum sit inaequale, motus erit inaequalis. Quare, si ex eo generat, quia accedit et prope est; et quia abscedit et procul existit, hoc idem corrumpit. Atque, si, quia saepenumero accedit, generat; et quia plerumque recedit, corrumpit. Contrariorum enim causae sunt contrariae.

Ideoque vere vigent vernantque omnia (appropinquante scilicet sole, qui communis pater est et genitor, vel faltem summi Creatoris in generatione immediatum et universale instrumentum); non solum plantae; sed etiam animalia: nec minus illa, quae sponte proveniunt, quam quae maris foeminaeque mutua opera progenerantur. Tanquam, adveniente nobili hoc astro, de coelo delaberetur alma Venus, Cupidinis Charitumque choro stipata; cunctaque viventia blando amoris oestro ad perennitatem fui exstimularet. Vel, ut est in fabulis, quasi eo tempore Saturni genitalia in mare projecta spumam excitarent, indeque nasceretur Aphrodite. Nempe, in generatione animalium, *superat*, ut poeta ait, *tener omnibus humor*: spumant turgentque femine genitalia.

Gallus igitur et gallina vere potissimum foecundi fiunt: tanquam sol, vel coelum, vel natura, vel anima mundi, vel Deus omnipotens (nam eodem haec redeunt) iis causa superior ac diviniore in generatione foret. Ita sol et homo (id est, sol per hominem, ceu instrumentum) hominem generant. Eodemque modo, Sator omnium et gallus ovum generant, et ex ovo pullum: accessu nempe et recessu solis perpetuo; qui ex divini numinis voluntate vel fato gignendis rebus omnibus inservit.

Concludimus igitur marem (licet sit efficiens prius et praestantius quam foemina) esse solum efficiens instrumentale: e-

undemque, non minus quam foeminam, foecunditatem suam sive generandi virtutem appropinquanti soli acceptam referre: proindeque artificium et providentiam (quam in operibus ejus cernimus) non ab ipso, sed a Deo procedere. Quippe mas in generando nec consilio nec intellectu utitur: neque homo parte animae suae rationali, sed facultate vegetativa generat; quae non primaria et diviniore animae humanae facultas, sed infima censetur.

Quoniam igitur in pulli fabrica ars et providentia non minus elucescunt, quam in hominis ac totius mundi creatione; necesse est fateamur, in generatione hominis, causam efficientem ipso homine superiorem et praestantiorē dari: vel facultatem vegetativam sive eam animae partem, quae hominem fabricat et conservat, multo excellentiorem et diviniorem esse, magisque similitudinem Dei referre, quam partem ejus rationalem; cujus tamen excellentiam miris laudibus supra omnes omnium animalium facultates extollimus, tanquam quae jus et imperium in illas obtineat, cuique cuncta creata famulentur. Vel saltem fatendum est, in naturae operibus, nec prudentiam, nec artificium, neque intellectum inesse: sed ita solum videri conceptui nostro, qui secundum artes nostras et facultates (ceu exemplaria a nobismet ipsis mutuata) de rebus naturae divinis judicamus; quasi principia naturae activa effectus suos commodò producerent, quo nos opera nostra artificialia solemus, consilio nempe et disciplina ab intellectu sive mente acquisita.

At vero natura, principium motus et quietis in omnibus in quibus est, et anima vegetativa, prima cujuslibet generationis causa efficiens, movent nulla facultate acquisita (sicut nos), quam vel artis vel prudentiae nomine indigemus; sed tanquam fato seu mandato quodam secundum leges operante: simili nempe impetu modoque, quo levia sursum, gravia deorsum

orsum feruntur. Scilicet facultas parentum vegetativa eodem modo generat, semenque tandem ad formam foetus pertingit, quo aranea retia sua nectit; aviculae nidos exstruunt, ovis incubant, eaque tuentur; apes et formicae habitacula parant, et alimoniam in futuros usus recondunt. Naturaliter nempe, et connato ingenio; non autem providentia, disciplina, aut consilio, quidquam agunt. Nam, quod in nobis operationum artificialium principium est, diciturque ars, intellectus, aut providentia; id in naturalibus illis operibus est natura (quae *αὐτοδίδακτος* est, et a nemine edocta): quodque illis connatum et infinitum, id nobis acquisitum. Ideoque, ad artificialia qui respiciunt, haud aequi rerum naturalium aestimatores habendi sunt: siquidem potius, vice versa, sumpto a natura exemplari, de rebus arte factis iudicandum est. Artes enim omnes imitatione quadam naturae comparatae sunt; nostraque ratio sive intellectus ab intellectu divino in operibus suis agente profluxit. Qui, cum habitu perfecto in nobis existit, quasi altera anima adventitia et acquisita, summi ac divinissimi Agentis imaginem suscipiens, operationes sive effectus similes producit.

Quapropter rem recte pieque, mea quidem sententia, reputaverit, qui rerum omnium generationes ab eodem illo aeterno atque omnipotente numine deduxerit, a cuius nutu rerum ipsarum universitas dependet. Nec magnopere litigandum cenfeo, quo nomine primum hoc Agens compellandum aut venerandum veniat, cui nomen omne venerabile debetur, sive Deus, sive Natura naturans, sive anima mundi appelletur. Id enim omnes intelligunt, quod cunctarum rerum principium sit et finis; quod aeternum et omnipotens existat; omniumque auctor et creator, per varias generationum vicissitudines, caducas res mortalium conservet ac perpetuet; quod ubique praesens, singulis rerum naturalium operibus non minus adiit, quam toti universo; quod numine suo sive providentia, arte,

ac mente divina, cuncta animalia procreet. Quorum quaedam sponte nascuntur, sine aliquo efficiente univoco; quaedam maris foeminaeque simul sociatis operis; quaedam ab alterutro duntaxat sexu; quaedam per alia instrumenta intermedia, eaque interdum plura, interdum pauciora; quaedam instrumentis univocis; quaedam aequivocis et ex accidente generantur. Omnia vero corpora naturalia summi ejus numinis et opera sunt et instrumenta: suntque haec vel naturalia solum, ut calor, spiritus, aëris putredinisve tepor et caetera, vel simul etiam animata: quippe animalium quoque vel motu, vel facultate, vel anima, aliquo modo utitur ad perfectionem universi et animalium procreationem.

Ex dictis itaque aliquatenus constat, quodnam a mare in generatione afferatur symbolum. Nempe gallus idem ovo confert, ut ex subventaneo prolificum evadat, quod vegetabilium fructibus tribuitur ab aestivo solis fervore, ut maturitatem consequantur et semina eorum foecunda fiant: idemque, quod sponte nascentibus foecunditatem affert; et ex vermibus erucas, ex his aurelias, ex aureliis papiliones, muscas, apes et caetera progenerat.

Ad hunc modum sol accessu suo et principium motus ac transmutationis in proventu fructuum est; et finis etiam, dum feminibus eorum foecunditatis auctor existit. Vtque is vere novo, foliorum, florum, et fructuum efficiens primum est; ita, adulta jam aestate, maturitatis et fertilitatis feminum est ultimum perficiens. Cui rei confirmandae, inter alias observationes plurimas, hanc unam adnectam: arantiorum arbores quidam apud nos multa sollicitudine et mangonio colunt; earumque mala, quae primo anno ad pollicis magnitudinem excrevere, sequenti aestate ad maturitatem pertingunt, caeteraque perficiuntur, praeterquam quod feminibus careant.

Hanc

Hanc rem accuratius pensitanti mihi videbatur oblatum ovi subventanei specimen, quod a gallina citra maris operam gignitur; et sensibilia omnia in se complectitur, quae in ovo prolifico deprehendas; femine autem foecundo destituitur. Tanquam idem a gallo conferatur, quo subventaneum ovum foecundum fiat, quod a calidarum regionum sole provenit, quo illarum arborum poma cum seminibus nascantur. Et quasi aetas Anglicana procreando solum fructui (ut gallina ovo) sufficeret; essetque, instar foeminae, impotens generatrix; in locis autem beneficio solis uberiori gaudentibus mas evaderet, et generationem perficeret.

Verum de his haecenus a nobis obiter actum est, ut ab ovi exemplo constet quaenam primi efficientis in generatione animalium conditiones requirantur. Quippe certum est inesse in ovo opificem (et similiter in omni conceptu ac primordio), qui non modo ei a matre inditur, sed prius etiam a patre in coitu per genituram communicatur; omniumque primo a coelo et sole, sive Creatore summo, eidem tribuitur. Manifestum patet est opificem hunc, in ovo et femine quovis existentem, parentum virtute adeo imbutum esse, ut pullum ad illorum, non autem ad similitudinem sui, fabricet; eamque mistam etiam, tanquam ab utrisque in coitu unitis provenientem: cumque omnia summa providentia et intellectu peragantur, divini numinis praesentiam clare comprobari.

Alibi autem uberius de hac re agetur; ubi conabimur docere, quid statim a coitu in foemina remaneat, et ubinam supersit; simulque explicabimus (quoniam nihil protinus post coitum in cavitate uteri reperitur) quidnam sit contagium illud prolificum, aut conceptus primus? num corporeum quid, alibi in foemina reservatum, an incorporeum? et num uteri conceptio similis sit conceptioni cerebri; adeoque foecunditas eo modo acquiratur, quo scientia (quemadmodum non desunt

argu-

argumenta, quae id perfluadeant)? et, veluti motus atque operationes animales a cerebri conceptione (quam appetitum dicimus) originem ducunt; ita pariter motus naturales facultatifque vegetativae operationes (ac praefertim generatio) ab uteri conceptione dependeant? porro, quomodo contagium hoc prolificum miftae naturae fit, et a mare in foeminam, indeque in ovum traducatur? ac denique, morborum affectuumque omnium praeternaturalium contagium quomodo ferpat, et infenfibiliter propagetur?

EXERCITATIO QVINQVAGESIMAPRIMA.

De generationis ordine: et primum, de particula genitali prima.

QUID igitur immediate a coïtu prolifico in foemina fiat aut maneat, quod adhuc sub contagii nomine intelligimus, quo (tanquam infectu) foemina a mare foecunda reddita foetum poſtea ſua ſponte generat; inferius ſuo loco dicetur, ubi ea de re pleniore examine et diſquiſitione accuratiore tractabimus. Interea temporis, quae circa partium generandarum ordinem manifeſte apparent obſervatuque digna ſunt, indicabimus.

Et primo quidem, quoniam per epigenefin five partium ſuperexorientium additamentum pullum fabricari certum eſt; quatenam pars ante alias omnes exſtruatur, et quid de illa, ejuſque generandi modo obſervandum veniat, diſpiciemus.

Ratum ſane eſt, et in ovo manifeſte apparet, quod Ariſtoteles^a de perfectorum animalium generatione enunciat: nimirum, non omnes partes ſimul fieri, ſed ordine aliam poſt aliam; primumque exſiſtere particulam genitalem, cujuſ virtute poſtea (tanquam ex principio quodam) reliquae omnes partes profili-

^a De gen. anim. lib. ii. cap. i.

EXERCITATIO QVINQVAGESIMA PRIMA. 389

ant. Qualem in plantarum feminibus, fabis putā aut glandibus, gemmam five apicem protuberantem cernimus, totius futurae arboris principium. *Estque haec particula, velut filius emancipatus, seorsumque collocatus, et principium per se vivens; unde postea membrorum ordo describitur; et quaecunque ad absolvendum animal pertinent disponuntur*^a. Quoniam enim^b nulla pars se ipsam generat; sed, postquam generata est, se ipsam jam auget; ideo eam primum oriri necesse est, quae principium augendi contineat (sive enim planta, sive animal est, aequae omnibus inest quod vim habeat vegetandi sive nutriendi), simulque reliquas omnes partes suo quamque ordine distinguat, et formet: proindeque in eadem primogenita particula anima primario inest, sensus motusque et totius vitae auctor et principium.

Ea igitur principalis particula est, unde spiritus vitalis calorque natus caeteris omnibus advenit; in qua medicorum calidum innatum sive implantatum primo emicat, et lar familiaris seu focus perennis hospitatur; unde perpetuo in universum corpus singulaeque ejus partes vita promanat; nutritio, incrementum, auxilium, et solamen proveniunt; denique, ubi vita nascentibus primum incipit, et morientibus ultimo terminatur.

Haec certe omnia de parte prima genitāli vera sunt, et in generatione pulli manifeste apparent. Ideoque, ut medicorum quorundam male philosophantium opinionem (quae tres partes principales ac primogenitas, cerebrum, cor, et jecur, ex tribus vesiculis sive bullis simul exoriri astruit) plurimis observationibus motus rejiciendam arbitror; ita neque Aristoteli ipsi assentiri possum, qui cor esse particulam hanc primam genitalem et animatam statuit. Nam revera sanguini soli privilegium hoc deberi existimo: is enim est, qui primus in gene-

^a De gen. anim. lib. ii. cap. 1.^b Ibid. cap. 4.

ratione conspicitur. Idque non solum in ovo, sed in omni foetu animaliumque conceptu, primo contingere mox palam fiet.

Apparet, inquam, ab initio punctum rubrum saliens, vesicula pulsans, fibraeque inde deductae, sanguinem in se complectentes. Et, quantum ex accurata inspectione discernere licuit, fit sanguis antequam punctum saliens efformatur; idemque calore vitali praeditus est priusquam per pulsum cietur: atque ut in illo et ab illo pulsatio incipit, ita tandem in ultimo mortis articulo in eodem definit. Quippe plurimis experimentis tum in ovo tum alibi factis compertum habeo, sanguinem id esse, in quo, quamdiu calor vitalis non prorsus evanuit, potentia redeundi in vitam continuatur.

Et quoniam vesicula pulsans, indeque productae fibrae sanguineae, ante alia conspiciuntur; crediderim rationi consentaneum, ut sanguis suis receptaculis prior sit; contentum nempe, suo continente; siquidem hoc factum est, ut ejus ufui interserviat. Ideoque fibras, et venas, posteaque vesiculam, et demum cor, utpote organa recipiendo ac retinendo sanguini destinata, hujus solius transmittendi et distribuendi gratia exstructa esse verisimile est, sanguinemque esse particulam corporis principalem.

Idque ex multis observationibus liquet: praesertim, cum quaedam animalia, eaque sanguinea, diu absque pulsu vivant; et nonnulla totam hiemem lateant, et tamen in vivis supersint, licet interea eorum corda ab omni motu cessent, et pulmones a respiratione feriantur; eorum instar, qui in syncope, lipothymia, aut affectibus hystericis semimortui jacent cum asphyxia.

Factus itaque certior ex iis, quae in ovo et viva animalium dissectione observavi, statuo contra Aristotelem sanguinem esse primam particulam genitalem; et cor esse ipsius organum,

circum-

EXERCITATIO QVINQVAGESIMAPRIMA. 391

circumlationi ejus destinatum. Quippe functio cordis est sanguinis propulsio; ut in animalibus omnibus sanguineis luculenter patet: idemque in generatione pulli est officium pulsantis vesiculae, quam in primis animalium conceptibus (non minus quam in ovo) saepenumero videndam exhibui, scintilla minorem, micantem, et in actione sua sese constringentem, sanguinemque in ea contentum una exprimentem, eundemque relaxatione sui recipientem denuo.

Hinc quoque apparet sanguinis principalitas, quod pulsus ex eo ortum ducat. Cum enim duae sint pulsationis partes, distensio nempe et contractio, sive diastole et systole, horumque motuum distensio prior fit; manifestum est actionem illam sanguini competere: constrictionem vero, a vesicula pulsante in ovo (ut a corde in pullo) propriis fibris institui, tanquam ab instrumento ei usui destinato. Certumque est vesiculam dictam, ut et cordis auriculam postea, unde pulsatio primum incipit, a distendente sanguine ad constrictionis motum irritari. Fit, inquam, diastole a sanguine ab interno quasi spiritu intumescente: adeoque Aristotelis sententia de pulsatione cordis (*feri eam scilicet ad modum ebullitionis*) aliquatenus vera est. Quod enim in lacte ab igne calefacto et cervisiae nostrae fermentatione quotidie cernimus, idem etiam in pulsu cordis usu venit; in quo sanguis, quasi fermentatione aliqua turgescens, distenditur et subsidit: quodque in illis per accidens ab agente externo (calore scilicet alicunde adventitio) contingit, id in sanguine ab interno calore sive spiritu innato efficitur; idque etiam secundum naturam ab anima regulatur, et in salutem viventium continuatur.

Pulsus itaque a duplici agente peragiur: nempe a sanguine fit distensio seu dilatio, a vesiculae vero membrana in ovo (in nato autem foetu a cordis auriculis et ventriculis) fit constrictio sive systole: atque hac mutua operae societate alterna-

tim instituta sanguis per totum corpus impellitur, vitæque inde animalibus perpetuatur.

Nec sanguis solum pars primigenia et principalis dicendus est, quod in eo et ab eo motus pulsusque principium oritur; sed etiam, quia in eo primum calor animalis innascitur, spiritus vitalis ingeneratur, et anima ipsa consistit. Vbicunque enim primo immediatum et principale vegetativæ facultatis instrumentum reperitur, ibi quoque animam primo inesse, indeque originem fumere verisimile est: quoniam illa a spiritu et calido innato separari nequit.

Vt cumque enim *in artificialibus*, ut recte Fabricius^a monuit, *artifex et instrumentum sunt separata; in naturæ tamen operibus conjuncta simul et unum sunt. Sic ventriculus opifex et instrumentum chylofusus est.* Pari quoque modo anima cum spiritu, instrumento suo, immediate conjungitur. Ideoque, in quacunque corporis parte calor motusque initium sumunt, in eadem quoque vita primum oritur ultimoque exstinguitur; ibidemque intimos penates atque animam ipsam sedem suam posuisse nemo dubitaverit.

Vita igitur in sanguine consistit (ut etiam in sacris nostris^b legimus), quippe in ipso vita atque anima primum elucet, ultimoque deficit. Crebra enim, ut dixi, vivorum dissectione expertus sum, moriente jam animali nec amplius spirante, cor tamen aliquamdiu pulsare vitamque in se retinere. Quiescente autem corde, motum videas in auriculis superstitem, ac postremo in auricula dextra; ibique tandem cessante omni pulsatione, in ipso sanguine undulationem quandam et obscuram trepidationem sive palpitationem (extremum vitæ indicium) reperias. Et cuilibet cernere est sanguinem ultimo calorem (pulsus vitæque auctorem) in se retinere: quo semel prorsus exstincto, ut jam non amplius sanguis est, sed cruor; ita nulla

^a Pag. 28.

^b Levit. xvii. 11. et 14.

postliminio ad vitam revertendi spes reliqua. At vero, tum in ovo, ut diximus, tum in moribundis animalibus, postquam omnis pulsatio disparuit; si vel puncto salienti, vel dextrae cordis auriculae levem fomitem admoveris, videbis illico motum pulsationem ac vitam a sanguine redintegrari: modo is calorem omnem innatum spiritumque vitalem haud penitus amiserit.

Quibus clare constat sanguinem esse partem genitalem, fontem vitae, primum vivens et ultimo moriens, sedemque animae primariam; in quo, tanquam in fonte, calor primo et praecipue abundat vigetque; et a quo reliquae omnes totius corporis partes calore influente foveantur et vitam obtinent. Quippe calor sanguinem comitatus totum corpus irrigat, fovet et conservat: quemadmodum jampridem libello de motu sanguinis demonstravimus.

Propterea sanguis ubique in corpore reperitur; nec usquam id acu pungere vel minimum scalpere queas, quin sanguis ocyus profluat: tanquam, absque eo foret, nec calor partibus nec vita superesset. Ideoque, concentrato fixoque leviter sanguine (Hippocrates ἀπόληψιν τῶν φλεβῶν nominavit) veluti in lipothymia, timore, frigore externo, et febrium insultu contingit, videas illico totum corpus frigescere, torpere, et pallore livoreque perfusum languescere: evocato autem rursus sanguine per adhibita fomenta, exercitia, aut animi passiones, gaudium nempe, iramve, hui! quam subito omnia calent denuo, florent, vigent splendentque?

Quinetiam partes rubrae et sanguineae solae dicuntur calidae, ut carnes; albae autem et exsanguae, ut nervi ac ligamenta, frigidae appellantur. Atque ut animalia sanguinea exsanguibus praepollent; ita quoque in partium censu, quae calore nativo et sanguine liberalius perfunduntur, caeteris omnibus praestantiores habentur. Imo vero jecur, lien, renes, pulmo, et cor ipsum (si sanguinem inde omnem expresseris, cujus praeci-

pue gratia viscera dicuntur) expallescent illico et partibus frigidis accensenda veniunt. Cor, inquam, ipsum per arterias coronarias influentem una cum sanguine caliditatem vitamque accipit: quas eatenus duntaxat obtinet, quatenus illo proluitur. Nec jecur munus suum publicum exsequitur sine influenza sanguinis et caloris per arteriam coeliacam. Quippe nulli est caloris affluentia citra sanguinis influxum per arterias. Ideoque in prima partium singularum conformatione, priusquam publico muneri sese accingunt, omnes exsanguis pallidaeque conspiciuntur; indeque olim a medicis et anatomicis spermaticae existimabantur; et, in generatione, aliquot in lacte dies absumi dici solitum. Ipsum jecur, pulmones, cordisque substantia, cum primum apparent, albissima sunt. Imo vero conus cordis et ventriculorum ejus parietes adhuc albi videntur, cum auriculae purpureo sanguine repletae colorantur, venaque coronaria rutilans discernitur. Similiter jecoris parenchyma album est, cum venarum ejus rami et propagines sanguine rubescunt; nec munus publicum exercet priusquam sanguine influente perfunditur.

Sanguis denique totum corpus adeo circumfluit et penetrat, omnibusque ejus partibus calorem et vitam jugiter impertit, ut anima primo et principaliter in ipso residens, illius gratia, *tota in toto, et tota in qualibet parte* (ut vulgo dicitur) inesse merito censetur.

Tantum vero abest (quod tamen Aristoteles et medici omnes affirmant) ut jecur aut cor sit auctor et opifex sanguinis, ut contrarium plane ex pulli fabrica in ovo aperte constet: nimirum sanguinem ipsum potius esse auctorem cordis et hepatis. Quod medici quoque inopinato videntur confiteri, dum parenchyma jecoris quandam sanguinis affusionem esse statuunt: quasi nil aliud esset quam sanguis inibi coagulatus. Existere itaque eum, antequam vel affundatur vel coaguletur, necesse

EXERCITATIO QVINQVAGESIMASECVNDA. 395

cessu est: remque ita se habere experientia ipsa luculente demonstrat; cum sanguis in ovo aliquandiu appareat, priusquam corporis aut visceris alicujus vel vestigium exstet. Vbi tamen nihil sanguinis a matre (quod in viviparis fieri vulgo arbitrantur) ad foetum pertingit.

Jecur piscium semper albicans cernitur, dum eorum venae purpurascunt et nigricant. Nostraeque gallinae, quo pinguius fuerint, eo jecora minora et pallidiora habent. Virginitibus cachecticis, febrique alba laborantibus, ut reliquo earum corpori, ita jecori etiam pallidus inhaeret color; penuriae sanguinis in corpore manifestum indicium. Quare jecur et calorem et colorem suum a sanguine mutuatur, non autem sanguis a jecore.

Ex dictis itaque apparet sanguinem esse partem primam generalem, unde anima primario emicat, et ex qua efformatur prima pars foetus animata, principium reliquarum omnium tum similiarium tum dissimiliarium; quae inde calorem vitalem nanciscuntur, illique subserviunt: cor autem in eum duntaxat finem exstructum esse, ut perpetua pulsatione, venarum arteriarumque ministerio, sanguinem hunc accipiat, eundemque quoquoque per totum corpus propellat.

Patetque hoc idem luculentius, quia nec in omnibus animalibus, neque omni tempore cor pulsans reperitur; cum sanguis tamen aut ejus analogon in nullis unquam desideretur.

EXERCITATIO QVINQVAGESIMASECVNDA.

De sanguine, prout est pars principalis.

CERTVM itaque est, et ad oculum liquet, sanguinem esse partem pulli primigeniam ac proinde generalem: eaque omnia illi competere, quae capite praecedenti attribuimus. Nempe, ut sit corporis tum auctor tum conservator, et pars princi-

principalis, in qua animae fedes. Quippe, ut modo diximus, priusquam corporis quidpiam visu discernitur, sanguis jam genitus et auctus est, *palpitaturque*, ut Aristoteles ait ^a, *intra venas, pulsuque simul quoquoversum movetur; solusque omnium humorum sparsus per totum corpus animalium est. Et semper, quamdiu vita servatur, sanguis unus animatur et fervet.*

Quinimo ex vario ipsius motu, in celeritate aut tarditate, vehementia aut debilitate et caetera, eum et irritantis injuriam et foventis commodum persentiscere manifestum est. Ideoque concludimus sanguinem per se vivere et nutrirī; nulloque modo ab alia aliqua corporis parte vel priore vel praestantiore dependere. An vero totum corpus ab ipso dependeat, cui illud postgenitum adjunctum et quasi adnascendo appensum cernimus, non est hujus loci determinare. Addam solum quod Aristoteles ^b fatetur: *Profecto, inquit, sanguinis natura causa est, cur permulta animalibus, tum per mores tum etiam per sensum, obveniant.* Adeo ut hinc causas perspicere liceat, non modo vitae in genere (quippe nullum aliud calidum innatum aut influens reperias, quod sit immediatum animae instrumentum, praeter sanguinem), sed longioris etiam aut brevioris aevi, somni, vigiliarum, ingenii, roboris, et caetera. Namque *eius tenuitate*, ait ibidem Aristoteles, *et munditiae animalia sapientiora sunt, sensumque nobiliorem obtinent: similiter, vel timidi-ora, vel animosa iracunda et furiosa evadunt; prout scilicet sanguis eorum vel dilutus vel fibris multis crassisque refertus fuerit.*

Nec vitae solum sanguis auctor est; sed, pro ejus vario discrimine, sanitatis etiam morborumque causae contingunt. Quinetiam venena, quae forinsecus nobis adveniunt, ut ictus venenati, nisi sanguinem inficerent, damnum nullum afferrent. Adeo nobis ex eodem fonte vita et sanitas profluunt. *Si san-*

^a De hist. anim. lib. iii. cap. 19.

^b De part. anim. lib. ii. cap. 4.

guis nimis eliquescat, inquit Aristoteles^a, aegrotant. Namque in cruorem serosum abit adeo, ut quidam sudorem cruentum exsudarint. Si ejus nimium effluat, obeunt. Profecto, ob sanguinis carentiam, non solum partes omnes illico torpent, sed et animal ipsum subito exstinguitur. Experimenta in sententiae hujus confirmationem hic addenda non censui; peculiarem enim tractatum postulant.

Circuitum sanguinis admirabilem, a me jampridem inventum, video propemodum omnibus placuisse; nec ab aliquo quidpiam haecenus objectum esse, quod responsum magnopere mereatur: quapropter, si circuitus illius causas et utilitates addidero, aliaque sanguinis arcana exposuero; quantopere scilicet mortalium felicitatis interfit, animaeque pariter ac corpori conducatur, ut proba victus ratione sanguinem purum ac nitidum conservent; crediderim fane me non magis novam quam utilem gratamque operam philosophis medicisque praestitutum; nec sententiam hanc tam improbabilem et absurdam cuiquam atque olim Aristoteli^b visum iri: sanguinem nempe, instar laris familiaris, esse animam ipsam in corpore; veluti Critias olim aliique arbitrabantur; *existimantes, sentire maxime proprium esse animae, atque hoc inesse propter sanguinis naturam.* Alii vero id animam esse statuebant, *quod sua natura vim movendi obtineret*; ut Thales, Diogenes, Heraclitus, Alcmaeon, aliique.

Vtrumque autem, sensum scilicet et motum, sanguini inesse, plurimis indiciis fit conspicuum: etiam si Aristoteles^c id negaverit. Enimvero, si is veritate coactus fateatur inesse ovo, etiam subventaneo, animam; et in genitura ac sanguine reperiri *divinum quid, respondens elemento stellarum*; esseque omnipotentis Creatoris vicarium: si neoterici quidam vere dicant; ani-

^a De hist. anim. lib. iii. cap. 19.

^b De anima. lib. i. cap. 2.

^c De hist. anim. l. i. c. 19. et de part. anim. l. ii. c. 3.

malium semen coïtu emissum esse animatum; quidni pari ratione affirmemus animam esse in sanguine; cumque hic primo ingeneretur, nutriatur, et moveatur, ex eodem quoque animam primum excitari et ignescere? Certe sanguis est, in quo vegetativae et sensitivae operationes primo elucet: cui calor, primum et immediatum animae instrumentum, innascitur: qui corporis animaeque commune vinculum est: et quo vehiculo anima omnibus totius corporis partibus influit.

Praeterea, cum tam ardua sit, ut nuper vidimus, generationis contemplatio; quomodo, nempe, ab illa, cum providentia, arte, et intellectu divino, corporis fabrica exstruatur? cur non aequo jure sanguinis naturam eximiam suspiciamus; idemque de eo quod de femine cogitemus? praesertim, cum genitura ipsa, ut de ovo constat, a sanguine fiat; totumque corpus inde, tanquam a parte genitali, non modo originem suam ducere, sed etiam conservari videatur.

Atque haec quidem obiter super ea re diximus; de eadem alibi uberius et accuratius disceptaturi. Neque hic disputandum censeo, utrum partis definitio sanguini proprie conveniat? quod quidam negant, his maxime argumentis persuasi; quia non sentit, et quia in singulas corporis partes influit, ut alimentum iis praestet idoneum. Ego vero non pauca circa generationis modum inveni, quibus motus iis, quae philosophi et medici vulgo vel aiunt vel negant, contrarium statuam. Id nunc solum dicam; licet concedamus sanguinem non sentire, inde tamen non sequitur eum non esse corporis sensitivi partem, eamque praecipuam. Neque enim cerebrum, medulla spinalis, aut crystallinus vitreusque oculi humor quidquam sentiunt, eas tamen corporis partes esse philosophi medicique omnes hodie uno ore confitentur. Aristoteles autem sanguinem inter partes similes recensuit: et Hippocrates etiam, dum corpus animale ex partibus continentibus, contentis, et impetum facientibus

entibus constituit, sanguinem necessario inter contentas agnovit.

Verum hac de re plenius agetur, cum de parte, quid sit, et quot modis dicatur, disceptabimus. Interea temporis experimentum hoc admirabile, unde cor ipsum, membrum scilicet principalissimum, insensibile appareat, non reticebimus.

Nobilissimus adolescens et illustrissimi vicecomitis de Montegomero in Hibernia filius primogenitus, cum adhuc puer esset, ingens ex insperato lapsu nactus est infortunium, costarum nempe sinistri lateris fracturam. Abscessus suppuratus magnam tibi quantitatem profudit, saniesque diu e cavitate amplissima manavit: uti ipse mihi alique qui aderant fide digni narrarunt. Is, circa annum aetatis suae decimumoctavum aut decimum nonum, per Galliam et Italiam peregrinabatur, indeque Londinum appulit. Interea vero peramplum hiatus in pectore apertum gestabat; adeo ut pulmones, uti creditum est, in eo cernere ac tangere liceret. Id cum serenissimo regi Carolo ceu miraculum nunciaretur, me statim, ut quid rei esset perspicerem, ad adolescentem misit. Quid factum? Cum primum accederem, videremque juvenem vegetum, et aspectu quoque habituque corporis laudabili praeditum, aliquid secus atque oportuit nunciatum arbitrabar. Praemissa autem, ut mos est, salutatione debita, expositaque ex mandato regis eum adeundi causa, omnia illico patefecit, nudamque lateris sinistri partem mihi aperuit; ablata scilicet lamella, quam tutelae gratia adversus ictus aliasque injurias externas gestabat. Vidi protinus ingentem pectoris cavitatem, in quam facile tres meos priores digitos una cum pollice immitterem: simulque in primo ejus ingressu partem quandam carnosam protuberantem, reciprocoque extrorsum introrsumque motu agitatam deprehendi, manuque caute tractavi. Attonitus rei novitate iterum iterumque exploro omnia: et, cum diligenter satis investigata es-

sent, certum erat ulcus antiquum et peramplum, citra medici periti auxilium, miraculi instar, ad sanitatem perductum esse, parteque interiore membrana vestitum, et per marginis ambitum firma cute munitum. Partem autem carnosam (quam ego primo intuitu carnem aliquam luxuriantem credideram, alique omnes pulmonis partem judicabant) ex pulsu ejusque differentiis seu rhythmo (utrisque manibus carpo et cordi simul admotis), et ex respirationis collatione plane perspexi non pulmonis lobum aliquem, sed cordis conum esse; quem caro fungosa excrecens (ut in sordidis ulceribus fieri solet) exterius, muniminis instar, obtegebat. Concamerationem istam a subnascentibus fordibus adolescentis famulus injectionibus tepidis quotidie liberabat, laminamque imponebat: quo facto herus sanus, et ad quaelibet exercitia ac itinera promptus, tuto et jucunde vitam degebat.

Responsi vice igitur, adolescentem ipsum ad serenissimum regem deduxi, ut rem admirabilem et singularem propriis ipse manibus tractaret atque oculis intueretur: nempe, in homine vivente et vegeto, citra ullam offensam, cor sese vibrans, ventriculosque ejus pulsantes videret ac manu tangeret. Factumque est, ut serenissimus rex, una mecum, cor sensu tactus privatum esse agnosceret. Quippe adolescens nos ipsum tangere, nisi visu aut cutis exterioris sensatione, nequiquam intelligebat.

Simul cordis ipsius motum observavimus; nempe illud in diastole introrsum subduci et retrahi, in systole vero emergere denuo et protrudi: fierique in corde systolen, quo tempore diastole in carpo percipiebatur, atque proprium cordis motum et functionem esse systolen: denique, cor tunc pectus ferire et prominulum esse, cum erigitur sursum et in se contrahitur.

Nec de altera controversia, num sanguis scilicet nutriendo solum corpori inserviat? hic anxie disputandi locus est. Aristoteles

EXERCITATIO QVINQVAGESIMASECVNDA. 401

toteles quidem pluribus locis sanguinem esse ultimum alimentum contendit; eidemque tota medicorum schola suffragatur. Plurima tamen explicatu ardua maleque cohaerentia hanc illorum sententiam consequuntur. Cum enim medici in physiologicis suis agunt de sanguine, atque hunc solum ejus usum et finem docent, ut alimentum corpori suppeditet, eum ex quatuor succis five humoribus componunt; argumentum ejus rei a quatuor primarum qualitatum combinationibus deducentes, ac proinde afferunt massam sanguinis ex utraque bile (flava nempe et atra), pituita, et sanguine proprie dicto, componi. Ideoque quatuor humorum genera recensent: quorum frigidus et humidus pituita dicitur: frigidus et siccus melancholia: calidus et siccus bilis: denique calidus et humidus sanguis nominatur. Porro, ex singulis eorum generibus, alios nutritios, unde totum corpus constat, excrementitios alios statuunt. Praeterea; ex nutritiis illis, seu partibus heterogeneis, sanguinem constare autumant. Ita tamen, ut pituita sit pars crudior quam calor natus validior possit in sanguinem laudabilem convertere. Bilem vero similiter in sanguinem transferre posse negant; licet sanguinem facile in bilem, atque hanc in melancholiam (nempe a caloris concoquentis excessu) mutari affirmant.

Quae si vera sunt, nullusque in iis regressus conceditur, scilicet de melancholia in bilem, de bile in sanguinem; oportet fateantur dictos omnes succos esse in ordine ad melancholiam, atque hanc esse principale et maxime concoctum nutrimentum. Quinetiam duplicem sanguinem agnoscant necesse est: nempe totam simul in venis massam, ex quatuor illis humoribus compositam; et partem ejus puriorem, florentiorem, magisque spiritalem, quam strictiore sensu sanguinem nominant; quamque aliqui in arteriis separatim contineri contendunt, ac proinde aliis usibus a reliquo separatim deputant. Ideoque, ex eorum

sententia sanguis purus non est alimentum, sed commixti fucci five potius melancholia, ad quam tandem reliqui humores pertendunt.

Aristoteles^a quoque, ut sanguinem alendi gratia institutum putavit, ita eundem etiam veluti e partibus compositum censuit. Nempe ex crassiore et atra, quae in fundum pelvis inter concrescendum subsidit, eaque pars illi deterior habetur^b: *Sanguis enim, inquit, si integer est, rubet et dulcis saporis est; sed, si vel natura vel morbo sit vitiat, atrior cernitur.* Ex parte etiam fibrosa five fibris constare voluit: *isique demptis, ait^c, sanguis neque concrecit neque spissatur.* In sanguine praeterea sanies agnovit: *Sanies, inquit, sanguis incoctus est; aut quia nondum percoctus, aut quod in seri modum dilutus fuerit.* Atque hunc frigidioresse ait: *fibras autem partem sanguinis terrenam esse statuit.*

Quapropter ex ejus sententia sanguis animalium varie discrepat: adeo ut quibusdam is sit ferofior, tenuior, et quasi sanies seu ichor, ut insectis et frigidioribus atque imperfectioribus animalibus: quibusdam vero crassior, fibrosior, et terrestrior, ut apro, tauro, asino et caeteris: nonnullis vitiat scilicet temperamenti sanguis atrior: aliis autem mundus, sincerus, et floridus, qualis in avibus et homine praecipue conspicitur.

Vnde constat, tum medicos, tum Aristotelem, sanguinem ex partibus et differentiis quadantenus similibus constituere. Medici quidem humanum duntaxat sanguinem, eundemque per phlebotomiam in pelvim effusum et coagulatum observant. Aristoteles vero cunctorum animalium sanguinem, aut ejus analogon, contemplatur. Ego autem, seposita omni controversia, omissisque incommodis, quae eorum sententiam sequuntur, ea solum, quae apud utrosque in confesso sunt, et sensu ipso evi-

^a De part. anim. lib. ii. cap. 3.

^b De hist. anim. lib. iii. cap. 19.

^c De hist. anim. lib. iii. cap. 19.

denter dignoscuntur, atque in rem nostram luculenter faciunt, paucis expediam; prolixius de iisdem alibi tractaturus.

Quamquam sanguis, ut monui, pars corporis dicitur, eaque primogenita et principalis; tamen si secundum totam ejus massam, ut in venis se habet, consideretur; nil vetat, quo minus alimentum in se continere et concoquere, partibusque omnibus apponere dicamus: eandemque rem ita sumptam tum alere tum ali, materiam etiam corporis et efficientem causam esse intelligamus, habereque eandem naturaliter constitutionem, quam Aristoteles in parte primogenita censuit necessariam; nempe, ut sanguis partim similis constitutionis sit, partim dissimilis: ait enim, *Cum propter sensum necessario efficitur, ut fiant membra similia in animalibus; et cum vis sentiendi, vis movendi, et vis nutriendi in eodem membro contineantur* (scilicet primogenito); *fit necessario, ut membrum (quod primum principia ejusmodi tenet) et simplex existat, ut omnium sensibilibus sit capax; et dissimilare, ut moveat et agat. Quamobrem, inquit, in sanguineo genere cor tale habetur membrum; in exsanguis autem proportionale.*

Si igitur per cor intelligit id, quod primum in ovo conspiciatur; nempe sanguinem cum ejus conceptaculis (vesiculis pulsanlibus et venis) tanquam unum idemque organum; id verissime ab eo dictum arbitror: sanguis enim, ut in ovo et vesicula cernitur, est partim similis et partim dissimilis. Sin aliter intellexerit, quod in ovo visitur eum facile redarguit: siquidem cordis substantia, absque sanguine considerata, (nimirum conus ejus et ventriculorum parietes), multo post gignitur, et tantisper alba manet citra sanguinis perfusionem, donec cor in formam organi fabricatum fuerit, quo sanguis per totum corpus distribuatur. Neque eo quidem tempore, cor similis simplicisve constitutionis apparet, qualis partem primogenitam deceret, sed fibrosum, carnosum five musculosum conspi-

conspicitur; et quidem, ut Hippocrates voluit, plane musculus five instrumentum motivum est. Sanguini vero, ut primum conspicitur, et vesicula comprehensus pulsatur, constitutio illa, quam Aristoteles parti principali necessariam judicavit, manifeste inest. Quippe sanguis, dum in corpore naturaliter se habet, similis ubique constitutionis apparet. Quamprimum autem extravasatur, caloremque nativum exuit; protinus, ceu dissimulare quiddam, in diversas partes abit.

At vero, si sanguis, ex naturae instituto, corpori solum nutriendo destinaretur, non nisi similis constitutionis existeret, instar chyli vel albuminis ovi, aut saltem ex dictis partibus five succis mixtum quid esset et vere unum: quemadmodum reliqui humores, bilis nempe utraque, et pituita, qui tales post obitum etiam extra conceptacula sua permanent, quales in vivo corpore conspiciuntur; non autem adeo subito transmutaretur.

Quamobrem, quod Aristoteles parti principali attribuit, illud idem quoque sanguini proprium est. Hic enim, ut est naturale quid, heterogeneum five dissimulare existens, ex succis aut partibus illis componitur. Prout autem vivit, parsque animalis praecipua est, ex succis iis simul mixtis constans; est pars similis animata ex anima et corpore composita. Evanescente autem, ob extinctum calorem nativum, illa sanguinis anima, substantia hujus nativa illico corrumpitur et dissolvitur in ea, ex quibus olim constituebatur: primo scilicet in cruorem, postea in partes rubras et albas; partesque rubrae superiores sunt floridiores, inferius autem sitae nigricant. Partes porro aliae fibrosae sunt et densiores (reliquarum vinculum): aliae ichorosae et serosae, quibus coagulatus thrombus innatare solet. Atque in hoc serum sanguis tandem fere totus degenerat. Partes autem istae non insunt vivo sanguini, sed a morte solum corrupto et jam dissoluto.

EXERCITATIO QVINQVAGESIMASECVNDA. 405

Praeter jam dictas vero partes, in calidioribus et robustis animalibus; veluti equis, bobus, et hominibus quoque vivida constitutione praeditis, alia sanguinis pars cernitur, quae in eo foras educto et grumefcente superiorem rubrarum partium locum occupans condensatur, et gelatinam ex cornu cervino, seu mucaginem quandam aut albumen ovi crassius plane refert. Vulgus eam pituitam esse existimat: Aristoteles autem partem sanguinis crudam et incoctam nominavit.

Observavi partem hanc tum a reliquis discrepare, tum ab ipsa serosa portione, cui innatare cruor in pelvi coagulatus solet; tum etiam ab urina, quae per renes e sanguine transcolatur. Neque enim crudior et frigidior pars sanguinis aestimanda est, sed magis spiritalis; uti arbitror, duplici praecipue experimento motus: Primo, quod floridae et rutilanti parti (quam sanguinem arteriosum esse vulgo existimant) tanquam calidior et spiritu plenior supernatet, locumque supremum in sanguinis disgregatione obtineat.

Deinde in venae sectione, sanguis huiusmodi profiliens (qui plurimus abundat hominibus calidae temperaturae robustis et torosis) longiore filo impetuque vehementiore (tanquam e siphone elusus) exilit: ideoque eum calidiorem et spiritalem magis iudicamus; quemadmodum et genitura foecundior, spiritibusque plenior aestimatur, quae longe valideque ejicitur.

Differre quoque plurimum hanc mucaginem ab ichorosa et aquosa illa sanguinis parte, quae (ceu reliquis frigidior) in imam pelvim subsidit, duplici pariter argumento constat. Nam aquosa et saniosa pars crudior magisque incoctus est quam ut in puriorem et perfectiorem sanguinem transire possit. Simul etiam crassior et fibrosior mucago, ipsi sanguinis grumo supernatans, eodem magis cocta et elaborata apparet. Adeoque in solutione sive partitione sanguinis evenit, ut mucago haec locum

cum

cum supremum, sanies infimum, grumus autem partesque rubrae (tam rutilantior quam nigrior) spatium medium occupent.

Quin certum est, non modo partem illam, sed et universum sanguinem, imo vero carnem ipsam (ut in iis, qui e patibulo pendent, observare licet) in saniem ichorosam corrumpi posse. Resolvuntur nempe in materiam, unde primo componebantur; ut sal in lixivium, unde ortus est. Similiter in omni cachexia sanguis emissus copioso sero abundat: adeo ut interdum vix quidquam grumosi appareat, sed omnis sanguis una sanies videatur: sicut in leucophlegmatia experimur, et animalibus exsanguibus naturale est.

Si etiam paulo post sumptum cibum ac potum (antequam secunda coctio absoluta fuerit, et serum per renes descenderit), aut sub primos febrium intermittentium insultus sanguinem eduxeris, saniosum eum, incoctum, plurimoque sero scatentem reperies. Contra autem, si post jejunium, aut urinae profluvium, vel sudorem copiosum venam aperueris; sanguinem crassum, utpote sero privatum, totumque fere in grumum condensatum cernes.

Et quemadmodum, crudecente sanguine, parum admodum istiusmodi mucaginis supernatantis reperitur; ita, si saniem illam a grumo separatam et effusam leni foco decoxeris, eandem brevi in mucaginem hanc mutatum iri conspicias. Indicio manifesto, aquam illam sive saniem, a sanguine in pelvi separatam, urinae forsan materiam aliquam, non autem urinam ipsam esse; licet colore et consistentia talis videatur. Quippe urina coctione non densatur in fibrosam mucaginem, sed potius in lixivium: aquosa autem sive saniosa haec pars, aliquandiu leviter cocta, in mucaginem innatantem abit: quemadmodum, vice versa, mucago isthaec, corruptione recrudescent, in saniem colliquatione revertitur.

Atque

EXERCITATIO QVINQVAGESIMASECVNDA. 407

Atque hactenus quidem hanc sanguinis partem, a me observatam, in scenam produxi; de eadem postea, ut et aliis ejus partibus ad sensum apparentibus, Aristotelisque et medicorum auctoritate confirmatis, uberius dicturus.

Hic, ne a proposito longius aberrem, sanguinem cum Aristotele accipiendum censeo, non ut simpliciter intelligitur et cruor dicitur, sed ut corporis animalis pars vivens est: Ita enim Philosophus^a: *Sanguis est calidus, quasi aquam ferventem nomine uno significemus, non vero ut subjectum calidum. Caliditas enim in ejus ratione inest, quemadmodum albedo in albi hominis ratione. At eo, qua sanguis per affectionem sive passionem est, non per se calidus est. Pari modo de sicca et humido statuendum est. Quapropter in ejusmodi rerum natura, partim calida et humida sunt; sed separata congelascunt et frigida esse videntur, qualis est sanguis.*

Sanguis igitur, prout est corporis pars vivens, ambiguae naturae est, et duobus modis considerandus venit. Adeoque materialiter et per se nutrimentum dicitur: formaliter vero, et quatenus calore et spiritibus (immediatis animae instrumentis) ipsaque anima praeditus est, corporis lar ac conservator, pars principalis primogenita et genitalis aestimandus est. Et, quemadmodum ovum prolificum, materia, instrumentum, atque opifex pulli existit, medicique omnes utriusque sexus genituram protinus a coitu in utero missam causam foetus tum materialem tum efficientem existimant; ita meliore jure quis affirmaverit sanguinem esse corporis materiam pariter et conservatorem, non autem solum alimentum. Quippe notum est, in animalibus fame enectis, et hominibus quoque qui tabidi intereunt, plurimum sanguinis etiam post obitum in vasis superesse. Quinetiam adolescentes, qui augentur, et senes, qui jam decrescunt et minuuntur, proportionalem sanguinis quan-

^a De part. anim. lib. ii. cap. 3.

titatem obtinent: prout nempe caro illis vel aucta vel diminuta fuerit. Quasi sanguis pars corporis sit, non autem huic nutriendo solum destinetur. Enimvero, si huic duntaxat usui inferviret, nemo fame periret, quamdiu sanguinis quidquam in venis reliquum haberet: quemadmodum et lucernae flammula non exstinguitur, quamdiu inflammabilis olei in ea vel minimum suppetit.

Dum autem assero animam primo ac principaliter in sanguine residere, nollem hinc perperam concludi omnem phlebotomiam esse periculosam aut noxiam; vel cum vulgo credi, quantum sanguinis detrahatur, tantundem simul vitae decedere, quod sacrae paginae vitam in sanguine constituerint. Quotidiana enim experientia notum est sanguinis missionem esse plurimorum morborum salutare auxilium, et inter remedia universalia praecipuum: utpote cujus vitium vel abundantia maximam morborum catervam constituat; et opportuna evacuatio a morbis periculosissimis, morteque adeo ipsa saepe liberet. Quantum enim sanguinis ex arte detrahatur, tantundem vitae ac salutis additur.

Id ipsum nos natura docuit, quam medici sibi imitandam proponunt: haec enim larga et critica evacuatione per nares, menstrua, aut haemorrhoidas, affectus saepe gravissimos tollit. Ideoque adolescentes, qui pleniore victu utuntur, vitamque in otio transigunt, nisi circa decimum octavum aut vicesimum aetatis annum (quo tempore sanguinis copia una cum corporis incremento accumulari solet) aut spontaneo per nares vel loca inferiora effluvio, aut aperta vena a sanguinis onere liberentur, plerumque febribus, variolis, capitis doloribus, aliisque morbis et symptomatibus gravioribus periculosissime aegrotant. Quod respicientes veterinarii omnem fere jumentorum medellam a venae sectione auspicantur.

EXER-

EXERCITATIO QVINQVAGESIMATERTIA.

Quaenam colligenda veniant ex ductu venarum umbilicalium in ovo.

SANGVINEM in ovo et conceptu ante alia factum cernimus: eodemque fere tempore receptacula ejus, venae scilicet et vesicula pulsans, manifeste apparent. Ideoque si punctum saliens una cum sanguine et venis, tanquam unum idemque instrumentum in primo foetus exordio conspicuum, pro corde accipiamus (cujus parenchyma postmodum, in formatione foetus, vesiculae superoritur), manifestum est cor in animalibus hoc modo acceptum (nempe organum ex parenchymate, ventriculis, auriculis, vasis, sanguineque compositum), esse revera, ut Aristoteles voluit, partem corporis principalem et primogenitam: cujus tamen pars prima et praecipua sit sanguis; idque tum natura tum generationis ordine.

Partes in generatione sanguini proximae sunt venae; sanguis enim necessario in vasis continetur. Ac propterea, ut Aristoteles observavit, meatus duo venales statim ab initio reperiuntur; qui postea, ut in historia docuimus, umbilicalia vasa constituunt.

Ex horum itaque situ ductuque quaedam animadvertenda veniunt. Ac primo quidem venas et arterias omnes a corde ortum ducere: sunt enim quasi cordis appendices aut partes quaedam. Si igitur foetum (humanum aut alium aliquem) nuperrime natum diligenter inspexeris, dissectaque vena cava inter auriculam dextram cordis et diaphragma deorsum versus contemplatus fueris, comperies tria foramina; quorum maximum et posterius ad spinam tendens est venae cavae descendens; anterius et minus in radicem ac truncum vasorum umbilicalium fertur; tertium et minimum jecur ingreditur,

estque ramulorum omnium in gibbum hepatis sparforum origo et truncus. Vnde aperte constat venas e jecore, ut plurimi volunt, tanquam principio nequaquam proficisci, sed a corde: nisi quis obstinate affirmare velit truncum venae ab aliquo suo ramulo, non autem ramos a trunco ortum ducere.

Porro, cum dicta vasa in ovo in albumen pariter ac vitellum spargantur, non aliter quam plantae radices in terram solent; constat utrumque hunc liquorem pro nutrimento foetui esse, eundemque per vasa illa ad hunc deferri: idque contra Aristotelem^a, qui passim asserit *pullum ex luteo solum per umbilicum cibum petere, constitui vero ex albumine*. Absumitur equidem primo albumen; et vitellus fero tandem pro cibo est, lactisque vicem in jam natis animalibus supplet. Nempe ut, quale alimentum natura in viviparis animalibus per ubera porrigit, tale in oviparis per vitellum exhibeat. Quare accidit, ut, omni albumine absumpto, vitellus fere integer in ovo superfit, perfecto jam et consummato pullo; diuque etiam post ejus exclusionem.

Aristoteles quidem *decimo post nativitatem die* aliquid vitelli superesse reperit; nos autem, etiam *post sex septimanas*, non-nihil ejus in ventre puli intestino affixum vidimus.

Tamen ex vitello intra puli abdomen recepto (qui, dum foetus formatur et augetur, non aequè ac albumen decrescit, sed fere integer permanet, absumpto jam utroque albumine), et venarum per ipsius vitelli substantiam distributione, quae omnes in unum truncum collectae in venam portae perforantur, pleniorisque in jecore coctionis gratia, partem vitelli, quam absorbent, eo deferunt: his, inquam, aliisque similibus argumentis ductus non possum non cum Aristotele fateri vitellum pullo in cibum cedere, lactique analogon esse.

^a De hist. anim. lib. vi. cap. 3. De gen. anim. lib. iii. cap. 1. et 3.

EXERCITATIO QVINQVAGESIMATERTIA. 411

Non integer quidem vitellus post consummatum foetum superest; nam portio illius quaedam in prima pulli conformatione eliquatur, venarumque propagines (non minus quam albumen) recipit, per quas jam praeparatus foetui in nutrimentum cedit: certum tamen est maximam illius partem absumpto jam albumini superstitem esse, eamque in ventrem pulli modo exclusi receptam, et a ramulis venae portae attractam, tandem in jecur deferri.

Manifestum igitur est pullum jam exclusum, dum adhuc tenellus est, vitello nutriri. Et, quemadmodum is intra ovum partim ab albumine partim ex vitello alitur, praecipue vero ab albuminibus, quae et majore copia adsunt et citius absumuntur; ita similiter jam exclusus (cui omne adveniens alimentum jecur pertransit, et ibidem ulterius praeparatur) partim vitello partim chylo ex intestinis hausto nutritur; praesertim autem chylo, quem plures venarum mesaraicarum ramuli ad se rapiunt, cum in vitellum una solum portae propago distribuatur, et jam parva ejus copia superfit. Facit scilicet natura, quod nutritrices solent; quae sensim infantes suos ablactaturae cibaria iis interdum exhibent, quo lactis postea indigentiam facilius tolerent. Ita similiter pullus ab alimento facilioris digestionis ad id, quod concoctu magis difficile est (nempe a vitello ad chylum) paulatim deducitur.

Quapropter summa ratione fit, quod ex venarum ductu in ovo percipimus. Quamprimum enim pullus inchoatur, venae solummodo in colliquamentum distribuuntur: quo sanguis nutritus et auctus corpus sibi educandum adjungit. Postea autem in albumen tenuius extenduntur; unde pullus (dum adhuc gelatinam sive mucaginem et galbam refert) incrementum sumit: deinde in albumen crassius, mox etiam in vitellum venarum ramuli porriguntur, ut eo etiam nutriatur foetus; qui denique tenellus etiamnum existens partim vitello (ceu lacte)

intra

intra abdomen recondito, partim pabulo matris opera comparato praeparatoque alitur; donec ipsemet cibum idoneum quaerere et concoquere valeat. Adeo per totam generationis seriem nascituro foetui, vario alimento variis digestivae facultatis viribus respondente, natura sapientissime consuluit. Teneriori nempe pullo alimentum delicatius praeparatur; grandiori jam facto firmior victus conceditur; mox autem, cum solidiori pabulo conficiendo sufficit, duriora ei cibaria offeruntur. Ideoque factum arbitror, ut perfecta ova non modo bicolora, sed etiam duplici albumine instructa sint.

Quod nos per rei ipsius experientiam invenimus, id etiam Aristotelis sententiae congruit, ubi ait^a: *Pars ejus, quae calida est, propius ad formam in membris instituendis accedit; quae autem terrestrior est, corporis constitutionem praebet et remotior est. Quamobrem in bicoloribus ovis animal initium suae generationis a candido sumit (initium enim animale in calido est), cibum a luteo capit. Calidioribus itaque animalibus seorsum ista habentur distincta. Nempe, ex quo principium ortus, et ex quo alimentum; atque alterum candidum, alterum luteum est.*

Ex dictis patet pullum, idque postea de omni pariter conceptu demonstrabimus, ut ab infito ovi principio five anima oritur et efformatur, ita quoque victum sibi in ovo quaerere. Quare matre illi non est opus, ut plantis terra. Nec magis verum est eum materno sanguine nutriri, aut spiritibus matris vivere, et cor pulli interea ferri; quam eundem maternis organis sentire ac moveri, aut ejus anima vegetari et adolescere. Sed manifesto liquet, et ab omnibus conceditur, foetum ali per vasa umbilicalia; meatusque venales in albumen et vitellum dif-
feminatos ex his nutrimentum haurire, quod foetui impertiant. Constat etiam pullo jam excluso alimentum suppeditari, par-

^a De gen anim. lib. iii. cap. 1.

EXERCITATIO QVINQVAGESIMATERTIA. 413

tim a vitello et partim a chylo; et utrumque per eandem venam portae in jecur transire; licet per diversos ejus ramulos id contingat.

Apertum itaque est, ut id nunc obiter dicam, chylum, quo cuncta animalia nutriuntur, ex intestinis per venas mesaraicas deferri; nec opus esse ut novum iter (venas lacteas scilicet) inquiramus, aliumve transitum in adultis comminiscamur praeter eum, quem in ovo et pullo compertum habemus. Opinionis autem hujus incommoda alibi uberius indicavimus.

Denique, ex constitutione vasorum umbilicalium in ovo, (quorum alia venas alia arterias esse in historia diximus) colligere licet dari motum sanguinis circularem, qualem jam pridem in libello nostro de motu sanguinis in animalibus demonstravimus; idque vegetandi, nutriendi, atque augendi gratia: ac propterea, venas quidem umbilicales in utrumque ovi liquorem diffeminari, ut inde foetui alimoniam apportent; arterias vero etiam ab eisdem pertendere, ut caloris jugi affluentia alimentum concoquant, colliquant et nutritioni idoneum reddant.

Atque inde evenit ut, quocunque venae (eodem nomine arteriae quoque hic intelligendae sunt) in albumen aut vitellum pertigerint, partes illae colliquatae diversaeque a reliquis facie appareant. Quamprimum enim venarum ramuli expululant, pars albuminis superior sive exterior, cui implantantur, in colliquamentum abiens translucet; pars autem inferior crassa et compacta manens in imum ovi angulum detruditur. Similiter vitelli quasi binae partes, superior et inferior, apparent; nec minus ab invicem discrepant, quam cera liquata a non liquata, sive ea quae consistentiam pristinam servat; nimirum pars illa, quae venas accepit, ab altera, quae nullis adhuc fruitur,

Hinc porro de animalis exordio primoque inhaerente ovi principio facti sumus certiores. Quippe manifeste constat cicatriculam five maculam, particulam esse ovi principalem, ad quam reliquae omnes referendae sint; cuique (si ulli prae caeteris) debeatur, quidquid demum id fuerit, quod ovum foecundum reddit; pullique generationem ab eadem primum inchoari. Ideoque, ut diximus, statim a gallinae incubatione cicatricula primo omnium dilatatur, augetur, et colliquamentum constituit; in quo protinus sanguis emicat, venae sparguntur, caloris nativi effectus formantisque opificis opera elucescunt: quantoque altius venarum illarum ramusculi diffunduntur, tanto quoque latius vitalis facultatis indicia propagantur, animaeque vegetativae praesentia dignoscitur. Enimvero effectus omnis efficientis sui clarum indicium est.

Verbo dicam: ex cicatricula (in qua primum caloris nativi vestigium cernitur) tota generatio, ex corde totus pullus, et ex vasis umbilicalibus membranae omnes foetum involventes (quas secundinas nominamus) dependent. Ideoque concludimus foetus partes invicem subordinatas esse, vitamque primum a corde mutuari.

EXERCITATIO QVINQVAGESIMAQVARTA.

De ordine partium in generatione ex ovo, secundum Fabricium.

CONSTITVTO jam, quaenam pars prima habenda sit, sanguis scilicet, cum receptaculis suis, corde, venis, et arteriis; sequitur, de reliquis corporis partibus, quo ordine quaeque generetur, jam dicamus.

Fabricius, cujus vestigia, in generatione pulli, sequi institui-
mus, priusquam partium ordinem aggreditur, actiones, quae in ovo conspiciuntur et quarum opera partes proveniunt, recen-
set;

EXERCITATIO QVINQVAGESIMAQVARTA. 415

set; earundemque facultates ordine commemorat: quasi ex illis de partium quoque generationis ordine clarius constet. Tres, inquit^a, primum actiones sunt, quae in ovo avi supposito apparent. Prima est pulli generatio; secunda ejusdem accretio; tertia nutritio nuncupatur. Prima, id est generatio, propria est ovi actio: secunda et tertia, videlicet accretio et nutritio, majore ex parte extra ovum succedunt, tamen in ovo inchoantur et quoque perficiuntur. Quae actiones, sicuti a tribus facultatibus dimanant, generatrice, auetrice, et nutritoria; sic eas tria opera facta consequuntur. Ex generatione enim omnes pulli partes resultant; ex accretione et nutritione auctum et nutritum pulli corpus. De pulli generatione prius agentes scire licet, ope generatricis facultatis pulli partes quae prius non erant produci, atque ita ovum in pulli corpus migrare. Dum autem quaevis pars in alteram commigrat, illam propriae essentiae commutationem subire necessarium est, alioquin eadem substantia maneret; simulque eandem in aptam et convenientem naturae suae figuram situm et magnitudinem conformari est necesse; hisque duabus absolvitur procreatio substantiae, commutatione, et conformatione. Immutatrix igitur et formatrix facultas harum functionum causae erunt. Una unamquamque corporis partem, qualem cernimus, ex ovi chalaza produxit; altera figuram illi, compagemque et situm propriis usibus idoneum contulit. Prima, quae immutatrix sive alteratrix appellatur facultas, tota naturalis est, et sine ulla cognitione agit; et calido, frigido, humido, et sicco assumpto, totam per totam chalazae substantiam alterat, et alterando in pulli partes immutat; hoc est, in carnem, ossa, cartilaginem, ligamenta, venas, arterias, nervos, caeterasque in animali aut pullo partes omnes similes ac simplices convertit; easque ex proprio ingenitoque calore, et spiritu galli semen ex ovo, id est, chalaza, alterando et commu-

^a Pag. 41.

tando generat, creat producitque, propriam substantiam substantiaequae proprietatem cuique impertiens. Altera, quae formatrix dicitur, quaeque similes partes dissimiles efficit (iis scilicet ornatum ex apta figura, iusta magnitudine, idoneo situ, et congruo numero conferens) jam proposita longe nobilior est et summa sapientia praedita, non naturaliter, sed cum electione, et cognitione, atque intellectu agit. Videtur siquidem formatrix facultas exactam habere cognitionem et providentiam, tum futurae actionis, tum usus cuiusque partis et organi. Atque haec de prima ovi actione, quae est pulli generatio; ad quam celebrandam, et galli semen agens et foecundans, et chalaza, tanquam materia, substituta est. Secundo loco accretio insurgit, quae nutritione expletur; cuius facultates sunt, attractrix, retentrix, concoctrix, et expultrix; denique, quae apponit, agglutinat et tandem nutrimentum assimilat.

Hanc autem actionum distributionem, nec rectam, neque utilem, neque huic loco accommodam censeo. Non rectam quidem; quia actiones illae, quas videtur specie ac tempore distinctas voluisse (nempe, ut partes primo fiant similes ab alteratrice facultate, postea formentur et organizentur a formatrice, deinde augeantur ab auctrice), in generatione pulli nusquam comparent: partes enim omnes simul generantur, distinguuntur, et augentur. Nam licet aliter fiat in eorum animalium generatione, quae per metamorphosin constituuntur; ubi ex materia prius existente, satisque aucta et praeparata, partes omnes per transformationem discernuntur et delineantur (veluti, cum ex eruca fit papilio, ex necydalo bombyx); in generatione tamen per epigenesin res longe aliter se habet, neque idem fit, quod in nutritione; quae diversarum partium, operae societate invicem opitulantium, diversis actionibus peragitur: ubi nempe alimentum prius attrahitur et retinetur, postea concoquitur, mox distribuitur, tandemque agglutinetur.

EXERCITATIO QVINQVAGESIMAQVARTA. 417

glutinatur. Nec similis constitutio fit a facultate immutatrice, citra omnem providentiam, ut Fabricius censuit; organica autem a formatrice, quae cognitione et providentia utatur. Quippe generatio et accretio non fiunt absque nutritione; nec nutritio aut augmentatio sine generatione. Nutrire enim est substituere in locum deperditi quantum et quale amissum est; nimirum carnem aut nervum in locum illius carnis aut nervi, qui perierit. Quid autem id aliud est, quam carnem aut nervum facere? Similiter accretio non contingit sine generatione; corpora enim omnia naturalia accedentibus noviter iis partibus augentur, e quibus antea constabant: idque fit secundum omnes dimensiones; adeoque simul ac crescunt distinguuntur una et organizantur.

At vero generare pullum nil aliud est, quam singulas ejus partes, membra, atque organa fabricare: quae licet ordine producantur, aliaque aliis (organa scilicet minus principalia magis principalibus) postgenita sint; dum ipsa tamen organa distinguuntur, non eo ordine generatio illorum procedit, ut partes similes primum fiant, atque organicae postea ex iisdem componantur; sive, ut partes componentes prius existant, quam compositum ex iis exstruatur. Quamquam enim pulli caput, et reliqua ejus corporatura (similis primum constitutionis cum sint) mucum sive gluten quoddam molle referunt, unde postea singulae ordine partes efformantur; eadem tamen opera, atque ab eodem opifice, fiunt simul et augentur; et, prout creverit illud glutini simile, partes pariter distinguuntur. Simul nempe generantur, immutantur, et formantur; similes una existunt et dissimiles; et ex parvo simili fit organum magnum. Non alio sane modo atque ordine, quam ex culmo spica, aristae, et granula oriuntur et distinguuntur; quamve arbores dum gemmulas protrudunt, ex iisdem flores, frondes, fructus, ac tandem semina explicant et producant.

Id nos docuit diligens ovi observatio ex rebus in eo conspiciendis. Siquidem ex operibus actiones five operationes ipsae dignoscuntur; ex operationibus facultates, et ex his opifex five generans nobis innotescunt. Quare in generatione pulli, actiones five facultates generantis, quas Fabricius memorat, nempe immutatrix et formatrix, non differunt specie, aut secundum prius et posterius, sed, ut Aristoteles loqui solet, ipso esse et ratione solum; non ut, post ortum, nutritivae facultatis actionibus contingit, attractioni nimirum, coctioni, distributioni, et appositioni, quae variis locis et temporibus munia sua exsequuntur. Alias enim generatrix ipsa diversis quoque instrumentis uti, ad varias suas operationes obeundas, cogitur.

Quare perperam Fabricius asserit immutatricem facultatem, virtutibus elementorum, calido nempe, frigido, humido, et sicco, tanquam instrumentis, operari: formatricem vero sine his ac diviniore quodam modo agere; quasi scilicet cogitatione, electione, ac providentia pensum suum absolveret. Rem enim si penitus introspexisset, vidisset tam formatricem, quam alteratricem facultatem calido, frigido, humido, et sicco, tanquam instrumentis, uti: nec minus divini numinis atque artificii in nutritione et immutatione deprehendisset, quam in ipsius formatricis operationibus. Quippe natura omnes istas facultates in finem aliquem instituit; et ubique cum providentia et intellectu operatur. Quidquid est in semine plantarum, quod ipsum foecundum reddit et plasticam vim in eo exercet, quodque in ovo peritissimi opificis vicem gerit, pulli partes producit et fabricat; calefaciendo, refrigerando, humectando, siccando, concoquendo, condensando, indurando, emolliendo, colliquando simul fingit et auget; figura, situ, constitutione, temperie, numero, atque ordine distinguit; eadem isthuc providentia, electione, et intelligentia (non minus immutando, quam nutri-

triendo,

EXERCITATIO QVINQVAGESIMAQVARTA. 419

triendo, augendo et formando) omnia disponit et exsequitur.

Facultates, inquam, coëtrix et immutatrix, nutrix et auctrix (quas Fabricius, calido, frigido, humido, et sicco duntaxat, sine ulla cognitione agere voluit), non minore artificio, nec minus in destinatum finem operantur, quam formatrix facultas; quam ille *futurae actionis ususque cujuslibet partis et organi cognitionem et providentiam habere asserit*. Quemadmodum ars medica, pistoria, et coquinaria (quae calidis, frigidis, humidis, et ficcis, similibusque naturalibus instrumentis utuntur) non minus rationis usum postulant, quam artes mechanicae, quae vel manibus laborant (ut fabrilis, statuaria, et figularis), vel instrumentis aliis artificialibus operantur. Quinetiam, ut in mundo *Jovis omnia plena* nobis dicuntur, ita pariter, in pulli corpufculo singulisque ejus actionibus et operationibus, digitus Dei sive naturae numen elucescit.

Quamobrem, si ex operationibus fas est de facultatibus judicium ferre; vegetativae operationes potius videntur arte, electione, et providentia institui, quam animae rationalis mentisve actiones: idque etiam in homine perfectissimo; cujus scientiae atque intellectus summa perfectio in eo potissimum (Apollinis judicio) consistit, ut *noscat se ipsum*.

Superior itaque, ut diximus, et diviniior opifex quam est homo videtur hominem fabricare et conservare; et nobilior artifex quam gallus pullum ex ovo producere. Nempe agnoscimus Deum, Creatorem summum atque omnipotentem, in cunctorum animalium fabrica ubique praesentem esse, et in operibus suis quasi digito monstrari; cujus in procreatione pulli instrumenta sint gallus et gallina. Constat quippe in generatione pulli ex ovo omnia singulari providentia, sapientia divina, artificioque admirabili et incomprehensibili exstructa ac efformata esse. Nec cuiquam sane haec attributa conveniunt, nisi

omni-

omnipotenti rerum principio; quocunque demum nomine id ipsum appellare libuerit: five Mentem divinam cum Aristotele; five cum Platone Animam mundi; aut cum aliis Naturam naturantem; vel cum Ethnicis Saturnum aut Iovem; vel potius, ut nos decet, Creatorem ac patrem omnium quae in coelis et terris; a quo animalia eorumque origines dependent, cuiusque nutu five effato fiunt et generantur omnia.

Porro, ut monui, hanc actionum five facultatum animae distributionem, quam Fabricius generationis partium ordini praemissit, uti haud rectam, ita neque utilem, aut negotio huic nostro convenientem arbitror. Neque enim ex actionum aut facultatum notitia ad operum earum cognitionem devenimus; sed vice versa potius, ab operibus ad facultatum scientiam ascendimus: opera enim notiora nobis sunt quam facultates, unde proveniunt; et partes, quas jam factas cernimus, in generatione facilius innotescunt quam actiones, a quibus oriuntur.

Nec commode etiam, in particulari pulli ex ovo generatione, ea pensanda aut determinanda veniunt, quae universalem cunctorum animalium generationis observationem postulant. De hac re autem postea plussculum dicetur.

Interea vero, ut ad partium generationis ordinem accedamus, *superest*, ait Fabricius², *contemplemur et perpendamus quo ordine, hoc est quae prius quaeve posterius partes et organa in ovo gignantur. In cujus indagine duo ponenda fundamenta sunt; alterum a corpore, alterum a re incorporea desumptum; ut puta a natura et ab anima. Corporeum fundamentum appello, inquit, quod a natura corporis dependet et fluit; et ab artefactis facile exemplum desumitur. Sicuti enim quodcunque aedificium prius fundamenta requirit, super quae universum aedificium*

EXERCITATIO QVINQVAGESIMAQVARTA. 421

ponatur, ut sustentetur; inde parietes eriguntur, a quibus et pavimenta et tecta sustineantur; tum vero supellex et caetera domus ornamenta iis appenduntur ac stabiliuntur: ita profecto natura fabricam animalis molitur. Ossa enim, tanquam fundamenta, primum constituit, ut iis omnes corporis partes adnascantur, appendantur, ac stabiliantur. Quæ etiam alio nomine prius formantur et constituuntur. Nam cum ossa ex mollissima et membranæ substantia primam suam habeant originem, et paulo post durissima fiant; ideo multum temporis poni oportet in generatione ossis, ut os durissimum efficiatur; ideoque prius gignitur. Hinc Galenus non cuicunque artificio animalis fabricam comparat, sed maxime navigio. Inquit enim, sicuti navigii fundamentum et principium carina est, ex qua costae hinc inde in circulum recurvatae, et instar cratis modice inter se distantes porriguntur, ut universa navigii fabrica ex carina, tanquam ex congruo supposito principio, postea consummetur: sic in animalis fabrica, natura per spinam porrectam et costas circumductas, quasi carinam et fabricae principium congruum constitutum, totam deinde componit et perficit molem.

Verum hæc aliter longe se habere experientia docet, qua constat ossa potius ultimo tandem fieri. Quippe artuum ossa, calvaria, et dentes, non prius nascuntur, quam cerebrum, et musculi, aliaeque partes carnosae: sed post nativitatem, tenellis et perfectis alias foetibus, cartilaginee duntaxat aut membranæ sunt, quæ postea temporis tractu in ossa evadunt: uti ex infantium calvaria apparet, et embryonum costis ac juncturis.

Et licet verum sit primum corporis rudimentum instar carinae recurvae cerni; mollis tamen, mucosa, et glutinosa substantia est, nulloque modo ossis naturam, constitutionem, aut officium refert. Quemadmodum et globuli inde penduli, capitis partibus destinati, nihil in se habent solidi; sed sunt duntaxat vesiculæ aqua limpida plenae, quæ postea in cerebrum,

cere-

cerebellum, et oculos efformantur, tandemque calvariam induunt; postquam scilicet rostrum atque ungues soliditatem ac duritiem acquisiverint.

Quare supina et iniqua est haec Fabricii contemplatio; dum non pensitat quid a natura in generationis ordine factum sit, sed potius quid ad mentem ipsius a natura fieri debuerit: allata ad eam rem ab aedificio artefacto similitudine. Quasi vero natura artem imitetur, et non potius ars naturam. Cujus rei memor ipsemet postea ait^a: *Satius fuerit dicere artem ab ipsa natura didicisse, et ipsam fuisse imitatam: quoniam, uti dicit ubique Galenus, natura et antiquior et in operibus suis magis sapiens quam ars.*

Et quamquam ossa totius corporis fundamenta sunt, sine quibus nec stare nec moveri ipsum possit; sufficit tamen, si simul cum iis partibus exstent, quae ipsis innituntur. Illis enim, quae stabilienda sunt, nondum existentibus, frustra parantur stabilimina. Natura autem nihil agit temere; nec partes constituit antequam earum usus ullus sit. Sed animalia omnia partes suas obtinent, simul ac earum actiones et usus requiruntur. Ideoque primum hoc Fabricii fundamentum, observationibus ipsius in ovo et Galeni similitudine innixum, plane evertitur.

Videtur propius ad veritatem collimasse, ubi ait^b: *Alterum fundamentum partium prius et posterius generandarum sumitur a natura, hoc est, ab anima; a qua animalis corpus regitur ac gubernatur. Si enim duo sunt gradus animae, vegetalis et sensitivus; vegetalisque est tempore et natura prior, cum ipsis plantis sit communis: omnino organa vegetali deservientia prius generanda conformandaque sunt, quam quae sensitivae et motivae facultati accommodantur; praecipue autem principalia, et quae rationem obtinent gubernantis. Sunt autem haec organa potif-*

^a Pag. 4.^b Ibid.

simum duo, jecur et cor : jecur quidem, tanquam sedes concupiscibilis, seu vegetalis seu nutritoriae ; cor autem, tanquam organum, quod suo calore et vegetalem et quamcunque aliam facultatem vegetat et perficit, ideoque cum vegetali societatem et nexum validum habet. Vnde si in supposito ovo post tres dies videas ea parte, qua pullus gignitur, cor palpitare, ut Aristoteles quoque testatur ; non mireris, sed dicas cor ad vegetalem pertinere, et propterea primum generari. Rationi quoque consentaneum est et jecur similiter una cum corde gigni, sed latere, quia non palpitat ut cor. Nam et ipse Aristoteles jecur et cor pari ratione in animali corpore constitui asseverat ; ita ut, si cor est, sit et jecur. Si igitur jecur et cor primo generantur, consonum quoque est et caetera organa his duobus deservientia cum his similiter generari ; ut ratione cordis pulmones, et ratione jecoris omnia fere membra quae in infimo ventre consistunt.

Haec vero longe aberrant ab ordine illo, quem in ovo conspicimus. Neque enim verum est, *jecur una cum corde gigni*. Nec valet plasma, quod allinit, *latere jecur quia non palpitat*. Nam et oculi, et vena cava, et carina, ab initio cernuntur, licet non palpitent. Quidni igitur jecur quoque et pulmones, si tunc temporis adsint, citra palpitationem conspiciantur ? Quintianus ipsemet, in figura quarti diei, punctum exiguum in medio depinxit, cujus tamen palpitationem nullam indicavit ; nec pro corde quidem agnovit, sed corporis rudimentum esse credit. Quamobrem ex conjectura solum, et praeconcepta opinione, de jecoris principatu loquutus est : quemadmodum et alii, Aldrovandus scilicet et Parisanus, qui cum forte in bina puncta incidissent, nec utrumque simul pulsare cerneret, alterum eorum pro corde, alterum pro jecore habuerunt. Quasi vero jecur pulset unquam ! nam bina ista puncta vesiculae pulsantes sunt, fibique invicem alternis contractionibus respondent : veluti in historia indicavimus.

Quare fallitur Fabricius aut fallit, dum ait, *in prima statim pulli generatione jecur, cor, venas, arterias, pulmones, et omnia membra in infimo ventre contenta generari; item carinam, hoc est caput cum oculis ac tota spina et thorace conformari*. Nam cor, venae, et arteriae aliquandiu ante carinam perfecte distinguuntur; et carina ante oculos; oculique, rostrum, et latera ante membra in imo ventre contenta: ventriculus quoque, et intestina prius quam jecur aut pulmones discernuntur: aliaque similiter in generatione ordine eveniunt; de quibus mox dicemus.

Fallitur etiam, cum vegetalem animae partem et tempore et natura priorem sensitiva ac motiva statuit. Quod enim natura prius est, id fere in generationis ordine posterius existit. Tempore quidem vegetativa anima prior est: quippe sine illa sensitiva anima esse non potest. Nequit enim actu existere sine organis, cum sit actus corporis organici; sensitiva autem et motiva organa vegetativae opera sunt: estque anima sensitiva (antequam actu existit), tanquam trigonus in tetragono. Natura vero, quod principale et nobilissimum est, id primario intendit: ideoque vegetativa potentia naturae ordine posterior est, utpote sensitivae ac motivae facultatibus subserviens.

EXERCITATIO QVINQVAGESIMAQVINTA.

De ordine partium in generatione ex sententia Aristotelis.

QVAE ad generationis ordinem spectare videntur ex Aristotele^a quidem haec sunt: *Cum conceptus institutus est, facit simile iis quae seruntur. Principium enim primum semina quoque intra se continent; quod potentia primo contentum, ubi secretum mox est, germen mittit, et radicem, qua alimentum assumitur; incrementum enim desideratur. Sic in conceptu*

^a De gen. anim. lib. ii. cap. 4.

EXERCITATIO QVINQVAGESIMAQVINTA. 425

quodammodo, cum partes corporis omnes potentia insint, principium maxime promptum habetur.

Principium hoc in ovo (plantarum germi analogon) maculam five cicatriculam cum Fabricio nominavimus; eamque esse particulam principalem diximus, utpote in quo partes reliquae omnes potentia insint, et unde postea suo quaeque ordine oriantur. In illa nempe continetur id, quidquid demum fuerit, quod ovum foecundum reddit: ibique facultatis formatricis operatio et caloris vegetalis effectus primum cernitur.

Macula isthaec, ut diximus, statim ab incubatione dilatatur et in circulos dispertitur; in quorum centro punctum exiguum album (instar cicatriculae in pupilla oculi) sese exerit; ubi mox punctum rubrum pulsans cernitur cum venarum sanguiferarum capillamentis; idque illico, quamprimum colliquamentum a nobis dictum ex ea constitutum fuerit.

Quamobrem, addit Aristoteles^a, *cor primum actu secernitur; quod non modo sensu ita fieri constat, verum etiam ratione. Cum enim quod gignitur, de ambobus abjunctum jam est, se ipsum gerere, gubernare, et dispensare debet; perinde quasi filius a patre emancipatus seorsumque collocatus. Itaque principium idque intrinsecum haberi oportet, a quo etiam postea ordo membrorum describatur, et quaecunque ad absolvendum animal pertinent disponantur. Nam, si extrinsecus aliquando aderit et post inesse incipiet; non solum dubitaveris, et quonam tempore accedat quaeseris; sed etiam cum pars quaevis distinguitur, id primum subsistere necesse est, ex quo et incrementum et motus caeteris partibus contingat. Alibique asserit^b, principium illud primum esse partem totius; et non abjunctum quidpiam, quod seorsum ab eo contineatur. Etenim, inquit, generato jam animali, corrumpaturne illud, an maneat? At nihil inesse videtur, quod non totius pars sit aut plantae aut animalis. Quinetiam*

^a De gen. anim. lib. ii. cap. 4.

^b De gen. anim. lib. ii. cap. 1.

corrumpi postquam vel omnes vel aliquot partes effecit absurdum est; quid enim efficiat reliquas? Quamobrem, porro ait, qui ita, ut Democritus, dicunt exteriora primum animalis discerni tum interiora, quasi lapideum aut ligneum animal condant, non recte dicunt; res enim talis nullum in se principium habet. At animalia omnia habent atque intra se continent. Quapropter cor primum distinctum in omnibus inspicitur animalibus, quae sanguinem habent. Id enim principium est et simularium et dissimularium partium. Jam enim principium id accepisse animalis constitutique foetus decet, cum alimentum desiderat.

Quibus clare patet Aristotelem in animalium generatione ordinem quendam statuissse et principium; cor nempe, quod (instar filii emancipati) sit pars animalis primogenita et animata, in ipso contenta et permanens; unde non solum ordo membrorum describatur, sed animal ipsum conservetur et dependeat, victumque ac vitam continue accipiat; indeque quidquid perficiendo animali est necessarium derivetur. Nam, ut ait Seneca^a, *in semine omnis futuri ratio hominis comprehensa est. Et legem barbae et canorum nondum natus infans habet. Totius enim corporis et sequentis aetatis in parvo occultoque lineamenta sunt.*

Num cor autem sit haec pars primogenita, necne, superius a nobis determinatum est. Nimirum, si Aristotelis dictum de illa parte intelligatur, quae in dissectionibus animalium praeter ceteris sensu constare percipitur, scilicet de puncto saliente una cum venulis sanguine refertis; nos ejus libenter amplexamur sententiam. Credimus enim sanguinem una cum vasis et organis, venis nempe umbilicalibus, quibus, ceu radicibus, alimentum attrahitur, et vesiculis pulsantibus, quibus ad vitam et incrementum partium distribuitur, ante alia omnia constitui.

^a Nat. qu. lib. iii. cap. 29.

Quippe, ut Aristoteles ait ^a, *eadem materia est, ex qua augetur aliquid et ex qua constituitur primum.*

Plurimum vero hallucinantur, qui diversas corporis partes diversa pariter materia nutriri autumant. Quasi nutritio nil aliud esset quam alimenti idonei selectio et attractio: nulla autem requireretur in partibus singulis nutriendis concoctio, assimilatio, appositio, et transmutatio. Quae olim erat sententia Anaxagorae ^b:

Principium rerum qui dixit homoeomeriam:

Ossa videlicet e paucillis atque minutis

Ossibus: sic et de paucillis atque minutis

Visceribus viscus gigni: sanguenque creari

Sanguinis inter se multis coeuntibus guttis.

Verissime autem Aristoteles ^c: *Distinctio partium non, ut quidam opinantur, propterea fit, quia simile suapte natura ad simile fertur: nam praeter alias multas, quas ratio ista habet difficultates, accidet, ut quaevis pars similis seorsum creetur. Verbi gratia, ossa per se, et nervi, et carnes; si quis eam causam approbet.* At vero alimentum omnium partium commune est et simile, quale in ovo albumen cernitur; non autem heterogeneum et ex diversis partibus compositum. Ideoque, quod diximus de materia partium, ex qua fiunt; idem quoque de illa statuendum est, ex qua augentur: nempe ex illa nutrimentum sumere, in qua partes omnes potentia quidem insunt, actu vero nullae. Quemadmodum ex eadem pluvia incrementum capiunt omnis generis plantae: quia aqua, quae potentia similis erat omnibus, fit jam actu similis postquam in earum substantiam transmutata fuit. Tum vero amarescit in ruta, aurescit in finapi, dulcescit in glycyrrhiza, et similiter in reliquis.

^a De gen. anim. lib. ii. cap. 4.

^b Lucret. lib. i.

^c Loco citata.

Explicat porro quaenam partes prae aliis generentur, idque ratione a secundo Fabricii fundamento non aliena. *Id*, inquit, *cujus causa, et quod ejus causa, differunt : et alterum generatione, alterum essentia prius est*. Nempe, finis prior est natura et essentia quam id quod finis gratia fit ; quod autem finis gratia fit generatione prius fit oportet. Eoque argumento Fabricius recte infert partes illas omnes prius generari, quae vegetativae animae inserviunt, quam quae sensitivae ; quoniam illa huic subordinata est.

Postea differentiam eorum, quae alicujus gratia fieri dicuntur, subjungit : quaedam scilicet a natura finis gratia instituta esse, quia ea finis consequitur ; quaedam vero, quia instrumenta sunt, quibus finis utitur. Illa genitalia appellat ; haec autem instrumentalia. *Finis enim*, inquit, *quorundam posterior, quorundam prior* iis, quae eorum causae sunt. Nam et generans ipsum, et id quo ad generationem utitur, prius existant oportet quam id quod ex iis generatur. Ideoque partes vegetativae animae inservientes priores sunt partibus sensui ac motui ministris. Partes autem motui et sensibus dicatae sensitiva et motiva facultatibus posteriores sunt ; utpote instrumentales, quibus facultas sensitiva et motiva utitur. Quippe ex naturae lege est, ut nullae partes aut instrumenta constituantur priusquam eorum sit aliquis usus, et facultas praesens adfit, quae iis utatur. Ita nec oculus, nec motiva organa exstruuntur, nisi fabricato prius cerebro aut facultate praesistente, quae videat aut moveat.

Similiter, quoniam vesiculae pulsantes, tanquam instrumenta, sanguinis motui ministrant, simulque tota cordis constitutio et fabrica, quemadmodum in libello de motu sanguinis diximus, instrumentalis est ; scilicet ut sanguis per omnia corporis loca in gyrum perpetuum agatur ; videtur sanguis tum generatione tum natura et essentia corde prius existere. Hoc enim

EXERCITATIO QVINQVAGESIMAQVINTA. 429

enim ille utitur, ceu instrumento; idemque insuper genuit, et per arteriam coronalem etiamnum nutrit, illique calorem, spiritum, ac vitam elargitur.

Quomodo autem ex observationibus anatomicis universalis haec Aristotelis regula de partium prioritate vera appareat, posterius dicemus. Interea temporis quo pacto secundum hanc regulam ipsemet causas prioritatis, ut ita loquar, in generatione sufficienter deducat, jam videbimus.

Gignuntur, inquit, post principium (nempe post cor) interiora prius quam exteriora, superiora prius quam inferiora; partium enim superiorum gratia inferiora sunt ut instrumenta, exemplo seminum plantarum, quae prius mittunt radices quam ramos.

Natura autem in generatione eo ordine non utitur; neque exemplum illud est perpetuae veritatis. Nam in fabis, ciceribus, caeterisque leguminibus, in glandibus item et frumento, perspicue constat simul caulem sursum et radices deorsum ex eodem germine pullulascere. Et cepae quidem, aliaeque bulbosae plantae sursum prius quam deorsum progerminant.

Porro aliam ordinis hujus causam adnectit: scilicet, *Cum natura nihil supervacaneum nihil frustra facere soleat, constat nec prius neque posterius quam usus exigat ab ea effici quidquam.* Nimirum, partes illae prius generantur, quarum usus sive functio prius requiritur: nonnullae etiam prius inchoantur, quod longiore tempore iis perficiendis opus sit; ut ita simul cum aliis, quae citius maturantur, ad partum paratae sint. Quemadmodum nempe coquus fercula in coenam praeparaturus, quae prae duritie sui coctionis sunt difficilioris, aut suavem tardamque magis ebullitionem desiderant, ea foco prius admo-
vet, quae autem citius et minore calore praeparantur posterius aggreditur; illa etiam, quae in prima mensa apponenda sunt, primo apparat, quae in secunda ultimo: ita similiter

natura

natura in generatione animalium partes humiditas molles et carnosas, utpote quae brevi coquantur et formentur, fero distinguit; duras autem et concretas, ut ossa, quia largam evaporationem et exsiccationem postulant, diuque earum materia incocta manet, initio statim adoritur. *Nam et in cerebro, inquit, eodem evenit modo, ut. primum praebumidum multumque sit; mox humore efflato concoctoque corporatur magis, subsiditque et cerebrum et magnitudo oculorum. Principio igitur caput prae grande (respectu corporis reliqui, quod mole sua longe exsuperat) propter cerebrum; oculi grandes propter humorem in ipsis contentum apparent. Ultimi vero perficiuntur, quoniam cerebrum quoque aegre consistit. Sero enim a frigidityte humiditateque vendicatur, in omnibus quidem, sed praecipue in homine. Nam et sinciput inter ossa ultimum confirmatur; jam enim, cum partus in lucem venit, molle hoc infantis os est.*

Aliam insuper rationem addit; quod partes nempe ex diversa materia effingantur. *Nobilissima quaeque pars, inquit, et potissimi principii particeps ex concocto, sincerissimo, primoque alimento gignitur: reliquae necessariae, ac illarum gratia instituendae, ex deteriore et reliquiis excrementisque. Perinde enim natura atque paterfamilias prudens nihil amittere solet, ex quo facere aliquid commodi possit. Dispensatur autem in cura rei familiaris ita, ut cibus optimus detur liberis, deterior servis, vilissimus sociis animalibus. Vt igitur incremento jam addito mens advena facit haec (id est, ut ego quidem interpretor, quae homo adultus acquisita mente et prudentia facit), sic in ortu ipso natura (scilicet mente et prudentia innata) ex materia sincerissima carnem, et caeterorum sensoriorum corpora conficit. Ex excrementis (nempe analectis five reliquiis, quasi fragmentis) ossa, nervos, pilos, ungues, ungulas, et reliqua generis ejusdem constituit. Quamobrem haec ultima efficiuntur, cum*
jam

EXERCITATIO QVINQVAGESIMAQVINTA. 431

jam suppetit excrementum naturae. Ac proinde duplicem alimenti rationem statuit; alteram nutriendi, alteram augendi. Nutriens, inquit, est, quod esse praebeat et toti et partibus; augens, quod accessionem ad magnitudinem faciat.

Secundum id quod in ovo reperimus; ubi albumen, tanquam alimentum sincerius, ad primam pulli nutritionem facit, vitellus eidem augendo cibus est. Et tenuius quidem albumen, ut diximus, partibus primis et praestantioribus efformandis; albumen vero crassius et vitellus partibus dignioribus augendis, minorisque praestantiae corporandis inserviunt. Ait enim: *Nervi etiam eo modo quo ossa instituuntur, et ex eodem, videlicet ex seminali excremento et nutritivo. Sed ungues, pili, cornua, rostra avium, calcaria, et si quid ejusmodi aliud est, ex cibo gignuntur adventitio et auctivo, quem tum a foemina tum de foris sibi acquirunt.* Indeque tandem causam reddit, cur homo, cum caetera animalia integumentis et armis a natura donata sint, nudus et inermis proveniat: nempe, quod partes ejusmodi ex excrementis sive reliquiis constent, hominis vero sincerior materia sit, *minimumque in eo excrementum terrenum sive incoctum* reperiatur.

Atque haec quidem de generationis ordine ex Aristotele recensuimus. Quae omnia uni fundamento innixa videntur, naturae scilicet perfectioni, quae in operibus suis nihil minus nil superfluum admittit, sed semper quod melius fuerit operatur. Ideoque nullae partes in generatione vel antecedunt vel subsequuntur, si eas simul gigni praestiterit. Nempe quoties libere et elective agit. Interdum enim quasi coacta et praeter institutum secus operatur; idque si, vel materiae defectu aut abundantia, vel instrumentorum vitio, vel ab externis injuriis impedita sine suo frustrata fuerit. Atque hinc aliquando evenit, ut partes finales instrumentalibus prius generentur: finales appello, quae caeteris ceu instrumentis utuntur.

Et quoniam partes aliae genitales sunt, quibus natura ad aliarum generationem utitur, aut ad tollenda impedimenta, quibus manentibus generatio recte procedere nequit; aliaeque aliam rationem obtinent; ideo accidit, ut, pro materiae dispositione reliquisque requisitis, partes diversimode aliae aliis prius gignantur; et earum aliae quidem prius inchoentur, sed posterius perficiantur; aliae prius et inchoentur et perficiantur; aliae vero simul inchoentur, sed serius perficiantur. Ac propterea in generatione quorundam animalium non idem semper ordo est, sed alius aliusque; in quibusdam quoque nullus; sed omnes partes simul et incipiunt et perficiuntur; nempe per metamorphosin, ut pridem diximus.

Hinc denique accidit, ut pars primogenita sit ejusmodi, in qua tum principium infit tum finis, tum id cujus gratia omnia fiunt (nempe anima), tum id quod est ejus causa potissimum et genitale. Cor itaque, sive nostro arbitrato sanguis, est prima animae sedes, fons vitae et focus perennis, calor genitalis, ipsumque adeo calidum innatum; primum partium suarum omnium instrumentalium efficiens, animamque pro fine fortitum, quae illis omnibus ceu instrumentis utatur. Cor, inquam, est ex sententia Aristotelis cujus causa partes cunctae in animalibus fabricantur, idemque earum omnium principium simul et opifex existit.

EXERCITATIO QVINQVAGESIMASEXTA.

De ordine partium in generatione, ut ex observationibus constat.

VT tandem sententiam nostram de partium ordine proponamus, sicut eum ex variis nostris observationibus collegimus; visum est totum generationis negotium (idque in omnibus animalibus) in duas fabricas dispescere.

Quarum

EXERCITATIO QVINQVAGESIMASEXTA. 433

Quarum prima est ovi; conceptus nempe et feminis, vel ejus quidquid fit, quod *in sponte nascentibus* femini proportionem respondet; five *calidi nativi coelestis in humido primogenio*, cum Fernelio; five cum Aristotele, *vitalis caloris in humore comprehensi* nomine veniat. Conceptus enim, ut diximus, in viviparis analogus est femini et fructui plantarum; quemadmodum et ovum in oviparis; in sponte nascentibus vermis; vel bulla aliqua conclusae humiditatis calore vitali praegnantis. Quibus omnibus idem inest, unde vere femina dicantur; nempe ex quo et a quo (tanquam materia, opifice, et organo prius existente) omne animal primo fit et nascitur.

Altera vero fabrica est foetus ex femine seu conceptu geniti. Quippe et materia, et causa movens atque efficiens, instrumentaque operationi necessaria, prius sint oportet quam operis quidquam inchoatum fuerit.

Ovi fabricam jampridem vidimus: ista autem foetus, quatenus ex dissectionibus observare licuit, in animalibus praesertim perfectioribus et sanguineis quatuor potissimum gradibus five processibus perficitur: quos, pro vario generationis tempore, in totidem ordines redigemus; idemque quod in ovo conspicitur in omni pariter conceptu atque femine inesse demonstrabimus.

Primus processus est partis primogenitae et genitalis; sanguinis scilicet cum suis conceptaculis, five mavis cordis cum suis venis.

Atque haec pars duabus praecipue causis primo gignitur; tum quia est pars principalis, quae caeteris omnibus ceu instrumentis utitur, cujusque gratia reliquae partes factae videntur; tum etiam quia est pars praecipua genitalis, caeterarum origo et auctor. Pars, inquam, in qua tum principium, unde motus, tum finis fit; idem, pater et rex.

In hujus primae partis generatione (quae quarto die in ovo perficitur) quamquam ordinem aliquem observare non potui,

quod omnes ejus particulae (sanguis nempe, venae et vesicula pulsans) simul appareant; crediderim tamen, ut dixi, sanguinem prius inesse quam pulsum; et eundem propterea ex naturae lege priorem esse suis conceptaculis, venis scilicet. Cordis enim substantia et fabrica, nempe conus cum ventriculis et auriculis, ut diu postea cum visceribus aliis generatur, ita quoque in eorundem classe, tertia scilicet, recenseri debet.

In hac constructione, venae prius quam arteriae sunt conspicuae, saltem quantum nobis observare licuit.

Processus secundus, qui post quartum diem incipit, est primi cujusdam concrementi, quod ego vermiculum seu galbam dixerim; vitam enim et motum galbae obscurum prae se fert: idque, prout in mucosam substantiam coalescit, in duas partes dividitur; quarum major et superior conglobata, atque in tres vesiculas distincta conspicitur, cerebri nempe, cerebelli, et alterutrius oculi: minor autem (carinam referens) venae cavae superioritur, et secundum illius ductum protenditur.

In capitis fabrica oculi primum discernuntur, mox apex albus pro rostro eminet, et circumficescente uligine membrana obducitur.

Reliqui quoque corporis adumbratio eodem tempore succedit. Primo super carinam quasi navis latera assurgere videntur, similari quidem ab initio consistentia, postea vero lineae albissimae costarum ductum indicant: deinde membra motoria, pedes scilicet et alae exoriuntur: tandemque carina atque artus ei adnascentes in musculos ossa et articulos distinguuntur.

Duo ista capitis corporisque rudimenta simul apparent et distinguuntur; at vero postea cum crescunt et perficiuntur, corpus citius multo augetur et efformatur quam caput; adeo ut hoc, quod ab initio totum reliquum corpus magnitudine superabat, eodem jam longe minus sit. Idemque pariter in foetu humano usu venit.

Similis

EXERCITATIO QVINQVAGESIMASEXTA. 435

Similis quoque disparitas contingit inter corpus et artus. Nam in foetu humano (ab eo tempore quo embryo longitudinem unguis digiti auricularis non excedit, donec ad ranae aut muris magnitudinem auctus fuerit), brachia breviora sunt quam ut extrema digitorum super pectus extensa sese invicem attingere possint: et minora crura quam ut reflexa super abdomen ad umbilicum usque perveniant.

Quinetiam in recens natis proportio corporis ad artus tantisper major est donec stare et incedere valeant. Ideoque infantes primum pomiliones sunt, et instar quadrupedum repunt, cunctisque artubus innixi gressum quasi tentant; incedere autem nequeunt donec tibiaram crurumque prolixitas reliqui corporis longitudinem excefferit. Atque hinc fit, ut, cum primum ingredi nituntur, prono corpore (tanquam animal quadrupes) gradiantur, et vix quantum gallus gallinaceus sese erigere possint.

Ideoque inter homines adultos quoque contingit, ut longuriones, quibus crura et praesertim femora longiora sunt, facilius ac diutius quam quadrati et trosculi stare, ambulare, currere, aut saltare queant.

In processu hoc secundo plurimae formatricis facultatis actiones ordine invicem subsequentes observantur (quemadmodum in automatis sive ultroneis machinis cernimus, ubi rota rotam movet sequentem); omnesque partes ex eadem mucosa et similari materia oriuntur. Non quidem, ut nonnulli physici exponunt, cum dicunt^a, *simile ferri ad simile: verum dicendum partes moveri, non mutantes locum, sed manentes et alterascentes mollitie, duritie, colore, et reliquis partium similiarium differentiis; factae jam actu, quae ante erant potentia*. Nempe artus, spina, reliquumque corpus, augentur simul et formantur, delineantur una et colorantur; membrorum item ossa,

^a De gen. anim. lib. ii. cap. 4.

carnes, nervi, et cartilaginee, quae singulae in ortu primo fimilares erant et uniuersimodae, in progressu postea distinguuntur; junctaeque inter se organa constituunt, ex quibus continuatione mutua corpus integrum fabricatur. Ita in capite circumcrescente membrana, ex aqua limpidissima cerebrum concinnatur atque oculi expoliuntur.

Natura nempe ex eodem illo nutrimento (non autem, ut multi volunt, ex diverso et cuique particulae suo simili) partes omnes alit augetque, ex quo constituit ab initio. Scilicet, dum eandem mucaginem sive galbam auget, instar figuli, materiam dividit primo; mox trunco, capiti, atque artibus suas cuique partes designat: more pictoris, prius delineat, deinde colores allinit: et, tanquam naupegus, carinam primum pro fundamento substituit; postea costas et sternum ceu tectum superstruit; atque ut ille navim, ita natura corporis truncum fabricat et artus appendit. In eoque opere partes omnes fimilares (puta ossa, cartilaginee, membranas, carnem, nervos, et caetera) ex eodem primitivo glutine sive mucagine orditur. Initio enim crassae fibrae efformantur; eademque mox nervosae, postea cartilagineae et spinosae redduntur; ac tandem in ossa indurantur et concresecunt. Similiter membrana crassior cerebrum investiens primum cartilaginosa, deinde ossa evadit; dum tenuis in tunicam atque cutem crassescit. Eodemque ordine caro et nervus ex molli mucagine in musculos, tendines, ac ligamenta excoquantur: cerebrum et cerebellum ex limpidissima aqua in coagulum callosum densantur; quippe cerebrum infantium (priusquam fincipitis ossa firmantur) molle ac diffuens apparet, nec magis cohaeret quam lactis coagulum.

Tertius processus est viscerum; quorum generatio post corporis delineationem (nempe circa sextum aut septimum diem) in pullo discernitur, eodemque fere tempore omnia apparent; scilicet

EXERCITATIO QVINQVAGESIMASEXTA. 437

scilicet jecur, pulmones, renes, cordis cornus et ventriculi, simulque intestina. Oriuntur autem initio e venis iisque adnascuntur, quemadmodum fungi arborum corticibus; primumque, ut dixi, apparent alba, exsanguia, et mucilaginosa, donec muneri publico accinguntur. Intestina cum ventriculo primum, seu filamenta alba et tortuosa, per longitudinem alvi porrecta reperiuntur; et una cum iis os fabrefactum cernitur, a quo ad anum usque continuo ductu summa imis copulantur. Genitalia quoque circa idem tempus apparent.

Haecenus autem viscera omnia et intestina intra corporis cavum non reconduntur, sed foris pendula et quasi venulis at-texta prominent; imo vero et cor ipsum. Truncus enim corporis etiamnum, instar scaphae vel aedificii sine tecto, conspicitur: quippe necdum partibus anterioribus, pectore nempe et abdomine, occluditur.

Quamprimum vero sternum apponitur, cor in pectus, seu aedificium a se exstructum sibi prae paratum, ingreditur, in eoque absconditur; et, tanquam lar familiaris, ambientis jam domus patrocinium suscipit; eandemque cum famulantibus sibi pulmonibus inhabitat. Jecur postea et ventriculus inter hypochondria reconduntur; tandemque intestina alvus amplectitur. Propterea in ovo gallinaceo post incubationis diem decimum non amplius (citra dissectionem) cor pulsans cernitur.

Sub haec tempora rostri apex et ungues albissimi emergunt: simulque in ventriculi cavitate materia chylosa; in intestinis excrementum quoddam conspicitur, et hepati jam inchoato fel viride adnectitur. Quibus clare patet aliam aliquam concoctionem alimentique praeparationem (quarum haec sunt excrementa) et nutritionem fieri quam per venarum umbilicalium propagines: subitque merito dubitatio, quomodo bilis (secundae coctionis excrementum) jecoris opera a reliquis hu-

humoribus fecerni queat, cum ipsamet eodem tempore una cum jecore nascatur?

Ordine jam dicto partes interiores universim generantur; quippe in omnibus quae dissectui animalibus eodem modo atque ordine procreantur; praesertim in perfectioribus, quadrupedibus atque ipso adeo homine. In quibus secundo, tertio, et quarto mensibus, cor, jecur, pulmones, renes, lien, et intestina, inchoata atque aucta apparent, simulque colore albo praedita, quemadmodum et totum corpus albicat. Quapropter non immerito primi illi dicuntur in lacte dies: viscera enim reliquaeque partes omnes tanquam spermaticae visuntur, praeter venas praecipue umbilicales.

Arterias umbilicales post venas cognomines oriri arbitror: quod illae primis mensibus vix reperiantur, et e ramis ad utrumque crus descendentibus ortum ducant. Ideoque haud prius quam pars corporis (unde oriuntur) constituta sit existere crediderim. Venae autem umbilicales multo ante conspicuae sunt quam quidpiam corporis inchoatur.

Quae jam dixi ex plurimis cujuslibet fere magnitudinis embryonum humanorum dissectionibus rata habeo: quippe a magnitudine gyrini ad septem vel octo digitorum transversorum longitudinem diligentissime observavi, indeque usque ad partum. Praecipue vero, secundo, tertio et quarto mensibus, quo tempore mutationes plurimae contingunt et generationis ordo luculentius apparet.

In embryone igitur humano aetatis duorum mensium eadem, quae supra in processu secundo diximus, inchoata conspiciuntur. Quippe primo mense vix quidquam conceptus in utero exstare arbitror; saltem nihil unquam reperi. Labente vero eodem mense, conceptum rejectum saepius vidi (similem ei, quem e tibia excussit Hippocrates memorat) ovi phasianae magnitudine aut columbini; eratque instar ovi excorticati,
forma

forma nempe ovali: membrana autem craffior (chorion dicta) eum ambiens foris ceu mucore albo obfita conspiciebatur, praefertim parte obtusiore, intus vero lubrica apparuit aqua limpida lentaque plena; praeterea nihil inerat.

Secundo menſe ovum ejusmodi ſed majus ſaepe conſpexi cum abortus indiciis rejeſtum, lochiis ſcilicet ichorofiſ; idemque aliquando integrum, aliquando ruptum, thrombiſ ſanguineis opertum. Intus laeve erat et lubricum, ſanguine foris adhaerente; eademque forma qua prior comparuit. In horum rejeſtorum quibuſdam foetum inveni, in aliquibus nulum. Foetus ille longitudine quidem unguem digiti minimi, forma vero ranulam referebat, praeterquam quod magno capite et pedibus breviffimis eſſet; inſtar gyrinorum menſe Junio cum artus primum pullulant, caudam amittunt et ranae imaginem induunt. Tota ejus ſubſtantia alba, adeoque mollis et mucilaginofa apparuit, ut, niſi aquae limpidae inditam, manibus tractare non potuerim. Facies eadem erat, quae aliorum animalium, canis nempe vel felis, ſine labiis, largoque oris riſtu ad aures uſque patente.

Pleraeque mulieres, quarum conceptus (inſtar ovi ſubventanei) irritus et ſine foetu eſt, tertio menſe abortiunt.

Ejus aetatis abortum ſaepe diſſecui (ad ovi anſerini magnitudinem) cui inerat foetus omnibus ſuis partibus diſtinctus, rudi tamen forma. Apparebant quidem caput, oculi atque artus, muſculi vero indiftincti erant; oſſa nulla, ſed eorum loco lineamenta quaedam alba, et veluti cartilagineſ mollioreſ; cordiſ ſubſtantia albiffima, cum duobus pariſ magnitudiniſ et craſſitiei ventriculiſ, et bicipiti cono; (parvoſ nucleoſ gemelloſ dicereſ); jecur valde exiguum atque idem album. Toto hoc temporis ſpatio, trimeſtri ſcilicet, vix quidquam placentaſ ſive hepatiſ uterini conſpicitur.

In omnibus hujusmodi conceptibus, quos quidem viderim, membranam ambientem ingenti aquosae substantiae copia repletam deprehendi: in qua natans embryo tam exigua corporis mole est, ratione loci in quo degit, adeoque longo ac flexuoso umbilico gaudet, ut aquam illam nullo modo sudorem vel urinam dici oportere, sed potius (instar colliquamenti in ovo) pro nutrimento a natura constitutam esse sit verisimile. Nul- lum enim indicium reperire licuit, quo conceptum illum sive ovum utero adhuc connexum fuisse crederem; solummodo parte ovi hujus obtusiore externa superficies rugosior crassiorque apparuit, tanquam placentae jam futurae rudimentum.

Porro, conceptus isti mihi videbantur quasi ova quaedam, quae intra uterum solum foverentur, propriaque indole (instar ovi in utero gallinaceo) augerentur.

Quarto autem mense mirum dictu quantum foetus accre- verit! jam enim a pollicis longitudine ad spithamae amplitudi- nem auctus est: membra quoque omnia distincta apparent et sanguine tinguntur, artuum musculi et ossa discernuntur, un- guium etiam vestigia conspicua sunt, seque ipsum valide mo- vere embryo incipit. Caput tamen prae grande est, facies sine labiis buccis et naso, rictus oris ingens cujus medium lingua occupat, oculi parvi sine palpebris, membrana frontis medi- um totumque verticem operiens nondum cartilaginea nedum ossa evadit, occiput vero duriusculum et quasi cartilaginofum calvariae soliditatem jam inceptam indicat.

Genitalia quidem comparebant, verum testiculi intra abdo- men (ubi foemellis uterus) locabantur manente scroto inani. Muliebria imperfecta visebantur, uterusque cum suis tubulis formam uteri agnini bicornem referebat.

Placenta nunc auctior uteroque affixa conceptus fere medi- um comprehendebat, mihi que videbatur quasi carnosae uteri excrecentia seu fungus: adeo in toto ambitu pars ejus gibba
utero

EXERCITATIO QVINQVAGESIMASEXTA. 441

utero jam crassiori reddito firmiter adnascatur. In hanc ramuli umbilicales (ceu radices in terram) spargebantur; eaque mediante conceptus nunc primum utero adnectebatur.

Cerebrum amplum et fluidum coagulum referebat venis majusculis refertum. Cordis ventriculi ambo ejusdem magnitudinis, eorumque parietes aequaliter crassi. In pectoris regione intra costas tria loca concava nec multum inaequalia visa sunt, quorum infimum pulmones sanguinolenti similique cum jecore et renibus colore possidebant; medium cor et pericardium occupabant; superiorem vero partem glandula, quam thymum dicimus, praegrandis complebat.

In ventriculo chylus reperiabatur non absimili substantia ab aqua in qua natat. Inerat quoque coagulum album simile strigmentis illis albis et mucosis, quae obstetrix in recens natis (e cutis praesertim plicis) statim a partu abluit. In superioribus intestinis excrementi vel chyli aliquid, in inferioribus papaverculum. In vesica urina reperiabatur, sicut et bilis in vesicula ei destinata. Intestinum coecum (perinde ac in adultis), quasi coli appendiculum, vacuum erat et superfluum; non autem, ut in aliis animalibus (nempe porco, equo, lepore), tanquam alter ventriculus. Omentum ceu velamentum aut nebula tenuissima ac transparens super intestina omnia fluitabat.

Renes eo tempore non formantur in gibbum, ut in adultis, sed ex multis quasi globulis compinguntur (quales in vitulo conspicimus et turfione), tanquam singulis ureterum divaricationibus ad earundem orificia totidem globuli aut papillae apponerentur, e quibus urinam emulgerent. Supra renes glandulae binae reperiuntur (ab Eustachio primum observatae) plurimo sanguine scatentes; earumque vena, quam adiposam anatomici vocant, non multo minor ipsa emulgente apparet. Jecur et lien secundum proportionem uterque sanguine aequo plenus.

Notandum hic obiter in omni foetu humano vegeto et sano lac perfectum passim reperiri; eodemque maxime thymum glandulam abundare. Reperitur etiam in pancreate, et per totum mesenterium, in quibusdam quasi venis lacteis, glandulisque inter divaricationes venarum mesaraicarum positis. Quinetiam ex infantium recens natorum uberibus aliquando exprimitur, imo sponte effluit; idque ad sanitatem facere obstetrices aliquae opinantur.

Et, ut clare constet aquam illam, quae in conceptu abundat, non esse embryonis excrementum aliquod, sudorem nempe vel urinam; eadem minore copia pro proportionem cernitur prope partum (quando foetus est grandior, eoque nomine excrementi plus accumulat, cum alimento copiosiore utatur) quam primis praegnationis mensibus. Adde insuper vesicam eo tempore urina plenam et distentam esse. Profecto transitum illum (quem urachum anatomici appellant) urinam, ut putant, e vesica per umbilicum educentem nunquam invenire potui; saepe vero observavi vesicam manu compressam urinam foras per penem, non autem per urachum profundere.

Atque haec quidem de humano foetu a me observata, quatenus ad ordinis partium in generatione notitiam faciunt, dicta funto.

In quarto ultimoque processu infimae conditionis atque ordinis partes efformantur: nempe quae non simpliciter ad ipsum esse aut conservationem animalis spectant, sed solummodo ad tutelam contra injurias externas vel ad ornatum vel pugnam.

Ad tutelam ejusmodi pars extima cutis scilicet potissimum instituitur, omniaque quae ex illa oriunda sunt, nempe cuticula, pili, lana, plumae, squamae, crusta, testa, ungues etiam, ungulae, et si quid hujusmodi, in hunc censum veniunt.

Et

EXERCITATIO QVINQVAGESIMASEXTA. 443

Et prudenter sane a natura, quae nihil unquam frustra molitur, institutum est, ut partes illae ultimo generentur, quarum usus non nisi post ortum contra mala forinfecus advenientia requiritur. Ideoque pullus gallinaceus lanugine solum, necdum plumis vestitus prodit (ut aliae aves, quae ad volandum quamprimum paratae sunt); quia ultro citroque obambulando pedum potius quam alarum usu victum quaeritat. Similiter, anatum atque anserum, qui natando cibantur, plumae et alae tardius perficiuntur quam pedes: contra quam hirundinibus evenit, quae volare prius quam pedibus uti norunt, quod volando pabulentur.

Generatur itaque lanugo in pullo gallinaceo post decimum quartum diem, perfecto jam foetu omnibusque partibus instructo. In plumarum autem exortu primo quasi puncta quaedam in cute cernuntur, postea vero plumulae, veluti e terra herbae, excrescunt, tandemque explicantur et totum corpus circumvestiunt, contraque aëris inclementiam tutantur.

Differunt plumae a pennis forma, usu, et nascendi loco atque ordine. Pulli enim prius sunt plumigeri quam pennigeri: quippe pennae in alis tantum et uropygio reperiuntur, ac profundius ex ima cutis parte vel ex ipso periosteio enascuntur, motuique inserviunt; plumae autem e summa cute oriuntur, et ubique munimenti gratia adfunt.

Ungues, pili, cornua, et similia, inquit Aristoteles^a, gignuntur ex cute: quo fit, ut ipsa colorem pariter cum cute immutent: alba enim et nigra, et vario modo diversa, pro colore cutis redduntur. Haec autem in pullo nostro longe aliter se habent; cujuscunque enim coloris plumae fuerint, subjecta cutis non nisi unum exhibet. Quinetiam una eademque penna variis interdum coloribus miroque ordine tingitur, et ad pompam exornatur.

^a De gen. anim. lib. ii. cap. 4.

In humano foetu fimiliter cutis partesque omnes cutaneae ultimo loco perficiuntur. Ideoque inter initia nec labia, nec buccae, nec auriculae, nec palpebrae, nec nasus discernuntur; ultimoque omnium coalescit linea illa, qua labia superiora committuntur.

Nascitur certe homo nudus pariter et inermis; utpote quem natura animal sociale, politicum ac pacificum voluerit, rationeque duci maluerit quam vi trahi. Ideoque manibus et ingenio eum dotavit, ut acquisitis necessariis semet ipse vestiret et defenderet. Quibus enim animalibus natura robur concessit, iis arma quoque viribus consentanea attribuit; quibus autem illud denegavit, his ingenium, solertiam, miramque injurias evitandi dexteritatem largita est.

Ornamenta, ut apex, crista, palearia, et similia, quibus fastuosa animalia superbiunt, maribus potius ut plurimum tribuuntur quam foeminis; uti etiam arma, puta dentes, cornua, calcaria, et caetera, quibus ad praelia utantur. Suntque haec in maribus eo potissimum tempore conspicua, quo foemellarum venustas generandique desiderium eos primum urit. Juvenulis quidem defunt; senibus autem utpote inutilia exolefcunt.

Gallus noster gallinaceus, bellator egregius, quamprimum viribus generandique facultate pollet, calcaribus insignitur; et crista plumisque decoratur, quibus foeminas suas ad veneris obsequium pelliciat; et cum aliis maribus, non quidem inanis gloriolae aucupio, sed pro generis sui perpetuitate decertet: nempe, ut qui se suosque defendere melius possit, idem quoque caeteris ad speciei propagationem praeferatur. Siquidem cuncta animalia, quae armis instructa et belligera prae caeteris observamus, vel ob foetus tutelam, aut latibula, aut victum, sed potissimum foeminas possidendi gratia (idque generationis ergo) digladiantur: eademque victa, ut pompam fastumque di-

mittunt,

EXERCITATIO QVINQVAGESIMASEPTIMA. 445

mittunt, ita simul de foeminarum possessione decedunt, abjectoque animo prae moerore torpent; victor autem foeminarum praeda potitus exultat, victoriae gloria jactabundus.

Neque est adscititius aut paucorum dierum hic ornatus, sed perennis et naturae muneri debetur; quae non modo animalibus (et praesertim avibus) pingendis studiosa cernitur, sed et ipsos flores herbasque mira colorum varietate exornat.

EXERCITATIO QVINQVAGESIMASEPTIMA.

Paradoxa quaedam et problemata circa banc rem pensanda.

HACTENVS de generationis ordine a nobis dictum est; unde apparuit differentia eorum, quae per metamorphosin ab iis quae per epigenesin procreantur, item eorum, quae ex verme oriri dicuntur ab illis quae ex ovo: haec enim ex materiae preparatae parte corporantur, nutriuntur vero et augentur ex reliqua; illa autem corporantur ex tota materia: haec simul augentur et formantur, ac post ortum quoque incrementum sumunt et adolescunt; illa primum augentur, et ex eruca crescunt in aureliam, deinde formantur et consummata nascuntur animalia, ut papiliones, bombyces, et id genus alia. Ideoque Aristoteles, annotante Fabricio^a, *ut duplicem quodammodo ovi naturam, duplexque ovum in hoc genere constituit; ita duplicem ponit actionem, genitumque animal duplex. Etenim, inquit, ex primis ovis, quae primordia generationis sunt, vermis perpetuo gignitur: nimirum ex ovis muscarum, formarum, apum, bombycum, et caeterorum, in quibus quid fluidum continetur, et ex eo fluido toto vermis nascitur: ex secundis vero ovis, quae ab ipsomet verme fabricantur, papiliones gignuntur et exeunt; scilicet animal volatile, quod in putamine, seu folliculo seu ovo, continetur et concluditur, abruptoque folliculo exit: ut*

^a Pag. 46.

de locustarum ovis Aristoteles^a prodit. Denique haec successione partium perficiuntur; illa vero (nempe quae per metamorphosin fiunt) simul integra formantur. Eodemque modo generantur tam ea, quae sponte oriri dicuntur, et materiam suam primam primave exordia a putredine, coeno, rore, excrementis, vel partibus stirpium aut animalium, casu fortuito veniunt; quam illa, quae ex semine animalium congenerum proveniunt. Quippe omnibus viventibus id commune est, ut ex semine ceu ovo originem ducant; five semen illud ex aliis ejusdem speciei procedat, five casu aliunde adveniat. Quod enim in arte aliquando usu venit, id idem quoque in natura contingit; nempe, ut eadem casu five fortuito eveniant, quae alias ab arte efficiuntur; cujus rei apud Aristotelem^b exemplum est fanitas. Similiterque se habet generatio (quatenus ex semine) quorumlibet animalium; five semen eorum casu adfit, five ab agente univoco ejusdemque generis proveniat. Quippe etiam in semine fortuito inest principium generationis motivum, quod ex se et per seipsum procreat; idemque, quod in animalium congenerum semine reperitur, potens scilicet animal efformare. Verum de his postea uberius.

Ex dictis autem paradoxa quaedam expendenda veniunt. Cum enim in ovo macula prius dilatetur, colliquamentum concoquatur et praeparetur, plurimaeque aliae (non sine providentia) ad pulli formationem et incrementum instituantur, antequam quidpiam pulli vel ipsa primogenita ejus particula appareat; quidni utique credamus calorem innatum animamque pulli vegetativam ante pullum ipsum existere? Quid enim aliud effectus atque operationes vitae producat, quam illarum causa et principium efficiens; calor nempe et facultas animae vegetativae? Ideoque, non videtur anima esse actus corporis organici vitam habentis in potentia; talem enim actum formam

^a *De hist. anim. lib. v. cap. 28.*^b *Metaph. lib. vii. cap. 9.*

EXERCITATIO QVINQVAGESIMASEPTIMA. 447

pulli censemus. Cui autem alii, quam ipsi pullo, formam inesse putemus aut animam? nisi formas separatas esse dicamus, aut metempsychosin aliquam concedamus.

Hoc autem manifestissime apparet, ubi idem animal successionem formarum, ut ait Aristoteles, vivit; exempli gratia, eruca, chrysalis, papilio. Idem enim esse principium efficiens, nutrens, et conservans, in singulis his (licet sub diversis formis) necesse est; nisi aliam animam in puero, in adolescente aliam, aliamque in fene constituamus, aut eandem formam erucæ et necydali, ac papilionis et bombycis affirmemus. Qua de re Aristoteles^a accurate scripsit, et nos postea plenius dicemus.

Videtur præterea paradoxon sanguinem fieri et moveri spirituque vitali imbui, antequam ulla organa sanguifica vel motiva existerint. Nec minus novum atque inauditum inesse sensum ac motum in foetu, priusquam cerebrum exstructum fuerit; movetur enim foetus, contrahit, et explicat sese, cum pro cerebro adhuc nihil conspicuum est præter aquam limpida.

Adhaec, corpus nutritur et augetur, antequam organa coctioni dicata (ventriculus nempe et viscera) formantur. Sanguificatio etiam (quæ secunda coctio appellatur) perficitur ante primam (in ventriculo), quæ chylicatio dicitur. Primæ et secundæ coctionis excrementa (nempe in intestinis, atque urinae ac fellis vesicula) ipsis concoquentibus organis sunt coætae. Denique, non modo in vegetativa animæ parte, sed et ante animam ipsam, inest mens, providentia, et intellectus; quicuncta statim a prima origine ad pulli esse et bene esse disponunt, ordinant ac procurant, adque formam et similitudinem generantium arte effingunt.

Ad quam prolis similitudinem quod attinet, dubitare licet quid causæ sit, cur aliquando foetus similior patri, aliquando

^a De hist. anim. lib. v. cap. 19. et de gen. anim. lib. iii. cap. 9.

matri, aliquando etiam progenitoribus, iisque vel paternis vel maternis, reperiatur? praefertim, cum uno initu eodemque momento plura ova foecundentur. Est etiam hoc admirabile, virtutes et vitia, morbos quoque, stigmata et naevos a genitoribus in posteros transferri; idque in aliquos duntaxat foetus, non autem in omnes. In genere gallinaceo quidam generosi sunt et ad pugnam nati, qui mori malunt quam fugiendo adversariis cedere; eorum tamen nepotes, nisi parentibus similibus geniti fuerint, virtutem illam paulatim exuunt secundum illud: *fortes creantur fortibus*. In plerisque aliis quoque animalium speciebus, et praefertim hominibus, observatur generis nobilitas; multaeque iis animi et corporis dotes ex traduce adveniunt.

Illud saepe miratus sum, quare, cum prolem ut plurimum mistam quandam fabricam sive compositionem ab utroque parente obtinere videamus, idque in caeteris omnibus partibus, idem tamen in genitalibus non eveniat: sed plerumque aut mas aut foemina nascatur, rarissime vero hermaphroditus?

Denique multa infunt antequam appareant; et quaedam inter prima inchoantur, quae postremo perficiuntur, ut oculi, genitalia, rostrum.

Dubia quoque hinc et difficultates quaedam circa membrorum principatum partiumve dignitatem oriuntur, in quibus sese ingenia harum rerum studioforum exercent. Scilicet, num cor vitam et virtutem sanguini tribuat; an potius sanguis cordi. Vtrum sanguis corporis gratia sit, tanquam materia, nutrimentum, aut instrumentum; an vero corpus omnesque partes ejus sanguinis causa, animaeque primo ac principaliter in eo existentis, fabricentur. Similiter, utrum ventriculi cordis an auriculae ejus praestantiores sint; quippe has pulsare primo et vivere, ultimoque emori compertum est. Praeterea, num ventriculus sinister, qui in homine productior est, pariete
etiam

EXERCITATIO QVINQVAGESIMASEPTIMA. 449

etiam craffiore et carnofiore obvallatur, spirituumque origo creditur, fit praeftantior, calidior, spirituosior ac vivacior; an dexter, qui poftremo in morte enervatur et labafcit, majoremque fanguinis quantitatem intra fe continet, et in quo fanguis morientium ultimo concrefcit, fpirituque ac vita deftituitur; ad quem etiam (ceu principium) venae primae umbilicales fanguinem deferunt, eidemque originem fuam acceptam referunt.

Haec fcilicet ex obfervatione ordinis generandarum partium occurrunt; atque alia etiam, quae ex ipsis deducuntur, receptamque vulgo phyfiologiam haud parum turbant. Nempe, cum motum et fenfum ante natum cerebrum adeffe liquido cernamus, manifefturn eft non omnem motum atque fenfum a cerebro proficifci: fiquidem ex hiftoria conftitit, in prima ftatim fanguinis guttula in ovo, antequam quidquam corporis efformatur, fenfum motumque clare elucere. Prima quoque corporis fabrica five conftitutio, quam mucilaginofam diximus, priufquam membra ulla difcernuntur, cumque cerebrum nil aliud quam aqua limpida eft, fi modo leviter pungatur, infar vermis vel erucæ, fe fe obfcure movet, contrahit, et contorquet; ut sentire ipfam evidenter pateat.

Sunt et alia a motu fenfuque deducta argumenta; unde non tam cerebrum cum medicis, quam ex Ariftotelis fententia cor ipfum effe primum principium judicemus.

Motus et actiones, quas medici appellant naturales, quod illae nobis etiam nolentibus contingant, neque eas moderari, accelerare, retardare aut inhibere pro arbitrio noftro poffimus, ideoque a cerebro non dependent; illae tamen prorfus citra fenfum non fiunt, fed eundem fubeffe indicant, utpote a quo excitentur, irritentur et permutentur. Nempe in corde ipfo, palpitationem, tremorem, lipothymiam, fyncopen, pulfusque omnes alterationes, in magnitudine, celeritate, ordine five

rhythmo, et similibus, a morbificis causis alterantibus sensumque laedentibus fieri arbitramur. Quidquid enim contra irritamenta et molestias motibus suis diversis nititur, id sensu praeditum sit necesse est.

Ventriculus et intestina a pravis humoribus laceffita nauseam saepe, ructum, rugitum, vomitum et fluorem alvi concitant: eosque motus ut nec sistere nec provocare in potestate nostra situm est, ita nec sensum aliquem a cerebro dependentem novimus, qui partes illas ad actiones ejusmodi existimulet.

Mirum profecto est, quod ab infusione antimonii epota usu venit, quam nec gustu distinguimus, nec deglutitione aut rejectione molestam sentimus; ventriculo tamen sensus quidam inest, quo noxium ab utili discernat, indeque ad vomitum provocetur.

Quin caro etiam ipsa ictum venenatum a non venenato facile distinguit; ideoque constringit sese et densatur, unde tumores phlegmonodes excitantur, ut videre est in ictibus apum, culicis, et aranei.

Ipfemet aliquando experiendi causa manum acu pupugi; mox eandem acum aranei dente confricans manum alio loco perforavi; nec potui quidquam discriminis inter duas has punctiunculas internoscere. Erat tamen in cute quod discerneret; quippe eodem loco, ubi venenata punctio contigerat, subito sese in tuberculum contraxit, induitque mox ruborem, calorem atque inflammationem, tanquam ad pugnam et nocentis mali expugnationem se roboraret et accingeret.

Matricis laesiones, nempe contorsio, decubitus, prolapsus, ascensus et suffocatio, aliaeque incommoda et irritamenta a cerebro, sive sensu communi, non dependent; nec tamen citra omnem sensum evenire ea existimandum est. Quidquid enim sensus plane expers est, non videtur ullo modo irritari, aut ad motum

EXERCITATIO QVINQVAGESIMASEPTIMA. 451

motum, actionesque aliquas edendas, excitari posse. Nec certe alio indicio animatum quid et sentiens a mortuo sensuque carente internoscimus, quam per motum a re aliqua irritante excitatum, qui sensum continuo et sequitur et arguit.

Verum de hac re amplius, ubi de actionibus et usu cerebri agitur, disputare aequum est. Priscorum autem virorum et antiquitatis ipsius reverentia nos monet, ut, quantum veritas patitur, illorum dogmata tueamur. Neque enim decet eorum opera et statuta temere despiciere aut floccifacere, quorum prae-lata face ad philosophiae adyta pertingimus. Quare ita censendum arbitror. Experimur in nobis sensus potissimum quinque esse, quibus de rebus externis judicamus: quoniam autem haud eodem sensu sentimus, quo nos sentire percipimus (oculis enim videmus, iis tamen non intelligimus nos videre); sed alio sensu organove sensitivo (nempe sensu communi interno), quo ea, quae per singula sensoria externa nobis advenerunt, dijudicamus, albumque a dulci et duro distinguimus; sensorium hoc commune (cui ab externis omnibus sensoriis species referantur) cerebrum esse manifestum est: quod una cum omnibus suis nervis, organisque externis iisdem adnexis, adaequatum sensationis instrumentum censetur. Estque instar radicis sensitivae, cui fibrae plurimae contigerunt, quarum una videt, altera audit, tangit tertia, aliisque olfacit et gustat.

Quemadmodum tamen actiones et motus quidam sunt, quorum regimen sive moderamen a cerebro non pendet, atque ideo naturales appellantur; ita quoque statuendum est dari sensum quendam tactus, qui non referatur ad sensum communem, nec cerebro ullo modo communicetur, ac propterea in ejusmodi sensu non percipimus nos sentire; sed, veluti iis evenit, quibus mens aegrotat, aut passione aliqua animi vehementi agitantur, ut dolorem nullum sentiant, neque ea, quae sensibus occurrunt, animadvertant; ita pariter in hoc sensu contingere credendum

dendum est, quem propterea a sensu animali distinguimus. Talem sensum in zoophytis five plantanimalibus (ut herba sensitiva, spongiis, atque similibus) observamus.

Quare, ut multa animalia tum motu tum sensu praedita sunt sine sensu communi aut cerebro; uti lumbrici, eruae, necydali, chrysalides, et alia; ita quoque actiones quaedam naturales in embryone nobisque etiam contingunt citra opem cerebri; et sensatio quaedam fit sine sensu. Atque, ut medici docent actiones naturales ab animalibus discrepare, ita pari ratione tactus quoque naturalis videtur differre a sensu tactus animalis, aliamque tactus speciem constituere: adeo ut iste [hic] sensui communi five cerebro communicetur, ille vero nequaquam.

Praeterea, aliud est musculus moveri aut contrahi, aliud vero eundem variis contractionibus et relaxationibus regulatis actionem aliquam perficere, utpote progressionem vel apprehensionem. Certe musculi vel organa motoria, in spasmus et convulsionibus a causa aliqua irritante, non aliter moventur quam gallus, aut gallina, quae detruncato protinus capite multis quidem pedum alarumque convulsivis motibus agitur, sed confusus omnino et irritis; quoniam potestas cerebri ablata est, et sensus communis evanuit, cujus antea moderamine, cum rhythmo et harmonia motus illi ad progressum aut volatum regulabantur.

Dicendum itaque arbitramur motus omnes naturales a virtute cordis profluere, et ab illo dependere; spontaneos autem, actionemque aliquam perficientes (quos medici animales vocant) sine cerebro et sensu communi regulante non fieri. Quemadmodum enim sensu hoc communi sentimus nos sentire; ita pariter sentimus nos movere, idque ordinate vel secus.

Vtriusque hujus motus exemplum in respiratione clare cerimus. Pulmones enim, cordis instar, motu naturali continuo

furfum

EXERCITATIO QVINQVAGESIMAOCTAVA. 453

furfum ac deorfum feruntur, ad tuffim etiam et frequentiore agitationem irritantur; vocem tamen proferre et moderari five canere nequeunt fine fensus communis auxilio et quasi juffu.

Verum ifthaec uberius (ubi de actionibus et ufu cerebri animaeque contemplatione agetur) tractanda veniunt. Haec autem hic obiter dicta funt, ut reverentiam clariffimis praeceptoribus debitam fervandi ftudium et voluntatem noftram fignificaremus.

EXERCITATIO QVINQVAGESIMAOCTAVA.

De nutritione pulli in ovo.

QVAM non fit temere negligenda veterum auctoritas vel hinc apparet: fuit olim celebris opinio (quam tamen, tanquam erroneam, plerique hodie rejiciunt, et Fabricius^a ceu deliramentum ftultamque opinionem impugnatum it) *embryonem in utero materno fugere*; habuitque Democritum, Epicurum, atque etiam Hippocratem adftipulatores. Et Hippocratis quidem ratio duobus potiffimum nititur argumentis; nam, inquit^b, *nifi fuxiffet, quomodo excrementa faceret, aut protinus a partu fugere noviffet?*

Atque hujus quidem perantiqui et celeberrimi viri in nuda verba alias jurare folent, fufficitque in aliis rebus, ἀντὶς ἔφη; hic vero (quod receptae vulgo fententiae diffentanea afferat) Fabricius non modo affirmantem, fed et argumenta producentem afpernatur. Hanc igitur Hippocratis fententiam, num obfervationes noftrae de generatione animalium neceffariam, nedum probabilem faciant, peritiffimorum anatomicorum et doctiffimorum medicorum judiciis relinquimus.

Omnes profecto fatentur foetum, dum in utero eft, copiofam aquam innatare (nos in ovi hiftoria liquorem hunc colli-

^a De form. foetu, pag. 19. et 134.

^b L. de carn. et de nat. pueri.

quamentum nominavimus), eandemque sudorem et humorem excrementitium foetus esse neoterici asserunt; huncque usum praestare aiunt, ut in ea natans foetus (interea dum mater currit, saltat, aut alio aliquo violento motu agitur) uterum non offenderet, vel ipsemet ad circumposita ossa allisus aut foris percussus laederetur; praesertim cum eo tempore membra ejus tenella et infirma sint.

Fabricius^a alias praeterea istius aquae utilitates adnectit; nempe, *ut vias omnes circumquaque madefaceret ac lubricas redderet, collumque matricis ad maximam dilatationem facile ac promptum efficeret; eaque omnia*, inquit, *non minus efficit crassum illud ei respondens tertiae coctionis album excrementum, unctuosum ac pingue oleosumque, antiquitus neglectum. Quod etiam et illud praestat, ne sudor, qui interdum acris ac sulfuginosus segregari potest, tenellum foetus corpus erodat.*

Agnosco libenter utilitatem ab omnibus positam; scilicet, ut tenellus foetus a subitaneis et violentis matris motibus indemnis sit, tuto adeo in alis vespertilionum, uti vocant, appenditur, et copiosa aqua circumcingitur, ut facile quovis etiam violento motu materna latera (propter utrimque collocata retinacula) tangere nequeat; saltem liquor iste circumambiens in medio libratum ab omni externo nocumento protegat. A Fabricio autem, quemadmodum in aliis plurimis, ita hic quoque ut seorsum sentiam observationes meae faciunt; quippe liquorem illum, quem diximus, foetus sudorem non esse certus sum. Nec crediderim aquam istam commoda illa praestare in partu, quae ipse memorat; multo vero minus liquorem hunc acrem et sulfuginosum esse adeo, ut unctuoso munimento foetui opus sit; praesertim ei, qui lana, pilis, vel plumis induitur. Est enim probi saporis et similis lacti aquoso; ac proinde statim a partu omnia fere vivipara eum absorbent, jamque natos foetus

^a Pag. 137.

EXERCITATIO QVINQVAGESIMAOCTAVA. 455

lambendo detergunt; humoremque, quem auferunt, avide devorant; cum foetuum excrementa ne attingant quidem.

Fabricius aquam hanc acrem et falsuginosam dixit, quod illam sudorem esse crederet. At quid, obsecro, incommodi pullo jam plumis vestito fudor afferat? si modo sudantem pullum unquam viderit. Neque, opinor, dixerit usum illius aquae in ovo esse, ut sua humiditate ac lubricitate pulli partum acceleret. Quanto enim ficcior et vetustior ovi cortex fuerit, tanto etiam fragilior ac friabilior evadit. Denique, si sudor pulli esset, is prope exclusionem abundaret magis; quo enim grandior est foetus et uberiori alimento utitur, eo plus sudoris quoque excernat necesse est. At vero paulo ante exclusionem pulli ex ovo, nempe circa diem decimum nonum aut vicesimum, nihil omnino ejusmodi humoris cernitur; quippe paulatim, crescente pullo, absumitur; ut inde alimentum potius, quam excrementum esse, si modo rem recte perpenderit, existimare debuerit: praesertim, cum dixerit, pullum in ovo respirare, vocem edere sive pippire; quod certe aqua circumdatus neutiquam praestiterit.

Sed neque in facilitando lubricandove partu (uti obstetrices expertae probe norunt) humiditates istae aquosae in secundinis, ut Fabricius voluit, magnopere profunt. Partes enim vicinae circa id tempus, quasi maturitate quadam sui, citra illius aquae profusionem laxantur; praesertim illae, quae maximo solent esse impedimento; nempe, ossa pubis et coccygis; circa quae praecipua in expediendo partu obstetricis cura versatur: minus enim unguentis emollientibus partes carnosas oblinere studet, ne lacerentur; quam coccygi extrudendo sedulo operam navat; idque, si manu non possit, speculo matricis periti chirurgi manu procurat; hujus enim instrumenti triplicis latere uno ad coccygem applicato, reliquisque duobus ad ossa pubis, per vim loca illa distendit. Nam proditurus infans, cum se vertit ca-

putque deorsum praecipitat, os uteri laxat et aperit; descendens vero, si ad coccygis apicem impegerit, haeret, aegreque prodit foras; non sane sine sui ipsius foetantisque discrimine. Naturae autem instituto laxari et emolliri partes illas manifestum est. Nam si, immisso digito, orificium matricis molle et laxum obstetrix invenerit, appropinquantis partus signum aestimat certissimum, etiam antequam aquae proruperint. Imò vero (experta prodimus) si quidquam vel post partum remanet ejiciendum, vel alio quovis tempore inest, quod uterus expellere conetur, orificium ejus tum inferius prolabitur, tum etiam molle et laxum reperitur; fin autem illud post partum sursum retractum et duriusculum inveniatur, salubritatis hoc est indicium.

Simili quoque experientia edoctus assero, ossa pubis saepe ab invicem in partu laxari, emollito eorum cartilaginosa connexu, totamque hypogastrii regionem ad miraculum usque ampliari; non quidem ab aquosae substantiae profusione, sed sua sponte, ut fructus maturi excludendis suis feminibus solent hircere. Quantopere vero coccyx partum remorari soleat, patet in quadrupedibus, quibus cauda appenditur; tales enim nequeunt vel foetum excludere vel ani excrementa emittere, nisi caudam sustulerint; quam si manu prehensam depresso, stercoreis exitum prohibebis.

Quinetiam partus naturalissimus habetur, cum foetus et secundinae una cum aquosa substantia, ceu ovum integrum, produnt. Nam si istae illae fuerint et aqua non profluxerit, contingit partes circumjacentes a parturientis nixibus magis distendi ac dilatari; tensione scilicet membranarum; quo fit ut foetus minore conamine citiusque elabatur ac prorepat; licet id majore matris cum dolore eveniat. Quo casu novimus parturientes interdum ab ingenti distensionis molestia, membranarum ruptura (sive obstetricis unguibus, sive forcipis opera ea contingat) effluente subito aqua, plurimum levari. No-

EXERCITATIO QVINQVAGESIMAOCTAVA. 457

Norunt quoque harum rerum gnarae obstetrices, si quando ante debitam uteri apertionem omnis aqua simul effluxerit, foetantem in partu diutius morari, ac difficilius fieri puerperium; quod contra tamen eveniret, si modo, ut Fabricius voluit, praecedentes aquae emolliendo et lubricando tantopere proficerent.

Porro humorem illum, quem nos colliquamentum appellavimus, foetus sudorem non esse, liquido constat, tum in ovo, tum caeteris etiam animalibus: quippe adest priusquam quidpiam foetus constituitur, aut vestigium ejus ullum exstat. Imo vero, quamprimum foetus conspicitur et etiamnum totus mucilaginosus ac perexiguus est, tam ingens tamen aquae hujus copia cernitur, ut tantilli corporis tantum excrementum dari plane impossibile videatur.

Accedit praeterea quod venarum umbilicalium fibrae in istius aquae amplectentem tunicam spargantur et terminentur, perinde atque in ovi albumina et vitellum; ut inde clare constet (modo rem ipsam, prout est, vere aestimaverimus), humorem illum alimentum potius, quam excrementum censendum esse.

Verisimilior itaque mihi videtur sententia Hippocratis, quam Fabricii et aliorum anatomicorum, qui liquorem illum pro sudore habent, noxamque foetui afferre statuunt. Crediderim, inquam, colliquamentum hoc aquamve, in qua natat foetus, ei pro alimento inservire; partemque ejus tenuiorem et sinceriorem, intra venas umbilicales haustam, primogenitas foetus partes constituere et augere; ex reliquo autem, ceu lacte, per suctionem in ventriculum deglutito, ibidemque cocto sive chylicato, et venarum mesaraicarum opera attracto, novellum embryonem nutriri et crescere. Idque ut credam libentius faciunt argumenta quaedam non invalida, quae nunc dicam.

Quamprimum foetus perfectionem aliquam nanciscitur, membra protinus movet, et organorum motui destinatorum ac-

tiones auspicatur. Videmus autem pullum in ovo intra aquam os aperire; quare necesse est humorem in fauces lapsum deglutiat. Quidquid enim intra fauces ultra linguae radicem ad gulae summitatem pertigerit; id nullum animal, citra vomitum, regerere posse certum est. Ideoque veterinarii, qui potiones medicatas aut morfellos pilulasve jumentis exhibent, prehensa eorum lingua, ultra hujus protuberantiam, ad radicem ipsam ingerunt; quo fit, ut, easdem quin devorent, evitare nequeant. Et si quis nostrum pilulam aliquam digito suo ad radicem usque linguae intromiserit, experietur subito ad deglutitionem ejus se compelli, nisi eandem vomitus impetu repulerit. Quamobrem si embryo in humore dicto natans os suum aperit, necesse profecto est aquam fauces ingredi; et si alios musculos movet, quidni credamus eundem pariter et faucium organis usum liquorem illum absorbere?

Quinetiam certum est, intra pulli ingluviem (talisque prorsus in omnium embryonum ventriculis cernitur) substantiam quandam, colore, sapore, et consistentia dicto jam liquori persimilem, reperiri; eandemque, in ventriculo aliquantulum coctam, lac coagulatum referre; quam etiam, chyli specie, in primis intestinis deprehendimus, inferiora autem intestina excrementis stercoreis referta sunt. Similiter in viviparorum foetibus intestina crassiora consimili excremento replentur, quali eadem, cum lacte vescuntur, abundare cernimus. In ovibus etiam, aliisque bisulcis, manifesta sunt scybala.

Circa diem decimum septimum, in pullo, prope anum, stercore evidenter reperi; quin eadem quoque foras intra secundinas egesta, paulo ante partum conspicatus sum. Idemque Volcherus Coiter diligens et peritus dissector a se observatum meminit.

Quid dubitemus igitur affirmare foetum in utero fugere; et in eo fieri chylicationem; cum ejus manifesta adsint tum principia tum rejectamenta?

Praeterea,

EXERCITATIO QVINQVAGESIMAOCTAVA. 459

Praeterea, cum eo tempore vesicam utramque bile et urina (quae secundae coctionis excrementa sunt) plenas videamus, quidni pariter coctionem primam, chylicationem nempe, praecessisse judicemus?

Embryo itaque per os victum quaerit et fugit. Idque facile deprehenderis, si ei statim ab utero exsecto digitum in os immiseris. Quod, teste Hippocrate, nequaquam faceret, nisi prius in utero fuxisset. Videmus enim nuperos foetus, tentando primum et periculum faciendo, res omnes aggredi; nempe, membra movere, incedere, et vocem proferre; quae postea, diutina assuetudine edocti, prompte et accurate peragunt. Foetus autem quamprimum in lucem editur, imo vero priusquam natus est, fugit; tanquam id in utero jam pridem egisset. Quippe experti sumus, eum in partu haerentem, antequam ejulare aut respirare possit, digitum ori admotum apprehendere et fugere.

Quinimo recens natus suctionem accuratius molitur, quam adultus, aut ipsemet per aliquot dies desuetus, queat. Neque enim infans papillam labiis comprimens fugit, ut nos, absorbendo; sed quasi deglutire vellet, totam in fauces usque attrahit, linguaeque et palati auxilio, tanquam manducando, lac emulget; majore profecto conatu atque arte quam adultus possit. Didicisse igitur longa consuetudine videtur, antequam natus esset, quod desuetudine tam brevi dediscere post natiuitatem experimur.

His, aliisque id genus observationibus verisimile fit pullum in ovo duplici modo nutriri; per venas nempe umbilicales et mesaraicas; per illas alimentum probe confectum haurit, unde sanguis et partes primogenitae constituentur et crescant; per has chylum trahit, in reliquarum partium fabricam et augmentum.

Quomodo autem contingat, ut idem agens ex eadem materia diversimode nutritionem instituat, cum natura nihil agat frustra,

frustra, ratio forsitan in occulto latet. Dabimus tamen operam ut eadem pateat.

Quae per umbilicales venas attrahitur, purior et sincerior pars est. Colliquamentum vero reliquum, in quo natat foetus, est veluti lac crudum, et purissima sui parte privatum. Sincerior itaque pars concoctione ulteriore non indiget, qua reliqua opus habet; ac propterea, in ventriculum porro recepta, in chylum transit. Simile huic est lac crudum et aquosum, quale in mammis statim post partum cernitur. Quippe albumen ovi colliquatum, et lac aquosum sive crudum in uberibus, ejusdem plane coloris, saporis, et consistentiae apparent. Primus enim lactis proventus serosus et aquosus est; et mulieres aquam prius e mammis exprimunt, quam lac in albedinem coctum et perfectum.

Ac propterea colliquamentum in pulli ingluvie repertum est lac quoddam crudum; idem vero in ventriculo coctum album et coagulatum cernitur. Similiter in viviparis, antequam lac in mammis coquitur, quasi ros quidam et colliquamentum apparet; e contra vero, colliquamentum, postquam in ventriculo coquitur, lactis faciem induit. Ita fit, ad mentem Aristotelis, ut ex tenuiore et sincera magis portione primae et principales partes condantur; ex reliqua autem deteriore, per novam in ventriculo coctionem, elaborata augeantur; simulque aliae sequioris ordinis constituantur. Sic natura, ceu benigna ac indulgens mater, abundare potius superfluis, quam in necessariis deficere maluit. Aut potius rationi consentaneum esse dicendum est, ut foetus jam perfectior perfectiore quoque modo, per os scilicet, enutriatur, alimentumque perfectius, et duabus praecedaneis coctionibus purius redditum, utpote a duobus excrementorum generibus defaecatum, hauriat. Initio quidem per umbilicales radices alitus plantae vitam quandam degit; unde corpus crudum, album, atque imperfectum conspicitur;

EXERCITATIO QVINQVAGESIMANONA. 461

spicitur; et, plantae instar, immobile atque iners manet. Quamprimum vero per os eodem alimento ulterius elaborato fruitur, quasi spiritu diviniore gaudens et sublimiore exsultans vegetationis gradu, mucago dicta in carnis naturam transit, motiva organa distinguuntur, spiritus locupletantur, motumque orditur; nec jam amplius, plantarum more, per radices, sed, animalis instar, per os nutritur et illius vitam degit.

EXERCITATIO QVINQVAGESIMANONA.

De totius ovi utilitatibus.

ENARRATIS jam mutationibus iis et processibus, qui in ovo gallinaceo ad foetus productionem requiruntur, Fabricius ad totius ovi partiumque ejus utilitates progreditur; nec solum ovi gallinacei, sed et reliquorum omnium. Quæritque una, cur quaedam ova heterogenea sint, et ex diversis partibus composita; alia vero homogenea et similiaria? qualia sunt ova insectorum, eorumque quæ ex toto ovo oriuntur, nempe per metamorphosin, non autem ex parte ejus gignuntur, ex parte vero nutriuntur, ut priora.

Mihi autem de ovis omnibus generatim agere non est animus, quod nondum eorum historiam exposuerim; sed ovorum gallinaceorum duntaxat, eorundemque partium utilitates proponam. Quæ omnes eo spectare debent, quo totius ovi actio; quam pulli generationem et augmentationem esse Fabricius vere innuit^a.

Atque inter ea, quæ totum ovum spectant, *figuram, quantitatem, et numerum* ovorum recensuit. *Figuram ovi rotundam* ait^b, *ut in minimo spatio tota pulli moles contineatur; propter quam causam Deus rotundum mundum fecit, ut omnia*

^a Pag. 50.

^b Lib. x. de usu par.

complecteretur: atque ob eandem causam haec figura, teste Galeno, naturae semper exstitit amicissima et convenientissima. Praeterea, cum non habeat angulum externis injuriis expositum, ideo tutissima est, et ad ejusdem exclusionem opportunissima. Causa itaque assignanda erat, cur gallinarum ova non sint sphaerica (proinde atque piscium, vermium, et ranarum), sed oblonga, et acuminata: quid sit nempe, quod in his figurae perfectionem impediatur. Figura mihi quidem videtur nullius esse ad pulli generationem efficaciae, sed talem accidentaliter contingere; eoque magis, quod tam varia formarum discrimina etiam in ovis gallinaceis spectentur. Variant scilicet pro uteri figura, a quo, ceu proplasmate, ut diximus, formam mutantur.

Aristoteles quidem ait^a, ova oblonga foeminas, rotundiora autem mares producere. Ego vero super hac re nihil adhuc explorati habeo. Quin Plinius contrarium asserit: *Foeminam*, inquit^b, edunt, quae rotundiora gignuntur; reliqua marem. Profecto, si certi aliquid in hac re contingeret, quaedam gallinae semper mares gignerent, aliae foeminas; siquidem quarundam ova omnia unius formae sunt; nempe vel rotunda, vel fastigio acuminata. Et oblonga potius mares producerent, nam illa perfectiora magisque concocta habentur, eademque propterea gratioris saporis putavit Horatius Flaccus^c.

Rationes pro ovorum figuris a Fabricio allatas, quod invalidae sint, lubens praetereo.

Magnitudinem ovi quod attinet, ea amplitudini foetus ex eo generandi conducere videtur; quippe magnarum gallinarum grandia ova cernimus. *Crocodylus tamen parit^d ova, quanta anseres; nec aliud animal ex minori origine in majorem crescit magnitudinem.* Verisimile autem ovi amplitudinem et liquo-

^a Hist. anim. lib. vi. cap. 2.^b Lib. x. cap. 52.^c Plin. ibid.^d Ibid. lib. viii. cap. 25.

rum in eo copiam nonnihil ad foecunditatem facere; quoniam perpufilla ova, centenina dicta, omnia infoecunda cernimus.

Ovorum numerus eandem utilitatem praestat, quam conceptuum copia in viviparis solet: quippe hoc pacto speciei consulitur perennitati. Natura enim iis fere animalibus numerosos foetus largitur, quae viribus animisve imbecillia ab aliorum injuriis aegre se tutantur; adeoque vitae breviter copiosa prole compenfat. *Tribuit hoc avium generi natura*, inquit Plinius^a, *ut foecundiores essent fugaces earum, quam fortes*. Cum enim generatio quaelibet perpetuitatis gratia a natura instituatur, frequens iis contingit, quae brevioris aevi sunt et externis injuriis obnoxia, ne species deficeret. Ideoque aves, quae robore pollent et ex raptu vivunt, adeoque diuturniore ac securiore vita fruuntur, raro plus quam bina ova edunt. Columbae quidem, turtures et palumbes, bina duntaxat ova simul incubant, sed numeri defectum frequentia compensant; decies enim quotannis pariunt. Multum itaque generant, licet non multa.

EXERCITATIO SEXAGESIMA.

De vitelli et albuminum utilitatibus.

OVVM, inquit Fabricius^b, *proprie dictum ex multis partibus componitur; quia est organum generantis, et Galenus passim quodlibet organum ex multis partibus constare prodidit*. Quae ratio dubitandi ansam praebet, an non cuilibet ovo competat esse heterogeneum; quoniam omne ovum est organicum. Et profecto quodlibet ovum videtur ex partibus diversis constitui, etiam insectorum et piscium: quippe, membranis, involucri, ac munimentis constant; et materia contenta constitutione dissimilari haud prorsus destituitur.

^a Lib. x. cap. 52.

^b Pag. 47.

Idem porro vere quidem statuit cum Galeno: *Partes alias in ovo praecipuum instrumentum actionis esse; alias poni, tanquam sine quibus actio fieri non potest; alias, ut melius actio fiat; alias denique, ad horum omnium tutelam et conservationem comparatas esse.* Sed fallitur, cum ait, *Si de prima actione loquamur, quae est pulli generatio, praecipua causa est semen et chalaza, quia hae duae sunt praecipuae pulli generationis causa: quarum semen efficiens causa constituitur; chalaza autem tantummodo materia est.* Quippe, ex sententia Aristotelis, necesse est fateatur intra ovum esse quod generat. Semen autem galli ovo inesse negat. Nec minus hallucinatur circa materiam, ex qua, feminis opificio, pullus corporetur. Nam neque ex ambabus chalazis, nec alterutra earum, pullus fit; ut in historia constitit. Nec generatio pulli fit per metamorphosin five delineationem et divisionem chalazae; sed per epigenesin, quemadmodum explicuimus. Neque chalaza principaliter a femine foecundatur, sed potius cicatricula, five ovi oculus a nobis dictus; ex quo aucto fit colliquamentum; deinde in isto, et ex isto, sanguis, venae, et vesiculae pulsantes, tandemque corpus integrum constituitur. Quinetiam, ipfomet fatente, semen galli uterum gallinae ne ingreditur quidem; et tamen ova non modo jam facta, sed et postmodum formanda pariter foecundat.

Ad secundam ovi actionem, quae est pulli nutritio et augmentum, albumen et vitellum retulit. *Vitelli vero, inquit^a, et albuminis quantitas constituta est, ut melius illa actio fiat, et ad pulli absolutionem et justum incrementum sufficiat. Ovi cortex et membranae ad totius ovi, simulque actionis tutelam positaе sunt. Venae vero et arteriae alimentum deferentes erunt tanquam sine quibus actio, id est augmentum et nutritio, fieri non posset.* Incertum autem, num intellexerit vasa umbilicalia foe-

^a Pag. 48.

tus, an venas et arterias matris, unde ovum augeatur. Pari vero ratione uterus atque incubatio ad hanc ultimam classẽ referenda erant.

Accedimus itaque ad ovi liquores, albumen nempe et vitellum; hi enim, prae caeteris, foetus gratia instituuntur, et in iis potissimum secunda ovi actio spectabilis est.

Ova gallinarum bicolora sunt, et binis liquoribus constant, qui seorsum a se invicem membranis dissepuntur; iidemque quoniam duplici venarum umbilicalium propagine distinguuntur (quarum una ad vitellum, altera ad albumen abit), variae quoque naturae esse verisimile est, ac proinde usus etiam et utilitatis diversae. *Luteum ovorum*, inquit Aristoteles^a, *atque albumen contrariam naturam obtinent; non solum colore, sed etiam potestate. Luteum enim a frigore densatur: albumen non densatur, sed magis liquefcit. Contra, ab igne spissatur albumen; luteum non spissatur, sed molle permanet nisi peruratur: et elixando, quam assando, plus concrefcit, atque ficcatur.* Vitellus ab incubitu jam calefcens redditur humidior; fit enim tanquam cera fusa, aut pinguedo liquefcens: unde etiam spatium amplius acquirit. Paulatim enim, ut foetus augetur, albumen absfumitur, et crassiescit: vitellus autem e contra, perfecto jam foetu, nihil pene magnitudinis suae amisisse cernitur; sed liquidior solum et humidior conspicitur, cum foetus jam alvo tegi incipit.

Diversitatis autem hujus causam Aristoteles hanc reddit^b: *Cum avis intra se perficere nequeat, cibum una parit in ovo. Viviparis enim cibus in alia corporis parte paratur, quod lac vocatur, videlicet in mammis. At avibus hoc idem in ovo natura constituit; sed contra quam homines putant, et Alcmaeon Crotoniates ait: non enim albumen ovi lac est, sed vitellus.* Nam cum foetus viviparorum, dum matri adhaeret, ceu planta ter-

^a Hist. anim. lib. vi. cap. 2.

^b De gen. anim. lib. iii. cap. 2.

rae, ab utero ejus primum alimentum trahat; post partum autem extra uterum locatus e mammis lac fugat, unde adolefcat; pullus utriusque alimenti analogon in ovo invenit: quod nempe viviparorum uterus in parente fit; in oviparis autem e contra, parens potius in utero esse dicendus fit. Est enim ovum tanquam uterus expositus et ablegatus, mammaeque quasi vicariae in eodem reperiuntur. Pullus, inquam, in ovo primum albumine nutritur; hoc vero absumpto, vitello postea, tanquam lacte, alitur. Ideoque propago umbilicalis, quae albumen adit, confecto eo, fatiscit et abrumpitur ante partum, nullumque tandem vestigium sui relinquit (cum in viviparorum foetu umbilicus permaneat), sed evanescit, antequam venter inferior abdomine clauditur. Propago autem altera quae luteum petit una cum isto, circumcluso abdomine, in ventrem reconditur, victusque inde tenello foetui depromitur; donec scilicet, firmato rostro, cibum fumere et frangere possit, ventriculusque ingestum eum comminuere ac digerere valeat. Quemadmodum viviparorum foetus lacte ex ubere vescitur, donec dentibus instructus fuerit, quibus cibaria masticando conterat. Pullo enim, ut diximus, vitellus pro lacte est; ovumque gallinaceum, quoniam et uteri et uberis vices subit, liquore bicolore, albumine nempe atque luteo, donatur.

Et dictorum quidem liquorum discrimina omnes fatentur. Ego vero, ut pridem dixi, in ovo diversa quoque albumina observavi, membrana intersepiente distincta, quorum exterius aliud intra se complectitur; quemadmodum vitellus ab albumine continetur. Eademque etiam diversae naturae esse monui; quoniam et loco et ambiente membrana ab invicem distinguuntur, quasi usibus similiter diversis inferviant. Ambo tamen nutritionis gratia instituta sunt: eorumque exterius primo absumitur; utpote in quod venarum umbilicalium albumina adeuntium propagines prius disseminantur, quam in crassius alterum;

alterum; quemadmodum eadem albumina prius adeunt, quam vitellum, quem isthaec complectuntur, et unde pullus novissime alitur.

Verum hac de re inferius plura: ubi modum exponemus, quo foetus viviparorum in utero formentur et augeantur; simulque demonstrabimus, eosdem omnes ex ovo ortum ducere, duplicique nutrimento albugineo in utero vesci. Est enim eorum alterum tenuius, et intra ovum, sive conceptum, reperitur; alterum vero per vasa umbilicalia e placenta uterique cotyledonibus emulgetur. Quod in dicto conceptu continetur, colore et consistentia albumen tenuius refert; est nempe lentum, liquidum, et pellucidum, planeque ei simile, quod in ovo colliquamentum nominavimus, in quo foetus natat, et quo demum ore pascitur. Quod vero foetus, vasorum umbilicalium ope, ab uteri placenta trahit, densius est et mucosum, crassiorque albumini perfimile. Vnde liquido apparet, foetum in utero non magis sanguine parentis ali, quam lactentem postea, aut pullum in ovo; sed nutriri materia albuginea, in placenta concocta, ovique albori non absimili.

Nec profecto utilis minus, quam admirabilis est providentiae divinae contemplatio; qua natura, in gignendis augendisque foetibus, eorum quasi aetati viribusque prospiciens, alimentum singulis praestat idoneum: his nempe concoctu faciliorem, illis difficiliorem victum accommodans. Prout enim robur vimque cibos digerendi uberiores foetus acquirit; ita pariter crassius ei duriusque alimentum suggeritur. Idque etiam in diverso animalium lacte observare est: editis enim nuper foetibus, lac matri tenuius faciliusque transmutationis contingit; temporis autem processu, viribusque foetus jam auctis, crassius indies et caseosum magis evadit. Ideoque mulieres molliores et delicatulae, quae ipsae foetus suos non lactant, sed alienis uberibus nutriendos tradunt, male profecto eorum saluti consulunt:

cum

cum enim nutrices adscititiae robustiore plerumque sint corpore et habitu duriore praeditae, lactique vetustiore et caseoso magis coctoque proinde difficiliore abundant; fit saepe, ut infantes talibus parentibus oriundi lac ejusmodi, praesertim dentitionis tempore, non ferant; sed cruditatibus lactisve corruptione, feбри, fluore alvi, vomitu, intestinorum torminibus, tussi, insultibus epilepticis, aliisque similibus malis infestentur.

Quod Fabricius asserit^a, rationibusque quibusdam confirmare nititur, nempe materiam pulli ex chalazis constitui; id nos supra in historia rejecimus, simulque manifestum fecimus, substantiam pulli primaeque ejus stamina efformari, integris adhuc et immutatis chalazis, locoque etiam ab iis diverso.

Nec verum est^b, *chalazas, quas semen galli foecundas reddidisse autumat, vicem seminis subire, ut ex iis pullus oriatur.* Neque *chalazae, colore, substantia, aut corporis proprietate*, ut ille voluit^c, *semini ita persimiles sunt, aut foetus similitudinem adeo referunt in ovo cocto, ut jure partes omnes spermaticas appellatas inde procreari censendum sit.* Sed potius colliquamentum a nobis dictum sive partem albuminis tenuiorem, liquatam et coctam, seminis naturam referre, ejusque vicem subire oculis credendum est.

Supina itaque est illa venerandi senis contemplatio^d: *Cum universa animalis substantia ex duobus corporibus inter se valde diversis, quinimo contrariis, constituatur; nimirum calidis, et frigidis (calidae sunt partes omnes sanguineae et rubrae, ut jecur, cor, lien, renes, pulmones, denique carnosum omne ac musculosum genus: contra vero frigidae sunt partes albae et exsangues, ut ligamenta, nervi, ossa, cartilagineae, cerebrum, spinalis medulla, venae, arteriae, membranae; et membranosa omnia corpora, ut ventriculus, intestina, uterus, pericardium, et si quae aliae sunt); duae diversae hae partes proculdubio diversum in-*

^a Pag. 34.^b Pag. 54.^c Pag. 57.^d Pag. 54.

ter se, sed sibi quoque simile expostulant alimentum; si modo verum est, ex iisdem nos nutriri, ex quibus constamus. Merito itaque spermaticae frigidae et albue alimentum album et frigidum; sanguineae vero rubrae et calidae rubrum et calidum alimentum postulabunt. Merito similiter ad frigidas albas et exsanguis nutritiendas partes candidus ovi liquor, videlicet albus frigidus et exsanguis; ad calidas vero et sanguineas vitellus, utputa calidus liquor ruber et sanguineus, substitutus est. Sic enim omnes animalis partes conveniens et familiare alimentum sibi procurabunt et attrahent. Nequaquam enim concedimus, binos in ovo liquores reperiri, ut diversis partium generibus nutriendis inserviant. Quippe jampridem diximus, cor, pulmones, renes, lienem, jecur, musculos, ossa, ligamenta, caeterasque corporis universi partes, albedinem ab initio induere et exsanguis apparere.

Quinetiam ex praedicta Fabricii sententia sequeretur, cor, pulmones, jecur, lienem, et caetera, non esse partes spermaticas sive e femine oriundas (quod ille tamen nullo modo concesserit); quoniam illa postmodum sanguine nutriuntur et crescunt: siquidem ex eodem quaelibet res tum nutritur, tum constat; cum nutritio sit substitutio consimilis substantiae, in locum deperditae.

Nec minus illi responso arduum, quomodo, absumpto jam albumine in ovo, partes frigidae et albae, nempe ligamenta, ossa, cerebrum, spinalis medulla et caetera, ex vitello porro nutriantur et crescant? cum hic fit illis alimentum non minus inidoneum, quam albumen partibus calidis rubris et sanguineis.

Imo vero ex praefata sententia concludendum foret, partes calidas et sanguineas postgenitas esse, sive ultimo nasci: carnem scilicet post ossa; jecur, lienem, et pulmones, post ligamenta et intestina: frigidasque pulli partes prius conflare et adolefcere,

adolescere, interea dum albumen absumitur; calidas autem postea gigni, cum vitellus in earum nutrimentum cedit et imminuitur: certumque effæt, non omnes partes ex eodem candido liquore ortum ducere. Haec tamen omnia oculata experientia falsi redarguit.

Addo insuper hujus rei aliud argumentum: piscium cartilagineorum, nempe rajae, pastinacae et caniculae, ova bicolora sunt, et vitellum satis coloratum habent; cum tamen eorundem piscium omnes partes (ipsa etiam jecorum parenchymata) albae, exsangues, et frigidae appareant. Contra autem, vidi genus quoddam gallinaceum, cujus statura ampla, color pennarum nigricans, caro sanguine fatura, jecur rubicundius: eorum tamen ova, etiam foecunda, vitellos pallidissimos habebant, nec plus hordei maturi stipula coloratos.

Verbis proxime sequentibus videtur quae modo dixerat retractare; cum ait^a: *Vnum autem admirari tum in vitello, tum in albumine oportet; quod, cum nullum eorum sanguis sit, ita tamen naturae sanguinis propinqua sint, ut modice omnino a sanguine distent, et parum absit, quin uterque liquor sanguis sit: quare et exiguo labore levique concoctione in sanguinem vertuntur. Et ideo videre est venas et arterias, in albuminis et vitelli membranas propagatas, perpetuo sanguine refertas: albumen autem et vitellum in sua natura consistere, sed simulatque a vasis utraque substantia exsugitur, in sanguinem migrare; adeo eorum substantia vicina sanguini est.*

Cum itaque certum sit, sanguinem non minus in propaginibus venarum per albumen sparsis reperiri, quam in iis quae vitellum adeunt; et utrumque liquorem sanguini adeo vicinum esse, ut facili negotio in eundem commigrent; quis, obsecro, dubitet, sanguinem, et proinde partes quoque omnes sanguineas, albumine pariter ac vitello nutriri et crescere?

^a Pag. 55.

Ille vero mox parat subterfugium. *Quaquam autem, inquit^a, haec vera sunt, existimare tamen oportet hanc substantiam, quae e vitello et albumine a venis exsugitur, eo modo esse sanguinem, quàm chylus in mesaraïcis venis, in quibus nil aliud conspicitur quam sanguis; cum tamen chylus umbram tantum sanguinis susceperit, perficiatur autem in jecore: sic substantia ab albo et luteo exsucta in venis statim sanguinis umbram contrahit, et caetera. Esto: sub hac umbra tamen latitans non solvit dubium, cur nempe sanguis partesque sanguineae, ob rationes dictas, non aequè ab albumine atque e vitello nutrantur.*

Si equidem asseruisset partes calidiores ex eo sanguine (vel alimento in sanguine contento, chyloque analogo) potius nutriri, qui ex vitello, quam qui ex albumine attrahitur; frigidisque contra ex eo potius, quem ab albumine venae apportant, quam a vitello; me profecto haud magnopere habuisset adversarium.

Vnum in hac re eum male habet, quomodo scilicet sanguis in ovo efficiatur; five, a quo opifice uterque liquor in sanguinem mutetur, nondum existente jecore? Non potuit enim dicere illum in ovo a materno sanguine profluxisse. Ait vero, *Hic sanguis potius in venis quam in jecore elaboratur et coquitur; evadit autem os, cartilago, caro, et caetera, in ipsis partibus, ubi exacte coquitur et assimilatur.* Nec quidquam praeterea addit; neque indicat, a quo coquatur, elaboretur, fiatque sanguis perfectus in venulis tam albuminis quam vitelli, nondum, ut dixi, existente jecore, aut corporis particula aliqua, quae ipsum vel coquat vel elaboret. Et cum prius dixerit frigidas ex albumine, calidas autem et sanguineas ex vitello nutriri, dicti immemor hic plane contrarium statuit; eundem nempe sanguinem, in os, cartilaginem, carnem, caeterasque partes evadere.

^a Pag. 55.

Silentio autem praeteriit difficultatem maximam, et medicorum animos non leviter torquentem; nimirum, quomodo jecur sit origo et opifex sanguinis; cum hic non solum in ovo reperiatur ante natum aliquod viscus; sed et ipsi medici doceant viscerum omnium parenchymata esse sanguinis duntaxat affusiones? Estne opus auctor sui opificis? Si hepatis parenchyma fit ex sanguine, quomodo illud hujus causa fuerit?

Similis commatis sunt, quae sequuntur: *Est, inquit, et alius albuminis usus, quo a vitello fuit segregatum; ut scilicet in albumine foetus innatet, et ita sustentetur, ne deorsum suo pte pondere vergens ad unam partem inclinet, et vasa trabantur rumpanturque; ad quod praestandum, tenacitas et puritas albuminis confert. Etenim si in vitello degeret foetus, facile deorsum in profundum descenderet cum vitelli etiam ruptione.* Jeune admodum! Quid enim, obsecro, albuminis puritas sustentando foetui confert? aut quomodo tenuius albumen facilius eum sustinet, quam vitellus crassior et terrestrior? vel unde, quaeso, ne deorsum labatur, periculum est? cum ovum incubatum semper in latus decumbat, ut nec adscensus pulli, nec descensus aliquis metuendus sit. Natate quidem non solum pullum, sed et foetus omnes, dum formantur, certum est; fit autem isthuc in colliquamento a nobis dicto, non in albumine aut vitello: causamque ejus rei alibi diximus.

Scribit Aristoteles, inquit, ascendere vitellum ad obtusorem ovi partem, cum pullus concipitur. Hoc propterea fit, quia ex chalaza pullus incorporatur, quae vitello adhaeret; unde vitellum, qui in medio est, sursum attolli oportet ad latiore ovi partem; ut inibi gignatur, ubi cavitas naturalis adest ad pulli salutem perquam necessaria. At vero chalaza magis albumini, quam vitello adnectitur.

Ego autem adscensus ejus causam hanc affero: macula sive cicatricula in vitelli tunica apparens, ob colliquamentum spirituosum

tuofum ei innatum, dilatatur; ampliolemque propterea locum requirens verſus obtuſum ovi cacumen tendit: ſimiliterque vitelli et albuminis portio colliquata diſtenditur, et jam cocta ac ſpiritalis reddita, caeteris partibus crudis ſupernatat; quemadmodum particulae aquae in vaſe calefactae e fundo ſurſum properant: quod medicis omnibus compertum, qui urinam craſſam ac turbidam aquae ferventis balneo immittentes, ſuperiorem ejus partem primo claram et transparentem fieri norunt. Exemplo res fiet manifeſtior: Nota fere omnibus eſt machina, ad riſum et jocum potius, quam uſum aliquem comparata: nempe in ſphaera vitrea, aqua limpida maximam partem plena, complures globuli vitrei ſolo aëre pleni ſummae illius aquae ſuperficie i innatant; eandemque ob levitatem, varia ſimulachra, puta Cupidinem pharetratum, quadrigas ſolis, centaurum armatum, et ſimilia, fundum alias petitura, mutuo adnexu ſuſtentant. Ita pariter oculus pulli a me dictus ſive colliquamentum primum, ab incubantis calore virtuteque genitali dilatatum, ideoque levius factum, ſumma petit, et vitellum, cui adhaeret, ſecum una attollit. Hinc albumen craſſius ei locum cedit, chalazaeque ad ovi latera feruntur; quod cicatrix illa, in vitelli latere olim ſita, nunc recta ſurſum tendat.

EXERCITATIO SEXAGESIMAPRIMA.

De caeterarum ovi partium utilitatibus.

CORTEX durus et denſus eſt, ut liquores pullumque in eodem hoſpitanter ab injuriis externis tueatur. Fragilis tamen eſt, praecipue parte obtuſiore, et inſtante pulli exitu; ne ſcilicet hujus excluſioni moram afferat. Porofum etiam eſſe conſtat: dum enim, praefertim recens, ante ignem coquitur, ſudorem quaſi per poros guttatim emittit. Sunt autem hi pori utiles ad ventilationem, utque calor incubantis facilius pene-

tret, et pullus aërem extrinsecus attrahat; spirare enim in ovo ante partum, vocemque edere, certum est; ut pridem diximus.

Membranae humoribus continendis inserviunt; ac propterea pari cum his numero constant. Ideoque et colliquamentum, quamprimum oritur, propria statim tunica vestitur; quam Aristoteles his verbis indigitavit^a. *Membrana etiam, fibris distincta sanguineis, jam candidum liquorem circumdat, et caetera.* Instante autem jam pulli exitu, absumptisque albumine et colliquamento, membranae omnes (praeter eam, quae vitellum ambit) exsiccantur et evanescunt; illa vero, una cum vitello, intra pulli peritonaeum retrahitur, et abdomine occluditur. Harum membranarum duae toti ovo communes sunt, quod immediate sub cortice comprehendunt; reliquae tum albumini, tum vitello, tum colliquamento propriae: omnes autem et conservationi et distinctioni partium, quas amplectuntur, inserviunt. Communium exterior, quae cortici adhaeret, durior est, ne ab ipso patiatur injuriam; interior vero laevis et mollis, ne liquores laedat: pari nempe ratione, qua meninges cerebrum a cranii incumbentis aspredine tutantur. Membranae interiores et propriae liquores suos, ut dixi, continent et distinguunt; unde tenues valde, pellucidae, et fragiles sunt.

Fabricius magnam quidem laudem et dignitatem chalazis attribuit (utpote e quibus pullum fabricari censuerit), maculam autem five cicatriculam, vitelli tunicae adnatam, nullius plane usus esse statuit; sed eam duntaxat pedunculi, in vitellario five superiore gallinae utero, a vitello abrupti vestigium existimat. Scilicet, ex ejus sententia, per dictum pedunculum, five vasa cum permeantia, vitellus olim alimentum hauriebat; eodem vero jam a gallina non amplius enutrito abruptoque, manet solum prioris conjunctionis et beneficii vestigium.

^a *Hist. anim. lib. vi. cap. 3.*

Ego vero e contra sentio nullum esse alium chalazarum usum, praeter eum, quem dixi: nempe, ut sint tanquam polii istius microcosmi, et connexiones omnium membranarum convolutae invicem et contortae, quibus liquores non modo suis quique locis conserventur, sed debitam quoque invicem positionem retineant. Maculam autem jam dictam maximi esse momenti mihi certo constat; utpote quae principale ovi centrum fit, in quo calor infusus nidulatur, et ex qua, ceu scintilla prima, anima ipsa accenditur; cujus denique gratia, caeteri omnes liquores eorundemque involucra exstructa sunt: quemadmodum supra a nobis dictum est.

Olim quidem existimavi, cum Fabricio, cicatriculam hanc esse pedunculi abrupti vestigium: postea vero ex accurata inspectione contrarium edoctus sum; nempe pedunculum, a quo vitellus pendet, non in hujus exiguum aliquem locum inferi, quemadmodum pomis et prunis contingit, indeque connexionis adhuc superesse vestigium; sed eundem, antequam vitellum attingit, e racemo in orbem, tubae instar, dilatari; ut vitelli horizontem five circulum bipartientem, non aliter quam tunica amphiblestroïdes oculum, amplectatur: adeo, ut pars superior vitelli five hemisphaerii, quae racemum spectat, a pedunculi contactu et cohaerentia prorsus libera sit; in cujus tamen cupulae five scaphii parte superiore, aliquantulum autem a latere, dicta macula locatur. Pedunculi igitur a vitello abrupti vestigium dici nullo modo potest. Quantum vero in generatione commodi haec macula apportet, in historia jamdudum innotuit.

Supereff modo, ut, Fabricium praemonstratorem olimque praeceptorem meum sequens, cavitatis illius in obtusa ovi parte utilitates ostendam.

Is quidem pluribus verbis cavitatis istius commoda, pro varia ejusdem magnitudine, profequitur. Ego vero paucis agam:

Aërem

Aërem intra se continet; ideoque utilis est ad ovi ventilationem; ad pulli perspirationem, refrigerium et respirationem; ac denique ad loquelam. Vnde cavitas illa primo exigua, mox major, ac demum maxima conspicitur; prout nempe varii jam dicti usus postulaverint.

Atque hæcenus de generatione ovi et pulli, singularumque ovi partium utilitatibus, egimus: ad cujus narrationis exemplar, de cunctis oviparorum generibus judicandum est. Reliquum jam est, ut de viviparorum pariter generatione, ad exemplum unius alicujus perfecte cogniti, dicamus.

EXERCITATIO SEXAGESIMASECVNDA.

Ovum esse primordium commune omnibus animalibus.

ANIMALIA, inquit Aristoteles², cum stirpibus commune habent, quod alia semine, alia sponte oriantur: ut enim stirpes vel semine stirpium aliarum proveniunt, aut sponte erumpunt, primordio quodam contracto ad ortum idoneo; quarum aliae ex terra alimentum sibi hauriunt, aliae in stirpibus aliis nasci solent: sic et animalia quaedam per formae cognationem generantur; nonnulla sponte, nullo cognationis semine antecedente, oriuntur; quorum aliqua ex terra vel stirpe putrescente (ut complura insecta) generantur; alia in ipsis animalibus, atque ex eorum partium excrementis gignuntur. His autem omnibus (sive sponte, sive ex aliis, sive in aliis, vel partibus vel excrementis eorum putrescentibus oriantur) id commune est, ut ex principio aliquo ad hoc idoneo, et ab efficiente interno in eodem principio vigente, gignantur. Adeo ut omnibus viventibus primordium inest, ex quo, et a quo proveniant. Liceat hoc nobis primordium vegetale nominare: nempe, substantiam quandam corpoream vitam habentem potentia; vel quod-

² Hist. anim. lib. v. cap. i.

dam per se existens, quod aptum fit in vegetativam formam, ab interno principio operante, mutari. Quale nempe primordium ovum est, et plantarum semen; tale etiam viviparorum conceptus, et insectorum vermis ab Aristotele dictus: diversa scilicet diverforum viventium primordia: pro quorum vario discrimine, alii atque alii sunt generationis animalium modi; qui tamen omnes in hoc uno conveniunt, quod a primordio vegetali, tanquam e materia efficientis virtute dotata, oriantur: differunt autem, quod primordium hoc vel sponte et casu erumpat, vel ab alio praeexistente, tanquam fructus, proveniat. Vnde illa sponte nascentia, haec e parentibus genita dicuntur. Atque ista denuo a partu distinguuntur: sunt enim alia ovipara, alia vivipara, quibus Aristoteles^a vermipara accenset. Si vero, prout res ad sensum se habet, distinguere liceat, partus duae solum sunt species; siquidem omnia animalia aliud animal vel actu pariunt, vel potentia. Quae actu animal pariunt, vivipara dicuntur; quae potentia, ovipara. Quodlibet enim primordium potentia vivens nos, cum Fabricio, ovum appellandum judicamus; vermemque Aristoteli dictum ab ovo minime distinguimus: tum quia ad oculum sic apparet, tum etiam quia rationi id videtur consonum. Primordium enim vegetale, quod potentia vivit, est etiam potentia animal. Nec distinctio illa, quam Aristoteles^b affert inter ovum et vermem, admittenda est: ovum enim appellat, *ex cujus parte fit animal*; quod autem, inquit^c, *totum mutatur, nec ex parte ejus animal gignitur, id vermis est*. Hoc autem inter se conveniunt, quod sint ambo partus non viventes, sed potentia solum animalia; ambo itaque sunt ova.

Quin ipsemet Aristoteles^d, quos alicubi vermes dixit, eos a libi ovi nomine appellat. Et de brucis agens, *corrumpuntur*, ait^e,

^a Hist. anim. lib. i. cap. 5. ^b Gen. anim. lib. iii. cap. 9. ^c Hist. anim. lib. i. cap. 5. ^d Hist. anim. lib. v. cap. 29. ^e Ibid. cap. 30.

eorum ova autumnno, cum multi imbres ingruunt. Idemque de cicadis loquens, cum in terra, inquit, creverit vermiculus, fit tettigometra: pauloque post, foeminae a coitu suaviorum; habent enim ova candida. Imo vero, ubi vermem ab ovo distinxerat, addit^a: omne autem hoc vermiculi genus, ubi suae magnitudinis finem receperit, quasi ovum efficitur, indurefcit enim putamen eorum, et tantisper immota redduntur; quod in vermiculis apum et vesparum, atque etiam in erucis apertum est. Et profecto cuilibet videre licet araneorum, bombycum, caeterorumque insectorum primordia non minus in ovorum censu habenda esse, quam crustatorum ac mollium, et reliquorum piscium fere omnium: quae actu quidem animalia non sunt, ex illis tamen animalia procreantur. Quoniam igitur, quae actu animal producant, vivipara dicuntur; ea certe, quae potentia animal pariunt, vel generali nomine carent, vel ovipara dicenda sunt; praefertim cum talis partus sit primordium vegetale, plantarum seminibus analogum, quale etiam ovum habetur. Concludendum igitur omnia animalia vel vivipara esse, vel ovipara.

Quia autem oviparorum plures sunt species, propterea etiam variae sunt ovorum differentiae: neque enim quodlibet primordium cujuslibet animalis formae recipiendae idoneum est. Quanquam itaque ova universaliter sumpta non differunt; quia tamen alia sunt perfecta, alia imperfecta, merito distinguuntur. Perfecta dicimus, quae in utero absolvuntur, debitamque in eo magnitudinem ante partum obtinent; qualia sunt pennatorum: imperfecta autem vocamus, quae praemature excluduntur, magnitudinemque absolutam nondum adepta sunt, sed foris post partum augentur; ut piscium, crustatorum, et mollium: similiter et insectorum primordia, quae ab Aristotele vermes appellantur, ad hanc classẽ referenda sunt; ut et eorum, quae sponte oriuntur.

Praeterea, licet perfectorum ovorum alia bicolora sint, ex albumine nempe et vitello composita; alia tamen unius duntaxat coloris sunt, et albumine solum constant. Similiter imperfecta ova, alia sunt proprie dicta, e quibus perfectum animal procreatur, ut piscium; alia improprie dicta, unde animal imperfectum oritur, nempe vermis vel eruca; medium scilicet quoddam inter ovum perfectum et imperfectum: quod respectu ovi, five ipsius primordii, animal est motu sensuque praeditum, seque ipsum nutriendum; respectu vero muscae, aut papilionis, cujus est potentia primordium, tanquam ovum repens et se ipsum augens reputandum est; qualis eruca, quae debitam tandem magnitudinem adeptam, in chrysalidem five ovum jam perfectum mutatur, et a motu cessans, ovi instar, potentia est animal.

Ad eundem modum, quamquam alia ova sunt, e quibus totis, per metamorphosin five transformationem, perfectum animal producit, nec ex reliqua ovi materia alitur, sed statim foris sibi pabulum parat; alia vero, ex quorum parte aliqua foetus fit, et nutritur ex reliqua; quamquam, inquam, tam variae sunt ovorum differentiae, nihil obstat tamen, quo minus ova dicenda sint, quos Aristoteles vermes appellat, si modo e rebus, quae sensu ac ratione nobis constant, iudicium ferre liceat; cum sint omnia primordia vegetativa non actu quidem sed potentia animalia, vereque animalium semina, plantarum feminibus analogae; veluti jamdudum de ovo gallinaceo demonstravimus. Sunt igitur omnia animalia vel vivipara vel ovipara; quod vel vivum animal actu pariant, vel ovum five primordium, non actu sed potentia animal.

Generatio igitur oviparorum omnium ad exemplum ovi gallinacei referri potest, vel ex eodem saltem non difficulter elici; quod eadem, quae in illius historia dicta sunt, in caeteris quoque oviparis reperiantur. Quibus autem singula inter se

differant aut conveniant; idque vel genere, vel specie, vel analogia; postea dicetur, cum de insectorum, sponteque nascentium generatione acturi sumus. Quoniam enim generatio quaelibet ad formam cuiusque animalis adipiscendam via est; prout animalia quaeque alia aliis similia magis vel ab invicem discrepantia fuerint, adeo ut partes eorum nec specie nec genere conveniant; ita similiter in eorundem generatione usu venit. Quippe natura perfecta, sibi in operibus suis consona, ad similes usus et actiones partes quoque conformes instituit; pariterque ad eundem finem, eandemque formam adipiscendam, eadem via progreditur, eademque semper methodo in generandis rebus infistit.

Quapropter in ovo cuiuscunque pennati animalis perfecto et bicolore (ex vitello nempe et albumine composito, corticeque donato) ut easdem partes, ita eodem quoque modo atque ordine foetus omnes gigni et fabricari, quo in ovo gallinaceo, observavimus. Eademque similiter notanda in ovis serpentum et quadrupedum oviparorum, ut testudinum, ranarum, et laceratorum; utpote e quorum ovis perfectis et bicoloribus foetus eodem modo, quo ex aliis ejusdem generis, formentur et producantur. Nec pisces ab hac ratione longe absunt. Quomodo autem araneae et crustata, ut astaci et gammari; molliumque genus, ut sepiae et loligines, ex ovis suis proveniant; quo pacto etiam ex ovis insectorum vermes atque erucae primum erumpant, e quibus postea in chrysalidas sive aurelias, tanquam in nova ova, denuo regressis, musca tandem vel papilio enascitur; quomodo, inquam, ista, in generatione sui ex ovis, a gallinaceis differant, suo loco videbimus.

Quaquam denique ova omnia bicolora haud eodem modo generantur et foecundantur; sed quaedam ex coitu maris et foeminae, quaedam alio modo prolifica redduntur, ut piscium; et licet ovorum etiam in crescendi modo aliquod discrimen sit, quod

EXERCITATIO SEXAGESIMATERTIA. 481

quod alia intra parentem, alia foris nutriantur et augeantur; nihil obstat tamen, quo minus ex ovo quolibet, dummodo perfecto, foetus ad eundem modum generetur, quo pullus ex gallinaceo nascitur. Quare sufficit ad reliquorum omnium oviparorum generationem cognoscendam explicata ovi gallinacei historia; et ad eorum etiam notitiam, quae inde, ceu confectaria, necessario deducuntur.

EXERCITATIO SEXAGESIMATERTIA.

De generatione viviparorum.

DE oviparorum quidem generatione actum est a nobis haecenus. Reliquum est, ut de altera partus specie, viviparorum scilicet, observationes nostras proferamus: ubi plurima quoque eadem, quae in ovo consideravimus, indeque pensanda deduximus, denuo describenda veniunt. Quae licet paradoxa sint, et receptae haecenus de generatione opinioni contraria; eadem tamen, nisi me animus fallit, veritati plane congrua apparebunt.

Inter vivipara autem principem locum homo obtinet, animalium omnium perfectissimus: deinde, ut a notioribus progrediamur, animalia quae nobiscum degunt, passimque obvia sunt, annumeranda veniunt; quorum alia sunt solidipeda, ut equus, asinus; alia bifulca, ut bos, capra, ovis, porcus, cervus; alia fissipeda seu digitatis pedibus, ut canis, felis, cuniculus, mus, et huiusmodi alia; ex quorum generationis modo de reliquis omnibus viviparis iudicium instituatur. Quare, ut in ovis fecimus, unum aliquod genus primo, tanquam caeterorum omnium exemplar, proponam; quod, utpote notissimum, reliquis lucem afferat et norma sit, ad quam alia omnia per analogiam quandam referantur.

Cur ab ovo gallinaceo reliquis etiam ovis documentum sumerem, jampridem dictum est: nempe, quod illud parvo veniret, et ubique obvium esset; eoque nomine et nobis in rem ipsam accuratius inquirere liceret, et alii dictorum veritatem facilius tutiusque explorare possent.

In viviparorum autem generatione cognoscenda, eadem facilitas non occurrit: ab humani enim uteri dissectione fere omnino excludimur; in equis vero, bobus, capris, caeterisque pecoribus, aliquid ad hanc rem experiri, citra ingentem laborem et impendium haud exiguum, non licet. In canibus tamen, cuniculis, felibus, et hujusmodi aliis, qui veritatis indagandae studio tenentur, poterunt eorum, quae a nobis dicentur, periculum facere.

Fabricius ab Aquapendente, tanquam omnis viviparorum conceptus ovum quoddam esset, ab hoc, ceu universali generationis exemplari, tractatum suum auspicatur; interque alias huius sui consilii causas, hanc potissimum reddit^a, *Quod ovi contemplatio latissime pateat: quippe maxima animalium pars, inquit, ex ovis gignitur*. Nos vero, in observationum harum vestibulo, cuncta animalia quodammodo ex ovo nasci affirmavimus. Quippe quo modo, ordine, ac ratione pullus ex ovo fabricatur et producitur; eodem pariter ex conceptu praeexistente viviparorum foetus proveniunt. Vna scilicet atque eadem est utrobique generationis species; et utriusque exordium ovum dicitur, vel saltem analogia quadam tale habetur. Nempe ovum est conceptus foris expositus, unde pullus procreatur; conceptus est ovum intus manens, donec foetus debitam in eo perfectionem acquisiverit; caetera vero conveniunt: sunt enim primordia vegetabilia, et animalia in potentia. Quare eadem illa theoremata et consectanea, licet paradoxa, quae supra in ovi historia deduximus, de omnium pariter animalium generatione

^a De form. ovi et pulli, cap. 1.

verissima sunt. Confessa enim res est et manifesta, foetus omnes, etiam humanos, ex conceptu, ceu primordio quodam, procreari. Ratum itaque hoc esto: quod in sponte nascentibus, primordium; in plantis, semen; et in oviparis, ovum dicitur; nempe substantia corporea, ex qua per internum principium movens et efficiens vel planta vel animal producitur; hoc idem, in viviparorum generatione, primus conceptus est: idque tum sensu ipso, tum ratione comprobabimus.

Quod antea de ovo affirmavimus, nempe esse sperma et semen animalium, plantarum semini analogum; idem nunc de conceptu asserimus, qui revera animalium semen est, et proinde etiam ovum dicitur. Quippe *verum semen*, ex Aristotelis sententia^a, est, quod ex ambobus coeuntibus originem trahit; et utriusque sexus virtutem obtinet; quale semen plantarum omnium est, et animalium quorundam, in quibus sexus distinctus non est: velut id, quod ex mare et foemina primum miscetur, quasi conceptus promiscuus quidam, aut animal; haec enim jam habent, quod ex ambobus requiritur: materiam scilicet alendo foetui idoneam, et plasticam sive formatricem, opificemque virtutem. Ita similiter conceptus est utriusque coeuntium maris et foeminae fructus, atque futuri foetus semen; ab ovo igitur non discrepat.

Quod autem a generante proveniens, causa est, quae prima obtineat principium generationis, scilicet efficiens, genitura dici debet^b, non autem semen; ut a vulgo et philosophis quoque hodie perperam appellatur, quia non habet, quod ab utrisque coeuntibus requiritur, nec plantarum semini est analogum. Quidquid vero id possidet, et plantarum semini respondet, illud etiam ovum et conceptus dici meretur.

Quinetiam definitio ovi, ab Aristotele^c tradita, conceptui plane convenit: *Ovum*, inquit, *id ex foetibus perfectis vocamus, cujus*

^a De gen. anim. lib. i. cap. 18.^b Ibid.^c Hist. anim. lib. i. cap. 5.

ex parte principio animal consistit; reliquum vero alimento ei, quod gignitur, est. Idem autem conceptui quoque commune esse, postea ipsis oculis testibus ex viviparorum dissectionibus constabit.

Porro, quemadmodum pullus ex ovo, incubantis vel alterius cuiuspiam externi caloris blando motu, excluditur foras; ita similiter foetus, ex conceptu in utero, suavi matris calore producit. Dicam paucis: quod ovipara animalia finu et incubatu, id vivipara utero et amplexu interiore praestant. Caeterum, quod ad procreationem attinet, foetus eodem modo et ordine ex conceptu producit, quo pullus ex ovo. Hoc solum interest, quod in ovo, quidquid ad constitutionem pulli, ejusque augmentum requiritur, id simul adsit; conceptus autem, postquam foetus ex eo constitutus est, ad sui incrementum plus insuper alimenti ab utero matris trahat, unde una cum foetu augeatur. Ovum etiam crescente pullo inanitur; alimentumque quod in eo erat absorbitur; nec pullus novum a matre nutrimentum accipit: viviparorum autem foetus aliud denuo invenit, et lacte insuper vescitur. Piscium tamen ova mutuato aliunde alimento augentur; insectorum etiam crustatorum ac mollium ova foris habent unde crescant; nec minus tamen ova appellantur, et revera sunt: similiter et conceptus ovi nomen meretur, licet aliunde, ad incrementum sui, varium alimenti genus hauriat.

Cur animalia quaedam sint ovipara, et non omnia vivos foetus pariant, Fabricius hanc causam reddit; quod scilicet avium volatui ova, si ad pullorum exclusionem in utero detinerentur, suo pondere obessent. Serpentum quoque versatilem motum ovorum multitudo impediret. Testudinibus ovorum copiae et incremento locus idoneus intra arcte circumductam testam deest. Nec piscium venter tot ovorum incremento sustinendo sufficit. Ideoque necesse habent ova etiamnum imperfecta exponere

ponere. Quasi maxime naturale sit animali conceptum in se eousque retinere ac fovere, donec foetus perfectus fuerit; et natura interdum, ceu coacta, in quorundam ovorum praematu-
ro partu, alimento iis forinsecus quaesito provideat.

Quod autem ad procreationem foetus spectat, omnia animalia eodem modo ab oviformi primordio generantur; oviformi inquam; non quod illud figuram ovi referat, sed quod constitutionem et naturam ejus possideat: siquidem in eorundem generatione hoc solenne est, ut primordium vegetale, ovi naturam referens, et plantarum femini proportionem respondens, praexistat, ex quo foetus producat. Estque hoc in omnibus vel ovum vel oviforme quid, quod scilicet naturam et conditiones ovi habeat: quas etiam plantarum femina cum animalibus communes obtinent. Ideoque primordia quorumlibet animalium dicuntur femina et fructus; ac similiter, omnia plantarum femina conceptus et ova aliquo modo appellari possunt.

Ad hunc sensum Aristoteles^a: *Quae intra se pariunt animal, iis quodammodo post primum conceptum oviforme quiddam efficitur: humor enim in membrana tenui continetur, proinde ac si ovi testam detraxeris. Quamobrem depravationes conceptuum, quae per id temporis accidunt, fluxus vocant.* In mulieribus potissimum isti fluxus observantur, cum primo aut secundo mense abortiunt; quales saepissime eo tempore rejectos vidi; talemque Hippocrates ex tibicina saltu decussum et prolapsum retulit.

Inest igitur in utero omnium animalium conceptus primus sive primordium; quod, teste Aristotele^b, *est veluti ovum membrana obtectum, cui putamen detractum sit.* Idque ex dicendis constabit luculentius. Interea vero concludimus cum Philosopho: *Omnia tum natatilia, tum pedestria, tum volatilia, sive animalis sive ovi formâ proveniunt, simili modo gignuntur.*

^a De gen. anim. lib. iii. cap. 9.

^b Hist. anim. lib. vii. cap. 7.

EXERCITATIO SEXAGESIMAQVARTA.

Historia generationis cervarum et damarum, ceu reliquorum viviparorum exemplar ponitur : factique ratio redditur.

SERENISSIMO regi Carolo, quamprimum excessit ex ephebis, mos erat, animi a curis gravioribus laxandi, firmandaeque valetudinis gratia, singulis fere septimanis feras venari; praecipue cervos et damas: cujus generis nemo in orbe princeps plures vel in saltibus sylvisque errantes, vel intra septa ac vivaria conclusos in hunc finem aluit. Tribus quidem aestivis mensibus mares jam obesos esuique jucundos; autumnus vero et hieme, pari temporis spatio, foemellas venabatur. Hinc mihi, quo tempore foeminae libidinantur maresque admittunt, concipiunt, et utero novellos foetus gerunt, eas dissecandi quotidie facta est copia; partesque omnes, praesertim genitales, intueri atque observare, quoties vellem libere licuit.

Nos igitur viviparorum omnium generationem, ex cervarum et damarum historia, tanquam exemplari maxime commodo, explorabimus. Idque ad eandem normam, qua supra in ovigallinaei historia, reliquorum quoque oviparorum generationem expendimus. Non quidem isthuc privato aliquo consilio, easdemque ob causas, propter quas ova gallinacea ad hanc rem praetulimus, hoc genus animalia in exemplum adduximus; sed, quod summi principis, cui eram medicus, quique et ipse harum rerum indagine delectabatur, mihi de repertis attestari non dedignatus est, favore ac munificentia, ingens eorum copia, simulque frequens dissecandi opportunitas inquirendique libertas suppeterent.

Libet itaque cervarum et damarum historiam, ex plurimis a me annorum aliquot ferie factis observationibus compositam,

et

et tanquam mihi notissimam, unde de caeterorum quoque viviparorum generatione certi aliquid statui possit, proponere. Quam dum fideliter perteximus, quae in aliis quoque animalibus, bifulcis nempe, solidipedibus, fissipedibus, homineque adeo ipso, notatu digna, vel casu obiter, vel institutis in eam rem dissectionibus, sese obtulerunt, omnia bona fide referemus; feriemque formationis foetus, secundum varios in ea naturae progressus, enarrabimus.

EXERCITATIO SEXAGESIMAQVINTA.

De cervarum et damarum utero.

DE generatione et formatione cervarum ac damarum acturo, de loco primum sive utero dicendum est; quemadmodum supra in gallinae historia fecimus; quo caetera postea facilius rectiusque intelligantur. Hac enim ratione potissimum historia fabulae praecellit; quod ea locis et temporibus praefinitis res gestas enarrat, certioreque propterea tramite ad sapientiam deducat.

Vt autem cervarum uterus nobis clarius innotescat, fabricam ejus, exemplo sumpto ab utero muliebri, tum externam tum internam explicabimus. Homo enim animalium consummatissimus, ut partes reliquas omnes, sic genitales etiam perfectiores obtinuit. Ideoque partes uterinae in muliere distinctae magis apparent, nobisque etiam, ob anatomicorum in hac re industriam, melius cognitae habentur.

In cervarum igitur et damarum utero plurima quidem occurrunt, quae eadem in muliebri quoque utero reperias; quaedam vero discrepant. In externo orificio, nec labra, nec clitoris, nec nymphae adfunt; sed duntaxat orificia duo, alterum urinae pectinis offi adjunctum, alterum vulvae inter anum et urinae meatum, reperiuntur. Cuticula membranosa, qualem

in gallina observavimus, deorsum ab ano protensum, velabrum operit, suppletque usum nympharum et labiorum pudendi, ad tutelam contra injurias externas. Velabrum hoc a foemina, dum coït, aliquantulum retrahitur; vel faltem a maris pene, cum vulvae orificium ingreditur, sursum propellitur.

Divisa in cervis et damis ossis pubis commissura, cruribusque multum diductis, illico (non aliter quam in muliere) conspectui sese offerunt vesica urinaria, vagina uteri seu vulva, quam veretrum maris ingreditur, cervix uteri, hujusque situs; suspensoria item ligamenta, cum venis, arteriis, et testiculis sic dictis; cornua uteri etiam in hoc animali, prae caeteris uteri partibus, notanda veniunt.

Vasa autem praeparantia dicta, et deferentia vel ejaculantia, hic non invenias; nec, quod sciam, in alia aliqua foemina videntur; et anatomici, foeminam in coïtu semen emittere rati, ea in muliere solicite nimis inquirunt: quippe omnibus non contingunt, et in quibus insunt, nunquam eodem modo reperiuntur. Quamobrem verissimum videtur, quod etiam, uti monui, mulierum major pars asserit, ipsas nempe in coïtu semen non effundere. Et licet falaciores quaedam humorem aliquem in coïtu emittant; eum tamen foecundum semen esse, aut ad conceptum necessario requiri, non arbitror: plurimae enim sine ejusmodi effusione, et nonnullae quoque citra voluptatem aliquam concipiunt. Sed de his plura alibi.

Vulva five vagina uteri, quae ab externo pudendi ostio ad internum matricis orificium extenditur, in dama pariter ac muliere inter vesicam urinariam et intestinum rectum locatur; marisque genitali, forma, amplitudine, et longitudine respondet. Eadem dissecta, oblongis intus rugis fulcisque hians ad facilem distensionem, lentoque humore lubrica cernitur. In fundo ejus orificium angustissimum et occlusum conspicitur: principium nempe cervicis uteri, per quod quidquid ex uteri

cavo

cavo propellitur foras emanat. Est hoc orificium illud, quod in muliere gravida et virgine arcte adeo connivens et sigillatum conclusumque medici affirmant, ut specilli five aciculae tenuissimae apicem non admittat.

Sequitur uteri cervix five processus, transitusque longior ac rotundior multo, quam in muliere; fibrosior etiam, crassior, et nervosior, a vulvae fundo ad uterum usque protensus. Cervice hac secundum longitudinem rescissa, videas non modo ingressum ejus exteriorem, in vaginae fundo conspicuum, arcte connivere firmiterque conglutinari, adeo ut ne aër quidem inflatus in uteri cavitatem penetrare queat; sed et quinque alias confimiles angustias ordine collocatas, firmeque contra omnem extraneae rei ingressum constrictas, et mucagine glutinosa sigillatas: quemadmodum et mulieris uteri orificium angustissimum flavescente glutine obstruitur. Tales etiam angustiae in cervice uteri ovilli, vaccini, et caprini, Fabricio quoque observatore, reperiuntur, arcte omnes conclusae, et ingressum quemlibet praeccludentes. Quinque autem hi recessus distinctissime in cerva et dama conspiciuntur, ceu totidem orificia uteri constricta et conglutinata; quae merito credas munimenta adversus cujuslibet rei introitum. Vsq̃ue adeo natura videtur providisse, ut, si quid casu aut vi aliqua foramen primum perumperet, idem tamen in secundo sisteretur: et sic porro in reliquis cautum est, ne quidpiam omnino uterum subeat. Stilus tamen e cavitate uteri foras emissus dicta foramina facile recludit et egreditur. Debit nempe flatui, sanguini menstruo, aliisque humoribus excernendis via patefcere; rerum autem externarum etiam minimarum, aëris puta aut feminis, ingressui omnino praeccludi.

In aliis omnibus animalibus, orificium illud uteri eodem modo occlusum reperitur, quo in muliere solet; in qua fores has arcte adeo interdum clausas novimus, ut menstrua, lochia, aliive

humores, ob denegatum iis exitum, in utero retenti, symptomata hyfterica faeviffima excitaverint; ac propterea instrumentum ad hanc rem idoneum excogitare opus fuerit, quo, aperto hoc uteri meatu, intus ftagnantia foras profluerent, et praedicta accidentia diffiparentur; tum etiam ut injectiones in uteri cavitatem penetrarent, quibus ego ulceribus matricis internis, et fterilitati quoque aliquando medelam attuli.

Vteri cavitatis in cervix et damis minima est; uti et substantia ejus magnitudine et crassitie exigua. Quippe uterus in illis animalibus est tanquam vestibulum five propylaeum, in cujus cavitatis iter utroque apertum dextrorsum et sinistrorsum in cornua deducit.

Aliter enim se habent partes istae in caeteris fere omnibus animalibus sanguineis, atque in muliere; in qua pars uteri praecipua est corpus ejus; cervix autem et cornua, ceu appendices, vix conspiciuntur. Cervix nempe brevis est; cornua puffilla, et quasi processus teretes, sursum ab uteri fundo, tanquam binae tubae, protenduntur; quas anatomici vulgo vasa ejaculatoria esse arbitrantur. In cerva autem et dama, ut et caeteris quoque viviparis sanguineis, praeter mulierem, simiam, et solidipedum genus, pars generationis praecipua non est uterus, sed cornua. Scilicet in muliere et solidipedibus uterus est locus conceptionis; in caeteris autem conceptus in cornibus perficitur. Ideoque auctores passim cornua ista in aliis animalibus uteri nomine appellant; dicuntque uterum quibusdam animalibus bipartitum esse, quibusdam vero minime; eo vocabulo conceptionis loca intelligentes, quae cornua sunt, in quibus omnia fere animalia vivipara, praesertim multipara, concipiunt; ad quae etiam omnes venae et arteriae uterinae feruntur, quibusque reliquae partes genitales subserviunt. Quare et nobis liceat, in eorum animalium generationis historia, tum uteri tum cornuum nominibus promiscue uti.

In muliere, ut dixi, duae tubae prope cervicis uteri exortum in cavitatem ejus perforatae, non habentur vulgo cornibus analogae, sed a nonnullis anatomicis vasa spermatica; ab aliis spiramenta uteri; ab aliis vasa semen deferentia aut reservantia censentur; tanquam essent de genere vesicularum feminalium; cum tamen revera cornibus uteri caeterorum animalium proportionem respondeant; ut liquido patet, ex fitu, connexione, amplitudine, perforatione, similitudine, atque etiam officio: quemadmodum enim alia animalia, ut jam dictum est, semper in cornibus concipiunt; ita aliquando etiam mulier reperta est, quae foetum in cornu five tuba illa gereret; ut doctissimus Riolanus ab aliis observatum meminit^a, et nos etiam propriis oculis conspeximus.

Cornua ista in communem cavitatem definunt, quae, tanquam porticus aut vestibulum, utrique praefigitur; et in cervis utero muliebri analogae est; quemadmodum mulieris tubae dictae earum cornibus proportionem respondent. Nomen autem a formae similitudine fortiuntur: quemadmodum enim arietis aut hirci cornua basi sunt ampla, et antrorsum protuberantia retrorsum incurvata cernuntur; ita similiter et haec uteri cornua, in cervis et damis, ortu suo ampla sunt, paulatimque sursum attenuata versus spinam reflectuntur. Atque, ut illorum cornua a parte antica inaequalia tuberosa et rugosa sunt, a postica vero parte laevia apparent; sic uteri cervarum cornua infra quidem cellulis quibusdam protuberantibus rugosa sunt, ad coli intestini modum; supra vero, qua spinam spectant, laevia et aequalia, ac quasi taenia ligamentosa adstricta recurvantur; sensimque cornuum instar gracilescunt. Si quis intestinum vacuum, quali farciminibus faciendis coquus utitur, taenia ab uno latere secundum longitudinem contractum caperatum et coarctatum tenuerit; idem ex adverso latere, ad for-

^a *Anthrop. lib. iii. cap. 34.*

mam intestini coli, in cellulas corrugatum cernet. Talis est fabrica cornuum uteri cervarum et damarum: in aliis vero aliter se res habet; nam vel majoribus cellulis, vel nullis constant. Licet autem in cervarum et damarum cornibus plures sint cellulae, non omnes tamen uniusmodi sunt magnitudinis, sed prima caeteris longe major est, in qua potissimum conceptus continetur.

Quemadmodum in muliere uterus ejusque tubae seu cornua, cum reliquis ad eum pertinentibus, ossi pubis, dorso, et circumjacentibus partibus alligantur, mediante lata et carnosae membrana, tanquam vinculo suspensorio, quam anatomici vespertilionum alas nominant, quod uterus hoc modo suspensus vespertilionem cum expansis alis referat; ita similiter in damis et cervis cornua uteri utrinque cum testiculis, omnibusque uteri vasis, circumvicinis partibus, praesertim dorso, crassa membrana adnectuntur; inque ea partes omnes dictae suspenduntur; idemque officium partibus uterinis praestat, quod mesenterium intestinis, et mesometrion utero gallinae. Nam ut a mesenterio venae et arteriae mesaraicae ad intestina derivantur, ita quoque vasa uterina per dictam membranam disseminantur: in qua etiam vesiculae quaedam utrinque et glandulae cernuntur, quas anatomici vulgo testiculos appellant.

Substantia cornuum uteri cervarum et damarum est cuticularis, sive tunica carnosae, qualis intestinorum, venulis quibusdam gracillimis conspersa. Poteris eam, more anatomico, in plures tunicas dispertire, diversosque fibrarum ductus observare, ad motus et actiones varias obeundas utiles; retentionem scilicet et expulsionem. Quippe cornua ista, instar lumbricorum terrestrium, sese moventia saepius conspexi; sicut cuilibet licet, recenter occiso animali, apertoque confestim abdomine, intestina sese undoso motu contorquentia clare cernere; quo, tanquam circumdato annulo strictiore et depresso, aut digitorum

opera constrictio fieret, chylum et excrementa ad inferiora promovent.

Venae uterinae omnes, ut in muliere, originem e vena cava prope emulgentes ducunt: arteriae vero, quod illis etiam cum muliere commune est, e ramis arteriae magnae descendentes cruralibus oriuntur: et, quemadmodum in muliere gravida vasa uterina sanguinea plura et majora sunt pro proportionem, quam in reliquo ejus corpore; ita quoque cervix et damis praegnantibus usu venit. Arteriae autem, contra quam in caeteris partibus, multo quam venae numerosiores sunt; eademque inflatae vicinas venas pariter distendunt; quod illis ab inflatis venis vicissim non contingit. Hoc ipsum quoque a Domino Riolano observatum video; estque validum argumentum pro circuitu sanguinis a me invento; dari enim transitum ab arteriis in venas, non autem retro e venis in arterias, luculenter probat: suntque plures arteriae quam venae; quod copioso alimento ad nutriendum foetum opus sit, cujus reliquias pauciores venae regerant.

Testiculi in his, ut et ovibus, capris, ac bifulcis omnibus, visuntur quidem; sed sunt quasi parvae glandulae, quae profectus potius, aut mesenterii glandulis proportionem respondent (quarum usus est stabilire venarum divaricationes, et humorem lubricandis partibus conservare), quam femini, eique prolifico concoquendo, coitusque tempore profundendo, institutae sunt. Sumque egomet hujus sententiae, tum ob alias rationes plurimas alibi allatas; tum maxime, quod coitus tempore (quando maribus testiculi turgent et humore feminali replentur) in cervix et damis, caeterisque viviparis omnibus (in quibus reperiuntur) uteri cornua immutentur; testiculi autem dicti, tanquam ad generationem nihil facerent, nec turgeant, nec quidquam a solita constitutione, sive ante coitum sive post ipsum, varient, neque ullo indicio utilitatem aliquam vel ad coitum vel ad generationem afferant.

Dictu

Dictu mirum, quanta maribus, in talparum et murium majorum genere, coïtus tempore, tum in vesiculis feminariis plurimum distentis, tum etiam in testiculis, abundet geniturae copia; quod etiam in gallo gallinaceo antea observavimus, et quam ingens mutatio in utriusque sexus genitalibus cernatur; cum tamen glandulae, quas foemellarum testiculos arbitrantur, citra variationem ullam pristinam faciem fervent.

Quae hactenus circa uterum, ejusque cornua, in cervis et damis notavimus, caeteris quoque viviparis maximam partem conveniunt; licet in muliere discrepent, quod haec in utero concipiat, illa vero omnia in cornibus, praeter equam et asinam; quae tamen ipsae licet in utero conceptum gerere videantur, is tamen conceptionis locus cornu potius naturam et constitutionem quam uteri refert: locus enim ille non est bipartitus, sed oblongior, et ab utero discrepans tum situ, tum connexionem, tum fabrica et substantia; magisque utero superiori, seu processui uteri gallinae (ubi ovum crescit et albumine cingitur) comparandus est, quam utero muliebri.

EXERCITATIO SEXAGESIMASEXTA.

De cervarum et damarum coïtu.

HISTORIA uteri cervarum et damarum ita se habet. Vbi, quae ad generationem videbantur necessaria, paucis expedivimus; nempe conceptionis locum, et quae hujus causa fabrefacta sunt: restat de loci hujus actione et functione, coïtu scilicet et conceptu, jam dicamus.

Damae et cervae uno solum statoque anni tempore mares admittunt; nempe sub medium Septembris post festum sanctae crucis: pariuntque post medium Junii circa festum divi Joannis Baptistae. Gerunt itaque utero novenis mensibus, non autem octonis, ut Plinius voluit^a: fal-

^a L. viii. cap. 32.

tem apud nos parere solent nono mense postquam primum coierunt.

Coitus tempore mares foeminis aggregantur; alias vero fecedunt ab invicem; maresque, praesertim seniores, cum maribus; foeminae cum foeminis et maribus junioribus degunt et pascuntur. Mense circiter integro libidinis desiderium exercent; ejusque initium, si tempestas sicca fuerit, tardius; si pluviosa, citius auspicantur. Ideoque in Hispania, ut intellexi, raro coeunt ante Octobris calendas; quod imbres illic haud prius ingruant. Durat autem rarissime apud nos eorum coitus ultra medium Octobris.

Eodem tempore furore libidinis faevium, canes hominesque adoriuntur: alias vero timidi valde et imbelles sunt, ac, vel a minimae caniculae latratu, sese continuo in fugam proripiunt.

Quilibet mas foemellas suas omnes novit, nec aliquam errare patitur a grege suo, sed cursu facto palantem ocyus revocat; interque conjuges obambulat zelotes; crebro circumspicit, gregemque proprium circumagit, diligens custos. Si forte foeminam alienam offenderit, non ardenter eam insequitur, sed abire finit: si autem mas alter ad hujus gregem venerit, statim occurrit obviam et intentat cornua.

Cerva, uti et dama, inter castiora animalia censetur; aegre enim maris initum patitur (quippe, tauri instar, cum impetu coitum peragit), et, nisi vi compulsa aut fatigata, congressum repudiat. Quae etiam causa videtur aggregationis foemellarum ad proprios mares, eosque seniores et potentes armis: adventante enim mare alieno coitumque appetente ad proprium illi co maritum gregemque confugiunt, tanquam ad asylum, ut castitatem suam et pudicitiam tueantur.

Si forte mas junior coelebs foeminam solivagam repererit, accurrit ocyus et persequitur, cursuque fatigatam et jam amplius aufugere nequentem conscendit, et per vim comprimit.

Mares seorsum quilibet loca sibi parant coëundi, Angli dicimus *their rutting place*; fodiunt scrobes scilicet, aut loco acclivi adstant, amasiasque suas vicissim ad se venire cogunt. Quae coitura est posteriores pedes in scrobem in hoc paratam demittit, fidesque, si opus sit, clunes aliquantulum deprimit; quo fit, ut infiliens mas unico initu, taurino more, eam protrudens verberet, coitumque absolvat.

Veteres et robusti mares plures in grege suo foemellas habent; juvenes et infirmi pauciores. Aliis deni, quindeni aliis associantur. Custodes aiunt altero vel tertio saltem coitu impleri foeminam: ea vero, simulac praegnans evaserit, marem denuo non admittit.

Mas, postquam foemellas suas implevit, deservescit; simulque timidior factus ac macilentior gregem deserit; vagatur solus; avide quespascitur, ut attritas vires refarciat; nec foeminam aliquam postea toto anno aggreditur.

Mari ad coitum maturo pili in gutture et collo nigricant; ejusdemque coloris est praeputii extremitas, quae etiam putret et vehementer foetet. Foeminae marem raro patiuntur, et non nisi noctu locisve obscuris; qualia ob eam causam a maribus in connubia eliguntur. Si isti invicem, ut fit, praelia commiserint, victi foemellae omnes victori in possessionem cedunt.

EXERCITATIO SEXAGESIMASEPTIMA.

De constitutione sive immutatione uteri cervarum et damarum mense Septembri.

ACCEDIMVS jam ad partium genitalium foeminarum post coitum immutationem, et conceptionem ipsam. Mense itaque Septembri, cum primum foeminae ineuntur, earum uterus, cornua intelligo sive conceptionis locum, paulo carnosius

carnosior et crassior, mollior etiam et tenerior conspicitur. In cavitate utriusque cornu (parte illa, quae tanquam taenia coperata est, nempe qua spinae objicitur) carunculae quinque, ceu verrucae molles aut papillae ordine dispositae, protuberant: quarum prima reliquis major, caeteraeque suo ordine continuo minores sunt; quemadmodum et ipsa cornua perpetuo ductu versus extremum cacumen tenuantur. Earum aliquae, ad digiti crassioris amplitudinem, quasi caro fungosa luxurians, excrescunt: quae aliis albidiores, aliis rubicundiores visuntur.

Circa diem Septembris vicesimum sextum aut vicesimum octavum, ut etiam postea in Octobri, uterus crassior redditur; et carunculae, jam tumidiore, mulierum papillas referunt: lacti profundendo paratas crederes. Abscissa harum summitate, ut ablata extrema superficie interiorem constitutionem dignoscerem, easdem ex innumerabilibus punctis albis compactas, tanquam ex totidem setis cum mucosa aliqua visciditate erectis, conspicabar: factaque inter pollicem et indicem a radicibus sursumversum constrictione, e singulis punctis minima sanguinis guttula prodiit. Vnde diligentiore postea indagine intellexi totidem arteriolarum capillamenta esse.

Tempore coitus itaque vasa uterina (praesertim arterias) plura et conspectiora observavi. Quamvis, ut supra monui, testiculi, qui dicuntur, neque ampliores, nec repleti magis quam antea, nec a pristina sua constitutione mutati appareant.

Vteri, scilicet cornuum, cavitas, et interior superficies, quam cellularum parietem dicas, haud aliter quam anterior ventriculorum cerebri concameratio, aut caro glandis intra praeputium, tactu mollissima et laevissima apparet. In illa vero nec sperma maris, nec aliud quidpiam ad conceptum spectans, licet accuratam per Septembris atque Octobris menses totos dissectionem instituerim, invenire unquam potui. Mares tamen interea quotidie coitum celebrabant, egoque foemellas quamplu-

rimas diffecabam. Estque hoc ipsum mihi multorum annorum experientia compertum. Vidi quidem in nonnullis carunculas inter se vicinas adeo, ut quasi protuberantiam quandam continuam, ex quinque simul junctis, prae se ferrent. Cum autem, periculo saepius facto, nihil aliud intra uteri cavitationem occurreret; coepi primum dubitare, num maris semen ullo pacto, injectione scilicet aut attractione, conceptionis locum posset ingredi? Tandemque iterata saepius inspectio sententiam hanc mihi ratam fecit, nihil prorsus feminis ad ea loca pertingere.

EXERCITATIO SEXAGESIMAOCTAVA.

Quid iis eveniat mense Octobri.

PLVRIMIS quidem dissectionibus mense Octobri, tum ante finitum earum coeundi terminum, tum etiam postea institutis; nunquam tamen in uteri cavitate, aut ejus cornibus, semen aut sanguinem, alteriusve rei vel vestigium quidem reperire licuit. Vterus solum major et aliquantulum crassior, carunculae quoque tumidiore ac floridiore conspiciebantur: e quibus, facta digitis expressione validiore, minimae sanguinis guttulae emanabant: quemadmodum e gravidarum papillis, quarto praegnationis mense, lac aquosum exprimi solet. In unius quidem aut alterius utero, praeter naturam extenuato, inveni putrilaginem quandam viridem et ichorosam, abscessus instar, cavitationem ejus replentem; caetera tamen damae illae sanae erant et obesulae non minus reliquis, quas simul recenter mactatas inspeximus.

Circa Octobris finem et principium Novembris, finito jam tandem coitu, foemellis a marium consortio discedentibus; coepit uterus, aliis prius, aliis posterius, minorem molem prae se ferre, atque interioris cavitationis paries, ceu inflatus, tumescere;

ri; namque, ubi cellulae nuper erant, ibi nunc globuli interius extuberabant, qui cavitatem fere omnem opplebant; adeo ut latera sese mutuo tangentia et quasi agglutinata conspicerentur, nihilque inter se spatii relinquerent. Nempe, ut puerorum labia (dum favos depeculantur, ut mella liguriant) apum spiculis icta, tument, inflantur, orisque hiatum arctant; ita pariter uteri damarum interior superficies turgescit, mollissimaeque et pulposa substantia, qualis cerebri est, cavitatem implet, et carunculas involvit. Atque istae quidem carunculae nihilo majores, sed albidiores tantum, et quasi aqua calida maceratae videbantur; quales lactantis papillae, statim ab infantis fuctu, conspici solent. Sanguinem vero ex illis, ut antea, digitorum compressione elicere non potui.

Interior ista uteri superficies tuberibus inflata adeo nunc tenera delicata et laevis evasit, ut nihil supra. Credas equidem ventriculorum cerebri mollitiem adesse; digitumque ei admovens, nisi oculos consulueris, vix percipias te eam tangere. Jamque aperto, statim post internecionem, uteri sinu, undosum ac testudineum motum saepe vidi (qualis in ima parte cochleae aut limacis, dum repit, conspicitur) quasi uterus esset animal in animali, motumque proprium exerceret. Ejusmodi intestinorum motum, ut modo dictum est, in vivorum dissectione saepe conspiciatus sum: eundemque visu et tactu in vivis canibus et cuniculis, etiam integris, experiri licet. Similem quoque motum in marium testiculis et scroto observavi: novique mulieres, quibus palpitationes ejusmodi pro spe gravidationis imposuerint. Num autem uterus muliebris in hystericeis symptomatibus (adscensu nempe, descensu, et contortione) tali motu sive agitatione palpitet, necne; atque utrum cerebrum quoque in suis conceptionibus similiter moveatur, quaesitu ut arduum, ita haud indignum censeo.

Paulo post, dicta interioris tunicae uteri extuberantia fatiscere, ac si madore perfunderetur, et paulatim fidere, atque extenuari coepit: quinetiam nonnullis, sed raro, purulenta quaedam materia, sudoris in modum, adhaerebat; qualis in vulneribus aut ulceribus cerni solet, cum concocta dicuntur, ac pus reddunt album laeve et aequale. Visa primum hac materia, dubitabam, num maris semen esse an ex puriore illius parte concoctum quid arbitrarer. Quoniam autem eam rarissime et in paucis admodum conspicabar, et jam viginti diebus praeteriisset cum maribus consuetudo, materiaque ipsa non esset lenta, viscida, aut spumosa, quale semen deprehenditur, sed magis friabilis, et purulenta, ad flavedinem tendens apparebat; potius casu aliquo, vel a sudore ex nimio cursu ante necem defatigatis, eam contigisse iudicabam: quemadmodum in gravidine tenuior catarrhi materia in mucum densata flavescit.

Hanc in utero mutationem cum saepe serenissimo regi, tanquam primum praegnationis indicium, obtulissem; simulque ostendissem, nihil etiamnum seminis aut conceptus in uteri cavo reperiri; ipseque pluribus idem ceu rem miram communicasset; orta demum est controversia: Custodibus et venatoribus asserentibus primum, argumento esse tardam fore conceptionem, et defectum imbrium causabantur. Postea vero, cum coeundi tempus praeteriisse cernerent, egoque idem usque assererem; constanter affirmabant, et me deceptum esse, et a me regem ipsum; debereque necessario aliquid conceptus in utero reperiri; donec propriis oculis rem, ut erat, perscrutati, summa cum admiratione de lite desisterent. Medici autem, absque maris femine superstitie conceptum fieri, nihilque protinus a coitu foecundo in utero remanere, inter *ἀδύνατα* referebant.

Quo clarius igitur hoc tanti momenti experimentum posteris constaret; serenissimus rex, experiendi causa (quoniam in omnibus idem concipiendi modus et tempus est) duodecim circiter

ter

ter damas foeminas, circa initium Octobris, ab omni marium consortio segregavit, murisque inclusas in vivario suo aedibus Hamptoniensibus vicino detinuit; loco nempe cui cursus nomen, quod intra ejus septa, ferarum immixtarum veloci cursu, canum insequentium pernecitatem experiantur. Ne vero quis caufaretur has ita seclusas semen ex ultimis congressibus retinuisse, coïtus enim tempus nondum praeterierat, earum aliquas diffecui, vidique nihil feminis in ipsarum uteris superesse; cum reliquae tamen ex praecedaneo coïtu, seu contagio quodam, praegnantibus fuerint, foetusque suos statim tempore pepererint.

In canibus, cuniculis, aliisque plurimis animalibus expertum nihil prorsus in utero post coïtum per aliquot dierum spatium reperiri. Adeo ut exploratum habeam, in viviparis quoque, quod supra de oviparis constitit, nec ex spermate maris aut foeminae in coïtu projecto; nec ex ambobus simul mixtis, ut medici volunt, oriri foetum; neque ex sanguine menstruo, tanquam materia, ut Aristoteles censuit; neque protinus a coïtu conceptus aliquid necessario constitui. Et proinde haud verum est, in coïtu prolifico, materiam aliquam in utero paratam adesse; quam masculi feminis virtus, coaguli instar, coquat, coagulet, et efformet, vel in actum generationis deducat, aut reficcata extrinsecus superficie membranis includat. Nihil enim omnino per dies complures, nempe ad duodecimum Novembris, inesse cernitur.

Patet insuper non omnes foeminas, dum coeunt, semen in uterum profundere; neque enim in dama aut cerva, aliisque plurimis viviparorum generibus, ullum est vel menstrui sanguinis vel feminis indicium. Quid autem sit, quod a mulieribus petulcioribus in coïtu, cum virium resolutione ac voluptate, non minus quam a viris profluit; et an necessario ad conceptum faciat; utrum a testiculis proveniat; an sit semen, et num prolificum; alibi a nobis dictum est.

Atque

Atque haec dum agimus, ignoscant mihi niveae animae, si, fummarum injuriarum memor, levem gemitum effudero. Doloris mihi haec causa est: cum inter nuperos nostros tumultus, et bella plusquam civilia, serenissimum regem, idque non solum Senatûs permissione, sed et jussu, sequor; rapaces quaedam manus, non modo aedium mearum supellectilem omnem expilarunt; sed etiam, quae mihi causa gravior querimoniae, adversaria mea, multorum annorum laboribus parta, e museo meo fummanarunt. Quo factum est, ut observationes plurimae, praesertim de generatione insectorum, cum reipublicae literariae, ausim dicere, detrimento, perierint.

EXERCITATIO SEXAGESIMANONA.

Quid in utero damarum contingat mense Novembri.

CIRCA diem Novembris duodecimum aut decimum quartum, aliquid primum in uteri damarum cavo ad futuram prolem pertinens reperiri, plurimorum annorum experientia edoctus, vere testor.

Memini quidem, anno salutis 1633, conceptionis signa five exordia paulo citius apparuisse; quod tempestas nubila et pluviosa esset. In cervis etiam, quae sex septemve diebus prius quam damae coeunt, octavo vel nono circiter Novembris die, aliquod semper futuri foetus vestigium deprehendi. Quid autem illud sit, et quomodo inchoetur, jam dicam.

Paulo antequam quidpiam discernitur, uteri five cornuum substantia minor apparet, quam cum primum libidinabantur; albaeque carunculae flaccidiores sunt, ut ante monui, et interioris tunicae protuberantia subsidit aliquantulum, corrugatur, ac madescit. Circa tempus enim praedictum, per mediam utriusque cornu atque etiam uteri cavitatem mucosa quaedam filamenta, tanquam araneorum telae, ab ultimo five superiore cornuum

cornuum angulo ducuntur; quae simul juncta membranofam ac mucilaginosam tunicam, five manticam vacuum, referunt. Atque ut plexus choroides per cerebri ventriculos traducitur, ita sacculus iste oblongus per totum utriusque cornu, intermediique uteri cavitatem, protelatur. In quo ductu, intra rugas fatifcentis tunicae interioris sese insinuans, inter praedictas globulosas extuberantias tenues fibras implicat; ad eum prorsus modum, quo pia mater intra cerebri gyros se abscondit.

Post diem unum aut alterum mantica haec impletur aquosa, alba, lenta, et albuginea materia; longumque farcimen humore isto plenum refert. Lentore quidem suo exteriore uteri lateribus continentibus aliquantulum adhaeret; ita tamen, ut facile ab iis separari queat: quippe in uteri angustia (ubi constringitur dum eam pertransit) arrepta illa ex utroque cornu integra educitur, modo caute actum fuerit.

Conceptus iste adauctus et extractus figura manticae five duplicis farciminis deprehenditur; et exterius quidem purulenta quadam sorde oblinitur; intus vero lubricus est, lentumque humorem, ovi albumini liquidiori non abfimilem, in se continet.

Est hic cervarum et damarum conceptus primus. Et quoniam naturam atque conditionem ovi obtinet, convenitque ei definitio ovi ab Aristotele^a tradita, nempe *cujus ex parte animal gignitur; reliquum cibus ei, quod gignitur, est*: quoniam etiam futuri foetus primordium existit, propterea quoque animalium horum ovum dicitur: secundum illud Philosophi^b, *Quae intra se pariunt animal, iis quodammodo post primum conceptum oviforme quiddam efficitur. Humor enim in membrana tenui continetur, perinde quasi ovi testam detraxeris: quamobrem depravationes conceptuum, quae per id temporis accidunt,*

^a *Hist. anim. lib. i. cap. 5. et de gen. anim. lib. ii. cap. 1.*

lib. iii. cap. 9.

^b *De gen. anim.*

fluxus vocant. Est igitur, ut supra de ovo diximus, conceptus iste vere sperma five semen, utriusque sexus virtutem in se complectens, et plantarum femini analogum. Ideoque Aristoteles mulierum conceptus primos describens; ait^a esse, *veluti ovum membrana obtectum, cui putamem detractum sit*: qualem Hippocrates e tibicina profluxisse memorat; nosque etiam mulieribus saepe secundo mense decidisse vidimus, ad ovi columbini molem, sine foetu; aliquando etiam ad phasiani vel gallinacei ovi magnitudinem: atque hoc tempore embryo intus longitudine unguis digiti minimi fluitans cernitur. Membrana vero conceptum obtegens placentam adnexam nondum obtinet, neque utero affigitur: sed solummodo parte sui superiore et obtusiore, quasi musco tenui, aut lanugine quadam vestita, accrescentis jam placentae rudimenta exhibet: interior autem superficies, laevis et lubrica existens, plurimis vasorum umbilicalium propaginibus referta cernitur. Tertio mense ovum hoc anserinum magnitudine superat, atque embryonem perfectum duos digitos transversos longum amplectitur. Mense quarto struthionis ovo grandius visitur. Atque haec in abortibus, crebro factis dissectionibus, diligenter observavi.

Ad hunc, inquam, modum damae et cervae, licet per mensem integrum, atque etiam amplius, a coitu nihil sensibile in utero habeant, quodam tamen veluti contagio affectae, conceptus huiusmodi et primordia (quemadmodum plantae femina, arboreque suos fructus) ovorum instar producant: quae circa diem decimum octavum Novembris, aut, ad summum, vicefimum primum perficiuntur; idque interdum in dextro cornu, aliquando in sinistro, nonnunquam in utroque; habentque in se materiam colliquatam, transparentem et crystallinam, quam in ovo gallinaceo colliquamentum five oculus nominavimus, propria tunica tenuissima atque orbiculari contentam,

^a *Hist. anim. lib. vii. cap. 7.*

humoreque eo, in quo postea conceptus natat, longe puriorem; in cujus medio fibrae sanguineae et punctum saliens (primum futuri foetus fundamentum), citra ullam praeterea cujuslibet rei praesentiam, clare discernuntur: estque haec prima pars genitalis. Qua demum constituta, anima non modo vegetativa sed et motiva jam inesse dicitur; a qua caeterae omnes foetus partes, suo quaelibet ordine, generantur, efformantur, et disponuntur, vitamque suscipiunt: eodem prorsus modo, quo pullum ex ovi colliquamento fabricari diximus.

Ambo isti humores omnibus viviparorum conceptibus in-funt: eisdemque plurimi pro foetus excrementis habent; dum alterum quidem urinam, alterum vero sudorem ejus esse arbitrantur. Cum tamen nihil tetri sapiant, et conceptui semper manifeste insint, priusquam quidquam foetus discernitur.

Tunicarum utrumque humorem ambientium exterior chorion, interior amnium appellatur. Nec plures his duabus reperiuntur. Illa totum conceptum involvit, et per utrumque cornu extenditur: haec in priore aqua natans in alterutro duntaxat cornu continetur; nisi ubi gemini foetus adfuerint, quo casu utrivis una inest; quemadmodum in ovo gemellifico bina colliquamenta: adeo ut, ubi bini foetus fuerint, ambo in uno eodemque conceptu communi, tanquam uno ovo, cum binis aquis suis crystallinis contineantur. Exteriorem membranam alicubi si diffeceris, aqua turbidior statim omnis ex utroque cornu effluit; crystallina vero, quae in interiore amnio est, non simul elabitur, nisi et ipsum quoque apertum fuerit.

Vena, quae primum in humore crystallino intra amnium conspicitur, e puncto saliente originem trahit, atque umbilicalium vasorum naturam et officium subit; paulatimque auctior reddita, in alias quoque ramificationes, per colliquamentum sparsas, protelari cernitur: ut certo constet nutrimentum

tum sub initia a solo colliquamento, in quo foetus natat, hauriri.

Punctum hoc in utero dissecto adhuc palpitans ferenissimo regi videndum exhibui; parvum adeo, ut, nisi beneficio radiorum solis oblique illustrantium, motum ejus tremulum cernere non potuerit.

Colliquamentum integrum, aquae tepidae clarae in vase argenteo vel stanneo inditum, punctum saliens intuentium oculis perbelle exhibet. Eique, sequentibus diebus, mucago, instar vermiculi, galbae forma, adjacet (nempe corporis futuri primordium) in duas partes divisa; ex quarum altera truncus formatur; ex altera caput: eodem plane modo, quo de ovo gallinaceo ante retulimus. Spina, instar carinae, paululum inflexa; caput ex tribus vesiculis five globulis parvis, imperfecte compositum cernitur, et in aqua crystallina natans crescit continuo, figuramque debitam adipiscitur. Hoc solum interest, quod oculi in oviparis, quam in viviparis, majores multo et conspectiores sint.

Post sextum et vicesimum Novembris diem foetus corpore propemodum perfecto cernitur; atque indiscriminatim, quibusdam in dextro, quibusdam in sinistro cornu, reperitur: quibus autem gemelli foetus contingunt, iis in utrolibet cornu unus adest.

Eodem tempore mas a foemina genitalibus suis facile distinguitur; quae in embryone humano conspicua sunt, simul atque arteria aspera discernitur.

Marem et foeminam, prout casus tulerit, modo in dextro, modo in sinistro cornu invenias. Saepius tamen foeminam in dextro, in sinistro marem observavi: idque frequenter in damis, quae gemellos utero gerebant (aliquando etiam in ovis) mihi videre contigit. Vt certum sit, constitutionem aliquam, aut virtutem lateris propriam sexui discriminando nihil conferre.

ferre. Neque enim uterus est fabricator aut formator foetus, nec quidem mater ipsa; magis quam gallina pulli, in ovo cui incubat. Quemadmodum enim pullus, ab interno agente et formante, in ovo fabricatur; ita foetus similiter ex hoc damarum ovo conficitur.

Miretur aliquis, tam brevi temporis spatio a primo sanguinis punctique salientis ortu, foetum intra amnium formari integreque perfici. Enimvero circa diem decimum nonum aut vicefimum Novembris punctum illud primo comparet: circa vicefimum primum aut postridie ejus vermiculus five galba informis conspicitur: sex autem septemve inde diebus foetus adeo perfectus discernitur, ut marem a foemina (membrorum genitalium ope) internoscere, pedesque formatos, ungulas fissas, mucosas, parumque flavescentes videre plane liceat.

Quamprimum foetus formari incipit et crescere, substantia uteri plurimum extenuatur: contra quam in muliere usu venit, cujus uterus indies, prout foetus increverit, crassior et carnosior evadit. Quippe in cerva et dama, quanto magis embryo augetur, tanto propius etiam earum uteri cornua ad intestini formam accedunt; illudque cornu praecipue, in quo foetus continetur, sacculum refert, licet amplitudine et capacitate sui alterum exsuperet.

Ovum hoc five conceptus nuspian hactenus matris lateribus adhaeret vel adnascitur, quanquam foetus jam perfectus cernitur, sed facili negotio integrum eduxeris: quemadmodum in ove expertus sum, quae foetum pollicis fere longitudine in utero gestabat. Quapropter manifeste constat foetum adhuc solo albumine nutriri intra conceptum incluso; sicuti in ovo galinaceo evenire supra notavimus. Venarum enim umbilicalium ora, intra conceptus albumen et vicinos humores, eorumque tunicas oblitterantur; nuspian autem adhuc utero annexa sunt, licet per eas venas solas alimentum foetui subministratur.

Et

Et quemadmodum in ovo venarum propagines in colliquamentum, ceu plantarum radices in terram, primo sparguntur, posteaque ad tunicam exteriorem, chorion dictam, tendunt; pabulique sui gratia, quoquoque per humorem albugineum in extrema membrana contentum infinitis furculis ramificantur; ita pariter in abortu muliebri venas in chorio conspicuas observavi; Aristotelesque^a etiam *membranam illam venis refertam* dixit.

Si unicus foetus fuerit, illius vasorum umbilicalium distributio ad utrumque cornu (ramulis quibusdam per uteri cavitatem diductis) protenditur, ut utrinque alimentum hauriant. Sin bini adfuerint, in singulis nempe cornibus unus, uterque vasa sua umbilicalia in illam solum conceptus partem diffeminat, quae proprio suo cornu respondet: nimirum dexter foetus e dextra conceptus parte victum quaerit, sinister e sinistra: caeteraque etiam similiter conceptus geminus cum ovo gemellifico sese habet.

Sub finem igitur Novembris partes omnes clare ac distincte dignoscuntur, foetusque jam magnitudine fabae majoris vel nucis moschatae apparet; occipite quidem prominulo, ut in pullo, sed oculis minoribus. Os ad utramque auriculam hiens cernitur; buccae enim et labia ultimo perficiuntur, utpote partes cutaneae. In omnibus, inquam, foetibus, etiam humano, paulo ante partum, oris rictus, sine labiis et buccis, ad utramque aurem protensus cernitur. Eandemque ob causam, nisi fallor, multi nascuntur cum labro superiori fisso (Angli *bare lip*, id est leporina labia habentes, nominant; qualia scilicet lepori et camelo sunt) quia in foetus humani formatione superiora labra tardissime coalescunt.

Foetum magnitudine fabae majusculae, intra tunicam amnion transparentem, in purissimo suo pabulo natantem, vasi argenteo aqua limpidissima pleno saepe indidi; haecque potissi-

^a *Hist. anim. lib. vii. cap. 7.*

num notatu digna observavi. Cerebrum albumine ovi paulo crassius, tanquam lac mediocriter coagulatum, rudique forma, sine calvaria, intra ambientem undique membranam continetur. Cerebellum in apicem prominet, sicut in pullo. Cordis conus albicat; caeteraque omnia viscera, ipsumque adeo hepar, alba sunt; et quasi spermatica. Truncus venarum umbilicalium ex corde oritur, jecorisque gibbum transiens, in venae portae truncum perforatur; indeque paululum progressus, et in plurimas propagines dispersitus, per colliquamentum et tunicam chorion, ut dixi, innumerabilibus furculis diffunditur. Latera utrinque a spina adscendunt; unde thorax quasi cymba aut navicula apparet, priusquam cor et pulmones intra ejus ambitum reconduntur: perinde omnino ac in pulli formatione evenire diximus. Quippe intestina, cor, aliaque viscera plane conspicua sunt, videnturque corporis veluti appendiculac; donec obducto anterieus thorace atque abdomine, tanquam superstructo aedificii hujus tecto, intra eorundem cavitatem occluduntur. Eodem tempore latera utrobique, tam pectoris quam alvi, alba, mucilaginosa, et quasi simularis constitutionis visuntur; nisi quod per interiora pectoris exiles quaedam et capillares lineae candidissimae occurrant; quarum indicio inter futuras costas partesque lateris carnosas distinguimus.

Vidi etiam aliquando in consimilis aetatis conceptionibus ovillis foetus geminos (interdum unum duntaxat), qui digitum transversum longitudine aequabant: forma iis erat minimae lacertulae, magnitudo vespaee aut erucac: spina dorsi in orbem flectebatur adeo, ut caput propemodum ad caudam pertingeret. Vterque separatim in aqua limpida peculiari intra amnium natabat; ejusdemque magnitudinis, tanquam ab uno initu conceptuque nati essent, conspiciebantur. Quamvis enim alter in dextro cornu, in sinistro alter reperiretur, ambo tamen in eadem mantica, eademque aqua exteriori, ac proinde in eodem

dem ovo, continebantur. Os amplum; oculi vero puncta erant exigua et vix conspicua, contra quam in avium genere contingit. Praecordia quoque illis nondum intra corporis cavitatem conclusa, sed foris pendula cernebantur. Exterior membrana chorion dicta utero minime adhaerebat, adeo ut conceptum integrum extrahere licuerit. Simul etiam in eadem tunica infinitas ramorum umbilicalium propagines, utero nuspiam alligatas, conspicabar; quemadmodum in cervis observavimus, eodemque prorsus modo, quo extimam ovi gallinacei tunicam supra descripsimus. Aderant solum bini humores, totidemque hos continentes tunicae; quarum chorion per utrumque cornu protendebatur, plenumque aqua turbidior ovum sive conceptum efformabat: tunica vero amnios pene invisibilis, qualis oculi arachnoïdes, humorem crySTALLINUM amplectebatur, in quo foetus ovillus natabat.

Humor intra chorion ad alterum centupla, ne dicam millesima, proportionem erat; licet ipse humor crySTALLINUS in amnio ea copia esset, ut nemo illum tantilli foetus in ipsa natantis sudorem esse jure suspicari posset. Quinetiam limpidus valde nulloque malo odore aut sapore imbutus apparuit; sed, veluti in cervis et damis observavimus, omnino lac aquosum videbatur, nihilque excrementitiae pravitatis obtinebat. Addo etiam, si humor iste de excrementi natura esset, deberet ipse quoque, crescente quotidie foetu, augescere. Ego vero in conceptu ovillo plane contrarium expertus sum; quippe paulo ante partum vix quidquid ejus reperitur. Ideoque alimentum potius quam excrementum esse crediderim.

Tunica uteri ovilli interna innumeris carunculis, ut coelum stellis, tota insigniebatur; erantque oculis cancri, a nobis dictis, non absimiles, sed minores; et tanquam verrucae penfiles, glandulosae ac albae, inter tunicas uteri haerentes, conceptum versus nonnihil excavabantur; contra quam cervis et damis

evenit,

evenit, in quibus illae foetum versus extuberant: quinetiam sanguine turgebant; earumque interior superficies, qua conceptum respicit, punctis nigris sanguineis plena conspiciebatur. In has carunculas venae foetus umbilicales nondum inferebantur, nec conceptus ipse utero adhaerebat.

Allantoïdem, quam praedicant, tunicam a chorio distinctam, in ovillo conceptu non invenio; sed postea, foetu grandiore facto, cum ovum five conceptus utero adnascitur, venaeque carunculis infeminantur, chorion ulterius protenditur; et utrinque in extremitatibus ejus, tanquam appendicibus, humor quidam flavedine tinctus, excrementitium diceres, seorsum cernitur.

Conceptus muliebris primis gestationis mensibus ab ovo vix quidquam discrepat. Vidi enim, ante natam placentam, humorem album, tenuiori ovi albumini similem, ovoque columbino imo phasiani magnitudine aliquando parem, intra membranam subtilem contineri; in quo embryo longitudine unguis digiti auricularis, ranulae instar, conspiciebatur: nempe corpore lato, scisso ore, cruribus et brachiis ceu florum apicibus noviter protrusis, occipite prominente, five potius vesicula reliquo capiti appensa, qualem in pullo futuri cerebelli exordium diximus.

In alio conceptu muliebri, dierum circiter quinquaginta, ovum erat gallinaceo ovo aut gallinae Indicae aequale. Foetus longitudine fabae majusculae visebatur, cum capite praegrandi, quod cerebellum tanquam crista supereminebat; cerebrum autem ipsum lacti coagulato erat simile. Cranii vice, membrana coriacea, et aliquibus locis cartilaginosa, per frontem ad narium radices dividebatur. Rostrum apparuit caninum. Auriculae nullae, neque item nasus: arteriam asperam tamen in pulmones descendantem, penisque rudimentum discernere licuit. Ambae cordis auriculae tanquam oculi nigricantes cernebantur.

In muliere quadam ex febre mortua embryonem hermaphroditum ejusdem fere magnitudinis reperi. Pudendum ei erat quale cuniculo; labia praeputium, nympha glandem referebant. Visum est quoque parte superiore penis exordium; et utrinque pro testiculis scroti laxior cutis aderat. Vterus autem perexiguus uteri ovilli vel talpae effigiem cum duobus cornibus exhibebat. Et, quemadmodum prostatae glandulae juxta pueri penem locabantur, ita similiter testiculi visendae magnitudinis cornibus istis adjacebant. Adeoque foris sexum virilem potius; intus autem muliebrem magis praeferebat. Vterus matris ingens apparuit, cum vesica urinaria, ceu appendice, adjuncta: contra autem in foetu vesica magna cum annexo utero perexiguo sese obtulit.

Dicti omnes muliebres conceptus, ovis similes, rugosa foris superficie erant, et quasi gelatina aut glutine quodam oblinebantur: eodemque tempore nec placenta apparuit neque aliqua cum matrice unio; aut vasorum umbilicalium, per ipsam conceptus superficiem sparforum, in uterum insertio.

Quaquam in eodem cervarum et damarum conceptu plures foetus (ceu pulli in ovi gemellifici eodem albumine) reperiuntur, uti etiam in ovibus, capris, aliisque bifulcis evenit; res tamen in canibus, cuniculis, suibus, caeterisque viviparis et multiparis animalibus, aliter se habet; in quibus foetus quilibet binos humores et utramque tunicam peculiare fortitur.

In canibus per totum cornu ductum varii nodi sunt, in quibus totidem humores continentur; et in singulis eorum singuli foetus. In lepore et cuniculo multi globuli (quemadmodum in serpentibus ova), tanquam armillae ex pluribus succini globulis filo unitis, conspiciuntur. Et leporinus quidem conceptus glandi quercinae persimilis est; dum eum placenta ad modum cupulae complectitur, humoresque in tunicis conclusi ceu glandes propendent.

EXERCITATIO SEPTVAGESIMA.

Conceptus cervarum et damarum ut se habeat mense Decembri.

PRINCIPIO Decembris auctior jam et perfectior foetus conspicitur, digiti nempe longitudine. Cor, caeteraque viscera, et intestina, quae antea foris appensa cernebantur, in corporis cavum absconduntur; ut ea citra sectionem intueri cordisque pulsum distinguere queas.

Conceptus five ovum, mediantibus in utrolibet cornu quinis carunculis, quarum saepe antea meminimus, utero totidem in locis copulatur et adnascitur; non adeo valide tamen quin facili conatu avelli queat. Quod ubi factum est in exteriori chorii superficie, qua utero per dictas carunculas adhaerebat, vestigia harum inaequalia lentore quodam viscosa et rugosa conspiciuntur; quasi eodem glutine adhaesio five conjunctio facta foret. Jamque tandem natura atque usus istarum caruncularum innotescit: nam quae prius, tanquam fungi aut verrucae, uteri lateribus adnatae cernebantur; nunc conceptui annexae vicem supplent placentae five hepatis uterini in muliere, eodemque officio funguntur. Praestant nempe usum papillarum, unde foetus, ope vasorum fuorum umbilicalium, alimentum a matre suppeditatum trahat; uti ex sequentibus palam fiet.

Magnitudo et capacitas uteri, quo nomine cornua intelligimus, loca nimirum conceptionis, pro incremento foetus augentur; ita tamen, ut cornu illud, in quo foetus hospitatur, altero majus sit.

Conceptus, aut ovum, est in iis unicus; five foetus singularis, five plures inde oriantur. Idemque in utrumque cornu protenditur: adeo, ut duplex farcimen vel unicum potius et in medio sui constrictum videatur; quemadmodum supra a no-

bis dictum est: quippe ex alterius lateris ultimo cornu tenuis ac teres prodiens sensim augetur, diduciturque ad eum locum communem, qui in muliere uterus dicitur et matrix; quod ea parte foemina mater fiat foetum concipiendo et fovendo; ubi tanquam per isthmum transiens restringitur; denuoque in altero cornu dilatatus ad illius extremum protenditur; ubi, veluti in principio fui, gracilior factus definit. Conceptus itaque huiusmodi, modo integer extrahatur, manticae (Angli nominant *a wallet*) aqua utrinque plenae fimilis est: indeque tunica haec chorion, dicitur etiam allantoïdes, quod istorum animalium conceptus intestinum inflatum infarctumve medioque fui coarctatum referat.

In embryone hoc tempore dissecto interiora omnia distincta et perfecta conspiciuntur: praesertim ventriculus, intestina, cor, renes, et pulmones; qui etiam in lobos divisi sanguinolenti apparent, formamque debitam nati sunt. Color autem his rubicundior est quam iis, qui aërem aliquando inspirarunt; quod pulmones ab eo dilatati albedinem induant. Eoque indicio facile internoveris materne vivum an mortuum foetum pepererit: illico enim ab inspirato aëre mutatur pulmonum color, qui, etiam post repentina fata, idem permanet.

In foetu foemineo testes (improprie sic dicti) juxta renes, in uteri suspensorio, utrinque ad fines cornuum positi sunt; majoresque proportionem quam in adultis, et caruncularum instar albae visuntur.

In foetus ventriculo materia aquea, non abfimilis ei in qua natat, reperitur; sed turbidior paulo minusque transparens: quale lac est, cum primum praegnantibus mulieribus circa quartum aut quintum mensem e papillis emulgetur; vel serum albidius, quod nos *white posses* dicimus.

In intestinis superioribus chylus ex eadem materia cocta abundat. In colo autem excrementa virescentia et formata scybala apparere incipiunt.

Vrachum

Vrachum non invenio perforatum : nec differentiam aliquam tunicae allantoïdis, quae urinam continere dicitur, a chorio : neque urinam in secundis reperio, sed in vesica, eamque copiosam. Vesica ipsa oblongior, inter arterias umbilicales e ramis arteriae magnae descendentes ortas, sita est.

Jecur rude est et propemodum informe; ac, quasi aliquid praeter naturam esset, videtur solum rubicunda et sanguinolenta effusio. Cerebrum nonnihil figuratum intra membranam crassiorem continetur. Oculi sub palpebris occulti latent; haecque adeo invicem conglutinatae sunt arteque cohaerent, veluti canibus mox ab ortu evenit, ut eas disjungere, oculosque aperire vix potuerim. Pectoris ossa et costae jam sensim durescunt: musculorum quoque color ex albo in sanguineum transit.

Instituta per hunc mensem plurimis dissectionibus, factum quotidie certior, carunculas illas placentae uterinae officio fungi, eademque jam rubicundae ac turgidae nucis juglandis magnitudine reperiuntur. Conceptus, quem antea mucus solum ope carunculis adhaerere diximus, jam vasorum umbilicalium ramusculos in ipsas carunculas, ut plantae radices suas in terram, inserit, quibus utero agglutinatur et adnascitur.

Sub finem Decembris foetum spithamae longitudinis, sese valide moventem, calcitrantemque vidimus. Os ac fauces aperiebat claudebatque. Cor, in pericardio situm, dissectoque pectore conspicuum, manifeste fortiterque pulsabat. Ventriculi tamen ejus uniformes erant, et magnitudinis ejusdem; parique cacumine, ceu bicipiti cono, constabant: parietum quoque crassities aequalis apparuit. Quinetiam liquido vidimus cordis auriculas, quae hoc tempore, tanquam vesicae majusculae, sanguine replebantur, postquam cor ultra pulsare desiisset, motum tamen suum diutule continuare.

Interiora omnia, quae nuper quidem perfecta erant, nunc ampliora et conspectiora sunt. Calvaria partim cartilaginea partimque ossæ est. Ungulae flavescentes, flexiles, ac molles, ut adutorum aqua calida emollitæ, conspiciuntur. Carunculae quoque maximæ, ceu fungi grandiores, per totam uteri cavitatem extenduntur, placentæque vicem plane fubeunt: propagines enim complures amplæque venarum umbilicalium in illas penetrant, ut alimentum inde foetui nutriendo hauriant: quemadmodum in jam natis chylus per venas mesaraïcas in jecoris portas transfertur.

In quocunque hujusmodi conceptu unicus solum foetus efformatur; ejus vasa umbilicalia ad omnes carunculas (tum ejusdem tum etiam oppositi lateris) derivantur: in quo autem binus foetus adsunt, eorum utriuslibet umbilicalium ramificatio non ultra ejusdem lateris carunculas porrigitur.

Venæ umbilicales minores versus foetum tendentes, dum coeunt, in alias majores definunt; eademque similiter ulterius progressæ et unitæ in alteras majores, tandemque duos truncos constituunt; qui simul juncti sanguinem in venam cavam et portam regerunt. Arteriae vero umbilicales, e ramis arteriae magnæ descendenti ortæ, duæ sunt perquam exiguae, nec, nisi ob pulsum, conspicuæ: eademque ad ambitum conceptus (scilicet ad conjunctionem placentæ five caruncularum cum venarum propaginibus) diductæ, in capillares primum, ac demum in invisibiles obliterantur.

Quemadmodum in utero vasorum umbilicalium extrema in carunculas terminantur; ita similiter extra eum vasa uterina, quæ copiosa et larga sunt, sanguinem a matre versus matricem (mediante suspensoriorum ductu) deferentia, in easdem carunculas forissecus definunt. Notandum etiam vasa interiora ferre omnia venas esse; exteriora vero plurima esse arteriarum propagines. In placenta muliebri, statim a partu, si rem probe inspex-

inspexeris, arterias multo plures quam venas, majoresque, cum infinitis propemodum furculis quoquoeversum ad extremum usque ambitum ejus diductis ac diffeminatis, reperies. Sicut etiam in simili lienis fungoso parenchymate arteriarum numerus quam venarum major est.

Tendunt, inquam, vasa uterina exteriora ad matricem; non autem ad testiculos in dicto suspensorio locatos; ut aliqui arbitrantur.

In gibba five convexa caruncularum parte, quae conceptum spectat, miram naturae observavi solertiam: in plurimis nempe cavitatibus et cotyledonibus, five acetabulis exterius hiantibus, materia alba et mucilaginosa reperiatur; quae, ut mel favos, carunculam totam implebat; eratque colore, consistentia, ac sapore albumini ovi perfimilis. Conceptum vero a carunculis istis si avulseris, videas illico ex singulis cotyledonibus et favis, eorundemque mucore, totidem furculos, five capillares vasorum umbilicalium ramusculos, tanquam filamenta oblonga, simul extrahi: quemadmodum herbas e terra evulsas radices suae comitantur.

Vnde clare constat vasorum umbilicalium extrema nullo modo cum vasis uterinis per anastomofin conjungi, neque sanguinem ex illis haurire; sed in mucagine ista terminari atque obliterari, indeque sibi alimentum fumere; eodem prorsus modo, quo antea ex humore albugineo intra conceptus tunicas comprehenso victum quaeritabant. Et quemadmodum in ovo gallinaceo pullus per vasa sua umbilicalia ex albumine alitur; sic etiam foetus in damis et cervis ex consimili in his cellulis reservato albumine nutritur, non autem ex sanguine.

Quapropter merito carunculas has vel hepar uterinum, vel mammas uterinas dixeris: nempe organa albuginosa isti alimentum concoquendo, venarumque attractioni praeparando idonea. Ideoque quibus viviparis carunculae et placentae desunt,

sunt, ut equis et porcis, eorum foetus, ad partum usque, humoribus duntaxat intra conceptum repertis enutriuntur; neque uspiam illorum conceptus utero adnascitur.

Manifestum itaque est in illis, atque etiam in his, caeterisque forsân omnibus animalium viviparorum speciebus, embryonem non aliter in utero quam pullum in ovo sustentari; ex eadem scilicet materia alibili, specieque simili albuminis nutrimento. Enimvero ut in ovo vasorum umbilicalium fines in albumine et vitello terminantur; ita pariter in cervis et damis, aliisque, quibus hujusmodi carunculae infunt, ultima vasorum umbilicalium orificia in humores, qui intra conceptum continentur, inque albumen, quod in acetabulis cotyledonibusve istis est, aperiuntur et desinunt. Idque etiam inde porro cognoscitur, quod extrema umbilicalium filamenta, cum e praedicto mucore extrahuntur, alba omnino conspiciantur; firmo argumento, eadem colliquatam hanc mucilaginem duntaxat, non autem sanguinem absorbere. Idemque experimentum possis, modo cupias, in ovo instituere.

Placenta muliebris gibba sui parte, qua utero adhaeret, plurimis tuberibus inaequalis est; videturque istorum opera eadem adnasci. Adeo ut non ubique utero affigatur, sed iis solum locis, ubi vasa in eum porrecta nutrimentum eliciunt, et in quibus propterea vasorum quasi fines abrupti cernuntur. Num autem dictae vasorum extremitates sanguinem ab utero exfugant, an potius concoctum quid albumini simile, quale in cervis et damis reperiri diximus, nondum exploratum habeo.

Denique, ut praedicta veritas certo constet, si carunculas illas digitis compresseris, ex earum una aliqua, tanquam ex papilla, succi istius alibilis facile cochlearis mensura emulgetur: idque nullo apparente sanguine, quem attrectatu etiam valido nunquam eliqueris. Quinetiam caruncula sic emulsa atque in-

anita

anita, compressae spongiae instar, contrahitur et flaccescit; plurimisque foraminibus pertusa cernitur. Adeo ut omnibus indiciis pateat carunculas istas esse ubera uterina, sive albuminis nutritii conceptacula et promptuaria.

Finito Decembri, carunculae minus firmiter quam antea utero adhaerent; parvoque negotio ab eodem disjunguntur. Imo, quo grandior foetus fuerit partuique vicinior, eo facilius etiam carunculae istae ab utero recedunt: tandemque, ceu fructus maturior ab arbore, sua sponte, tanquam ad conceptum attinentes, ab utero delabuntur.

His ab utero separatis, videas in earum relictis vestigiis arteriolarum adeuntium puncta sanguinem fundere. Sin vero ab ipsis carunculis conceptum avulseris, sanguis ex illis non emanat; verum contra e vasorum solum finibus, ex conceptu prodeuntibus, effluit: licet rationi magis consonum videatur, sanguinem potius ex carunculis, quam ex conceptu in eorum ab invicem divulsione, effusum iri. Cum enim illae plurimis arteriarum ramulis ab utero prodeuntibus scateant, sanguinemque alendo foetui depromere credantur; easdem etiam copioso sanguine abundare oportuit. Verum, ut dixi, sanguinem ne mulsae quidem aut compressae emittunt: quippe non tam illo, quam albumine plenae sunt; neque illius organa concoctricia videntur, sed hujus promptuaria. Vt manifestum sit, foetum in utero non ali sanguine materno, sed albumine huiusmodi commode apparato. Forfitan neque adulti etiam sanguine nutriuntur, sed quiddam sanguini commistum illis commune ultimumque alimentum est: ut alias fortassis in physiologia, et peculiari de sanguine disceptatione dicetur.

Suspectus mihi est plurimum locus Hippocratis, ubi ait^a, *Quibus acetabula mucoris plena, abortiunt.* Iste enim non est excrementum, et abortus causa; sed nutrimentum et origo vitae.

^a L. de nat. mul. de morb. vulg. et f. v. aph. 45.

Sed Hippocrates forte alia acetabula intellexit: in muliere enim non reperiuntur; neque ejus placenta materiam aliquam hujusmodi in cavitatibus ullis sensibilibus distinctam continet.

Medici recentiores, ex Arabum sententia, tres humores alibiles commenti sunt; rorem nempe, gluten, et cambium: quos Fernellius succos nutritios nominavit. Quasi voluerint corporis nostri partes non sanguine, ceu alimento ultimo, immediate nutriri, sed secundariis istis humoribus: quorum primo, roris instar, particulae omnes etiam minimae undiquaque aspergantur; hic coctione ulteriore crassior redditus, partibusque adhaerens, gluten dicitur; tandemque virtute loci mutatus et affimilatus cambium appellatur.

Poterit aliquis, ad illorum mentem, materiam hanc in acetabulis repertam gluten five albumen nutritium nominare; dicereque, eandem (utpote alimentum ultimum singulis foetus partibus destinatum) albumini aut vitello ovi analogam esse; et conceptum ipsum ovo, dempto cortice, respondere. Nam, quemadmodum nuper cum Aristotele diximus vitellum esse lacti analogum; ita similiter a ratione non alienum credimus, materiam hanc, in placenta uterinae cotyledonibus five acetabulis conclusam, foetui lactis vicem supplere, quamdiu in utero hospitatur: adeoque carunculas illas esse veluti ubera interna; materiamque alibilem inde, post partum, in mammas transferri, et lactis naturam induere; ut foetus, hoc pacto, eodem victu foris fruatur, quo intus gaudebat. Ideoque inter oviparorum ova bicolora, e vitello nempe et albumine composita, atque ova five conceptus viviparorum animalium, hoc solum interest; quod in illis vitellus (qui est cibus secundarius) intra ovum paretur, statimque a partu in ventrem pulli reconditus, pro victu reponatur; in his autem succus ille nutritius ante partum in acetabulis conservetur, post partum vero ad mammas deferatur. Adeo, ut pullus quasi lacte intus conclu-

fo alatur; viviparorum autem foetus idem e matris uberibus depromat.

Post Decembrem, mensibus Januario, Febuario, et sequentibus, cum nihil novi aut notatu digni eveniat, de quo non fit dictum prius (praeter pilos, dentes, cornua, et similia); sed ea omnia auctiora solum appareant, generationis vero negotium minus spectent, visum est de iis impraesentiarum nihil dicere.

Eodem tempore conceptus ovillos plurimos disseui; qui, perinde ac damarum, per utrumque uteri cornu extensi, figuram quoque manticae aut duplicati farciminis referebant. In aliquibus binos foetus reperi; in aliis duntaxat unicum, eumque omni lana nudum oculisque arcte adeo occlusis et agglutinat, ut palpebras aperire non potuerim; ungulae tamen aderant. Quibus bini foetus contingebant, ii in diversis cornibus reperiiebantur; et quidem promiscue, nullo observato ordine, mas interdum in sinistro, foemina in dextro; aliquando contra inerant: ambo autem semper eodem conceptu communi, eademque exteriori membrana chorio comprehendebantur. Cuius extrema utrinque ad finem cornuum quasi bilioso excremento tincta apparebant; videbanturque turbidi aliquid et excrementitii in se habere.

Carunculae, five placentulae, plurimae et magnitudinis variae reperiiebantur; contrariae etiam quam in damis et cervis figurae: quippe in ovibus, quasi fungus rotundus, abrupto pedunculo, inter uteri tunicas continetur: ejusque pars gibba utero, quod etiam vaccino conceptui commune est, concava autem, quae et laevis, foetui obvertitur: majores quoque ramuli ad partem hanc concavam feruntur; quemadmodum etiam interiori placenta muliebris parti contingit. Eaedem variorum umbilicalium propagines, carunculis annexae, firmiter adeo adhaescent, ut, cum divellere eas cuperem, pars gibba

a tunica uteri interiore abrumperetur potius, quam a conceptu recederet: contra quam in cervis et damis evenit; quarum membrana chorion facile a caruncularum cotyledonibus avellitur; quibus etiam pars caruncularum convexa, conceptui juncta, separabilis est; concava vero pars, vel potius radix five pedunculus, firmiter utero adhaeret. Caeteroquin, idem utrobique officium, eademque acetabula deprehenduntur; atque eodem modo, viscosus et albugineus mucus (qualis etiam vaccinis carunculis ineft) emulgetur.

In quo conceptu singularis foetus continetur, hic ad omnes utriusque cornu carunculas vasa sua umbilicalia transmittit, ut inde nutrimentum petat: cornu autem, in quo foetus ipse, in aqua crystallina intra amnion natans, reperitur, altero majus est. In quo autem bini foetus insunt, eorum alteruter privatas suas carunculas obtinet; missisque in proprium duntaxat cornu vasis umbilicalibus, ex eodem sibi alimentum quaerit.

In foetu masculo, testiculi, pro aetate, magni foris in scroto propendent. Foemellarum autem ubera ibidem loci papillis, quales mulierum mammae habent, donantur.

In duplici foetus ventriculo, nempe omaso et abomaso, aqua crystallina similis illi, in qua natabat, apparuit; quippe colore, odore, sapore, et consistencia, plane inter se congruebant. Inerat quoque in intestinis superioribus quasi chylus; in inferioribus excrementum viride et scybala; qualia, cum gramine pascitur, egerere solet. Jecur satis amplum reperiebatur; fellis quoque vesicula oblongior, et in quibusdam vacua.

Quem autem ordinem haecenus, in ovo, ac damis cervisque, a nobis perspectum diximus; eundem quoque semper in omnibus viviparorum embryonibus observavimus.

EXERCITATIO SEPTVAGESIMAPRIMA.

De calido innato.

QVONIAM saepe calidi innati mentio incidit, libet hic, epidorpidis loco, de eodem et humido primigenio paucis agere: idque eo libentius, quod multos videam nominibus istis plurimum deliciarum; cum rem ipsam tamen, meo quidem iudicio, minus intelligant. Non est opus profecto spiritum aliquem a sanguine distinctum quaerere; aut calorem aliunde introducere, Deosve in scenam advocare, philosophiamque fictis opinionibus onerare: domi scilicet nascitur, quod vulgo ab astris petimus. Solus nempe sanguis est calidum innatum, seu primo natus calor animalis: uti ex observationibus nostris circa generationem animalium, praesertim pulli in ovo, luculenter constat: ut entia multiplicare sit supervacaneum. Nihil sane, in corpore animalium, sanguine prius aut praestantius reperitur; neque spiritus, quos a sanguine distinguunt, usquam ab illo separati inveniuntur: quinetiam sanguis ipsemet, sine spiritu aut calore, non sanguis, sed cruor appellandus est. Sanguis, inquit^a Aristoteles, *quodam modo calidus est; videlicet eo, quale est ei sanguini esse; perinde quasi aquam ferventem nomine uno significemus; at vero subiecto, et quod tandem cum sit, sanguis est, non calidus est: et quodammodo per se calidus, quodammodo non per se calidus est; caliditas enim in ejus ratione inest, quemadmodum albedo in albi hominis ratione; at eo, qua sanguis per affectionem sive passionem est, non per se calidus est.*

Nimirum id nobis medicis spiritus est, quod Hippocrati impetum faciens; quidquid scilicet proprio conamine aliquid movetur, et cum agilitate ac vehementia motum excitat, aut actionem aliquam aggreditur: eoque nomine, vini, vitrioli et cae-

^a De part. anim. lib. ii. cap. 3.

terorum, spiritus dicuntur. Ac propterea apud medicos tot sunt spiritus, quot partes corporis praecipuae, aut operationes; nempe animales, vitales, naturales, visivi, auditorii, concoctivi, generativi, implantati, influentes, et caeteri. Sanguis autem, pars corporis primogenita et principalis, virtutibus hisce omnibus dotatus, agendique potestate prae caeteris praeditus est; ideoque κατ' ἐξοχὴν spiritus nomen meretur.

Scaliger, Fernelius, aliique, sanguinis eximias dotes minus perpendentes, spiritus alios (tanquam praestantius et divinius calidum innatum) aëreos aut aethereos, vel ex substantia aetherea et elementari compositos finxerunt, proximumque animae instrumentum ad omnia maxime idoneum crediderunt: ea potissimum ratione nixi, quod sanguis, utpote ex elementis compositus, supra vires elementorum, mistorumque ex iis corporum, agere nequeat. Finxerunt itaque spiritum, caloremque innatum alium, coelestis originis et naturae; corpus nempe simplicissimum, subtilissimum, tenuissimum, mobilissimum, velocissimum, lucidissimum, aethereum, quintaeque essentiae participem. Nuspiam tamen demonstrarunt ejusmodi aliquem spiritum dari, aut eundem supra vires elementorum agere, vel majora opera praestare quam sanguis solus possit. Nos sane, qui perscrutandis rebus sensu duce utimur, talem aliquem nullibi invenire potuimus. Nec cavitates aliquae illorum generationi aut conservationi destinatae sunt, vel ab illis assignantur. Fernelius quidem ait^a, *Quisquis calidi innati substantiam et statum nondum plene est assequutus, corporis nostri structuram contemplatus, arterias adeat, in cordis sinum et in cerebri ventriculos introspiciat; quos dum inanes, ac nullius prope humoris participes videbit, neque tamen frustra ac temere tantos a natura conditos; haec quidem mente contrectans, mox, opinor, cogitatione comprehendet praetenuem auram eos tum implevisse,*

^a Physiol. lib. iv. cap. 2.

dum in vivois fuit animal, quae tamen eo animam agente, levissima cum esset, sine sensu evanuerit. Hujus fovendae gratia, inspiratione aërem introducimus; qui non modo corpori refrigerationem (haec enim satis posset aliunde comparari) sed pabulum quoque subministrat. Nos autem, arterias, cordisque finus, quamdiu animal superstes est, sanguine impleri dicimus: ventriculos quoque cerebri tam excellenti muneri inidoneos iudicamus, eosdemque excrementis secernendis potius factos credimus. Quid, quod plurium animalium cerebra ventriculis careant? Et ut verum sit aërem aut vaporem aliquem ibidem reperiri, siquidem vacuum omne natura effugiat, eundem tamen coelestis originis, tantarumque virtutum haeredem esse, minus fit verisimile. Miramur vero quam maxime, spiritum e coelis oriundum, tamque eximiis dotibus ornatum, a communi nostro et elementari aëre nutriri: praesertim cum iis ratum sit elementa quaelibet supra vires suas nihil agere.

Fatentur insuper spiritus in perpetuo fluere esse, facileque dissipari, et corrumpi posse; nec momento temporis supereffe, nisi a jugiter subministrato pabulo redintegrentur; ac propterea, perinde ac primum vivens, continue nutriri. Quid igitur extraneo illo hospite opus est, calore, inquam, aethereo? cum eadem omnia a sanguine praestari queant; nec spiritus ab illo vel latum unguem, citra interitum, recedant. Imo vero sine eo nuspiam, tanquam corpora separata, vagantur aut penetrant. Sive enim ex tenuiore sanguinis parte, ut aliqui censent; sive ex humido primigenio, ut alii volunt, eos gigni, nutriri et augeri dixerint; fatentur tamen ipsos extra sanguinem nuspiam reperiri; sed eidem, utpote pabulo suo, quemadmodum flamma oleo sive ellychnio solet, perpetuo adhaerescere. Eorum itaque tenuitas, subtilitas, mobilitas, et caetera, nihilo plus commodi afferunt, quam sanguis, quem isti continue comitantur. Est igitur sanguis sufficiens et idoneus, qui sit immediatum

diatum animae instrumentum; quoniam et ubique praefens est, et huc illuc ocyssime permeat. Nec sane corpora alia, aut qualitates spirituales incorporeae; caloresve diviniore, tanquam lux et lumen, concedi possunt; uti Caesar Cremoninus^a, Aristotelicae Philosophiae eximie peritus, contra Albertum nervose contendit.

Si dixerint spiritus illos in humido primigenio, veluti in alimento ultimo, existere, indeque, ut partes omnes nutrant, in totum corpus influere; rem profecto statuunt impossibilem: nempe calidum innatum, partem corporis primigenitam, quae et ipsa alitur, universo corpori nutriendo inservire. Quippe hoc pacto idem essent, quod alitur, et a quo id alitur; idemque seipsum, secundum idem, aleret et aleretur: quod fieri equidem nullo modo potest; quoniam alimentum cum alito ne misceri quidem probabile est; aequari enim potentiis, invicemque agere miscibilia oportet; dictumque est Aristotelis, *ubi nutritio, ibi nulla mistio est*. Siquidem ubicunque nutritio est, ibi aliud est alimentum, aliud quod ex eo alitur; et omnino necesse est ut alterum in alterum transeat.

Quod autem existimant spiritus, et alimentum ultimum five primigenium, vel aliud quid in animalibus reperiri, quod, magis quam sanguis, supra vires elementorum agat; non videntur, quid sit *supra vires elementorum agere*, satis intellexisse: nec verba illa Aristotelis recte interpretati sunt, ubi ait^b, *Omnis animae sive virtus, sive potentia, corpus aliud participare videtur, idque magis divinum, quam ea, quae elementa appellantur*. Et mox, *Inest enim in semine omnium, quod facit ut foecunda sint semina; videlicet, quod calor vocatur: idque non ignis, non talis facultas aliqua est; sed spiritus, qui in semine spumosoque corpore continetur, et natura quae in eo spiritu est, proportionem respondens elemento stellarum*. Quamobrem ig-

^a Dictato vii.^b De gen. anim. lib. ii. cap. 3;

nis nullum animal generat; neque constitui quidquam densis vel humidis vel siccis videtur. At vero solis calor et animalium, non modo qui semine continetur, verum etiam si quid excrementi sit, quamquam diversum a natura, tamen id quoque principium habet vitale. Caeterum, calorem in animalibus contentum, nec ignem esse, neque ab igne originem ducere, apertum ex his est. Idem enim ego quoque de calido innato et sanguine affirmaverim; non esse scilicet ignem, neque ab igne originem ducere; sed corpus aliud, idque divinum magis participare: ac propterea non agere facultate aliqua elementari; sed, quemadmodum in semine inest aliquid, quod ipsum foecundum reddat, et in fabricando animali vires elementorum excellat; spiritus nempe, et natura in eo spiritu respondens elemento stellarum: ita pariter in sanguine inest spiritus sive vis aliqua, agens supra vires elementorum, in singulis animalis partibus nutriendis et conservandis valde conspicua, et natura, imo anima in eo spiritu et sanguine, respondens elemento stellarum. Calorem denique in sanguine animalium, durante vita, nec ignem esse, neque ab igne originem trahere, manifestum est; nostraeque observationes id luculenter docent.

Vt autem haec liquido magis appareant, liceat nobis a proposito aliquantulum digredi, et paucis ostendere, quid sit spiritus, et quid *supra vires elementorum agere*; quid etiam significant ea verba, *participare corpus aliud, idque divinius, quam quae elementa appellantur*; et quid sit *natura in eo spiritu respondens elemento stellarum*.

Quid sit spiritus et principium vitale partim antea a nobis dictum est, partim etiam uberius jam dicetur. Sunt tria corpora, eaque simplicia, quae videntur sibi spiritus nomen vel saltem officium praecipue vendicare; nempe ignis, aër, et aqua: et quodlibet eorum vitam, sive corpus aliud participare videtur, ob motum et fluorem perpetuum; flamma, inquam,

flatus, et flumen. Flamma est fluxus ignis; flatus aëris; flumen aquae. Flamma, tanquam animal, se ipsam movet, nutrit, auget, vitaeque nostrae symbolum est. Ideoque in ceremoniis divinis passim usurpatur; in templis quoque Apollinis et Vestae a virginibus religiose, ceu res sacra, custodiebatur: eundemque ab ultima antiquitate apud Persas, aliasque gentes plurimas, divino honore cultum accepimus. Quasi Deus in igne maxime conspicuus sit, et ex igne nobis, ut olim Mosi, loqueretur. Aër etiam suo merito spiritus dicitur, siquidem hic a spirando nomen sumpsit; et Aristoteles disertis verbis fatetur^a, *vitam quandam, atque ortum et interitum vel flatuum esse*. Denique et fluminis aqua viva appellatur.

Videntur itaque tria ista, quatenus vitam quandam obtinent, supra vires elementorum agere, et corpus aliud divinius participare: ideoque in divorum numerum ab Ethnicis relata sunt. Quippe, unde opus aliquod eximium, nudaque elementorum facultates superans exoritur, id ipsum ab agente aliquo diviniore proficisci arbitrabantur. Tanquam idem sit, supra vires elementorum agere, et corpus aliud divinius eam ob causam participare, quod ab elementis originem non trahat.

Sanguis quoque similiter supra vires elementorum agit, cum jam pars primogenita et calor innatus existens, uti fit in semine et spiritu, reliquas totius corporis partes ordine fabricat; idque summa cum providentia et intellectu, in finem certum agens, quasi ratiocinio quodam uteretur. Haud equidem ea praestat, quatenus elementaris est, et ab igne originem ducit; sed quatenus virtutis plasticae, animaeque vegetativae munere, calidum primogenitum, vitaeque instrumentum immediatum atque idoneum efficitur. Αἷμα, τὸ ζωτικὸν τῷ ἀνθρώπῳ, inquit Suidas: quod de reliquis quoque animalibus verum est. Idque etiam Virgilius videtur voluisse, ubi ait^b:

^a De gen. anim. lib. iv. cap. ult.

^b Aeneid. x.

Vna eademque via sanguisque animusque sequuntur.

Sanguis itaque est spiritus, ob eximias ejus virtutes et vires; est etiam coelestis; siquidem in illo spiritu hospitatur natura, nempe anima, respondens elemento stellarum; id est, aliquid coelo analogum, coeli instrumentum, coelique vicarium.

Ad hunc etiam modum corpora omnia naturalia duplici ratione consideranda veniunt; nempe, vel prout illa privatim aestimantur, et intra propriae naturae ambitum comprehenduntur; vel prout instrumenta sunt agentis cujusdam nobilioris, et superioris potestatis. Nam ad vires eorum proprias quod attinet, non est fortasse dubium, quin omnia generationi et corruptioni subiecta ex elementis originem ducant, et ad eorundem normam operentur. Quatenus vero praestantioris agentis instrumenta sunt, et ab illo regulantur, non jam ex natura propria operantur, sed ex regimine alterius; ideoque corpus aliud et divinius participare videntur, viresque elementorum excellere.

Similiter et sanguinis calor est animalis, quatenus scilicet in operationibus suis ab anima gubernatur; est etiam coelestis, utpote coelo subserviens; et divinus, quod Dei optimi maximi instrumentum sit: quemadmodum supra a nobis dictum est; ubi etiam marem et foeminam, solis, coeli, vel Satoris summi instrumenta esse, perfectorum animalium generationi inservientia, demonstravimus.

Mundus inferior, secundum Aristotelem, superioribus latioribus adeo continuus est, ut omnes ejus motus et mutationes inde originem sumere et gubernari videantur. Profecto in mundo isto, cui κόσμος Graecis ab ordinis pulchritudine nomen est, res inferiores et corruptibiles superioribus aliis et incorruptilibus subserviunt: omnes autem summo, omnipotenti, atque aeterno creatori et subsunt, et morem gerunt.

Qui igitur rem nullam, ex elementis compositam, supra horum vires operari posse autumant, nisi simul corpus aliud et

quidem divinum magis participet; ideoque spiritus istos, partim ex elementis, partim ex substantia aliqua aetherea et coelesti constare arbitrantur; nae illi rationes suas male subduxisse mihi videntur. Quippe vix ullum corpus elementare invenias, quod in agendo vires proprias non superet. Ne longe quaeram, quod ubique obvium est: aër et aqua, dum navigia ad extremos Indos, et circumcirca orbem terrarum (saepeque simul in partes contrarias) deferunt; cum molunt, pinfunt, cribrant, puteos exhauriunt, ligna fecant, ignem fuscitant, quaedam vehunt, alia obruunt, resque alias infinitas et admirandas praestant; an non supra vires elementorum agere videntur? Ignis similiter quot et quanta efficit? nimirum in culina, in officina metallica et chymica, sublimando, fundendo, concoquendo, corrumpendo, coagulando, aliisque modis infinitis. Quid, cum ferrum ejus opera producitur? — *quod terram domat, et quatit oppida bello*. Cum magnes, cui Thales propterea animam attribuit, ferrum ad se attrahit, *domitrixque illa rerum omnium materia*, ut ait Plinius^a, *ad inanè nescio quid currit*; et acus ferrea, eidem affricta, mundi cardines perpetuo respicit: cum horologia nostra singulas diei noctisque horas constanter indicant: an non corpus aliud, praeter elementa, idque divinius participare videntur? Quod si ex artis dominio et gubernatione tam praeclara quotidie supra rerum ipsarum vires efficiantur; quid ex naturae praecepto ac regimine fieri putabimus, cujus ars solum imitatrix est? Et si hominibus serviendo tam admiranda perficiant; quid, quaeso, ab iis expectabimus, ubi instrumenta fuerint in manu Dei?

Nimirum distinctione ista opus est: nullum agens primum, primumve efficiens, supra vires suas operatur: omne vero agens instrumentale in agendo proprias vires superat; agit enim virtute, non solum sua, sed etiam superioris efficientis.

^a Lib. xxxvi. cap. 16.

EXERCITATIO SEPTVAGESIMAPRIMA. 531

Qui itaque tam praeclaras dotes sanguini denegant, et spiritus nescio quos e coelo deductum eunt, quibus virtutes illas divinas attribuant; nesciunt profecto, vel saltem non cogitant, generationis opus, atque etiam nutritionis, quae revera generationis quaedam species est, cujus gratia iisdem tam eximia privilegia largiuntur, ipsorum spirituum vires excellere: nec spirituum modo, sed et animae vegetativae; imo etiam sensitivae; addo quoque et rationalis. Vires dixi? imo vero et captum etiam animae rationalis longe superat: natura enim generationis, ejusque ordo, admirabilis plane est et divinus, supra quam quispiam cogitatione capere, aut mente complecti possit.

Vt igitur clarius constet virtutes illas praeclaras, quas spiritibus et calido innato viri docti attribuunt, uni sanguini convenire: praeter ea, quae in ovo, antequam quidpiam foetus appareat, et in foetu perfecto adultoque mirifice conspicua sunt; pauca haec diligenti animo perpendenda veniunt. Sanguis nempe extra venas absolute et per se consideratus, quatenus est elementaris, atque ex diversis partibus, tenuibus scilicet serosis, crassis et concretis, componitur, cruor dicitur, paucaeque admodum et obscuras virtutes possidet. In venis autem existens, quatenus est pars corporis, eademque animata et genitalis, atque immediatum animae instrumentum, sedesque ejus primaria; quatenus etiam corpus aliud divinius participare videtur, et calore animali divino perfunditur; eximias sane vires obtinet, estque analogus elemento stellarum. Quatenus spiritus, est focus, Vesta, lar familiaris, calidum innatum, sol. microcosmi, ignis Platonis; non quod, ignis communis instar, luceat, urat, et destruat; sed quod vago ac perpetuo motu se ipsum conservet, nutriat et augeat. Spiritus etiam nomen meretur, quatenus humido radicali, ultimo scilicet proximoque alimento, primario et prae aliis partibus abundat; caeterisque omnibus eundem victum, quo ipsemet nutritur, et prae rat, et exhibet: dum
nempe

nempe perpetim universum corpus peragrat, partesque omnes, quas ipsemet fabricat sibi que adjungit, nutrit, fovet, ac in vivis sustentat: non aliter certe quam superiora astra, sol praesertim et luna, servatis perpetuo circuitibus, inferiora ista vivificant.

Quoniam itaque sanguis supra vires elementorum agit, dictisque istis virtutibus pollet, atque summi opificis instrumentum est; nemo facultates ejus admirabiles et divinas satis unquam depraedicaverit. Habet profecto in se animam primo ac principaliter, non vegetativam modo, sed sensitivam etiam et motivam: permeat quoquoversum, et ubique praesens est; eodemque ablato, anima quoque ipsa statim tollitur: adeo ut sanguis ab anima nihil discrepare videatur, vel saltem substantia, cujus actus sit anima, aestimari debeat. Talis, inquam, anima est; quae nec omnino corpus sit, nec plane sine corpore; partim foris adveniat, partim domi nascatur; aliquo modo sit pars corporis, aliquo autem modo principium et causa omnium, quae in corpore animalis continentur; nimirum nutritionis, sensus, et motus; ac proinde vitae pariter et mortis: quidquid enim nutritur, id ipsum vivit; et vice versa. Similiter quod abunde nutritur idem augetur; quod autem parce nimis, id decrescit: quod etiam perfecte nutritur, sanitatem servat; quod secus, in morbos labitur. Juventutis ergo et senectutis, somni insuper et vigiliarum, atque etiam respirationis, ut anima, ita sanguis quoque causa et auctor aestimandus est: praesertim cum instrumentum primum in naturalibus moventem causam internam in se contineat. Eodem ergo res redit, si quis dicat animam et sanguinem, aut sanguinem cum anima, vel animam cum sanguine, omnia in animali perficere.

Solemus, rerum negligentes, speciosa nomina venerari. Sanguis, qui nobis prae manibus atque oculis est, nil grande sonat; ad spirituum vero et calidi innati magna nomina obstupescimus.

Detracta

Detracta autem larva, evanescit, ut error, sic etiam admiratio. Lapis ille mirificus, Mizaldo plurimis virtutum elogiis a Pipino celebratus, non illum modo, sed et Thuanum etiam, eximium sua aetate historiographum, summa admiratione compleverat. Libet griphum ipsum attexere. *Nuper, inquit, ex India orientali regi nostro allatum hic vidimus lapidem, lumine et fulgore mirabiliter coruscantem; quique totus, veluti ardens et incensus, incredibili lucis splendore praefulget, micatque. Is jactis quoque versus radiis ambientem circumquaque aërem luce nullis fere oculis tolerabili latissime complet. Est etiam terrae impatientissimus: si cooperire coneris, sua sponte et vi facto impetu confestim in sublime evolat. Contineri vero includive loco ullo angusto nulla potest hominum arte, sed ampla liberaque loca duntaxat amare videtur. Summa in eo puritas, summus nitor; nulla sorde aut labe cōinquatur. Figurae species nulla ei certa, sed incerta et momento commutabilis. Cumque sit adspectu longe pulcherrimus, contrectari tamen se non finit; et, si diutius adnitaris, vel obstinatius agas, incommodum affert: scuti multi, suo non levi malo, me praesente, experti sunt. Quod si quid ex eo fortasse enixius conando adimitur, aut detrabitur, fit (dictum mirum) nibilo minor. Addit insuper is hospes, hujus virtutem ac vim esse ad quamplurima cum utilem, tum praecipue (regibus imprimis) necessariam: sed quam revelaturus non sit, nisi pretio ingenti prius accepto. Potuissetque idem hospes porro addere lapidem hunc nec mollem nec durum esse; eundemque variis formis ac coloribus praeditum, trementem valde ac palpitantem conspici; atque animalis instar (cum tamen sit inanimus) plurimum pabuli quotidie vorare, in nutritionem et augmentum sui. Quinetiam accepisse se ab hominibus fide dignis, lapidem hunc olim e coelo in terram decidisse; et jam saepe tonitruum fulgurumque causam esse; et interdum e radiis solaribus per aquam refractis gigni.*

Tam stupendum lapidem quis non admiretur, credatque eundem supra vires elementorum agere, et corpus aliud participare, spiritumque aethereum possidere? praesertim, cum eundem elemento solis proportionem respondentem videat. At vero Fernelio Oedipo^a parva flammula totum aenigma solvit.

Ad eundem pariter modum, si sub fabulae involucro sanguinem alicui depingerem, lapidisque Philosophici titulo insignirem, atque omnes ejus singulares dotes, operationes, ac facultates aenigmatice proponerem; illum procul dubio pluris aestimaret; supra vires elementorum agere facile crederet, corpusque illi aliud ac divinius non illibenter attribueret.

EXERCITATIO SEPTVAGESIMASECVNDA.

De humido primigenio.

SANGVINEM jam calidi innati titulo ornavimus; aequumque pariter censemus, ut colliquamentum crystallinum a nobis dictum, ex quo foetus ejusque partes primae immediate oriuntur, humidi radicalis et primigenii nomine insigniatur. Neque enim res alia aliqua in animalium generatione occurrit, cui potiore jure id nominis conveniat.

Humidum diximus radicale, quod ex eo prima foetus particula, sanguis nempe, reliquaeque omnes partes postgenitae, tanquam e radice oriuntur; atque ex eadem materia procreantur, nutriantur, crescant, et conserventur.

Primigenium quoque appellavimus, quod in cujuslibet animalis fabrica primum generetur, reliquisque sit veluti fundamentum: uti in ovo videre est, in quo, post brevem incubationem, primum existit insitae foecundantis et generativae facultatis opus.

^a De abd. rerum caus. lib. ii. cap. 27.

Idem quoque est simplicissimum, purissimum, et sincerissimum corpus terminabile; in quo omnes pulli partes potentia quidem sunt, actu vero nulla: videturque natura idem illi concessisse, quod materiae primae, rerum omnium communi, vulgo tribuitur; ut potentia nempe sit omnium formarum capax, actu autem formam nullam habeat. Sic humor oculi crystallinus, ut colorum omnium susceptivus sit, ipsemet nullo colore praeditus est: et similiter media five organa singulorum sensuum rerum sensibilibus qualitatibus destituuntur; olfactus scilicet et auditus organa, atque aer iisdem inserviens, odore et sono carent; linguae item orisque saliva sine sapore est. Atque huic potissimum argumento innituntur, qui intellectum possibilem statuunt incorporeum; quia nempe susceptivus est omnium formarum sine materia; et, ut manus organum organorum dicitur, ita illum formam formarum asserunt, nullam habentem materiam prorsusque incorporeum; ideoque possibilem eum, non autem passibilem aiunt. Videtur etiam humidum hoc, si non idem, saltem analogum esse ultimo alimentum, ex quo Aristoteles^a animalium genituram, semen dictam, fieri docuit. Vltimum dico alimentum, quod Arabibus ros dicitur, quo omnes corporis partes madescunt et irrorantur. Quemadmodum enim ros ille ab ulteriore condensatione atque adhaesione in alibile gluten et cambium evadit, unde partes corporis constituuntur; ita, vice versa, in prima generatione et nutritione, ex glutine colliquato et tenuiore reddito fit ros: nimirum ex albumine ovi fit colliquamentum dictum five humidum radicale, et ros primigenius. Imo vero res utrobique eadem est, si modo observationibus nostris fides debetur; et verum est, quod philosophi omnes concedunt, et medicorum etiam non diffitentur; nempe animal ab eodem nutriri, ex quo fit; et ex quo generatur, ab eodem augeri. Differt itaque ros nu-

^a De gen. anim. lib. i. cap. 18. et lib. iv. cap. i.

tritius a colliquamento five humido primigenio prioris tantum et posterioris ratione; quod hoc a parentibus coquatur et fiat, ille vero ab ipso foetu, amboque fucci animalibus proximum et immediatum alimentum sunt; non quidem primum, secundum dictum illud, *contraria ex contrariis*; sed ultimum, ut dixi et Aristoteles quoque monuit, secundum illud, *similia ex similibus augeri necesse est*. Estque uterque humor in ea proxima potentia, qua, sublatis impedimentis, sua sponte, vel naturae lege, in omnes corporis partes abiturus sit.

Quibus ita se habentibus, videntur omnes controversiae super materia animalium eorumque alimento haud difficulter componi posse. Cum enim aliqui semen five materiam in coitu emissam ex omnibus corporis partibus discerptam crederent, indeque prolis cum parentibus suis similitudinem deducerent; Aristoteles^a haec habet: *Contra quam veteres putarunt dicendum est: cum enim illi, quod ex toto secedit, semen esse fateantur; nos, quod ad totum suapte natura facit, semen esse fatebimur: cumque illi colliquamentum dicant, nos excrementum potius esse statuimus* (dixerat autem paulo antea, *excrementum appello reliquias alimenti; colliquamentum, quod ex incremento secernitur resolutione praeter naturam*); quod enim ultimum accedit, et excrementum ultimi est, id simile esse probabilius est. Perinde ut pictoribus saepenumero aliquid purpurissi remanet, simile ejus, quod consumpserint; tabescens autem quodque et colliquesens corrumpitur et degenerat. Argumentum, non colliquamentum, sed excrementum potius esse, illud est; quod animalia magni incrementi minus foecunda, parva foecundissima sint. Plus enim colliquamenti esse in magnis necesse est, sed minus excrementi: nam in corpus magnum alimenti copia absumitur, itaque parum fit excrementi. Item locus secundum naturam nullus colliquamento datus est, sed fluit quocunque facilius

^a De gen. anim. lib. i. cap. 18.

EXERCITATIO SEPTVAGESIMASECVNDA. 537

ferri potest; at naturalibus excrementis omnibus locus praescriptus est: verbi gratia, alimenti sicci excrementis, alvus; humidi, vesica; utilis, ventriculus; seminalis, uterus, genitalia, mammae; in ea enim loca se colligunt atque confluunt. Aliisque porro rationibus probatum it, materiam feminalem, ex qua foetus fit, esse eandem cum illa, quae partibus nutriendis parata est. Veluti si quis a pictore aliquo purpurissum peteret; ille certe quod jam illitum est non abraderet; sed quod ab opere superest, ei praeberet; ejusdem scilicet naturae cum eo, quod absumperat. Ita similiter excrementum ultimi alimenti, five roris glutinisque quod superfluum est, ad genitalia deponitur: estque ea sententia ovorum in gallina generationi maxime consentanea.

Medici quoque, qui partes omnes ab initio ex spermate fieri statuunt, eoque nomine spermaticas appellant, semen ex alimento ultimo, quod cum Aristotele sanguinem esse existimant, virtute genitalium fieri, et materiam foetus constituere aiunt. Manifestum sane est ovum e matre, hujusque ultimo alimento (rore scilicet nutritio) produci. Ovi igitur album aut colliquamentum istud primigenitum, vel potius antegenitum, semen gallinae verius reputandum est (quamvis in coitu projectum non sit, sed ante coitum paratum, vel post eum collectum fuerit, ut in plurimis animalibus contingere postea forsan fusius explicabitur), quod genitura maris, secundum Aristotelem, coagulet.

Cum itaque videam ex uno hoc humido, tanquam materia aut radice prima, partes omnes fieri et augescere; idemque necessario ita fieri ratio antedicta suadeat; continere me sane vix possum, quin Empedoclis et Hippocratis etiam sectatores, qui corpora omnia similia ex quatuor elementis contrariis, seu mista, congregatione generari, et segregatione corrumpi volunt, vellicem ac perstringam: nec minus Democritum, eumque se-

quotos Epicureos, qui ex diverſarum figurarum atomis ſimul congregatis omnia componunt. Quippe olim eorum omnium hodieque etiam vulgaris error eſt, corpora omnia ſimilaria ex diverſis ſive heterogeneis generari. Hoc pacto enim Lynceis oculis nihil eſſet ſimilare, unum, idem, et continuum; ſed potius apparens ſolum unio, minimorumque corporum congregatione vel colligatione quadam facta congeries et acervus: neque generatio ab aggregatione debitaque partium poſitura quidquam differret.

Ego vero, neque in animalium productione, nec omnino in ulla corporum ſimilarium generatione (ſive ea partium animalium, ſive plantarum, lapidum, mineralium et caeterorum fuerit), vel congregationem ejuſmodi, vel miſcibilia diverſa in generationis opere unienda praeexiſtere, obſervare unquam potui. Neque enim, quantum ſaltem nobis videre licuit aut ratione aliqua aſſequi potuimus, partes ſimilares, utpote membrana, caro, fibra, cartilago, os et caetera, prius ſuo quaelibet ordine fiunt, aut una exiſtunt; ut ex iis, tanquam animalium elementis, ſimul junctis, organa ſive membra, totumque animal poſtea componatur: ſed, ut antea a nobis dictum eſt, primum corporis rudimentum eſt ſimilare duntaxat et molle gluten, ſpermatico concremento non abſimile; ex quo, procedente generationis lege, mutato ſimulque ſecto vel in plura diviſo, ceu effato divino, ut diximus (ſiat hic os, illic muſculus aut nervus, hic viſcera, illic excrementorum receptacula, et caetera), ex inorganico fit organicum; ex ſimilari diſſimilare; ex uno ejuſdemque naturae plura, eaque diverſa et contraria: Non quidem tranſpoſitione aliqua aut motu locali, quaſi virtute caloris fieret homogeneorum congregatio, et diſgregatio heterogeneorum, ſed potius diſgregatione homogeneorum quam heterogeneorum compoſitione.

Idemque

Idemque in omni generatione fieri crediderim; adeo ut corpora similiaria mixta elementa sua tempore priora non habeant, sed illa potius elementis suis prius existant (nempe Empedoclis atque Aristotelis igne, aëre, aqua, et terra; vel chymicorum sale, sulphure, et mercurio; aut Democriti atomis) utpote natura quoque ipsis perfectiora. Sunt, inquam, mixta et composita etiam tempore priora elementis quibuscumlibet sic dictis, in quae illa corrumpuntur et definunt; dissolvuntur scilicet in ista ratione potius quam re ipsa et actu. Elementa itaque, quae dicuntur, non sunt priora iis rebus, quae generantur aut oriuntur; sed posteriora potius, et reliquiae magis quam principia. Neque Aristoteles ipsemet, aut alius quisquam unquam demonstravit elementa in rerum natura separatim existere, aut principia esse corporum similiarium.

Philosophus^a quidem, ubi elementa dari confirmatum est, consilii incertus videtur, utrum elementa actu, an potentia solum existere statuendum sit: et in istis naturalibus potentia potius quam actu esse autumat; ideoque ex divisione, segregatione, et solutione rerum, elementa dari asserit. Est tamen argumentum minus validum, corpora scilicet naturalia ex iis generari vel componi primo, in quae corrumpuntur vel solvuntur ultimo: quippe ea ratione quaedam ex vitro, cineribus, et fuliginibus (in quae tandem ab igne redacta cernimus) componerentur; et cum destillatio artificialis clare monstraret vapores sive aquas plurimas specieiue differentes omnes ex totidem diversis corporibus elici, deberet certe elementorum numerus crescere in infinitum. Neque etiam quisquam philosophorum ait corpora, quae ab arte soluta sincera specieiue indivisibilia dicuntur, elementa esse magis simplicia, quam aërem, aquam, et terram, quae sensu percipimus, nobisque ob oculos versantur.

^a Lib. iii. de coelo, cap. 31.

Nec denique ex igne, tanquam miscibili, quidquam naturaliter generari cernimus: estque fortassis impossibile; cum ignis, ceu vivens quoddam, in continuo fluore sit, et pabulum quaeratur, ut eodem nutriatur et conservetur: secundum illud Aristotelis^a, *Ignem nutriri solum, idque maxime ipsius formae esse*. Quicquid vero nutritur, fieri nequit ut id ipsum cum nutrimento suo misceatur. Vnde sequitur impossibile esse ignem esse miscibilem. Mistio enim ex Aristotelis sententia est miscibilium alteratorum unio; ubi aliud in aliud non transmutatur, sed ambo invicem activa et passiva in tertium: generatio vero, praesertim per metamorphosin, est unius rei similis alterandae in plures alias distributio. Nec mista similia ex elementis generari, sed ex iis quodammodo constitui dicuntur; in quae etiam potentia solubilia sunt.

Haec autem ad physiologiae partem illam, quae de elementis et temperamentis agit, proprie spectant: ubi etiam de iisdem copiosius disceptandum est.

^a *De gen. et cor. lib. ii. cap. 50.*

D E P A R T V
E X E R C I T A T I O.

GENERATIONI partus est confectaneus, quo foetus in lucem prodiens externo aëre fruitur. De eo igitur paucis hic agere operae pretium judicavimus. Itaque cum Fabricio ejus causas, modum, et tempora, item quae eum antecedunt et subsequuntur considerabimus.

Quae paulo ante partum contingunt, et, in mulieribus praefertim, instantem parturitionem praefagiunt, sunt partim foetantis praeparatio ac dispositio, ut conceptum dimittat; partim situs five positio foetus ad egressum idonea.

Positionem quod attinet, Fabricius ait^a, *eam figurae conglobatae et inflexae esse, ne foetus extremitatibus atque eminentiis suis utero aut membranis continentibus noceret; tum etiam ut minore loco contineretur.* Ego vero non arbitror foetum ob praedictas causas eandem semper membrorum posituram servare. Quippe in aqua natans seseque movens modo huc modo illuc extenditur, varieque inflectitur et volutatur; adeo ut proprio umbilici funiculo implexus mire interdum irretiatur. Certe animalia omnia, dum quiescunt et dormiunt, membra sua ut plurimum adducunt et complicant, figuramque ovalem aut conglobatam quaerunt. Ita pariter embryones, qui aetatem suam maxime somno transigunt, membra sua positione ea, qua plasmanantur (tanquam naturalissima, ac maxime indolenti quietique aptissima) componunt. Ideoque infans in utero ut plurimum reperitur, adductis ad abdomen genibus, flexis retrorsum cruribus, pedibus decussatis, manibusque sursum ad caput sublati, quarum alteram circa tempora vel aurículas, alteram ad genam detinet; ubi maculae albae, tanquam confri-

^a De form. foetu, cap. ix. p. 140.

cationis vestigia, in cute cernuntur: spina in orbem flectitur, caput ad genua incurvato collo propendet. Tali membrorum situ, qualem in somno per quietem quaerimus, capite superne, facieque ut plurimum ad matris spinam versa, embryo locatur. Paulo autem ante partum, capite deorsum inflexo, versus matricis orificium, tanquam exitum quaesiturus, urinatur imumque petit. Sic Aristoteles^a, *Omnia animalia naturaliter in caput exeunt; obliqua autem vel in pedes contra naturam*. Hoc tamen non est perpetuum in omnibus animalibus; sed prout situs eorum in utero diversus fuerit, ita quoque et exitus variat; ut in canibus, suibus, aliisque multiparis. Foetum etiam humanum in utero diversum situm nascisci gravidæ norunt; quarum uterum modo superne modo inferne, nunc in hoc nunc in illo latere pulsat.

Similiter matrix ad partum matura descendit inferius, emollitur, atque orificium suum aperit. Colliguntur etiam aquae vulgo dictæ: id est, pars quaedam chorii, in qua prædicta materia aquosa continetur, foetum antecedit, atque e matrice in vaginam prolabitur; partes quoque vicinæ laxantur et distensionem aptae fiunt: quinetiam sacri et pectinis ossium cum coxendice copula, quæ fit per synchondrosin, adeo emollitur et solvitur, ut dicta ossa facile exeunti foetui cedant, et hiantia regionem totam hypogastricam ampliorem reddant. Haec dum fiunt, parturitionem jam instare constat. Nempe ut foetus quasi fructus maturus in lucem prodeat, natura provide ita aperit ac dilatat: quemadmodum foetui mox nascituro lac prævium in mammis præparat, ut foris postmodum victuro sit unde sustentetur. Sunt quidem haec partus antecedanea. Ideoque inter signa imminenti partus lac potissimum habetur: tale, inquam, quod et copia et consistentia alendo foetui sit idoneum: quale ex Aristotelis^b sententia non nisi parturitione

^a *Hist. anim. lib. vii. cap. 8.*

^b *De gen. anim. lib. iv. cap. 8. et lib. vii. cap. 5.*

nis tempore cernitur; ac propterea ante septimum mensem non conspicitur.

Fabricius duo potissimum de partu inquirenda statuit^a, quando scilicet, et quomodo partus fiat. Primum, tempus ferendi uteri: secundum, e vulva ad auras exeundi modum explicat.

Tempora ferendi uteri ab Aristotele varia censentur^b: certa, inquit, cuique animalium sunt, magna quidem ex parte pro vitae spatio; vivaciorum enim generationes diuturniores esse necesse est. Praecipua autem hujus rei causa ab eo assignatur magnitudo animalis: haud enim, inquit, tempore brevi constitutiones perfici magnas vel animalium, vel quorumvis aliorum fere facile est. Quamobrem equae, et quae iis cognata sunt animalia, quanquam minus temporis vivunt, tamen diutius uterum ferunt. Ideoque elephantorum uterus biennio, ut aiunt, gestatur, propter exuperantiam magnitudinis. Cujusque autem animalis certa est magnitudo, quem terminum non supragreditur: ac proinde materiae quoque, ex qua fiunt, copia ipsis definita est. Ait porro: Ratione autem optima, tempora omnium et graviditatum et generationum, et vitarum dimensionem circuitibus sibi exposcunt recipere. Circuitum appello diem, noctem, mensem, annum, et tempora, quae iis describuntur, atque etiam lunae trajectiones: haec enim principia generationis sunt omnibus communia. Nam ut rerum minus principalium circuitus sequatur magis principalium rerum circuitum rationale est. Eorum igitur motibus generationes atque obitus animalium definiri, natura comparatum est.

Et prout animalium partus ex circuitibus solis aut lunae dependent, ita varia etiam habent tempora coeundi, et ferendi uterum; eaque prolixiora, aut breviora.

Homini soli, inquit ibidem Philosophus, tempus ferendi uteri enorme est. Caeteris enim unum est tempus, homini vero plura

^a Pag. 141.

^b De gen. anim. lib. iv. cap. 4. et ult.

sunt: quippe et septimo mense et decimo nascitur, atque etiam inter septimum et decimum positus: qui enim mense octavo nascuntur, etsi minus, tamen vivere possunt. Plurimis quidem statuta sunt pariendi tempora, et praesertim vere adventante sole; multis in aestate; nonnullis in autumno, ut piscibus cartilagineis. Indeque fit, ut accedente pariendi tempestate ad solita loca revertantur: ut stabula vel nidos suos tuto exstruant, ubi foetus pariant, foveant alantque. Hinc dicti ornithiae venti sub initium veris spirantes; scilicet ab adventu avium, quae eo tempore, illorum ventorum ope, ad certa loca transvolare solent. Pisces similiter, qui turmatim ad multa centena millia, prolis educandae gratia, certis locis convenire solent, statuta anni tempora designant. Quinetiam vere, quamprimum erucæ cernuntur (quarum femina, instar atomorum invisibilia, a ventis ut plurimum deferuntur; non autem, ut vulgo creditur, sponte, vel e putredine ortum ducunt), arbores statim gemmulas furas protrudunt, erucis illis cessuras in alimentum; quas vicissim aviculae plurimae infectantur, alendisque pullis suis in nidos deferunt. Adeo ut, quotiescunque cernere contingit inusitata erucarum genera, simul aviculas raro visas peregreque adventantes conspiciamus (tanquam hae illas e remotioribus terris persequerentur); suntque utrisque eadem fere pariendi tempora. Medici statim, inspectis iis, novos morbos prae foribus adesse hariolantur. Apes Maio mense pariunt, cum roris mellisui copia est: vespae aestate, cum fructus maturescunt: quemadmodum viviparorum foetura contingit, cum in mammis eorum lac idoneum reperitur. Alia vero animalia, quae inquilina sunt, et coelum non mutant, sua quaeque pariendi loca, ut et pabuli proventum, statim temporibus repetunt. Inde fit, ut agricolae, a diversarum avium et spermologorum praecipue conventu, arandi, seminandi, et metendi tempora dijudicent. Sunt tamen nonnulla animalia, quorum pariendi tempora

tempora varia et incerta contingunt: ut plerisque usu venit, quae domestica appellantur et cum hominibus degunt. Ea enim variis temporibus et venerem exercent et pariunt; nempe ob pabuli copiam, et inordinatam praeter naturae morem lasciviam. Talibus vero, ut et hominibus, partus difficiliores saepe et periculosiores obveniunt.

Alia porro animalia lunae circuitus magis observantia quolibet fere anni tempore coeunt et pariunt: ut cuniculi, mures, et mulieres. *Dicitur enim, inquit Plutarchus^a, ad expediendum partum luna conducere, cum orbe fulget dimidio: quod laxandis humoribus dolores mitiget. Hinc arbitror etiam Dianae vocabula Locheiae, quod est, partui praefectae, et Eilytheiae sive Lucinae, fuisse facta: cum eadem sit Diana, quae luna.*

Caeteris animantibus, inquit Plinius^b, statum et pariendi, et partus gerendi tempus est: homo toto anno, et incerto gignitur spatio. Nam licet his quoque praefinitum pariendi tempus natura ut plurimum destinaverit; interdum tamen magna suboritur differentia, adeo ut quaedam septimo mense, nonnullae decimo quarto partus vivos ac vitales edidisse memorentur. Et licet Aristoteles^c, ex iis, qui in Graeciae regionibus octavo mense nascuntur, multos interire dicat; fatetur tamen in Aegypto, atque aliis aliquot locis (ubi mulieres commode perferunt) salvari vitales. Et quanquam ait^d (Qui ante mensem septimum prodeunt, nulli ulla ratione possunt vivere: At septimus mature oriendi principium est: Verum plerique sunt imbecilles; ideo involvunt eos lanis); fatetur tamen, tales vivere posse.

Franciscus Valesius quinquemestrem puellam refert suo tempore duodecim aetatis annum ingressam fuisse. Adrianus Spigelius^e tabellarii cujusdam meminit, qui urbis Medioburgensis testimonio publico omnibus commonstrabat, se sexti mensis

^a Sympos. lib. iii. qu. 10.

^b Lib. vii. cap. 5.

^c Hist. anim. lib. vii. cap. 4.

^d Ibid.

^e In epist. de incerto tempore partus.

initio editum, corpore exiguum, et viribus ita debilem, atque of-
 fibus infirmum, ut mater coacta fuerit gossypio circumductum
 fovere, donec robur acquisverit, quo posset fasciis circumligari.
 Avicennas quoque refert^a, sexto mense natum bene vixisse. Si-
 militer, post undecimum mensem natos vitales fuisse, multo-
 rum quoque et veterum et recentiorum testimoniis comproba-
 tur. Massurius, ait Plinius^b, auctor est, Lucium Papyrium
 Praetorem, secundo haerede lege agente, bonorum possessionem
 contra eum dedisse, cum mater partum se tredecim mensibus di-
 ceret tulisse; quoniam nullum certum tempus pariendi statutum
 videretur. Fuit profecto non ita pridem apud nos mulier, quae
 foetum in utero sedecim amplius mensibus gessit, eumque ul-
 tra decem menses (pluribus ejus rei consciis) huc illuc varie se-
 se commoventem sensit, tandemque vivum peperit. Sunt au-
 tem, fateor, ista ex raro contingentibus. Ideoque Spigelius Vl-
 pianum Jurisconsultum immerito reprehendit, quod post deci-
 mum mensem editum neminem ad legitimam haereditatem
 admiserit. Quippe leges et praecepta artium actionibus vitae
 recte ordinatis ut plurimum adaptantur. Praeterea non ne-
 gandum reperiri multas subdolas et fraudis plenas mulieres,
 quae lucro inhiantes, aut poenarum vel infamiae metu, sese
 gravidas fingunt et dejerant. Notum quoque alias facile
 decipi, quae rerum ignarae etiam vacuo utero se praeg-
 nantes autumant. Huc faciunt illa Aristotelis^c: *Conceptio eo-
 rum, qui post undecimum mensem editi sunt, videtur latuisse.
 Illorum enim conceptus initium ignorant mulieres. Flatibus
 enim uteri saepe numero occupati, postea coeundo gravidae factae,
 illud arbitrantur fuisse initium conceptionis, quod ex indiciis usi-
 tatis agnovissent.*

Alias etiam novimus, post trimestre aut quadrimestre spati-
 um, mortuo jam conceptu, et in utero putrescente, paulatimque

^a L. ix. de nat. animal. c. ult.

^b Loco praesitato.

^c Hist. anim. l. vii. c. 4.

(ceu putridis lochiis) effluente tabo, superfoetasse. Eaedem tamen post decimum quartum demum mensem se peperisse affirmarunt. *Evenit aliquando, ait Aristoteles^a, ut abortu facto decem ac duodecim superfoetatione concepti exciderint. Quod si statim conceperint, extulere in lucem eum quo superfoetarant; sicque eos edunt, quasi qui gemellorum eduntur lege. Id quod de Iphicle et Hercule fabulantur. Atque hoc jam constitit: adultera enim quaedam alterum marito similem, adultero alterum peperit. Olim etiam quaedam gemellos utero cum gestaret, tertium insuper concepit. Appetente igitur tempore iusto, illos quidem suo perfectos tempore edidit, hunc autem quinquemestrem; atque is illico periit.*

Famula quaedam ab hero suo compressa, ut culpam teget, Septembri mense Londinum advolat; ubi clanculum peperit, et firmata valetudine domum reversa est. Decembri autem sequente novo partu, nam superfoetaverat, occultatum antea crimen divulgavit.

Alii contigit, addit Philosophus, ut cum unum septimestrem peperisset, postea duos mensium iustorum sine absoluto pareret: quorum ille mortuus est, hi vixere. Quaedam etiam abortientes simul concepere, alterumque ejecere, alterum peperere.

Fieri nempe facile potest, ut priore aut posteriore superfoetantium conceptu post tertium quartumve mensem ejecto, sequentes menses vel plures iusto vel pauciores numerentur; praefertim a credulis et ignaris mulierculis.

Perire intus conceptum, et in putrilaginem versum sensim indies (tanquam fluores albos) emanare nonnunquam observavimus, tum in mulieribus, tum etiam in aliis animalibus. Erat non ita pridem Londini mulier, quae post ejusmodi abortum concepit denuo, debitoque tempore infantem peperit. Postea vero, interpositis aliquot mensibus, dum consueta obit munia,

^a *Hist. anim. lib. vii. cap. 4.*

sine dolore et aegritudine aliqua insigni prioris abortus officula nigra frustratim ejecit. Eorum quaedam ad me delata esse spinæ femoris et aliorum ossium fragmina indicium fecerunt.

Novi juvenculam, filiam cujusdam medici mihi familiarissimi, quæ grævda facta symptomata omnia prægnantes comitari solita experiebatur: ea sana et vegeta post decimam quartam septimanam foetus in utero motum sensit; tempusque partui debitum emensa est; indiciaque jam imminentis partus adesse rata, cubile, incunabula, caeteraque ad partum necessaria in procinctu habuit. Sed frustra omnia, et Lucina votis abnuit: motus enim soliti cessarunt; ac paulatim, ut increverat, detumuit venter absque ulla aegritudine; sterilis autem mansit in posterum.

Novi etiam matronam nobilem, quæ plus decies enixa fuerat, quamque menstruum suppressio citra prægnationem nunquam fefellerat. Postea autem alteri denupta, præter alia signa solita, ex motu quoque (quem ipsa sororque ejus juxta cubans sæpe noctu sentiebant) sese gravidam judicabat; neque ab ea opinione ullis a me allatis argumentis dimoveri poterat; donec tandem spes omnis in flatum et pinguedinem faceretur.

Adæo interdum certissima quoque gravidationis signa non modo ignaras mulieres, sed obstetrices expertas, et peritos etiam medicos atque attentos fefellerunt. Quapropter cum, præter dolos muliebres, varia sint prægnationis falsa indicia, de partu inordinato ante septimum mensem aut post undecimum haud temere statuendum est.

Vsitatus sane uteri gerendi computus eum terminum servat, quem Christum Salvatorem nostrum hominum perfectissimum in utero matris suæ emensum credimus: nempe a die annuntiationis angelicæ, mense Martio, ad nativitatis illum beatum diem, quem Decembri mense festum celebramus. Adque hanc normam matronæ prudentiores calculos suos subducentes (dum
singulis

singulis mensibus solitum menstrui fluxus diem in fastos referunt) spe raro excidunt; verum, transactis decem lunae curriculum, eodem die, quo (absque praegnatione foret) menstrua iis profluerent, partum experiuntur, ventrisque fructum colligunt.

Ad causas vero excludendi foetus quod attinet, Fabricius^a praeter eam Galeni (asserentis *foetum tantisper in utero gestari, donec auctus et perfectus jam factus per os nutriri possit*; quae certa ratione imbecilliores foetus diuturniorem utero moram traherent, quod tamen non evenit) aliam et quidem potiore putat, *majoris per respirationem refrigerii necessitatem*; cum foetus ubi primum ortus est respiret, nequaquam autem cibum ore assumat. Id quod non solum, ait, in homine et quadrupedibus, sed etiam maxime in pennatis observatur; quae etsi parva sunt et rostrum adhuc tenerum habentia, pulli tamen ovi corticem ea parte percutiunt, qua respiratione opus habent: hoc agentes potius a respiratione, quam a cibi indigentia coacti; cum statim atque e cortice sunt exclusi respirent, sine cibo autem biduum diutiusque consistant.

Verum num refrigerii gratia respiratio instituta sit, an in alium finem, alibi plenius ex observationibus nostris disputabimus.

Libet interea problema hoc viris doctis proponere. Quomodo nempe embryo post septimum mensem in utero matris perseveret? cum tamen eo tempore exclusus statim respiret; imo vero sine respiratione ne horulam quidem superesse possit: in utero autem manens, ut dixi, ultra nonum mensem absque respirationis adminiculo vivus et sanus degat. Dicam planius: Qui fit ut foetus in lucem editus ac membranis integris operatus, et etiamnum in aqua sua manens, per aliquot horas citra suffocationis periculum superstes sit: idem tamen secundis exutus, si semel aërem intra pulmones attraxerit, postea ne mo-

^a De usu part. lib. xv. cap. 7.

mentum quidem temporis absque eo durare possit, sed confestim moriatur? Non fit hoc certe ob defectum refrigerationis; nam in partu difficili, saepe per aliquot horas in angustiis illis sine ulla respiratione haerens, vivus tamen persentiscitur: quamprimum autem egressus fuerit, et vitalem hanc auram hauserit, eadem mox praeclusa dictum factum exstinguitur. Similiter, cum in sectione caesarea foetus horis complurculis post matris obitum eximitur, vitalis tamen reperitur, et intra secundas sepultus aëris nihil indigus superest: simulac autem eo semel gavissus fuerit, etiam in easdem secundas repositus illico ob hujus carentiam suffocatur. Haec qui diligenter perpenderit, naturamque aëris penitus intropexerit, facile, opinor, fatebitur eundem nec refrigerationis gratia, nec in pabulum animalibus concedi. Siquidem constat foetum, postquam eum semel hauserit, citius suffocari quam cum ab illo prorsus arcebatur: quasi fervor in eo ab aëre accenderetur potius quam restingeretur.

Haec autem obiter duntaxat de respiratione diximus, proprio loco de eadem forsitan copiosius disceptaturi. Qua sane disquisitione vix aliam scrupulosiorem invenias; siquidem ea in utramlibet partem paribus fere rationum momentis libratur.

Ad partum redeo, quem (*praeter praedictam respirandi necessitatem, alimentique inopiam*) Fabricius^a fieri putat, quod tunc foetus grandior factus pondere gravet; tum mole sua magna non amplius intus detineri possit; praeterea, inquit, excrementa tam copiose aucta sunt, ut in membranis contineri amplius non valeant. Probavimus autem superius humores in utero contentos non esse excrementitios. Nec ratio a pondere aut magnitudine foetus deducta magis verisimilis est: foetus enim humoribus innatans vix ullum placentae uterove gravamen adfert; foetus etiam aliqui novimestres pusilli sunt, et aliis octimestribus minores; non possunt tamen ulterius in utero mora-

ri. Et profecto, ad pondus quod attinet, gemelli qualescunque octavo mense cuilibet singulari foetui novimestri praeponderant, nec tamen propterea ante nonum mensem in lucem prodeunt. Nec meliore jure alimenti penuriam adesse causari potest: cum ad id temporis gemellis, et aliquando pluribus foetibus, victus abunde suppetat; et lac, quod puerperis ad mammas delatum alendo foetui sufficit, ad uterum traductum foetum inibi aequè commode nutriet.

Ego potius nascendi causam esse dixerim, quod succus intra amnion, alendo foetui maxime accommodus, tunc temporis vel deficiat, vel a relictis recrementis depravetur. Vti etiam supra monui. Vteri autem, praeter naturae usitatum tempus, gerendi diversitatem (quae potissimum humano generi contingit) vitae consuetudini, imbecillitati corporis, animique variis affectibus attribuerim. Ideoque etiam animalia cicura, quae cum hominibus degunt, ob otium pabulique copiam, incerta magis tum coeundi tum pariendi tempora obtinent; quam fera et ex naturae lege vitam agentia. Mulieres quoque firmae valetudinis partus plerumque leviores promptioresque experiuntur: contra autem iis evenit, quibus sanitas attrita est. Idem nempe iis usu venit quod plantis, quarum femina et fructus in regionibus frigidis tardius et rarius, quam in aliis terrae bonitate solisque beneficio gaudentibus, proveniunt.

Ita mala aurantia apud nos plerumque biennium integrum arboribus adhaerent, antequam ad maturitatem pertingant: et ficus etiam vix in nostro coelo perficiuntur, quae in Italia quotannis bis terve maturescunt. Similiter quoque in uteri fructibus contingit: nimirum ob pabuli ubertatem, vel inopiam; corporis robur, vel imbecillitatem; vitaeque (secundum sex res medicis non naturales dictas) rectum regimen, vel inordinatum; foetus etiam serius aut citius ad maturitatem five partum perducuntur.

Partus modum Fabricius sic describit: *Vterus a foetus mole distentus, ut sine periculo distendi amplius non queat, atque ob id ad expulsionem excitatus, sicque fibris transversis agentibus in se contractus angustiore locum facit. Itaque cum prius neque excrementa propter copiam, neque foetus propter molem contineri amplius possent, nunc adhuc impensius angustatus et compressus multo minus continere est possibile; propter quam causam, primo membranae tanquam imbecilliores impensiusque distentae ab-rumpuntur; et humor, qui magis est fluxilis, jure prius ad vias lubricandas exit. Inde vero foetus sequitur, non solum sua gravitate auctus (quod amplius in humore non innatet) deorsum descendens, atque ad uteri os impetum faciens, sed etiam ab utero similiter compressus, propulsatus atque expressus: cui muneri musculi abdominis una cum diaphragmate mirum in modum comprimendo famulantur.*

Quibus verbis excrementorum alvi ejectionem potius, aut abortum, quam verum et naturalem partum descripsit. Vt enim mulieribus plerumque membranae ante foetus exitum disruptae aquam profundant, id tamen non est perpetuum: neque caetera animalia ad eum modum pariunt, sed conceptum integrum (foetum nempe cum secundis) excludunt: ut in canibus, ovibus, equabus, aliisque videre est; et praesertim in vipera, quae ovum unicolor et molli cortice (qualis muliebris conceptus est) intra se concipit, ibidemque tamdiu servat, donec foetus inde efformatus fuerit, quem membrana obvolutum parit, quae, teste Aristotele^a, tertio die rumpitur. Evenit tamen interdum, ut catuli, erosus (dum adhuc in utero sunt) membranis, in lucem prodeant.

Pariter obstetricibus expertis non ignotum, mulieres aliquando conceptum integrum cum ambientibus membranis illacis excludere. Atque hujusmodi partus videtur maxime

^a *Hist. anim. lib. v. cap. 34.*

naturalis, in quo foetus (tanquam fructus maturus qui ab arbore totus solvitur, feminibus ante destinatum a natura tempus minime effluentibus) una cum secundis elabitur. Vbi autem secus fit, et placenta post natum foetum utero adhaerescit; ea saepe difficulter solvitur, et prava symptomata inducit, quae foetor ingens et interdum gangraena comitatur; unde mater in praesens periculum deducitur.

Quoniam igitur partus a Fabricio descriptus non omnibus animalibus competit; sed mulieribus solum contingit, neque istis omnibus, sed iis duntaxat quibus praematurus et quasi coactus obvenit; is certe non tam naturalis, quam praeternaturalis five praecipitatus, ac quodammodo abortivus censendus est.

In naturali igitur et genuino partu duo requiruntur, quae sibi invicem operas mutuas praestent; nempe parturiens mater et pariendus foetus. Qui ambo nisi ad hoc negotium parati fuerint, vix felix succedit partus; cujus hora idonea communem utriusque maturitatem requirit. Nam si vel foetus inquietus et exeundi cupidus exstimulando vimque utero inferendo matrem praeverit, aut haec, ob retinendi imbecillitatem (tanquam nausea uterus laboraret), aut expellendi necessitatem aliquam, anteverterit; partus ejusmodi morbosus potius et symptomaticus, quam naturalis et criticus aestimandus est. Vti etiam, cum partes aliquae conceptus foras eliduntur, dum aliae adhuc intus haerent: nempe, si foetus ad exitum inclinet, necdum abrupta ab utero placenta; aut e contra, soluta placenta, foetus nondum rite compositus, nec uterus ad egressum ejus laxatus fuerit. Ideoque increpandae sunt obstetrices, praesertim juniores, temerariae et πολυπράγμονες; quae, cum parturientes prae dolore ejulare opemque efflagitare audiunt, ne τ̃ μαιευτικῆς imperitae parumve satagentes videantur, manus oleis oblinendo, locaque muliebria distendendo, mire tu-

multuantur; porrectisque potionibus medicatis facultatem expultricem irritant; atque morae debitae impatientes, dum accelerare ac facilitare partum cupiunt, eundem retardant potius et pervertunt, efficiuntque non naturalem ac difficilem, relictis retro secundinis, aut parte aliqua placentae utero etiamnum adhaerente; miserasque mulierculas aëris injuriis exponunt, et ad sedile frustra cogentes fatigant, inque praesens vitae discrimen deducunt. Melius profecto cum pauperculis res agitur, iisque quae furtim gravidae factae clanculum pariunt, nullius obstetricis advocata opera: quanto enim diutius partum retinent et morantur, tanto facilius et felicius rem expediunt.

Partus itaque non naturalis duo potissimum sunt genera: cum nempe foetus vel ante destinatum a natura tempus (estque hic partus quodammodo abortivus), vel post illud enascitur; fitque partus difficilis et laboriosus, quod nec modo neque ordine debito res peragatur, aut pravis aliquibus symptomatis impediatur: quae duabus de causis praecipue eveniunt; quod nempe vel mater in expellendo deficiat, vel foetus ipse feignior egressum suum haud satis promoveat: fit enim ab utriusque connixu partus facilis et legitimus.

Pariendi opus Fabricius utero attribuit; *cui muneri*, inquit, *famulantur abdominis muscoli una cum diaphragmate*. Mihi vero, rem penitus intuenti, videtur cum totius corporis motu atque agitatione (quemadmodum in sternutatione evenit) parturientium nixus fieri. Novi juvenculam, quae ob summum pariendi laborem in animi deliquium incidit; statimque adeo confternata stupida et comatosa facta est, ut nullis remediis excitari potuerit. Ad eam vocatus (cum clysteres prius injecti essent, aliaque remedia idonea citra fructum ullum adhibita, nec quidquam per os deglutire posset) pennam sternutatorio fortiori illitam in nares indidi; unde commota (licet stupore usque adeo obruta esset, ut sternuere aut excitari nequiret),
totius

totius corporis convulsione quadam tentari coepit, quae ab humeris exorsa paulatim per totum corpus ad inferiora pertingebat. Quotiescunque autem stimulo hoc usus sum, promovebatur partus; tandemque, inscia matre, et in affectu comatoso adhuc permanente, natus est infans sanus et vegetus.

Licetque in aliis etiam animalibus, utpote cane, ove, et jumentis, observare hunc connixus modum, non esse uteri aut ventris solius actionem, sed totius quoque corporis conatum.

Quantopere autem foetus accelerando et facilitando partui conferat, in oviparorum praecipue ortu palam fit; constat enim foetum ipsum non autem matrem corticem effringere. Vnde etiam verisimile est, in viviparorum quoque partu, praecipuam nascendi causam foetui deberi. Molimini, inquam, ejus; non autem ponderi, ut Fabricius voluit. Quid enim in quadrupedibus stantibus, aut sedentibus, aut muliere jacente, pondus efficiat ad foetus productionem? Nec prodeuntis nixus solum a mole sua aut aquarum copia provenit, ut ille censet, (ea quidem mortuis, et in utero putridis foetibus exeundi causa est, qui putredine et acrimonia uterum ad exclusionem stimulant); sed ipse foetus prono capite uteri claustra aggreditur, eademque propriis viribus recludit, et in lucem elucatur. Ac propterea partus ejusmodi expeditior et auspicator habetur; *nascentem autem in pedes procedere contra naturam est*, inquit Plinius^a, *eoque argumento appellavere Agrippas, quasi aegre partos*. Pigro enim et laborioso partu tales nascuntur. Nihilominus in abortu, et ubi foetus mortuus fuerit, aut aliter difficilis partus contigerit, adeo ut manuum opera opus sit, aptior exeundi modus est in pedes; ita enim tanquam adacto cuneo uteri angustiae facilius aperiuntur. Quare, cum pariendi spes maxima in foetu est (utpote vitali et vegeto),

^a Lib. vii. cap. 8.

nitendum ut capite primum prodeat; sin utero id negotium praecipue incumbit, exitus in pedes procurandus est.

Foetus operam in partu potissimum conspicuam esse, non modo in pennatis videre est, quae suis viribus citra matris auxilium, ut diximus, corticem rumpunt; sed et in aliis animalibus compluribus: muscae enim omnes et papiliones membranas, in quibus aureliae delitescabant, perforant; bombyx etiam folliculum sericeum, quem muninimis gratia intus occultatus neverat, stato tempore humectando emollit, rodit, et sine ullo adminiculo extraneo foras egreditur. Ad eundem modum vespae, crabrones, et reliqua insecta, omnesque pisces, sponte sua nascuntur. Apparet hoc maxime in raia, pastinaca, galeo, omnibusque piscibus cartilagineis, qui ova intus concipiunt, eaque perfecta et bicolora (albumine scilicet et vitello praedita), atque cortice cartilagineo valido quadrangulari conclusa; e quibus intra abdomen et uterum detentis pisciculi efformati, rupto vi cortice, egrediuntur foras: quemadmodum et viperini foetus ovi continentis tunicam aliquando in utero parentis, aliquando in ipso exitu haerentes, aliquando etiam altero tertiove post nativitatem die erodunt. Vnde orta est fabula, viperinos catulos exeso matris utero nasci, patrisque necem ulcisci: cum tamen idem solum agant, quod reliqui omnes foetus viscentes luminis auras, dum in partu, aut subito post eum, amplexantes membranas, secundas dictas, perrumpunt.

Quantum autem adjumenti ad partum foetus adferat, plurimae observationes luculenter demonstrant. Mulier quaedam apud nos, compertum narro, sub vesperam mortua, in conclavi sola relicta est: mane autem sequenti, inter femora ejus repertus est infans, qui proprio nisu exitum sibi procuraverat. Gregorius Nymmanus exempla aliquot hujus commatis ex probatis auctoribus collegit.

Novi etiam mulierem, quae a difficili et laborioso partu integrum vaginae ambitum interiorem laceratum atque excoriatum habuit; adeo ut, finito puerperio, licet gravida denuo fieret, tamen non solum orificii pudendi latera juxta nymphas coalescerent, sed totius quoque vaginae cavitas usque ad internum matricis osculum prorsus connasceretur: unde nec virili membro, nec specillo quidem ingressus patuit, neque menstruum fluxui egressus. Instante itaque pariendi tempore torquebatur misella perquam miseris modis, omnemque spem deponendi sarcinam abjecerat: quare traditis marito clavibus, ordinatisque rebus suis, amicis praesentibus valedixit. Cum ecce inopinato, robusti admodum foetus summo conamine, totus ille tractus dirumpitur, fitque insperatus partus; et validus infans sibi matrique suae salutis auctor exstitit; viamque apertam aliis post nascendis reliquit. Idoneis enim adhibitis remediis mater pristinam valetudinem recuperavit.

Addo aliud exemplum magis memorabile. Serenissima Angliae regina equam candidissimam formaeque eximiae dono acceperat: ejusque genitalia, ne ab equis admiffariis inita corporis gratiam atque equitandi usum amitteret, equifones, ut fieri solet, annulis ferreis infibulaverant. Eadem tamen, nescio quo pacto, nec custodes mihi modum indicare poterant, facta est gravida; tandemque, cum nihil tale suspicarentur, noctu peperit, pullusque vivens mane ad matris latera conspicitur. Id cum mihi nunciaretur, adii illico locum, vidique ambo vulvae labia annulis confuta, totumque pudendum versus finistrum latus detrusum, abruptum, et a dextra coxendice laceratum adeo, ut, soluta per incredibilem foetus vim partis robustissimae unitate, facile ei per ingentem illum hiatum exitus patefceret. Tantus scilicet est maturi vegetique foetus vigor et efficacia.

E contrario vero, si foetus morbosus aut languidus fuerit, vel ante debitum tempus in lucem prodierit, non tam partus

fit

fit quam abortio; foetusque ejicitur potius, quam paritur: ideoque, etiam aliquot dies natus, nec mammam commode fugit, neque excrementa rite deponit.

Fert tamen etiam uterus huic operi auxiliares manus; ut frequenti exemplo constabit. Mulier quaedam paupercula, et linteaminum lotura victum quaeritans, procidentia uteri diu laboraverat; ejusque vagina inter femora ad pugni amplitudinem propendebat; tandemque, cum nulla remedia adhiberentur, tantopere invaluit malum, ut jam scrotum referret cute rugosa et squalida; minusque jam molestiae inde perfenfit quam in recenti prolapsu consueverat. Consilium tamen a me petenti suasi, ut in lecto per aliquot dies se detineret, fomentis et unctionibus arida loca emolliret, eoque pacto intra corpus reductum uterum pessariis fasciisque ibidem retineret, donec ficcantium et corroborantium remediorum usu in loco debito firmaretur. Successit aliquantisper ad votum curatio: verum dum ipsa prae egestate, quaestus faciendi causa, ad solita opera revertitur, intermissisque remediis diu erecto corpore obambulat, recidivam passa est; eamque aequo animo toleravit, modo intus modo foris existente utero; ut plurimum autem noctu in locum solitum reduxit, ibidemque aliquandiu permanfit. Elapsis vero diebus complurculis, ad me reversa conqueritur remediorum et praesertim fomentorum usu, ut arbitrabatur, tumefactum uterum intus amplius retineri non posse. Praescriptis tamen unctionibus usa, eundem vi intro adegit, sed non duraturo juvamine; quamprimum enim in pedes furgeret, et consueta munia obiret, uterus confestim prae mole ac pondere molestiam ipsi attulit, facileque denuo prolapsus est. Et jam taurini scroti instar ad medium femur pependit; adeo ut non solum vaginam, sed et matricem ipsam inversam esse, aut herniam quandam uterinam suspicarer. Tandem capitis humani magnitudinem excessit tumor renitens, et genuum tenus propendens

pendens dolorem intulit, incessumque, nisi prono corpore, impedire coepit; atque in ima sui parte dehiscens madorem, tanquam locus ulcerosus foret, et saniem profudit. Ego re inspecta (tactu enim non explorabam) cancrum aut carcinoma uteri jam affore metuebam, ideoque ligaturam et abscissionem meditabar; et interea consului ut blandis fotibus dolorem leniret. Nocte vero sequenti ex eodem tumore infans spithamae longitudine perfecte formatus, sed mortuus, protruditur, et postridie ad me desertur; quem, sublatis interaneis, per aliquot menses in aqua frigida natantem citra corruptionem servavi, pluribusque amicis meis, ceu rem mirandam, ostendi. Cutis in hoc foetu nondum efformata erat; sed pellicula duntaxat apparuit, qualis in pomo cocto cernitur, quam nullo negotio integram detraxi; unde omnes totius corporis muscoli, macilentus enim erat, distincte admodum apparuerunt. Quae in hujus foetus dissectione porro observaverim alibi dicetur: hic duntaxat, quomodo matrix sola abortum concitaverit, proprioque nixu foetum propulerit, adnotandum duximus.

Fabricius in partu et post partum duo admiratione digna, ut ait^a, proponit: primum, de uteri dilatatione in partu; alterum, de reductione ejusdem post partum ad pristinam angustiam. Miratur nempe uterum tantopere ad egressum foetui praebendum distendi; eundemque denuo post partum brevi tempore ad pristinam suam parvitatem reverti.

Quomodo uteri cervix crassa, dura, et occlusa, adeo ut ne specillum quidem admittat, tantam distensionem partus tempore patiatur, *mirari quidem nos posse cum Galeno^b; intelligere autem non posse*, profitetur. Causam tamen hanc reddit^c, *quod uterus non praegnans sit crassum corpus et durum, et similiter ejus orificium; praegnans autem evadat tenue et molle; et quo magis ad exitum propinquat, eo uteri corpus, et consequenter*

^a De form. factu, pag. 142. ^b De us. part. lib. xv. cap. 7. ^c Pag. 143.

ejus orificium tenuius et mollius efficiatur. Idque fieri putat ob distensionem quam uterus patitur; qui, dum distenditur, compactum ipsius uteri corpus, et, ut ita dicat, complicatum expanditur et explicatur; et ita, cum crassum et durum prius esset, tenue et molle redditur, et per consequens ad exitum foetui praebendum aptum. Addit postea: Quaesivit aliquando quispiam; quomodo, si ita se res habet, verum esse potest, quod in utero gerentibus uteri orificium ita occlusum sit, ut ne specillum quidem ingredi possit? Respondi, evenire propterea quod uterus, dum distenditur, et quasi linteum compactum et plicatum explicatur, in superiore ejus parte primum incipit sursum attolli et explicari; inde vero sensim et sensim inferiores uteri partes distenduntur, quousque tandem ad orificium distentis illa facultas perveniat; quod consentaneum est accidere, dum uterus ad partum propinquat. Quare merito uteri orificium primis mensibus penitus occlusum, quando scilicet adhuc crassum et praedurum est, ultimis autem jam dilatari apparet. Atque haec de Galeni causa incognita dicta sint. Possemus quoque alias addere, quae dilatationem orificii reddunt faciliorem: ut puta foetus excrementa, scilicet sudor et urina, quae etsi in propriis continentur conceptaculis et membranis, nihilominus tamen vis humectandi potest etiam hujusmodi orificio impertiri, praecipue cum inferius sit, et propositis humiditatibus propinquum semperque praesens. Adde, quod ad uteri orificium semper mucosa et pituitosa quaedam comperiantur.

Sed fallitur, mea quidem sententia, eximius vir: uteri enim cervix non est dura ex complicatione, sed a propria substantia nervosaeque constitutione: et accidentales causae, quas recenset, minus huic negotio momenti afferunt. Fit certe isthuc a divina naturae providentia, similiter ac reliquum totius corporis artificium admirabile, quae opera sua instituit in finem, actionem, et usum. Est itaque uteri talis constitutio, ut in prima conceptione orificium nervosum contractum habeat, retentionis gratia,

gratia, quod postea in partu, tanquam fructus in arbore, ex duro ad maturitatem mollescat in expulsiōis commodum: idque non explicatione aliqua, sed ab immutata temperie. Nam et ossium quoque commissuræ, synchondrosis nempe coxendicis cum ossē sacro et pubis, et coccygis syneurosis, solvuntur et emollescunt. Admirabile fane est exiguum pullulantis nuclei apicem (amygdalarum puta aut aliorum fructuum) ossa, quæ vix malleo rumpuntur, effringere; tenellæque radicis hederæ fibras in tenues faxorum rimulas irrepentes prægrandes tandem muros discindere. Non est autem quod magnopere miremur foeminarum genitalia in partu relaxata subito post durescere et confringi, quod partibus illis naturale est; si cogitemus penem virilem, in coitu valde tensum et durum, peracto negotio statim languescere et emolliri. Mirandum magis, quod omnem plicaturam superat, uteri substantiam, pro foetus incremento, non modo indies ampliari sive distendi, tanquam ad Fabricii mentem evolveretur; sed crassescere et carnosiores ac robustiores fieri. Illud quidem cum Fabricio stupendum magis, tantam uteri molem tam paucis diebus per celebrem lochiorum purgationem ad pristinam magnitudinem redire: cum id tumoribus aliis aut abscessibus non contingat; qui, ex materia præternaturali, et coëtrici expultricique facultatibus rebelles constantes, longiores in sanando moras trahunt. Non est tamen hoc admiratione dignius, quam reliqua naturæ opera: *Jovis enim plena sunt omnia*, et naturæ numen ubique præfens cernitur.

Ultimo loco, Fabricius maxime miratur vasa illa embryonis (nempe foramen ovale e vena cava in arteriam venosam, et transitum e vena arteriosa in aortam, de quibus in tractatu de circuitu sanguinis fusè diximus) statim a partu marcescere et obliterari. Cogiturque ad rationem eam Aristotelis^a a nobis

^a *De par. anim. lib. i. cap. 5.*

praecitatum confugere; nimirum, partes omnes actionis aliqujus gratia conditas esse, eaque ablata, ipsas quoque evanescere. Nempe oculus videt, auris audit, cerebrum sentit, ventriculus concoquit, non quia illarum partium talis temperies et fabrica contigit: sed organa ista, ut destinatas a natura operationes obeant, ejusmodi temperie et fabrica donantur.

Quo argumento constat uterum inter partes generationi dicatas praecipuam esse; testiculi quippe geniturae aut feminis gratia constructi sunt; semen autem in coitum conceditur; et coitus ipse vel feminis emissio, ut utero foecunditas accedat et generatio contingat, a natura instituitur.

Diximus antehac ovum esse tanquam fructum animalium, et ceu uterum foris expositum. Nunc vicissim uterum, tanquam ovum intus permanens, contemplabimur. Quemadmodum enim arbores statis temporibus foliis, floribus, et fructibus ornantur; et ovipara animalia interdum ova generant et pariunt, aliquando autem effoeta sunt, et ne locus quidem aut pars ea continens reperitur: ita et viviparis animalibus suum ver et autumnitas data est. Foecunditatis et generationis tempore partes genitales, praesertim in foeminis, plurimum immutantur; adeo ut in pennatis ovarium, alias inconspicuum, turgidulum appareat; et piscium venter sub partum, ob ovorum multitudinem feminisque copiam, facile reliquum corpus mole superet. In plurimis animalibus viviparis genitalia, nempe uterus et vasa spermatica, non semper eodem tenore, temperie, et fabrica conspiciuntur; sed prout praegnantia aut effoeta fuerint, ita varie permutantur; adeo ut eadem esse vix dignoscere queas. Quippe in natura ut nihil deest, ita nihil superfluit. Ideoque partes genitales, cum earum nullus est usus, marcescunt, retrahuntur, ac veluti oblitterantur.

Tempore coitus leporibus et talpis maribus testiculi conspiciui, foeminisque uteri cornua adfunt. Dictu profecto mirum, quanta

quanta feminis copia tunc temporis in talpis et muribus majoribus conspiciatur, in quibus alias nihil omnino feminis, testibus extenuatis intusque retractis, visitur. Vterus autem in iis effoetis vix reperitur; ut marem a foemina internoscere plane arduum sit.

Vterus, in muliere potissimum, prout foeta aut vacua fuerit, tam temperie quam iis quae eam consequuntur, utpote situ, magnitudine, figura, colore, crassitie, duritie et densitate, mire variat. Puellae impuberes ut mammas non habent quam pueri majores, ita uterus illis est perexiguus, albus, cutaneus, venis destitutus, digitique majoris apicem aut fabam majusculam magnitudine non excedens. Similiter vetulae, ut collapsa ubera, ita uterum retractedum, flaccidum, vietum, pallidum, venis et sanguine carentem habent. Quam etiam causam arbitror, cur senescentibus mulieribus menstrua non fluant; sed vel in haemorrhoidas abeant, vel praemature supprimantur, non sine sanitatis dispendio. Cum enim uterus frigidus et quasi emortuus reddatur, venasque omnes atque arterias abolitas habeat; superfluis sanguis effervescens vel restagnat, vel in haemorrhoidas vicinas divertitur. E contra vero virginibus pallidis et febre lenta laborantibus, quibus uterus exilis est, et menses resistant, *a coitu maris*, inquit Aristoteles^a, *detrahatur mensum excrementum, trahit enim humorem uterus tepesfactus, et meatus aperiuntur*. Vnde summum illis aegritudinis levamen: quippe ab utero officii sui immemore multa universo corpori obveniunt mala. Est enim uterus pars principalis, quae totum corpus facile in consensum trahit. Nemini sane (paulum saltem exercitato) ignotum est quam prava symptomata uteri adscensus, descensus, perversio, et convulsio concitent: quam stupendas animi aberrationes, deliria, melancholias, et furores, tanquam incantamento fascinat, affectus uteri praeternaturales

^a De gen. anim. lib. iii. cap. i.

incutiant; quot etiam morbos aegre curabiles, menstruum depravatum profluvium, aut veneris usus diu nimis intermissus valdeque desideratus inducant. Nec minus notum, quanta virgini alteratio contingat, crescente primum et tepefacto utero: pubescit nempe, coloratio evadit, mammae protuberant, pulcrior vultus renidet, splendent oculi; vox canora, incessus, gestus, sermo, omnia decora fiunt; morbi quoque graviores hoc ipso tempore vel nunquam curantur.

Novi foeminam nobilem a furore et melancholia uterina ultra decennium delirantem; cui, postquam omnia frustra tentata essent, contigit uteri prolapsus: quem ego affectum, contra aliorum sententiam, salutarem illi fore praedixi; suaeque uterum ne reponeret, donec a frigore externo intemperies ejus deferbuisset: successit res ex sententia, brevique plane convaluit; atque uterus demum loco suo restitutus ibidem permanfit; vitamque etiamnum salubriter degit.

Vidi etiam aliam hysterice symptomatibus, nulli remedium generi cedentibus, diu laborantem; quae tandem post multos annos ab uteri decubitu sanitatem recuperavit. Vtrique, sedatis symptomatibus, uterum felici cum successu reposui. Vterus namque ab acri aliqua materia ad expulsionem vehementer exstimulatus non solum delabatur, sed, instar recti intestini a tenesmo molestante irritati, seipsum foras praecipitat.

Varia itaque est uteri constitutio; eaque non modo praeternaturalis, sed etiam secundum naturam, tempore nempe foecunditatis, aut sterilitatis. In puellis, ut dixi, et effoetis fabae magnitudine exsanguis est. In virgine nubili pyri magnitudinem et formam refert. In mulieribus foecundis et ad concipiendum idoneis parvae cucurbitulae aut ovi anserini amplitudine conspicitur; simulque cum mammis turgescit, laxatur, et carnosior factus incalescit; *superatque*, ut Virgilius de agris loquitur,

—tener

—————*tener omnibus humor:*

—————*et genitalia semina poscunt.*

Quare instantibus jam aut modo praeteritis mensibus, dum adhuc calor loci et humiditas (duae generationis causae necessariae) supersunt, mulieres ad concipiendum aptissimae sunt. Et similiter reliquis animalibus, cum ad venerem accenduntur, genitalia madent, turgent, atque intumescunt.

Talem quidem uteri constitutionem ante partum reperi. In gravidis autem, ut diximus, uterus ad foetus incrementum dilatatur, et in molem ingentem excrescit. Reperi eum statim a partu magnitudine capiti aequalem, et plus quam digiti majoris latitudine crassum, vasisque plurimis sanguine plenis repletum. Profecto admirabile est, et humanum ingenium, ut Fabricius ait, plane superat, tantam uteri molem tam brevi tempore, nempe quindecim aut viginti dierum spatio, tantopere detumescere.

Vterus enim, statim ab excluso foetu et secundis, sese sensim colligit, cervicem arctat, atque interiora versus in locum pristinum se retrahit; et partim per diaphoresin insensibiliter minuitur, partim in lochia solvitur: partesque omnes vicinae, ossa, venter, totaque regio hypogastrica simul constringuntur et firmantur. Per lochia emanat primo sanguis purus, postea saniosus recentis carnis loturae similis, deinde ichorofus: mulierculae nostrae lactis proventum nominant, cum lochia non amplius sanguine tineta conspiciuntur; forsan, quod eodem tempore lac e mammis copiosius et salubrius scaturiat, et lochia tunc minui et exsiccare incipiant: utpote succo alibili ab utero jam ad ubera translato.

Caeteris tamen animalibus haud tanto molimine opus est; quibus dictae partes uno aut altero die perfecte restituuntur et consolidantur. Imo vero eorum nonnulla, ut in lepore et cuniculo videre est, horulae unius spatio post partum marem admittunt,

mittunt, et a coïtu denuo implentur. Quemadmodum gallinam diximus protinus ab edito ovo a gallo comprimi. Mulieres solae ut menstruis ita etiam lochiis abundant: et puerperia difficilia ac periculosa experiuntur; quod, vel uterus ob imbecillitatem intempestive se colligat, vel lochia contra naturam depravata sint, vel non promanent. Saepe enim contingit, praesertim delicatulis, ut lochia intus corrupta et foetentia febrem aliaque faeva symptomata accersant. Quippe uterus a placentae separatione praecipue violenta excoriatus, tanquam ulcus ingens internum, lochiorum liberiore emanatione detergitur et mundificatur. Ideoque per excreta de puerpurae fanitate aut discrimine statuimus. Si quid placentae utero adnexum relinquitur, lochia male olentia, virescentia, et cadaverosa promanant: et nonnunquam, prostratis prorsus uteri viribus, sphacelismus repentinus certam necem adfert.

Si vel sanguinis grumi, vel aliud quid praeternaturale post partum in cavitate uteri remanserit; hic nec sursum retrahitur, nec orificium suum claudit; sed cervix ejus mollis et aperta persenscitur. Vt expertus sum in muliere, quae febre maligna cum summa virium jactura laborans abortivit; et post exclusionem foetus incorrupti atque integri, prostratis tamen viribus, cum pulsu vermiculante et sudoribus frigidis moribunda procubuit. Vteri ejus orificium laxum molle et patentissimum deprehendi, una cum male olentibus lochiis: unde subesse aliquid in utero quod putresceret suspicatus sum; digitisque immisissis molam ovi anserini magnitudine, carne densissima, nervosa, et pene cartilaginea, foraminibusque aliquot atram viscidam et foetentem putrilaginem in se habentibus, praeditam extraxi; statimque inde a praedictis symptomatibus liberata est, et brevi convaluit.

Cum uteri cervix post partum sese modice contrahit, et propterea sanguinis grumi cum difficultate aliqua prodeunt, dolo-

doloresque illos faciunt, quos obstetrices nostrae enixus posteros (*the after-throws*) vocant; res omnis in vado esse creditur, et revera esse solet; cum indicium sit roboris et firmitatis uteri, sese facile in situm debitum colligentis; quo fit ut lochia promptius expellantur, et sanitas citius recuperetur.

Observavi autem in nonnullis orificium uteri statim a partu constrictum adeo, ut detentus intra uterum sanguis, subitoque inde grumescens et putrefactus, faeva induxerit symptomata; cumque nulla arte exitus ei parari posset, praesentaneam mortem intulerit.

Puerperae cuidam nobilissimae febricitanti (quod lochia nulla profluerent) pudendi labra tumida erant et fervida: matricis ejus orificium durum et clausum, instrumento ferreo immisso, per vim aliquantulum aperui, ut injectionem per siphunculum admitteret; indeque grumescens, ater, foetidusque sanguis ad libras aliquot effluxit cum praesenti aegrae levamine.

Oblata est mihi doctoris theologiae uxor fatis boni habitus, sed infoecunda; quae summo prolis desiderio flagrans multa a multis praescripta incassum tentaverat: menses quidem statis temporibus profluebant; sed aliquando, praesertim ab equitatione, saniosum quid et purulentum ab utero emanabat, quod subito post subsisteret. Aliqui fluorem album esse arbitrabantur: alii ulcus sinuosum suspicati sunt, ea potissimum ratione ducti, quod non perpetuo ac pedetentim, sed per intervalla et affatim profluxio fieret: quamobrem speculi matricis ope totam uteri vaginam perlustrabant, variaque remedia adhibebant, sed frustra omnia. Ego tandem advocatus aperui interim matricis orificium: indeque protinus cochlearia duo circiter puris saniosi et fibris sanguineis tincti, effluerunt. Quo conspecto, ulcus in uteri cavo latitare dixi; injectisque medicamentis congruentibus pristinae eam valetudini restitui. Hanc autem ejus curam dum molior, videoque usitata remedia parum proficere,

validiora aggredior; quoniam antiquum ulcus esse, et fortassis cum supercrescente carne suspicabar. Injectionibus itaque prioribus addo aliquantulum vitrioli Romani; a cujus acrimonia percussus uterus subito se contraxit, induruitque adeo, ut ad tactum lapide rigidior sentiretur; simulque plurima symptomata hysterica oborta sunt, quae ab uteri strangulatu, tetrisque inde vaporibus sursum latis, medici vulgo fieri existimant. Duravit aliquandiu hoc malum; donec a mitioribus et anodynis remediis placatus uterus orificium suum laxaret, liquoremque acrem, quem injeceram, una cum saniosa putrilagine expelleret. Factumque adeo est ut aegra brevi convalesceret.

Historiam hanc ex observationibus meis medicinalibus huc transferre libuit, ut clare constet, quam sit uterus sensus acerrimi; et quam facile sese praesente hoste claudat; praesertim in gravi ac difficili puerperio. Mulieribus prae caeteris animalibus haec contingunt, et praesertim delicatis, vitamque umbratilem et mollem degere assuetis; ut et iis, quae tenerae valetudinis sunt, et facile in morbos labuntur. Nam agrestibus, iisque quae duros labores pati consueverunt, haud tam levibus momentis gravia damna incumbunt. Harum aliquas aliquando intra mensem denuo praegnantem videas; cum illae saepe ultra bimestre spatium aegre solitis vitae muniis fungantur.

Hippocrates^a purgationes a partu praescribit tot dierum numero quot dati sunt formationi foetus. Itaque plures foeminae quam mari. *Sed tamen falsum id est, teste Scaligero^b: Nulla enim mulierum nostrarum plus mense purgatur post puerperium: multae quinto et decimo die absolvuntur; quaedam etiam septimo: vidimus etiam quae tertio, etiam editis foemellis.* Multa de hac re Galenus quoque περὶ γυναικῶν. Mulieres, ut fama est, in novo orbe quo die pariunt eodem latitant; postridie autem ad usitata munia revertuntur.

^a Lib. de foetu.

^b Com. in Arist. hist. anim. lib. vii. cap. 3.

Addam duntaxat, coronidis loco, exemplum memorabile, mihi narratum ab illustrissimo Domino Georgio Carew, Comite de Totnes et Munsteri in Hybernia diu proconsule, qui etiam eorundem temporum annales conscripsit. Mulier scilicet gravida maritum in castris stipendia facientem comitabatur; cumque exercitus quotidie in alia loca migraret, forte a minoris fluminis occurfu impeditus per horam substitit; simulque gravida haec, ingruente jam partu, ad arbuſta et vepreta proxima secessit, solaque citra ullius obstetricis operam aliumve apparatus duos infantes peperit; quos ad flumen deferens aqua viva proluit, seque ipsa lavit: quo facto gemellos rudi velamine inclusos humeris gestavit, eodemque die nudis pedibus, ut erat, exercitum comitata duodecim mille passuum iter fecit, idque sine ullo valetudinis dispendio. Sequenti vero die, illustrissimo proregi comiti Montjoy, qui eo tempore contra Hispanos in obſidione Kinsalienſi exercitum ducebat, ipsique proconsuli rei novitate motis, sacro lustrico interesse nominaque infantibus dare placuit.

UTERI MEMBRANIS ET HUMORIBVS
EXERCITATIO.

HIERONYMVS Fabricius^a quatuor genera corporum recenſet, quae extra foetum conſiſtunt: nempe, vaſa umbilicalia, membranas, humores, et carneam ſubſtantiam. De quibus quid (variis obſervationibus inſtructus) ſeorſum ab illo ſententiam paucis dicam, poſtquam prius ſententiam ejus ſuper his breviter propoſuero.

Membranae, inquit, tres ſunt; quarum duae foetum univerſum ambiunt, tertia vero non item. Quae foetum ambiunt, una interior eſt, quae proxime foetum inveſtit, ἄμνιον dicta, id eſt, amiculum. Altera huic ſuppoſita χόριον Graecis dicitur, Latinis innominata, (ſed male ab interpretibus ſecundae ſeu ſecundina nuncupatur) quae ſimiliter totum ambit foetum. Tertia dicitur ἀλλαντοειδής, id eſt, inteſtinalis, quod inteſtino farcto ſimilis ſit; quae ob id foetum non obvolvitur, ſed thoracis et abdominis parti ſubjicitur, et ad utrumque uteri cornu porrigitur. Membranam hanc in ovillo et bovino duntaxat foetu reperiri agnoſcit; eandemque cum uracho jungi, et per hunc e veſica urinam excipere affirmat. Ideoque inquit^b, in cornigeris, quibus data eſt allantoïdes tunica, urachus ita latus eſt et rectus ut inteſtinulum referat; ſenſimque uſque ad veſicae fundum gracileſcit; quod facile ejus ortum potius ad inteſtinalem, quam ad veſicam eſſe perſuadet. In homine vero, aliſque utrinque dentatis, allantoïde deſtitutis, memorata urachi amplitudo ita deperditur, ut, cum unicus a fundo veſicae exoriat, paulo poſt in minutiffimas fibras findatur; quae una cum vaſis umbilicum praetergreſſae urinam in chorion tunicam (modo pene viſum effugiente) transfundunt. Eoque nomine Arantium duplicis erroris poſtulat:

^a Lib. de form. foetu, cap. 1.

^b Cap. 7.

et, quod urachum in homine reperiri negaverit; et, quod foetum per pudendum urinam reddere afferuerit.

Ego vero me in iisdem cum Arantio erroribus (si tales dicendi sunt) versari libens profiteor. Quippe certus sum, a vesicae compressione in foetu grandiore (tum humano tum aliorum quoque animalium) instituta, urinam per pudendum effluere. Vrachum autem nunquam conspiciatus sum; nec urinam a vesicae compressione in secundas trajectam observavi. Vidi quidem in ovibus et cervis (inter arterias umbilicales) quasi vesicae processum quendam urinam in se complectentem; non autem talem, qualis urachus ab eo describitur.

Haud prae fracte tamen negaverim dari allantoïdem: membranae enim interiores usque adeo tenues sunt ac transparentes, quales inter bina albumina reperiri diximus, ut conspectum facile eludant. Quinetiam in ovo gallinaceo, inter colliquamentum et albumen, id est, inter amnion et chorion, aliquid excrementi albidum, imo vero faeces alvi interdum reperiuntur; ut supra a nobis dictum est, et Coiterus quoque observavit. Praeterea, ipsius colliquamenti tunica, in qua pullus natat, licet pellucida, tenuis, et subtilis sit adeo, ut fatente ipsomet Fabricio tenuior excogitari non possit; tamen (cum, eodem teste, membranae omnes quamvis tenuissimae duplices nihilominus sint) posset natura aliquando coacta inter illius duplicaturas urinam vel aliud quidpiam deponere. Atque ejusmodi quidem allantoïdem Fabricio non illibenter concesserim: farcimen vero aliud ad utrumque cornu diductum in bifulcorum secundinis non reperio; neque aliud quidquam praeter conceptum ipsum. Invenio solum, ut jam dixi, vesicae processum quendam, qui inter arterias umbilicales positus humorem excrementitium in se continet; idemque in aliis productior in aliis brevior cernitur. Quamobrem mea quidem sententia tunica, quam Fabricius allantoïdem appellat, est chorion: eam

tamen

tamen veteres allantoïdem nominarunt, ob figuram duplicis farciminis, quam obtinet. Membrana enim exterior, quae, instar manticae medio fui constrictae, ad utriusque cornu extrema profenditur, uterum vero interpositum (sive amborum cornuum connexionem) pertransiens constringitur, est chorion: quod, ovibus, hoedis, cervis, damis, caeterisque bifulcis, in medio illo transitu manu prehensum facile integrum extrahitur: idemque illarum conceptum sive ovum esse diximus. Quippe, ovi instar, duplicem liquorem, foetum, omniaque ad eum spectantia in se continet; habetque easdem conditiones, quas ovo Aristoteles attribuit; nempe, ex cuius parte principio animal consistat, reliquum vero alimentum ei quod gignitur fit: ut jam saepe dictum est.

Tunicam itaque, quam Fabricius allantoïdem nominavit, ego vel chorion esse, vel ex reduplicatione tunicarum aliquid praeter naturam accidisse arbitror. Ideoque in paucis duntaxat animalibus, neque id perpetuo, eam reperiri certum est. Ab initio enim non reperitur; posteaque in aliis magis in aliis minus conspicua est; in nonnullis vero vesicae solum processus cernitur. Quin ipsemet Fabricius eam haud ambiendo foetui, sed urinae solum continendae necessariam existimat. Et certe crediderim eum recensuisse illam potius, ut veterum doctrinam tueretur, quam quod revera talem reperiri, aut usui alicui inservire crederet. Enimvero, cum antiquis pariter et tota medicorum schola, fatetur chorion urinam in se continere; ubi ait^a duos humores circa foetum esse, alterum sudorem in aranio, alterum urinam in chorio. Manifestum itaque est, veteres unam eandemque tunicam sub duplici nomine intellexisse: nempe in bifulcis, in quibus solis reperitur, allantoïdem ob figuram vocabant; in aliis vero ab officio, quo urinae excipiendae destinata credebatur, chorion appellabant. Ac propterea,

^a Cap. i.

neque in homine nec aliis quibuscvis animalibus tunicam eam reperiri fatentur. Quid enim alia tunica urinae continendae opus sit, cum id muneris jam ex eorum sententia a chorio praestetur? Non potest sane verisimilis ratio afferri, cur in ovibus, capris, reliquisque bifulcis, ea tunica infit; in cane autem, fele, mure aliisque non item. Enimvero, si urinae reservandae causa instituta foret; necesse esset vel in ovillo et bovino foetu majorem urinae copiam abundare quam in utrinque dentatis; vel tres diversos humores dari; vel faltem bina esse urinae conceptacula. Quippe mihi certum est, chorion (a primo statim ortu) aqua plenum cerni. Non libet vero hic loci contentionis funem ducere: malim quid ex observationibus meis repererim enarrare.

Aliud quidem est conceptus five embryonis jam perfecti fabricam exhibere, uti a Fabricio factum est, aliud vero ipsius generationem primumque schematissimum exponere: quemadmodum aliud est poma aut semina plantarum matura describere, aliud eorundem e germinibus productionem elucidare. Nos itaque, quomodo conceptus paulatim perficiatur, a carceribus ad metam breviter recensebimus: ut inde clarius constet, quid de membranis reliquisque ad foetum attinentibus statuendum sit.

In cunctorum viventium generatione, sicut diximus, hoc solenne est, ut ortum ducant a primordio aliquo, quod tum materiam tum efficiendi potestatem in se habeat; sitque adeo id, ex quo et a quo quidquid nascitur ortum suum ducat. Tale primordium in animalibus (five ab aliis generantibus proveniant five sponte aut ex putredine nascantur) est humor in tunica aliqua aut putamine conclusus; corpus nempe simile vitam habens actu vel potentia: idque, si intra animal generatur, ibidemque manet donec animal univocum produxerit, conceptus vulgo appellatur; sin vero partu foras exponatur, five principium

pium aliunde casu fumpserit, ovum vel vermis dicitur. Ego autem utrumque pariter primordium nominandum censeo, unde animal oritur; quemadmodum plantae e semine suos ducunt natales: suntque omnia ista primordia generis uniusmodi, nempe vitalia.

Huiusmodi primordium in omnium viviparorum utero reperio, antequam quidpiam foetus discernitur. Adest scilicet humor clarus, lentus, albus (qualis ovi albugo) in membrana inclusus, quem eorum ovum nomino; idemque in cervis, damis, ovibus, reliquisque bifulcis, totum uterum et utrumque cornu replet.

Tempore procedente, ex hoc primordio five ovo pars quaedam aquosa limpidissima et purissima (qualem in ovo gallinaceo colliquamentum nominavimus) secernitur; et claritate five perspicuitate reliquum ovi humorem, in quo continetur, longe superat. Forma illi rotunda est; et in propria membrana tenuissima ac transparente includitur, quam amnion vocant. Humorem alterum, crassiores et turbidiores, exterior tunica chorion concavae uteri superficiei contigua totumque ovum ambiens complectitur; formamque variam pro diversa uteri figura adipiscitur: quibusdam enim ovalis est, in aliis oblonga reperitur, in bifulcis autem manticam refert.

Paulo post, in colliquamento hoc crystallino punctum rubrum saliens emicat; indeque subtilissimi venularum ramuli (ceu radii) sparguntur. Mox primum corporis concrementum (galbae instar) apparet in orbem carinatim reflexum: atque ordine reliqua, quae in historia diximus, subsequuntur. Nempe procreationem foetus in viviparis eodem modo ex ovo five conceptu fieri observavimus, quo nuper pulli fabricam in ovo gallinaceo descripsimus.

Differunt autem, ut monui, isti viviparorum conceptus, figura, numero, et connexu cum utero. Principio enim conceptus (praesertim

(praefertim in bifulcis) utero non adnascitur; sed illi solum contiguus totam ejus cavitatem replet ac diffendit; facileque integer extrahitur. In bifulcis, quae in uteri cornibus concipiunt, et solidipedibus, unicum duntaxat hujusmodi ovum reperitur, idque in utrumque cornu protensum: et licet aliquando singularem aliquando binos foetus procreent, adeoque interdum unicum interdum bina colliquamenta adsint, alterum scilicet in dextro, in sinistro cornu alterum; in eodem tamen communi ovo continentur.

In aliis vero animalibus, quot foetus, tot illico separatim ova concipiuntur, totidemque in iis colliquamenta reperias: veluti in cane, fele, mure, et hujusmodi aliis utrinque dentatis.

Figura ovi in bifulcis est instar manticae; talis nempe, qualem Fabricius allantoidi attribuit. In equa forma uteri interna sacculum oblongum refert: in muliere vero orbicularis est.

Quibuscunque conceptus utero adnectitur (quod in multis quidem non fit, priusquam foetus perfecte formatus fuerit) ille etiam pro varia connexionis ratione distinguitur. Aliis enim uno solum loco affigitur, mediante carnosae substantiae, quam in muliere placentam dicimus, quod figuram placentae rotundam exprimat: aliis autem variis in locis, colligantibus eum pluribus substantiis carnosis sive carunculis; nimirum quinque in damis et cervis; in vacca pluribus, sed minoribus; in ovillo autem genere quamplurimis et magnitudinis variae. In canibus et felibus, carnosae substantiae in orbem, quasi cingulum, quaelibet ova circumvolvunt. Similis substantia, in lepore et talpa, earum uteri lateribus adnascitur: quemadmodum etiam placentae in muliere, quae conceptus ejus plus quam dimidium amplectitur (ut cupulae glandes solent, cum primum expullulant) adeoque pars ejus gibba utero firmiter adhaeret, fima autem membranae chorio adnascitur.

His praemissis, quid de humoribus, membranis, carnosâ substantia, et vasorum umbilicalium distributione, a Fabricio memoratis, censeam jam dicam.

Recte quidem Fabricius^a, per *δευτερα* et *τριτα*, secundas five secundinam intelligit: scilicet, non membranas solum, sed totum id, quod in partu postremo egreditur, vel saltem haud multo post eum, et ex humoribus, membranis, carnosâ substantia, vasisque umbilicalibus constituitur.

DE HUMORIBVS.

De humoribus autem quae affert, et ab antiquis recepta, tanquam rem certissimam et quae probatione nulla egeat, supponit; nempe aquam in amnio, in qua embryo natat, illius esse sudorem; alteram vero exteriorem in chorio ejusdem urinam esse; plane incongrua et falsa sunt. Vterque enim humor prius in conceptu reperitur quam quidpiam foetus appareat: et is, quem urinam nominant, prior altero, quem sudorem esse credunt, conspicitur. Imo vero in conceptibus quibusdam irritis et infoecundis, in quibus nullum foetus vestigium, dictos humores, praesertim exteriorem, invenias.

Conceptus ejusmodi, ceu ova subventanea, mulieres interdum ejiciunt: et Aristoteles *fluxus vocari* ait^b: nostrates *falsæ conceptions* et *slips* nominant. Simile ovum Hippocrates e tibicina abortive excussit. Quae enim animal intra se pariunt, iis, teste Philosopho^c, quodammodo post primum conceptum, oviforme quiddam efficitur: nam humor in membrana tenui continetur, perinde quasi ovi testam detraxeris. Humorem autem eum in chorio contentum, quem Fabricius aliique medici urinam censent, Aristoteles spermatis five geniturae liquorem esse arbitrari visus est; ait^d enim: *Exceptum ab utero semen, ubi immoratum fuerit, membrana obducitur. Si enim prius exeat,*

^a Cap. v. ^b De gen. anim. lib. iii. cap. 9. ^c Ibid. ^d Hist. anim. lib. vii. cap. 7.

quam dearticuletur, videtur quasi ovum membrana obtectum, cui putamen detractum sit. Membrana autem illa venis repleta est: nempe chorion, quae a venarum choro five copia nomen obtinuit. Saepe secundo aut tertio mense huiusmodi ova elisa vidimus: saepius intus corrumpuntur, sensimque, tanquam fluores albi, effluunt, et obscuram conceptionis spem eludunt.

Praeterea, humores illi, quos diximus, urina vel fudor censerique nequeunt; quod statim ab initio tanta copia abundant, ut embryo in iis natans a partium circumjacentium collisione (dum mater currit, vel saltat, aliterve corpus suum validius agitatur), tanquam circumposito munimento, praeservetur.

His adde, multa animalia nunquam sudare (cum tamen, auctore Aristotele^a, *omnia tum natatilia, tum pedestria, tum volatilia*, addo etiam serpentina et insecta, *sive animalis, sive ovi forma*, five sponte, *proveniant, simili modo gignantur*): penata omnia, serpentes et pisces, neque sudant neque urinam emittere creduntur. Canis et felis nunquam sudant; nec aliud aliquod animal, dum copiose mingit. Neque fieri sane potest ut ullum animal mingat ante renum et vesicae exstructionem.

Porro, quod caeteris est argumentum validius, humores isti non possunt esse excrementitii, in quos per chorion tot ramuli venarum umbilicalium disseminantur; qui alimentum inde (quasi e praesepti amplo) exfugentes, idem postea in foetum transferunt.

Deinde, si humor ille, qui in chorio, urina est; quid opus est allantoide? Si fudor est, qui in amnio continetur; cur natura, quae commodissime omnia instituit, foetum in excremento proprio natare voluit? et cur statim a partu mater (pluribus enim animalibus is mos est) excrementum suae proles, una cum

^a Hist. anim. lib. vii. cap. 7.

membranis continentibus, tam avide devorat? Aliqui observant animalia illa, nisi ista comedant, lac suum aegre dimittere.

His tamen non obstantibus, crediderit forte aliquis humores illos, quos foetui in alimentum designavimus, esse excrementitios; idque ea potissimum ratione motus, quod una cum foetus incremento augeantur; et in partu quorundam animalium (quo tempore alimentum omne propemodum absumptum esse verisimile est) magna copia conspiciantur; ac praeterea alias utilitates praestent, quae nutrimenti officio minime conveniunt. Ego nihilominus fidenter assero dictos humores ab initio foetui pro alimento esse; quemadmodum colliquamentum et albumina pullo in eum finem inserviunt: procedente autem tempore, tenuioribus et purioribus partibus exhaustis, reliquas excrementi utilis naturam induere; et in quibusdam animalibus reservari, ut foetus securitati consulant, et partum facili- tent. Nam ut vinum vanescente spiritu fit vappa; et excrementa plurima ab alimenti reliquiis proveniunt: ita similiter, postquam id omne, quod alendo foetui accommodum est, ex humore illo, qui in chorio est,eductum fuerit; quod reliquum est in excrementi naturam abit, et in usus jam dictos reservatur. Quidquid autem intra amnion continebatur, plerumque appropinquante partu absumitur; adeo ut verisimile sit foetum prae cibi inopia exitum quaerere.

Denique, si aliquando humor alius in allantoide continetur, ut certe interdum reperitur, eum ego praeternaturalem esse existimo. Nonnunquam enim mulieribus in partu aquam ingenti copia profluxisse vidimus, aliquando etiam geminam: obstetrices nostrae *by waters* nominant. Ideoque mulieres aliquae ingentem ventris tumorem prae se ferunt, licet parvulum postea et extenuatum foetum pariant; aquas vero copiosissimas profundunt. Aliqui existimant majorem aquarum copiam imbecilliores

becilliores foetus et foemellas comitari; robustiores autem et mares minorem. Vidi saepe aquas medio gestationis tempore proruere citra abortum; salvo interea et vigente ad partum usque robustiore foetu. Quemadmodum itaque naturaliter binae tantum aquae sunt, quarum altera in chorio, altera in amnio continetur; ita interdum praeter naturae consuetudinem fieri potest, ut plures in propriis membranis aut chorii duplicaturis accumulentur.

DE MEMBRANIS.

Ad membranas five tunicas uteri quod attinet; cum earum officium atque usus praecipuus sit, ut continendis aquis inferviant; atque istae solum binae appareant; certissimum videtur, neque ipsas membranas necessario atque usitate numero plures reperiri.

Qui autem tres tunicas numerant, inde eos deceptos arbitror, quod a veteribus, ut dictum est, eadem membrana modo chorion a venarum copia, modo a figura allantoïdes nominetur.

Omnis certe conceptus duabus illis membranis contegitur: quemadmodum et cerebrum omne duplici meninge gaudet; omnis arbor atque frutex duplici cortice vestitur; omnia denique femina et fructus binis involucris muniuntur: quorum exterius interiore durius et robustum magis deprehenditur.

Dictarum tunicarum interior (colliquamentum five humorem puriorem in se continens) tenuissima est, et amnion dicitur, id est, amiculum, quod foetum amiciat et obvolvatur. Exterior autem, quae multo major ac robustior, chorion nominatur, quod, inquit Fabricius, *multae venae et arteriae sint in ipso, tanquam in choro quodam, congressae ac dispositae. Unde, ad horum vasorum in chorio similitudinem, χοροειδής appellatur oculorum tunica, et venarum arteriarumque in cerebri ventriculis plexus.*

Membrana

Membrana haec chorion totum uterum replet; lentum etiam et turbidiorem humorem intra se complectitur; partique ejus exteriori placenta, aut carunculae adhaerentes, conceptum utero adnectunt.

Eadem in muliere parte sui inferiore cum amnio fere jungitur; nec facile ab isto separabilis est. In bifulcis est amplissima; humorisque in se centuplo plus quam amnion continet: hic enim ab initio nucem moschatam aut fabam majorem magnitudine vix aequat; et plerumque in altero duntaxat cornu reperitur; eo nempe, in quo foetus hospitatur.

Membrana chorion, in muliere praesertim, foris inaequalis et viscosa est; intus autem levis et lubrica cernitur venis plurimis intertexta. Pars ejus superior in muliere est crassior molliorque; inferior autem tenuior et magis membranacea.

In muliere etiam placenta parti hujus membranae superiori adnascitur. In ovibus vero carunculae plurimae variis ejus partibus adnectuntur. In damis et cervis conceptus quinis solum locis utero conjungitur: idem autem in equa infinitis propemodum locis internae uteri superficiei adhaeret. Ideoque Fabricius^a in omnibus fere viviparis carnem mollem, laxam, raram, crassam et subnigram, vasorum umbilicalium finibus affusam ait; eandemque spongiae, vel hepatis aut lienis laxiori parenchymati similem asserit; quam propterea Galenus^b carnem adenosam appellavit; et jam vulgo hepar uterinum dicimus; in quod vasorum umbilicalium extrema diffeminantur, nutrimentum foetui ab utero allatura.

At vero, nec in omnibus animalibus neque omni tempore ejusmodi carnosa substantia inest: sed in iis tantum, in quibus conceptus utero firmiter adhaeret; et tum demum, postquam is alimenti gratia eidem adnexus fuerit. Principio enim, conceptus (tanquam ovum in utero locatum) partibus omnibus ute-

^a *Cap.* iii.^b *5 Apho.* xlv.

ri circumjacentibus contiguus reperitur, nullibi vero eidem adnascitur; sed ex humoribus intus contentis (quemadmodum in ovo a gallina incubato fieri diximus) foetum producit et nutrit. Adhaesio autem isthaec five connascentia tum primum fieri, et carnea haec moles (quae conceptus cum utero copula est) generari incipit; cum foetus jam perfecte formatus, et alterius vel uberius saltem alimenti indigens, vasorum umbilicalium extremitates ad uterum mittit; ut ex eo (veluti plantae radicibus suis e terra solent) succum alibilem hauriat. Quippe initio, ut diximus, cum punctum faliens et sanguis tantummodo apparent; propagines venae umbilicalis in colliquamento solum amniique tunica conspiciuntur. Constituta vero semel corporis fabrica, propagines illae ulterius porriguntur, et numerosae per chorion disseminantur; ut ab albugineo humore ibidem existente nutrimentum foetui apportent.

Quibus manifeste constat foetum viviparorum sub initia eodem modo ali, quo pullum in ovo nutrir dixerimus: eamque ob causam in utero degere, ut tandem (cum alimentum amplius de suo non suppetit) ei mediante carnosâ substantia adnascatur; et a matre nutrimentum uberius suggerente alatur et crescat.

Quapropter recte a Fabricio observatum est conceptum in quibusdam animalibus vix utero adnecti. Ideoque fues et equae carnosam hujusmodi copulam non habent; sed in iis, ovum five conceptus, ut primo ex succis in utero scatentibus fit, (quemadmodum ovum in gallina albumine augeri diximus citra ullam ejus cum utero connexionem) ita pariter incrementum accipit: foetusque etiam, alimento a conceptu, in quo continetur, subministrato, in eundem modum alitur, quo pullus ex ovi liquoribus. Insigni plane argumento foetum eorum non magis, quam pullum in ovo, materno sanguine nutrir; neque humorem, quem chorion intra se complectitur, urinam aliudve

aliudve excrementum esse; sed foetui pro alimento inservire. Licet, ut antea monuimus, absumpto succo nutritioni idoneo, reliquiae ejus in excrementum urinae simile degenerent. Idque ex eo quoque manifestum est, quod de cotyledonibus in cervarum aliorumque bifulcorum carunculis supra diximus: nempe carneam molem in iis animalibus spongiosam esse, et, favi instar, infinitis pene acetabulis constare, eademque mucofo albumine repleri; quod etiam Galenus^a olim observatum meminit; atque inde vasorum umbilicalium fines nutrimentum haurire, quod in foetum transferant: quemadmodum in jam natis animalibus venarum mesentericarum ramuli per intestinorum tunicas diffusi ex illis chylum absorbent.

D E P L A C E N T A.

Ego itaque placentae et caruncularum tale munus existimo, quale hepatis atque mammae vulgo tribuitur. Hepar nempe chylum ex intestinis haustum corpori alendo ulterius praeparat: et placenta similiter succum alibilem a matre proveniente nutriendo foetui porro concoquit. Mammae etiam, adenosae substantiae participes, lacte turgent; et quae alias in quibusdam animalibus nuspia apparent, praegnationis tempore plenae tumidaeque visuntur: placenta pariter, caro laxa et fungosa, succo albugineo scatet, et gravidationis solum tempore reperitur. Jecur, inquam, est organum nutritivum corporis in quo est; mamma infantis; placenta embryonis. Et quemadmodum mater ex victu plus lactis conficit, quam sibi in carnis aut sanguinis usum opus sit, idemque in uberibus coquitur insuper et reconditur: ita quoque gravidae, quibus in utero placenta est, alimentum in carnosa ista substantia defaecatum foetui parant et suppeditant. Indeque contingit, ut embryonibus victus purus aut illaudabilis suggeratur, prout matres cibo

^a L. de diff. uteri, cap. ult.

probo aut improbo usae fuerint, eundemque dictis uteri organo plene aut secus praeparaverint. Aliqui enim embryones organum perfectius paratum habent, quale est carnosae ista uteri substantia, quae in aliis desideratur. In quibusdam etiam placenta reperitur crassior, amplior, et sanguine abundantior: in aliis vero spongiosior et albidior, instar thymi aut pancreatis. Non minorem enim harum rerum varietatem in animalibus invenias, quam uberum aut viscerum: jecora enim, ut de iis nunc solum dicam, in aliis rubicunda et sanguinea; in aliis vero, ut piscium maximae parti, et hominibus cachecticis, pallida obtigerunt. Equae crudo gramine vescuntur nec ruminant; fues impuro quovis cibo saginantur; iisdemque placenta, perfectioris alimenti organum, deest.

Vere itaque Fabricius^a: *Carnea haec substantia, in multis animalium generibus, figura, magnitudine, situ, numero, admodum varia est. Homines unicam habent; ut et mures, cuniculi, fucula Indica, canes, feles, et pleraque animalia, quibus pedes digitati, et utrinque dentes. Plures habent omnia bifurcata, et altera parte dentata; sive domestica, ut ovis, vacca, capra; sive sylvestria, ut cervus, caprea, dama, et id genus alia. Rursus, quae unicam habent carneam molem, in iis vel placentam imitatur (indeque ei impositum nomen), ut hominibus, cuniculis, lepore, talpa, muribus, et porcellis Indicis: vel cingulum seu zonam aut fasciam refert, corporis truncum obvolvunt, ut canibus, felibus, viverris, et huiusmodi. In quibusdam, calicis vel cupulae glandis instar, majorem conceptus partem comprehendit, ut in lepore et cuniculo; parsque ejus convexa utero adhaeret, concava foetum respicit. Item quae unicam habent placentae similem, etsi figura in omnibus similis, situ tamen dissimilis est. Nam homini uteri fundo adhaeret, et longissime, hoc est, per longa vasa, a foetu distat: muribus vero, porculis Indi-*

^a Cap. 3.

cis, et cuniculis, partim lumborum regioni partim thoracis lateri adnectitur. At quae plures habent carneas moles, haec altera parte dentata sunt omnia, ut oves, vaccae, caprae, cervae, capreoli, et similes. In quibus tamen haec spectatur varietas. Nam ovibus plures carunculae sunt variaeque amplitudinis, quarum maximae nucem moschatam magnitudine aequant, minimae cicer vel orobum: rotundiores quoque et rubentiores sunt, utrumque versus convexae, tanquam verrucae molles aut papillae. *Vaccis vero majores planioresque sunt et albidiores, spongiosaque corpori aut fungis similes: videnturque e chorio ortum ducere.* Cervis et damis quinae tantum contigerunt: eademque, ex uteri lateribus prognatae, versus conceptum protuberant, et acetabula sua exhibent. Omnibus autem hoc commune est, ut dictae carunculae utero firmiter affixae aegre inde separentur, nisi appropinquante jam partu: quo tempore facillime, ceu maturi fructus, soluto nexu decidunt. Iisdem ab utero dilaceratis, sanguinis maximam partem non ex conceptu sed ab ipso utero profluere observavimus.

Fabricius^a, agens de unione carnosae hujus substantiae cum utero, pluribus quidem rationibus, sed invalidis, contendit vasa umbilicalia cum uterinis plurimis osculis conjungi; idque potissimum ab eo factum est, ut antiquum dogma ab omnibus fere receptum tueretur: fatetur enim se nihil certi super hac re affirmare posse, *quod carnea moles rem ipsam perspicere ac judicare vetet.* Veruntamen nec ratio neque sensus suadent dari magis anastomoses in utero, quam in hepate, inter ramos portae et cavae; aut in mammis, inter vasa, quae sanguinem, et ea, quae lac deferunt. Est quidem alicubi vasorum juxtapositio contigua, et interdum unius in alterius tunicam ingressus; nusquam autem perfectus coalitus five unio, qualem Fabricius imaginatur. Aliter enim si foret, deberent et venae pariter cum arteriis conjungi: vasa enim, sanguinem a matre in ute-

rum

^a De form. foetu, pag. 122.

rum et carunculas deferentia, sunt arteriae; quae autem ab utero in foetum remeant, venae sunt, uti omnibus palam est; sanguinem enim deducunt e placenta in venam cavam.

Verior itaque mihi videtur Arantii sententia; oscula nempe venarum umbilicalium cum vasorum uteri orificiis minime conjungi. Minor enim numerus est vasorum deferentium ad uterum, quam venarum reagentium ad foetum; plurimaeque harum propagines in chorio terminantur. Fabricius tamen veterum sententiam, vel eorum reverentia ductus, vel erga Arantium invidia, mordicus defendere nimisquam fatagit.

DE ACETABVLIS.

De cotyledonibus five acetabulis Fabricius^a nihil certi statuit; sed varias solum antiquorum sententias recensuit. Nos autem supra, in historia foetus cervini, indicavimus, quibusnam animalibus acetabula infint; simulque diximus eadem esse cellulas plurimas exiguae capacitatis, per carunculas aut carnosam substantiam dispersas, atque albumine five materia mucilaginea refertas; ut favus melle repleti solet.

In cervis formam cavitatis coxendicis femur excipientis apte referunt; ideoque ob figuram a Graecis *κοιλιδόνας* nominantur; Latini vero acetabula appellant, quod similia sint vasculis, quae olim in mensa aceto plena ad intinctus apponi solebant. Cavitates istae spongiae majoris loculamenta magnitudine non excedunt; inque singulas earum totidem vasorum umbilicalium ramuli tenuissimi profunde penetrant: quippe in iisdem alimentum foetui reconditur; non quidem sanguineum, ut Fabricius voluit, sed mucosum, ovique albumen crassius plane referens. Vnde etiam manifestum est, ut dudum diximus, bifulcorum foetus (ut et alios omnes) sanguine materno non ali.

^a Cap. 4.

Quod Aristoteles ait^a, *acetabula foetu accrescente subinde minui ac postremo aboleri*; id experientiae non respondet: quoniam foetus major fuerit, eo etiam carunculae grandiores, earumque acetabula auctiora et plura, materiaque albuginea pleniora apparent.

Easdem carunculas si compresseris, sanguis quidem nullus prodit; sed veluti e pressa spongia aut favo aqua vel mel effluit, ita similiter coarctatis acetabulis albugineus liquor emanat; eodemque expresso, illa statim contracta, albidiora et flaccida conspiciuntur; ac demum mammarum papillas aut verrucas penfiles majores referunt.

Aristoteles quidem vere asserit acetabula in omnibus animalibus non inesse; in muliere enim non invenias; neque in aliis ullis (quod sciam) quibus una duntaxat carnea moles five placenta obtigit. Officium tamen atque usum eorum quod attinet; opinor carunculas omnes (uberum modo) non sanguinem, sed succum albumini similem concoquere, eundemque foetui subministrare.

DE VMBILICO.

Pulcra est apud Fabricium vasorum umbilicalium descriptio, ut et picturae elegantissimae. *Venae*, inquit^b, *ab utero versus foetum progredientes mutuo semper uniuntur, ac majores semper fiunt; neque cessat mutua earum cōitio, donec ex omnibus duo magni trunci resultarint; quibus foetus umbilicum penetrantibus, unus tandem grandis efficitur, qui in jecur infantis inseritur, atque in cavam et portae venam perforatur. Simili modo venis arteriae adjunctae, et plurimae, et minutissimae ex utero ad foetum progressae, simulque subinde unitae, ac majores semper factae, in duos magnos degenerant truncos: qui postquam umbilicum praetergressi sunt, a venis separantur, et ad vesicae*

^a Hist. anim. lib. vii. cap. 8.

^b Cap. 2.

latera membranae cujusdam interventu inhaerentes, in ramos magnae arteriae ad crura descendentes hinc inde pertendunt et applicantur. Notandum vero, hanc Fabricii descriptionem infantis solum umbilico convenire, non autem cujuslibet animalis foetui communem esse. Nec infanti etiam, nisi jam formato, congruit: arteriae enim sub initia sunt inconspicuae; utpote exiles adeo, ut iis inveniendis lynceis oculis opus sit: nec postea quidem, nisi ex pulsu, innotescunt: caetera enim a venis non distinguuntur. Quoniam igitur, ut alibi docui, pulli arteriarum ramuli non pulsant, quantum saltem oculis constat, eadem a venis internosci nequeunt. Sunt, inquam, arteriae tunc temporis subtiles adeo, ut, tanquam filamenta tenuissima, venularum tunicis attexantur, vel potius in tunicas venarum obscure repant; quo fit, ut sensum omnem prorsus effugiant. Venae autem omnes, exortu retrogrado, unitis tandem furculis, in unum truncum, veluti ramuli in arborem, coalescunt; quemadmodum et mesaraicae venae omnes in portam terminantur.

Juxta embryonem quidem in duos truncos dividuntur; eundem vero ingressae unam venam umbilicalem constituunt; quae in cavam prope dextram cordis auriculam definit, jecurque permeans in portam perforatur; nullasque praeterea propagines de se spargit, donec e gibba jecoris parte prodeat orificio satis amplo. Adeo ut, aperta vena cava ab auricula cordis deorsum versus, sanguineque omni depleta, orificia tria quasi simul juncta conspiciari liceat: quorum unum venae cavae descendens est introitus; alterum rami jecorarii per totam hepatis gibbam disseminati exitus; tertium autem venae istius umbilicalis origo. Vnde dilucide constat venarum originem in jecore neutiquam quaerendam esse; quippe orificium venae cavae descendens multo amplius est quam rami jecorarii, cui tertium illud venae umbilicalis est aequale. Rami vero, trunci

trunci sui principium non dicuntur; sed ubi truncus earum maximus reperitur, ibidem quoque venarum principium censendum est: isthuc autem ad cordis ventriculi dextri ingressum contingit; ideoque hic venarum omnium principium, sanguinisque promptuarium judicandus est.

Redeo ad vasa umbilicalia, quae in omnibus animalibus haud eodem modo dividuntur: in quibusdam enim bini venarum ramuli pluresve in foetus corpore reperiuntur; quorum alii jecur transeunt, alii in portam vel mesentericas venas inferuntur. In humano autem foetu, trium quatuorve digitorum ab umbilico intercapedine, venarum atque arteriarum trunci simul involuti complicantur (perinde ac si cereos aliquot funis instar contorqueas), eosdemque membrana crassa ac mucosa obducit et conglutinat. Funiculus ipse chorion adiens, in fima placentae parte, choriique interiore superficie, in plurimas propagines dirimitur; ac deinde in alias propemodum infinitas ramificatur; quibus alimentum, ceu per radices hauustum, alendo foetui distribuitur. Ejusdem funiculi venae variis locis nodos aliquot sive varices, quasi vesiculas sanguine plenas, obtinent: qua arte a natura cautum est, ne sanguis in foetum confertim refluat. Ex horum varicum copia superstitiosae obstetrices de futurae sobolis numero divinare solent; et si nulli ejusmodi nodi adfuerint, steriles in posterum fore pronunciant; ex eorundem quoque ab invicem distantia de puerperiorum intervallo; et ex colorum varietate de sexus discrimine aniliter harrulantur.

Consimilis quoque est vasorum umbilicalium constitutio in aliis foetibus fere omnibus, quibus unica placenta obtigit; veluti in canibus, muribus, aliisque: funiculus tamen iis brevior est, minusque complicatus. In bobus autem, ovibus, cervis, damis, suibus, reliquisque, quibus alimentum non ab una solum carnea mole sive placenta, sed a pluribus suppeditatur, vasorum

rum umbilicalium distributio diversa cernitur. Ramuli nempe atque fines vasorum, non modo per carneam substantiam, sed etiam, et quidem potissimum citra ipsam, per membranam chorion fibris minutissimis disseminantur: qualis etiam vasorum umbilicalium distributio, sine funiculo scilicet, in foetu humano cernitur antequam conceptus utero adnascitur. Vnde constat embryonem non omne nutrimentum ex placenta haurire; sed partem ejus, et quidem praecipuam, ab humore intra chorion contento accipere.

Vasorum umbilicalium utilitates quod attinet, ego quidem Fabricio non assentior: arbitratur enim sanguinem omnem foetui ab utero per venas suppeditari; spiritusque vitales eidem a matre per arterias accedere. Negat etiam partem aliquam foetus in utero publicum munus exsequi; sed unamquamque sibi met ipsi duntaxat privatim prospicere ait, ut nutriatur, augeatur et conservetur. Similiter, quia nervum in umbilico nullum invenit, sensum omnem motumque embryoni denegat. Quasi vero praegnantis uterus aut placenta cor esset sive principium, unde ista foetui subministrentur, singulisque partibus influens calor proveniat. Quae omnia erroris manifesta sunt. Quippe foetus humanus nondum quadrimestris (alii vero citius) haud obscure sese movet, volutatur, calcitrat: praesertim si frigus, caloremve nimium, aut aliud aliquod externum patiatur incommodum. Quinetiam punctum saliens (necdum exstructo corde) evidenti pulsu micat, sanguinemque et spiritus distribuit: idemque, ut diximus, prae frigore languidum et moribundum, admoto alicunde calore, refocillatur denuo ac reviviscit. In partu caesareo quoque clare liquet vitam embryonis non immediate a matre procedere, neque spiritus ab illa proficisci: vidimus enim saepissime foetus ab utero exfectos defunctis jam ante horas aliquot matribus superstites. Cuniculum etiam et leporem ex caesis matrum uteris extractos supervixisse novimus.

Praeterea num infans in partu haerens vitalis sit necne, ex arteriarum umbilicalium pulsatione clare dignoscitur. Certum autem est arterias illas, non matris, sed cordis proprii virtute agitari; quippe rhythmum sive ordinem a matris pulsu diversum obtinent: idque facile experiri licet, si manum alteram carpo matris, alteram umbilici funiculo admoveris. Imo vero in ejusmodi caesonibus, membrana chorio etiamnum obvolutis, saepe reperi (matre jam exstincta et plane rigida) arterias umbilicales micantes, foetumque vegetum. Quare haud verum est spiritus a matre per arterias ad foetum pertinere: nec magis verum vasa foetus umbilicalia cum uteri vasis per anastomofin conjungi. Foetus enim vita propria fruitur, habetque arterias pulsantes, et sanguine ac spiritibus plenas, diu antequam conceptus, in quo efformatur et natat, utero alligatur: non aliter omnino quam pullo in ovo contingit.

Vsum arteriarum in foetu, atque etiam in adultis, longe alium esse demonstravimus in libello quem de sanguinis circuitu scripsimus; qui hinc etiam confirmari possit.

Secundae revera conceptus partes sunt, et a foetu dependent; ab eoque etiam vitam et vegetandi facultatem mutantur. Quemadmodum enim in mesenterio, per ramos arteriarum coeliacarum et mesentericarum, sanguis ad intestina impellitur; idemque inde per venas regressus chylum una secum ad jecur et cor desert: ita similiter arteriae umbilicales sanguinem in secundas ingerunt, quem venae una cum succo nutritio ad foetum reducant. Ac propterea arteriae istae non prodeunt immediate e corde, ceu vasa principalia; sed, utpote inferioris ordinis atque usus ut etiam magnitudinis, e ramis cruralibus exoriuntur.

Prodiit nuper liber Adriani Spigelii de formato foetu; in quo egit de usu arteriarum umbilicalium; validisque argumentis docuit foetum non accipere spiritus vitales a matre per arteri-

as : rationibusque in contrarium adductis plene respondit. Potuisset autem iisdem quoque argumentis evincere, neque sanguinem e maternis venis per venarum umbilicalium propagines in foetum transferri : quod praecipue ab ovi gallinacei partusque caesarei exemplis palam est.

Profecto, si calor et vita sanguini a matre profluerent, emortua illa infans quoque illico exstingueretur, res enim esset confatalis ; imo vero ante eam ; appropinquante enim interitu, partes subordinatae prius languent et refrigescunt quam principales : ideoque cor ultimo omnium deficit. Sanguis, inquam, ipsius foetus calorem primo amitteret, et muneri suo fieret inidoneus, utpote ab utero derivatus ; cum et ipse uterus prius corde calore omni vitali destituatur.

DE
C O N C E P T I O N E
E X E R C I T A T I O.

MVLTA quidem in partu miranda Fabricius recensuit: nobis autem plura de conceptione occurrunt quae miremur. Res sane est tenebrarum plena: et tamen audebimus aliquid problematice proponere, ut non solum sententias alienas eliminatum esse, sed et nostram quoque aliquo modo in medium attulisse videamur. Quae tamen a me super hac re dicentur, non ita accipi velim quasi eadem e tripode prolata existimem, aut aliorum omnium suffragia extorquere cupiam: sed libertatem illam, quam aliis libenter concedimus, nobis etiam jure merito poscimus; ut, quae in obscuris rebus verisimilia videntur, eatenus pro veris offerre liceat, donec manifeste de eorum falsitate constiterit.

Vtero quidem praecipue debetur hoc negotium: citra hujus apparatus et functionem conceptum ullum frustra expectaveris. Quoniam autem genituram maris in uteri cavitatem haud pertingere, nedum diu ibidem immorari certum est; eademque contagione duntaxat quadam (non quia jam tangens et operans, sed quia antea tetigit) foecunditatem apportat: videtur sane foemina, post tactum in coitu spermaticum, eodem modo affici, nulloque sensibili corporeo agente prolifica fieri, quo ferrum a magnete tactum hujus statim vi dotatur, aliaque ferramenta ad se allicit. Accepta nimirum semel virtute illa, quam diximus, plasticam exercet generandi potentiam, similemque sui procreat; non secus ac planta, quam utriusque sexus viribus imbutam cernimus.

Mirari tamen subit, ubinam facultas ista (peracto jam coitu ante ovi vel conceptus productionem) haereat? et cuinam activa illa maris virtus commissa sit? scilicet, num utero soli, an toti etiam foeminae? vel potius utero primario, foeminae au-

tem

tem secundo? an denique, quemadmodum oculis videmus, et cerebro cogitamus, ita foemina utero suo concipiat?

Quaenam enim foemina interdum post coitum concipiens foetum nullum producit; symptomata tamen ea contigisse novimus, quae peractae conceptionis, licet irritae, claram fidem facerent. Caniculae deliculae coitum (citra foecunditatem) admittentes, observantur nihilominus debito partus tempore ignavae esse, et parturientium more latitare, atque ab alia canem catulos furripere, eosque, ceu proprios, lambere et fovere, imo vero pro iisdem acriter dimicare. Nonnullae etiam lac sive colostrum in mammis habent, aliisque gravidarum et parturientium affectibus obnoxiae sunt; perinde ac gallinae suo tempore gloriuntur, licet ova, quibus incubent, nulla habeant. Aves quaedam, utpote columbae, si statim tempore coierint, quamvis ova nulla aut subventanea pariant, tenentur tamen solita nidificandi sedulitate.

Vtique adeo nempe foecundat virtus a mare in coitu proveniens, ut integram foeminam, tam animi moribus, quam corporis vigore, immutet. Et licet hoc utero, ad id parato, principaliter contingat, indeque toti corpori virtus viresque adveniant; quemadmodum a turgentibus marium testiculis reliquo etiam corpori robur additur; eadem tamen manet dubitatio, quomodo scilicet ipsi utero potestas illa communicata inhaereat? utrum nempe toti utero, an alicui ejus parti duntaxat? Quippe nihil in eo post coitum invenias: genitura enim maris brevi vel elabatur, vel evanescit; sanguisque ab utero, circuitu facto, per vasa regreditur.

Porro, quaenam est illa praeparatio et maturitas uteri, quae semen genitale exposcit; aut unde manat? Nisi enim uterus ad coitum paratus fuerit, frustra sunt alia molimina: imo vero ne coitum quidem aliter plurima animalia admittunt. Contingit quidem, fateor, citius illa maturitas ob blandas marium

illecebras et consuetudinem; ipsa tamen (non minus quam fructuum in plantis) naturae sponte procuratur. Qualis autem ista mutatio fit, sicut eam reperi, jam expediam.

Vterus primum crassior apparet et carnosior; posteaque (quoad interiorem superficiem, loco nempe conceptionis futuro) tenerior factus, laevitate pariter ac mollitie internos cerebri ventriculos aequat: quemadmodum nuper de cervis aliisque bifulcis diximus. In canibus autem, felibus, caeterisque digitatis animalibus multiparis, uteri cornua teretes muliebris uteri tubulos, aut intestinorum avium appendices, vel ureteres in homine plane referunt: habentque quibusdam in locis nodulos, qui interius intumescunt, et mollissimi evadunt; iisdemque post coitum (ut in cervis et damis observavimus) quasi fatiscientibus, transudant in eorum capacitatem humores albuginei primaevi, unde conceptus ceu ovum efformatur. Hoc pacto uterus a maris coitu (sicut fructus a calore aestivo solent) ad summum maturitatis apicem deducitur et impraegnatur.

Quoniam autem nulla manifesta conceptionis indicia cernuntur, priusquam uterus fatiscere incipit, et albugineus liquor vel tenuia flamina, araneorum telis similia, futurique ovi five conceptus, primordium apparent; cumque adeo substantia uteri ad concipiendum parati sit cerebri constitutioni persimilis; quidni merito suspicari liceat utriusque etiam functionem esse similem; et, quod phantasma five appetitus est in cerebro, isthuc idem vel saltem ejus analogum a coitu in utero excitari; unde generatio five procreatio ovi contingat? Functiones enim utriusque conceptiones dicuntur; suntque ambae immateriales; licet principia sint omnium totius corporis actionum: haec nempe naturalium, illa animalium; haec omnium, quae ad animalis generationem attinent, illa vero omnium, quae ad conservationem ejus peraguntur, causa prima et principium primum. Et, quemadmodum appetitus a cerebri conceptione

ortum

ortum ducit, atque haec ab appetibili externo: ita etiam a mare, utpote animali perfectiore, tanquam appetibili maxime naturali, conceptus naturalis in utero foeminae oritur; sicut in cerebro fit conceptus animalis.

Ab hoc appetitu five conceptu evenit, ut foemina prolem genitori similem producat. Nam, quemadmodum nos, a conceptione formae five ideae in cerebro, similem ei in operibus nostris efficimus; ita pariter idea aut species genitoris in utero existens, formatricis facultatis ope, similem foetum generat; dum speciem nempe, quam habet immaterialem, operi suo imponit. Non aliter sane quam ars, quae in cerebro est *εἰδος*, five species operis futuri, similem in agendo profert, et in materia gignit. Sic enim pictor mediante conceptu faciem exprimit; imitandoque internum cerebri conceptum in actum producit: ita quoque aedificator ex conceptu praehabito domum exstruit. Idemque pariter in caeteris operibus et artificiosis generationibus contingit. Adeo ut, quod disciplina in cerebro efficit, nempe artem, analogum ejus coitus maris in utero praestet, nimirum artem plasticam: unde foetus complures similes aut dissimiles ab eodem coitu procreantur. Si enim generationes, primique conceptus artificiales (qui naturalium duntaxat imitamenta sunt) hoc pacto a cerebro fiunt; quanto magis ipsius animalis generationis et conceptionis exemplaria similiter ab utero procedere verisimile est?

Et quoniam natura, cujus opera omnia admirabilia et divina sunt, organum ejusmodi, cerebrum nempe, instituit, a cujus virtute et facultate sensitiva insunt rationalis animae conceptus; appetitus scilicet et artes, tantorum tamque variorum operum principia et causae, quorum homo a facultate cerebri motiva per imitationem auctor est; quidni putemus eandem naturam, quae uterum non minus admirabilem exstruxit, similique constitutione ad conceptionis munus obeundum fabricavit, hunc func-

functioni confimili vel faltem analogae destinasse; atque utrobique organo fimili ad opus fimile uti voluisse? Cum enim peritus artifex instrumento uno ad unum, eodemque ad idem, et fimili ad fimile affabre utendo, opera sua perficiat; adeo ut, ex organorum substantia et forma, de eorundem usu atque actionibus judicare facile fit; non minus certe quam Aristoteles^a, ex corporum animalium eorumque partium conformatione, naturas illorum cognoscere nos docuit; et physiognomia ex faciei lineamentis et partibus, ut puta oculis, naso, fronte, de hominum ingeniis ac moribus hariolatur: quid obstat, quo minus ex eadem partium fabrica idem quoque earundem officium esse conjecturam facere liceat?

Verum inique ita comparatum est, ut, cum solita et familiaria nobis perpendenda veniunt, magnitudinem eorum atque admirationem consuetudo imminuat; ubi vero res minoris momenti sed insuetae magis offeruntur, mirabilia ea statim prae novitate et defuetudine videantur. Quicumque secum animo pensitaverit, quomodo cerebrum artificis, aut artifex virtute cerebri, res absentes quas jam non intuetur, sed quas olim viderit, ad amussim tamen depingat; et quo pacto aviculae in caveis enutritae cantilenas, quas aetate didicerant, sequenti vere in mentem revocent et exacte canant, licet interea temporis earum praxin nunquam exercuerint; et, quod majus est, quomodo avicula nidum suum, cujus exemplar nunquam viderit, artificiose componat, idque non ex memoria, vel habitu aliquo, sed sola phantasia; quomodoque araneola, sine vel exemplari vel cerebro, solius phantasiae opera suas telas texat: qui haec, inquam, diligenter perpenderit; haud, opinor, absurdum valde aut monstrosum judicabit, foeminam ex conceptu ideae generalis sine materia impraegnatae generationis opificem evadere.

Ridebunt, scio, haec nasuti quidam; qui, nisi quod ipsi sentiunt, nihil rectum putant. Hic tamen philosophorum mos

est;

^a *Analyt. lib. ii. cap. 35.*

est; cum rem ipsam, ut se habeat, clare percipere nequeunt, fingunt saltem modum ejus aliquem naturae operibus consonum et veritati proximum. Profecto omnes, quas jam magni facimus, opiniones initio mera figmenta et imaginationes erant; donec per experimenta sensibilia, et cognitae causae necessariis confirmatae plenior fidem facerent. Aristoteles ait^a, *philosophos fabularum quodammodo amatores esse, eo quod fabula ex mirandis constet*. Enimvero homines primum rerum admiratione ducti philosophiam coluerunt. Ego, cum in utero nil amplius a coitu relictum videam, cui principium generationis acceptum referam, quam in cerebro, post sensationem et experientiam, quod artis principium sit, sed similem utrobique constitutionem reperiam; hanc commentus sum fabulam. Viri docti et ingeniosi de ea cogitent; fastuosi per me rejiciant; et petulanti qui sunt splene libere irrideant.

Quoniam, inquam, nihil sensibile in utero post coitum reperitur; et tamen necesse est ut aliquid adsit, quod foeminam foecundam reddat; atque illud, ut probabile est, corporeum esse nequeat: superest ut ad merum conceptum, specierumque sine materia receptionem confugiamus; ut idem scilicet hic contingat, quod in cerebro fieri nemo dubitat: nisi quis, cui e meliore luto

—*finxit praecordia Titan,*

causam efficientem aliam, praeter praedictas, invenerit.

Quidam nostrae quoque aetatis philosophi antiquam de atomis opinionem recoluerunt: ideoque arbitrantur contagium hoc (ut et omne aliud) ex subtilissimis feminis masculi effluviis, odorum more facile emanantibus, inque uterum coitus tempore illis provenire. Alii spiritus incorporeos, tanquam demiurgos aut angelos vel daemones, in scenam vocant. Alii contagium intelligunt fermenti aut fracedinis instar. Alii alia fingunt et imaginantur. Concedatur itaque inter caeteras, etiam

huic

^a *Metaphys. lib. i. cap. 2.*

huic nostrae conjecturae locus, donec de re ipsa certi aliquid constiterit.

Plurima quidem sunt a me observata, quae dictas aliorum opiniones facile convellant; adeo in proclivi est, quid res non sit, potius quam quid sit dicere: non sunt autem hujus loci, sed alibi potius proponenda. Impraesentiarum hoc solum dicam: si, quod communi nomine contagium a nobis appellatur, utpote a contactu in coitu spermatico ortum, et in foemina (citra geniturae praesentiam) superstes futurae procreationis efficiens et opifex; si, inquam, contagium hoc (sive atomi, sive odor, sive fracedo, sive aliud quid fuerit) a corporis natura alienum sit; necesse est sit incorporeum aliquid. Et si porro inquirentibus, illud neque spiritum, neque daemonem, neque animam, neque partem aliquam animae, neque quid habens animam, esse plane constet, ut variis argumentis et experimentis a me demonstrari posse arbitror; quid superest, cum aliud imaginari nequeam, nec alius quispiam haecenus ne per somnium quidem effinxerit, quam ut haerere mihi aquam libere profitear? *Qui autem dubitat et admiratur, inquit Aristoteles^a, fatetur se ignorare. Quare si, propter fugam ignorantiae, ingenui viri philosophantur; patet, quod causa cognoscendi, et nullius usus gratia, ipsum scire prosequantur.*

Non itaque id vitio nobis vertendum est, si rerum cognoscendarum avidi, eoque nomine loca nullius ante trita solo adentes, aliquid attulimus, quod primo intuitu fictum aut fabulosum videatur. Nam, ut omnia levi credulitate amplectenda non sunt; ita neque ea protinus repudianda, quae acriter diuque perpensa fuerint, licet statim cornicum oculos non configant. Ipsemet Aristoteles librum scripsit de mirabilibus auditis: atque alibi ait^b. *Non solum iis agenda sunt gratiae, quorum opinionibus quis acquiescet; sed iis etiam, qui superficie*

^a *Metaph. lib. i. cap. 2.*

^b *Metaph. lib. ii. cap. 1.*

tenuis dixerunt. Conferunt enim aliquid etiam isti: habitum namque nostrum exercuerunt. Si enim Timotheus non fuisset, multum melodiae nequaquam habuissimus. Si tamen Phrynis non fuisset, ne Timotheus quidem exstitisset. Simili modo et de illis est, qui de veritate asseruerunt. A quibusdam enim aliquas accepimus opiniones; quidam vero, ut hi fierent, causa fuerunt.

Exemplo igitur tanti viri ejusque auctoritate motus, ne totus ad destruenda solum aliorum dogmata compositus videar, malui sententiam fictam potius quam nullam proponere: placuitque hinc Timotheo Phrynin agere; socordiam nempe hujus aevi atque ignaviam excutere, studioforum ingenia excitare, finireque potius, ut me loripedem rectus incedens irrideat, quam ut diligens rerum indagator inertiae accuset.

Nullum profecto theorema magnificentius quaesieris, nec diceris utilius, quam, quomodo omnia ex univoco fiant? quo pacto scilicet idem semper idem progerneret? idque non solum in rebus arte factis (ita enim domus aedificat domum, facies faciem depingit, et imago imaginem format) sed in iis etiam quae ad animum spectant; nempe mens procreat mentem; opinio opinionem. Democriti atomi, et Eudoxi summum bonum in voluptate situm impraegnarunt Epicurum: Empedoclis quatuor elementa Aristotelem: veterum Thebanorum dogmata Pythagoram ac Platonem: et geometria Euclidem. Ad eandem hanc normam filius nascitur parentibus suis similis; virtutes etiam genus nobilitantes et vitia haereditaria, post longam aliquando annorum seriem, in nepotes transferuntur. Morbi quoque aliqui sibi similes in aliis producant; in quo censu sunt lepra, podagra, siphylis, et caetera. Quid morbos memoro? atavorum etiam naevos, verrucas, et cicatrices, longa subsequente serie, aliquando ostendit progenies^a. *Quarto partus Dacorum,*

^a *Arist. hist. anim. lib. vii. cap. 6. et de gen. anim. l. i. c. 17.*

inquit Plinius ^a, *originis nota in brachio redditur*. Mens, opinio, mores, qui nunc seculum tenent, quidni multis abhinc annis (exoletis interea omnibus, quae hodie in usu sunt) denuo recurrant? Nempe creatoris aeterni mens divina, rebus impreffa, in conceptibus humanis procreat imaginem sui.

Superatis jam aliquot in hac re difficultatibus, crescit mihi animus paulo nervosius de eadem agere: ut, quod a nobis hactenus velitatim disputatum fuit, verisimilitudinem saltem majorem obtinere videatur; simul etiam, ut ad ardua haec penitius inquirenda studiosorum ingenia excitentur.

Sit itaque, ut rem clarius ob oculos ponamus, A ovum foecundum (materia nempe futuri pulli) mobile et terminabile in pullum, five potentia pullus. Sit etiam B id quod ovum foecundum reddit, et a subventaneo discriminat; scilicet efficiens pulli, five movens ovum et terminans in pullum. Et C pullus, vel finalis causa, cujus gratia et ovum et foecundans sunt; actus nimirum five ratio pulli.

Habeamus igitur pro concessio, quod ab Aristotele ^b demonstratur, omne movens primum simul esse cum eo, quod ab ipso movetur. Ea vero ab eodem propriissime dicuntur simul esse, quorum generatio eodem tempore contingit: nempe, ut movens et mobile una actu sint, positoque uno eorum, ponatur necessario alterum; nimirum, praesente effecto, adsit simul ejus causa.

Quandocunque igitur A (scilicet ovum foecundum) actu est; B quoque (nempe movens internum et efficiens five foecundans) simul actu existit. At vero quandocunque B actu est, inest pariter C, (saltem aliquo modo) species nimirum pulli, five forma sine materia. Benim est efficiens pulli internum; id est, movens A (ovum scilicet) in C, nempe rationem pulli. Vt igitur omne movens simul sit cum suo mobili; omnisque causa cum suo

^a Lib. vii. c. 11.

^b Phys. lib. vii. cap. 3.

causato, necesse est, ut C una cum B existat: quippe finalis causa, tam in natura quam arte, reliquarum omnium prima est; movet enim et non movetur: efficiens autem movet, quia a causa finali impellitur. Inest enim quodammodo in omni efficiente ratio finis; a quo illud cum providentia operans movetur.

Aristotelis auctoritas nobis plane suffragatur: *Principatum*, inquit^a, *inter causas generationis naturalis, illa obtinere videtur, quam sub hoc verbo, cujus gratia, significamus. Haec enim ratio est; ratio autem principium est pariter in rebus tam arte, quam natura constituendis. Vbi enim vel per intellectum, vel per sensum medicus sanitatem, opifex aedes definiert; rationes et causas rei, quam facit, reddere solet, et cur ita faciat subjungit: quanquam illa, cujus gratia, causa, et ratio boni et pulcri, naturae operibus potius quam artis conjuncta est.*

Finis autem, ait^b, est id cujus gratia; ut deambulandi sanitas. Cur enim deambulat? dicimus, ut bene valeat: et, cum sic dixerimus, putamus nos causam reddidisse; et quaecunque igitur alio movente interjecta, finis gratia sunt: ut sanitatis gratia fit extenuatio, vel purgatio, vel pharmaca, vel instrumenta; haec enim omnia finis gratia sunt. Et paulo post: Oportet autem semper summam cujusque rei causam quaerere, quemadmodum et in aliis rebus. Vt homo aedificat, quia est aedificator; aedificator autem est secundum artem aedificandi; haec igitur causa prior est: atque ita se res habet in omnibus. Et proinde causam eam, quae prima movet, et cui ratio inest et forma, meliorem magisque divinam esse asserit^c quam materiam.

In omni igitur animalium generatione naturali, tum materia ex qua, tum efficiens a quo (nempe mobile A et movens B) animalis geniti aut gignendi gratia pariter sunt: quippe ambo-

^a De part. anim. lib. i. cap. 1. ^b Phys. l. ii. tract. 3. ^c De gen. anim. l. ii. c. 1.

bus simul inest, quod movet et non movetur, nempe C. Ambo enim illa (scilicet A et B) simul mobilia sunt et moventur; nimirum foecundans B (quod et movet et movetur) et quod foecundum fit A, nempe materia sive ovum, quod solum movetur vel mutatur. Quamobrem si nullum mobile actu moveatur, nisi movens una addit; certe neque materia movebitur, nec efficiens quidpiam efficit, nisi simul primum movens aliquo modo adfuerit; forma scilicet aut species sine materia principatum obtinens. *Efficiens enim et generans, secundum Aristotelem^a, qua talia sunt, ad id pertinent, quod efficitur et generatur.* Sit itaque syllogismus ex primis necessariis:

Quandocunque B est in actu, simul etiam C est in actu
(nempe aliquo modo movens);

Quandocunque A est in actu, B est in actu;

Ergo, Quandocunque A est in actu, simul etiam C est in actu.

Generatio sane naturalis et artificialis eodem modo se habent^b. Vtraque enim alicujus gratia fit, et similiter ex providentia quadam in finem propositum operatur: utraque etiam a concepta forma aliqua sine materia movetur primo, et per conceptionem producit. Cerebrum nempe est conceptionis hujus organum (*ars enim est ratio operis, abjuncta omni materia*, in anima, cujus organum est cerebrum); illius vero uterus vel ovum.

Conceptio itaque uteri vel ovi similis erit, aliquo saltem modo, ipsius cerebri conceptioni; finisque pariter eodem modo utrique inerit. Nempe, inest species sive forma pulli in utero vel ovo sine ulla materia: quemadmodum in artifice inest ratio sui operis; ut puta in aedificatoris cerebro ratio domus.

Quoniam vero *τὸ inesse* forsan aequivocum est, et res *simul esse* multifariam dicuntur; ideo dicimus et asserimus speciem

^a De gen. anim. lib. ii. cap. 4.

^b Arist. de part. anim. lib. i. cap. 1.

futuri pulli et formam immaterialem esse *aliquo modo* causam praegnationis five foecunditatis uteri: quia, post coitum, nihil corporeum in eodem reperitur.

Quomodo autem causa haec immaterialis, tanquam principium, utero pariter ac cerebro insit, et qua ratione conveniant inter se, vel ab invicem discrepent conceptus cerebri et uteri; five ars, et natura; et quo pacto, id quod foecundat (nempe efficiens procreandi animalis internum) similiter insit in mare atque ejus genitura; in foemina et ejus utero; in ovo etiam, ceu opere utriusque misto; et quaenam sit in iis differentia: posthac, cum universim de omnium animalium generatione agetur (etiam eorum quae per metamorphosin oriuntur, insectorum scilicet et sponte orientium, in quorum ovis five primordiis, ut et alio omni semine, species five forma immaterialis, tanquam principium movens eorum quae procreanda sunt, plane ineft); et cum de anima ejusque affectibus, quomodoque ars, memoria, atque experientia, cerebri solum conceptus sint, dicetur; copiose simul atque luculenter explicare conabimur.

ANATOMIA THOMAE PARRI,
POST ANNOS
CENTVM QVINQVAGINTA DVOS
ET MENSES NOVEM ACTOS,
DEMORTVI.

A GVILIELMO HARVEIO,
ALIIS REGIS MEDICIS ADSTANTIBVS,
HABITA.

A. D. MDCXXXV, XVI CALENDAS DECEMBRIS,
IPSO ETIAM ANNIVERSARIO NATIVITATIS
SERENISSIMAE HENRIETTAE MARIAE, MAGNAE
BRITANNIAE, FRANCIAE, ET HIBERNIAE
REGINAE.

THOMAS Parr Anglus, Salopienfis, ex pago Winning-
ton, extensae senectutis pauper agricola (ad quem vi-
sendum illustrissimus vir comes Arundelius, cum forte iis in lo-
cis ageret, incredibilis rei fama permotus diverterat, eumque ex
agro in urbem abductum, et cum in itinere, tum domi suae
accuratissime habitum, regiae majestati in spectaculum exhibu-
erat) postquam annum centesimum quinquagesimum secundum
et novem menses aetatis suae complevisset, novemque Princi-
pum vitas et jam decimum hujus felicissimi principatus an-
num emensus esset, tandem vivere desiit, extinctus xiv Novem-
bris anno salutis humanae MDCXXXV.

Facta autem cadaveris dissectione ex mandato serenissimi re-
gis, cujus quoque nonnulli e primoribus adstabant medicis, sic
reperiebamus.

Habitu erat corporis eufarco, pectore piloso, et in ex-
teriori cubito pilis adhuc nigricantibus, tibiis vero depilatis et
glabris.

Genitalibus erat integris, neque retracto pene neque extenu-
ato, neque scroto distento ramice aquoso, ut in decrepitis solet,
testiculis etiam integris et magnis; adeo ut non absimile vero
fuerit, quod de eo vulgo praedicatur, eum nimirum post an-
num aetatis centesimum, incontinentiae convictum poenas pub-
lice dedisse: quin neque uxor ejus, quam anno aetatis suae cen-
tesimo et vigesimo duxerat viduam, ex percuntatione diffiteri
posset, eum cum ipsa rem habuisse, juxta atque alii mariti so-
lent;

lent; et, usque ad duodecim annos retroactos, solitum cum ea frequentasse congressum.

Pectore erat lato et amplo: pulmones ejus non fungosi, costis (dextro praesertim latere) fibrosis nexibus affixi tenebantur; multo etiam sanguine distenti, uti in peripneumonia fieri solet; adeo ut, ante expressionem sanguinis, aliquantulum nigrescere videbantur; unde et in facie livorem, et, paulo ante mortem, spirandi difficultatem cum orthopnoea in illo observavi; hinc erat quod diu post obitum in axillis et pectore calor perduraret: hoc denique et reliqua signa in cadavere eminebant, quae extinctos per suffocationem sequi solent.

Nos ipsum suffocatum et ex impotentia spirandi periisse judicavimus, idemque serenissimo regi ab omnibus medicis adstantibus relatum est; expressio autem posthaec et absterfo a pulmonibus sanguine, albidissimo et pene lacteo parenchymate videbantur.

Cor magnum habuit et crassum, fibrosum etiam cum copiosa fati adnascente pinguedine circa ambitum ipsius et dissepimentum: sanguis in corde nigricans dilutus vix grumescebat; tantum in dextro ejus ventriculo aliqui thrombi exigui visi sunt.

In dissectione sterni cartilagine non magis osseae vel in ossis naturam converfae quam in caeteris hominibus, sed flexiles et molles.

Intestina erant optima, carnosae, robustae, et similiter ventriculus; tenuia etiam intestina quibusdam incisuris, quasi annulis, musculosa apparebant. Vnde factum est, ut de quolibet esculenti genere die vel nocte, non observatis edendi regulis aut tempore, frequenter vesceretur; contentus caseo subrancido et lacticiis omnibus, pane furfureo eoque duro, potu tenui, saepissime fero acidulo. Sic parce et duriter paupertino in lare absque anxietatibus degens vitam sibi longiorem produxit. Circa mediam noctem paulo ante mortem comedeat.

Renes pinguedine operti fuerunt ac fatis validi; solum in latere anteriori abscessus exstiterunt aquosi, sive collectiones ferrosae parvae; e quibus tamen una ad ovi gallinacei magnitudinem accedebat, aquam flavescentem propria cyste continens, cum cavitate rotunda in substantiam renum depressa; unde aliqui paulo ante obitum urinae suppressionem ei contigisse existimabant; alii, regurgitante omni ferofitate in pulmones, urinam suppressam probabiliter magis conjectasse videbantur.

Calculus neque in vesica neque in renibus, nec aliquod ejus signum usquam apparebat.

Mesenterium obesum et colon cum omenti pinguioris nexibus jecori (circa fundum vesicae fellis) colligabatur; et similiter peritoneo colon hinc inde partibus posterioribus affixum erat.

Viscera laudabilia; tantum foras (tanquam leviter excocta) albidiora; intus (ut erat etiam sanguis) atrii cruoris colore perfusa.

Splen valde exiguus unius renis magnitudinem vix attingebat.

Omnia denique interiora ita vegeta apparebant ut, si de consuetudine pristinae vitae nihil immutasset, aliquanto fortasse diutius mortem distulisset.

Causam mortis in subitam mutationem in rebus non naturalibus referre consentaneum erat: praecipue tamen illata ei noxa erat ex mutatione aëris, quo, toto vitae cursu, purgatissimo, tenui, frigidiori et dissilabili usus est; unde liberius eventari et refrigerari praecordia et pulmones potuere; quo vitae commodo urbs haec maxime destituitur, eo quod permagna colluvie hominum, jumentorum, canalium, et reliquarum sordium perpetuo scateat, addito etiam nonnullo inquinamento ex effumatione carbonum fossilium sulphureorum, quorum frequentissimus usus hic est ad ignis pabulum; unde aër ibidem semper

gravis, autumni vero tempore longe gravior, homini praefer-
tim venienti ab apricis et salubribus Salopiae tractibus, maxime
jam sen et debili, non potuit non esse valde incommodus.

Accedebat quod semper antea uno et simplicissimo intro-
sumptorum genere victitasset: unde, postquam ad largam,
opiparam, variamque vivendi rationem et meraciores hauſtus
paulatim admiſſus eſſet, naturalium inde partium fere omnium
officia corrumpebat. Vnde, hebeſcente tandem ventriculo,
excretis diutius immorantibus, coctionis opere ignaviter proce-
dente, conſtipato jecore, ſanguine in venis torpeſcente, gelatis
ſpiritibus, corde vitae fonte oppreſſo, obſtructis pulmonibus
aërique commeanti imperviis, habitu denique corporis denſiore
reddito, adeo ut diſſili aut perſpirari non poſſet, nihil mirum
animam huiusmodi carcere minime contentam inde demi-
graſſe.

Cerebrum ei erat integrum, firmiſſimum, et ſolidiſſimum ad
taſtum; hinc paulo ante mortem, licet per viginti annos cae-
cus fuiſſet, tamen optime audire et audita percipere, et promp-
te ad quaſita reſpondere, et ad oblata recte ſeſe habere cogni-
tus eſt, quin et inter duos leviter ſuffultus obambulare valebat:
memoria tamen ipſi multum imminuta fuit, ut nihil plane eo-
rum quae juvenis egerat in mente haereret; neque vel actio-
num publicarum, vel regum vel procerum qui eminebant, vel
bellorum, vel turbarum primae ſuae adoleſcentiae, vel morum,
vel hominum, vel pretii rerum venalium, vel quorundam alio-
rum accidentium, quae ſervari in memoria ab hominibus ſolent,
meminiſſet; earum tantummodo rerum reminiſcebatur quae
noviſſimis annis actitaſſet; cum tamen anno aetatis ſuae cente-
ſimo et trigeſimo in quocunque opere ruſtico, unde ſubſidium
vitae ſuae comparare poſſet, ſtrenue verſari ſolitus ſit, etiam ad
frumenti triturationem.

G V I L I E L M I H A R V E I I
E P I S T O L A E Q V A E D A M,
E X A D V E R S A R I I S G E O R G I I E N T,
E Q V I T I S A V R A T I,
E T C O L L E G I I M E D I C O R V M
L O N D I N E N S I S
A L I Q V A N D O P R A E S I D I S,
E X S C R I P T A E.

GVILIELMI HARVEII
EPISTOLA PRIMA.

PAVLO MARQVARTO SLEGELIO, HAM-
BVRGENSI.

GRATVLOR equidem tibi, vir doctissime, de insigni commentatione tua, qua nuper Riolano, celebri anatomico, tuoque (ut ais) olim praeceptor, egregie respondisti: nempe invicta semper veritas discipulum docuit superare magistrum. Parabam et ego quoque novissimis ejus argumentis spongiam: verum exercitationibus de generatione animalium (quas jam recens editas ad te mitto) prorsus intento, id hactenus commode non licuit. Egoque etiam vel eo nomine gaudeo, quod silentium meum (ut ex additamento tuo intelligo) praeclara tua meditata in commune doctorum virorum commodum eduxerit. Quippe te, libello tuo politissimo (sine furo loquor) perite et nervose omnes ejus adversus veterem circulationem machinas repulisse, novaeque ejus opinionis fulcimenta evertisse, plane video. Adeo ut de ulteriore responso non sit magnopere laborandum. Possent quidem complura eidem veritati confirmandae afferri; et nonnulla quae arti medicae lucem ulteriorem praebeant: sed de iis forte posthac videbimus.

Interea temporis, quoniam Riolanus summo molimine id agit, ut sanguini per pulmones, in sinistrum cordis ventriculum, transitum praecludat, eumque omnem illuc per septum deducat, eoque pacto circulationis Harveanae fundamentum penitus eversum iri gloriatur (licet id a me pro fundamento circulationis meae nusquam statutum sit; sit enim sanguinis circuitus in plurimis animalibus sanguineis, in quibus pulmones nullos reperias) libet hic experimentum ἀφύκτον, a me nuper et collegis aliquot praesentibus exploratum, commemorare. Ligatis nempe, in corpore humano strangulato, vena arteriosa,

arteria

arteria venosa, et aorta, apertoque sinistro cordis ventriculo, siphunculum per venam cavam dextro ventriculo immisimus, simulque vesicam bubulam fistulae illi adnexam (quemadmodum in clysteribus injiciendis fieri solet) aqua calida maximam partem implevimus, eandemque magna vi in ventriculum illum injecimus, adeo ut maxima pars librae in eum et auriculam vicinam concederet. Quid fit? Ventriculus quidem dictus (una cum auricula) vehementer intumuit: per sinistri autem ventriculi hiatum ne guttula quidem aquae aut sanguinis elapsa est. Solutis itaque mox vinculis praedictis, inditus est idem siphunculus in venam arteriosam; factaque arcta ligatura, ne aqua in dextrum ventriculum regurgitaret, hanc simili conatu versus pulmones adegimus: statimque eadem, una cum copioso sanguine, e sinistri ventriculi rima profiliit: adeo ut, quantum aquae singulis vesicae compressionibus in pulmones protruderetur, tantundem etiam subito ex hiatu dicto proflueret. Experire, quoties libuerit, et rem ita se habere comperies.

Hoc uno experimento, facile omnes Riolani circa hanc rem altercationes jugulaveris: quibus ille tamen tantopere confusus est, ut nulla adhibita in consilium experientia, novam circulationem comminisci in animum induxerit: imo vero, nisi eversa antiqua circulationis doctrina, suam stabiliri non posse asseruerit. Ignoscendum quidem summo viro, quod abditam in occulto veritatem haud primus invenerit: ipsum vero, in anatomicis adeo peritum, veritatem clarissimis rationum radiis illustratam tam fortiter oppugnare, invidiae fane (ne quid deterius dicam) argumentum est. Sed forsitan etiam Riolano venia debetur; quod non tam ex sententia propria, quam ex officio et bene merendi studio, ea scripserit. Decebat scilicet collegii Parisiensis decanum Galeni medicinam fartam testam conservare; nihilque rerum novarum, sine summa ventilatione, in scholam suam admittere; ne praecepta (ut ait) et dogmata medicorum

dicorum perturbarentur, et ne pathologia, quae tot annorum et hominum doctissimorum consensu in causis morborum assignandis obtinuit, perverteretur. Oratorem itaque potius egit, quam peritum anatomicum. Non minus vero absurdum est (monente Aristotele) ab oratore demonstrativa argumenta exspectare, quam a demonstrante five docente suaforia. Quinetiam pro veteri inter nos amicitia et summis elogiis, quibus circulationis doctrinam dignatus est, haud aequum iudico quidquam asperum contra Riolanum moliri.

Ad te itaque revertor, doctissime Slegeli; vellemque profecto ut, quae in meis ad Riolanum exercitationibus de anastomosi locutus sum, ea plenius atque etiam planius exposuissim; ut ne inde scrupulus aliquis tibi obortus esset. Cuperemque etiam non solum ea quae ibidem loci negaveram, sed et quae (circa sanguinis ex arteriis in venas translationem) asserui, una adscripisses: praesertim cum, in istis, tum disquisitionis meae, tum etiam negationis causam aliquam videar indicasse. Dixi quidem, fateor (et etiamnum assero), me nunquam visibiles anastomoses reperisse: sed hoc praecipue dictum erat contra Riolanum, qui sanguinis circulationem in vasis duntaxat majoribus constituit; quibus propterea, anastomoses (si quae essent) conformes factas oportuit, majores scilicet et visibiles. Quamquam etiam verum est (licet anastomosis nomine pro vasorum apertione usus sim) me omnino negare anastomoses ejusmodi, quales communiter intelliguntur et a Galeno traditae sunt, ulibi reperiri (nempe ut orificia venarum et arteriarum sibi invicem jungantur) eadem tamen exercitatione falsus sum me reperisse quod aequipolleret, idque tribus in locis: nimirum in cerebri plexu, in arteriis et venis spermaticis praeparantibus, et in arteriis venisque umbilicalibus. Jam itaque, cur vulgares anastomoses rejecerim, et quaenam sit mea, de transitu sanguinis ex arteriis in venulas, conjectura; in viri doctissimi gratiam fusius aperiā.

Medici omnes rationales olim nuperque crediderunt dari mutuam quandam sanguinis transvasationem, five accessum et recessum inter venas et arterias; ejusque rei causa, anastomoses passim invisibiles (nempe apertiones quasdam inconspicuas, five occulta foramina) effinxerunt, per quas sanguis huc illuc flueret, atque e vase in vas migraret et remigraret. Quapropter haud mirum est, si Riolanus alicubi apud veteres repererit, quod doctrinae de circulatione sanguinis consonum videatur. Circulatio enim istiusmodi nihil aliud docet, quam sanguinem e venis in arterias atque ex arteriis denuo in venas incessanter fluere. Quoniam autem veteres illi motum hunc indeterminate, et tanquam casu aliquo, in uno eodemque loco, perque easdem vias fieri existimarunt; ideo quoque anastomoses (mutua scilicet oscula invicem conjuncta, et utrisque vasis pariter inservientia) ab iisdem effictas arbitror. Circulatio autem a me inventa clare docet fieri necessario prorsum retrorsumque sanguinis transvasationem, idque locis et temporibus diversis, perque alios atque alios ductus et meatus; determinate etiam, et alicujus finis gratia; partibus summa providentia admirabilique artificio in id exstructis. Adeo ut doctrina de motu sanguinis e venis in arterias atque ex his iterum in illas (quam antiquitas non nisi levi conjectura comprehendit, eamque confusam etiam et inordinatam statuit) positus a nobis causis certis et necessariis, distincta valde, ordinata, et verissima appareat. Indeque factum est ut, cum sanguinem e venis in arterias (mediante corde) magno artificio, summoque valvularum apparatu transferri cernerem; eundem pariter (ubicunque per carnis poros non fit transfusio), non sine artificio quoque admirabili, ex arteriis in venas recurrere sim arbitratus. Ac propterea anastomoses veterum merito suspectas habui; quod nec tales oculis nostris uspiam occurrant; nec ratio aliqua ejusmodi concedi oportere persuadeat. Quoniam igitur tribus illis locis (quorum modo memini)

memini) transitum ex arteriis in venas reperio, qui veterum anastomosi aequipolleat, idque etiam amplius praestet, ut ne sanguis ex arteriis in venas traductus in illas denuo remeare possit; et cum machina istiusmodi elaboratior fit, sanguinisque circulationi accommodatior, idcirco fictas illas ab antiquis anastomoses rejiciendas putavi. Quaeris autem quidnam sit hoc artificium? quinam illi ductus? nimirum arteriolae, quae semper venis (quas comitantur, quibusque sensim appropinquant) multo, ne dicam duplo vel triplo, minores sunt, et tandem intra tunicas venarum obliterantur: ideoque crediderim sanguinem per illas delatum inter venarum tunicas aliquantulum prorepere; idemque hic contingere, quod in conjunctione ureterum cum vesica, et pori bilarii cum intestino duodeno usu venit. Vreteres enim in vesicae tunicas oblique ac tortuose insinuantur, ut nullo modo anastomose naturam referant: nonnunquam tamen calculis, puri, et sanguini viam praebent: facile etiam per illos, sive aëre, sive aqua vesicam impleveris; nullo autem conamine e vesica retro in ureterem quidquam adigere queas. De verbi autem etymologia non sum hic magnopere sollicitus: neque enim pro jure philosophico esse credimus ex verborum significatione aliquid de naturae operibus statuere, aut disceptationes anatomicas vocare ad tribunal grammaticale. Non est nempe tam quaerendum quid vocabula proprie significant, quam quomodo vulgo usurpentur. Consuetudo enim, ut in aliis rebus multis, ita praesertim in verborum significatione plurimum valet: ideoque magnopere cavendum censeo, ne verbis loquamur inusitatis, aut vulgari-bus quidem, sed alio sensu jamdiu usurpatis quam proposito nostro conveniat. Recte quidem mones; modo quis rem teneat, vocet ut libet. Cum autem res hactenus minus recte explicata sit (ut porro ex dicendis constabit), antiquum quoque nomen novae rei haud commode congruere arbitror: facitque

saepe ut ii, quos docere cupias, hallucinentur. Datur quidem, fateor, sanguini transitus ex arteriis in venas; idque interdum immediate citra carnosae substantiae interventum: non tamen fit eo modo, quo haecenus creditum est, utque ipsemet voluisti; ubi ais, anastomoses potius, accurate loquendo, quam anastomosein requiri: nempe ut vasa utrinque pariter aperiuntur, ad sanguinis liberum ultro citroque commeatum. Atque hinc evenit, ut dubium illud (cur scilicet, hiantibus arteriis pariter ac venis, sanguis nihilominus ex illis duntaxat in has, nunquam autem ex his vicissim in illas cursum suum instituat?) minus recte solveres. Nam quod de sanguinis per arterias impulsu loqueris, difficultatem hujus rei haud plane tollit. Enimvero ligata (in vivo animali) aorta prope finistrum cordis ventriculum, educitoque ex arteriis omni sanguine, venae tamen sanguine plenae cernuntur; adeo ut is nec sponte in arterias remeare, nec vi aliqua in illas repelli queat; cum tamen, etiam in mortuo animali, per arctissimos carnis cutisque poros, e partibus superioribus in inferiores sua sponte decumbat. Fit quidem ab impulsu illo transitus sanguinis in venas, et non ab harum dilatatione aliqua, qua sanguinem (follium more) attrahant: non adsunt tamen anastomoses vasorum per copulam, ut loqueris; talem nempe, qua vasa sibi invicem apposita paribus osculis jungantur: sed datur solum apertio arteriae in venam, eo prorsus modo quo de ureterum in vesicam (porique choledochi in jejunum) insertionem diximus; e quibus urina in hanc libere impellitur, regressus autem omnis ex hac in illos praeccluditur: imo vero, quanto vesica plenior fuerit, tanto quoque magis ureterum latera comprimuntur, et urinae in illos adscensus prohibetur. Atque ab hac hypothesi, facile causa redditur illius experimenti cujus jam meminimus. Addo etiam non posse omnino anastomoses ejusmodi concedi, quales vulgo finguntur: quoniam, cum arteria quam vena semper

multo

multo minor sit, non possunt earum latera invicem ita jungi, ut meatum communem efficiant: necesse enim est, ut aequalis sint magnitudinis quae eo modo committuntur. Denique deberent vasa illa (ubi definunt) circuitu quodam facto, alia aliis occurrere; non autem (ut fit) ad extrema corporis recta perpendere. Et venae ipsae, si cum arteriis mutuis osculis jungerentur, necessario ob partium continuitatem micarent.

Vt tandem scribendi finem faciam: licet industriam cujuslibet merito laudandam judicem, me meam tamen uspiam laudasse non memini. Tuam autem, vir ornatissime, in hepate bovino tum disquisitionis diligentiam, tum observationis judicium plurimam laudem mereri arbitror. Perge itaque (ut facis) rempublicam literariam ingenii tui dotibus ornare: ita enim et aliis omnibus doctis rem gratam feceris, et quam maxime

tui amantissimo

GVILIELMO HARVEIO.

Dabam Londini
vii Calend.
Aprilis, 1651.

EPISTOLA SECVNDA.

EXCELLENTISSIMO VIRO, JOHANNI NARDIO:
FLORENTIAM.

DEDISSEM jampridem ad te literas, sed partim id mihi per turbas publicas non licuit, partim etiam libri mei de generatione animalium ad prelum maturitas scribentem remota est. Qui enim abs te libros (ob quorum insignem famam tibi plurimum et ex animo gratulor) una cum literis humanissime scriptis acceperam, haud aequum fane duxi, tam praeclaro viro jejuna solum literula respondere. Scripsi itaque hodie, ut intelligas me nominis tui memoriam plurimi facere, et benevolentiam

lentiam, grataque officia mihi olim Florentiae (nepotique meo cum ibidem ageret) praestita, alta mente recondere. Cuperem, vir illustrissime, quamprimum intelligere quam rem geras, et quid ipsemet de hoc nostro opere sentias: sciorum enim iudicia et censuras ego nihil moror, quibus et laeva in iudicando mens est, et nihil laudari solitum, nisi quod ab ipsis profectum fuerit. Quamprimum autem sensero te etiamnum superstitem esse, memoremque nostri vivere, fruar saepius hoc literarum commercio, faxoque alii libri ad te deferantur. Serenissimo duci vestro multos et prosperos annos apprecor, tibi que ipsi *εὖ ημερῆς*. Vale, vir doctissime, et redama

Londini, Idib.
Iulii, 1651.

tuum ex asse

GVILIELMVM HARVEIVM.

EPISTOLA TERTIA.

RESPONSORIA MORISONO, MEDICINAE DOCTORI:
PARISIOS.

Clarissime vir,

QUOD literis tuis humanissimis haecenus nihil responde-
rim, id inde factum, quod libellus D. Pecqueti (super quo iudicium meum expetebas) nisi sub finem proxime praeterlapsi mensis, ad manus meas non pervenerit. Haerebat, credo, apud aliquem, qui vel deferendi incuria, vel res novas perlegendi aviditate, me illius fruitione diu adeo frustratus est. Ut igitur quid de eo sentiam plane intelligas, laudo sane plurimum viri illius in corporum dissectionibus diligentiam, in experimentis novis faciendis dexteritatem, et in iudicio super iisdem ferendo solertiam. Nempe difficili hoc tramite ad veritatis abdita pertingimus; sensuumque suffragiis innixi Deum in operibus suis ducem ac praeceptorem agnoscimus: dum specio-
fum

sum illud iter, quod solo argumentorum nitore oculorum aciem perstringit, plerumque ad avia deducit, et probabilem solum, atque ut plurimum sophisticam de rebus conjecturam exhibet.

Quinetiam mihi quoque gratulor, quod tam certis experimentis, clarisque rationibus, sententiam meam de circulatione sanguinis confirmaverit. Vellem tamen id unum observasset, cor nempe triplici motus genere gaudere: nimirum systole, qua cor sese contrahit, sanguinemque in ipso contentum expellit; deinde relaxatione quadam motui illi contraria, qua cordis fibrae motui dicatae remittuntur; suntque hi duo motus in ipsa cordis substantia, quemadmodum et in aliis omnibus musculis: adest denique diastole, qua cor a sanguine ex auriculis in ventriculos ejus impulsio distenditur; ventriculique hoc pacto repleti ac distenti cor ad contractionem sui sollicitant: atque hic motus subsequitur statim systolen semper praecedit.

Quod attinet ad venas lacteas ab Asellio repertas, atque ulteriorem Pecqueti diligentiam, qua receptaculum five cisternam chyli condam promamque adinvenit, canaliculosque inde ad venas subclavias deducentes; dicam libere (quoniam id requiris) quid ea de re sentiam. Jamdudum, imo vero (ausim dicere) priusquam Asellius libellum suum evulgaret, canaliculos illos candidos, lactisque copiam in pluribus corporis partibus, et praesertim in glandulis juniorum animalium (utpote in mesenterio, ubi earum maxima copia), data opera observavimus: indeque factum arbitrati sumus, quod thymus in vitulo atque agno tam jucunde saperet, et a nostratibus (uti nosti) *the sweet bread* diceretur. Plurimas tamen ob causas, variaque experimenta, induci nunquam potui ut crederem lactescentem illum succum esse chylum, qui ab intestinis illac in omnes corporis partes ad eandem nutritionem deducatur: verum potius casu interdum contingere, atque ab uberiore nutrimento et bonitate concoctionis profluere; eadem nempe naturae lege, qua ad-

eps, medulla, genitura, pilorum copia, et caetera nascuntur; et quemadmodum in proba ulcerum vulnerumque digestionibus gignitur, quod quo propius ad lactis consistentiam accedit (nimirum ut fit album, laeve, et aequale) eo laudabilius habetur: ideoque priscorum aliqui lac ipsum puri congener esse existimarunt. Quapropter licet de vasis illis certo constaret, ea tamen chylifera esse Afellio consentire non possum; idque potissimum ob rationes nunc dicendas, quae animum meum in diversum trahunt. Videtur enim succus in venis lacteis contentus esse purum putum lac, quale in venis lacteis mammarum reperitur. Parum autem verisimile mihi (uti etiam Auzotio, in epistola ad Pecquetum conscripta) videtur lac esse chylum, adeoque totum corpus lacte nutriri. Quae in contrarium adducuntur rationes, ut chylum esse evincant, minus nervosae sunt quam ut fidem mihi extorqueant. Id itaque primum mihi certis rationum momentis, et experimentorum claritudine demonstrari cupiam, esse nimirum chylum, qui ex intestinis illac delatus toti corpori alimentum suppeditet. Nisi enim de hac re prius constet, frustrabitur nos omnis ulterioris indagacionis diligentia, et operosior de natura earum disquisitio. Quomodo autem toti chylo, corporisve nutrimento, deferendo inserviant, siquidem hi ductus in diversis animalibus diversi conspiciuntur? In nonnullis abeunt ad hepar, in aliis ad portam solum, in aliis vero ad neutrum eorum pertingunt. In aliquibus, magna eorum copia in pancreate cernitur; in aliis, thymus iis abundat: in nonnullis autem, nihil horum in alterutro conspicias. In plurimis vero animalibus, chyliferi istiusmodi canales non omnino reperiuntur (vide Licetum, epist. xiii. tit. 2. pag. 83. et Sennertum, prax. lib. v. tit. 2. par. iii. cap. 1.); nec in ullis omni tempore occurrunt. Cum tamen vasa nutritioni destinata debeant necessario omnibus animalibus, omnique tempore, inesse: quoniam damnum, a jugi spirituum partiumque

corpo-

corporis effluxu illatum, non nisi perpetua earundem alimonia restituitur. Accedit, quod angusta eorum capacitas huic usui non minus insufficiens, quam fabrica inidonea, videatur. Deberent enim minores ramusculi in majores definere, hique similiter in ampliores alios, tandemque in maximum truncum terminari, qui caeteris omnibus canalibus amplitudine respondeat; quemadmodum in vena porta ejusque ramulis cernere est: et perinde ac truncus arboris ipsius radicibus aequalis est. Ideoque si canales humorem aliquem afferentes, aliis eundem efferentibus magnitudine pares esse debeant; oportet sane ductus chyli ferri (quos Pecquetus in thorace constituit) utrique saltem ureteri cavitatem respondeant. Alias enim qui aquarum acidularum congiuntum atque amplius bibunt, non possent tam brevi tempore per haec vasa easdem in vesicam transmittere. Et profecto cum urinae materia illac copiose pertranseat, non video quomodo venae illae colorem suum lacteum servare possint et urinam interea ab earundem albedine nihil tingi. Addo etiam, chylum haud in omnibus animalibus, neque omni tempore, ejusdem cum lacte consistentiae et coloris esse: ac propterea, si vasa illa chylum deferrent, non possent semper (quod tamen fit) humorem albidum in se complecti; sed interdum flavo, viridi, aliove colore tingerentur (quemadmodum et urinae ab esu rhabarbari, asparagi, ficus Indicae, et caeterorum, varios colores induunt), et aquis mineralibus limpidis referta nullum omnino colorem prae se ferrent. Praeterea, si materia illa albescens ex intestinis in ductus illos transferit, vel ab iisdem attracta fuerit; deberet certe ejusmodi humor in ipsis intestinis, vel spongiosis eorum tunicis, alicubi reperiri: non videtur enim verisimile, humorem aliquem, nuda subitaque per intestinum transcolatione, naturam aliam induere et in lac facessere. Quinetiam, si chylus esset per intestinorum tunicas solummodo transcolatus, deberet profecto naturae pristinae vestigium

tigium aliquod fervare, humoremque in intestinis repertum colore et odore referre, adeoque putide olere : quidquid enim a summo ad imum in intestinis continetur, a bile tingitur, et mephitim olet. Ideoque aliqui arbitrantur corpus a chylo in vaporem attenuato nutriri : quod vapores, a foetidis etiam rebus in alembico exhalantes, saepe haud male oleant.

Humoris hujus lactescens motus causam D. Pecquetus respirationi attribuit. Ego vero, etsi multa sunt quae mihi contrarium suadeant, nihil tamen de ea re dicam, donec prius de τῷ ὄρῳ liquido constiterit. Vt concedam autem (quod ille sibi dari postulat, licet illud nulla argumentationis vi evicerit) chylum continue ea semita deferri, nempe ex intestinis ad venas subclavias deduci, in quas vasa ab eo nuper reperta terminantur; dicendum profecto fuerit chylum, antequam ad cor pertingat, cum eo sanguine misceri qui mox dextrum cordis ventriculum ingreditur, ut concoctionem illic uberiores nanciscatur. Quidni autem pari jure dicat aliquis eundem in portam, exinde in hepar, cavamque transire? quemadmodum id ab Asellio aliisque observatum dicitur. Imo vero cur non aequae credamus chylum in extrema venarum meseraicarum oscula ingredi, eoque pacto statim cum sanguine misceri; ut ab ejus calore concoctionem perfectionemque acquirat, et partibus omnibus nutriendis inferviat? Enimvero cor ipsum haud alio nomine prae caeteris partibus aestimandum venit, nec fons caloris et vitae dici potest, nisi quatenus sanguinis plurimum in se continet; quem, ut ait Aristoteles, non in venis, aliarum partium more, sed amplo finu, veluti in cisterna, complectitur. Remque ita se habere, vel illud mihi argumento est, quod tam innumerae arteriae venaeque ad intestina deferantur; plures quam ad aliam aliquam totius corporis partem: quemadmodum et uterus gravidationis tempore plurimis vasis scatet. Natura enim nihil temere operatur. Ideoque animalia omnia sanguinea,

nea, quibus nutrimento opus est, venas meseraïcas fortita sunt; venas autem lacteas, non nisi pauca admodum; idque non perpetuo. Quamobrem si de usu partium judicandum est, prout eas plerumque et in pluribus animalibus conspiciamus; proculdubio candida isthaec et araneorum telae simillima filamenta, non sunt nutrimento deferendo instituta; nec humor, in iis conspicuus, chyli nomine appellandus est: sed vasa meseraïca potius illi officio destinantur. Quippe unde animal constat, inde quoque necessario augetur, et per consequens nutritur: idem enim est nutritivum et augmentativum. Ac propterea animal a natura ad eundem modum augetur, quo nutrimentum ei ab initio immediate accesserat. Est autem certissimum (veluti alibi diximus) animalium omnium sanguineorum embryones vasorum umbilicalium ope a matre nutriri, idque mediante sanguinis circulatione: non tamen nutriuntur sanguine (ut plerisque creditum est) sed ad modum pennatorum, quae albumine primum, dein vitello aluntur, qui tandem in pulli abdomen retrahitur et occluditur. Vasa autem umbilicalia omnia in hepar inferuntur, vel saltem illud pertranseunt, etiam in iis animalibus quorum vasa umbilicalia in venam portae inferuntur; quemadmodum in pullis, vasa a vitello deducta semper illic definunt. Quemadmodum igitur pullus praeparato prius nutrimento (albumine scilicet et vitello) alitur; ad eundem pariter modum etiam postea toto vitae tractu nutritur. Idque similiter (ut alibi monuimus) omnibus embryonibus commune est: nempe alimentum, una cum sanguine permixtum, per venas eorum deferitur, tandemque ad cor pertingit; indeque per arterias remeans, ad omnes totius corporis partes delabitur. Foetus scilicet jam natus, sui que juris factus, nec amplius immediate a matre nutritus, ventriculo intestinisque suis utitur; sicut pullus ovo, et plantae terra gaudent, unde coctum alimentum attrahunt. Quemadmodum enim pullus ab initio, medi-

ante circulatione, vasorum umbilicalium (arteriarum nempe et venarum) opera ex ovo sibi victum quaerebat; ita postea, inde exclusus ab intestinis per venas meseraicas alitur: adeo ut utrobique chylus per eosdem ductus eodemque modo hepar pertranseat. Neque causam ullam video quin, quo itinere chylus in uno fertur, eodem quoque in aliis omnibus animalibus transferatur: nec sane, si ad hanc rem circuitu sanguinis opus fuerit (uti revera est) aliud aliquod iter comminisci queas.

Laudo quidem plurimum D. Pecqueti industriam, et receptaculum ab eo inventum: non est tamen tanti apud me momenti, ut a praedicta jam sententia divellat: reperi enim multoties, in juvenculis animalibus, varia lactis receptacula; et in embryone humano thymum adeo lacte intumuisse comperi, ut primo intuitu apostematis suspicio oboriretur, pulmonefque suppuratos crederem: tumor enim ipsis pulmonibus major apparuit. Saepe etiam, in infantum recens natorum mamillis lactis copiam reperi; uti etiam in uberibus juvenum habitiorum et praepinguium. Vidi etiam in pingui atque amplo cervo conceptaculum lacte plenum (ibi loci natum, ubi Pecquetus receptaculum suum constituit) tantae magnitudinis, ut abomaso ejus facile comparari potuerit.

Haec habui, doctissime vir, quae, tibi morem gerens, ad literas tuas impraesentiarum rescriberem. Caeterum, si D. Pecqueto et D. Gayant meis verbis salutem plurimam impertieris, valebis ex voto

Dabam Londini
iv Calendas Martias,
Anno aerae Christianae, 1652.

tui amantissimi et observantissimi,

GVILIELMI HARVEII.

EPIS-

EPISTOLA QUARTA.

EXCELLENTISSIMO ET ERVDITISSIMO VIRO, D. D.
JOANNI NARDIO: FLORENTIAM.

Celeberrime atque ornatissime vir,

SVMMA profecto me voluptate perfudit, quod, allatis ad me nuper tuis literis, simulque doctissimis in Lucretium animadversionibus, inde perceperim te etiamnum vivere et penitioribus Phoebi sacris operari. Gaudebam sane, viros doctissimos passim rempublicam literariam exornare etiam hoc saeculo, quo inepte scribentium turba haud minor est, quam muscarum olim cum calet maxime, nosque propemodum levidensibus eorum nugis, ceu fumo, suffocamur. Inter alia vero, quae in libro tuo occurrebant mihi lectu perjucunda, volupe fuit videre, te pesti eandem fere efficientem causam tribuisse, quam ego animalium generationi adscripseram. Caeterum vero, quemadmodum explicatu difficile est, quomodo idea, aut forma, aut anima, per traducem abire queat e genitore in genetricem, indeque in conceptum sive ovum, atque hinc in foetum; et in isto tandem non solum imaginem sui, speciemve externam producere, sed et accidentia peculiaria, mores nempe, vitia, morbos haereditarios, cicatrices, naevos; quae omnia geniturae atque semini inhaerent, remque illam (quocunque nomine appellanda fuerit) comitantur, a qua animal non modo constituitur, sed et gubernatur, adque ultimum vitae terminum conservatur; ut illa, inquam, dictu haud prona sunt, ita neque intellectu minus arduum censeo, quomodo idea pestilentiae, aut leprae, contagione communicari possit etiam ad distans, praesertim per fomitem, veluti opera vestium laneorum aut linearum, item suppellectilis alterius familiaris, imo vero mediantibus parietibus, caemento, ruderibus, et caeteris, ut in Levitico, capite xiv, habetur;

habetur; quomodo, inquam, contagio in rebus ejusmodi diu latitans, postea inde emigrare possit, idque longo intervallo, suique simile aliud etiam in alieno corpore producere; neque illud solum in uno alterove, sed in pluribus, nullaue habita virium, sexus, aetatis, temperaturae, vivendique consuetudinis ratione; atque isthuc interdum tam fataliter, ut malum hoc nulla arte vel remotum arceri, vel praesens averruncari possit: nam profecto haud minus verisimile videtur posse formam, vel animam, vel ideam (sive substantiae, sive accidentis ea fuerit) in aliud sic transferri, ut tandem animal inde, tanquam ex proposito et finis gratia, cum providentia, intellectu, atque arte divina producat.

Abstrusiora haec sunt et tuum, doctissime Nardi, acumen desiderant. Neque est, quod aetatem provec̃tam causeris: ipsemet enim jam propemodum octuagenarius, etiam si fracto corpore vires labascant, animo tamen vegetus hujusmodi studiis libentissime incumbo. Mitto ad te, una cum his literis, libellos tres ejusdem argumenti quod a me^a expetebas. Porro, si serenissimo Hetruriae duci meo nomine summas gratias egeris pro eximio honore quo me olim, cum Florentiae essem, dignatus est, et si vota mea pro incolumitate ipsius obtuleris, rem profecto gratissimam feceris.

Dabam Londini,
pridie Cal. Dec.
1653.

tibi addictissimo atque tui amantissimo

GVILIELMO HARVEIO.

^a Nardius scilicet, in epistola sua ad Harveium, haec scripserat: "te iudice, "male habuerunt patriam."
"optarem nancisci fidum enarratorem.

EPIS-

EPISTOLA QUINTA.

JOANNI DANIELI HORSTIO, ARCHIATRO HASSI-
ENSI: DARMSTADIVM.

Excellentissime vir,

PLV RIMVM mihi gratulor, quod tam longo interjecto tempore, tanta loci intercapedine remotus, memoriam tamen nostri non abjeceris; cuperemque mihi daretur postulati-
oni tuae pro voto satisfacere. Sed revera hanc gratiam mihi non facit aetas, tum per se capularis, tum recrudescente saepe va-
litudine afflictior. Quod ad Riolani iudicium, et de circulatio-
ne sanguinis sententiam attinet; plane constat eum magno co-
natu magnas nugas egisse: nec video cuiquam haecenus illius
figmenta placuisse. Slegelius accuratius scripsit et modestius;
et si fata voluissent, proculdubio argumenta ejus atque etiam
opprobria retudisset. Sed illum ante menses aliquot mortalita-
tem exuisse, et audio, et doleo. Quae autem de venis lacteis,
ductibusque thoracicis dictis a me quaeris, oculos perspicaces,
animumque ab aliis curis liberum requirunt, ut possis certi ali-
quid de minutulis illis vasis statuere: mihi vero, ut dixi, jam
neutrum conceditur. Abhinc biennio circiter, sententiam meam
super hac re rogatus pluscula respondi: nimirum, haud satis
constare, sitne chylus, an lactis materia spissior in pinguedinem
mox abitura, quae vasa illa albida transfuit: deinde, vasa ist-
haec in quibusdam animalibus desiderari; puta in avibus et pis-
cibus; cum tamen illa quoque ad eandem normam nutriri veri-
simile sit: nec rationem satis idoneam assignari posse, cur in
embryone victus omnis, per venam umbilicalem delatus, hepar
pertranseat; idem vero non contingat, postquam is jam sui ju-
ris factus ex uteri ergastulo prodierit. Praeterea, ductus tho-
racicos minores esse, et foramen (per quod chylus ille in venam
subcla-

subclaviam elabitur) angustius, quam ut annona omnis toti corpori suffectura, illac permeare possit. Quaesivi etiam, cur tam ingens arteriarum venarumque numerus ad intestina feratur, si nihil inde efferendum sit? praesertim cum sint partes membranaceae, minoreque adeo sanguinis copia indigeant.

Haec et similia alia jampridem scripsi; non quod obstinate huic sententiae addictus sim; sed ut experirer, quid a novae hujus sententiae patronis commode dici possit in contrarium. Laudo equidem summopere Pecqueti, aliorumque, in indaganda veritate industriam singularem: nec dubito, quin multa adhuc in Democriti puteo abscondita sint, a venturi seculi indefatigabili diligentia expromenda. Haec habui, quae impraesentiarum rescriberem; quae tu, spero, pro singulari tua humanitate, boni consules. Vale, vir doctissime, et vive feliciter; quod vovet

Londini, Calendis
Februariis, 1654-5.

tibi ex animo addictissimus

GVILIELMVS HARVEIVS.

EPISTOLA SEXTA.

CLARISSIMO ATQVE ORNATISSIMO VIRO, D. JO-
ANNI DANIELI HORSTIO, ARCHIATRO HASSI-
ENSI: DARMSTADIVM.

Excellentissime vir,

NON finit aetas jam provectior, qua subtilitates novas exquirendi studium defatigati relinquimus, neque etiam animus, post diutinos labores, otii ac quietis amans, ut arduae rerum nuper repertarum disquisitioni penitus me immisceam: tantum abest, ut litis hujus me sequestrem statuam idoneum.

Volui

Volui quidem tibi nuper morem gerere, cum sententiam meam, super venis lacteis ductibusque thoracicis, interroganti eadem rescripsi, quae antea medico cuidam Parisiensi responderam. Non quidem quod illius sententiae certus essem, sed ut objectionibus iis qualibuscunque aurem illis, qui ex pauculis repertis omnia a se patefacta arbitrantur, aliquantulum vellerem.

Literas autem tuas responforias quod attinet, humoris illius lactei in Afellii vasis collectionem, casui non ita attribui, quasi existentiae suae causas certas non habeat: sed negavi eum in omnibus animalibus, omnique tempore (uti constans nutritionis tenor postulare videtur) reperiri. Nec necesse est, ut materia jam tenuis ac dilutior, et post ulteriorem coctionem in pinguedinem defutura, in demortuo animali concreascet. Puris vero exemplum non nisi oblique a me illatum est. Praecipuus vero disputationis nostrae cardo in eo positus erat, ut plane constet liquorem illum, qui in lacteis Afellii continetur, esse chylum. Quod certe a te haud liquido demonstrari arbitror, dum ais chylum educendum esse ex intestinis; eum autem efferri nequaquam posse ope arteriarum, venarum, aut nervorum; ac propterea reliquum esse, ut munus id lactearum ministerio peragatur. Ego vero causam fonticam nullam video, cur venae innumerabiles, quae intestina ubique perreptant, sanguinemque ibidem ab arteriis acceptum ad cor reducunt, non possint una opera et chylum ad ea loca penetrantem exfugere, et ad cor deferre: eoque magis, quod verisimile sit chylum aliquem immediate e ventriculo emigrare, priusquam ad intestina pertingat, (unde enim aliter tam subita, in animi deliquio, spirituum viriumque instauration?) cum tamen ad ventriculum lacteae nullae perveniant.

Quae ad Bartholinum a te scripta ais, non dubito quin ipsemet iisdem ex voto tuo responderit: nec opus est ut ego tibi

circa eam rem ulterius molestus sim. Dicam solum, posse succum illum nutritium (ut alias nunc vias taceam) per arterias uterinas delatum, non minus commode in uterum destillare, atque ferum per arterias emulgentes in renes delabatur. Neque succus ille dici potest praeternaturalis, aut vagitui uterino comparari debet: cum ille in gravidis mulieribus perpetuo adsit, hic vero rarissime contingit. Quod etiam addis, excrementa recens natorum, ab iis differre [illorum] qui vel semel lac sumpserunt; ego sane, praeter colorem, vix quidquam discriminis agnosco; nigredinemque illam, faecum in alvo diuturnae morae, merito adscribi posse arbitror.

Quod autem mihi auctor es, ut ductuum nuper repertorum verum usum aggrediar; est profecto ea res majoris moliminis, quam ut effractae aetati, senique aliis curis implicito, conveniat: nec potest ejusmodi negotium commode multorum manibus peragi, etiamsi mihi talia auxilia, qualia tu^a memoras, ad manum essent: non sunt autem; neque Highmorus apud nos degit, eumque intra septennium ne vidi quidem. Haec habui quae impraesentiarum rescriberem: tuque ea, vir ornatissime, aequi bonique aestima, tanquam profecta a

Dabam Londini,
tertio Idus Julias,
1655. St. vet.

tui amantissimo atque observantissimo,

GVILIELMO HARVEIO.

^a Nimirum Horstius epistolae suae, cui ab Harveio hac respondetur, ista verba subjunxerat: "Nobilissime Harveie, quae-
so tantum otii fume, et verum usum or-
bi expone lymphaticorum et thoracico-
rum ductuum. Habes discipulos mul-
tos clarissimos, maxime Highmorum;
quo mediante facile erit dubia omnia
solvere."

EPISTOLA SEPTIMA.

VIRTUTE, MORIBVS, ATQVE ERVDITIONE PRAESTANTISSIMO VIRO, DD. JOANNI NARDIO: FLORENTIAM.

Excellentissime vir,

ACCEPI jampridem gratissimas tuas literas, quibus te etiamnum vivere, rem praeclare gerere, atque sacris nostris strenue operari, equidem intellexi lubens. Nescio autem an literae meae responsoariae, una cum libris aliquot a te expetitis, eodemque tempore a me missis, ad manus tuas pervenerint. Cuperem certe, quamprimum commodum videbitur, ea de re fieri certior; simulque intelligere quosnam in noctibus tuis genialibus, aliisque a te destinatis operibus, progressus feceris. Soleo enim languidam jam senectutem meam, et quotidianas nugae fastidientem animum, optimorum ejusmodi librorum lectione refocillare. Habeo iterum summas gratias pro amicis officii nepoti meo olim Florentiae praestitis: cumque jam nepos alter, mihi sane carissimus (qui literas has ad te perferet) Italiam ingressus sit; obnixè a te peto, ut si quid opera tua aut consilio illi opus sit, id illi benigne impertias. Ita enim rem mihi feceris gratissimam. Vale, vir ornatissime, amicitiaeque nostrae memoriam digneris servare integram; quod de se profecto spondet

virtutum tuarum cultor summus,

GVILIELMVS HARVEIVS.

Dabam Londini,
viii Calend. Novemb.
Anno aerae Christianae,
1655.

EPISTOLA OCTAVA.

CLARISSIMO ATQVE ORNATISSIMO VIRO, D. JO-
ANNI VLACKVELD, MEDICO EXPERIENTISSIMO:
HARLEMVM.

Doctissime vir,

PERGRATAE mihi advenerunt tuae literae, quibus et be-
nevolentiam me erga ostendisti summam, et in arte pro-
pria colenda industriam singularem,

Ita sane est. Non solet natura uspiam penitiora sua arcana
apertius detegere, quam sicubi extra consuetam semitam tenuia
fui vestigia monstraverit: nec est ad medicinam recte faciendam
tutius iter, quam si quis ex morborum raro contingentium dili-
genti scrutamine, ad usitatam naturae legem dignoscendam,
animum transtulerit. Quippe ita fere in rebus omnibus com-
paratum est, ut quid illis insit commodi, cuive usui potissimum
inserviant, nisi earundem carentia, aut vitiosa constitutione ali-
qua, vix satis perspiciamus. Est sane caementarii illius^a casus
exemplar singulare, et in quo elucidando multa facile dici pos-
sint. Frustra autem calcar mihi addis, ut in aetate hac, non
solum matura, sed etiam fessâ, ad aliquid noviter moliendum
me accingam. Videor enim jam mihi meo jure rudem depof-

^a Hunc nempe in epistola sua ad Har-
veium sic descripsit Vlackveldus: "Hef-
terno die caementarii cujusdam defunc-
ti cadaver dissecuri; qui ut continuo uri-
nae (ejusque lentae ac tenacis admodum)
stillicidio dudum laboraverat, postmo-
dum in *teguis* lapsus, summos inter
cruciatu, lotii ne guttam reddere po-
tuit; donec emulsionibus diureticis sub-
ventus, materiam usque adeo viscidam et

simul acrem emisit, ut mucaginis omnino
spissioris speciem prae se ferret, ure-
thram quasi praetergrediendo excorians.
Vesicam post obitum adeo contractam re-
peri, ut tota nucis juglandis nondum de-
corticatae molem non excederet, parte
membranacea plusquam digitum auricu-
larem crassa; exesa interim prae lentoris
acrimonia tunica interiori."

cere. Volupe tamen semper erit viros eximios, tuique similes, in honoris isthoc stadio decurrentes cernere. Vale, vir ornatissime; et, quod facis, porro ama

tui observantissimum,

GVILIELMVM HARVEIVM.

EPISTOLA CASPARO HOFFMANNO:

in Spicilegio illustrium epistolarum ad Casparum Hoffmannum,
Norimbergae edita.

JUDICIUM tuum, mi Hoffmanno doctissime, de me, de motu et circulatione sanguinis, candida mente scriptum, pergratum mihi est; atque me vidisse hominem doctissimum et alloquutum fuisse gaudeo, cujus amorem ita libentissime amplector, ut redamem. Primum oratoria facultate me criminari, et tacite castigare placuit, quod visus sim tibi, *Naturam stultitiae erroris insimulare et damnare; atque artificis stolidissimi, ignavissimique, personam ipsi imponere, eo quod sineret sanguinem recrudescere; et rursus ut concoquatur, rursus iterum iterumque in cor remeare, et toties in habitum ut recrudescat; atque eo sine naturam, ut habeat quod agat, factum et perfectum sanguinem, frustra pessundare.* Verum enim vero, ubi aut quando, haec talia a me, aut dicta aut cogitata fuere, cum latet (qui semper naturae solertiam, sapientiam, industriam, sim admiratus) non parum me perturbavit, talem viro aequissimo videri. In libello edito ego motum sanguinis e corde per arterias in habitum, et similiter ex eodem per venas retrorsum ad cor, continuo et continenter fieri duntaxat assero, eo fluxu et refluxu, ea quantitate et copia, ut in circuitu, quodam modo moveri, sit necesse.

neceſſe. Sed de coctione et cauſis hujus motus et circulationis; praefertim de cauſa finali (ſi placuerit cap. viii et ix. re- legere) neque loquutum fuiſſe, et omnino conſulto praetermiſſe, apertis verbis reperiſ et caeteris. Haec ego volui purgandi cauſa apud virum doctiſſimum, amantiſſimum, et ut me tantae cenſurae infamia liberarem. Et, quaefo te, doctiſſime, aequiſſime; ſi quae de circuitu affirmaram, oculis cernere volueris, illud ſpondeo, quod anatomicum magis decet, quandocunque volueris et dabitur occaſio, me praefitutum; ſin illud aut nolueris, et neque per te ipſum inveſtigare diſſectionibus placuerit; noli, inquam, obſecro, aliorum induſtriam vilipendere, aut vitio vertere; aut homini probo, non prorfus inepto, nec deliranti, in re toties per tot annos experta, fidem derogare.

Jam vale et cave, et pariter mecum agas, eo enim, quo ſcripſiſſe te animo dixi, candido et benigno accipio. Tui quoque fac ſimile reſcribenti mihi e tali pectore.

Noribergae, xx Maii,
1636.

DIPLOMA

DIPLOMA
ACADEMIAE PATAVINAE
GVILIELMO HARVEIO
PRO DOCTORATVS
IN MEDICINA GRADV
CONCESSVM.

DIPLOMA.

IN
CHRISTI
NOMINE
AMEN.

D I P L O M A.

VNIVERSIS & Singulis præfens Doctoratus Privilegium
visuris, lecturis, seu legi audituris. Sigismundus de Ca-
pitibus Listæ Patavinus, Comes Sacri Lateranensis Palatii,
Aulæque Cæsareæ ac Imperialis Consistorii, &c. Salutem in
eo, qui est cunctor. salus.

Viguit antiquitus apud Majores nostros, & in hunc usq; diem
laudabilis consuetudo, ut, qui se Divinar. Scientiar. studiis de-
voverunt, & in eis egregie profecerunt, in doctissimor. Viror.
cœtu honorifice assumantur; Mos quidem sanctissimus, opti-
maq; ratione institutus, nam juri & æquitati consonum est,
eos Laurea Doctoratus coronare, qui dubio in certamine probati
idonei & digni fuerint judicati.

Significamus itaq; vobis, & harum serie fidem facimus, qua-
liter die datæ præsentium nos Sigismundus comes præfatus Im-
periali Autoritate Familiae Nostræ antiquitus gratiose con-
cessa ab invictiss^o. felicitis recordationis Sigismundo olim Rom.
Imperatore semper Augusto, ac Germaniæ, Vngariæ, &c.
Rege, prout ampliss^o. patet Privilegio, sigillo Imperiali munito,
dato Basileæ Anno MCCCCXXXIII die tertia Aprilis, No-
bilem, & eruditiss. D. Guglielmum Harveum Folkstoniensẽ
Anglum Illustris D. Thomæ filium, Inclytæ Nationis Anglæ
Confiliarium; Themata in Artib^s. & medicina propofita per
Mag^{cos}. & Excellentiss^{os}. Artium & Med^{nae}. Doctores, Dnos
Hieronymum Fabritium ab Aquapendente Anatomen, & Chy-
rurgiam publice profitentem; Jo. Thomam Minadour Rhodiginum
Practicam Extraordinariam Medicinæ in primo loco
legentem; Julium Casserium Placentinum Anatomen, Phyfi-
cam, & Chyrurgiam exercentem; Georgium Raguseum Vene-
tum Phiam Ordinariam secundo loco declarantem; doctẽ,

eloquenter, laudabiliter, & excellenter, pertractantem, Argumentis, Dubiis, & Casibus sibi propositis exquisite respondentem, & clare solventem cum ingenti animi voluptate audivimus.

In quo quidem examine adeo mirifice & excellentissime se gessit, talemq; ac tantam Ingenii, Memoriae, & Doctrinae vim ostendit, ut expectatione, quam de se apud omnes concitaverat, longissime superata, a praedictis Exc^{ms}. Doctoribus Vnanimiter, & concorditer, cunctisq; suffragiis, ac eorum nemine penitus atque penitus discrepante, aut dissentiente, nec haesitante quidem, Idoneus & Sufficientissimus in Artibus et Medicina fuerit judicatus.

Nos itaq; antiquam, & approbatam sequentes consuetudinem, Consideratis praefati Nob. D. Guglielmi Scientia, Doctrina, & Virtutibus, quorum omnium certissimum specimen exploratus, & pertentatus dedit, pro tribunali sedentes, ipsum Nob. D. Guglielmum Artium, & Medicinae Doctorem fecimus solemniter, & creavimus, ac per praesentes facimus, & creamus, Dantes, & concedentes ei vere digno, & optime merito Auctoritatem, & Libertatem Cathedram Magistrale ascendendi, & ubivis terrarum, & locor. Legendi, Repetendi, Consulendi, Docendi, Medendi, Disputandi, Interpretandi, Quaestiones terminandi, Scholas regendi, Baccalaureos constituendi, omnibusq; & singulis utendi, & gaudendi Privilegiis, Prærogativis, Libertatibus, Præeminentiis, Honoribus, Favoribus, Gratiis, & Indultis aliis quovis nomine censeantur, quibus Romanae Curiae; Parisiensis, Cantabrigiensis, Oxoniensis, Papiensis, Bononiensis, Perusini, Basiliensis, Viennensis, & Ingolstadtensis, aliorumq; Gymnasior. ubivis positor. Doctores & Magistri ex quibuscunq; Ecclesiasticis & Imperialib. vel aliis Temporalibus publicis & privatis Privilegiis, Concessionibus, aut Indultis gaudent, & utuntur, uti & gaudere possent, ac poterunt quomodolibet in
futurum

futurum juxta tenorem & continentiam Privilegii Nostri antedicti: non obstantibus contrariis quibuscunq; Legibus, Decretis, Constitutionibus, Statutis, vel aliis Ordinationibus sub quibusvis clausulis, & verbis, quibus omnibus & singulis etiam præsentibus non expressis, Cæsarea Authoritate derogamus.

Quibus sic ut supra gestis & declaratis, præfatus mag^{cus}. & Excell^{mus}. D. Joannes Thomas Minadous eundem Nobilem D. Guglielmum Harveum per luculentissimam Orationem petentem, & acceptantem, consuetis Insignib^{us}. & Ornamentis Doctoralibus ibidem solemniter decoravit, & insignivit. Tribuit namq; ei Philosophiæ, & Medic^æ. Libros primo clausos, mox & apertos, Annulum aureum digito ipsius indidit: Birectum Doctorale capiti suo imposuit in signum Virtutis Coronæ; Pacisque osculum ei cum Magistrali benedict^{ne}. exhibuit.

In quor. omnium et singulor. fidem præsentēs Litteras Manu nostra subscriptas fieri, & per Cancellarium nostrum subscribi, Nostrique ac Mag^{cae}. Vniversitatis Artistar. Patavini Gymnasii sigilli appensione muniri mandavimus.

Actum, & Datum Paduæ in Palatio nostro, Anno a partu Virginis Millesimo Sexcentesimo Secundo, Indictione Quintadecima, Die Jovis Vigesimoquinto Mensis Aprilis.

Præsentibus ibidem Illustrib^{us}. D D. Josepho Carraro Brixiano Almæ Vniversitatis Artistar. Petro Buarno Brixiano Almæ Vniversitatis Juristar. Florentis. Studii Patavini Sindicis & Prorektoribus dignissimis, necnon Nobilibus Dnis Aurelio Palazzolo Tarvisino Virtuosissimæ Academiæ Stabulum Paduæ Principe benemerito; Henrico Palladio de Olivis ForoJulienſe; Ant. Fortescuto; Richardo Willibeo; Matthæo Lister; Petro Munſel; Simone Fox; Roberto Darcey, Anglis, aliisq; Magnificis & Doctissimis Viris diversar. Nationum in frequenti copia, testibus adhibitis, vocatis, requisitis, & ad præmissa specialiter rogatis. L. D.

idem

D I P L O M A.

*idem Sigismundus Capitibus Comes.
 Joseph. Carrara Brixianus Syndicus.*

*Hier. Fabricius ab Aquapendente.
 Jo. Thomas Minadous Rediginus.
 Georgius Raguseus Venetus.
 Julius Casserius Placentinus*

*Franciscus Refatus notarius publicus
 Patavinus et Cancellarius prædicti
 Illustris. S. Comitatus mandato ut sup^a.
 manu propria in fidem subscripsit.*

N. B. Sigilla dicta pyxidibus æreis inclusa appenduntur.

F I N I S.

INDEX RERVM

QVAE IN HARVEII OPERIBVS CONTINENTVR.

AEGYPTII ova in fimo terra obruto excludunt, p. 233. 280.

Aër ab arteriis introsumi in diastole nequit, 10. aërem pulmones non transmittunt cordi, 16, 17. aër in avibus per pulmones ad inferiora pertransit, 186. eo repletae sunt membranae intestinorum avium, 209. in cavitate ovi continetur, 475, 476.

Alae et pedes avium in ovo incubato die sexto expullulant, 266.

Albumentum ovi idem ac albumen, 225.

Albumen ovi describitur, 225, 226.

ejus synonyma, 225. copiosius ad obtusam ovi partem, ibidem. duplex in ovo gallinaceo observatum crassius et tenuius, 225, 226, 273. gemina crassiora albumina aliquando in ovo gemellifico, 237. in duplicem liquorem candidum est divisum et chalazis ac membranis distinctum, 322. confer 272. 320. 225, 226. pars ovi sincerior est et magis elaborata, 320. utilitates ejus, 463—473. in ovariis gallinarum non reperitur, 189. sed in plicis et in cavo uteri copiosum, 214. ab aqua lenta exsudante ex plicis uteri perficitur, 212. a vitello ut differat, 226. cum vitello connectitur grandinum ope, 242. simile est, et non ex diversis partibus compositum, 220. a frigore non densatur, sed magis liquefit, 226. quomodo ovum eo augeatur, 321, 322. incolliquamentum abit decimo die, quod tum pullum amplectitur, 272. indeque maxima pars ejus in foetum absumpta est, 272. 320. a colliquamen-

to candido ut differat, 246. flavescit in ovo requieto, 256. oculum ovi dictum continet, 260. confumitur pro incremento pulli, 272. 320. confer. 322. pariter ac vitellum alendo duntaxat pullo inservit, 344. incubatione crassius, viscidius, ad stramineum colorem vergens, 242. ex eo singulae partes pulli procreantur et nutriuntur, 220. alimentum propinquius est vitellum remotius et tenue prius quam crassum absumitur, 319, 320. nullum ovum in ovario eo cinctum est, sed vitellus solus reperitur, 189. 322. vel potius aliquid compositum ambos liquores permixtos in se continens, 322. Albuminis reliquum et vitellus in ovis foecundis salubres et immutati permanent post decimum quartum diem incubationis, 278.

Aldrovandus de puncto saliente quid censuerit, 250.

Allantoïdes membrana, 570—573. non agnoscitur ab HARVEIO qui eam eandem ac chorion esse arbitratur, 517. 571, 572. Haud praefracte tamen negat dari, 571.

Allium plantis pedum alligatum expectorat, 73.

Aloe etiam exterius applicatum ventrem solvit, ibidem.

Amnion membrana quare ita vocata, 579. cervarum et damarum qualis, 505. humores nutritioni foetus inservientes continet, 577, 578. qui, appropinquante partu, plerumque absumuntur, et quid inde concludendum, 578.

- Anas mas gallinam juvenculam stuprum pari coegit, 206. nigra penem magnae longitudinis habet, 197.
- Anafarca a tympanitide quomodo distinguatur, 124. — 125.
- Anastomoses vasorum in extremitatibus transmittunt sanguinem ex arteriis in venas, 56, 57.
- Anatome ventris avium, 207, et seq.
- Aneurisma unde fiat, 14. arteriae excisione prognatum, 27.
- Animam esse ignem Stoicorum aliquis arbitrat, 359.
- Animae passiones sanguinis circuitum mutant, 129.
- Animalia quaedam cor non habent, ut plant-animalia, 77. quaedam auriculae speciem sine corde habent, ibidem. et quandoque vivere, quandoque emori videntur; quandoque vitam animalis agere, quandoque plantae, 78. quaedam unum tantum ventriculorum cordis unamque auriculam habent, 14. 37. 78. quaedam cor coniforme habent, 23. quibuscunque infunt pulmones, ibi duo ventriculi cordis, 78. quaedam dicantur plant-animalia, 32. casta quaedam conjugalem vitam degunt, ita ut mas unus uni maritetur foeminae, alia contra, 327. coeant post partum illico iterum quaedam, 565, 566. cupidinis oestro percita ferociunt omnia, 202. ovipara quaedam cur sint, 484. ovipara et vivipara ut differant, 182. 183. ex ovo omnia, 182, 476, et seq. progenerant vel in semet ipsis vel extra, et quanam sit in iis differentia, 182, 183. ex vermiculo omnia etiam perfecta gigni, 265.
- Aorta in os converfa, 113. de ea (simul cum vena arteriosa et arteria venosa) ligata in corpore strangulato experimentum, 613. 614. de ea ligata in vivo animali experimentum, 618.
- Apes respirationem in cauda habent, 82. e floribus collectum mel domum redeuntes evomunt et in alvearia recondunt, 209.
- Aqua allantoïdis non admittitur ab HARVEIO, 577, 578. gravidarum duplex, altera in chorio, altera in amnio, 576, 579. 580. foetum ambiens qualis liquor et cui usui, an sudor foetus an nutritioni inserviens, 453. et seq. 576. — 579. lactis crudi naturae videtur, 460. foetus sudorem non esse constat, 457. 576—579. copiosa aliquando an aliquid denotet, 578, 579. proruit saepe citra abortum, medio gestationis tempore, 579.
- Aquillae non bibunt, 210.
- Aranea ova secum gestat, 188.
- Arenulae ab avibus cur deglutiantur, 208.
- Aristoteles affirmat in generatione, materiam materiam, foeminam formam tribuere, 167. de generatione pulli ex ovo scripsit, 240. verissima sunt quae narrat, nihilominus quasi ipsemet ea non vidisset, sed ab experto quodam accepisset, temporibusque suis haud recte distinguit, ibidem. de puncto saliente quid perceperit, 249. 252.
- Arteria sanguinem cum vi propellit in diastole, non in systole, et quid inde pateat, 13. secta vel perforata propellit sanguinem in ipsa tensione ventriculi sinistri, 26. si quaevis vel minima diffecta fuerit in vivorum dissectione, brevi spatio totam sanguinis massam exhaustam fore, 11. 52. in corpore mortuo vero non potest, etiam jugularibus vel cruralibus arteriis apertis, ultra mediam sanguinis partem elici, 54. compressa in phlebotomia sanguinis exitum impedit, 64. rescissa ex qua par-

- te sanguinem projiciat, et quid inde doceamur, 120.
- Arteria pulmonalis, vid. Vena arteriosa.
- Arteria venosa: de ea ligata (simul cum vena arteriosa et aorta) in corpore strangulato experimentum, 613, 614.
- Arteria in puncti salientis initio, 250.
- Arteriae aërem introsumi in diastole non possunt, 10. sanguinem continent, experimento Galeni, 11. et eundem quem venae, experimento HARVEII, 11, 12. dilatantur cum cor contrahitur, 25. quod sit immisione sanguinis, 13, 26. et non facultate pulsifica innata, 134. hinc patet distendi eas, quia replentur ut utres; non repleri, quia distenduntur ut folles, 13, 26, 112. exiles non pulsant, et venis fere similes sunt, 85, 86, 134. quid patiantur a ligatura tum mediocri, tum stricta, 57—62. supra ligaturam distenduntur et pulsant, non infra, 59. vasa sunt deferentia sanguinem ex corde, 56. sanguinem nusquam e venis recipiunt nisi e sinistro ventriculo cordis, 63. e venis differunt crassitie tunicarum, et cur, 85. et quo cordi propinquiore, eo magis hoc fit, ibidem. in ultimis hoc ita non se habet, ibidem, et 86. eorum vacuitas in mortuis unde, 53, 115. crurales in viro quodam in os fistulosum converfae, in inferiore tamen parte pulsu agitatae, et quid inde sequatur, 112. jugulares enormiter distantiae ab ira ob inhibitam vindictam, 127, 128.
- Arteriae (et venae) in ovo die decimo conspicuae, 272.
- Arteriarum diastole et systole ad refrigerandum sanguinem juxta veteres, 9. tunicae, vid. Tunicae arteriarum. motus, 25—27.
- Astellius, cur venae ab eo repertae non chyli ferae dicendae sint, 622, 631.
- Asina et equa in cornibus uteri, ut alia vivipera bruta, non concipiunt, 494.
- Astaci ova pinnis adhaerentia circumferunt, 188. et horum ovarium intus granulatim compactum rubrumque reperitur, ibidem.
- Asthma periculosum cucurbitis, et affusa gelida curatum, 119.
- Auctor, quibus causis permorus ad scribendum fuerit, 21, 22. tractatum de respiratione promittit, 82. tractatum physiologicum promittit, 119. cicatriculam pulli primam originem esse observavit primus, 243, 244. sententiam suam de anastomosi fusius aperit, 616, 617. epistola ejus ad Slegelium, 613—619. ad Nardium prima, 619, 620. secunda, 627, 628. tertia, 633. ad Morisonum responsoria, 620—626. ad Horstium prima, 629, 630. secunda, 630—632. ad Vlackveldum, 634. ad Hoffmannum, 635, 636.
- Auctores, qui, praeter Aristotelem et H. Fabricium, de generatione et formatione pulli ex ovo scripsere, 240. horum errores, 240, 241.
- Aves arenulas, calculos, et caetera cur deglutiant, 208. haec lingua prius probant, an satis aspera, ibidem. horum strepitus in ventriculo percipitur, ibidem. aves liene carent, 209. pulmones quales habent, 185, 186. respirant, quamvis pulmones costis affixi sunt, 185. renes quales habent et ubi, 209. et serpentes vesica cur careant, 195, 196.
- Aves foemellae mares suos variis artibus ad coitum invitant, 206, 207. confer 258. incubantes multo ardore ova tuentur, seu foecunda sunt seu subventanea, 234. quaedam ea rumpunt, 235. ova etiam in nido revolvunt in pulli eodem modum.

- modum, ibidem. orificium uterinum exporrigunt cum venerem appetunt, 198. ova concipiunt demulsiōe dorsi cum manu tantum, ibidem. ova concipiunt sine mare, sed non perficiunt aut pariunt, excepta gallina, 201. quanto salaciores, tanto foecundiores, ibidem.
- Avium diaphragma, vid. Diaphragma. pulmones, vid. Pulmones. ventriculus, vid. Ventriculus avium, viscera, vid. Viscera.
- Auriculæ (aures) rubent in pudore, 129.
- Auricula cordis necessaria ubicunque ventriculus est, 81, 82. vel illi aliquid analogon, sine ventriculo, 82. quaedam sine corde in exsanguioribus et calidioribus quibusdam raro pulsans, et quem non nisi tempestate calida discernere liceat, 77.
- Auriculæ cordis nascuntur e puncto saliente, 83, 84, 255. semper adsunt, vel aliquid ipsis analogon, 32. duae, ubi duo ventriculi, 32. 82. differunt in variis subjectis, 83. eo nervosiores quo cor magis densum et compactum, ibidem. in foetu longe maiores quam pro proportionē, ibidem. pulsant et se contrahunt, et quare, 82. albidiores fiunt, dum moventur et pulsant, 29. moveri videntur primo, tum ventriculi cordis, 28. moventur simul dum ventriculi quiescunt, ibidem. prius, quam cor, vivunt; post, emoriuntur, 31. confer 30. motores primi sanguinis sunt, 82. sanguinem conijciunt in ventriculos, hi protrudunt eum in arterias, 33. sanguinem jam continent mensis tertii initio, licet cor tum albidum, 30. qua ratione, moriente animali, sese moveant, 28, 29.
- Auricula dextra primum vivens ultimum moriens, ibidem. in torosis hominibus tam robusta ac ventriculus ipse, 83. in strangulato valde turgens, 126.
- auriculæ analogon in piscibus quid habeat cor, 37.
- Auricularum motus qualis in vivis observatus, 28. earum contractione sanguis conijcitur in ventriculos, 33. 82.
- B**ASSE, insula Scotiae, faxi ingentis instar, avibus marinis quasi cooperata, certo tempore candido nitore micat, et alba videtur ob liquida avium excrementa illam crusta dura et friabili obtegentia, simili omnino isti unde testavimus, 221, 222.
- Bombyces ova pariunt sine mare, sed irrita, 201.
- Botalli error novum transitum sanguinis invenisse se existimantis, 40.
- Botarcha ex ovīs cyprinorum et mugilum, 188.
- Bronchiae piscium fistulam e corde accipiunt, 26. avium in abdomen perforantur, 185.
- Bufones respirant aestate vehementius, ibidem.
- Bullae tres, in pulli rudimento capitis rudimentum constituentes, aqua plenae oculos et cerebrum constituentes, 259, 260. confer 261. In errorem quomodo veteres conjecerint, 260. die quinto sub finem et initio sexti quales et ut incrementum, 265. die sexto auctae, ibidem. die sexto evidentius apparent, 266.
- Bursa in avium podice Fabricio habitata foramen ad injiciendum semen masculinum pro tali non agnoscitur ab HARVEIO, 195. 205.
- C**ALCVLI ab avibus cur deglutiantur, 208. lingua prius probantur ab iis an satis asperi, ibidem. attritu laevigantur et inepta fiunt digestionī, ibidem.

- Calidum innatum et spiritus varii quare** a philosophis in sanguine excogitati, 119, 120.
- Calor** blandus aequè excludit ovum ac incubatio, 233.
- Candidum ovi idem ac albumen**, 225.
- Canalis arteriosus et foramen ovale** in embryone describuntur, 38, 39. apertae ad tempus partus et saepe toto vitae curriculo, 40.
- Canis foemina** cibos semicoctos catulis suis nutricandis remove re visa, 209. canis rabidi venenum quomodo totum corpus inquinare potest, 72, 73.
- Cantharides exterius etiam applicatae** urinas movent, 73.
- Cantus galli** non solum foemellis blanditur, sed etiam ovorum conceptui confert, 200.
- Caput pulli die quinto quale**, 259, 260. in tres veluti bullas aqua plenas dividitur, quae oculos et cerebrum comprehendunt, 260. die decimo reliquo corpore majus est, 271.
- Carina pulli, seu rudimentum corporis**, in ovo quid, 265, 266. die quinto conspicua minor est parte illa globosa unde caput prodit, 261. quam ratione increfcatur, 262.
- Carunculae** in quibusdam brutis loco placenta, 580, 582, 584, 586.
- Cassoware avis** describitur, quae ex Java missa et regi Jacobo dono data, 200. ova qualia habet, 201. ova concipit ab auditu saepius coitu struthionum in proximis clausuris degentium, 200, 201. in ovo chalazas crassissimas, longissimas, et albissimas et pluribus globulis magnitudine invicem cedentibus conflatas habet, 227, 228.
- Casus melancholici** in cujus corde et pectore substantia turbida et foetida reperita, 18. rarus de cordis pariete sinistro disrupto et perforato sanguinis impetu, 127. morbi singularis et. structurae vasorum ex ira ob vindictam inhibitam, 127, 128. casus caementarii cuiusdam, 634. vid. Historia.
- Cauda quadrupedibus velabri podicis usum praestat**, 193.
- Caviaro ex ovis sturionum** salitis fit, 188.
- Cavitas in podice avium eadem fere pro faecibus, urina, et ovi transitu in partu**, 194, 195. ejus rugositas cui usui, 195. in ovi obtusa parte semper adest, vid. Ovorum cavitatem.
- Cellulae uteri**, vid. Plicae uteri.
- Centenina ova**, vid. Ova centenina.
- Cerebrum ventriculo caret in quibusdam animalibus**, 81.
- Cerebrum pulli in ovo, et cerebellum**, die sexto non nisi bullae aqua repletæ apparent, 266, 267. sexti ad finem vel septimi initio qua ratione se praebeant, 267.
- Cervae gerunt utero novenis mensibus**, 494.
- Cervarum coitus quando et quomodo exerceatur**, ibidem et seq. et damarum generatio quare ad exemplar viviparorum hic fumitur, 486.
- Cervix uteri**, vid. Vteri orificium.
- Chalazae seu grandines ovi microscopi cardines seu poli**, 242, 243. albuminis quaedam sunt appendicula, 344. quoniam proprie corpora sunt, 226, 227. sic dictae, quia lucidae ut grando, ibidem. binae in ovorum albumine reperiuntur, sed vitelli membranae appenduntur, 227. in utroque ovi acumine una, 227. 242. incubatione ad latera inclinantur, 244. quatuor in ovo gemellifico reperiuntur, 237. in omnibus ovis adsunt, 242. 244. in ovis subventaneis aequè ac foecundis, 227, 310. in ovis minimarum avicularum

tenue filum aut nervulus chalazae vestigium exhibet, 227. crassae admodum in ovis struthionis et Cassoware, 227, 228. illis magnam dignitatem attribuit Fabricius, 474. sperma galli mulierculis existimantur, 227. semen galli tamen non sunt, ut voluit Aldrovandus, 241. 245. 310. usum qualem habent, 344. et seq. 475. vitellum cum albumine nectunt, et ambos liquores in debita positione servant, 242, 243. pullum non producant, ut quidam erronee voluerunt, inter quos Fabricius, 227. 245. 344. et seq.

Chilificatio in avibus quomodo fiat, 208.

Chorion membrana quare ita nominata, 579. describitur, 580. in ovo unde fiat, 273. 275. vitellum simul cum intestinis ad foetum adducit, recondit, et sustinet, 275. in viviparis usum qualem habet, 580. et allantois eadem membrana habentur ab HARVEIO, 579.

Chorion cervarum et damarum, 505.

Cicatrix in ovo seu macula circulus albus perexiguus, 228. est ovi praecipua pars ex qua pullus originem ducit, 229. confer 243. a Fabricio quid existimata, 228, 229. In media ab utroque cacumine distantia permanet, 243. versus obtusum ovi cacumen cur tendat, 473. oculus ovi quare nominata, 246. inest jam ovo in vitellario existente, 228. vitelli superficiei seu tunicae adnascitur, 217, 228. 319. 472. 474. maximi momenti quare sit, 475. vestigium pedunculi vitelli abrupti non est, ut voluit Fabricius, 228, 229, 241. 474, 475. pulli originem esse quod inventum HARVEII, 243, 244. confer 229. in recenti vel requieto ovo semper eadem, 243. incubatione quomodo a reliquo albumine

differt, 246. dilatur illico, oculique pupillae instar explicatur, 243. intra circulos liquorem refulgentem continentes conclusa apparet, 246. secundo incubationis die ad pisi magnitudinem dilatur, et in circulos dispertitur, qui punctum album exiguum habent pro centro, 244. attollitur etiam in cavitatem cacuminis obtusae, ibidem. die secundo incubationis praeterito jam est ad magnitudinem unguis aucta, 245. in albumine tum potius locata quam vitelli tunicae impressa conspicitur, 246. augetur in oculum, simulque distinguitur in colliquamentum, in cujus centro punctum sanguineum pulsans, una cum venarum ramificatione, quibus mox superoritur nebula, 352. confer 255. incubati ovi tum dicitur colliquamentum, et quare, 246. et oculus ovi quomodo dicatur, ibidem. in ovis etiam infoecundis aliquando explicatur, sed ad cacumen non affurgit, nec circulis circumscribitur, 254.

Circulatio sanguinis quid et qualis sit, 48 et seq. fit a centro in extrema et ab extremis rursus ad centrum, 57. de dextro ventriculo cordis per pulmones in arteriam venosam et sinistrum ventriculum quomodo fiat, 42 et seq. ex arteriis in venas fit, non contra, ut ligaturae docent, 60. 62, 63. quod fieri debeat probatur sanguine per venas iterum reduci, et majori copia quam ab alimento suppeditari potest, et itidem quam ad partium nutritionem requiritur, 50. 54, 55. 64. 69. probatur iterum copia advehi sanguinis in arterias, 54. tum et ligaturis, 56 et seq. 63. describitur integre, 69. specie recapitulationis exponitur ab auctore, 132 et seq. non eandem ubique et semper

- semper esse et unde, 123. aliquando citius, aliquando tardius, peragitur ex quibusdam causis, 52. in embryonibus dum pulmones otiantur, quomodo fiat, 40, 41. confer 38, 39. in embryone per cor qualis, 79. confer 38, 39, 40, 41. a ligaturis quomodo afficiatur, 56—62.
- Cloaca in ano avium stercoris et urinae communis exitus, 194, 195, 196. simul faeces et urinam cum sedimento ejus albo recipiens, 223. materiam gypseam ibi delatam continet, qua ovum incrustatur, ibidem. confer 222.
- Coaxatione. bufones et ranæ aërem liberaliter expirant, 185.
- Cochleae ova reponunt in spuma, 188.
- Caementum album in ovibus pro testarum ovorum materia, 223.
- Cognitio quo modo et ordine acquirenda, 169—173. de iisdem ad mentem Aristotelis, 173. 175.
- Coiterus (Volcherus) de puncto saliente quid tradiderit erronee, 250.
- Coitus ab animalibus pluribus non admittitur, nisi uterus ad coitum fuerit paratus, 593. avium quorundam quomodo fiat, 193. repetitur rarius ab iis avibus qui in complexu veneres diutius haerent, 326. cervarum et dumarum, 494. et seq. galli, vid. Galli coitus. struthionum cum voluptate magna exercetur, 197. singularis horum et libidinosus coitus, 193. integram foeminam tam animi moribus, quam corporis vigore immutat, 593. coitus affectio a columba Afra mirum in modum exprimitur, 315.
- Colliquamentum candidum appellatur praeterito die fecundo in ovo incubato, quod prius erat cicatricula, 246. confer 352. idem ac ovi oculus, 341. in albumine continetur, 260. vitelli tunicæ impressum cernitur, 319. qualis liquor, 246. Parisani error de eo, 247. quid de eo Aristoteles sensit, ibidem. quid Coiterus, 248. ex albumine fit, 273. non minus tamen a vitello quam ab albumine constari videtur, 319. tunicam tenuissimam habet, 246. propria membrana distinguitur ab albumine, 248. foetus rudimenta prima in medio suo continet, 246. ex eo fit foetus, 260. foetus ab eo alitur ab initio, 273. in eo foetus nascitur, ibidem. augetur brevi tempore, 246. punctum saliens tum continet, 352. aquae tepidae inditum punctum saliens perbelle exhibet, 506. die quarto sanguineis fibris distinctum, quid referat, 252. lineam purpurascentem in limbo suo acquirit eadem die, 249. absumptum jam fere est circa diem decimum octavum, 275, 276. in conceptu cervarum quale et quando, 504, 505. nutrimentum solum hic dat in initio, 505, 506. vid. Aq. gravidarum, Foetum &c.
- Colocynthis exterius applicata ventrem solvit, 73.
- Columba Afra gaudium a coitu mirum in modum exprimit, 315. in columba motus cordis resuscitatus, 30. columbae (et passeris) mares suos ad coitum variis artibus invitant, 206. mensibus singulis ova edunt, 187. ova bina modo incubant, ibidem. papulae in ovario modo binas in unum partum e racemo excrecente habent, quarum una in marem, in foeminam altera ut plurimum evadit, 297, 298.
- Columnae carnosae in corde, vid. Virgulae carnosae vel lacertuli.
- Comatosa foemina parturiens quomodo a foetu liberata, 554, 555.

- Conceptio, 592 et seq. sine utero non fit, 592.
- Conceptus in viviparis et oviparis quid fit, 482, 483, 503. est id in viviparis quod ovum est in oviparis, 483, 507. confer 511, 512. qua ratione fiat ex medicorum sententia, 309. aliter se habet in gallo et gallina, 309, 310. qualis et quomodo progrediatur in viviparis, 574, 575. in muliere fit in utero, in brutis in cornibus uteri, praeter equam et asinam, in quibus nec in cornibus nec in utero, 494. animalium diversorum qua ratione varia, 512. a missione geniturarum non procedit, 313, 314. in quibusdam animalibus utero vix adnectitur, 581. cervarum et dumarum quomodo fiat, 494 et seq. quomodo procedat, 504 et seq. quomodo se habeat mense Septembris, 496 et seq. quomodo mense Octobris, 498 et seq. mense Novembris quomodo, 502 et seq. quomodo mense Decembris, 512 et seq. 519. muliebris primis mensibus gestationis ab ovo vix discrepat, 483. 511. concipere ova in volucris sine mare ut fit, perinde est ac viro maturam esse in puellis, 202.
- Congressus, vid. Coitus.
- Copia sanguinis, vid. Sanguinis copia.
- Cor, principium vitae a quo calor et vita tanquam ab origine, 70. sol microcosmi, 49. primum vivens et ultimum moriens non proprie, nam auriculis hoc convenit, 31. confer 28, 29. musculus nuncupatus ab Hippocrate, 84. agit ut musculus se contrahendo et sanguinem movendo, ibidem. estque sanguinis impulsor solus, 72. in squilla aquae imposita ejus motus perspici potest, 32. in omnibus animalibus pene igitur etiam minoribus, exsanguibus, 31. aut ad minimum pulsans vesicula instar puncti rubri vel albi duntaxat, 32. sinistri ventriculi gratia factum videtur, et dexter ventriculus famulatur sinistro, 78, 79. cum ventriculo uno tantum in quibusdam animalibus, 78. in piscibus ventriculum unum tantum habet, 37. ventriculo dextro caret in omnibus quibus non sunt pulmones, 14. auriculas semper habet vel auriculis aliquid analogon, 32. coniforme in piscibus et frigidioribus animalibus, 23. in quibus unum modo ventriculum plerumque habet, 14, 37, 78. non distinctum in omnibus animalibus, cum nonnulla similis constitutiones sint, in quibus cor deest, et quasi tota cor sint, uti ea quae plant-animalia dicuntur, 77, 78. ut et insectorum genera, 77. in robustis etiam magis et fibrosum et robustum, uti e contra, 80, 81. dum movetur, expellit; dum laxatur, recipit sanguinem, 25. colore mutatur, tum in motu, tum in quiete, 23, 24. in motu quomodo mutetur, 24. erigitur, dum movetur, 34. et in mucronem se elevat, 23. contrahitur secundum latera, ita ut longiusculum appareat, ibid. durum fit instar musculi agentis, albescit in piscibus et frigidioribus, ibid. motu suo sanguinem movet, perficit, et a corruptione et grumescitione vindicat, 49. in embryone sanguinem de vena cava per canalem arteriosam in arteriam magnam traducit, 40. anguillarum exemptum se movet, 23. et tum etiam sine auriculis pulsatur, 29. piscium et ranarum, quomodo factum, et ut moveatur, 29. moriens quales motus in auriculis et ventriculis habet, 28. in mortuis flaccidum, laxum, enervatum.

- enervatum, 23. lentè et raris ictibus, imò hyeme et frigida tempestate, vix vel non omnino pulsat in exsanguibus quibusdam, 31. 77. pulsifica facultas non emanat ab eo per tunicas arteriarum, 13.
- Cor in systole albescit, 24. vigoratur, tenditur, ibidem. sanguinem tum non recipit, sed expellit, 25. eo tempore arteriae sunt in diastole, et ubi est in diastole, tum arteriae sunt in systole, ibidem. distentum quam horrendè sanguinis vi ex ira ob vindictam inhibitam, 128. pulsare desinit prius quam auriculae, 28. pulsus quot una hora facit, 51. vulneratum, si in motu est, cum impetu sanguinem expellit, 24. ejus ventriculus, dexter et sinister, quantum congruunt, 14, 15. animi pathematibus lethalter affici potest, 71. in foetu humano circa principium mensis tertii formatum, sed albidum, cum sanguine in auriculis, 30. materia turbida, foetida, turgens repertum in melancholico, 18. in corde virgulae carnosae vel lacertulæ quid, 79, 80. ejus actio est sanguinis transfusio, et in extrema usque medianibus arteriis propulsio, 34. actio musculosa ejus describitur, 84. cordis motus est systole, non diastole, 24. quid proprie sit et quomodo musculorum morui quam similis, 23, 24. quænam præcipue animadvertenda ponat, 24. motus quatuor distinguendi loco, non vero tempore distincti, duo auricularum, quos insequuntur motus ventriculorum, 28. et hi motus, servata harmonia, videntur unicus tantum motus, et quare, 33, 34. auricularum motus præcedit, et subsequitur cordis motus; et motus ab auriculis incipere, et in ventriculos progredi visus est, 28. manifestior in cordibus frigidorum animalium, 22, 23. tardior in moribundis, 23. confer 28, 29. resuscitatus in columba ope fallivæ calidae, 30. ejus et auricularum motus, qualis ex vivorum dissectione, 28 et seq. ejus motus descriptio exquisita, 33, 34. functio et actio quænam vera, 69. confer 34 et seq. cordis disrupti ab impetu sanguinis casus, 127. septum ejus foraminibus, an præditum, pro sanguinis transitu, 17, 18. sanguis per septum ejus non transfundat e dextro ventriculo in sinistrum, 36. pulsatio in pectore, quæ auditur unde, 34. ventriculi moventur simul dum auriculae quiescunt, et vicissim, 28. ejus cum pulmone connexio, qualem auctoribus errandi occasione præbuerit, 35—37. triplici motus genere gaudet, 621. cor in ovo incubato, ante reliqua videntur post oculos, 266. micat in ovo ante hepatis ullum vestigium, 269. ex punctis salientibus una cum auriculis generatur, 255. primo cernitur cum venarum ductu, 362. vesiculis pulsantibus superadditur, 269. die sexto vesiculæ pulsanti, parenchyma obnascitur, 266. tum adhuc album, 267. ad finem sexti et septimi initium adhuc foris pendulum, 270. corpus tanquam futurum sibi domicilium fabricat, jamque exstructum ingreditur, 357. auctor sanguinis an sit, 269.
- Cornua cervorum, decidua in sylvis, a custodibus dignoscuntur, quorumnam sint, 231, 232. uteri in bratis locus conceptionis, 490, 491.
- Cornu uteri dextrum aliquando, aliquando sinistrum, concipit, 504, 506.

Corporis rudimentum in ovo incubatio, die quarto incubationis, quomodo prodeat, 255. die quinto candidum, et quale adpareat, uti et aliae partes, 259. quomodo hac die ultro increseat, 259 — 262.

Cortex ovi quid et cujus naturae, 217 — 224. an fit ex materia alba, lucida, gypsea ex renibus defluente, urinae partem constituyente, et faecibus admista, 223, 224. durus jam in utero, 218, 219, 220. 224. at tenuior multo, 220, 221. sed illi accedit aliquid ex aëre, in exitu, ut magis indureseat, 220. deficit aliquando, sed raro, 217, 218. in serpentibus semper, 218. colore varius pro varia aetate, 217. incubatione offuscatur, 242.

Costae qua ratione prodeant in primis initis suis, 267.

Cotyledones in brutis, 585, 586.

Crabrones respirationem in cauda habent, 82. foetus evomendo assumpta nutriunt, 209.

Cucurbitae affixae in asthma, 119.

Cygnus et struthio, venereo in complexu diutius haerentes, rarius illum repetunt aliis, 326.

Cynosura ova cur dicta, 257.

DAMAE gerunt utero novem menses, 494. harum coitus quando et quomodo exerceatur, 494 — 498.

Deglutitio quomodo fiat, 33, 34.

Democritus, ex atomis omnia componit, 220. in quo errat, ibidem.

Dentium molarium vicem in avibus calculi supplent, 208.

Diaphragma in avibus quid, et proprie nullum, 185, 186.

Diastrale et systole cordis quid, 23 — 25. ad refrigerandum sanguinem juxta veteres, 9.

Dies canicularis, ovis incubatis, cur noxia saepe, 257. dies incubationis, vid. Incubationis dies.

Dolores puerperarum, unde enixus posteriori dicti, 566, 567.

EJACVLATIO foeminae in coitu, vid. Foeminae in coitu.

Embryo cordis structuram diversam ab ea in adulto, qualem habeat, 40. cervarum et damarum mense quarto, qualis, 504. hermaphroditus, 512. emissio foeminarum in coitu, vid. Foeminae in coitu.

Empedocles ex elementis omnia componit, 220.

Enixus posteriori in puerperis, quid, 566, 567.

Equa, annulis ferreis infibulata, tamen parit, 557. et asina, non in cornibus uteri, ut alia vivipara bruta concipiunt, 494.

Error Hippocratis, de uteri purgatione post partum, 568. medicorum, partium varietatis causas, ex diversa materia, quaerentium, 219, 220.

Exclusio pulli ex ovo, 278 et seq. de ea error quorundam vulgaris, 279, 280.

Excrementum avium liquidum, album et lucidum, ex avium renibus, pro materia, testaceum ovorum elaboratum, 223, 224.

Exercitatio anatomica de circulatione sanguinis ad J. Riolanum, prima, 91 — 107. altera, in qua objectiones refelluntur, 109 — 141.

Experimentum, arterias sanguinem continere, probans, 11. HARVEII arterias eandem sanguinem continere, quem

- quem venae probans, 11, 12. Galeni pro pulifica facultate tunicarum arteriarum non possibile, 13. aërem per pulmones, in sanguinem, non transmitti posse, docens, 16, 17. in columba de cordis motu resuscitato, 30. de ligatura sanguinem ad cor necessario regredi ostendente, 55, 56, 57. de ligatura arteriarum, supra fistulam, intra cavitatem immissam, 110, 111. arteriae et venae, longioris discissae, quid doceat, 120, 121. pulsus arteriarum ab impulsu sanguinis fieri docens, 124, 125. unde potentissima obiectio contra circuitum sanguinis oritur, 125. sanguinem in venis continuo fluore versus cor semper currere demonstrans, 125, 126. alterum idem probans, 126, 127. punctum saliens et sanguinem existere ante pulsationem probans, 250, 251. iniectione aquae calidae, per siphunculum, in dextrum ventriculum, et caetera, probans transitum sanguinis per pulmones e dextro ventriculo, in sinistrum, 613, 614.
- Externa medicamenta, vid. Medicamenta externa.
- Extremitates corporis, ubi algeant, novo per arterias, transmissio sanguine calorem reparare debent, cum ipsae attrahere non possunt, 70, 71.
- F**ABRICIVS de puncto saliente, quid perceperit, 249, 250.
- Fabula de viperinis catulis matris uterum exedentibus, unde orta, 556.
- Febres aliquae pulsus celerem, et respirationem tardiores reddunt, 14. febris puerorum quomodo, praecipue, observanda, 86. a lochiis corruptis, 566.
- Febrilis, paroxysmus, describitur exquise, 73.
- Ferrum, in Cassoware repertum, chyliificationi inservit, 208. in struthionis ventriculo quomodo reperiatur, ibidem.
- Fibrae carnosae, vid. Virgulae carnosae vel Lacertuli.
- Figura ovi an aliquid indicet, 230, 231.
- Fistula a corde, in bronchia piscium ducit, 26.
- Faecunditas ovorum omnium per integrum anni decursum, an ex aliquot coitionibus principio annis celebratis, procedere possit, 205, 206.
- Foemellae aves, vid. Aves foemellae. quaedam tam libidinosae, ut ab omni etiam levi coitu, semel duntaxat peracto, concipiant, aliae tam torpidae, ut nisi repetito saepius et continuato coitu infaecundae mancant, 238.
- Foemina coitu quomodo immutetur animo et corpore, 592, 593. concipit in utero, alia vivipara in cornibus utero, praeter equam et asinam, 494. foetum quae gessit in tumore vaginae, uteri accreto, 558, 559. furore uterino delirans, lapsu uteri convulsit, 564. hysterica uteri prolapsu sanitatem recuperavit, ibidem. mortua tamen parit, 556.
- Foeminae conceptus ab ovo non differt primis mensibus, 511.
- Foeminae coeunt cum voluptate, et cum dolore pariunt, gallinae contra, 335, 336. in coitu humorem aliquando emittunt, unde illas semen has profundere arguunt aliqui, 314. circa hanc emissionem conceptus tamen fit, ibidem. qualis humor ille ejiciatur, et an uterum intret, ibidem.
- Foeminae infantiunt aliquando praefuderio consuecendi cum viris, ita ut obfessae judicentur, 202. a partu tempore

- tempore longiori ad partum re-
stitutionem indigent quam alia
animalia, 565, 566. post partum
quamdiu purgentur utero, 568.
inter quaedam animalia, maribus
plurimis vix contentae, inter alia
contra, 326, 327.
- Foetus cordis vasa alio modo unita habet
quam adultus, 38. in utero sanguine
proprio tantum fruitur, juxta HAR-
VEIUM, 313. fugit in utero, 458,
459. in utero quomodo situs, 541,
542. in partu quid agat, 542. 555.
partui quid tribuat, 554—558. exi-
tum ex utero inopia cibi an quaerat,
578. nutritur ex humoribus quibus
innatat, 589. confer 577 et seq. mor-
tuus in tumore ad vaginam haerente,
558, 559. crabronum et vesparum
nutriuntur ab iis quae matres evo-
munt, 209. cervarum et damarum
quandonam fabae magnitudinis sit, 508.
conspetus tum exquisitus, quomodo se
habeat, 508, 509. ex utero cervae
exemptus, regi et reginae intuentum
exhibitus, 248. in ovo, vid. Pullus.
- Folliculi duo in piscibus, vid. Ovarium.
- Foramen ovale describitur, 38. sangui-
nem in sinistrum ventriculum tradu-
cit, ibidem. et canalis arteriosus,
aperte diu, et saepe tota vita, in qui-
busdam hominibus ac animalibus, 39,
40.
- Foramen in avium podice, pro immisione
feminis masculini, vix perceptibilis,
194. et quod Fabricio bursa dicitur,
non pro tali agnoscitur ab HARVEIO,
195. confer 194. 205.
- Foraminula in pudendo gallinae, quae
velabro teguntur, seu orificia ibi tria
sunt ani, uteri, ureterum, 192—194.
In unam fere cavitatem concurrunt,
per quam etiam ovum transit, 194,
195. hinc quasi in unam bursam
sunt collecta, 195.
- Formica gemmulas seminum praerodit,
ut in nutrimentum servet, 337.
- Frigidae partes recalescentes, quibusdam
phaenomenis afficiantur, 120.
- Frigidiora animalia cor coniforme ha-
bent, 23. unum ventriculum ple-
rumque tantum habent, 14. 37, 78.
- Funiculus umbilicalis, vid. Umbilicalia
vasa.
- Furor uterinus, ex desiderio consuescendi
cum viris oritur, 202. uteri lapsu
curatus, 564.
- G**ALBAE, animalium omnium, prae-
sertim sanguineorum, primordia,
265. erucarum et vermium primor-
dia, 264.
- Galenus, respirationis et pulsus eundem
esse usum, errando, statuens refutatur,
9, 10. ejus error de tunicarum arte-
riarum vi pulsfica, 13. hujus argu-
mentum pro transitu sanguinis, per
dextrum ventriculum, de vena cava
in pulmones HARVEIO inservit, muta-
tis terminis pro transitu sanguinis de
venis, per cor, in arterias, 46, 47.
- Gallis quercinis quomodo increcant gal-
bae, 264.
- Galli cantus, gallinis non tantum blan-
ditur, sed etiam conceptui ovorum
confert, 200. coitus cum gallina,
quanam ratione fiat, cum pene careat
gallus, 325, 326. confer 198. ova
foecundat, 203. ovum non modo in
utero, sed totum ovarium et gallinam
ipsam prolificam reddit, 329. 331. et
papulae in ovario virtute seminis galli
foecundae redduntur, 326. an unus
atque alter coitus sufficiat, omnia uni-
us anni ova foecunda reddere, 206,
329. semen, vid. Semen galli. pug-
naces

- naces galli, ex gallinis, monofiris dictis, 236.
- Gallinae, 328 et seq. partes generationis quales habeant, 327. vaginam et vulvam quales habeant, vid. Vagina et Vulva. vasis praeparantibus carent, 186. vulvam detegunt gallo labrum elevando, 193. exemplum hujus rei in struthione, ibidem. podicem vertit qua parte gallus copulandus, 196, 197. maturae veneri ex rubicundo cristae colore noscuntur, 211. quaedam ex affidentibus gallinis, noctu ad galli cantum sese concutiunt, quasi a coitu gesticularentur, 209. a coitu se excutiunt, prae laetitia, 315. a coitu frequentissimo galli aliquando laceratae, expirant, 328. incubant diverse, 236. ova concipiunt, et perfecta pariunt, sine mare, sed infocunda, 201. 318. ovo locum, et materiam, conceptui nutrimentum, ac fomentum praebet, 324. a coitu ova prolifica acquirunt, quamvis in vitellario, nulla ovorum primordia parata habeant, 305. ovum in nido revolvunt, ad commodum pulli, 281. a partu hilares et sine dolore parientes gallum advocant, at in coitu querulae, mulieres contra, 335, 336. nidum deferentes, aliquando deposito ovo, vocem strepera, gallum ad coitum pelliciunt, 205. ovum pariunt quaedam quotidie, quaedam biduo, 235. ova sua rumpunt, et nidos deferunt nonnullae, ibidem. earum interdum morositas, coitum in speciem recusantium, maris cupidinem excitat, 335.
- Gallinae Adrianicae pullos interjiciunt, 235. monofirae, quae incubant, bis aut ter, 236.
- Gallinae incubatio, vid. Incubatio. ovarium, vid. Ovarium. podex, vid. Po-
- dex. uterus, vid. Uterus. vulva describitur, 202 et seq. vid. Vulva gallinae.
- Gallus coit sine pene, et quomodo, 198. confer 325, 326. post coitum alacer, 301, 302. foemellas coitum appetere, etiam e longinquo intelligit, 207. foecundat ovum in utero, non modo, sed in ovario, papulas et reliqua foecundat, 326. confer 329.
- Gallus gallinaceus testiculos ubinam habeat, 184. semen in coitu emittit, et qua ratione, 325, 326. confer 198. celerius cur ejiciat, 326. femine et vasis deferentibus abundat, 326, 327. abundat adeo, ut gallinas frequenti coitu saepe fatiget, 328. uxoribus pluribus cur sufficere potest, quam alia animalia, ibidem. gallinas ad coitum quomodo pelliciat, 335. confer 200. victor et superati conjuges, et ipsum devictum stuprat, 206. confer 335. ova centenina (basiliscos producentia), an det, 236. ovo in coitu, et aliis officiis, quid conferat, 325, 326. id solum quo ovum foecundum fit, gignendoque pullum idoneum fit, affert, 309.
- Gammari ova pinnis adhaerentia, circumferunt, 188.
- Gangraenae ex ligaturis, 57.
- Gemmulae seminum a formica roduntur ut haecce in usum suum servare possit, 337.
- Generatio ejus duo loca constituit Fabricius; unum internum, nempe uterum; alterum externum, quem ovum dicit, sed meliore jure nidum, externum locum appellasset, 183, 184. omnium animalium ab oviformi primordio, 485.
- Generationis exemplar, cur ex cervarum et damarum historia sumitur, 486. primordium in omnibus viviparis quale,

- quale, ejusque progressus quomodo fiat, 573. 575.
- Gestationis tempus in viviparis, 543 et seq. verum in mulieribus videtur novem mensium, ut gestatus fuit Saluator, 548. mulier viva quae foetum in utero fedecim amplius mensibus gessit, 546. quinquemestris puella quoque viva, 545. tabellarius quidam sexti mensis initio natus, 545, 546.
- Globuli tres in ovo fabula sunt, vid. Coiteri 241.
- Grandines ovorum, vid. Chalazae.
- Gravida viva, non gravida, 548.
- Graviditatis signa fallacia, ibidem.
- Gravidae, aquam copiosam et geminam, aliquando habent, 578, 579.
- Grumi sanguinis in utero, post partum, quomodo noceant, 566.
- Gutta sanguinis palpitans, in ovo, prima origo pulli, 30.
- Gyrini in ranas abeunt, 266.
- H**AEMORRHAGIA, in lipothymia, cur cohibetur, 54.
- Haemorrhagiae ligaturis supprimuntur, et provocantur, 57. cur sedentur per ligaturas, 64.
- HARVEIUS, vid. Auctor.
- Hepar, auctor et officina sanguinis, errorae habetur, 269. post cor et post sanguinem generatur, ibidem. et cor, ante diem decimum, non conspicua sunt in ovo incubato, 255. et pulmones, die sexto, in ovo apparere incipiunt, 266. alba adhuc tum, 267. avium quale, et ubi situm, 209.
- Hermaphroditus embryo, 512. mulier Rothomagi denunciatus, viri munus obit, 197.
- Hernia carnea scroti, testem obvolvens, salvo teste ablata, 268.
- Hippocratis error de purgatione uteri post partum, 568.
- Historia de costarum fractura, singularis in Vicecomiti de Montgomerio, 399. 400. herniae testem obvolvantis, salvo teste, ablatae, 268. de lochiis retentis, 567. ulceris in utero sanati, 567, 568. uxoris maritum, in castris, comitantis gemellos parientis, eodemque die 12000 passuum iter facientis, 569.
- Homines caudati, in India orientali, 194.
- Homo ex ovo, ut caetera animalia, 182.
- Hoffmannus (Caspar), HARVEI ad eum epistola, 635, 636.
- Horstius (Joannes Daniel), HARVEI ad eum epistola prima, 629, 630. secunda, 630—632.
- Humor amnii, vid. Amnium.
- Humores uteri in membranis, foetum ambientibus, 576. confer 570. an alimentum, an excrementum, 577, 578. nutrimento foetus infervit, 581, 582. 589.
- Hybrida ova quanam, 237.
- Hybridae pulli sunt ex phasiano et gallina geniti, 234.
- Hypenemia ova quanam, 232.
- Hypostasis, argentei coloris, copiosa in urina avium et aliorum animalium oviparorum, quorum ova cortice duriore obducuntur, 210. consentientia ejus in ureteribus, instar lactis coagulati, ibidem. cito in crustam extra corpus concrefcens, ibidem.
- Hysterica mulier delapsa uteri tandem curata, 564.
- Hysterica symptomata, ab injectione vitrioli, in uterum nata, 568.
- I**CTVS venenatus, qua ratione, totum sanguinem inficiat, 72, 73.
- Jecur, vid. Hepar.

Incrementum in ovo ex gutta sanguinis
palpitante, 30. 32.

Incubantes aves, vid. Aves incubantes.

Incubatio, quarto vel quinto die ejus
pulli rudimentum, instar *nubeculae*,
cum saliente in medio vix conspicuo,
32. die septimo, motus in rudimento,
in ovo, 30. incubatio cicatriculam
mutat et dilatat, 243. gallinae viginti
aut duorum et viginti dierum curriculo,
absolvitur, 336. quare caloribus
artificialibus praeferenda, 234. ova
offuscat, 242. ova nonnulla ita mu-
ret, ut tertio die foetus primordia
exhibeant, quae in alio ovo die sep-
timo, tantum adfunt, si non putrescit,
et cur, 238. vitellum ut loco mutet,
243. in cacumen obtusum ovi pellit,
ibidem. et hinc chalazas ad latera
pellit, 244. turgescere facit vitellum,
et saporem illi gratum conciliat, ac
colorem, 245.

Incubationis dies sunt viginti, aut duo
et viginti, 336. dies primus quid in
ovo incubato mutationis inferat, 243.
dies secundus quid inferat, 243, 244.
dies tertius quid inferat, 245 et seq.
quartus, quid mutatum praebat, 248
et seq. illa dies, singulis fere horis,
novam mutationem exhibet, 248, 249.
ab hoc die, in decimum usque in ovo
incubato quanam eveniant, et quo
ordine, 257—261. illo quarto die
vegetabilis vita sit animalis, 249. 252.
tum linea purpurascens in limbo colli-
liquamenti, 249. punctum etiam sa-
liens minimis initiis, ibidem, 254, 255.
foetus futuri vix quid, praeter lineas
sanguineas, apparent, 251. colliqua-
mentum filis sanguineis distinctum
quid referat, 252. vesicula jam pul-
sans, duplex in ovis foecundis, 254,
255. quae duo puncta in aurículas

et ventriculos cordis forte abeunt,

255. *nubecula* sub finem hujus diei
adumbrans, puncta salientia, quid, ibi-
dem. hoc die, in ovibus quibusdam
adparent, quae in aliis quinto tantum,
261. dies quintus, quid mutationis
exhibeat, 252. 257 et seq. *cavitas ovi*
jam multo antior, tanquam quinta
pars ovi absumpta foret, 263, 264.
corpus pulli quale tum, 258, 259.
vermiculi, sive galbae, formam habet,
264. rudimentum tum ejus quale,
ejusque quales progressus, 261, 262.
sub finem hujus diei, vel initio festi,
venarum meatus umbilicum referant,
265, 266. caput in tres vesiculas dis-
tinctum, 265. sextus qualem pro-
gressum habeat, 266 et seq. *intestina*
et viscera conspicua, 266. sed
obscura adhuc, 267. albissima tunc
omnia, praefertim rostrum, 266, 267.
bullae tres capitis evidentiores, 266.
sub finem hujus et septimi initio, quid
conspiciatur, 267. 270. *intestina* fila-
menta, alba adparent, die sexto vel
septimi initio, 267. septimus, quid,
conspiciendum mutationis praebat,
270, 271. membra distincta et motus,
258. ab hoc die ad decimum quar-
tum quanam contingant, 274. ab
hoc die, ad decimum, cur transiliat
auctor, 270. decimus, quid praebat,
271, 272. plumescit pullus quoque,
258. decimus quartus ubi peractus
quanam contingant, 274 et seq. in-
testina nondum abdomine conclusa, fo-
ris pendent, 274. post hunc diem al-
buminis reliquum et vitellas, adhuc in-
corrupti, in ovo foecundo reperiuntur,
278. die decimo octavo, circiter in-
testina, cum vitello, huc illuc pellun-
tur, ut prolabantur aliquando, 275.
quanam mutationes contingunt, ad
exclu-

- exclusionis tempus, 275—279. vicesimo circiter respiratio, sonus, 258. vicesimo primo vel secundo, prodit pullus in lucem, 279.
- Infans in utero, quomodo situs, 541, 542. fugit haud aliter quam adultus, 459.
- Infundibulum, uteri gallinae pars, quomodo constitutum, 191, 192. ubi situm, 212. ejus naturae, et cui usui, 191, 192. vitellis ex ovario, in utero, secundum transitum praebet, ibidem. ex processu uteri gracilescens fit, 212. hocce torum complectitur ovarium, ibidem. uteri gallinae aboletur in effoetis, 213. ligamento donatum, ibidem.
- Ingluvies apum mel, floribus collectum, servat, donec in alvearia illud evolvunt, 209. avium, ubinam sita, ibidem. et ventriculus avium ut differant, 207, 208. ingesta praeparat et macerat, 207. regurgitat pro pullis, 209.
- Insecta fere omnia cor non habent, 77. quaedam pulsans aliquid intus habere videntur, ibidem. alia vesiculam quandam, vel auriculam, sine corde, sed raro pulsantem, et non nisi calida tempestate perceptibilem, ibidem. per caudam quare respirare videantur, 120, 121. ova pariunt sine mare, sed infocunda, 201. a feminibus inconspicuis, in aëre volitantibus, oriuntur plurima a putredine nasci credita, 337.
- Insula Bassae, vid. Bassae.
- Intestina in avibus, a parte ventriculi superiore oriuntur, 209. aërem interjectum habent, ibidem. et viscera, die sexto incubationis, conspicue, sed obscura adhuc, 266, 267. filamenta alba apparent, die sexto vel initio septimi, 267. die decimo quarto, abdomi-
- ne nondum conclusa, foris pendent, 274.
- Ira, ob inhibitam vindictam qualem singularem morbum, et singularem vasorum structuram produxerit, 127, 128.
- Jurisperitus immerito, a Spigelio reprehensus, 546.
- L**ABIA leporina, quare aliquando contingant, 508.
- Labrum podicis gallinae, superius describitur, ejusque usus in coitu, et alibi, exponitur, 192—194. palpebrae oculi superiori comparatur, 193, 194. ejus singularis forma, 194.
- Lac avium, idem ac albumen, 225. piscium quid, 189.
- Lacertuli in corde quid, 79. in quibusnam plures et fortiores sunt, 80. cur ab Aristotele nervi vocati, 83.
- Lapilli in ventriculo avium, vid. Calculi.
- Libido, quarundam avium summa, 205, 206.
- Lien, de ejus usu observatio, 76. in avibus nullus, 209.
- Ligamentum pro infundibulo, in gallinis, 213.
- Ligatura ad cor necessario, sanguinem regredi ostendens, 55, 56, 57. in corpore vivo quam varios edat effectus, 57. circuitum sanguinis ex arteriis in venas, et non contra fieri docet, 60, 62, 63. si decens fiat, omnem fere sanguinem ex toto corpore effundi, 63. mediocri et stricta quid, 57. quas mutationes, tum in arteriis, tum in venis, tum in sanguinis circulatione, producant, 57—60. stricta a mediocri, in effectu, ut differat, 59, 60. earum usus in medicina, 57. stricta ubi facta quid notandum praebeat, 58. quid ubi ea solvitur notandum, 58, 59. strictior in phlebotomia, cur saepe sanguinis

- fanguinis effluxum impediat, 64. frictior, ut in phlebotomia, ostendit nodos et tubercula quae a valvulis fiunt, 67 — 69.
- Limo intra limonem faepe reperitur, 219.
- Linea purpurascens in limbo colliquamenti, die quarto, apparet, 249.
- Lipothymia, a ligatura, in venae sectione, unde, 60.
- Liquor albus ovi, idem ac albumen, 225. colliquamentum candidum dictum quare, 246. foetum ambiens, vid. Aqua foetum ambiens, vel Humores uteri.
- Lochia, qualis humor sint, 565. corrupta intrus, quae symptomata accersant, 566. retenta febrim, et alia producta, quomodo expellantur, 566, 567.
- Lotium, vid. Vrina.
- Lues venerea, qua ratione totum corpus inquinat, 72, 73.
- Lupae, nomen meretricibus, cur impossum, 327.
- Luteum ovi idem ac vitellus, 226. intra intestina, ventre pulli, post multos dies, ab exclusione, adhuc reperitur, 75.
- M**ACVLA ovi, vid. Cicatricula. fit colliquamentum, vid. Colliquamentum.
- Mares libidine turgentes, quam gloriabundi, quam animo in pugnam proclives, finito hoc vitae officio, quam subito sedato fervore tumida vela contrahant, 301. post coitum cur tristes, gallus vero alacrior, 301, 302. avium quidam femine replentur, eodem tempore ac loco, quo foeminae ova concipiunt, 327. piscium foemellam parituram, ut ova femine adspargant, insequuntur, 335.
- Mas, foeminis pluribus sufficere potest, inter quaedam animalia, et inter alia contra, 326, 327.
- Matrix gallinae, vid. Vterus.
- Medicamenta externa, cur vires intro exercent suas, 73.
- Membra distincta, in ovo incubato, die septimo, 258.
- Membrana vitello data, quae ejus pediculum constituit, 190. describitur, ibidem. 217. tenuissima est, et separat vitellum ab albumine, 256. ea rupta, quid accidat, ibidem. 264. inde generationis frustratio, 256. 264. cicatriculae, quam tenuis incubatione appareat, 246. vid. Cicatricula, et Colliquamentum. nictatoria oculi avibus peculiaris, cui usui inserviat, 274.
- Membranae, aëre plenae, inter intestina avium, 209. foetum involventes in utero, an duae vel tres, 579. confer 570, 571. 576. ovorum, vid. Ovi membranae.
- Mense quarto gestationis cervarum, embryo qualis, 504.
- Mense Septembris, conceptus cervarum et damarum, quomodo uterum mutet, 496 et seq. mense Octobris, quomodo haec se habeant omnia, 498 et seq. Novembri quid contingat, 502 et seq. Decembri ut se habeat conceptus cervarum, 513.
- Menstrua, per ligaturas, cur sedentur, 64.
- Meretrices, quae sua corpora vulgant, 327.
- Mesometrium in gallinis ortu, substantia, fabrica, et usu mesenterio analogon, 213.
- Methodus in cognitione generationis adhibenda, 177 — 180.
- Montomeri Vicecomitis historia, 399, 400.
- Morisonus, HARVEI ad eum epistola, 620 — 626.

- Morsus serpentum**, qua ratione totum corpus inquinat, 72, 73.
- Mortis duo genera**, extinctio ob defectum, et suffocatio ob copiam, 56.
- Motus arteriarum**. vid. Arteriarum motus. cordis, vid. Cordis motus. musculorum, vid. Musculorum motus.
- Motus obscurus in sanguine**, auriculae dextrae, post auriculae quietem superest, 30. in ovo incubato, die septimo, 258.
- Mulier**, vid. Foemina.
- Musculi moti quomodo mutantur**, 23, 24. a quietis quomodo distinguendi, 24. musculorum motus et cordis, ut conveniat, 23, 24.
- NARDIVS** (Johannes) HARVEI ad eum epistola prima, 619—620. ad eundem altera, 627, 628. tertia, 633. pesti eandem causam tribuit, quam HARVEIVS generationi, 627.
- Nidus** (ovum sic dici potuisse) locus externus, in quo exclusum semen in foetum perficitur, 183, 184.
- Nubecula**, in ovo incubato, die quarto, sub finem adumbrans puncta salientia, quid, 255.
- Nutritamentum foetus in ovo illud est**, in quod venae diffeminantur, certo ordine; primum, colliquamentum, tum tenuior albuminis membrana, dein crassius albumen, ultimo vitellus, 272, 273.
- OBSTETRICVM** festinantium nimis, fatalis error, 553, 554.
- Oculi in ovo incubato omnium primo adumbrati**, 267. quinto die incubationis jam maximi, et nigredine distincti, 259. qui diu tales remanent, ibidem. in ovo cerebrum amplitudine excedunt, 267. confer 259. cur tamen minores videantur, 259. in oviparis majores quam in viviparis, 506. confer 259. horum pupilla, scintillae instar, fulget, 260, 261.
- Oculus ovi**, vid. Colliquamentum. seu colliquamentum in conceptu cervarum, qualis et quando, 504, 505.
- Orificia**, in podice gallinae, tria, vid. Foraminula.
- Orificium uteri**, vid. Vteri orificium.
- Ossa conceptus primi**, post superfoetationem ejecta, 547, 548.
- Ova araneorum**, quomodo ab iis gerantur, 188. astacorum pinnis adhaerent, ibidem. Cassoware avis qualia, 201. centenina, coloris unius et imperfecta, 318, 319. vid. Ovum centeninum. cochlearum in spuma reponuntur, 188. concipere in volucribus, sine mare, perinde est ac viro maturam esse in puellis, 202. aliud est aves ex coitu concipere, aliud ova foecundari ex coitu, 204. cynosura quae, 233. cur sic dicta, 257. cyprinorum et mugilum botracha dant, edulii genus, 188. gallinacea in ovario eorum rudimenta, congeriem papularum referunt, 186, 187. descendunt per infundibulum, ex ovario, in uterum secundum, 191. et inde in inferiorem, 214. 299. differentiae eorum trium generum sunt; alia nempe foecunda sunt, alia irrita; alia marem, alia foeminam productura; alia ex cognati generis parentibus, alia ex diversis oriuntur, 237, 238. differunt quoque quod sint alia recentia, alia requieta, et quomodo distinguenda, 229, 230. diebus canicularibus, quare facile corrumpantur, 257. foecunda tantum sunt perfecta habenda, 204. ab irritis et cynosuris quomodo dignoscenda, 235. foecunda evadunt congressu galli, 203, vid. Coitus. an ab uno aut altero coitu, omnia, unius anni, foecunda reddi possint, 206.

- Ova gemellifica quænam, 237. confer 282, 283, 284. pullos gemellificos pariunt, sed qui cito intereunt, 237. confer 283. 285. hybrida quænam, 237, 238. hypenemia, 201. 232. improlifica, vid. Ova infoecunda. infoecunda quæ sine mare concepta et parta, quod fit aliquando a gallinis, ab infectis plurimis et piscibus, 201. 232. confer 318. quædam forinfecus prolifica fiunt, ut piscium, 318. subventanea a mulieribus quoque ejiciuntur, 576. et corrumpuntur illo die, quo punctum fauens in prolificis apparet, 254. ergo die quarto vel initio quinti, ibidem. idque eo loco quo ova prolifica generationem auspicantur, ibidem. irrita et subventanea, vid. Infoecunda. a foecundis quomodo dignoscantur, 235.
- Ova magnitudine ut differant, 236. plura et majora, ex pabuli bonitate et abundantia, non tantum ex coitu, 205.
- Ova numero varia variæ gallinæ pariunt, 235. perfecta sunt quæ foecunda, 204. et imperfecta quænam, 478, 479.
- Ova quorundam oviparorum extra corpus, vel perficiuntur, ut piscium; vel concoquuntur, ut cochlearum, et caetera, 188.
- Ova, in ovario non perfecta, 189. vitellos ibi tantum habent, ibidem. ita disposita in gallinis, ut singulis diebus priori succedat alterum, ibidem. prius candida, adaucta, flava conspiciuntur, 186. gallinarum diversæ sunt magnitudinis, aliter ac in piscibus, ranis, crustatis, et caetera, 187. magnitudinis licet variæ, simul tamen videntur a gallo virtutem prolificam accipere, 336. nondum inchoata quidem coitu foecunda redduntur, 305. columbarum aequalia, exceptis duobus, primum incubandis, 187. revolvuntur in nido ad pulli commodum a gallina, 235. scarabaeorum in fimo reponuntur, 188. squillæ, gammari, astaci, pinnis adhaerentia circumferuntur, ibidem. quod ex sturionum ovis salitis fit, caviaro dicitur, ibidem. subventanea quæ, 232. vid. Infoecunda. Syraculis potatorem quendam potare solitum esse, donec ova excluderentur, 233.
- Ova tardiora quædam aliis, quare, 238. ingentia etiam transeunt per vulvam, ex utero, quamvis trajectus, adeo implexus, ut nec stilo, nec feta, via intrus reperiri potuit, nec, Fabricio teste, inflatus aer in uterum penetrat, 202.
- Ova, tempore diverso parta, eodem tamen die incubationis foetus excludunt perfectos, 336. ova urina quæ, 233. vid. Ova infoecunda. zephyria quæ, ibidem, vid. Ova infoecunda.
- Ovarium, infundibulum, processus uteri, five ejus pars superior avium describitur, 184. 191, 192. 212, 213. nulum est, nisi postquam gallina concepit ova. 187. uterus superior gallinæ, 184. describitur juxta Fabricium, 187. et infundibulum gallinæ destruitur in effoetis, 213. astacorum intus granulatim compactum, rubrumque reperitur, 188. in avibus minoribus fere nullum, sed ejus loco quædam bullæ, 189. gallinæ ubinam situm, 184. 186. ova perfecta non continet, sed horum rudimenta et vitellus tantum, 189. piscium, testiculis aut vesicis feminalibus analogon et granulis repletum, 188, 189.
- Ovi albumen, vid. Albumen. cortex vid. Cortex ovi. exitus, 215. figura, ovalis ab utero videtur impressa, 211. incrementum, 215 et seq. membrinæ tres quænam, 217. et quid de iis fiat, cum pullus excluditur, 474. testa,

- testa, vid. Cortex. vitellus, vid. Vitellus. oviforme primordium omnium animalium in utero inest, 485.
- Ovipara animalia quorum ova duriore cortice obducta, urinam eodem modo ac aves, hypostafi argentei coloris copiosa refertam habent, 210. haec urina in ureteribus, lac coagulatum refert, 210. cito in crustam, extra corpus concrefcit, ibidem. extra parentem in foetum perficiuntur, 183. quaedam ovum servant, donec maturum, alia semen immaturum excludunt, et quaedam, ibidem. et vivipara, ut differant, 182, 183. differunt quod in viviparis, uterus sit intra animal, 278, 279. cur quaedam, et cur vivipara alia, 484.
- Ovorum figura, magnitudo, numerus considerantur, 461 et seq. primordia in ovario perquam exigua, instar papularum, milii femine minora, alba, aquea, unde fiant vitelli qui albumine cinguntur, 321 confer 336. vitellus quid utilitatis inferat, 463—473.
- Ovum ab auctore describitur, primo in generationis historia, et cur, 181, 182. quid sit ovum, 285 et seq. principium simul et fructus, 285. est etiam medium quid, ibidem. atque etiam sperma, 286. generationis principium in ovo, an sit innatum an inditum, 289. an ovum sit pars matris, 290. non vivit anima matris, 292. quomodo generetur, 214. calore quolibet excluditur, 233. 280. cavitatem semper in obtusa parte habet exigua, 217. 228. 242. quae cavitae haeret intra membranam exteriorem liquorum, et testam, ubi haec membrana destituitur, 228. augetur tempore, calore, sed statim ab incubatione plurimum, ibidem, 242. 244. et augetur magis secundum ovi longitudinem, quam latitudinem, 242. minor, ubi ovum recens, quam ubi requietum est, illa cavitae, 228. 230. die quinto incubationis ita adaucta haec, tanquam ovi pars quinta absumpta foret, 263, 264.
- Ovum centeninum quid, et quare ita appellatum, 236. an a gallo, et an basiliscos producat, ibidem. differt ab alio ovo, tantum quod vitello careat, secundum Fabricium, 236. duplex enim habetur, sine et cum vitello, quorum illud vere centeninum, ibidem. ultimum esse gallinae ovum, quae centum ova jam peperit, putat vulgus, ibidem.
- Ovum in cloaca ani avium incrustari materia gypsea ibi delata, olim credit HARVEIUS, sed erronee, 223. confer 222. in columbis duplex duntaxat, in unum partum e racemo excrefcit, quorum unum in marem, in foeminam alterum evadit, 297, 298. conceptus proprie est in viviparis, 285. 507. et conceptus quomodo congruant, 483, 484. 511, 512. corticem et membranas in utero extremo affumit, 214. molle et sine testa aliquando nascitur, 224. figura sua an indicet, num mas, num foemina, ex eo producat, 231.
- Ovum foecundum quale sit, 233. foecundum non evadit sine gallo, 299. 302. ex ambobus parentibus oriundum, 302. tum plantarum semini est analogon, ibidem. continet omnia, a quo pulli generatio pendet, ut modo fotu et tutela, in incubatione indigeat, 233. hinc gallinae ovum a quacunque ave, modo justae fuerit magnitudinis, imo, calore quocunque blando excluditur, ibidem. hinc fimo terra obruto,

- ruto, clibanis, et hypocaustis excludi quoque solet, ibidem. 280. nihil in ovo foecundo reperitur mutatum (quod idem in subventaneo non fit) quo galli semen uterum subintrasse constat, 203. incubatum post diem decimum quartum, albuminis reliquum et vitellum incorrupta habet adhuc, quae in ovo infoecundo fuissent corrupta, 278.
- Ovum a gallina datur, gallus ut foecundum fit efficit, 299—301. 308, 309. 318. 323, 324. gallinae utero non adhaeret, 214. nec ab utero augetur, sed ex principio innato, 215. confer 299. gallinae ejusdem, semper magnitudinis et figurae ejusdem est, vel, si quae differentia, vix, nisi exercitatis, innotescit, 231. gallinaceum perfectum, est bicolor, luteo nempe et albumine constans, 318. et cur, 319, 320. quam causam Aristoteles attulit, cur aliqua bicolora, alia unius tantum coloris sint, 319. unum ab altero differt aetate, 229, 230. figura, 230. foecunditate, 232. incubatione, 236. magnitudine ibidem. cur ab ovo gallinaceo, reliquis etiam ovis, documentum sumitur, 482. gemellificum duplex, non simplex, censendum, 285. confer 237. 282, 283. describitur unum, 237. 282, 283.
- Ovum unum imbecillius altero, 270, 271. confer 238. 254, 267.
- Ovum incubatione offuscatur, 230. unum differt adeo ab altero, ut illud tertio die, jam focus primordia, hocce septimo die tantum habeat, vel aliquando corrumpatur, et cur, 238. confer 254. 267. 270, 271. incubatum suavius sapit quam requierum, atque etiam post diem decimum quartum; vitellus ejus grati saporis est, 230.
- Ovum infoecundum, perfectum dici non potest, 305. fit, si non fuerit ante, ubi fit liquorum commixtio, rupta tenui tunica vitelli, 264.
- Ovum intra ovum contentum aliquando, 219.
- Ovum unum mutationes in incubatione longe citius altero exhibet, 238. confer 254. 267. 270, 271. in ovarii racemo per vasa alitur, sed non in utero, 216. confer 290. in oviparis, conceptus dicitur in viviparis, 507. confer 483, 484-511, 512.
- Ovum partes diversas quot habeat, 217. polline quodam obductum, si recens, si requierum, laevigatum, 230. primum commune omnibus animalibus, 476. confer 182. unum provectius multum altero, 270, 271. confer 238. 254. 267. pullum unicum ut plurimum continet, 285. aliter duplex, non simplex censendum, ibidem. confer 237. 282, 283. pullum continens aquae innatat, 276. plantarum femini analogon, 483. confer 182. recens a requieto, ut differat colore, et aliis signis, 230. sudat recens, si ad ignem positum, ibidem. saltat et volutatur in nido motu pulli, 235. saxo affixum in insula Basse, 223. serpentis, cortice caret, 218. subventaneum sine galli opera generatum, 318. confer 202, 203. transit per viam eandem (podicem nempe) ac urina et faeces transeunt, 194, 195. in vitellario matris per pedunculum adnascitur, 290. et ibi per vasa alitur, sed non in utero, ibidem. 214. uterus pulli quasi foris expositus, 285. 562.
- Ovum in utero, non modo galli coitu foecundatur; sed papulae in ovario, ipsae virtute feminis galli, foecundae redduntur, 326. 329. quoddam semper

per continetur, vel in utero, vel in processu ejus, 212. in utero gallinae digitis percipi potest, 211.
Ovum viperae molle et unicolor, 552.

PALPEBRA superior velabro podicis avium comparatur, 194.

Papiliones ova concipiunt, et pariunt, sine mare, sed infoecunda, 201.

Papulae ovorum primordia, 326. 336. sunt milii femine minores, 336. non omnes simul crescunt, sed alia post aliam, 297. quae primum sese a reliquis separat, de papula alba fit vitellus, ibidem. postea cingitur albumine, 321. femine galli foecunda fiunt, 326. 329. 330. ita ut mox in formam coeuntis maris abiturae sint, 298. in columbis, et aliis nonnullis, e racemo, binae tantum excrescunt, quarum una, ut plurimum, in marem, altera in foeminam evadit, 297. 298.

Parri (Thomae) anatomia, 607—610.

Parturiens mulier comatosa, quomodo liberata, 554. 555. cui vagina concreta quomodo liberata, 557.

Partus naturalis quid, et quomodo contingat, 541 et seq. imminens quibusnam signis dignoscitur, 542. 543. appropinquans ex orificio uteri dignoscendus, 456. temporis respectu in foemina, a septimo mense ad decimum, et ultra, 543. 547. quinto mense contigisse visus, 545. 546. alter sexto mense, 546. decimo sexto mense alter, 546. post decimum quartum mensem alter, 547. quarum partium actio est, 554. 555. expetit operam tum matris, tum foetus, 553. foetus opera in pluribus animalibus fit, 555. foetu mortuo, vel languido, difficilis fit, 555. 557. 558. caput, ubi primo exit, fit opera foetus; uteri vero ope,

si pedes praecedunt, 555. 556. maxime naturalis, ubi conceptus integer, cum membranis illaesis, excluditur, 552. 553. remorari potest osse coccygis, 456. acceleratus nimis periculi plenus, 553. 554. quo diutius retinetur, felicius procedit, 554. non naturalis in duo genera distingui potest, ibidem. post partum animalia quaedam illico coeunt, 565. 566.

Passiones animae sanguinis circulationem mutant, 129.

Pedes et alae, in ovo incubato, die sexto protuberant, 265. 266.

Pediolus vitelli, vid. Pedunculus.

Pedunculus vitellorum describitur, 190. 191. 229. unde, et cui usui, 190. 229.

Penis anatis ingens admodum, 197. galli deficere videtur, 197. 198. 325. ejus loco quid substituatur, 326. struthionis qualis, 197. talpae qualis, 198.

Phasianus, foeminas coitu adeo delassat, ut, nisi plures habuerit, foecunditatem impediat, 205. 206.

Pisces cor coniforme habent, 23. et unum tantum ventriculum cordis, 29. aërem in abdominales veficas attrahunt, 185. ova concipiunt et pariunt, etiam sine mare, sed infoecunda, 201. confer 318. in veficis duabus oblongis gerunt, 188. ova in ovariis, magnitudinis ejusdem habent, 187. praeter ovarium in iis nulla alia pars generationi dicata est, 188. cur utero non indigent, 188. 189. veficam urinariam habent aliquando, 196. mares femine replentur, eo tempore ac loco, quo foeminae ova concipiunt, 327. semen in aquam spargentes magnam ovorum congeriem foecundam reddunt, 329.

Piscium bronchiae fistulam e corde accipiunt, 26.

Placenta

- Placenta describitur, 582 et seq. ex utero, ubi non beneeducta, quae mala produci solent, 553. 566.
- Plant-animalia quatenus sint, 32. 77, 78. cor non habent, 77.
- Plantae omnes, ex nutrimento communi, diversimode alterato, oriuntur, 353.
- Plicae uteri, seu cellulae multiplices, in utero gallinae praegnantis, ex ejus replicatione constituuntur, 211. uteri avium et spirae viam aëri retrorsum ad uterum occludunt, 212, 213. et processus liquore albuminis saporem referente abundant, 214. confer 212. abolentur in gallinis effectis, 213.
- Pluviam motum superiorum aemulari Aristoteles dixit, 48.
- Plumae in ovo, quomodo et quando apparere incipiunt, 258. 274.
- Podex gallinae, duobus labiis munitus, quae describuntur, 192, 193.
- Potatur a Syracusano quodam, dum ova excluduntur, 233.
- Primordia omnium animalium, praesertim sanguineorum, galbam referunt, 265. ovorum sunt papulae, et sudamina milii femine minora, 336.
- Processus uteri avium, seu uteri pars superior, uterus secundus Fabricio, tum et ovarium infundibulum, quoque describitur, 211 et seq. spiras tres ut plurimum habet, 212. inflatus, seu contortus tubulus apparebit, 212, 213. venis multis amplius scatur, 212. in infundibulum terminatur, ibidem. ovis raro privatus, 212. aboletur in gallinis effectis, 213. ovario absumpto flaccescit in membranam, quae nihil continet, 236.
- Pollen ovum recens obducit, 230.
- Pittacus, HARVEI libidinosus, moritur ob ovum in utero corruptum, 198, 199, 200.
- Puellis maturam esse viro, perinde est ac in volucribus ova concipere sine mare, 202.
- Puerpera enixus, posteros dictos, unde habeat, 566, 567.
- Pulli carina, vid. Carina pulli. incrementum in ovo ex gutta sanguinis palpirante, 30. 32. rudimentum, vid. Rudimentum pulli.
- Pulli gemelli non vitales, sed cito pereunt, 237. ex ovis generantur, sive fotu avium, sive alio calore quolibet blando, 233. 280. quare tamen matris incubatio potius desideranda, 234.
- Pullus ex colliquamento oritur, 246. 260. in eo natat primo, 246. 273. in obtuso ovi angulo primordium habet, nutritur. 227. ex colliquamento ab initio. 246. 273. deinde ex albumine et vitello, ut docet venarum decursus, 273. confer 260. et 344. eum ex vitello generari putarunt antiqui, sed erronee, 226. 343. 344. nec etiam ab albumine solo constituitur, sed materia constitutiva, tam a vitello quam ab albumine suppeditatur, et colliquamentum videtur, non minus e vitello, quam albumine confari, 319. cibum per vasa umbilicalia mutuatur, 266. partes singulas ex albumine habet, 220. intra diem quartum et decimum corporatur, et quibusdam cum circumstantiis, et quoniam ordine, 259—266. die sexto sese movere incipit, 266. galba tum denique perfecta est, tamen ab erucis in quibusdam differens, ibidem. vid. Incubationis dies sextus. die decimo albus et pellucidus est, praeter oculos et venarum ramos, 271. vid. Incubationis dies decimus. die decimo octavo, adhuc supra vitellum decumbit. absumpto colliquamento, 276. vid. Incubationis dies decimus octavus. die vicesimo

- feno primo vel secundo prodit in lucem, 279. plumis quandonam vestitur, et quomodo prodeant, 258. 274. 275. fanguine proprio gaudet, 313. situm qualem habeat ubi perfectus, 276. caput intra alam tenet dum dormit, 281. respirat, et vocem edit, etiam intra ovum, 278. calcitrat, pippit, ovum saltare facit ante exclusionem, 235. excrementa in intestinis qualia habeat, 276, 277. faeces excludit, et quales ante exclusionem, ibidem. frangit corticem ovi non mater, 279, 280, 281. jam natus, vita perfectiore fruitur, quam reliquorum animalium foetus, 278. monstrosus ex ovo gemellifico, qua ratione procreari possit, 283.
- Pulmones aërem in cor non transmittunt, 16, 17. ipsorum ad sanguinem usus, 118, 119.
- Pulmones avium costis sunt affixi, et in abdomen penetrant, quod ultimum, HARVEII inventum, 185. via ad respirationem potius sunt, quam hujus adaequatum organum, ibidem. confer 209. ante jecur et cerebrum apparent, 266. in ovo die sexto apparere incipiunt, sed alba adhuc, ibidem 267.
- Pulsus in arteriis est impulsus sanguinis, a corde, 25, 26. 34. 85. celer et respiratio tardior in febribus quibusdam, atque in pueris, 14. non sentiri contingit, si cor languet, 86. puerorum celer et frequens semper, ibidem. varietates unde habeat, 26, 27.
- Pulsus cordis quot una semi-hora, 51.
- Pulsus et respirationis eundem esse usum, Galeni est error, 9.
- Punctus albus in vitello evanescit, priusquam punctus faliens discerni queat, 250.
- Punctum faliens minimum vix conspicuum in ovo, quarto vel quinto incubationis die, 32. mutatur deinde in auriculam, 83, 84. die quarto quomodo apparere incipiat, 248, 249, 250. 254. 258. et hoc in colliquamenti centro, 250. 352. de eo Aristoteles quid perceperit, 250. 252. Fabricii error, 249, 250. Volcheri Coiteri error, 250. in cervis quandonam appareat, 508. Carolo regi videndum exhibetur, 506. in aëre frigidus languet, calore vigorem recuperat, 253. an sanguine antiquius ambigitur, 269. confer 251. qua ratione mutetur in embryonem, 506. arteriam et venam continet in initiis, 250. ex quibus vasa umbilicalia prodeunt, ibidem.
- Punctum et sanguinem primo existere, pulsationem postea accedere, 251.
- Pupilla oculi in ovo quandonam distinguitur, 274. die quinto, scintillae instar, effulget, 260.
- Pus empyicorum, cum urina vel faecibus, quomodo expellitur, 18.
- Putamen ovi, vid. Cortex.
- Putredo infecta non producit, quorum femina in aëre inconspicua, 337.
- R**ACEMVS ovorum integer, et omnia unius anni ova, an uno, alterove coitu, foecundari possint, 206. confer 326. 329, 330.
- Radii solares per vitrum transmissi, et in conum uniti, ignem confestim excitant, 338.
- Raia foetus vitales excludit, binos semel tantum, 188.
- Ranabotolli Italici quid, 266.
- Ranae, in corde, unum ventriculum habent, 29. respirant aestate vehementius, et quibus organis, 185. ova in ovariiis habent ejusdem magnitudinis aequae ac pisces, secus ac in gallinis, ubi

ubi varia vitellorum incrementa, 187.
 Ranulae sub finem Junii ex gyrinis, 266.
 Renes avium, quales et ubi, 209.
 Respirationis et pulsus eundem esse usum, Galeni error, qui refutatur, 9, 10.
 Respiratio tardior, et pulsus celer, in febribus quibusdam, 14.
 Respiratio in cauda apum et crabronum, 82.
 Respirare per caudam, quare infecta quaedam videantur, 120. de respiratione tractatum promittit auctor, 82. in avibus datur, licet pulmones costis sint affixi, 185. in ovo incubato gallinae die vicesimo adest, 258.
 Riolanus, auctoris ad eum exercitatio prima, 91—137. altera, 109—141. experimento altercationes ejus jugulantur, 613, 614.
 Rostrum pulli in ovo, sub finem diei sexti, vel initio septimi, aperiri potest, 267.
 Rudimenta pulli in colliquamento candido prima, 246.
 Rudimentum pulli, die quarto vel quinto, quale, 258, 259. hocce carinam vermiculi hujus magnitudine superat, 261.

SANGVIS, spatio semihorae, ex universo corpore hauriri potest, arteria vel minima dissecta, 11. confer 52. non ita, si vena aperta fuerit; et quare, 53. arterias distendit impulsu suo, 13. quod apparet ex eo, quod ex arteriis profluit cum impetu in earum diastole; non in systole, ibidem. ex corde dextro in sinistrum per septum medium non transit, 17, 18. deducitur e venis in arterias per cordis ventriculos, 34. e vena cava, cordis pulsu, in arteriam magnam transfunditur, 41. in embryone quomodo cir-

culetur, 40, 41. confer 38 et 79. in adultis e dextro ventriculo per venam arteriosam in pulmones, et inde per arteriam venosam in sinistram auriculam, et subinde in ventriculum cordis sinistrum permeat, 42. 48. copia quam transeat per cor, e venis in arterias, 47, 48. 50, 51, 52. e corde per arterias, in habitum corporis protruditur, 48. 635. in venam cavam per venas, et inde in auriculam dextram vehitur, 48. cordis pulsu movetur, perficitur, vegetatur, etc. 49. continue et aequabiliter in quodcumque membrum pulsu arteriarum impellitur, majori copia, quam nutritioni sufficiens sit, 50. per venas ab unoquoque membro perpetuo retroducitur ad cordis locum, ibidem. per arterias et venas, in mortuo apertas, ultra partem mediam elici nequit, 54. pertransit in arterias majori copia, quam ab alimentis suppeditari possit, ita ut necesse sit circuitus fiat, et sanguis regreditur, 54. 63, 64. confer 48. 635. ligaturis regressus ille constat, 56, 57. per arterias in quodcumque membrum ingreditur, et per venas remeat, 56. in corde et thorace, ex venis transit in arterias, 57. et in extremitatibus per anastomoses, ex arteriis in venas, 57—60. ab arteriis in venas fluit, non contra, 62, 63. in extremitatibus quoque id fieri, ligaturae docent, 60. 62. ex una vena aperta, tota ejus massa exauriri potest, si fiat decens ligatura, 63. copia qua transit, quomodo supputanda, 50, 51. 63, 64. in cor redire debet, ne, longe amandatus a suo fonte, coaguletur, 70. arteriosus a venoso ut differat, 113 et seq. per foramen majus aut minus profluens, qua ratione differat, 114 et seq. per
 4 Q venas

- venas a corde non elongatur, 121. per venas omnes ad cordis basin procurrunt, 126. per anastomoses ex venis in arterias, non retrogreditur, 141. an ante pulsationem in puncto saliente existat, 251. 269. in ovo die quarto apparet, 258. videtur dari antequam quidquam reliqui corporis existat, 263. ante hepatis ullum vestigium, 269.
- Sanguinis circulatio, vid. Circulatio sanguinis.
- Sarcosis, vid. Tumores et hernia carnosa.
- Scarabaeus ova in fimo deponit, 188.
- Secundae cui usui, 590.
- Sedimentum in urina avium, an ex eo cortex ovi fiat, 224. confer 222, 223.
- Semen galli, dicitur quasi testamentum galli, cujus ultima voluntas valet, 238. gallinae uterum in coitu non ingredi videatur, 308, 309, 310. faltem, quae via transeat, non perceptibile, 202, 203. pro eo chalazae in ovo falso habentur a mulierculis, 227. tantae virtutis est, ut non modo ovum in utero, sed papulas in ovario foecundas reddat, 326. integrum ovorum racemum, omniaque illius anni ova, uno atque altero coitu, foecunda reddere posse videtur, 206. confer 329. quomodo emittatur, cum gallus pene careat, 325. an repetitis ictibus prodeat, et subfultim, ibidem. non ita videtur, cum coitus celeriter peragatur, ibidem. et quae animalia diutius in complexu venereo haerent, rarius coitum repetunt, 326.
- Semina in aëre inconspicua quam plurima, unde infecta oriuntur diversa, 337.
- Septum cordis, vid. Cordis septum.
- Septum medium, vid. Diaphragma.
- Serpentum morfus, quomodo totum habitum vitiant, 72.
- Serpentes aërem in vesicas abdominales attrahunt, 185. vasa spermatica qualia habent, 189. et aves vesica cur careant, 195, 196.
- Siegelius (Paulus Marquartus) HARVEI ad eum epistola, 613—619.
- Sperma galli, vid. Semen.
- Spirae uteri gallinae, vid. Plicae.
- Spiritus in sanguine et corpore, a medicis olim positi, non agnoscuntur ab HARVEIO, 115—119. fed quales considerandi, 117, 118. calorem potius a sanguine accipiunt, quam ut ab iis sanguis incalescat, 118. quot species eorum constituere medici et scholastici, 116, 117.
- Squilla cordis motum conspiciendum praebet, ob pelluciditatem, 32.
- Squillae ova pinnis adhaerentia circumferunt, 188.
- Stamina naturae in alta nocte latentia, subtilitate sua, non minus ingenii quam oculorum aciem eludunt, 239. corporis pulli prima conspicua, venas esse quibus reliquae partes superadditae, 269.
- Stercus et urina, in avibus, tanquam e communi cloaca egeruntur, 193, 194, 195.
- Struthio, pene donatus grandi est, et magna cum voluptate coit, 197. foemina in libidinem accensa, quomodo vulvam detegat, 193. et cygnus diutius in complexu venereo haerentes, rarius coitum repetunt, 326.
- Sturionum ova salita caviaro dant, 188.
- Superfoetatio ancillae cujusdam, 547. singularis, post quam ossa primi conceptus rejecta fuere, ibidem. 548.
- Symptoma febrile exponitur, 73.
- Symptomata hysterica ab injectione vituli oborta, 568.
- A Syracusano quodam potatur, dum ova excluderentur, 233.

Systole et diastole cordis quid, 24. cordis et arteriarum non ad refrigerandum sanguinem sufficit, 9, 10.

TADPOLES, Anglis quid, 266.

Talpa, ubinam penem habeat, 198.

Testa, vid. Cortex.

Testiculi galli, ubinam siti, 184.

Timor haemorrhagiam cur sedat, 54.

Tumores ligatura quomodo tolluntur, 57.

Tunica, vid. Membrana.

Tunicae, arteriarum facultatem pulificam non habent, 13.

Tympanitis, ab anafarca quomodo distinguenda, 124, 125.

VAGINA uteri in cervix et damis, 488, 489. in gallina, vid. Vulva gallinae.

Valvulae in arteriis nullae, 65. venarum in locis quibusdam duplices, quomodo constitutae, et cui usui, ibidem et seq. mitrales, vid. Tricuspides. semilunares vel sigmoides, ab H.F. ab Aquapente primo delineatae, 65. quales sint, ibidem. frequentiores conspiciuntur, ubi divaricationes, 66. quamvis etiam positae sunt, ubi nullae divaricationes, ibidem. earum usum rectum nec inventor affectus est, nec alii addiderunt, 65. qualis verus usus earum sit, 66. officium idem est ac sigmoidum trium, quae in orificio aortae reperiuntur, 67. semilunares tres in orificio venae arteriosae, 14, 15. 44. tricuspides, ubi, quot, et cui usui, 81. tres dextri ventriculi, cui usui, 14, 15.

Vasa in foetus corde, aliter quam in adultis 38. praeparantia in gallina nulla, 186. umbilicalia quasi duo in ovo, 75. quarto die incubationis, qua ratione incipiant, 252. sexto die ad

finem, vel septimi initio, pulsare videntur, 270. post diem decimum quartum quomodo apparent, 274. quinque post decimum quartum qualia, 275. in albumen pariter ac in vitellum diffeminantur, 344. in utero viviparorum describuntur, 586 et seq. in omnibus animalibus haud eodem modo dividuntur, 588. diversitas juxta animalia, 588, 589. cui usui inserviunt, 589, 590. funiculum componunt, nodosum aliquando, et quare 588. in hepar inferuntur, vel saltem, illud pertranseunt, 75. 274. 586. 588. 625.

Vmbilicus ex venis, jam die quinto vel sexti initio, 266.

Velabrum podicis gallinae, vid. Labrum.

Vena arteriosa proprie arteria est, 33. in systole dextri ventriculi pulsatur, et dilatatur cum reliquis arteriis, 25. de ea ligata (una cum arteria venosa et aorta) in corpore strangulato experimentum, 613, 614.

Venae, vasa et viae sunt quibus sanguis regreditur in cor, 56. vasa sunt differentia sanguinem ab extremitatibus ad centrum, 64, 65. ab arteriis differunt crassitie tunicarum, et cur, 85. sed in ultimis disseminationibus ipsarum, vix alter ab altero internoscitur, ibidem. 13, 14. non differunt in quibusdam animalibus, 13. sanguinem eundem continent quem arteriae, 12. quid patiantur a ligatura, tum mediocri, tum stricta, 57 — 62. infra ligaturam turgent, et quare, 59. vid. Ligatura. in cadaveribus multum sanguinis habent, arteriae parum, 53. sanguinem a corde non ducunt, 121. absorbentes in cute, eo modo ac lacteae in intestinis exsugentes, 73. jugulares abscissae, quid de circulatione docent, 126. in puncti salientis initio, 250.

- die quinto in ovo quomodo augeantur, atque in albumen et vitellum distribuuntur, 264. confer 261—263. stamina corporis prima conspicua, quibus reliquae partes superadditae sunt, 269. et arteriae in ovo jam decimo die distinguendae, 272. umbilicales in tunicam extimam albuminis diffeminantur, et in vitelli tunicam, et per ipsum sparguntur, 260. confer 264. lacteae ab HARVEIO observatae, priusquam Afellius librum suum vulgasset, 621.
- Venatores, cervum cornibus deciduis, unum ab altero dignoscunt, 232.
- Venena, exterius applicata, quomodo totum corpus inficiunt, 72, 73.
- Ventriculi (et auriculae) cordis, qua ratione, moriente animali, sese moveant, 28, 29. sanguinem accipiunt ab auriculis, huncque in arterias protrudunt, 33. in embryone non tanta est ipsorum differentia, ac in adultis, et quare, 79. in quibusdam animalibus laeves, in aliis fibris carnis referti, 80. laeves absque villis, aut valvulis, ubi fuerint, ibi arteriae a venis vix differunt, 86, 87. dexter quasi famulatur sinistro, et tenuiori triplo pariete est, 79. unus tantum quibusdam animalibus, 37, 78. et horum animalium major numerus, quam quae duos habeant, 38. sinister per se cor efficere videtur, 79. quibusdam animalibus sinister fibrosus, nexus habet, dexter vero intus levis est, 80. quare sinister ventriculus robustior dextro esse debet, ibidem.
- Ventriculus avium situs in abdomine, infra jecur, 209. ex duobus crassissimis et robustissimis musculis compactus, 208. et ingluviens ut differant, 207. in eo edulia in chylum transeunt, ibidem.
- Ventris avium anatome, 207 et seq.
- Vermipara animalia quatenus, 182.
- Vesalii argumentum de motu cordis refellitur, 24, 25.
- Vesica urinaria in avibus et serpentibus, cur opus non sit, 196. in piscibus quibusdam deprehenditur, ibidem.
- Vesiculae pulsanter, vid. Puncta salientia. numerosae in bufonibus ac ranis respirationi inservientes, 185.
- Vespae foetus, evomendo assumpta, nutriunt, 209.
- Vipera ovum suum molle, cum foetu maturo, quomodo excludat, 552.
- Viperinos catulos, ex eo matris utero, nasci, fabula unde orta, 556.
- Virgo caudata, 194.
- Virgulae carnosae in corde, vid. Laceruli.
- Viscera avium aliter constituta, quam in pedestri animalium genere, 207. in ovo die sexto conspicua, sed obscure adhuc, 266, 267. a die decimo quarto abscondita latent, intra ventrem pulli, 274.
- Vita pulli in ova ante quartum diem plantarum aemula videtur, 258. quarto die fit transitus ad vitam animalis, 249, 258.
- Vitelli in ovario a parvulo initio incipiunt, 191, 214, 321. tum candidi, paulatim incrementum et flavi fiunt, 191. foli in ovarii reperiuntur, et nullo albumine cincti, 189. confer 299. tunicam quandam ab ovario mutantur, quae eorum peduculus, 190. cui usui hic inserviat, 190, 191, 229.
- Vitellus in ovarii racemo, qua ratione differat a vitello ovi perfecti, 216, 217.
- Vitellus in ovario non verus vitellus (nec albumen etiam), sed compositum potius ambos liquores permixtos continens, et colore quidem vitellum

- sem referens, consistentia ad albumen accedens, 322.
- Vitellus e racemo solutus, ex ovario, per infundibulum descendit in uterum secundum, qui albugineo humore abundat, et inde in uterum inferiorem ubi perficitur, 214. 299. in plicis et cavo uteri albumine cingitur, 214. e racemo vivente gallina diremptus, dulcius fapit crudus quam coctus, 230.
- Vitellus ovi perfecti describitur, 226. ejus synonyma, ibidem. duplex in ovis gemellificis, 237. 282, 283. ut differat ab albumine, 226. duobus albuminibus cingitur, 225, 226. ex eo pullum nasci putarunt antiqui, 226. igne non spissatur nisi peruratur, ibidem. sed frigore densatur, ibidem. tunicam propriam habet, 217. hacque ab albumine distinguitur, 256. nectitur cum albumine grandinum ope, 242, 243. primo incubationis die in albuminis centro haeret, 243. secundo die versus cacumen obtusum affurgit, ibidem. vidit HARVEIUS aliquando hoc non fieri, sed raro contingit, 244. ab albumine cur difficile fecedat, 243. incubatione turgescit, 245. 272. et colorem, et saporem, quam in recenti ovo habuit, recuparat, 245. eodem tempore quasi duplex conspicitur, 256. 272. et pars superior inferiore liquidior, 272. habet in tunica sua ramos unius venae umbilicalis, 260. incubationis die decimo ut se habeat, 272. hucusque nutritioni non inservit, sed postea jam hoc fiet, 273. die decimo quarto pene integer permanet, ubi major albuminis portio absumpta, 274. intestina versus, post diem decimum quartum quomodo determinetur, 275. inter
- intestina pulli tum in abdomine concluditur, atque etiam post exclusionem, 260, 261. 277. confer 320. 474. et cui bono hoc fiat, 320. nutrit pullum adjuvante albumine, estque tantum alimentum remotius, cum albumen propinquius sit, 260, 261. 319, 320, 321.
- Vitriolum utero injectum, quae symptomata excitaverat, 568.
- Vivipara animalia, ubinam generantur, 183. quomodo differunt ab oviparis, 182, 183. 278, 279. cur quaedam et ovipara alia, 484, 485. plura foetum cum secundis excludunt, mulieres etiam aliquando, 552.
- Viviparorum generatio, 481 et seq.
- Vlackveld Joannes, HARVEI ad eum epistola, 634, 635.
- Vlcus in utero, qua ratione sanatum, 568.
- Vmbilicus ex venis, jam die quinto vel sexti initio, 266.
- Vox pulli die vicesimo incubationis in ovo adest, 258.
- Vreteres avium ad podicem extenduntur, 209. ubinam terminentur, 196.
- Vrina avium parca, et cur, 210. in communem cloacam, in podice, cum faecibus descendit, 193, 194, 195. simul quoque egeritur, et faecium exitum faciliat, 195. 210. hypostasin copiosorem obtinet quam viviparorum, 210. haecque argentei coloris est, ibidem. adest etiam in serpentibus, aliisque oviparis; praesertim iis quorum ova duriore cortice obducuntur, ibidem. in ureteribus consistentiae est, instar lactis coagulati, ibidem. cito in crustam extra corpus concrevit, ibidem. una cum sedimento albo in cloacam

- acum descendet, 223. an pars ejus alba, lucida, ad testam ovorum producendam infervit, 224.
- Vrina foetus, an in chorio continetur, 577, 578.
- Vteri cervix, vid. Vteri orificium.
- Vteri membranae et humores, foetum involvantes, 570 et seq. orificium ejus nimium constrictum saeva inducit symptomata, 567. dilatabile adeo cur sit orificium ejus, 559, 560, 561. molle et apertum, cum male olentibus lochiis, post partum quid indicet, 566.
- Vteri ferendi tempora in variis animalibus varia, 543, 544. atque etiam in muliere, 545 et seq. vid. Gestationis tempus in viviparis.
- Vteri prolapsus furorem uterinum et hysterica symptomata aliquando curavit, 564.
- Vterinus furor, vid. Furor uterinus.
- Vterus avium quomodo ad podicem situs, 211. ovum in eo digitis percipi potest, ibidem. cervarum et damarum 487 et seq. quomodo mutetur post coitum, eoque peracto mense Septembris, 496 et seq. quomodo mense Octobris, 498 et seq. quomodo mense Novembris, 502 et seq. quomodo mense Decembris, 513 et seq. 519.
- Vterus gallinae levis in quo ovum perficitur, albumine cingitur, et testa contegitur, 207. una cum processu suo per mesometrium quomodo dorso alligatur, 213. a parte exteriori describitur, 192 et seq. exquisitè describitur, respectu situs et fabricae et caetera, 210 et seq. est superior et inferior, 184. inferior quæ proprie uterum ad podicem situs, 211. ultro describitur, ibidem. ejus figura interna ovalis, ibidem. in gallina gravida quomodo differat ab utero gallinae virginis, ibidem. cellulas multas habet, ex uteri replicatione, ibidem. orificium ejus describitur, 196. superior processus uteri dictus ab HARVEIO, uterus secundus a Fabricio describitur, 211, 212. uterque humore albugineo abundat, 214. quanam ejus constitutio in gallina foetante, 213, 214. in eo statim a coitu, nihil plus conspicitur quam ante coitum, 347.
- Vterus mulierum, a cervarum utero ut differat, 490, 491. praecipuum conceptionis organum, 592. ovum, quasi intus, permanens est, 562. quomodo variis temporibus, et variis de causis, variet, ibidem. mire constitutus, quod ita dilatetur, atque iterum contrahatur, 559, 565. cervicem admodum dilatabilem habet, 559, 561. sensus acerrimi est, et facile se claudit, 568. a vitrioli injectione se contrahens symptomata hysterica produxit, ibidem. partui quid tribuat, 554, 555. 558. ante partum quantum increcat, ad partum matura descendit, emollitur, aperitur, 542. post partum quamdiu purgetur, 568. procidit a causa irritante, ut intestinum rectum a tenesmo molestatum, 564. si praeternaturale quid in eo permanferit, post partum, non claudit orificium suum, 566. in virginibus qualis, et quomodo mutetur, 563, 564.
- Vterus piscium nullus, praeter ovarium, 188. nec necessarius, quia ova foris incrementum sumunt, 88, 89.
- Vulnere curato, morfu canis rabidi facto, horrenda tamen supervenisse symptomata expertum est, 72, 73.

INDEX RERVM.

673

Vulva gallinae, five tranſitus ad matri-
cem, eſt trajectus adeo implexus, ut
via ad uterum nec peni pateat, nec
femini, ne quidem ſtilo, fetae, vel aëri,
licet e matrice foras ingens ovum
haud magno negotio illac prodeat,

202. uteri cervarum et damarum
qualis, 487, 488, 489.

BY-WATERS in gravidis, quid,
578.

EMENDANDA.

pag.	lin.	pro	lege
26.	11.	branchias	bronchia
33.	1.	32	23
225.	7.	albamentum,	albumentum;

LONDINI,
EXCVDEBAT GVILIELMVS BOWYER,
MDCCLXVI.

E M E N D A N D A.

<i>pag.</i>	<i>lin.</i>	<i>pro</i>	<i>lege</i>
ii.	25.	loco	locum
	<i>ult.</i>	chirurgicam	chirurgiam
x.	<i>penult.</i>	fenfim	fenfim
xiv.	<i>antep.</i>	<i>diu</i>	<i>diu</i>
xxvi.	1.	et quibus	ratione, et quibus
xxx.26—29.		non tamen ut—tueatur	non tamen, ut—tuetur
xxxi.	6.	una	unam
47.	27.	adductis	adducti
48.	10.	vafibus	vafis
71.	<i>antep.</i>	vafibus	vafis
127.	15.	pradicatore	praedicator
283.	<i>penult.</i>	caetera	caeteris
318.	10.	istaec	isthaec
	18.	gallinaceum	gallinaceum
323.	15.	perpetuantur	perpetuatur
327.	4.	et	[quae]
356.	18.	simpliter	simpliciter
513.	7.	queas	nequeas
548.	2.	frustratim	frustatim
580.	8.	hic	haec
589.	<i>ult.</i>	exiftractos	extractos
603.	4.	princium	principium